



Ms. 004



UNIVERSITEITSBIBLIOTHEEK GENT



900000102836

Digitized by Google



ISBRANDI de DIEMERBROECK

*Med. Doct. & Profess.*

# TRACTATUS DE PESTE,

In quatuor libros distinctus ;

Truculentissimi morbi Historiam ratione &  
experientiâ confirmatam exhibens.

*Ab Auctore emendatus, plurimisque in locis adauctus.*



AMSTELÆDAMI,  
Typis JOANNIS BLAEV.  
M. DC. LXV.





ILLVSTRISSIMIS,  
POTENTISSIMISQVE  
HOLLANDIÆ  
WESTFRISIÆQVE  
ORDINIBVS,  
PATRIÆ PATRIBVS,  
S. P.



Icut magni fieri solet Medicus, qui non suo, sed languentis ægri commodo studet; & navis gubernator, qui eorum quos vehit utilitati consulit; ita quoque Vestra, P. C. nunquam fatis laudanda est sollicitudo, qui ad regiminis clavum constituti, dies noctesque conservationi Reipublicæ & Patriæ invigilatis: utque ejus integritatem tueamini, in omnes partes oculos continuè

# DEDICATIO.

circumvertitis , ut si fortè hîc illic mor-  
 bidi & noxii quid subrepere videatur , il-  
 lud in ipso principio , antequam altas ra-  
 dices agat , Vestra singulari cura statim  
 repelli & extingui possit. Hinc tandem  
 factum , quod , cum diram Pestem hac  
 tempestate per Hollandiæ Provinciam di-  
 spergi , magnamque incolis non jacturam  
 modò , sed & stragem minari observare-  
 tis , prudentissimo consilio , convocatis  
 peritissimis Provinciæ Vestræ Medicis ,  
 quomodo isti truculentissimo hosti oc-  
 curri , ejusque jam sævientis impetus in-  
 fringi , atque sisti , posset , inquisiveritis.  
 Qua in parte adversus contagii propaga-  
 tionem saluberrima quædam media ab  
 ipsis suppeditata , & Vestra auctoritate  
 promulgata sunt. Verum cum illa sola ad  
 tanti hostis debellationem & expulsio-  
 nem sufficere non posse, vix quispiam itu-  
 rus sit inficias ; meas esse partes putavi ,  
 in commune omnium , atque imprimis  
 Vestræ jam laborantis Provinciæ , com-  
 mo-

modum , huic operi etiam meam admo-  
vere manum , ut ea quæ desiderantur me-  
dia ad sævissimæ luis suppressionem , non  
ægris solum , aut sanis , Medicinæ imperi-  
tis , sed plurimis quoque Medicis , in arte  
nostra peritis quidem , verum in hujus  
fortè rarioris ac perniciosissimi morbi im-  
pugnatione minus exercitatis , larga ma-  
nu , è nostræ praxeos & experientiæ pe-  
nu , suppeditarem. Quod arduum nego-  
tium spontè , nullo petente , lubens susce-  
pi ; partim ut hoc tempore Provinciæ  
Vestrae , plurimisque urbibus miserè jam  
pestilenti lue contaminatis , succurrerem :  
partim quia hac in parte felicius quid à  
me , in his castris exercitato , quam à mul-  
tis aliis præstari posse , existimavi. Sicut  
enim in acie nemo hostium consilia faci-  
lius illudit , eorumque vim melius infrin-  
git , quam qui longo usu eorum bellandi  
mores exploravit ; sic huic atrocissimo  
morbo nemo certius resistit , quam qui  
diu consiliis & armis medicis ejusdem  
furori

## D E D I C A T I O.

furori se impavidum objecit : quemadmodum illud diu antehac à me factum fuit, annis 1635, 1636, 1637, cum gravissima pestis, qualis vix unquam similis in Belgio visa fuit, Superiorem Inferioremque Germaniam miserrimè affligeret, atque in Geldros, & imprimis in Noviomagenfes (quibus tunc temporis Medicus ordinarius eram) immanè quantum debaccharetur, meque propter ægrorum invifendorum copiam innumerabilem, continua inquietudine exagitaret. Quo tempore crudelis illius hostis naturam & mores, summo cum vitæ periculo, curiosissimè perspexi & indagavi, ejusque hoc libro (cujus incomptum prodromum ante aliquot annos ubique terrarum à viris doctis læta fronte exceptum fuisse, intelleximus) depictam imaginem, in communem omnium, & præcipue Hollandorum, salutem, nunc publici juris facio. Quem librum, P. C. amore Vestræ Reipublicæ, nunc ad summam perfectionem deductum,

## D E D I C A T I O.

ctum , & in lucem editum , cum summa animi submissione, & studio erga Vos officiosissimo , Vobis, ad clavum Reipublicæ positus, offero, Vobis dedico & consecro, Vestræque tutelæ committo, utpote quos publico commodo studere , aliorumque labores , publici commodi ergo susceptos , minimè aspernari solere, nemo non novit. Hanc ergo meam medicam adversus pestilens virus medendi methodum, & refertam remediorum officinam, ut serena fronte suscipiatis , rogo. Interim ut Vos, Vestramque Rempublicam à tristi hac calamitate citissimè liberet , & perpetuum incolumem servet Altissimus Deus , precor ,

*Illustrissimis Vestris Eminentiss*

devotissimus

ISBRANDVS de DIEMERBROECK.

B E-

# BENEVOLE LECTOR,

**Q** Vos antehac, cum plurimorum stupore, ex ipsius Cerberi faucibus satis audacter eripui bolos, illos nunc pluribus gratis offero, nempe observationes meas de Peste, quas olim in truculentissima Noviomagensium peste, summo cum vita periculo collegi. Hunc meum laborem paucis quidem destinaveram, sed ne viderer communi saluti invidere, eundem omnibus communicandum sensi, propterea quod multi praestantissimi Medici, exitialis contagii metu deterriti, à curiosiore multarum rerum, in peste omnium maximè notandarum, inquisitione abstinerint, atque hinc Pestis historiam satis accurate non descripserint, & varia quidem usu observata tradiderint, sed interim innumera alia, quæ ipsis videre non contigit, partim ex incerto aliorum relatu, partim pro suis singuli speculationibus diversimode adjunxerint, alique ex aliis rursus exscripserint, & solummodo diversissimis theoreticis rationibus, aliorumque auctoritatibus confirmare conati fuerint. In quibus cum varia animadverterem, tam in mali cognitione, quam in curatione, quæ experientia minus responderent, hunc meum à multis diu exoptatum de Peste tractatum, nunc magis quam in prodromo, ante aliquot annos edito, perpolitum, multumque adauctum, publici juris facere volui, hoc imprimis tempore, quo dira Lues Inferioris Germania Provinciis bellum minari videtur: ut ille aliis quibuscunque Medicis, pestiferorum curationi, hic aut ullibi terrarum, incumbentibus, ex usu esse, melioremque, quam hactenus ab aliis tradita est, præcautionem ac curationem ostendere posset. Lector autem percipiet, me in toto hoc tractatu non tam in probandis aut improbandis veterum & recentiorum scriptis, ac in sermone expoliendo laborare, quam ipsius morbi veram naturam, morem, cognitionem, præcautionem, ac curationem inquirere, & hac in parte me plurima longè aliter, quam multi alii antehac fecerunt, explicare, eaque partim clarissimis rationibus demonstrare; partim meâ, aliorumque doctissimorum virorum, cum veterum, tum neotericorum, experientiâ confirmare.

In



## P R Æ F A T I O.

*In quibus omnibus si fortè adhuc obscura quadam supersint, aut talia inveniantur, qua ad votum à me non satis perfectè potuerunt declarari, non est quod quispiam miretur, quandoquidem in hoc morbo divinitatis involacro multa obteguntur, quæ nos præstat pio animo ignorare, quam arrogantè spiritu explicare velle. In cæteris tamen, monente Galeno, lib. de usu respir. cap. 1, audendum, & veritas investiganda, quam etiamsi in omnibus non assequamur, omnino tamen propius, quam nunc sumus, ad eam perveniemus. Ut autem qualibet hujus morbi mysteria fieri possint notiora & clariora, omnes Medicos rogatos velim, ut si aliquid melius, quod ad majorem ejus dissolutionem facere possit, invenerint, vel observaverint, illud humaniter & liberaliter in medium conferre dignentur. Interim quæ scripsi, Candide Lector, boni consule, & Vale.*

\* \* \*

E P I.

# EPIGRAMMATA,

In Experientissimi Doctissimique

D. ISBRANDI DE DIEMERBROECK,

*Med. Doct. & Profess.*

TRACTATVM DE PESTE.

## I.

**H**orrida luctificæ pridem contagia Pestis ;  
Et Batavum grassans sensimus urbe malum.  
Vt Cancris & rabidi deferbuit ira Leonis ,  
Visus & Icarias Sol superasse minas ,  
Mox gravis à Tungris exercitus incubat ; illic  
Pro Cereris spicis spicula dira volant.  
Vim primæ sensere luis florentia Galli  
Corpora , sed lentâ detenuata fame.  
Succedunt Batavi , morbo mortique dabantur :  
Quæ sine tabe foret vix erat una domus.  
Saviit Autumnus, nivibusque extinguere flammæ ,  
Nec toto potuit turbida Bruma gelu.  
Vere calor rediit novus , & philomela sub umbra  
Qua cecinjit , fœdus tristia bubo gemit.  
Pro Flora Libitina ruit. Non Pleias amicum  
Conspecta est terris expediisse caput.  
Non alius Majo mensis mage lethifer : ipsi  
Tyndaridæ fratres fulmina pestis erant.  
Vecta catervatim manantia corpora tabo ,  
Frigida communi cespite clausit humus.  
Vidimus , & meminisse piget , certamina tristi  
Pro feretro , & laceriq; ora cruenta genis ;

Funera

Funera funeribus densari, mortua vivis  
 Corpora corporibus mista jacere toris.  
 Hic quoties medius tunc **DIEMERBROECKIUS** inter  
 Adstitit, atque ægris pocula fida dedit!  
 Votivam hic meritò tabulam suspendit, ut ejus  
 Tu quoque sis cladis, qui legis ista, memor.  
 Nil metue: & bubo, & carbunculus aure vel alis,  
 Aut alia innocuus nunc tibi parte patet:  
 Antidotique patent species, & pharmaca. Pesti  
 Forsitan & pestem pagina docta feret.

I. SMITIVS,

*Pastor Ecclesie Noviomagensis.*

II.

**Q** Vis sacrum queat explicare morbum?  
 Qui spargens varias Dei sagittas,  
 Ferit mille modis volante telo,  
 Grassans dissimili necatione:  
 Qui quos corripuit suo veneno,  
 Hos ipsos quoque vertit in venenum,  
 Nec curam patitur medentis ægro,  
 Ægrum quin faciat simul medentem.  
 Tanti forma mali lateret ergo,  
 Alcides nisi quis timore pulso,  
 Diræ cominus obstitisset hydræ,  
 Observans oculo laborioso,  
 Et notans bene multiforme monstrum,  
 Nec stratus tamen impetentis ictu.  
**DIEMERBROECKIADES** quod ausus unus,  
 Tunc cum nobilis urbs Neomagorum  
 Hoc oppressa malo jaceret, uni huic  
 Credens innumeros misella cives,

Queis ille omnibus adfuit medendo.

Hinc quæ curâ adeo periculosa  
Spretis perdidicit tamen periculis,  
Testis nunc oculatus edit Orbi;  
Dignus perpetuûm virente cedro.

At cum feceris ista, DIEMERBROECKI,  
Intactus tamen integerque, nec te  
Ægris agglomerarit illa cura,  
Quis curam neget esse te Ichovæ?

A. MOL, I. C.

I I I.

**N**on levis est virtus inimici prodere mentem,  
Quoque magis possit, scire, nocere modo.

Hactenus infesta latuit quod peste venenum,

Nunc DIEMERBROECKI sedulitate patet.

Viribus occultis animosior undique strages,

Quæ dedit & morti spicula multa, lues,

Illa modo in lucem protracta nocere timebit,

Nec tot, ut ante dedit, funera seva dabit.

Adde quod antidotis inunitus miles, ab illo

Hosce, istoc Medico nunc magis tutus erit.

Si tamen incautum prosterнат, vulneret, ecce

Pharmaca grassanti certa parata malo.

Pharmaca lethiferum virus quæ ritè coërcent,

Non magis ut possit triste nocere malum.

Addita, ne dubites, certa experientia scriptis,

Et quod ei specimen pestis acerba dedit,

Ergo stude, PESTIS, sævas compescere flammæ,

Fons DIEMERBROECKI plus valet igne tuo.

G. COETS,

*Reipublica Arnhemienfis Medicus ordinarius.*

IV. Dira

## I V.

**D** Ira lues, funesta lues, crudelior Orco,  
 Aurâ quæ superas cuncta venena truci:  
 Cur toties populos numerosa strage perisse  
 Vidimus, & tantos occubuisse viros?  
 Indoctus morbum hunc monstrosum curat agyrta,  
 Et, quot pœnè lues, tot necat ille homines.  
 Sed tu qui veram Medicinæ diligis artem,  
 Et non plus tibi, quam vivere vis aliis,  
 Hos lege, quos crebro tibi **DIEMERBROECKIUS** usu  
 Conscripsit magna cum utilitate libros.  
 Non hic conspicias laudes vanasque stupendasque,  
 Vt multi celebrant pharmaca, inepta licèt,  
 Sed doctam praxin, depromptam ex Arte medendi,  
 Et certa methodo; quæ Medicinæ anima est.

H. GESSELIVS,

*Ated. Doct.*

## V.

**V**ivit in æternum Medicinæ verus amator,  
 Qui præbet medicam, quicquid opus, aptus opem.  
 Hujus testis erit **DIEMERBROECK**, arte Galenus,  
 Ipse Plato vitâ, Tullius ore gravis.  
 Hic patriæ Hippocrates, decus insuperabile Phœbi,  
 Edidit hoc plenum frugis & artis opus.  
 Hoc ipso post fata cupit prodesse relictis,  
 Et tunc morborum languor asylon habet.  
 Præsentis dirimit morbos, tollitque futura  
 Noxia, præsentis ore, futura manu.  
 Vt miseris, doctrina dedit, succurrere posset,  
 Vt vellet, Virtus fecit, utrumque Deus.

H. van RENTSEN,

*Lib. Art. & Philos. Magister.*

# E P I G R A M M A,

ad Experientissimum Clarissimumque Virum,

D. YSBRANDVM DE DIEMERBROECK,

*Med. Doct. & ejusdem in illustri Vltrajeclinâ Acad. Professore  
dignissimum; Libri hujus Authorem laudatissimum.*

C Vm commissâ foret nostris Correctio curis,  
DIEMERBROECKI, Operis, Pæone nate, tui,  
Quod scripsi de PESTE: equidem sic ore precabar:

Talia Collegæ, vota, mihiqve, vovens:  
*Pestilitas, quæ fæda lues, & turpis habetur,  
Prodeat ut vitiis incommitata, paro.*

*Ergò meas operas maneat quæ Gratia? né me  
Tangat, & immunem me quoque labe sinat.*

Ad finem perducta Operis correctio. Peste  
Quod modò correptis utile prodit Opus.

Cum Peste, & sine Peste tamen modò vivit uterque:  
Et neutrum tetigit dira, tuente Deo.

At sparsim erratum? dices. sed crimine parvo.

Tum, non Argum, hominem me Tibi sisto libens.

Adde quòd à denâ modò nunc trieteride, Labis,  
Inguine, pestiferæ stigmata & ipse feram.

*Samuel le Rousseau,*

Poëta L. Cæf.

# SERIES CAPITVM

cujusque libri.

## LIBRI I.

- Caput I. **D**E Pestis nominibus. pag. 1.  
II. **D**E Pestis definitio. 2.  
III. De pestis Noriomagensis principio, vigore, & fine. 8.  
IV. De pestilentia subjectis. 9.  
V. De nonnullis qua in hac peste notanda occurrerunt. 12.  
VI. De signis pestem antecedentibus & prasagientibus. 14.  
VII. De signis & symptomatibus pestem concomitantibus. 17.  
VIII. De pestilentia causis. 23.  
IX. De pestilentis inquinamenti processu. 55.  
X. De contagio. 57.  
XI. De causis infectionis. 69.  
XII. De causis febris pestilentis qua pestem comitatur. 73.  
XIII. De causis symptomatum pestis. 82.  
XIV. De causis bubonum, carbunculorum, & exanthematum. 84.  
XV. De prognosticis. 97.

## LIBRI II.

- Caput I. **D**E praeservatione in genere. pag. 107.  
II. **D**E prophylaxi Theologica. 107.  
III. De prophylaxi Politica. 110.  
IV. De prophylaxi Medica in genere: & de fuga. 123.  
V. De prophylaxi diatetica, & primo de aere. 129.  
VI. De cibo & potu, repletionem & inanitionem, balneis & vestimentis. 137.  
VII. De somno & vigiliis, motu & quiete, ac animi pathematis. 147.  
VIII. De prophylaxi Chirurgica. 150.  
IX. De

- IX. *De prophylaxi Pharmaceutica; & primo de purgatione.* 153.  
 X. *De antidotis internis.* 156.  
 XI. *De antidotis externis.* 171.  
 XII. *De meo ipsius vivendi modo.* 179.

### LIBRI III

- Caput I. **D**Ecuratione in genere. pag. 181.  
 II. *De diata peste laborantium.* 182.  
 III. *De auxiliis chirurgicis.* 187.  
 IV. *De purgationibus.* 191.  
 V. *De antidotis & sudoriferis.* 196.  
 VI. *De curationis methodo.* 225.  
 VII. *De symptomatum pesti conjunctorum, & primò de curatione febris.* 231.  
 VIII. *De curatione doloris capitis, delirii, vigiliarum, & nimii soporis.* 232.  
 IX. *De curatione anxietatis, debilitatis, siccitatis lingua, vomitus & singultus.* 235.  
 X. *De curatione hamorrhagia narium, menstruorum, & sputi cruenti.* 238.  
 XI. *De curatione alvi fluxus & lumbricorum.* 240.  
 XII. *De curatione bubonum pestilentialium,* 243.  
 XIII. *De curatione carbunculorum & exanthematum.* 253.

### LIBER IV

**C**ontinet centum & viginti historias agrotorum peste laborantium. 257.

### NOTA,

Vbicunque in textu capituli numeri alicujus character, parenthesi inclusus, insertus reperitur, ad illum locum, seu illa verba, respondere annotationem sequentem eodem numero notatam.

DE



# D E P E S T E,

## LIBER PRIMVS.

### C A P. I. De Pestis nominibus.

**D**Esripturus historiam truculentissimæ illius Pestis, quæ annis post Christum natum 1635, 1636, 1637, totum Belgium, maximamque Germaniæ Superioris partem diris furiis peragravit, & imprimis Geldriæ provinciam, atque in ea omnium maximè civitatem Noviomagensem anno 1636 miserimè afflixit, pauca quædam de morbi hujus nominibus præmittenda esse judicavi.

Quemadmodum crudeles Tyranni, magnique Principes plurimis heroicis titulis donari solent, ut ex iis eorum excellens potestas clarissimè queat innotescere: sic etiam magno huic morbo varia nomina attributa fuerunt, quibus crudelissimi Tyranni perniciosissima vis & natura manifestissimè indigitatur. Græcis appellatur λοιμός (1.) ὀλέθρον (2.) ἑπιδημία (3.) vel ἡ νόσος ἐπιδημία: etiam νόσος (4.) simpliciter, & νόσος Θεῶν, (5) Latinis nominatur *Pestis* (6.) & *Pestilentia*: *Lues* (7.) & *Contagium* (8.) Lucretius & Paracelsus vocant *Pestilentiæm*.

### A N N O T A T I O N E S.

I. **A**ppellatur λοιμός, ὅθεν τὸ λοιπόν, id est, à deficiendo, quia hominum defectus inducit; seu, ut aliis placet, ὅθεν τὸ λιμὸς, id est, à fame, indigentia, vel quia hominum penuriam seu famem parit; vel quia post famem seu annonæ caritatem non raro sequi solet: secundum Græcum proverbium, λοιμός καὶ λιμὸν, *pestis post famem*. Etiam appellatur λοιμικὴ νόσος, & ἡ λοιμώδης ἀσθένεια.

II. Ὀλέθρον, ab ὀλέω, pessundo, quod plurimos pessundet.

III. Ἐπιδημία, popularis, vel vulgaris, quia maximè communis existit. Scien-

dum tamen Pestem ita solummodo vocari per excellentiam; nam differentia est inter morbum vulgarem & pestilentem. Vulgaris enim, est quilibet morbus qui in una regione eodem tempore multos invadit (tales morbi sæpe sunt variolæ, morbilli, colica, dysenterix, &c.) Pestilens verò morbus est, qui non solum plurimos invadit, sed eorum maximam partem occidit. Ita ut morbus pestilens sit species morbi epidemii, seu vulgaris, eaque pessima, utpote qui morbus non tantum communis est ratione causarum manifestarum & externarum; ve-

A

rum

rum etiam absque illis causis communis esse potest ratione suæ occultæ malignitatis & contagiositatis. Dico, *esse potest*, nam licet unus solus sit peste infectus, inde tamen non licet concludere, illum peste non laborare; quia communiter plures ea non laborant: sufficit illi inesse potentiam malignum morbum contagio diffundendi ac communicandi, licet actu nondum communis sit.

IV. *Nōs*, *νός*, *nos*, tanquam morborum omnium maximus ac potentissimus. Ita etiam Gallis per excellentiam appellatur *La maladie*, Italīs, *il morbo*.

V. *Nōs* *Θεῦ*, *morbus Dei*, seu *divinus*, non tantum quia occultum & incognitum quid in se continet; verum etiam quia iustissima ira Dei mortalium delicta non raro punire solet immisso-  
ne huius morbi.

VI. *Pestis*, à depascendo appellata: & Isidorus, lib. 4. cap. 6. *Pestilentiam* quasi *pastulentiam* dictam fuisse refert: quia, scilicet, instar immanissimæ feræ humanum genus absumit & depascit: unde Galenus, *de tberiaca ad Pison*. inquit, quod *pestis*, ceu fera quædam venenata, non paucos aliquos miserè

perdat, sed totas civitates depopuletur. Vocabulum autem *Pestis*, non semper uno modo sumitur. Interdum in genere sumitur pro quocunque morbo vulgari; qui multos interimit: sic Galenus, 3. *epid. com.* 3. *text.* 20. inquit: *Non est certum morbi nomen Vulgare, vel Pestilens: ceterum quicumque in uno loco multos simul invadit, Vulgaris hic vocatur: qui si simul hoc habeat, quod multos interimat, Pestilens est.* Interdum specialiter significat Pestilentiam, & nonnunquam Pestilentem constitutionem. Sæpe quoque *Pestis* nomen detorquetur ad omne id quod in perniciem & detrimentum alicujus rei cedit: sic Cicero inquit: *Tam detestabilis pestis nulla est, quæ non homini ab homine nascatur.* Alibi malos consules imperii pestes, Catilinam reipublicæ pestem, pecuniæ cupiditatem, pestem in amicitia nominat. Ita quoque Terentius, lenones juventutis pestes; & Seneca invidiam pestilentem vocat.

VII. *Lues*, simpliciter per excellentiam, propterea quod magis & vehementius quam ulla alia lues polluat.

VIII. *Contagium*, à contingendo, propterea quod contactu inficiat.

## C A P. I I. *Pestis definitio.*

**C**Um definitio, teste Cicerone, sit rerum operatarum & incognitarum, quasi patefactio, qua quidnam aliqua res sit, aperitur: etiam hinc à *Pestis* definitione incipiendum est, ut de quasi morbo acturi sumus, clarius innotescat.

Est autem *Pestis* (1.) morbus (2.) communissimus (3.) peracutissimus (4.) perniciosissimus (5.) & maximè contagiosus (6.) ex maligno & occulto (7.) spiritibus calorque nativo tora substantia infestissimo inquinamento ortus, à quo omnium viscerum, & imprimis cordis (8.) functiones læduntur.

## ANNOTATIONES.

**I.** Quercetanus, in *Alex. cap. 1.* definit pestem, quod sit morbus epidemicus contagiosus, venenatus, & perniciosus, qui omnes quidem in genere corporis spiritus, imprimis vero cor, arcem vite, cum dependentibus ab eo spiritibus aggreditur. Minderus illam sic definit: *Pestis est lues venenata, summeque lethalis & contagiosa, cor primario afficiens, febre, bubone, anthrace, aut exanthematis ut plurimum comitata.* Hermetici definiunt pestem hoc modo: *Pestis est morbus astralis, igneus, ac contagiosus, qui venenato suo vapore, cum spiritu arsenicali aut napellino, corporis meatus subintrans, cistis omnium spirituum principalia subiecta, cor scilicet, cerebrum & hepar, occupat, eaque malignitate & acritate sua inficit, corruptis ac dissolvit; & tandem sulphuris accensis adminiculo sal sub auribus, aliis, ac inguinibus coagulando, varia apostematum genera, ut sunt bubones ac carbunculi, protrudit.* Hæc Hermeticorum definitio plurimas patitur objectiones; in ea tamen non male venenum pestilens assimilatur veneno arsenicali & napellino, ab effectu similitudine, quam latius exponit Quercetanus in *Alex. cap. 6.* Iulius Palmarius, Angelus Sala, alique multi pestem definientes, dicunt, illam esse febrem peracutam, contagiosam, malignam, & communiter grassantem. Quæ definitio pestis planè non convenit, cum febris propriè non sit de essentia pestis, sed ab illa separabilis, ejusque symptoma, ut *cap. 12. annot. 2.* latius docebimus.

**II.** Morbi quicunque eodem tempore multos invadunt, vel sunt dispersi (quos *Sporadicos* appellant) id est, qui genere diversi, in una vel pluribus regionibus grassantur, multosque infestant, ut si eodem tempore multi ophthalmia, hydrope, colica, dysenteria, aliisve morbis laborent. Vel sunt commu-

nes. Horum autem sunt alii *Endemii*, qui inquilini, patrii, ac vernaculi dicuntur, & sunt alicui regioni solummodo communes & perpetui, qualis est Phthisis in Lusitania, elephantiasis in Ægypto, scorbutus in maritimis Septentrionalibus, quartana in Zelandia. Alii vero sunt *Epidemii*, qui in una pluribusve regionibus pro tempore dominantur, & postea desinunt, quia regioni non sunt patrii & familiares. Atque hi vel sunt *miiores*, vel *perniciosi*. *Miiores* magna ex parte cum salute ægrotorum finiuntur, nec tam multos interimunt, quales sæpe sunt, variolæ, morbilli, febres quædam putridæ, dysenteria, peripneumoniarum communes (quales observavit Dodonæus *observat. med. c. 21.*) colli tumores (quales observavit Wierus) tusses, & catarrhi, quales communiter vagasse notavit Forestus *lib. 6. observat. 3.* *Perniciosi* vero plurimis sunt lethales: hos Græci *λοιμωδεις*, hoc est, pestilentes appellant, quales sunt, febres pestilentes, dysenteria pestilentes, angina & peripneumoniarum pestilentes (quales se vidisse refert Wierus) alique similes, quibus præcipuè ipsa pestis annumeranda est, quia est morbus communissimus maximeque letalis. Porro hic inquirendum venit: Cum duo sint morborum genera, nempe morbi intemperiei, & pravæ conformationis; ad quam classem pestis referenda sit? Certum est non esse morbum pravæ conformationis, cum non consistat in vitio magnitudinis, numeri, situs, nexus, aut continuitatis (tumores enim & ulcera non sunt ipsa pestis, sed producta pestis) ergo eam esse morbum intemperiei, quam classem Mercurialis ei etiam adscribit. Intemperies autem duplex est, alia materix, alia totius sub-

stantiz. Hanc multi vocant Intemperiem formæ. Fernelius totam rei substantiam appellat insitum calorem, facultates, ac formam, quæ junctim perfectionem & integritatem, qua res unaquæque consistit, constituunt. Hæc autem totius substantiæ temperies quoties immutatur, & de perfectione recedit, (quod citissimè, & quasi in momento fieri posse docent multa venena) res tota subitò perfringitur, atque illa illius temperiei recessio est morbus totius substantiæ. Sic Galenus lib. 2. ad Glaucon. cap. 2. scribit, *immoderate laxantia robur solvere, refrigerantia calorem extinguere, & qualitates extraneas vim ac facultatem debilitare.* Quo loco in partibus corporis duas intemperiei species manifeste constituit, alteram manifestam, alteram occultam seu totius substantiæ. Ex. gr. ventriculo intemperies humida inducitur à multo pinguium, humidorum, & laxantium usu; frigida verò à largo frigida potu, aliorumque frigidorum usu: quæ duæ intemperies instrumentum ad debitum officium, nempe coctionem, ineptum reddunt. Sed totius substantiæ intemperies ventriculo imprimitur, cum à veneno, aliave re occulta ejus calidum innatum affligitur vel extinguitur, à quo calido ipsius actionis principium dependet. Quia autem pestis hoc calidum innatum cum suo subiecto, scilicet humido primigenio, præcipuè impugnatur, hinc necessario referenda est ad illos intemperiei morbos, qui occulti, seu totius substantiæ appellari solent.

III. Dico, *esse morbum communissimum*, quia plerumque omni ætati, sexui, & temperamento communis existit, iis in locis ubi grassatur, quod aliis epidemiis morbis tam familiare non est. Morborum autem alii sunt communes actu, alii etiam potentia; utrique à communi causa inducuntur. Sed illi

ab illa sola causa foveantur, neque se ipsos diffundere valent, sicut interdum à certa quadam aëris dispositione, vel communi victu, angina, catarrhi, tussis, aliive morbi communes, sed minime contagiosi, inducuntur. Hi verò, vel jam actu communiter grassantur; vel posito communiter non grassari, habent tamen in se potentiam se ipsos contagio diffundendi & communes faciendi: & horum ordini etiam pestis annumeranda est, ut dictum præcedente capite, annot. 3. Haly dicit, *Pestem esse morbum multiplicem, pluribus eodem tempore communem.* Multiplicem autem & communem appellat, propter duas rationes. 1. Quia sola non manet, sed statim post invasionem illi plures alii morbi adjunguntur, ut febres, carbunculi, bubones, syncope, &c. qui tamen morbi non sunt de essentia pestis, sed eam insequuntur & comitantur, ut ejus symptomata. 2. Quia tempore pestilentis pestis adjungitur & communis fit omnibus fere morbis, ita ut tunc vix ullus alius morbus peste incomitatus conspiciatur.

IV. Morbi acuti dicuntur qui celeriter & cum vehementia ac periculo cursum suum absolvunt. Hos Medici dividunt in tres ordines, scilicet in acutos, acutissimos, & peracutissimos. Acuti sunt illi qui plerumque ad vigesimum diem protrahuntur, eoque spatio vel desinunt, vel ægros occidunt: si ad trigessimum vel quadagesimum diem excurrant, tunc appellantur acuti ex decidentia. Acutissimi sunt illi qui ad quartum, vel septimum, rarius ad decimumquartum diem extenduntur, ut pleuritis, peripneumonia, cholera, angina. Peracutissimi sunt illi, qui citissimè ad vitam vel mortem moventur, & raro ad quartum, rarius ad septimum diem protrahuntur, quales sunt, apoplexia, pestis, sudor Anglicus.

V. Dico,

V. Dico, *perniciossissimus*, quia nullus unquam morbus cognitus fuit, qui tantam stragem in genere humano edit, sicut pestilentia: quod non tantum hominibus obvia exempla docent, verum illud ipsum, præter Sacras literas (quæ super hac re videri poterunt Exodi cap. 5. Levitici cap. 26. Ieremias cap. 14. 37. & 51. Isaia cap. 37. Ezech. cap. 5. & 14. 2. Regum cap. 24. & 4. Regum c. 19.) etiam ex Historicorum scriptis passim liquet. Eusebius, in *Chronic.* refert in illa peste quæ sub Vespasiano & Commodo Imperatoribus Romæ sæviit, quotidie decem hominum millia interiisse. Suetonius, in *Nerone*, unius autumnii peste triginta hominum millia (ubi Lipsius putat legendum esse, 300000.) Romæ occubuisse testatur. Thucydides, Manilius, & Lucretius, adeo truculentam pestem Atheniensium describunt, qua durante neminem repertum fuisse tradunt, quem vel morbus, vel mors, vel luctus non attingeret. Sub Marco Antonio duas pestes sæviisse legimus, quibus pene ad internecionem usque humanum genus deletum est. Procopius, lib. II. de bello Persico, describit pestem, quæ in urbe Constantinopoli qualibet die quinque, & sæpe etiam decem hominum millia occidit. Illa verò pestis quæ ab anno 1343, toto quinquennio per totum terrarum orbem diris furis debacchata fuit, totius mundi dimidiam fere partem pessumdedit, ut refert Iacobus Forlivienfis, in *exposit. can. 1. Avicen. sen. 2. doct.* 12. Platina narrat sub Bonifacio VIII. plures peste fuisse mortuos, quam superfuisset vivos. De peste illa quæ sub Clemente VI. Papa sæviit, testatur Guido, quod vix quartam mortalium partem in vivis reliquerit. Petrarcha refert suo tempore, anno 1359, tantam pestem Italiam invasisse,

ut ex millenis quibusque hominibus vix decem superessent. Nicephorus, lib. 17. *hister. Eccl.* cap. 17. narrat pestem ex Æthiopia universum pene orbem invasisse, ita ut neminem fere hominum intactum reliquerit, & rotas civitates incolis vacuas fecerit. Cayri aliquando ad decem dies, spatio 24 horarum, viginti millia peste sublata fuisse, narrat Radzevilus, in *itiner. Hierosol.* Spangenbergius, in *Chronicis*, refert anno 1348 Erfordiæ una die 1500 homines peste interiisse. Michael Saxo refert anno 1453, in eadem urbe unica peste 28000. hominum millia succubuisse. Qui plures hujusmodi historias scire desiderat, ille legat Plutarchum in *vita Camilli*: Paulum Orosium lib. 7. cap. 15: Baronium tom. 2. Paulum Diaconum & Crusium part. 1. lib. 11. Leonclavium in *Pandect. Hist. Turc.* Johannem Wolsium cent. 2. memorab. *lect.* Iustum Lipsium lib. 2. de *Constant.* cap. 23. Georgium à Frunsberg in *Hist.* Funcium in *Chron.* Blondum l. 7. *Decad.* 2. Polidorum Virgilium lib. 7. Riccium Neapolitanum, Pomarium, Hedium, aliosque plurimos, qui immanissimam pestis perniciem notis historiis describunt & confirmant.

VI. Dico, *Maximè contagiosus*, ad differentiam aliorum morborum contagiosorum (ut lepræ, phthiases, luis Veneræ, &c.) quorum contagium tam facile, citò, & vehementer non dispergitur. Præterea etiam ad differentiam nullarum febrium pestilentium sine peste, quales sæpe plurimas citra ulum contagium fieri, clarissimè docet Galenus, lib. 3. de *prasag. ex puls.* cap. 4. Notandum etiam pestem dici contagiosissimam, non quod pestiferi semper alios actu inficiant (hoc enim multis de causis impediri potest) sed quod nullo dato impedimento alios inficiendi potestatem habeant.

VII. Dico, *Maligno & occulto*, quia est excellens, incognitum, ac vix explicabile inquinamentum, quod non consistit in aliquo manifestarum qualitatum excessu, sed in venenositate quadam vitæ nostræ prorsus contraria, cujus natura difficulter describi potest. Hic tamen dubitant nonnulli, an inquinamentum illud verè venenosum, aut venenum sit; putantque potius tale quid esse, quod in corpore nostro facile in venenum mutatur, vel efficit ut humores venenum fiant: nec aërem venenosum fieri, vel esse posse arbitrantur; quia si talis foret, omnes eo inficerentur, cum ejus usu nemo carere possit. Hanc partem defendit Mercurialis, qui *lib. de peste, cap. 17.* ita scribit: Dixi, *&*, *ni fallor, clarissimè demonstravi, aërem nunquam fieri posse venenatum, eodem modo quo sunt alia venena, propter animalium custodiam. Fit quidem ut aër possit esse occasio gignendis venenis, in corporibus dispositis.* Cum Mercuriali pro eadem opinione pugnat Marfilus Ficinus, *lib. epid. cap. 1.* Cum dico venenosum, inquit, hunc esse vaporem, tu ne credideris ipsam fore saltem secundum formam & totam sui naturam, quia omnes inde inficerentur: sed hujusmodi est qualitas, ut quam facillimè in veneni naturam transeat. Et propriè venenum efficitur, quando per ipsum in humano corpore certo quodam gradu putrescunt humores simul & ebulliunt. Verum hæc opinio longissimè aberrat à vero. Nam respondeo Mercuriali, pestilens illud qualecunque inquinamentum aëri immixtum, non minus illum speciali modo corrumpere & venenatum reddere posse, quam humores, nec cum hac in parte majore prærogativa gaudere quam alii quicunque humores: & quod talis venenatus aër non inficiat omnes, hoc fieri, quia ubique & per omnes sui particulas non est venenatus, atque non

ab omnibus malignus, ut neque æque venenatus inspiratur: præterea dispositionum corporum diversitas hac plurimum facit, quæ talis est, ut ab eodem veneno alii facillimè, alii planè non lædantur. Marfilio Ficino respondeo, ut inquinamentum malignum ac contagiosum in corpore humores putrefaciendo venenum fiat, quod factum vires suas exserat, tempore opus esse, cum tanta mutatio in minimo momento fieri nequeat: at è contrà experientiam docere, multos auræ perniciosæ afflatu ilico pestem contraxisse; item multos fortes ac sanos, tanquam fulmine ictos, subitò concidisse (hac de re vide *sequens cap. 12. annos. 1.*) quod tam citò fieri non posset, si prius debuisset gigni venenum, & tunc in actum prodire: nam eventus docet repentinas istas confectiones non procedere à veneno gignendo, sed jam actu genito. Ita ut pro certissimo concludendum sit, inquinamentum pestilens venenatum, imò venenum esse antequam humanum corpus ingreditur, non verò venenum in corpore fieri.

VIII. Hoc venenosum inquinamentum nonnunquam extrinsecus partibus adhærens, corde robusto existente, in iis carbunculos excizat, etsi id rarissimè contingat; quod tamen contingere, in me ipso expertus sum, qui tempore pestilenti carbunculum in sinistra manu habui, reliquo corpore prorsus sano existente; quod ipsum vidi in Capitanei famulo, ut & in illa muliere cujus memini *lib. 4. histor. 90.* Sed plerumque, simul ac corpus humanum invadit, vitalitatis primariam arcem, cor, peculiari antipathia impugnat, idque omnium gravissimè afficit; quod ex eo apparet, quia syndrome gravissimorum symptomatum, à læso corde procedentium, ut plurimum ingruit, animali sæpe facultate usque

nisque ad mortem parum labefactata. Hic quidem nonnulla repugnantia, sed admodum frivola, occurrunt, quæ videntur docere cor à veneno pestilenti primario non affligi. I. Quia multis pestiferis vitalis facultas robusta est, animali maximè læsa, ut sæpe docent deliria, sopores, &c. Sicut contigit Paræo (ut scribit *lib. de peste cap. 12.*) cum pestilentem halitum per nares ad cerebrum attraheret. II. Quia sapius venenum pestilens in aliis partibus sedem capere, easque magis quam cor affligere visum est; sicut contigit in truculentissima illa colica pestilenti, quæ tempore Pauli Æginetæ totam Italiam aliasque regiones plurimas devastavit: Sicut etiam ex gravissimo vomitu, doloribus pleuriticis, aliisque symptomatibus, id pluries contingere animadvertitur. III. Quia sapius carbunculi & bubones visi sunt absque ulla manifesta cordis læsione. Verum, nos respondemus ad *primum*, pestilens venenum per nares attractum, posse quidem primò & graviter afficere ipsum cerebrum, sed illam malignitatem non posse non statim etiam ad cor deferri; (circulatio enim sanguinis continuè procedens, etiam infectionem sanguini aut spiritibus in capite impressam, protinus cordi communicat.) idque adhuc multo gravius affligere. quod manifestissimè apparuit in Paræo, qui venenum quidem per nares hausit, sed ab illo etiam cor ilico affectum fuisse, testis erat lipothymia, quæ protinus insequabatur. Ad *secundum*: in pestilenti colica, pleuritide, aliisve pestilentibus morbis, venenum pestilens etiam primario impugnare cor; sed illud validum ac robustum existens, magnam viulentia partem à se depellere, modò ad intestina, & tum colicam; modò ad ventriculum, & tunc vomitum; modò ad pleuram, & tum pleuritidem pestilentem facere, ita ut

hi affectus tanquam symptomata, expugna cordis cum veneno pestilenti, procedant, non verò sine prævia cordis gravi afflictione, ex se ipsis oriantur. Quare autem in tali casu venenosum virus magis ad unam quam ad alteram partem propellatur; & quare in eadem parte, sumamus cerebro, in uno ægro phrenitidem, in alio soporem inducat, docebimus *sequenti cap. 13.* Ad *tertium*: bubones & anthraces sine manifesta aut notabili cordis afflictione duobus modis apparere. Primò, cum cor adeo validum est, ut venenum pestilens, simulac in ipsum irruit, ilico à sese ad partes exteriores propellere possit; in quo tamen casu ipsum cor primitus fuit impugnatum. Secundo, cum à pestilentis contagii externo contactu carbunculus contrahitur, corde robusto existente. & hostem suum eminus extra limites suos profligante: in quo casu cor quidem primitus & maximè non affligitur, sed quia hoc rarissimè, imò ex tribus ægrorum millibus vix uni contingit, non potest talis rarissimus casus communem regulam evertere. Hic adhuc aliud examinandum occurrit, scilicet, cum cor primario afficiatur, idque constet ex spiritibus, humoribus, & solidis, quodnam horum afficiatur? Dico, vel simul omnia tria, vel tantum aliqua ex his affici posse. Spiritus tamen omnium primo affici, verisimile est, utpote qui à veneno pestilenti interdum protinus corrumpuntur, interdum nimis distillantur, sed frequentius nimis concentrantur, atque ita figuntur, ut amplius propelli nequeant. Humores verò & solida cordis, illi facilius & citius, hæc difficillimè & cum exitio corrumpuntur, ac à pestiferi veneni septica qualitate necantur. Hæc veneni pestilentis operatio manifestissimè apparet in anthracibus, de quibus agemus *infra, cap. 14.* Avicenna hæc

trij.

tria explicans, dicit: aërem pestilentem corrumpere complexionem spiritus cordis, deinde putrefacere quod cir-

cumdat spiritum, tertio accendere calorem præter naturam, quarto hunc calorem diffundere in corpus.

### C A P. III. De pestis Noviomagensis principio, vigore & fine.

**V**Er anni 1635 tepidum & modicè humidum fuit : post hoc secuta est æstas vehementer calida & sicca : qua tempestate maximæ putredines, multique graves morbi epidemii plurimis in locis excitati fuerunt. Imprimis autem gravissima pestis Lugduno Batavorum uno anno ultra viginti millia funerum extorsit. In nos autem & totam Geldriam, aliaque plures regiones febris quædam pestilens epidemia diris furis debacchata fuit, magnamque hominum stragem edidit. Circa autumnum, adhuc permanente, imò magis adaucto aëris fervore, summis siccitatibus conjuncto, undique adhuc majora putredinis indicia, & undique plures maligni morbi apparuerunt, variolæ, morbilli, diarrhœæ, & dysenteriaë pessimi moris passim grassabantur, sed omnium maximè prædicta febris pestilens, quæ indies majora incrementa fumens, magis magisque in pejus mutabatur, & purpurata (quam *Petechiealem* vocant Itali) evadebat, donec tandem in apertissimam pestem transiret. Quæ Noviomagi mense Novembri anno dicto initium fumens, paulatim ista (1.) hyeme spargebatur. Hyems autem nullo magno frigore excelebat, in siccitate & humiditate mediocris erat. Mense Ianuario sequentis anni 1636, omnia pejora reddi cœperunt : at circa Martium pestis longè majora incrementa sumpsit : summo autem acumine exarsit circa finem mensis Aprilis, atque in isto furore usque ad finem mensis Octobris continuavit, quo temporis intervallo tam crudeliter grassatus fuit morbus, ut in tota urbe nulla fere, quod scio, domus à peste immunis fuerit. Innumeri undique conspiciebantur agri, inter quos Mors scepra tenebat; plures enim moriebantur quam evadebant: & inexplicabilis morbi malignitas omnium fere remedium efficaciam illudere ac superare videbatur. Quibus mensibus morbum in vigore seu statu fuisse, certum est. Postea lues hæc paulatim cœpit declinare, ita ut tandem mense Decembri multo pauciores ægri, & rariores mortes viderentur. Hyems illa præter consuetudinem valde tepida fuit, hincque pestis diutius perduravit. Anno sequenti 1637, circa medium Februarii, magno frigore præter expectationem repente oborto, per sex septemve dies tortiter gelavit; quod acerrimum, licet breve, frigus horrendæ hujus luis vires adeo infregit, ut in principio mensis Martii ejus reliquæ apud Noviomageneses penitus eradicatæ fuerint (2.) quo tempore ultimos hoc contagio infectos invisimus. Dico, apud Noviomageneses,



*magenſes*, nam multis aliis in locis etiam, toto illo anno 1637, maximam tyrannidem exercuit, & præter alia loca, in diœceſi Ultrajectenſi, charam mihi patriam Montſurtum oppidum, totumque territorium Montſurtenſe, adeo miſerè afflixit, ut vix dimidia incolarum pars ſuperſtes remanſerit. Quemadmodum annus 1635, æſtate & autumno maximis aëris fervoribus excellebat, ita ſequens annus 1636, non minori fervoris vehementia, à Vere uſque ad hyemem perdurante, antecedentem annum excepit. Venti à Vere uſque ad hyemem fere ſemper meridionales, vel zephyri erant, cum magnis aëris ſqualloribus. Ad hæc, à menſe Martio uſque ad finem Auguſti continuè erant ſiccitates, quales vix unquam antea tam diuturnæ viſæ fuerant : quæ omnia anni præcedentis mala plurimum adauxerunt.

## A N N O T A T I O N E S.

I. P Eſtis quæ in autumno vel hyeme incipit, longè vehementior & diuturnior eſſe ſolet, quam quæ aliis temporibus initium ſumit. Petrus Paſchalis, de febr. peſt. bene ſic ait : *Quæ Vere & æſtate incipit peſtis, hyeme ſoles deſinere : quæ verò autumno vel hyeme, longius protrahitur.*

II. Peſtis apud Noviomagenſes duravit per ſexdecim meſes, poſtea inde ad alia loca demigravit. Cardanus, lib. 2. *Subril.* ſcribit, nullam peſtem ultra triennium ſævire; quod de uno eodem-

que loco eſt intelligendum) ejuſque rei has cauſas ſubjungit. 1. Quia ſi tam diu ſæviat, non habet ferme in quos ulterius ſævire poteſt. 2. Quia aër ipſe cum ſit leviſſimæ ſubſtantię, ulterio-rem corruptionem pati nequit. 3. Quia vix fieri poteſt, quin tanto tempore aër motu ſuo in ventos tranſferat totam corruptionis labem. 4. Quia omnibus peſſimis rebus Dei beneficio modys quidam impoſitus eſt; nec ullum vehemens malum poteſt eſſe diuturnum.

## CAP. IV. De Peſtilentia ſubjectis.

P Eſtis hæc, bruta (1.) fere intacta relinquens, ſolis hominibus bellum indixerat. Nihil ſexum, nihil temperamenta curabat, non humorum ſinceritatem, ac bonitatem, non eorundem corruptionem : (2.) laudabiles humores eandem non impediabant, & propter vitioſos citius non invadebat. Corpora cacochema ſæpe intacta relinquens, optimè temperata inſiciebat. Æque mulieres (3.) atque viros, æquè virgines atque prægnantes, æquè infantes, pueros, juvenes, atque conſtantis ætatis homines corripiebat : ſola ſenectus (4.) maximè immunis erat. In principio morbi à contagio plurimi inſiciebantur, poſtea verò adeo immanis evaſit dira lues, & aëris tam horrenda labeſ, ut nullus fere in tota civitate locus non infectus inveniretur. Tunc æque fere inſiciebantur, qui contagioſa & infecta loca fugiebant (5.) atque alii qui indifcriminatim

B

quos-

quoslibet ægros & sanos adibant. Præterea non raro, quasi sympathiâ quadam occultâ, integræ familiæ eodem tempore inficiebantur: imò vidimus nonnullas familias, longissimè à se invicem distitas, & diversis in locis ac urbibus habitantes, eodem fere tempore exitialissimis hujus tyranni spiculis graviter afflictas, & fere deletas fuisse. (6.) Tanta crudelitate grassabatur hæc lues, ut totum Noviomagum, quasi instar ignis, ab ea censum videretur, & in tota urbe vix aliqua domus ab illius contagio immunis fuerit. Eheu, quam triste spectaculum erat, sæpe tria quatuorve cadavera ex iisdem ædibus simul ad sepulturam efferri videre! feretra funeralia per omnes plateas ante plurimorum civium ædes deposita, & mortuos hinc illinc ad sepulchra deportatos conspiciere!

## A N N O T A T I O N E S.

I. PESTIS Noviomagensis bruta animalia à furoris sui violentia excusavit: si fortè hic vel illic aves quasdam domesticas, vel etiam nonnullos canes (quod tamen rarum erat) corripuerit; quia tamen inter bruta non fuit communis, non debet inde concludi pestem inter bruta dominatam fuisse: nam boves, equi, oves, cuniculi, columbæ, porci, anseres, aliæque hujusmodi animalia tam immunia à peste fuerunt, ut vix unum peste mortuum fuisse noverim; imò ipsi etiam feles & canes, quos maximè pestilenti contagio infici vulgò credunt, rarissimè infecti sunt; quemadmodum etiam paucissimæ gallinæ: de sylvestrium brutorum strage toto tempore nihil audivimus. Aves quidem sylvestres regionem nostram maxima ex parte deseruisse (fortè aëris pravitantes) sed nihil de earum strage observavimus. Homerus, nec non Hippocrates, lib. d. fl. u. meminerunt etiam pestis quæ sola bruta animalia invadit, & alterius, qua homines & bruta æqualiter corpiuntur. Villanovanus, cap. 2. epid. antiq. scribit, pestem humanam pecora non invadere, & vice versa, frequenter homines sanos ac sospites degisse, interim conta-

gio pestifero armentorum myriades cæteratim prosternente. Cujus rei historias describunt, Michael Saxo, in *Cæsarium chronica*, & Matthias Mehonius, in *Chronica*, Fernelius, lib. 2. abdit. cap. 12. refert anno 1514 irrepsisse pestem quæ solos feles corripuit. Furiosam pestem quæ pecudes invasit, etiam describit Virgilius, his versibus:

*Hic quondam morbo cæli miseranda coorta est  
Tempestas, totoque autumno incanduit æstus,  
Et genus omne neci poculum dedit, omne  
ferarum,*

*Corruptique lacus, infectis pabula tabo.*

II. Nonnulli Medici arbitrantur pestem magis vel citius invadere corpora cacoehyma, quam pura, quia illorum constitutio malignæ putredini recipiendæ aptissima est. Sic Mercurialis, lib. de pest. cap. 1. notavit in peste Patavina maximè infectos fuisse ignobiles, servos, ministros, intemperantes, incontinentes, & qui nullam prorsus rationem vitæ aut valetudinis habuerant. Contra verò, alii putant corpora pura & bene sana citius peste infestari, quia, teste Hippocrate, *Ex viciis quæ ad summum pervenit, periculosa*. Dicendum ad hujus dubii solutionem: Pestilens venenum interdum solum in aëre divagari, sine manifesta

manifesta putredine ; interdum cum magna putredine conjunctum esse. In priore casu magis timendum esse euchymis & optimè temperatis corporibus, utpote quæ minimas quasque novas tum longè citius percipiunt, quam corpora cacochema, quæ jam dudum multis vitiis morbosis, ab humorum impuritate productis, assueverunt. In posteriori casu magis periclitari cacochemos, utpote quorum impuri humores ab aëris aliarumque rerum occurrente putredine facillimè afficiuntur, & ad pestem recipiendam disponuntur. Verum, utcumque se res habeat, ego auctor esse volo euchymis & robustis, ne multum confidant suæ dispositioni ac fortitudini : cacochemis quoque, ne impuritatis suis aliquid tribuant immunitatis ab hoc morbo : nam hac pestilenti constitutione manifestè edocti sumus, pestem nullam cujuscumque temperamenti, vel boni, vel mali, vel medicis, rationem habere ; & morbi invasionem non dependere à corporum puritate vel impuritate, sed ab occulta quadam dispositione, de qua pluribus agemus alibi.

III. Dionysius Halicarnassæus, *histor. Rom. lib. 9.* similem truculentissimam pestem Romam invasisse scribit, quæ promiscuè sæviebat in omnes, sine ullo discrimine ætatis aut sexus, aut corporum roboris, vel imbecillitatis, nec arti & remediis, quæ morbum levare & expellere creduntur, cedebat. Idem auctor, *lib. 4. histor. Rom.* describit pestem qua solummodo virgines fuerunt correptæ. Contra vero in illa peste quæ tempore Gentilis Medici grassata fuit, paucæ mulieres, sed non nisi viri robusti mortui sunt. Sic Ioannes Boterus, *lib. 3. relar. univ. de mundo novo*, magnam enarrat pestilentiam quæ solos juniore fuit adorta, paucis triginta annos egressis illius contagionis insultu tentatis.

IV. Plinius, *lib. 7. cap. 50.* dicit, *Sanos pestilentiam minimè sentire* : hoc est, minus cæteris, vel omnium minimè. Sic quoque Mercurialis observavit, in peste illa Patavina senes maximè immunes fuisse : quod ipsum in Delphensi peste se quoque animadvertisse, refert Forestus. At Platerus scribit pestem illam quæ anno 1563 Basileæ grassata est, neque senibus, neque decrepitis perperisse.

V. Ratio fuit, quia aër Noviomagi ubique æquali fere modo (quod tamen in aliis pestibus rarissimè accidere solet) infectus erat, nec multo magis in ædibus ægrotantium, quam extra easdem, & tantum erat ubique locorum aëris contagium, ut qui aptam ad pestem dispositionem habebant, nusquam fere tuti essent, sed quocunque loco peste corripenterentur : qui verò hanc occultam dispositionem non habebant, omni in loco, etiam in ædibus infectis non minus quam extra easdem, tute versari possent. Guilhelmus Fabr. Hildanus, *cent. 4. obs. 23.* refert anno 1613 similia contigisse in peste Lausannensi, in qua dicit rusticos, & illos qui in altissimis montibus, ab omni hominum consortio separati, vivebant, non minus peste infestatos fuisse, quam illos qui in civitate habitabant ; qui licet etiam maxima diligentia à se invicem separarentur, nihilominus tamen infinitos, qui cum ægris nullum consortium habuerant, trucidatos esse.

VI. Multa hujusmodi extiterunt exempla. Novimus civem, N. van Dans appellatum, qui pestem timens, & liberos amans, duos eorum Gorcomum in Hollandiam ad amicos transmissit, tertium domi retinuit. Cum autem illi duo in ista civitate (in qua tunc temporis nulla pestis erat) per duos tresve menses bene sani vixissent, tandem simul peste correpti & mortui fuerunt,

rant, eodem tempore quo etiam pater cum tertio filio Noviomagi peste extinctus est: mater autem venenatæ luis spicula sensit, sed tamen feliciter effugit. Circa idem tempus illius civis soror, & adhuc duo tresve liberi, qui ab alia sorore superstites erant (singuli satis longè à se invicem habitantes) pluresque ejusdem familiæ nepotes & cognati peste interierunt. Sic aliam novimus familiam, è qua intra octiduum circiter viginti occubuerunt. Ita etiam Euagrius, lib. 4. *hisor. Eccl. cap. 28.* refert, in peste Antiochena certas familias prius interisse, salvis manentibus reliquis urbis incolis. Causa verò ob quam pestis integras familias corripiat, dependet ab arcana quadam dispositio-

nis similitudine, quam inter se habent; quæ apta est ad pestem recipiendam. Hanc dispositionis similitudinem etiam agnovit Duncanus Liddellus, qui lib. 3. *de febr. cap. 2.* sic inquit: *Ex natura proprietate quidam à peste immunes sunt, licet cum peste infectis perpetuò vivant: alii, licet bene constituti, contagione: amen facillimè inficiuntur. Quod evenit ob peculiarem naturam proprietatem & similitudinem, quam habent corpora, quibus contagium communicatur, ad illa qua communicant. Nam communicatio sive receptio per similitudinem fit: ac ob similitudinem sæpe v. demus integras familias contagio perire: ob dissimilitudinem rarò belluas ab hominibus infici, item in peste belluarum rarò homines affici.* De hac dispositionum similitudine paucis agemus *cap. II.*

#### C A P. V. *De nonnullis quæ in hac peste notanda occurrerunt.*

**D** Vobis tribusve diebus ante & post novilunium, ut & (1.) plenilunium, hæc dira lues semper exacerbata fuit, eoque tempore, & plurimos morbus corripiebat, & quos tunc invadebat, illi fere omnes moriebantur, idque valde citò; nam multi antequam vix ægrotare viderentur, nescio qua virium labefactione oppressi, intra paucas horas exstinguiebantur, multi secunda aut tertia die deficiebant, iis præcipuè mensibus quibus morbus in vigore erat.

Pestis sine febre (2.) paucis incipiebat & finiebat: pluribus sine febre quidem incipiebat, sed quæ tamen non diu post insequiebatur: plurimos autem ab ipso principio cum parvo rigore pestis corripiebat, cui febris protinus adjuungebatur, interdum ardens, nonnunquam mitis, ut plurimum verò medicris.

Mulieres gravidæ (3.) plurimæ abortiebant, ac simul etiam peste corripiebantur, à qua paucissimæ evadebant. Quæ verò ad justum partus tempus perveniebant, & feliciter pariebant, etiam has dira lues, cum suo fortu, citissimè occidebat, ita ut quoque tales mortis spicula rarius subfugerent.

Viri Veneri minus affueti, si eandem nimis strenuè exercerent, brevi post peste corripiebantur (4.) ac cum cymba Charontis ad Elysios campos citissimè deferebantur. Hinc factum quod plurimis sponsis, secunda tertiave post tedam nuptialem die, funebris teda accensa fuerit.

Si:

Si quispiam alio quodam morbo corripèretur, intra viginti quatuor horas pestis illi morbo adijungebatur (5.) ita ut toto anno vix ullus morbus peste incommittatus visus fuerit.

Ægri qui in ipso morbi principio antidota sudorifera sumebant, multi sanabantur: principio transgresso grave periculum imminabat.

Plurimi ægri ante septimum diem interibant, multi subitò prima die extinguiebantur, multi quoque tertia vel quarta, plures autem quinta vel sexta.

Qui diem septimum & nonum supervivebant, de iis aliqua spes erat. Aliquos tamen vidimus qui ad tertiam, & paucos qui ad quartam septimanam morbum protraxerunt, & tandem tamen mortui sunt. Febres enim pestilenciales lentæ valde fallaces erant (6.) nam propter symptomatum minorem violentiam sanationis magnam spem dabant, & ægros longo tempore circumducebant, sine magnis (ut videbatur) symptomatibus, & tandem tamen ex improvviso sæpe eosdem trucidabant.

# A N N O T A T I O N E S.

I. **Q**uemadmodum in hac peste circa novilunium & plenilunium morbum valde exacerbatum fuisse observavimus, sic etiam Ioubertus suo tempore in plena atque silente Luna id ipsum notavit. Hinc quoque monet Iohannes Morellus, *lib. de febr. purp. ut unusquisque sibi caveat circa novilunium & plenilunium*, quia, inquit, tunc fortiter æreum venenum movetur. Hoc ipsum quoque animadvertit Iohannes Heurnius, *de peste cap. 8.* qui adhuc aliam observationem addit: *Cave tibi*, inquit, *circa novilunium & plenilunium, tunc enim æreum venenum movetur violentius. Vis*, addit, *aliquid secretioris in natura? cave tibi cum singulis mensibus Luna venit in eum locum calis, in quo erat Saturnus cum nasceris: idem de Marte dictum puta, quod tamen vix millefimus observat.* E contra verò Gemma scribit in peste anni 1575, Lunæ decrefcentis quadraturam fuisse efficaciorē. Paræus, *lib. de peste*, ait Lunam decrefcentem peste correptis sæpe fatalem esse ad interitum. Illud ipsum quoque affirmat Duncanus Iiddelius, *lib. 3. de febr. cap. 4. Luna decrefens*, in-

quit, *peste laborantibus lethalis esse solet*; plures enim Luna crescente, quam decrefcente restimuntur. Quercetanus, *lib. 1. Alex. cap. 7.* dicit senes & foeminas peste laborantes frequentius Luna decrefcente, plethoricos verò in plenilunio plethorūque inerire. Alij particulatim de quolibet subiecto annotarunt, in nova Luna natis circa novilunium maximum pestiferæ infectionis periculum impendere, & in plena Luna natis circa plenilunium: idque observavit Goclenius, *de pest. quæst. 8.* De Lunæ in corpora sub-lunaria viribus, diversissima sunt opiniones, quas hic examinare nimis longum foret: inter has tamen verior videtur illa, quæ statuit, ad motum aquarum, humorum, succorum, &c. Lunam nihil facere, sed illa sponte naturæ moveri eodem modo & tempore quo Luna, atque Lunam istius motus tantum signum esse, non verò causam efficientem.

II. Pestem esse quid diversum à febre, & febrem ejus esse symptoma, durante hac pestilente constitutione multoties observavimus, ac proinde nonnulli

nulli pestem malè per febrem definiunt, cum febris non sit de ipsius essentia, ut infra probabitur *cap. 12. annos. 2.*

III. Quare mulieres gravidæ tempore pestis magis afficiantur & periclitentur, docebitur *cap. 15. annos. 22.*

IV. Ratio erat, quia nimia feminis profusio spirituum dissipatione corpus enervans, nec non humorum omnium excalefactio, atque ex his procedens primariorum viscerum debilitatio, & ad veneno pestilenti resistendum major impotentia, corpora citissimè crudelitati hujus tyranni subjiciebant.

V. Sic etiam Sennertus scribit, se observasse in magnis pestibus annorum 1616, & 1626. fere omnes alios morbos filuisse; & si nonnulli quosdam invaderent, illis statim pestem adjunctam fuisse. Hoc ipsum quoque observavit Mindererus, de peste *cap. 11.*

VI. Si pestilens venenum substantiæ cordis firmitus insingeretur, & valde exiguum humorum putredinem induceret, adeo parva sæpe inducebatur febris, ut ipsi ægrotantes se febricitare

vix sentirent. Cum hujusmodi febribus ægri, vel citò interibant, si nempe pestilens venenum majore quantitate, aut fortiore qualitate cor invaderet: vel morbum longius protraherent, si minori quantitate vel qualitate cordi se insinuaret. Atque tales febres lentæ valde fallaces erant. Quod etiam Avicenna animadvertens, ex Galeni *lib. 3. de prasag. ex puls. sen. 1. lib. 4.* sic inquit: *Sunt quippe ex iis pestilentibus febribus nonnullæ, in quibus neque æger, neque ipsum tangens, excellentem febrilem calorem persentiunt, imò ipsius ægri pulsus & urina à naturalibus non multum distant, & tamen febris ipsa interficit.* Quapropter oportet ut Medici tempore pestis de talibus ægris prudenter judicent, ne calumniam incurrant, & salutem promittant dum mors in propinquo est. Quam ob causam Galenus carpit Medicos sui temporis, qui in diuturna quadam peste hæc discernere nescirent, eosque nihil plebe præstantiores, imò imperitiores esse dicit.

#### C A P. VI. De signis pestem præcedentibus, & præsagientibus.

**Q**uia prima pestis causa cœlitus dimittitur & occulta est, hinc etiam difficulter ejusdem adventus ex signis seu præsagiis certò prævideri potest; nam haud rarò obscurè ac furtim, nullis sui indiciiis præmissis, multa loca repente invadit: nonnumquam etiam quibusdam in locis sui signa quædam, modò obscuriora, modò clariora, præmittit, maximè ab occulto pestilentis veneni effectu primo ac leviore, nec non ab iis quæ corpora ad pestem præparant, desumpta. Hujus quoque generis varia signa pestem Noviomagensis prænunciare visa sunt: Tota enim æstate anni 1635, non minus quam anni 1636, hujusmodi indicia se prodiderunt: Nempe, stellarum ardentium in cælo oberrantium magnus concursus, & in terram (1.) prolapsio. Plurima & fere continua nocturna fulgura, cælo non nubiloso existente, sine pluviis & tonitruis. Venti austrini (2.) diuturniores, sæpe etiam nulli venti manifesti. Maximi ætatis fervores, & siccitates diuturnæ, quæ hyemem tepidam humidamque

dámque sequebantur, & rursus ab hyeme tepida excipiebantur. Avium (3.) multo rarior numerus quam aliis temporibus. Maxima & incredibilis insectorum (4.) copia, qualis vix unquam visa fuit, ut culicum, papilionum, scarabearum, crabronum, cicadarum, omniumque maximè muscarum, quarum utroque anno tam stupenda ubique copia reperiebatur, ut ædium interiorum parietes undique muscis confiti viderentur, & foris ipse aër multis in locis quasi muscarum nubibus obfuscaretur. Carnium aliarumque rerum putredines, præter consuetudinem, longè citiores & graviore. Mulierum gravidarum (5.) frequentes abortus. Morbi epidemii mali moris, ut erant variolæ, morbilli, dysenterix valde malignæ & contagiosæ, imprimis febres putridæ malignissimæ, & purpuratæ, plurimisque lethales. Pueri in lulis suis mortuorum (6.) sepulturam agentes; aliaque similia, quæ omnia huic regioni imminencia mala prænunciabant: quibus & illud accedebat, quod pestis crudelissima Lugdunum Batavorum jam miserrimè affligeret. Pro singulis autem individuis invasuræ pestis paucissima vel nulla dabantur præfagia, nam fere omnes ex improvise feriebatur, nec nisi effectis & eventis deprehendebatur. Hoc unum adhuc observavimus, ubi aviculæ (quas nonnulli caveis inclusas delectationis & cantus gratia alunt) moriebantur, in illis ædibus etiam non diu post, imò frequentissimè intra duos tresve dies, inter inhabitatores homines pestem dominatam fuisse, idque multis in locis seu ædibus contigisse vidimus.

## A N N O T A T I O N E S.

I. **M**ercurialis, Forestus, alique Medici, in iis pestibus quas describunt, huiusmodi meteora quoque visa fuisse notarunt: atque sic etiam Trichemius, Andreas Gallus, & Crusius, similia præfagiorum pestis in suis historiis meminerunt. Verum nec cometæ, nec terræ motus pestem Noviomagensem prænunciaverunt, quæ tamen signa nonnullas alias pestes præfaguisse & præcessisse, testes sunt Sigebertus, Platina, Paulus Warnefridus, Michaël Saxo, alique Historici. Aliud æreum signum referunt Titus Livius & Sabellicus, contigisse anno 290 ab Urbe condita, scilicet, cælum multo tempore, omnium cum stupore animique confectione, apparuisse in forma

flammæ ardentis, post quod signum furiosissima pestis subsecuta est. Nonnulli etiam inter hæc præfagia referunt pluvias sanguinolentas (quales ante paucos annos Buscoduci visæ dicuntur) funerum per nubes delatorum visiones, tonos lugubres in aëre, sonitus in cæmeteriis auditos, aliaque similia. Alii credunt astra sæpius in terram excrementa quadam exspuere, è quibus imminens pestis, ejulque forma præfagiri possit. Sic ajunt Paracelsus anno 1538 huiusmodi recrementa stellarum discipulis suis monstrasse, eaque invenisse intestinis simillima, atque hinc exactis ab eo paucis mensibus secutam fuisse pestem crudelissimam, quæ homines una cum colica atrocissima affligebat. Ita.

Ita eundem quoque in Vngaria dicunt notasse hæc stellarum excrementa, re-  
præsentantia linguam crassitudine digi-  
tali, punctis atris signatam, ac paulo  
post secutam fuisse truculentissimam  
pestem, cum angina, & faucium ac lin-  
guæ exustione. Atque in Borussia illum  
vidisse hujusmodi recrementa maculis  
luteis, nigris, ac lividis insignita, ad  
quæ, ecchymata cum peste secuta fue-  
runt. Verum quia solus Paracelsus, nec  
alius quispiam, quod scio, hujusmodi  
stellarum recrementa observasse dicitur,  
rei veritatem cuilibet judicandam  
relinquimus.

II. Hippocrates agens de peste, au-  
strinæ constitutionis plerumque men-  
tionem facit. Ita quoque Galenus an-  
num australem pestilentium morbo-  
rum feracissimum esse, passim testatur.  
Quia nempe auster corpora ad pestem  
facilius suscipiendam maximè præpa-  
rat ac disponit, si modò aliquod pesti-  
ferum venenum cœlitus in aërem di-  
missum fuerit: nam aliqui auster per  
se nullas pestes inducit; (hoc latius do-  
cebimus *cap. 8. annot. 1. problem. 5. &*  
*annot. 7.*) & austrini venti multoties  
longo tempore persisterunt sine ullo sa-  
nitatis incommodo. Præter austrum,  
etiam aëris quies, si nempe à ventis non  
agitur, ad pestis præparationem plu-  
rimum facit. Hinc Hippocrates, *3. epi-*  
*dem.* constitutionem pestilentem descri-  
bens, inquit, *Sine aura usque annus fuit.*

III. Aves, quia illud aëreum pesti-  
lens venenum citius ac facilius persen-  
tiscunt, regionem mutare, & ad loca  
salubria se conferre, etiam nidos, ova,  
& pullos non raro deferere solent:  
quod à multis Historicis & Medicis  
ante hæc quoque observatum fuisse,  
passim legimus.

IV. Insectorum copiam pestem præ-  
sagire, jam à multis seculis annotatum  
fuit. D. Augustinus, *de civitate Dei, cap. 31,*

scribit, post immensam locustarum co-  
piam, tantam pestem insectum fuisse,  
qua in solo regno Mafanizæ octies cen-  
tum millia hominum perierunt, &  
prope Carthaginem bis centum millia,  
& Vticæ ex triginta millibus juniorum  
militum, qui ibi erant, decem millia  
remanerunt. Sic quoque D. Hierony-  
mus, in *Isa. Propheta* scribit, tempore  
Theodosii Imperatoris maximam lo-  
custarum copiam in Judæa horrendam  
pestem prælagisse. Simile quoque in  
Gallia Cisalpina contigisse, tradunt,  
Agricola, *de pest. lib. 1.* & Iohannes  
Wolffius, *cent. 16. lection. memorab.* Refert  
Hildanus, *cent. 4. obs. 24.* in peste Lausan-  
nensi, anno 1613, tantam ubique fuisse  
muscarum copiam, ut post homi-  
num memoriam vix similis visa fuerit.

V. Mulierum abortus pestem sæpe  
prælagisse, etiam observavit Alexan-  
der Benedictus, Forestus, Sennertus,  
aliique plurimi. Fiunt autem, quia te-  
nelli & imbecilles foetus, propter cor-  
dis & reliquorum viscerum debilita-  
tem, venenatæ aëreæ malignitati minus  
resistere valent, sed ab ea facile ene-  
cantur, tumque mulieri pondere & pu-  
tredine molestam irritationem facien-  
tes, abortu excluduntur.

VI. Gallus Tridentinus, *facile de pest.*  
agens de pestis prænunciis, inter cætera  
etiam hujus prælagii meminit: *Pueri,*  
inquit, *ab intelligentia non errante ducti,*  
*presbyterorum modo cantant, alios vivos pue-*  
*ros sepelire simulant, hanc universam ani-*  
*mantibus perniciem suscitaram prælagientes.*  
Forestus ante pestem Delphenensem il-  
lud prælagium etiam observavit. *Pueri,*  
inquit, *ante colludentes scobes instar sepul-*  
*chrorum faciebant, & foretra in humeris, ut*  
*vestillones, portabant: & quamquam hac &*  
*similia ab aliis pro portentis, ab aliis pro nu-*  
*gis habeantur, tamen scissima pestis subsi-*  
*cuta est.* Sic etiam nos anno pestem hanc  
præcedente, Noviomagi variis in lo-  
cis,



cis, atque etiam in vicinia nostra, puerulos mortuorum sepulturam agere vidimus. Memini me quondam Montifurti vidisse puerulos quosdam per aliquot dies continuos, ante ædes vicini

noſtri Arentii Vos, mortuum, ut aiebant, luſiſſe, nec ab illo luſu prohiberi potuiſſe; atque poſt duos ab inde meſes iuſdem in ædibus tres liberos variolis extinctos fuiſſe.

CAP. VII. *De ſignis & ſymptomatibus peſtem concomitantibus.*

**S**igna & ſymptomata (1.) quæ peſtem hanc comitabantur, eamque adeſſe teſtabantur, varia (2.) erant: Febres; jaſtationes (3.) corporis: ſumma anxietas: æſtus ſæpe internus magnus: dolores capitis (4.) rarius acres, ſæpius gravativi: terrores: deliria, (5.) convulſivi ſubſultus, & quaſi leves contractiones membrorum: in aliis continuæ vigiliæ, (6.) in aliis graves ſopores: viſus (7.) turbidus: aurium tinnitus, & in nonnullis ſurditas: linguæ ficcitas (8.) rarius tamen nigredo: oris & ſudoris graveolentia: ſyncope: pulſus ſæpe validus (9.) & naturali pene ſimilis, interdum debilis, creber & inæqualis, ac in nonnullis intermittens, in multis valde parvus & creber, modò æqualis, modò inæqualis. Hæmoptiſis: tuſſicula (10.) ficca: ſitis (11.): inappetentia: oris ventriculi dolor: nauſea, vomitus, ſingultus: alvi dejectiones crudæ, admodum foetentes, ut plurimum turbidæ, ac interdum cum vermibus: diarrhœæ (12.) pernicioſæ. Vrinæ (13.) multis optimi coloris & ſedimenti, ſanorum urinis ſimiles, multis igneæ, aliis tenues & crudæ, interdum quoque turbidæ, nonnullis etiam unica die variæ, nempe modò bonæ & laudabiles, modò turbidæ, vel igneæ, aliquibus quoque ſanguineæ. In aliis repentina virium dejectio & impotentia ad motum ab ipſo morbi principio, in aliis vires robuſtæ uſque ad mortem. Calor corporis in aliis acer & vehemens; in aliis tantum (14.) naturalis. Color vultus aliis pallidus, aliis eryſipelaceus, plurimis verò ſanorum color non multum abſimilis. Maculæ (15.) purpureæ, nigre, violaceæ, vel rubeæ, modò paucæ, modò multæ, modò anguſtæ, modò latæ, at fere ſemper (16.) exactè rotundæ, modo in una corporis parte, modò in alia, ſæpe in toto corpore apparentes. Tumores (17.) in emunctoriis. Carbunculi (18.) in variis corporis partibus. Hæc dicta ſigna non pleraque in eodem ſubjecto (19.) videbantur, ſed modò hæc in uno, illa in altero.

A N N O T A T I O N E S.

**I.** Vix aliquod exactè certum pathognomonicum peſtis ſignum reperiri poteſt, quo poſito peſtis neceſſariò ponatur, ſublato auferatur. Quia

morbus hic multoties variat, neque eundem ntorem ſemper ſervat, unde quoque varia eius ac intricata, & pleraque fallacia ſigna ſunt, partim propter

occulam malignitatem primò efficientem, partim propter humorum corporumque varietatem : propterea unum, duo, vel tria ex his signis nihil certi concludunt sola, sed ex multorum congerie certius iudicium ferri potest. Quamvis enim pestilens venenum suas habeat notas peculiare quibus se prodit, nempe bubones, carbunculos & exanthemata, quia tamen hæc nonnunquam in aliis quoque morbis apparent, quia etiam in peste semper non apparent, & morbus sæpe irruit in corpus variis humoribus ad putredinem paratis refertum, multa alia simul infert symptomata diversis aliis morbis communia, quæ magis propria pestis signa obscurant, vel prodire impediunt, cognitionemque inturbant, utpote quorum multa non immediate à malignitate, sed à putredine oriuntur. Quapropter non febris, non somnolentia, non capitis dolor, aliudve simile ex prædictis symptomatibus, per se pestem designant; sed si his accedat magna virium prostratio, & pestilens sit cæli status, ac morbus epidemius perniciosus grassetur, haud exigua de peste conjectura fieri poterit, imprimis si aliquod ex peculiaribus signis (nempe bubo, anthrax, vel exanthemata) accesserit. De quibus tamen peculiaribus signis, cum illa etiam aliis quibusdam morbis communia sint, non imprudenter iudicandum, sed his pestis characteribus apparentibus, ut certa morbi cognitio indagari possit, etiam præcedentia, concomitantia, & subsequenter symptomata consideranda, aliæque circumstantiæ (ut aëris malignitas, pestis grassatio, contagii occasio, &c.) animadvertendæ sunt. His tamen peculiaribus signis non apparentibus, statim inde pestis absentia concludenda non est; nam sæpe vel æger moritur antequam illa erumpunt; vel debilita-

ta atque oppressa virtus nullam à centro ad peripheriam morbifici veneni expulsionem moliri potest.

Hic jam queritur, cum signa pestis sint valde incerta, si fortè morbus hic in urbe unam solam domum invaderet, (peste nusquam apparente) & nullis carbunculis, bubonibus, aut exanthematibus se manifestaret, an & unde cognosci posset, istius domus ægros peste infectos esse? Respondeo, illud primo ingressu vix certo judicari posse, quamvis Reipublicæ plurimum interfit illud sciri, ut contagii propagatio declinari queat. Ex syndrome tamen pravorum signorum, & malis concurrentibus circumstantiis, morbum suspectum fieri debere; atque si primus æger sine magno ardore, magna cum anxietate viriumque prostratione, accedentibus magno vomitu, delirio, somnolentia, aut iactatione, aliisve similibus symptomatibus, primo vel secundo morbi die moriatur, & post eum secundus & tertius similiter citò extinguantur, aliique iis inservientes inficiantur, maximè verisimile est, illum morbum esse pestem, licet nec anthraces, nec bubones, nec exanthemata appareant. Sic refert Follinus, in *Amuleto cap. 19.* se Sylvæ-Ducis ex syndrome pravorum symptomatum in ædibus cuiusdam civis detexisse pestem, qua pater & mater familias, una cum duobus liberis & ancilla, citissimè fuere sublata, nullis carbunculis, bubonibus, aut exanthematibus prodeuntibus, nullo etiam contagio se ulterius extra domum illam extendente. Simile etiam à nobis postmodum Ultrajecti contigisse visum est anno 1661, apud nobilissimam viduam Dominam van de Perck, in media circiter urbe habitantem, in cujus ædibus (eo tempore nusquam peste observata) in fine Octobris mensis & principio Novembris, unus filiolus

filioles intra biduum fuit extinctus, cum maximis anxietatibus & continuo vomitu, quem brevi secuta est ancilla ipsi inserviens, hanc item alia ancilla quæ huic inserviverat, illam adhuc alia mulier extrinsecus ad hujus servitium vocata: tandem ipsa Domina eodem malo correpta, cum summo vomitu maximeque anxietate intra viginti horas obiit: (reliqui liberi fuga se servarunt) hanc simili modo non diu post secuta est alia pedisequa, cum famulo: & ex his septem (qui omnes intra tres quatuorve septimanas succubuerunt) nemo ultra quatrimum decubuit, sed omnes citius extincti sunt; etiam in nullo eorum ulli anthraces aut bubones apparuerunt, nulla exanthemata prodierunt, ita ut chirurgus pestiferorum visitationi destinatus, illos peste non laborasse pronunciaret. Ego tamen ex syndrome pessimorum symptomatum, contagio, & tot domesticorum repentina morte illos omnes peste interiisse, & domum fugiendam esse dixi; quod tamen pauci tunc temporis crediderunt. Sed ultimò, una, quæ adhuc supererat, ancilla, Amsterodamum ad fratrem suum profectura, in itinere male habere cepit; mox prodit ipsi bubo inguinalis cum duobus anthracibus, sicque omne de peste dubium sublatum est. Ipsa tamen ancilla sanata est, sed Amsterodami duos fratris liberos suo contagio infecit. Sic interdum diu occultum latet hoc malum, cujus tamen præsentia ex concursu pravorum symptomatum & aliis circumstantiis dijudicanda est. Verum hic maximè mirandum videtur, quod ex ista domo acris illius pestis semina-ria ulterius non fuerint disseminata, nec quisquam alius in tota urbe infectus, nec etiam Amsterodami per ultimam ancillam malum ulterius propagatum fuerit. Certè plaga illa in illam

solam domum depluisse, in eaque, cum suo contagio, rursus extincta fuisse videtur: cujus origo nulli putredini ascribi poterat, cum splendidissima esset domus, nitidè inhabitata, ab omnibus cloacis & foetoribus longissimè remota, in qua domestici erant valde nitidi, & ante hujus mali invasionem omnes optimè sani longo tempore vixerant, nec ullis corruptis, sed optimis semper cibis usi fuerant. Neque etiam contagio imputari poterat, cum pestis tunc nusquam grassaretur, & in illa domo post hominum memoriam nemo unquam peste infectus fuisset.

I I. Symptomatum diversitatem nonnulli malè opinati sunt dependere à veneni pestilentis naturæ diversitate, quod tamen semper est unius ejusdemque naturæ, differens tantum in quantitatis vel qualitatis minore vel majore excessu, non in natura, cujus ratione modò plures & vehementiores, modò pauciores & leviores effectus edit. Præterea illam symptomatum diversitatem parit, partim diversa corporum dispositio, quæ in causa est quod alia in biliosis, alia in pituitosis, alia in euchymis, alia in cacoehymis, alia in juvenilibus, alia in senilibus corpore producantur: partim ipsius pestilentis constitutionis varietas, quæ prout conjuncta est, cum putredine, pravis exhalationibus, fervoribus vel frigiditatibus, humiditatibus vel siccitatibus longè diversa symptomata suscitatur, unde fit ut in una peste non contingant eadem quæ in alia; nec in omnibus pestibus semper eadem lædantur subjecta. In una enim maximè corripuntur mulieres, in alia viri; in una pueri, in alia adulti; in una interdum sola bruta, in alia soli homines; pro ut scilicet modò horum, modò illorum corpora (ratione aëris, temperamentorum, alimentorum, animi moruum, &c.) magis ad infe-

infectionem suscipiendam apta sunt. Non enim una peste omnes peccatores simul castigare & exstinguere, sed modò brutorum intereptione nonnullos magno damno multare, sicque Dei sui suorumque peccatorum (quorum nomine talia sunt) memores facere; modò multos homines è medio tollendo, alios superstites ad timorem Domini & poenitentiam adducere, decrevit Altissimus. Talia non considerantes Medici, putarunt hæcenus ipsum venenum pestilens esse diversum, idque interdum displidis, interdum viperæ, interdum cicutæ, interdum napelli, interdum arsenici, interdum alterius toxici naturam æmulari: cum tamen operationum diversitas, non à naturæ ipsius veneni diversitate, sed potius aliunde procedat, ut modò dictum. Qualiacunque autem fuerint symptomata quæ pestis inducit, pleraque gravia sunt & multum timenda: hinc, juxta Paulum & Aëtium, bene dixit Altomarus: omnia horrendissima in peste fieri posse, & gravissima supervenire symptomata.

III. Iactationes corporis fiunt ob angustiam cordis veneni malignitate oppressi, & virium debilitate: dum enim cor graviter angitur, artus debiles, tamquam cordi aliquod juvamen & solatium allaturæ, huc illuc iactantur; eodem modo sicut in gravi dolore aliqujus partis, aliæ omnes partes se contrahunt, tamquam hoc modo levamen aliquod allaturæ. Ioubertus, *lib. de peste*, aliam iactationis rationem reddit: *Plorisque*, inquit, *maxima est inquietudo, ob æstus, & pectoris, qua premuntur, angustiam, quod suscitati vapores minus distillari & dissipi possint, magisque inclusus maneat calor: unde fit ut nusquam consistere valeant, huc atque illuc agitati, & in lecto se dimovere impotentes, velamenta abiciant.* Verum non valet hæc ratio, quia Ioubertus

præsupponit veneni pestilentis operationem consistere in fervore seu æstu, vel saltem sine illo non peragiquod minime verum esse alibi latius docebimus: quod ex eo uno etiam satis liquet, quia sæpe hujusmodi iactationes contingunt absque ullo interni ardoris signo, sed nunquam tamen absque cordis anxietate; quod indicium est cor à veneno trahi, non verò ab ardore angis.

IV. Fallopius, *lib. de tumor. cap. de bubon.* inter alia pestis signa etiam recenset vehementem capitis dolorem cum tensione & calore vehementissimo conjunctum: verum nos in hac peste Noviomagensi, præter capitis dolores solos, imprimis gravativos, nec ullam tensionem, nec vehementem calorem animadvertimus.

V. Delirium in peste frequentissimum esse solet, in hac tamen nostra peste illud rarius erat. Thucydides refert in peste Atticâ deliria fuisse maxime communia, imò à deliriis memoriam multis abolitam, eosque tanta rerum oblivione captos fuisse, ut restituti, nec amicorum, nec rerum gestarum memores essent, sed sibi ipsis quasi peregrini & incogniti haberentur.

VI. Sic etiam Hippocrates, 3. *epidem.* inquit: *In totum autem plurimos aut gravis sopor comitabatur, aut parvus ac tonues somnos habebant.* Causas soporis & vigiliarum describimus *cap. 13.*

VII. Sunt qui inter alia pestis signa etiam statuunt rubores oculorum; & Galenus, *lib. de præag. ex puls.* hos non tantum accuratè observari, verum etiam ægrorum oculos aqua frigida ablui vult: quia ablutione si magis magisque inflammentur, illud pro certissimo & infallibili pestis signo reputatur. Nos tamen in furiosissima hac peste rubores oculorum in paucissimis observare potuimus.

VIII. Quercetanus, in *pestis Alex.* inter

inter certiora pestis signa etiam nigredinem linguę numerat, eamque semper necessario subsequi ait. Verum eandem in hac nostra peste raram observavimus: fortassis quia illi pesti, quam ipse vidit, magnus ardor; huic verò nostrę exiguus fervor adjunctus erat.

IX. Varietatem pulsus inducit naturę ac veneni pugna, dum in se vicissim agunt, alter in alterius perniciem. Cum venenum cor ferit, fit aliqua humorum cordis fixatio, quam mox sequitur non sufficiens sanguinis dilatatio ac propulsio; hinc magna procedit anxietas, & pulsus obscurus, frequens, & intercicidens evadit: qui ò contra fit plenior & firmior, cum cordis robor in venenum insurgit, & humorum fixatio jam minuitur, sanguinisque dilatatio melius procedit. Interdum etiam pulsus naturali plane similis est, quod Mercurialis, *de febr. 3. cap. 17.* dicit fieri, quia facultas motrix est debilis, & necessitas eventilationis magna, ita ut ex his duobus fiat motus quidam moderatus, exemplo illius qui debilis sit & hostes fugiat. Alii melius arbitrantur id fieri, quod aura venenata, non aucto incendio, nec figendi modo, sed alia quadam deleteria qualitate cor impugnet. Utunque se res habeat, ex solo pulsu de peste nihil certi judicatur; sic etiam Ioannes Baptista ab Helmont ingenuè fatetur, se ex pulsu pestem non posse agnoscere: *Nunquam*, inquit, *potui ex pulsu vel urina, quantumvis distillata, pestem novisse presentem: urina enim & pulsus nunquam apud meam ruditeriam detexerunt pestem.* Forestus scribit, in peste Delphica interdum per totum morbi decursum nonnullos probum pulsus habuisse, & tamen mortuos fuisse. Quod ipsum quoque asserit Galenus, 3. *de prasag. ex puls.*

X. Galenus, 5. *method. cap. 12.* tussim siccam omnibus fere pestilentiali-

bus affectionibus adesse refert. Hoc dictum Galeni ab experientia confirmari tradit Quercetanus, in *alexie*. Nos tamen in hac peste, licet tussim siccam multoties, non tamen communiter nec valde frequenter observavimus.

XI. Sitis est symptoma quod frequenter pestem comitatur, sed non tamen semper: & quamvis Rondeletius dicat esse symptoma à peste inseparabile, nos tamen multos etiam absque siti peste laborasse & extinctos fuisse, vidimus.

XII. Alvi excretionem in peste non sunt similes illis quę in aliis alvi fluxibus contingunt, sed sunt foetidissimę, turbidę, confusę, liquidę quidem, verum quasi oleaginossę, hincque illas à colligatione oriri, putat Galenus. In his excretis, præter colorem & foetorem, aliud quippiam ipsis familiare observavit Sennertus, nimirum exigua quędam glutinosa corpuscula, modò albi, modò crocei, modò viridis coloris. Forestus observavit in iis aliquando apparere quippiam simile ovo foetido aqua diluto.

XIII. Ex solis urinis certò pestis præsentia judicari nequit; hinc Galenus, 3. *de prasag. ex puls.* inquit: *Verum ex urina in huiusmodi febribus, præsertim ubi corpus cordis occupaverint, certam notitiam petere semper non licet.* Sunt itaque alia quoque consideranda. Optimi coloris & sedimenti sunt urinx, sanorum urinis similes, vel parum mutatę, cum venenata labe in cor & spiritus solummodo agit, humoribus adhuc illis relictis: vel cum humores plus peccant maligna qualitate, quam putredine. Igneę vel rubicundę fiunt, cum calor internus nimis exandescit: turbidę autem à caloris nativi imbecillitate, & magna humorum jam putrefactorum ebullitione ac confusione: quę ebullitio & confusio si per intervalla fiant, in

causa sunt quod urinæ modò turbidæ, modò laudabiles appareant.

XIV. Calorem sæpe ad tactum mi-  
trem ac placidum esse, observavit etiam  
Avicenna, *sen. 4. lib. 1. cap. de febr. pest.*  
Quod ipsum quoque asserit Galenus,  
*9. simpl. cap. de bolo ar.* Ratio est, quia in  
hoc morbo magis infestata maligna &  
venenata qualitas, quam excessus calo-  
ris aut frigoris, vel putredo.

XV. Maculæ hæc communiter &  
plerumque erant purpureæ: rariores  
erant ruberæ, violaceæ, vel nigræ. *Omnes  
quidem macula* (inquit Crato, *tract. de  
febr. petech.*) *quacunque fuerint, febri pesti-*  
*lenti sunt indices, sed non omnes febri pesti-*  
*lenti contagiosa: nam cum in progressu mor-*  
*bi, videlicet quarta vel nona die, rubra pri-*  
*imum se produnt, pestilentis spuria nota sunt:*  
*cum verò in initio morbi conspiciuntur, con-*  
*tagiosam febrem indicant, aut cum livida*  
*apparent vel nigra, qua raro in vivis, in ca-*  
*da veribus plerumque se offerunt, cum nempe*  
*contagii vis subito vitam admittit.* Hæc Cra-  
to: cujus dictis in hac nostra peste non  
respondit experientia: nos enim ter-  
tia, quarta, quinta, sextave, imò & se-  
ptima die prodeuntia rubra exanthe-  
mata contagiosissimæ luis, & plerum-  
que mortis instantis certissimum indi-  
cium dedisse vidimus; nam in tota hac  
peste vix viginti cum maculis rubris  
evaserunt; cum purpureis, unum tan-  
tum; cum nigris aut violaceis nullum  
evasisse novimus. Præterea etiam istas  
maculas lividas, imò & instar atramen-  
ti nigras, non solum in mortuis, sed in  
vivis quoque non raro observavimus,  
certa quidem mortis indicia, sed cum  
quibus tamen nonnulli ægri aliquando  
per bidduum triduumve adhuc supervi-  
vebant. Hujusmodi maculæ, cujuscun-  
que formæ vel coloris fuerint, semper  
vel pestem, vel saltem febrem maximè  
malignam & pestilentialem (qualis et-  
iam est petechialis) indicant, in nullo

enim alio morbi genere reperiuntur.  
Interdum quidem apparent in aliis quo-  
que affectibus maculæ his non multum  
ab similes (ut in scorbuto, lue Vene-  
rea, &c.) citra pestem vel pestilentem  
febrem, sed earum ab his differentiam  
peritus Medicus sola inspectione & cir-  
cumstantium consideratione facile ani-  
madverteret. Adde quod procedant à  
longè diversa causa, nempe à sanguinis  
nimia tenuitate, falsugine, vel aliquo ex-  
crementitio humore illi permixto, qui  
à calore effervescentis & agitatus, à fa-  
cultate expultrice foras ad cutem pro-  
pellitur, in eaque efflorescit.

XVI. Dico, *fere semper rotunda*, quia  
vidimus etiam maculas lividas & ni-  
gras oblongas, quasi calamo scriptorio  
inscriptas; alias quoque majores, quasi  
flagellis inductas; nonnullas etiam ma-  
ximas, totum aliquod membrum, vel  
magnam ejusdem partem occupantes.

XVII. Tumores in emunctoriis  
frequentissimi, & inter omnia sympto-  
mata pestis certiora signa erant, sicut  
etiam carbunculi & exanthemata, ac  
proinde vulgares his tribus indiderunt  
nomen pestis.

XVIII. Carbunculi ut plurimum  
ab exili pustula oriebantur, magnitudi-  
nis milii seminis, interdum à pluribus  
hujusmodi pustulis simul junctis: his  
sensim incrementibus pars subtus emo-  
riebatur quasi canterio inusta, & prævum  
colorem, vel nigrum, vel cinereum  
acquirebat, in ejusque summitate ut  
plurimum omnes vesiculæ in unam  
ichore nigricante plenam coibant. Caro  
in circuitu magnopere inflammabatur.  
Hi carbunculi in aliis erant parvi, in  
aliis magni: imò non semel vidimus il-  
los, instar sphaceli, mortificationis la-  
bem brevissimo tempore latissimè in  
vicinas partes extendisse.

XIX. Licet venenum pestilens nul-  
larum non corporis partium actiones  
inter-

interrubare, omniaque mala inducere possit, tamen non eadem mala omnes affligunt, nec in omnibus pestilentibus constitutionibus eadem apparent; imò

vix duos eodem contagio infectos, planè eadem symptomata pati videas. Hujus diversitatis rationem dedimus annotatione secunda præcedente.

CAP. VIII. *De Pestilentia causis.*

**O**Mnis vera pestis, qualis etiam fuit hæc Noviomagensis, tres causas habet, quarum secunda à prima, tertia à secunda descendit. Prima & primaria causa est iustissima summi Dei (1.) ira, quam turpissimæ ac teterrimæ exhalationes è stagnis fœdisque peccatorum nostrorum cloacis sursum elatæ provocarunt & incenderunt. Ab hac causa promanat illud τὸ Θέον (2.) quod pesti inesse animadvertitur, cujus etiam Hippocrates sæpe mentionem facit.

Secunda causa, quæ à prima originem sumit, est malignissimum, occultum (3.) venenosum, & naturæ humanæ insensissimum pestilens seminarium, coelitus (4.) demissum, quod minima quantitate aëri infusum, instar subtilis cujusdam fermenti sese per aërem dilatat, eumque inquinat, (5.) ac plurimis ejus particulis, multis in locis seu regionibus, similem venenositatis labem imprimit, per cujus communionem non pluribus tantum unius loci incolis, sed pluribus etiam orbis terrarum partibus pestis plerumque communicatur. Hujus autem causæ, scilicet venenatæ inquisitionis aëris, origo, non ab aëtrorum aliorumve corporum cœlestium variis motibus & influentiis, non à tempestatum certis constitutionibus, non à sublunarium putredine (6.) aut certa quadam elementorum mixtione, non à pravis exhalationibus, sed ab illo *Divino*, seu primo immisso seminario resultat ac dependet. Huic tamen inquisitioni aëris plerumque variæ aliæ causæ adjutrices seu secundariæ, partim per corruptiones à dicta inquisitione introductas genitæ, partim aliunde advenientes, adungi solent, quibus non primariò pestis inducitur, sed humorum alterationes, putredines, aliæque præparationes ad pestem suscipiendam generantur. Quales causas secundarias (7.) etiam in hac peste varias habuimus; nempe malignas siderum (8.) conjunctiones, (si modò malignæ dentur, & sidera in inferiora quicquam operentur) aëris cœlique maximos ardores & squallores, ventos meridionales, & sæpe fere nullos ventos manifestos; siccitates diurnas, hyemis & veris tepores, putridarum rerum fœdissimas exhalationes, aliasque similes.

Tertia causa, quæ à secunda procedit, est contagium, quod est morbi primò soboles, postea causa. Dico *Soboles*, quia non existit nisi post morbum primò inductum; nam qui primus peste corruptus fuit, illam à contagio

tagio non contraxit ; sed post semel factum morbum , exivit contagium , quod similem quoque morbum multis aliis communicare potuit. De quo plura capite decimo sequente.

His tribus pestilentiae causis nonnulli etiam adjungi volunt animi emotiones (9.) iram , terrorem , metum , luctum , repentina lætitiā , & tristēm (10.) imaginationem. Sed cum hi motus nihil maligni in se contineant , & solummodo per accidens spirituum commotione corpora disponant ad facilius recipiendum pestilentem labem , eamque ad cor deferant , nullo modo causæ pestem efficientes , sed tantum secundariæ seu præparatoriæ ad pestem recipiendam , dici possunt.

## A N N O T A T I O N E S.

I. **D**E causis pestis maximè ardua inter Medicos quæstio movetur. In eo conveniunt omnes , illam excitari à cæca quadam pernicio , & inexplicabili aëris labe. Sed unde labe illa emerferit , quomodo aër tantum vitium contraxerit , quid hoc elementum inquinaverit , de eo dubitant , & in eo inveniendo laborant omnes. Atque hæc difficultas doctissimorum ingenia adeo torset , & tam diversas opiniones , veritatis specie omnes exornatas , extorsit , ut ex eorum scriptis simul collatis , cum quo sentiendum sit , gravissimè judicari queat. Alii hanc labem à Deo præternaturaliter immitteri , alii à malignis siderum influentiis induci , alii per incantamenta & Diabolicas artes excitari , alii à tempestatum certis constitutionibus produci , alii à putredine , tetrisque ac venenatis exhalationibus generari existimant. Quas omnes opiniones Paracelsistæ simul colligentes , quinque pestis causas , & ab illis quinque ejusdem differentias , statuunt : Dicentes , pestem generari , 1. Ab ente Deali , cum solo Dei nutu inducitur , ad coercenda hominum flagitia. 2. Ab ente astrali , cum à maleficis siderum aspectibus , configurationibus , conjunctionibus , & oppositionibus illa labe in aëre gignitur. 3. Ab

ente Magico , cum veneficorum & incantatorum operâ provocatur. 4. Ab ente veneni , cum per inspirationem halituum-venenatorum aër inficitur. 5. Ab ente Naturæ , cum oritur ex interna maligna humorum putredine. Harum quinque causarum nonnulli secundam & tertiam rejiciunt , ac quartam cum quinta conjungunt , sicque duas pestis species agnoscunt , unam ab ente Deali , alteram ab ente Naturæ. Nos verò etiam nullam ab ente Naturæ pestis causam agnoscimus , sed omnem veram pestem à solo ente Deali procedere dicimus , & jam latius probabimus.

Omnis pestis primam causam in supplicium à Deo irato immitteri , ab omni ævo creditum fuit , tam apud Gentiles , quam apud Iudæos & Christianos. Plato in *Phæd.* pestilentiam causam Diis attributam fuisse docet. Idem etiam testantur , & historiis confirmant , Plutarchus , in *vita Romuli* , & Titus Livius , *Hist. lib. II. cap. 45.* nec non Homerus , antiquissimus scriptor , qui ob filiam Chrysis stupratam , læsum Apollinis numen , telo pestifero in Græcos sævius se scribit. Eodem sensu etiam Ovidius Phœbum una cum forore filios & filias Niobes interfecisse dicit. *Plin. l. 7. c. 28.* refert , ob præcipitatum è Capitolio Manlium , Diis Capitolinis indignatis ,

scævam



sævam pestem Romanos adortam esse. Hippocrates pestilentis contagii labem *τὸ θύον τὶ* continere docet: & lib. de nat. mulieb. dicit, maximè divinum in hominibus morborum causam esse, ac propterea curationem *ἀπὸ τοῦ θεοῦ* inchoari debere. Avenzoar, 3. *Theisir.* ait, pestem procedere ab illo qui est summæ & ultimæ scientiæ. Hinc olim quoque, teste Galeno, in pestiferis constitutionibus semper consulebant deos de remediis; quia ut morbi causam ab iis descendisse pro certo habebant, sic etiam causæ ablationem & remedia ab iisdem petebant. Etiam hodiè Gentiles confugiunt ad sua idola, ut testantur illi qui Indias perlustrarunt.

Præter hæc & innumera alia Gentilium testimonia, Sacræ literæ quoque plus satis confirmant, pestis primam causam semper à summo Deo, ad hominum punitionem, cœlitus descendere atque immitti. Exodi, cap. 5. vers. 3: *Sacrificemus lehorva Deo nostro, ne forte occurras nobis peste & gladio.* Ibidem, cap. 9. vers. 15: *Nunc extendens manum percutiam te, & populum tuum peste, peribisque de terra.* Levitici, cap. 26: *Ait Dominus, si non audieritis me, nec feceritis omnia mandata mea, &c. tandem addit: cumque confugeritis in urbes, mittam pestilentiam in medio vestri.* Numeri, cap. 16. vers. 46: postquam 14700 peste occubuisent, dixit Moyses ad Aaron, *Iam egressa est ira à Domino, & plaga scivire cepit.* Ibidem, cap. 25. vers. 9. leguntur 24000 homines peste extincti. Deuteronomii, 28. vers. 21 & 22: *Adjunges tibi Dominus pestilentiam, donec consumas te de terra: percutiet te Dominus tumore, febre, & frigore; ardore & aestu, & aëre corrupto ac rubigine.* Jeremix, cap. 14. vers. 12: *Quoniam gladio fame & peste consumam eos.* Ibid. c. 21. vers. 6: *Percutiam inhabitatores hujus civitatis, ita ut homines & bestie magna peste sint moritura.* Ibidem, cap. 29. vers. 17, 18:

*Ecce mittam in eos famem, gladium & pestem, & persequar eos in fame, gladio & peste.* Ibid. cap. 51. vers. 1: *Ecce ego suscitabo super Babylonem quasi ventum pestilentem.* Ezechiel. cap. 5. vers. 12: *Non pareet oculus meus, & non miserebor, tertia pars tui peste morietur.* Ibid. cap. 14. vers. 19: *Si autem pestilentiam immiseri super terram, & effudero indignationem meam super eam.* 2 Regum, cap. 24. vers. 15: *Immisit Dominus pestilentiam in Israel, à mand usque ad tempus constitutum, & mortui sunt ex populo à Dan usque ad Bersabee septuaginta millia virorum.* Habacuc, 3. vers. 5: *Ante faciem Dei ambulabat pestis, & carbunculus ante pedes ejus procedebat.* His Sacræ paginæ testimoniis addi possunt duæ memorabiles historiæ, quarum primam describit Acmon, lib. 5. de gestis Francorum, cap. 16. nempe filius patrem Ludovicum. Principem pium ac religiosum, injustè persequentibus, Deum hoc factò tantopere infensum & irritatum fuisse, ut immissa peste undecim dierum spatio totam fere Galliz Nobilitatem extinxerit. Alteram describit Eusebius, *Histol. Eccl.* lib. 9. cap. 8. de violentissima peste, quæ in omnes indifferenter idololatrias & paganos sævit, Christianorum ecclesiæ planè intactâ. Qualem historiam quoque refert Orosius, lib. 7. His adjungatur auctoritas Theophylacti, in *Matth.* cap. 24. ita scribentis: *Nunquam aliunde pestis quam à Deo provenit.* Ex quibus omnibus causam pestis divinam esse, & præternaturaliter à summo Deo immitti, nemo non videt. Quod ipsum quoque docet horrendum illud præsagium adventus Christi, *Matthæi* cap. 24. *Erunt pestes, & fames, & terra motus per loca.* Etiam liber Apocalypicos sanctis Angelis (tanquam divinæ voluntatis executoribus) pestis illationem attribuit, non verò ullis causis naturalibus. Præterea hætenus quoque ab omnibus

D

Chri-

Christianis idem illud semper creditum fuit : hinc enim est, quod Magistratus in pestilenti constitutione publicas supplicationes indicere soleant, ut communibus omnium precibus, jeuniis, & elemosynis divinum Numen placari, & Angeli percutientis gladius à populo averti possit.

His ita positis, ut rei ipsius veritas clarius elucescat, etiam aliorum opinionum fundamenta perscrutanda sunt. In eum finem hic sex problemata examinanda proponemus :

1. *An pestis causa de novo à Deo generetur.*
2. *An ab aëtris produratur.*
3. *An incantamentis & diabolicis artibus excitari queat.*
4. *An ex putredine & tetræ exhalationibus resuletur.*
5. *An à tempestatum cæcis constitutionibus procedat.*
6. *An veneficiis induci possit.*

### Problema I.

Primi problematis negativam defendit Ioannes Pistorius, *lib. de Peste*, qui dicit in prima mundi creatione Deum omnia creasse quæ ad rerum omnium sustentationem & lapsum necessaria erant, ac postea destitisse à creatione : atque hinc concludit omnium rerum fata certo & irrevocabili ordine continuè volvi, nec quidquam de novo ad sanitatem vel morbos inducendos à summo Deo creari. Pistorii sententiam probat Platerus, qui, *præx. tract. 2. cap. 2.* statuit pestilens venenum ab initio mundi fuisse creatum, neque unquam pestem primitus generari, sed eandem solummodo propagari per contagium, quod vel aliquibus in locis in fomite longo tempore delituit, vel ab aliis regionibus peste infectis (nunquam enim mundum à peste ita liberum esse credit, quin semper alicubi grassetur) alla-

tum per ventos vel fomites. Huic sententiæ quoque subscribunt, Ioannes Magirus, *pastor. lib. 2. sect. 7. cap. 6. & Matthias Vntzerus, de lue pest. lib. 1. cap. 15.* Verum hanc opinionem à veritate prorsus alienam esse, jam demonstrabimus. Primo enim inde necessariò concluditur, Deum in prima mundi creatione fuisse auctorem multorum malorum, utpote qui tunc expressè multa condidisset ad lapsum & interitum generis humani. Quod tamen repugnat Sacro textui, *Genesis cap. 1.* *Vidique Deus cuncta quæ fecerat, & erant valde bona.* Secundo, inde sequitur, semen pestilens semel natum deinceps intrasse in naturam, nec quidem ut maledictionis cuiuspiam, sed ut creationis prolem, postmodum suam continuare generationem. Quæ conclusio è directò repugnat verbo Divino, quod pestilentiam tanquam maledictionis & divinæ indignationis plagam à summo Deo ad deputata loca immitti docet : sicut illud paulo ante ex plurimis Bibliorum sacrorum locis probavimus. Tertiò, dicimus, Deum, postquam mundum & omnia quæ in eo sunt creasset, sexta quidem die quiescisse, ut dicit textus Sacer, id est, plures mundos creare noluisse, sed interim tamen creationis potestatem non deposuisse, ita ut ipsi non liceret in mundo jam creato aliquid immutare, & de novo addere, aut creare, vel ante creatum auferre seu annihilare. Hoc quippe certissimum est, quamquam rerum omnium Conditor cælo & elementis certas ac definitas vires dederit, & leges indixerit, quibus mundus hic administretur, illum tamen nullis legibus additum, imò legis auctorem, omnibus præesse, & quas condidit ordinatas vires ac leges, pro beneplacito suo immutare, & novas addere : Sicut olim Solis ordinatum cursum impedivisse, eum-

que

que stitisse legimus, ut Iosua hostes suos prosequi posset: sicut etiam aquarum ordinatum cursum mutavit, easque in Mari Rubro instar murorum stitit, ut Israëlitis ex Ægypto exitus, & per mare transitus daretur. Ita quoque non semel ad mortalium punitionem varias plagas in mundum hunc extra omnes naturæ leges ac ordines demisit. Sic quadraginta dierum pluvia totum terrarum orbem submersit: Azotiis, propter Arcam Testamenti captam, morbum hæmorrhoidum imposuit: sulphur & ignem super Sodomam & Gomorram depluit: aliaque similia multoties peregit, quorum causæ in prima mundi creatione creatæ non fuerunt, sed quibus ipse, naturæ Creator & rector, naturæ leges immutavit. Fortè quis dicet, hæ plagæ non sunt de novo creatæ, sed aliunde solummodo advocatæ, & in destinata loca inmisissæ: nam, ex.gr. aqua creata fuit ante Diluvium, sulphur ante Sodomam, ignis ante Gomorram, ranæ ante Ægyptum, &c. hæc enim à prima mundi creatione originem suam agnoscunt. Addam igitur plura: an uxor Lothi in prima creatione etiam creata fuit statua salis? an baculus Moysis serpens? an aqua Cananæ vinum? an calcei Israëlitarum tam fortes ut quadraginta annis non fuerint attriti? extiterunt quidem in mundo colles salini ante natam uxorem Lothi, serpentes ante natum Moysen, vinum ante nuptias Cananæ; sed tamen uxor Lothi, baculus Moysis, aqua Cananæ, talia nec erant in principio, nec ulla naturæ opera fieri potuissent, nec unquam facta fuissent, nisi summo Deo placuisset huiusmodi novam immutationem seu creationem, pro omnipotentia sua de novo efficere. Quid mirum igitur si etiam pestis seminaria nonnunquam de novo producat, & in aërem præternaturaliter di-

mittat ad hominum punitionem, quando scelerum nostrorum infamia id postulat? eaque rursus, poenâ sufficienter illatâ extinguat? certè maximus ille Opifex, qui Naturæ concessit in particularibus subjectis nova venena producere posse, (qualia sunt illa quæ ex sanguine menstruo & semine corrupto, aliorumque multorum terra putredine generantur, ut & venenum rabiosum canis rabidi, &c.) sibi etiam illam potestatem reservavit, ut morbificum aliquod venenum ad punitionem mortalium, in & ex ipso aëre generare possit, quando celissimæ ipsius Majestati sic placuerit: juxta illud quod populo Israëlítico dicit, *Deuteronomi cap. 28: Nisi custodieris & feceris omnia verba legis hujus, augebit Dominus plagas tuas, & plagas seminis tui, plagas magnas & perseverantes, infirmitates pessimas & perpetuas, & convertet in te omnes afflictiones Ægypti, quas inmisit, & adhærebunt tibi: insuper universos languores & plagas quæ non sunt scriptæ in volumine legis.* Verbo autem Dei summa est potestas, qui crescentibus nostris impietatibus, etiam poenas crescere facit, inter quas baud minimum locum tenent morbi; quorum magna series, majoribus nostris planè ignota, in hoc nostrum ulcerosum seculum de novo irrupit, quorum multorum causas non creatas in prima mundi creatione, sed ob multam peccatorum nostrorum accumulationem, à summo Deo de novo productas esse, certum est. Tales novi & antea incogniti morbi sunt: *Sudor Anglicus seu Britannicus*, qui primo visus est anno 1436. *Lues Venerea*, quæ anno 1494, in obsidione Neapolis primum initium in Christianismo sumpsit. *Scorbutus*, qui anno 1556. in nostris oris maritimis primo observatus fuit. *Morbus Ungaricus*, qui anno 1566 mundum intrasse dicitur, *Brutto Gallicus*, sive *Nova Moræ*

*vix lues*, quem annus 1577 peperit. *Morbis novus Lucemburgensis*, qui anno 1581 primo spargi cœpit. *Febris castrensis insolita & contagiosa*, quæ non ante multos annos visa est : aliique plures. Si aliorum venenatorum morborum (quales sunt Sudor Anglicus, Lues Venerea, &c.) venenum de novo à Deo genitum sit, quis venenum pestilens de novo à Deo generari posse negabit? Non est quod quispiam hic objiciat : si Deus causam pestis de novo præternaturaliter immitteret & generaret, illum fore magnorum malorum causam. Illud nos negamus: Deus enim nec vult, nec desiderat mortem peccatorum, sed ut convertantur & vivant: atque hinc non immitit pestem ad perditionem mortaliū, sed ad salutem plurimorum, ut cum isto flagello multos quidem iuste castiget, verum maximam partem, pœnæ & furoris divini metu, à peccatis avertat, & ad salutis viam impellat, qui alioqui omnes ad æternæ perditionis barathrum se facile devolvissent. Eodem modo sicut Magistratus facit, qui homicidas & latrones capite plectit, non eo solo fine ut ipsos iuste castiget, sed magis ut per illam pœnam multos alios ab ejusmodi delictis avertat, & ad virtutis viam, metu pœnæ & dedecoris, impellat. Si in prima mundi creatione Deus expressè ad humani generis interuersionem pestilens venenum condidisset, tunc longè aliter se res haberet, haud secus ac si Magistratus ad civium perniciem foveas in urbe foderet; hoc enim non fieret ad bonum finem, in pœnam delinquentium, sed fieret ex crudelitate & tyrannide in malum finem, & plurimorum infonitium perditionem. Atque ita ex omnibus his satis liquet, summum Deum pro omnipotenti sua potestate, pestilens venenum de novo in sublunarem mundum introducere, quando pecca-

torum numerus pœnam exigit; idque ex contagio aut fomite non suscitari. Hujus rei veritatem, præter modò dicta, confirmat ipsa ratio. Nam si pestis à contagio semper excitaretur, fieret vel à contagio in aëre hærente, vel in fomite latente. Non ab *illo*, quia venti & radii solares aëris squallores purificant & continuè expurgant, ac inquinamenta absument, ita ut noxia illa contagiosa miasmata longo tempore in aëre conservari, multo minus integris viribus ad longinqua loca deferri nequeant. Non ab *hoc*, quia si pestis produceretur à solo contagio in fomite asservato, necessariò, cum urbem vel regionem aliquam invaderet, ibi perpetuam sedem fingeret: nam in constitutione pestilenti semper innumeri fomites in ædibus infectis asservantur, ex quibus commotis identidem varii contagio insciantur, scilicet quo usque pestis in vigore est: sed declinante vigore, etiam imminuit infectio; ac denique cessante peste, fomites passim commoventur & excutuntur, vel sine, vel cum valde exigua noxa. Si autem ex tali fomite identidem nova pestis epidemia produceretur, tunc in illis locis semel infectis duraret pestis in perpetuum. Ita ut tandem concludendo dicamus, à fomitis contagio alios infici, quousque fomes recens, & pestis in vigore est: sed extra pestilentem constitutionem à fomite diu asservato, aut neminem, aut fortè nonnunquam unum atque alterum, vel saltem paucissimos, pestem contrahere posse, à contagio scilicet quod isti fomiti jam commoto vel excusso inhærebat. Nam hoc in nostra crudeli peste satis diligenter observavi, quod desinente peste, contagium, in quocunque fomite latens, anni spatium penitus emoriatur: neminem enim in tota civitate, in qua propter maximam pestem fomites innumeri fuisse debue-

debuerunt, postquam pestis per annum siluerat, à fomite infectum fuisse, aut quidquam mali contraxisse, audiui, quantumvis ubique domus expurgarentur, supellestilia lanea, linea, aliave qualiacunque excuterentur, vestes peste mortuorum induerentur, nullusque fomitis locus intactus relinqueretur. Quod ipsum quoque observavimus in illa peste quæ Montfurrum anno 1637 gravissimè afflixit; ut & in nupera peste Ultrajectina, quæ annis 1655 & 1656 grassata est. Quæ observationes faciunt ut non admodum magnam fidem habeam iis, qui scribunt pestem aliquam excitatam esse à contagio è fomite, post 12, 20, vel 30 annos in lucem producto, erumpente: sed posito, à tali fomite fortè unum vel alterum ex proximè adjacentibus infici, malum tamen non longè proserpet ulterius; (vide exempla *lib. 4. Hiflor. 112. 119.*) nec epidemiam pestem generabit, pestis nomine verè dignam, utpote cujus primum seminarium seu causa prima à fummo Deo, ~~omn~~ concurrente natura, præternaturaliter in aëre gignitur, & genita, instar subtilis fermenti, se mox ulterius expandit. Hic fortè quis objiciet nuperam pestem Amsterodamensem, quæ à fomite ex Algeria Turcarum, ut & Smyrna allato, circa Autumnum anni 1663 vigere cœpit, ac brevi majora incrementa sumpsit, alijque circumjacentibus urbibus & pagis communicata fuit. Respondeo, illud contagium per solum fomitem ed non fuisse transportatum, sed imprimis per ipsos peste infectos & ægrotantes, ex Barbaria & Græcia (quibus in locis pestis acerrimè grassabatur) huc delatos, qui suo contagio nautas & peregrinos in navibus infecerunt, cumque tandem omnes Amsterodamum venirent, atque in diversis urbis partibus hospitiasumerent, plurimis in locis suo

contagio infecerunt cives suos hospites, sicque propagatum est malum per totam urbem, & sequenti æstate, per infectos ad vicinas urbes inde commigrantes, etiam Lugduno-Batavorum, Hagz-Comitis, Dordraci, pluribusque oppidis & pagis fuit communicatum; idque per contagium quidem, sed cujus tamen primum seminarium Dei nutu aëri fuit impressum, in pœnam sceleratissimorum prædatorum Algeriensium, cujus etiam aliqua pars, ad nostrorum peccatorum punitionem, nobis per contagium fuit transmissa, & mediantè putido fetore, Amsterodamo non modò per æstivalem æstus familiarari, verum etiam propter dilatata eo tempore urbis pomeria, hincque magnam stagnorum & cloacarum commotionem, multum adaucto, plurimis communicata. Sed quis scit, an non quoque nostro aëri antea aliquid pestilentis seminarii fuerit immissum? nam diu ante adventum istarum navium contagium advehentium, pestis crudeliter grassabatur Heusdæ, multisque in pagis, quæ tamen ab isto forinfecus allato contagio processisse non potuit. Denique, posito casu, mercimonia in antedictis navibus contenta, fuisse fomites contagii, hoc tamen non probat pestem semper excitari à contagio in aëre vel fomite asservato, (ut vult Platerus;) verum si fomes recens fuerit, sicut in illis navibus (quæ brevi tempore ex Barbaria & Græcia huc trajecerant) & acre contagium vigente peste fomiti immissum, tunc illud fieri posse concedimus: sed quod contagium per multos annos in fomite asservari, & postea ex eo excussum pestem epidemiam excitare possit, hoc negamus; nam, ut modò dictum, anni spatium emoritur.

*Problema II.*

Secundi problematis affirmativam partem multi gravissimi Philosophi ac Medici cum Astrologis defendunt, docentes pestilentiam causam generari à sola vi corporum cælestium, quæ pro variis aspectibus, conjunctionibus, oppositionibus, & configurationibus, in hæc inferiora vires suas diversis modis exerunt. Hanc opinionem probare nituntur rationibus, & auctoritatibus præstantissimorum virorum. Receptissimum est, inquirunt, Peripateticorum axioma, *Cælum, ut causam universalem, cum particularibus causis concurrere.* Hinc ait Philosophus, *Sol & homo generant hominem.* At si cælum sit auctor generationis, erit etiam corruptionis: nam *Corruptio unius est generatio alterius*, hæcque eadem habent principia. Vnde cælum, tanquam causa universalis, huic sublunari mundo non beneficia tantum, sed quoque maleficia, non salubria tantum ad vitam, sed etiam venenata ad mortem impertitur. Operationes autem cœli seu astrorum in corpora hæc inferiora maximas esse, varia docent, imprimis verò Lunæ effectus, qui omnibus maximè cogniti sunt, in fluxu & refluxu maris, in plantationibus, seminationibus, lignorum cæfionibus, etiam in nonnullis morbis, ut hydrope, epilepsia, aliisque, qui secundum varium Lunæ motum, modò hoc tempore ingravescere, modò alio leniri solent. Ex variis quoque siderum moribus tempestates, pluvias, calores, frigiditates, & similia prævideri posse, Astrologorum scripta non tantum docent, sed ipse quoque eventus demonstrat. Ex iis etiam Hippocrates aliique Medici varios morbos præviderunt & prædixerunt. Tradunt etiam Philosophi alstra esse primarias causas papilionum,

muscarum, locustarum, ranarum, murium, aliorumque ex putri materia oratorum animalium, ut & plurimorum morborum, tam cum, quam sine putredine, corpora humana infestantium. Cum autem tales astrorum in hæc inferiora virtutes, tales in morbis prædictiones, tales putredinum excitationes, tales animalium quorundam ac morborum generationes notissimæ sint, quis dubitabit inter alios morbos etiam pestem ab astrorum hoc illove concursu produci? Probant hanc opinionem maximi quique Philosophi & Medici, ut & ipsa experientia. Aristoteles, 1. *Meteor. cap. 2.* dicit, mundum hunc inferiorem superioribus motibus esse contiguum, & omnem ejus virtutem inde regi ac gubernari; & tam omnem corruptionem, quam generationem à cælo provenire, necessarium esse. Idem alibi dicit, cõitione Iovis & Saturni, regum principatus deletum iri, sæviturosque morbos pestilentes. Avicenna, *primo quart.* ubi tractat de pestilentia, & *sen 3. primi, deff. 5. cap. 1.* alstra, pro diversa inter se mitione, in corpora subcælestia, & in ipsum aërem qualitates occultas, seu benignas, seu maleficas imprimere, hincque etiam pestis causam derivari, clarissimè demonstrat. Valescus de Taranta, in *Philon. pharmac. lib. 7. cap. 16.* & Fernelius, de *febr. cap. 17.* nec non *lib. de addit. cap. 12.* causas quoque pestilentie figuris atque influxibus cælestibus adscribunt. Albertus Magnus dicit, Iovis cum Marte cõitum bella & pestes excitare. Duncanus Liddelius, *lib. 3. de febr. cap. 2.* tradit, adspæctum Saturni & Martis, aut Iovis, potissimum in signis humanis, vel in signo Scorpii, esse insaufum, & pestis causam. Ex conjunctione Saturni, Iovis, & Martis generatam pestem describit Guido de Chauiliaco, Aliam ex Saturni & Iovis

con-

conjunctione ortam, enarrant Marfilius Ficinus, & Iosephus Quercetanus. Astrologi præter siderum conjunctiones, etiam à Solis & Lunæ eclipsibus, cometis, aliisque meteoris, & portentis, pestem, famem ac bella produci ac præfagiri tradunt. Sic ab eclipsibus exortas pestes referunt Georgius Tholosanus, lib. 2. de Rep. cap. 7. Michael Saxo, Chronic. in vita Constantini Secundi Imp. Matthias Mechonius, lib. 3. Chronic. cap. 26. A cometis inductas pestes describunt Andreas Angelus, annal. lib. 3. Crusius, in annal. Trichemius, in Chronicis, & Porphyrius. Inter neotericos Sennertus, lib. 4. de febr. cap. 2. doctè & latè probat, non supernaturaliter, sed sola astrorum vi pestis causam generari. Idem quoque docent Matthæus Zeisius, in orat. de caus. & period. pestis; Quercetanus, in Alex. & Vntzerus, de pest. lib. 1. qui tamen duo posteriores pestiferam vim astris supernaturaliter à Deo tempore pestilenti attribui credunt.

Nonne munitissima & inexpugnabilia videntur omnia hæc argumenta? & tamen illa omnia, quantumvis valida, & gravissimorum virorum auctoritatibus munita, facili negotio ab ipsa Sacra scriptura evertuntur, quæ docet, Genes. cap. 1. stellas creatas esse in signa, & tempora, & dies, & annos, non verò in malorum & mortis causas. Profectò in Paganismum (inquit Ioannes ab Hemont) impinget, quicumque stellarum officia ac destinationes supra Textum Sacrum extendere audebit. Nam Psalm. 148 Deus dicitur præceptum posuisse cælo, quod non præteribit. A transgressu Adami nulla maledictio vel labes cælo infusa legitur, sicut terræ, quæ spinas & tribulos proferet, & propter peccatum remansit mortis feudum. Cæli enarrant gloriam Dei, & opera manuum Domini annuntiat

firmamentum. Cæli ergo futura annunciant, non verò generant, nec venenosos morbos, nec bella inducunt: per motum suum naturalem vicissitudines temporum faciunt, sed nihil mali producunt. Liber Apocalypseos etiam nullam vim punitivam cælis attribuit, sed eandem Angelis adscribit. Ad hæc ipsam pestem inferendi potentiam Angelis à summo Deo mandatam fuisse, legimus, 1 Paralipom. cap. 21. vers. 12. Itaque, cap. 37. vers. 36. Ezech. cap. 9. vers. 3, 4. aliisque locis. Imò etiam sæpe non per Angelos (multo minus per alstra) sed ipsemet pestem immisit, cuius rei vide citata loca in initio annot. 1. huius cap. Cum itaque cæli à summo Deo non sint ordinati ad plagarum illationem, neque in se contineant mortem, bella, venena, pestem, non poterunt quoque huiusmodi plagas super nos effundere; nam dare nequeunt quod non habent, nec continent, nec generant, non enim nuncius bellorum præco eorum causa est. Hinc quoque Origenes, 4. tract. super Matth. acriter eos damnat, qui stellas affirmant maleficas, cum nullam stellarum Deus Opt. Max. creaverit aliquid malefici in se continentem. Præter Sacras literas, ipsa quoque ratio prædictæ opinioni repugnat. 1. Cum terra respectu cælorum sit minimi puncti instar, & alstra multa millena milliaria à terra distent, ac generalissimos influxus habeant, non poterunt malignæ ac pestilentes irradiationes inde defluere ad certas quasdam regiones vel urbes, (sicut plerumque non per totum mundum simul, sed in certis quibusdam civitatibus, vel regionibus pestem grassari videmus;) sed debebunt ad omnes mundi, quem quotidie ambiunt, angulos, vel saltem ad dimidiam mundi partem extendi; nisi forte quispiam tubum à cælo ad nos usque per ætherem directum supponat, per

per quem astra hujusmodi pestifera inquinamenta nonnunquam ad determinata loca ejaculentur. 2. Quia cum omnes regiones astrarum influentiis exposita sint, non poterunt non omnes esse pestis tributaria. Contra verò Trigautius refert, in Sinarum toto Imperio pestem insolitam, & nunquam visam esse. Sic etiam Scaliger tradit illam Æthiopiarum, quæ Nigir accollit fluvium, semper pestis expertem esse: quibus tamen idem Saturnus, Iuppiter, Mars, aliæque sidera eadem sunt quæ aliis regionibus. 3. Si ab astrarum conjunctione induceretur pestis, ut conjunctio illa, sic & pestis brevissimo tempore duraret: nam cessante causa, cessaret simul etiam effectus. 4. Quia si astra venena generare & depellere possent, unica maligna coitione tantum veneni generaretur, quo totum mortalium genus penitus extingueretur. 5. Quia si astra generarent venena, forent perniciofa; atqui Deus illa creavit absque omni perniciæ, ut inferiora hæc benigne continerent & foverent. Hic si forte quispiam objiciat, astra per se quidem bona esse, sed pestilens venenum per accidens ab iis produci, quatenus hoc illoque contrario modo inter se commista, propter contrarias inter se discordes vires, casu aliquid naturæ inimicum generant. Respondeo, ob tempestatum mutationes (quarum astra sunt signa, non causæ) ad calidum, frigidum, humidum, vel siccum, fortè humorum alterationes vel putredines, hincque morbos quosdam naturales per accidens induci, nullum verò venenum pestilens (quod in nulla humorum putredine consistit) nec à tempestatibus, nec ab astris earum signis, unquam de novo generari. Quantum ad Peripateticorum axiomata, *Cælum, ut causam universalem, concurrere cum causis particularibus*: illud in multis fal-

sum erit, nisi per *cælum* intelligant ipsum Deum; nam alioqui etiam ipsa miracula forent naturalia. Sic etiam non satis propriè dicitur, *Sol & homo generant hominem*; nisi per *Solem* (quem multi Gentiles pro vero Deo coluerunt) intelligatur ipse Deus. Malè etiam Lunæ operationes citantur in fluxu & refluxu maris, &c. in quas res nulla Lunæ operatio incidit, cum aquæ marinæ, succi, & humores sponte naturaliter moveantur eodem modo & tempore quo Luna, atque illorum motuum Luna tantum signum sit, non verò causa efficiens. *Tempestatum* verò & quorundam morborum prædictiones è siderum motibus prædici posse concedimus, nempe tanquam è signis, non verò tanquam è causis efficientibus: nam Deus ab initio mundi omnium quæ futuræ erant tempestatum mutationes præscripsit, iisque talem ordinem motus qualem astris dedit; ita ut astrarum mutationum signa esse possint, quia naturaliter simul cum tempestatibus moventur. *Negamus* quoque sidera esse causas papilionum, muscarum, &c. nam hæc animalcula è certa putredine oriuntur in illis locis ubi putredinis occasio est, nempe ubi sunt cadavera animalium putrescentia, fructus facile corruptibiles, aquæ paludosa, cloaca, aliæque foedæ corruptionem fuscipientia. Si ab astris talia insecta primariò generarentur, torus mundi circuitus ab iisdem occuparetur, quia astra generalissimos dicuntur habere influxus, & mundum ambiunt: verum experientia docet illorum insectorum extraordinariam abundantiam non nisi in certis locis reperiri, iis nempe, in quibus magna est putredinis seges, alia verò loca ab iisdem esse immunia. Idem quoque de morbis intelligendum. Quantum ad Aristotelem, Avicennam, aliosque Gentiles, prædictæ opinionis patronos, non mirum



mirum est illos astris multas virtutes tribuisse, nam verum Ens entium ignorabant; ac propterea videtres necessario aliquid debere esse à quo sublunarium mutationes producerentur, astra id facere arbitrati sunt, utpote quorum motus cum tempestatum motibus convenire videbant. Aristoteles adhuc ulterius prospiciens, cum etiam astrorum ordinatos motus adhuc aliud majus principium necessario agnoscere videret, duos Angelos cœlorum rotatores affinxit. Præterea ipse quoque Aristoteles nullam maleficam vim astris adscribit; nam 9. *Metaph. cap. 10.* dicit, in his quæ sempiternæ atque æthereæ sunt, neque malum, neque errorem, neque corruptionem inveniri. Plato quoque docet, cœlum & siderum concursus semper bonum in hæc inferiora influere, ab iisque non nisi conservationem & beneficium inferri. Sic quoque Averrhoës, *celi cap. 24.* inquit: *Corpora celestia continent elementa, conservant ipsa, & universaliter sunt ipsis quasi forma.* Verum hic planè mirari licet, quomodo Mercurialis, Sennertus, aliique Christiani, viri doctissimi, qui verum Deum omnium principium agnoscunt, prædictæ cœcæ Paganorum doctrinæ tam facile subscribant, ut etiam, licet verbo Dei contradicente, à creaturis potius quam Creatore rerum principia & causas quærant, atque insontia sidera, tanquam malorum fabricatores, culpent, iisque pœnas extraordinario modo inferendi vim tribuant, quæ soli Deo propria est. Quapropter omnium horum auctoritates & rationes, in quantum Sacræ scripturæ repugnant, & astrorum operationes ad alia munia, à Deo ipsis non præscripta, distortent, rejiciendas esse arbitramur. *Flocci* etiam faciendæ sunt historiæ ab experientia de conjunctionum astrorum effectibus annotatæ: quam frivola enim sint &

distortæ, vel sola Guidonis historia ante citata satis docet: nam ille describit pestem furiosissimam, qualis vix unquam sævior grassata fuit, hancque dicit incepisse mense Ianuar. anni 1348, & genitam fuisse ex conjunctione Saturni, Jovis, & Martis; quam conjunctionem ait contigisse anno 1340, die 24. mensis Martii. Ecce quam egregiè causam illius pestis conjunctioni illorum Planetarum adscribit, quæ totis octo annis antea facta fuerat, & solummodo per exiguum temporis duraverat: quis non videat absurdissimum esse credere, conjunctiones astrorum minimo tempore durantes, post tot annorum intervalum primò operationes suas edere, & tanto temporis interstitio nullum malignum signum præmittere? profecto si tales conjunctiones aliquid possent, in instanti suas operationes ederent, nam sunt tantum momentaneæ. Sic etiam multorum aliorum similes observationes, si curiosius examinentur, nullo solido fundamento inniti apparebit. Et posito, pestes oriri tempore talium conjunctionum, quis vel ex Sacris literis, vel firmis rationibus demonstrabit, illas à talibus siderum conjunctionibus produci? & rursus, posito, venenum pestilens ab istis conjunctionibus generari, unde tunc illarum pestium causæ procedent, quæ sæpe cum salutaribus (ut appellantur) astrorum conjunctionibus & influentiis inducuntur? sicut se id in gravissima peste sui temporis observasse scribit Platerus, *prax. tract. 2. cap. 2.* Frivolæ igitur sunt hujusmodi observationes, ut & illæ quæ de Solis Lunæque eclipsibus (quas ærem pravis & malignis inquinamentis conspurcare credunt) gravi stylo à quibusdam descriptæ sunt. Profectò nihil eclipses ad iuductionem pestis facere, quotidiana experientia demonstrat; nam nullo non anno aliquot hujusmodi eclipses

E

con-

contingunt, nulla omnino peste subsequente. Huc etiam accedat Cardani observatio, qui *Subril. lib. 16.* inquit : *Ab anno 1539 usque ad annum 1551, tot Solis, & maxima, tum Luna deliquia apparuerunt, & tamen Italia ab anno 1531, ad annum presentem 1552, nullam passa est insignem pestis cladem, imò nec sermo vestigiū.* Quantum ad cometas, meteora, aliaque similia, illa etiam nunquam pestem generarunt, sed aliquando ejusdem adventantis signa fuerunt; quemadmodum etiam terræ motus bella & pestem non raro prælagierunt. Fiant autem hæc præfagia, quia Deus Opt. Max. secundum immanem suam misericordiam, antequam vult punire, solet signo dato peccatores præmonere, (sicut præmonuit Ninivitas per Prophetam Ionam) ut à sceleribus suis tandem desistant, & convertantur ac vivant, priusquam indignationem suam super illos effundat. Concedendum ergo multos divinos morbos, propter delictorum nostrorum magnitudinem, de novo à summo Deo immitti, (quales olim etiam fuerunt illi, quibus Azotios in secretiore parte natum, in Ægypto omne primogenitum, in castris Assyriorum centum & octoginta quingque hominum millia percussit) quorum primaria causa ab astris, aliisve naturalibus corruptionibus petenda non est: atque inter hos morbos pestem facile primarium esse. Quapropter, his ita se habentibus, non immerito Petrus Paulus Pereda, in *Paschalis meth. med. l. 2. c. 9.* Ioannes Picus Mirandula, *lib. 4. ad vers. Astrol.* Vallieriola, in *append. locor. com. cap. 2.* Iamblichus, *lib. de myster.* multi- que alii, negant influxum astrorum ac- rem corrumpere, & ad pestem quid- quam facere posse. Averboës quoque dicit : *Qui credit Martem, aut aliud fidus quovis modo dispositum nocere corporibus, aliena ab omni Philosophia credit.*

### Problemata III.

Tertii problematis affirmativum pa- tronum imprimis se offert Paracellus, cum suis asseclis; qui docet pestem spi- rituum infernalium ope, ac sagarum incantamentis induci quoque posse. Quod etiam antiquitus à nonnullis cre- ditum fuisse, liquet ex Diodoro Siculo, qui pestem appellat, *Damoniacum ca- lamitatem.* Ita quoque Eustathius refert, nonnullos putasse, illam pestilentiam Græcorum, de qua scribit Homerus, *Iliad. 1.* magicis artibus à Chryse machinatum fuisse. Hercules Saxonia, *lib. de plica, cap. 11.* Sagarum, non tantum vivarum sed etiam defunctorum, ma- gnas esse vires ad pestis inductionem, historia (quam tanquam certam & ve- ram proponit) admiranda probare an- nititur. Præterea ex magica pestis cu- ratione quoque judicandum videtur, pestem magicis Sagarum artibus indu- ci posse. Nam si morbum hunc generaliter curare & tollere diabolo con- cessum fuerit, quidni etiam inferre? Sic Philostratus 4. 3. & Eusebius, in *Hierod. 4.* referunt, Apollonium ma- gum gravissimam Ephesiorum pestem diabolicis artibus extinxisse. Sic quo- que refert Iovius, *hisor. 21.* tempore Hadriani Pontificis Romam à peste graviter afflictam fuisse, quæ omnibus remediis deficientibus, tandem à Græculo quodam Demetrio Spartano, diabolicis incantamentis, & immolatione tauri sedata est. Verum etsi hæc non- nihil speciosa esse videantur, multa ta- men, quæ in contrarium docent, nec cacodæmones, nec sagas pestem infer- re posse. Nam si talis potestas diabolis concessa foret, illi propter odium per- petuum maximamque iram, qua per- petuū in genus humanum flagrant, pes- tem immanissimam & infinitam, usque

ad totalem humani generis extinctionem, inducerent. Præterea cacodæmones illam in nos potestatem habere, nusquam in Sacris literis invenitur; neque in iis alii satellites, qui plagam hanc inferant, leguntur, quam Angeli lucis, qui nativa bonitate præditi, non odio in humanum genus efflagrant, neque illius interitum, sed salutem potius desiderant. Ideoque à Sacre paginæ veritate recedunt, qui diabolis vim pestem inferendi tribuunt. Quantum ad historiam Saxonæ, quam magnus ille vir, nimis credulus, non nisi ex relatu aliorum, tanquam veram describit, illa tota fabulosa est, ut quilibet citato loco videre poterit. Profecto nimis increduli, & minus Christiani nobis videntur, qui à vero Deo recedunt, & cacodæmones plagarum primarias causas absolutâ voluntate ac potestate inferre statuant: haud secus ac illis jam diu à summo Deo in æternum condemnatis, etiam aliqua alios condemnandi, plagasque inferendi libera potestas superesset: quasi verò iudex condemnato latroni liberum latrociniorum exercitium adhuc permittat. At enim dicas, diabolus id facit Deo sic permittente, sicut etiam sanctissimi viri Iobi corpus gravi morbo defœdavit. Respondeo, primò, nusquam in Sacris literis legi, Deum Satanæ permisisse ut pestem plurimis regionibus communem inferret, sed Deum illam potestatem semper sibi reservasse, ut liquet ex Sacre scripturæ locis jam antea citatis. *Secundo*, posito casu, Deum id Satanæ permittere, illa tamen pestis tunc à Deo est, neque à Satanæ arbitrio dependet; quam etiam Satanæ non invehit, nec invehere potest iussu fagarum & incantatorum, imò ne quidem propria potestate, sed solius Dei. Idem quoque de magica pestis curatione intelligendum, quam etiam Satan pro suo arbitrio, aut fagarum be-

neplacito perficere nequit. At repugnant, dices, citatæ historiæ. Minimè: nam illæ curationes generales à diabololo peractæ non fuerunt, sed à Deo. Satan autem cum sit perspicacissimus, & ad generis humani seductionem ac perditionem dies noctesque incumbat, simul ac percipit morbi terminum à Deo præfinitum jam adesse, tunc per sagas, incantatores, aliosque suos ministros, pestis extinctionem promittit, dummodo homines hanc illamve ceremoniam celebrent, ut hoc modo multos à veritatis via ad erroris tenebras seducat: qui videntes pestem ad fagarum promissa cessare, (quæ etiam sine illis, propter præsentem terminum à Deo præscriptum, cessatura erat) diabolicis laqueis facile irretiuntur, dum credunt diabolum divina maximeque potestate præditum, atque etiam metuendum, honorandum, & implorandum esse. Denique objicies, tamen sagas & fascinatores diabolicis artibus alios morbos inducere posse, ut à longa experientia constat, (exempla describunt, Alexander Benedictus, *lib. 7. præf. c. 25.* Ioannes Langius, *lib. 1. epist. 38.* Antonius Benivenius, *de abdit. sanat. cap. 8.* Baptista Codronchius, *de morb. venef. Forestus, lib. 18. observat. 16. in scholio.* Cornelius Gemma, *lib. 2. de divin. nat. charact. cap. 4.* Fabricius Hildanus, *centur. 2. observ. 43.* Zacutus Lusitanus, *prax. admir. lib. 3. observat. 134.* alique plures) si alios morbos, ergo etiam pestem inferre posse. Respondeo: sagas ope diaboli non posse aliquos morbos inducere quando volunt, neque etiam quibuslibet illos inferre, sed quando Deo placuerit, & solum talibus, vel quorum fidei constantiam Deus hoc modo vult probare, sicut sancto viro Iobo contigit: vel quorum incredulitatem & impietatem Deus hoc modo vult punire, non solum in propria impij

persona, sed multoties quoque in fontibus liberis, armentis, frugibus, aliisque bonis: atque ita sagarum incantamentis interdum etiam infantes, (quod ego ipsemet bis vidi) interdum alicujus boves, oves, equi, vel fruges læduntur; non tamen quod ista lædendi potestas inducat ab arbitrio sagarum, sed Dei, ut jam diximus. Ita ut concludendum sit, nullos morbos primariò induci à sagis aut Satana, sed à Deo, qui ad illorum illationem interdum Satana utitur tanquam instrumento, non verò tanquam causa efficiente. Nusquam tamen, quod scio, in Sacris legimus ad pestem inferendam Deum Satana usum fuisse tanquam ministro, multo minus tanquam causa. Hanc quæstionem curiosius examinandam relinquimus Theologis, præter quos, eadem satis accuratè discutitur à Wiero, *lib. de præstig. demon.* Ioanne Bodino, *in consut. opin. VVieri*; Iacobo Magnæ Britannæ Rege, *in libello hac de re ab ipso peculiariter conscripto*; Sennerto, *lib. de morbis à fascino induciti*.

#### Problema IV.

Quarti problematis affirmativam partem tenent, Fracastorius, Eustachius Rudius, Capivaccius, Gerardus Columba, Augenius, Massaria, Riverius, alique gravissimi artis Medicæ proceres, qui ex putredine pestis causam resultare omnes statuunt. Hanc autem putredinem alii excellentem, alii totius substantiæ destructivam, alii profundam, alii fordidam appellant: alii rursus ex sola putredine & re putrescente, alii à veneno putrescente, pestilens seminarium generari existimant. In hoc autem cardine tota res versatur, quod credant pestilens venosum inquinamentum generari ex certa quadam putredine, eaque vel inter-

na, intra corpus hominum genita; vel externa, ab aliis rebus externis putrescentibus producta: vel ex putredine interna & externa simul concurrentibus: & illud nihil aliud esse quam excellentē putredinem quæ superat communis putredinis gradum. Hanc opinionem stabilire nituntur rationibus, historiarum exemplis, & auctoritatibus.

1. Præcipuum argumentum quo imprimis nituntur, hoc est: Si ab excellenti putredine, tam intra, quam extra corpus, aliqua venena generari possint, ergo etiam venenum pestilens: Atqui verum prius, ergo & posterius.

2. Probant minorem ex Galeno, qui *lib. 6. de loc. affect. cap. 5.* dicit, à Medicis olim indubie sancitum & conclusum fuisse, quod in animalibus corruptio quædam possit excitari tam vehemens, ut veneni serpentis similem habeat vim ac qualitatē. Eriam, *eodem lib.* scribit, corruptum senien veneni naturam induere, & convulsiones, suffocationes, aliaque fævissima accidentia proferre. Ad hæc, inquirunt, quia venenum rabiosum, epilepticum, hystericum, aliaque plura, ex occulta insigni putredine intra corpus generari, notissimum est.

3. Probant consequentiam, partim quia plurima symptomata ex putredine orta (ut nausea, linguæ siccitas, febris, bubo, anthrax, &c.) pestem comitantur. Partim, quia febres illæ pestilentes, quæ constitutiones pestilentes plerumque antecedunt, ex insigni putredine intra corpus genita nascuntur, ex qua adaucta venenum pestilens generari; atque hinc, postquam tales febres nonnihil grassatæ sunt, pestem plerumque sequi tradunt. Sic quoque pestilentes illas febres quæ pestem comitantur, id ipsum docere ajunt, quæ ex eadem putredinis malignitate una cum peste oriuntur. Præterea famem, seu annonæ

annonæ caritatem, quam plerumque pestis sequitur, dicunt omnium manifestissime offendere, pestilens venenum intra corpora humana generari ex putredine humorum è corruptis alimentis genitorum : quales pestes describunt, Iulius Cæsar, *lib. 2. de bello civili*; Flavius Iosephus, *lib. 7. de bello Iudaico*, *cap. 26.* Euagrius, *lib. 2. Hist. Ecclesie*, *6.* Avenzoar, *lib. 3. tract. 3. cap. 1.* Forellus, *lib. 6. observ. 9. & 26.* Rulandus, *de morbo Vng. cap. 8.* alique plures. Illud ipsum quoque clarissima historia demonstrare tradunt Thomam Erasmus, *epist. med. 7.* ubi refert, cum in nuptiis quibusdam ob æstum carnes putrescere cepissent, omnes illos qui de iis esicassent, communi morbo correptos & confectos fuisse : nempe à veneno, ajunt, pestilenti, è corruptis illis carnibus, in corporibus adhuc magis putrescentibus, & humorum quoque interiorum malam putredinem inducentibus, genito. Similem quoque historiam adserunt ex Iulio Obsequente, qui tradit ad insulam Iiparas, mare ab Ætnæ montis ignibus fervefactum multos pisces neci dedisse, quibus semicorruptis ad litus eiectis cum incolæ avidius vescerentur, ex interna corruptione morbos pestilentes exortos fuisse, quibus multi perierunt. (His posterioribus historiis, aliisque similibus etiam probant, interdum neque solam externam, neque solam internam putredinem, sed utrasque concurrentes, venenum pestilens producere posse.) Tandem colophonis loco citant Galenum, qui *2. de nat. hum. corr. 2.* scribit, quosdam qui in fame coacti fuerant triticum semiputre comedere, morbo communi laborasse; & olim exercitum universum, cum aqua corrupta fuisset usus, in omnibus militibus commune malum sensisse. Et *lib. de cibis boni & mali succi*, nec non *1. de*

*differ. febr. cap. 3.* docet ex pravis & corruptis alimentis morbos pestiferos oriri. Atque his jam dictis arbitrantur se satis probasse, venenum pestilens ex putredine interna oriri posse.

4. Ab exteriorum verò putredine venenum pestilens quoque generari, docent, inquit, magnæ bellicæ strages, post quas, è cadaverum putrescentium multitudine venenatus pestilens vapor elatus, gravissimas sæpe pestes induxit; quales describunt, Iulius Alexandrinus, *de bello Punico lib. 6.* Ioannes Cuspinianus, *in vita Henrici 1. Imp.* Diodorus Siculus, alique plures. Sic etiam Paræus, *lib. 10. cap. 13.* refert, Penæ multa interfectorum hominum cadavera in puteum centum ulnas altum projecta fuisse, atque hinc tam foetidum ac venenatum vaporem suscitatum esse, quo multa hominum millia, per totam Aagenensium provinciam, tamquam peste interierunt. Aliorum quoque animalium cadavera putrescentia idem facere, varii scribunt. D. Hieronymus, *in Isaiam Prophet.* & D. Augustinus, *l. 3. de civ. Dei*, *l. 31.* ac Sabellius, *lib. 9. En. 5.* tradunt, ingentem locustarum multitudinem, in mari suffocatarum, ac postea in litus eiectarum, ibique putrescentium, horrendam pestem excitasse. Ex piscibus emortuis in littora eiectis, & putrescentibus, excitationes pestes describunt, Ioannes Wolfius, *rom. 1. test. memorab. cent. 10.* Andreas Angelus, *in annal. Brandeb.* Forellus, *lib. 6. observ. 9. in scholio.* Paræus, *lib. de pest. cap. 3.* Agricola, *de peste, lib. 1.*

5. Externas quoque evaporationes, exhalationes, putridosque vapores, pestilentes ac venenosos esse, præter modò dicta, imprimis demonstrare, dicunt, latrinas & antiquas cloacas, è quibus apertis tam exitiosi halitus exspirant, qui multoties proximè adstantes statim interimunt; quod quotidie

nā experiētiā compertum habemus : & Guainerius, *de pest. cap. 1.* scribit in Campania ex puteo quodam antiquo, diutissimē clauso, & tandem aperto, tam venenatum halitum exspirasse, quo adstantes subitō perempti sunt. Ita quoque notissimum esse ajunt, post terrę motus non rarō ex abditis terrę meatibus adeo putridum venenosum halitum prodire, qui pestes furiosissimas inducat, qualem Platina refert contigisse anno 1232. Georgius Agricola anno 1360. Quercetanus anno 1584.

6. Stagna quoque, lacus, aliaque aquas putrescentes pestilens venenum generare, satis notum esse, arbitrantur ex eo, quod Lærtius testatur Empedoclem ex adjacentis fluvii foetore genitam pestem à Salernitiis avertisse, duobus vicinis annibus in illum immis-  
sis. Etiam ex aqua illa in qua cannabis vel linum maceratum fuit, quæ adeo venenosa evadit, ut non tantum pisces, verum etiam potata homines occidat.

7. Ab aëre in sua substantia putrescente, pestilens venenum generari, probant historia illa Capitolini, in *L. Vero*, & Ammiani Marcellini, *Hist. 73.* (cujus etiam meminerunt Cardanus, Portus, Io. Riolanus, alique) qui referunt in Seleucia furiosissimam pestem natam, & inde Parthis, Græcis, Italis, ac toti orbi communicatam fuisse, ubi in templo Apollinis ex arca quadam miræ vetustatis (in quam milites fortē inciderant) aperta, spiritus contagiosus ac pestilens exiisset, qui adeo horribilem excitavit pestem, qua tertia pars hominum prostrata fuit. Hunc autem spiritum pestilentem generatum fuisse credunt ex putrefactione substantiæ illius aëris, qui in arca ista tanto tempore conclusus fuerat.

Atque hæc sunt præcipua fundamenta quibus vetus opinio, de pestilentis veneni generatione ex putredine, inni-

titur : quæ antiquissima fundamenta nunc evertere, & tot tantisque doctissimis viris se opponere velle, eminus insipienti non minus temerarium, quam operosum, videbitur. Verum quia *Nihil temere credere, nervus est sapientia*, etiam nos huic opinioni non temerē subscribendum censuimus ; sed, ut rei veritas melius elucescat, prius singula breviter examinabimus.

1. Videamus quanti momenti sit præcipuum eorum argumentum : *si ab excellenti putredine, &c.* Nos concedimus aliqua venena ex putredine generari posse, sed dicimus pestilens venenum ab illa non produci. Non ex putredine interna, quia hæc prævias alterationes, & longius tempus requirit, neque ab illa eodem tempore hæc omnia simul fieri possibile est, nempe putredinem incipere, summam evadere, venenum generare ; hominem occidere, & ejusdem veneni translatione eundem morbum etiam aliis communicare : quæ omnia necessariō simul fieri debent in iis, qui peste correpti statim mortui concidunt, ac simul etiam alios contagio inficiunt, quales subitas mortes sæpe evenire notissimum est. Non etiam ex putredine externa, partim propter jam dictas rationes : partim quia venena, quæ inde producuntur, proximis quidem, qui illa attrahunt vel attingunt, inficiunt, non verò aliis contagione multum communicantur. Velim igitur illos, qui ex putredine pestilens venenum extorquere volunt, modum & formam illius putredinis depingere, & docere processum quo humores interni taliter putrescant, & quomodo illa venenifatio peragatur, in quo loco illa putredo concipiatur, quomodo in sanguine euchymo ante pestem oriatu-  
rit, etiam demonstrare essentiam istius putredinis, quæ paucis subinde horis, imò momentis tragædiam suam absol-

vit.

vit. Nisi hæc edoceant, cadit eorum doctrina.

2. Galeni loca ad probationem minoris citata, nihil pro iis faciunt: nam Galenus ibi docet, ex interna putredine posse generari venenum serpentino veneno simile, vel aliud aliquid non contagiosum ad distans; minimè verò probat pestilens venenum maximè contagiosum inde produci. Sic quoque nos concedimus, venenum canis rabidi, aliudve simile, sponte Naturæ ex certa aliqua interna corruptione posse generari, minimè verò venenum pestilens, aliudve, quod contagio totas regiones inficere possit.

3. Malè etiam consequentiam inde probare nituntur: *Primo*, quod symptomata ex putredine orta pestem comitentur, nam illa non sunt de essentia pestis, & putredo humorum, est pestilentis veneni effectus, non causa, à quo effectû symptomata illa procedunt. Talis etiam fuit mens Galeni, quando 3. epid. com. 3. text. 75. de quodam peste cum phrenitide extincto, ita scribit: *Hic quoque eger statim tertio die censendus est obiisse à qualis. ita succorum virulentorum, non phrenitide peremptus: at phrenitis illum est subssecuta symptomatis vice.* *Secundo*, quod febres pestilentes putridæ pestem præcedant & comitentur: nam pestis non procedit ab aucta putredine istarum febrium causa (ut illi putant) sed ab aucta causa illius putredinis, quæ eadem est cum causa pestis, à qua tantum differt intensiõis gradu, quam causam paulo altius inquiremus sequenti capite. Neque fames etiam, seu annonæ caritas eorum opinionem stabilire potest; nam non omnem, sed illam tantum famem sequitur pestis, quæ fames & ipsa à pestilentia causa originem sumit, (dum ab ea causa primò fruges terræ corrumpuntur, postea pestis inducitur) sicut putredo è qua febres pestilentes (ut sequenti capite do-

cebimus) ita ut fames illa non sit causa pestis, sed ipsamet eandem cum peste causam habeat. Nam putredines humorum è corruptis alimentis genitas non producere pestilens venenum, liquet ex iis qui diu vel annonæ, vel opum defectu (ut captivis, aliisve fugitivis, in peregrinis regionibus, hominum consortia sæpe diu fugientibus, nec non interdum pauperibus quibusdam honestioribus & mendicare erubescuntibus, non semel contigisse novimus) valde corruptis alimentis usi, & tamen peste correpti non fuerunt. Liquet etiam ex eo quod omnem famem non sequatur pestis, quod aliqui necessariò contingere deberet. Sic Ioannes Morellus, lib. de febr. pest. cap. 3, refert apud Cabilonenses fuisse rei frumentariæ inopiam, & tamen agrestes ac plebejos homines, qui pravis edulis vescabantur, pestilenti morbo correptos non fuisse, sed eundem maximè sævisse in divites, nobiles, & genio indulgentes. Item & Galenus, lib. 1. de bonit. & vis. succ. meminit pestis quæ Romam crudelissimè affixit, quam continuò excepit haud mitior fames, post quam tamen famem nulla pestis de novo excitata fuit. *At enim hic forte dices*, in urbibus longa obsidione clausis, ut plurimum post famem invadit pestis, quæ fames & pestis non possunt adscribi supernæ alicui causæ, quia tunc non uni tantum urbi, sed pluribus etiam locis illa pestis communis foret, & soluta obsidione, ac copioso victu allato, statim non cessaret, quod tamen plerumque fieri videmus: ergo illa pestis oritur ex maligna humorum putredine, è corrupto ac pravo victu inducta. Respondeo: *primò*, post huiusmodi famem diu obsessi loci, à vitiosis & corruptis alimentis, hincque generatis pravis succis ac humoribus, generari febres pestilenciales privatas sine peste, quæ etiam pernici-

perniciosa sunt ob putredinis magnitudinem, ac corporum à longa fame emaciatorum debilitatem, & communes sunt, non tam à contagio, quam communi vitioso victu: & quia se contagio ad distans non diffundunt, hinc extra obfessa mœnia non conspiciuntur. Huiusmodi autem febres pestilentes (quæ in locis diu obfessis frequentes sunt) vulgariter, quamvis improprie, pestes appellantur, cum propter frequentiam, tum propter perniciem; etsi à peste multum differant, (hoc docebimus *cap. 12. annot. 4.*) atque ita sæpe putatur pestis in talibus locis grassari, quæ tamen vera pestis non est: ut ex eo patet, quod soluta obsidione, & victu copioso allato, rursus brevi tempore cesser, cum alioqui vera pestis nulla victus copia vel bonitate extinguitur. *Secundo dico*, multoties gravem annonam seu famem, tanquam iustissimæ divinæ iræ flagellum, ad mortaliæ punitionem, non minus quam ipsam pestem, à summo Deo cœlitus immitti; sicut legere est Deuteronom. *cap. 28.* Exodi *cap. 9.* Ieremix *cap. 14.* & 19. aliisque plurimis Sacræ paginæ locis, ubi Deus minatur se fame, peste, & gladio hominum delicta punitorium, è quibus tribus plagis Regi Davidi optionem dedit. Vnde satis percipi potest in locis diu obfessis pestem non necessariò oriri à fame, sed Deum posse illis obfessis & bellum, & famem, & pestem simul immittere, ita ut unum non sit causa alterius, sed singula suas proprias ac diversas causas habeant ab uno Deo diversimode immixtas. Tandem ergo concludentes, dicimus cum Liddelio (*lib. 3. de febr. cap. 2.*) ex pravis alimentis per se pestem non oriri, sed febres pestilentes privatas: ex accidente verò, quia corpora ad pestem suscipiendam disponunt, causas pestis secundarias dici posse. Huic conclusioni etiam non

repugnat citata Erasii historia, nam illa ex putrescentium carniū esu non probat genitam fuisse pestem, seu aliquod pestilens venenum, sed tantummodo morbum communem putridum, ac lethalem iis qui illas carnes edissent; neque de pestiferis signis, nempe bubonibus, anthracibus, vel exanthematibus, ut neque de contagio, ullam facit mentionem. Neque repugnat historia Obsequentis, qui dicit, ex comestione piscium putrescentium generatos fuisse morbos pestilentes, (fortè febres malignas, dysenterias, aliove similes) minimè verò pestem: quam etsi expresso verbo etiam nominasset, tamen nonnihil concedendam fuisset scriptori non Medico, sed Historico. Etiam non repugnat Galeni auctoritas, colophonis loco, *ex 2. de nat. hum.* citata, nam Galenus ibi in toto commentario loquitur de aliis morbis communibus, non verò de peste, cuius ne minimam quidem mentionem facit: hæc sunt illius verba: *Qui in Aeno, tempore maxima famis, vescabantur leguminibus, ii cruribus debilitabantur: qui verò erva edebant, hos genium dolor corripiebat: neque hoc nos ignoramus, cum in fame quidam frumentum summiptare coacti manducare essent, in communem communi de causa incidisse morbum: aliquando etiam cum usus insecta aqua esset totus exercitus, similiter afflictos omnes milites fuisse.* Exemplum super hæc Galeni verba petere licet ex Polybio, 3. *Hist.* ubi dicit, totum Hannibalis exercitum multa mala perpeffum, à pravo victu cachexia & *κακοψυχία* (id est, scabie & fame orta) laborasse. Galenus etiam, *lib. de cib. boni & mali succ.* ut & 1. *de diff. febr. cap. 3.* non dicit pestem, sed morbos pestiferos ex pravo victu oriri, quod fieri posse etiam nos concedimus. Ratum igitur esto, saltem nullam internam humorum putredinem, qualiscumque illa fuerit, pestilens venenum, & veram



& veram pestem generare posse. Nunc videamus quid possit externa putredo.

4. Cadavera, sive hominum, sive aliorum animalium, putrescentia pestem non generare, docent multæ magnæ strages, post quas talis cadaverum inhumatorum putrefactio nullas pestes induxit. Nostri temporibus, anno 1642, in agro Iuliacensi maxima strages facta, & præter Weimerenses (qui victoria potiebantur) ad minimum octo millia militum Cæsariorum occisa sunt, præter majorem adhuc famulorum, rusticorum, aurigarum, puerorum, & mulierum numerum, atque equorum copiam innumerabilem: corpora inhumata sub dio computruerunt, maximo cum fœtore, nulla tamen pestis infecuta est. Sic in Germania, durantibus his nostri seculi crudelissimis bellis inter Cæsarianos & Suedos, etiam plurimæ maximæ strages factæ sunt, nulla peste subsequente. Idem quoque alias sæpe contigisse, ex historiis constat. Si aliquando ex fœda cadaverum putredine aliqui morbi oriantur, illi vel erunt putridi simpliciter, vel putridi maligni, ac pestilentes privati, non autem vera pestis. Liqueat id ex historia Parzi citata, qui ex cadaveribus in puteum projectis, dicit multos tanquam peste interiisse: non dicit simpliciter *peste*, sed *tanquam peste*, id est, morbo tali, quem propter malignitatem assimilat pesti. Idem quoque liquet ex altera Parzi, ut & Foresti historia, qua singuli describunt pestem inductam ex terribili fœtore balneæ in littore putrescentis, quam pestem dicunt tantum invasisse proximis accolæ. Vbi ambos per *pestem* intellexisse febres, vel morbos pestilentes privatos, ipse eventus docet, nam vera pestis contagio le ulterius propagasset: neque facile mihi quispiam persuaserit, veram pestem in unico so-

lo pago sedem figere, & eique immori. Præterea sciendum, post magnas hominum strages, sæpe magnam celestem plagam, nempe pestem à summo Deo immitti, qua tanti homicidii peccata vult punire, non quod illius plagæ causa ex putredine cadaverum oriatur, sed ex venenato inquinamento, quod ab ultrice Dei manu descendit. Quam etiam causam, non verò locustarum putredinem, agnoverunt pestes illæ ex D. Hieronymo & D. Augustino citatæ: nam in præcedentibus referunt magni illi viri, summum Deum maximas plagas in Africam & Iudæam, & inter cæteras, tantam locustarum copiam immisisse, quæ non arborum solummodo, sed omnium frugum & herbarum folia, fructus, ac cortices consumerent atque deperderent; quibus locustis tandem ventorum turbine simul in mare transportatis ac suffocatis, & inde rursus in littora ejectis, successisse alias duas maximas plagas, famem nempe & pestem. Hanc autem pestem non ex locustarum putredine processisse (hæc enim solummodo potuit esse causa secundaria, corpora labefactans, & ad pestem facile suscipiendam disposens) sed cœlitus demissam fuisse, vel cæcus videat. Nam locustæ illæ in plagam hominum eodem modo immisæ fuerunt, sicut tempore Pharaonis, *Exodi* 8. cyniphes & muscæ in Ægyptum misæ sunt; ut & locustæ, *Exodi* 10. quæ similiter super terram devorarent omnem herbam: & Pharaone nondum resipiscente, Deus alia nova plaga percussit omne primogenitum in Ægypto, *Exodi* 12. quæ percussio non fuit orta à plaga præcedente, seu à locustis, sed de novo à Deo fuit immissa. Idem quoque de illis citatis pestibus judicandum est: nam hoc modo verificatur verbum Dei, qui minatur se inobedientibus, & verba legis

F

non

non custodientibus, immisurum omnes plagas Ægypti, ut ex Deuteronomii cap. 28. citavimus problemate primo: quæ plagæ non producebantur una ab alia, sed singulæ seorsim à Deo immittebantur, quemadmodum illud ipsum in citatis quoque pestibus factum fuit.

5. Evaporationes quasdam putridas & malignas interdum à graviore putredine etiam venenatas fieri posse, concedimus, sed minimè pestilentes fieri, aut pestem generare posse. Docent id citatæ latrinæ & antiquæ cloacæ, quarum halitus proximè adstantes tantum afficiunt, neque contagio suum virus ulterius diffundunt, neque unquam bubones, anthraces, aliudve pestilens symptoma produciunt, imò isti foetori assuetos plane non afficiunt, ut apparet in iis qui talia loca purgare solent. Idem quoque intelligendum de puteo illo Guainerii, in Campania aperto, cujus halitus tantum proximè adstantes interemit, non alios, neque contagio diffusum fuit virus. Qui post terræ motus ex terræ hiatibus exspirant halitus venenati, illi venenositatem suam non habent ex putredine, sed à profundissimis maximeque exitiosis mineris (antimonialibus, arsenicalibus, mercurialibus, vel aliis) è quibus sæpe emergunt: quod ex eo manifestum est, quia cum ex talibus mineris non prorumpunt, etiam nulla eorum venenositas percipitur. Sic anno 1640. 4. Aprilis stylo novo, seu 25. Martii stylo veteri, nocte circa diluculum magnus terræ motus totum Belgium & magnam Germaniæ partem concussit; hinc in Geldria, non longè à civitate Venloo, montem arenaceum disruptum, magnum hiatum fecisse intelleximus: sed à spiritu inde prodeunte vel exhalante nulla pestis aliufve morbus contagiosus vel venenatus excitatus fuit, imò nemo male habuit, propterea quod in illo &

vicinis montibus nullæ latebant exitiosæ minere. Et posito, ab exitiosis mineris huiusmodi venenatos halitus exspirari, illorum tamen venenositas non erit à putredine, neque etiam inducet pestem, sed fortè alios quosdam morbos venenatos ac malignos. Nam, teste Seneca, lib. 6. *quæst. nat. cap. 28.* varia Italiæ loca pestilentialia (id est, venenatum) halitum exhalant, sed absque ulla peste. Et Mercurialis testatur se plurimas, & venenatos spiritus exhalantes cryptas prope Romam vidisse, quæ tamen nullas pestes inducebant. At enim dices, post terræ motus sæpius tamen pestis subsecuta fuit, procul dubio, à spiritu venenato ex terræ hiatibus exspirante. Respondet: Primo, inde non probari istum spiritum venenatum ex putredine ortum esse, vel in putredine consistere, de qua re quæstio nostra agitur. Secundo, terræ motum esse signum à summo Deo præmissum, quo, secundum suam misericordiam, peccatores ad respicientiam suæ plagam super illos effundat, non verò esse causam pestis.

6. Aquarum foetidarum putridas exhalationes venenum pestilens non generare, testis est ipsa Hollandia, cujus maximæ urbes (imprimis Lugdunum Batavorum, Haga Comitum, Amsterodamum, & nonnullæ alie) inter plurimas plateas latos aquarum stagnantium ductus habent, qui æstate, propter aquæ corruptionem ac putredinem sæpe tantum foetorem exspirant, ut cum nautarum remis aut contis aqua commoveatur, transeuntibus isti foetori non assuetis multoties nares obturare necesse sit: atque illa etiam aqua multi plebei in istis locis ad omnes usus utuntur: Hollandi tamen rarius peste infestantur, ut & Zelandi, quorum aquæ non minorem mephitum redolent. Quantum ad

Empe-

Empedoclem, ille corruptas aquas emendando, à Salenutiis dicitur aver-  
tisse pestem, id est, morbos pestilentes,  
à fræda expiratione illius aquæ produ-  
ctos. Pestem fuisse, non Medicus, sed  
Historicus scribit, qui etiam febrem  
quartanam facile malam pestem appel-  
laret, & inter pestem ac morbos pesti-  
lentes, aut alios quoscunque pravyos en-  
demios morbos, nullam differentiam  
statuit. At non fuisse veram pestem quæ  
Salenutios infestavit, vel ex eo liquet,  
quia si hæc tanto tempore, & tot annis  
vel seculis ibi sævisset, usque ad omni-  
modam interfectionem omnes incolas  
dudum delevisset, imò locum istum  
diu antea omnes homines fugissent &  
deseruisent. Aquas verd ex immace-  
ratione cannabis vel lini putrescere ac  
venenatas evadere concedimus; pesti-  
lentes tamen non fieri, inde docemur,  
quia non sunt contagiosæ, nec alios læ-  
dunt quam qui illas bibunt, aliove mo-  
do intra corpus assumunt: imò impu-  
ne eas nudo corpore absque ulla mini-  
ma noxa tractare licet, dummodo per  
os corpus non ingrediantur.

7. Substantiæ ipsius aëris putredi-  
nem pestilentis seminarii causam aut  
genitricem esse, nemo facile probave-  
rit. Historia Capitolini & Ammiani  
nihil ad rem facit. Primo enim de his-  
toriæ illius veritate non parum dubi-  
tatur, nempe an spiritus ille venenatus  
ex aurea arca prodiens, pestem illam  
induxerit: nonnulli enim alii Historici,  
qui eandem pestem describunt, nullam  
illius causæ ex aurea arca prodeuntis  
mentionem faciunt. Astrologi quoque  
negant illam pestem inde ortam fuisse,  
sed illam potius conjunctioni Martis &  
Saturni, quæ tunc temporis facta fuit,  
acceptam ferunt. Credibile esse posset,  
ab halitu illius venenositate aditantes  
fuisse interemptos, sed de ejus pestili-  
tate non sine ratione dubitatur. Verum

posito casu, pestem ab illo halitu or-  
tam fuisse, historia tamen nihil scribit  
è quo colligi possit, spiritum illum pe-  
stilentem fuisse aërem in substantia pu-  
trefactum, aut aliquid ex aëris putre-  
dine productum. Nam aërem, licet  
diutissimè conclusum, nullam in sub-  
stantia putredinem contrahere, unde  
pestis oriri possit, experientia demon-  
strat. Prope antiquissimam arcem No-  
viomagensis, & in variis territorii  
Noviomagensis partibus, plurimæ in-  
ventæ sunt, & adhuc quotidie inveniun-  
tur urnæ ferales, calce exactissimè oc-  
clusæ, profunde in terra sepultæ ante  
mille & quingentos vel sexcentos forte  
annos, (quo tempore Romani ibi se-  
dem fixerant, & imperium tenebant,  
quibus mos erat cadavera comburere,  
& cineres urnis exceptos sepelire) aë-  
rem tamen ex illis urnis tot seculis ex-  
actissimè conclusis prodeuntem, ne mi-  
nimam quidem noxam ulli hominum  
intulisse, animadversum est; ego ipse  
met earum quinquaginta noviter inven-  
tas, & mihi dono datas, horæ spatio  
aperui, sine ullo damno. Præterea etiam  
sepulchra profundissima exactissimè  
clausa, in eodem territorio multa in-  
venta sunt, in quibus cadavera non  
concremata ab iisdem Romanis depo-  
sita fuisse, ex adjacentibus nummorum  
aliorumque indiciorum signis inventum  
ac perceptum est, è quibus tamen se-  
pulchris apertis exiens spiritus nulli un-  
quam noxius fuit, cum tamen ille aër  
(si unquam alius) in talibus sepulchris  
tot seculis conclusus, non tantum à sua  
ipsius, sed etiam à cadaverum putredine,  
malignam venenositatem acquirere  
debuisset. Cryptæ quoque subterraneæ  
variæ, ab iisdem Romanis olim fabri-  
catæ, nunc casu inventæ & apertæ, nul-  
li damnum intulerunt. Ante paucos  
quoque annos Arnhemii, in angulo  
quodam templi, sepulchrum valde anti-

quum, & in eo arca argentea exactè clausa inventa est, alicuius magni Ducis Geldriz cor inclusum continens, verum neque ex sepulchro, neque ex arca illa expirans aër ulli noxius fuit. Ultrajecti anno 1648, tria antiquissima Romanorum sepulchra prope Aedes Papales casu eruta vidimus, quæ (quantum ex adjacentibus nummis colligi poterat) per mille & quadringentos annos conclusa fuerant: item paucis annis post, in templo D. Petri casu erutum vidimus sepulchrum Bernulphi Episcopi, ultra quadringentos annos lapideæ ciæ includi; è quibus sepulchris expirans aër nemini obviit: certissimum signum, aërem diu conclusum non putrescere, multò minus à putredine venenositatem pestilentem contrahere. Hæc ad refutationem istius opinionis, quæ ex putredine veneni pestilentis originem deduci existimar, sufficere arbitramur: qua de re adhuc nonnulla alia videri possunt annotatione sexta sequente. Pro conclusione tandem subijungemus rationes & verba Fernelii, lib. 2. abdit. cap. 12. quibus docet pestem ex nulla putredine, sed ex peculiari venenata qualitate, oriri. Cum peste, inquit, correptus solo spiri: ut halitu, aut excrementorum expiratione affidentes vel integrè sanos labefactes, hique vestibus contragium longius exportent, reseruentque diutius, constat hanc non simplicem putredinem; sed multo immuniorem perniciosam esse, quæ tenui, & eoque admodum repentino aëris inquinamento renouetur, hancque alio quocvis veneno expeditio-rem. Non enim si quis toxicum ebiberit, aut sit à scorpione demorsus, halitu alios inquinat. Reliqua symptomata si diligenter examinaveris, pulsus parvum & obscutum, animi defectum, syncope, vomitionem assiduam, iactationem cum vigilis, omniaque nullo fore sensu dolore; quis vestrum hac non potius veneni, quam putridi caloris sobolem dicat? &c. addit: si illarum februm urina

sanis sine simillima, fieri nequaquam potest ut in vasis mala putredo subsistat, quæ interitus sit causa, sed lures nonnihil gravius pestilentiusque putredine, quod nimirum cordi rotius substantia repugnantia & dissidio adversum sit, & tanquam deleterium. His verbis, aliisque multò pluribus, citato capite videndis, Fernelius abundè docet pestilens venenum è nulla putredine oriri: quod ipsum quoque paucis solidisque verbis significare voluit Ioannes Iuvenis, in epistola ad Braklemium, ubi sic inquit: *Pestis diversissima est ab aliis morbis quibuscunque, quam nulla humorum in nostro corpore immoderatio, nulla intemperies profert; nulla intestina putredo, ingestorumve corruptela gignit: non esculentorum potentiorumque commune vitium, non paludum, stagnarum, vararborumque pador, pestem epidemiam efficiunt: nulla gravolentia quam expirant cadavera, cæmeteria, forice publicæ; non sicut cum corticalia, cordum aliorumque proluxa, aliæve nulla mephitis, pestem in orbem diffundunt, nisi subsimili insidantur, & inde noxam hauriant.*

### Problema V.

Quinti problematis affirmativam confirmare videtur Hippocrates, qui aphorismorum sect. 3. plurimos morbos à tempestatibus constitutionibus produci docet: & speciatim 3. epidem. text. 3. annum aëstrinum & humidum sævissimam pestem generasse scribit: quod ipsum confirmans lib. de aëre, aqua & locis ait, aëstrinas cæli constitutiones esse morborum pestilentium causas. Hunc sequitur Galenus, qui per 10. dños Hippocratis nihil aliud intellexit, quam aëris constitutiones: & 1. de differ. febr. cap. 4. scribit, pestilentes morbos oriri necessarium esse, cum aëris temperatura ad caliditatem & humiditatem conversa fuerit. Aristoteles, 1. problem. docet, aëstros siccos & nihil humentes pro-

procreare febres pestilentes. Avenzoar à sicca constitutione pestem fieri scribit. Rases æstate & autumnò vehementer calidis & aridis existentibus, pestem maximè dominari ait. Titus Livius, *decad. 4. lib. 1.* narrat Romæ magnam pestem factam fuisse propter ingentem siccitatem: qualem pestem etiam describit Nicephorus, *lib. 15. cap. 10.* Virgilius refert in Creta, ob calidam & siccam constitutionem, pestem contigisse. Ab altera verò parte alia multa obstant, quibus evincitur nullas tempestatum constitutiones pestem generare. Concedimus quidem, austrinas & humidas constitutiones multas putredines inducere, siccas verò & calidas spiritus incendere, sanguinem & humores inflammare, bilem augere & exacuere, ac utrasque multos & graves morbos, imò etiam malignos ac pestilentes producere, sed veram pestem generare negamus. *Primo*, quia pestilentis causæ ratio non consistit in caliditate, siccitate, aut humiditate, vel ex his procedente putredine, sed potius in peculiari aliqua venenositate, à manifestis qualitatibus & putredine longè diverſa. *Secundo*, quia si constitutiones calidæ & humidæ, vel siccæ, pestes inducerent, facerent illud semper, nam ejusdem causæ foret idem effectus: at contra, multoties animadvertimus, austrinas, calidas & humidas, vel siccas constitutiones, etiam diuturnas, nullam pestem, imò sæpe multos morbos pestilentes excitasse. Sic Fernellius, *lib. 2. de abdit. cap. 13.* dicit: *Annus ab hoc faciendus, omnium quos majorum memoria nominat, toto orbe fortissimè, maxime tamen salubris obigit. Tercio*, quia si à prædictis constitutionibus oriretur pestis, erpò contrariæ, nempe aquilonæ, frigidæ & siccæ, vel humidæ eandem extinguerent: at contra Titus Livius, *decad. 1. lib. 5.* pestilentem conspici-

nem ab ingenti frigore ortam describit. Fernellius, Ioannes Iuvenis, Platerus, Io. Morellus, Riverius, alique præclari Medici testantur, animadvertimus esse, pestilentes constitutiones hyeme atque æstate, sicco & pluvioso cælo, bene temperato ac inæquali, nulla præcedente temporum anni mutatione insigni, accidisse. *Quarto*, quia si jam dictæ constitutiones pestilentia seminaria generarunt, nulla pestis posset esse generalis, nam quæ calidas regiones invaderet, frigidæ illas relinqueret, quæ locis humidis familiaris, siccis ignota esset; verum contra, non semel pestes generales, ac toti fere orbi (tam calidis, quam frigidis; tam humidis quam siccis regionibus) communes sævisse, notum est: quales duas sub Marco Antonio fuisse referunt, quibus maxima humani generis pars extincta fuit: qualem etiam anno 1450 contigisse tradunt. Verum, his ita se habentibus, quid tandem respondebimus ad auctoritates Hippocratis, Galeni, aliorumque citatorum? Dicemus constitutiones austrinas, calidas, & siccas, vel humidas, posse esse causas pestis secundariæ, quatenus corpora ad pestem facile suscipiendam disponunt, non verò primariæ: atque de illis secundariis prædictos auctores fortè locutos fuisse. Sic etiam Fernellius, *lib. 2. abdit. cap. 12.* apertissimè, & bene docet, anni tempestates, regionumque constitutiones esse pestis causas remotas, non pestem inferentes, sed præparationem ad pestem facientes. Pestilentia, inquit, gravior evadit in regione putridi expirationibus infecta, quam in sicca acque pura: rursusque gravior æstate, quam hyeme; & austrinis temporibus, quam aquilonis; & inæquali intemperatoque cælo, quam equali & temperato. In summa gravior pestilentia que epidemio, & endemicis constitutionibus permiscetur, quam quæ pura solaque consistit.

*Ergo graves terrena inferioresque expirationes pestilentiam sola non inferunt, ad illam tamen non parum preparant & excitant. De his videantur adhuc pauca annotatione septima hujus capituli.*

### Problemata V I.

Sexti problematis negativam nonnulli defendunt eo argumento, quod nullum aliud venenum pestilens veneno in vehementia & contagiositate simile, in tota natura existat, nec arte etiam efformari possit. Verum facillime evertitur horum opinio. Nam concessio, non dari aliud venenum pestilenti veneno simile, tamen ab ipsa peste contagiosum pestilens venenum desumi, idque aliis rebus immisceri, atque ita veneficia pestifera confici posse, docent ratio & experientia. *Ratio*: quia si peste agrotantium spuma, aliaque excrementa, si pus & sanies ex anthracibus & apostematibus effluens, sæpe contagiosa sint, ac pestilens venenum in se contineant (quod suo periculo, se didicisse testatur *Paræus, de Peste c. 12.*) quare illa venefica unguenta, quibus talem pestiferorum illuviem, nec non carnes putridas cadaverum peste extinctorum, immiscere solent, contagiosa esse, & pestem multis aliis inferre posse, negabimus? Si in alio fomite pestilens venenum aservari, ac postea pestem inducere possit, quare non æque ab hoc venefico fomite pestis excitabitur? quam quidem credimus adeo furiosam esse non posse, quam si primario aëris vitio induceretur; neque etiam tam generale, aut multis locis communem, sed tamen mediocrem. Ratio quoque favet *Experientia*; & historie testantur non semel quorundam sceleratorum hominum perfidiam eo usque progressam fuisse, ut interdum per pulveres, sed plerumque per hujusmodi

unguenta venenata pestem disseminaverint: quales tres quatuorve insigniores historias descripsimus *lib. 3. cap. 3. annot. 12.* Quales etiam plures apud Scriptores inveniuntur, ut apud Titum Livium, *decad. 11. lib. 8.* Antonium Sabellicum, *Ennead. 4. lib. 4.* Dionem Nicæum, & Xiphilinum, *in vita Commodi Imper.* Antonium Portum, *lib. de Peste*; Paracelsum, *tract. 2. de pestil. cap. 2.* Herculem Saxonium, *de plica, cap. 11.* & 12. Ioannem Ewichium, *lib. 1. de Officio Magistrat. cap. 20.* Wierum, *de venef. lib. 3. cap. 27.* Michaëlem Saxonem, *in Append. Chronic.* Victorem de Bonagentibus, *de febr. pest. tract. 2. cap. 1.* Augenum, *tom. 1. epist. lib. 4. epist. 1. & de peste, cap. 3.* Petrum Droërum, *lib. de pest. cap. 10.* Iordanum, *de pestis phænomen. tract. 1. cap. 18.* Nicolaum Polium, *in Hemerolog. Silef.*

*Explicatis & enucleatis jam his problematibus, redeundum ad Annotationes.*

II. Docuimus nunc, & satis superque demonstravimus, pestem ex solo Dei præcepto in mundum, vel deputata loca præternaturaliter immitti. Quod etiam animadvertens Hippocrates, dixit, inter alios morbos pestem *τὸ θάνατον* continere. Quidnam autem illud sit quod Hippocrates per *τὸ θάνατον* intellexerit, de eo valde dubitatur & disputatur inter præstantissimos Medicos. Galenus existimat ipsum nihil aliud intellexisse, quam aëris constitutiones. Fernelius, *2. de abdit. cap. 12.* dicit esse abditam quandam & occultam qualitatem, à certis astrorum conjunctionibus productam. Augenius, Massaria, Altimarus, alique plures, per *τὸ θάνατον* intelligunt excellentem putredinem, vel summum quandam putredinis gradum, Medici Astrologi intelligunt cer-

tas

tas malignas siderum influentias. Sed nulla harum opinionum ipsius Hippocratis mentem tangit vel explicat. Nam si Hippocrates per *τὸ δῖον* intellexisset aëris constitutiones, quare non omnes aëris constitutiones divinas, & morbos, inde productos, divinos appellavit? si abditam & occultam qualitatem, quare non omnes huiusmodi occultas qualitates (quales multis venenis, magneti, aliisque rebus insunt) divinitatis titulo donavit? si magnam & excellentem putredinem, quare non omnes insignes putredines, quales in febribus petechialibus, aliisque putridis malignis, in variolis, dysenteris epidemiis contagiosis, multisque aliis morbisprehenduntur, etiam divinas esse dixit? si malignas siderum influentias, quare benignos influxus ab iisdem sideribus manantes, divinos non appellavit? Quapropter nos arbitramur, Hippocratem per *τὸ δῖον* intellexisse causam quandam morbigenicam, præter naturæ ordinem ac potentiam, à diis è sublimi immisissam, vel in & ex aëre de novo ab ipsis suscitaram, cuius essentia nec in certa elementorum mixture, nec in manifestarum qualitatum intemperie, nec in magna aliqua putredine consistit, sed in novo quodam veneno, præternaturaliter à diis in hoc sublimari mundo suscitato, cuius veneni processum describemus sequenti capite.

III. Pestilens inquinamentum, quia venenum est, hætenus occultum & incognitum fuit, nec ab ullo Medico perfectè describi potuit, quia venenorum plerorumque natura occulta est. Illud autem inquinamentum esse venenum, ex eo liquet, quia habet veneni effectus (qui sunt, corpus citissimè malo modo afficere & mutare, corrumpere, mortificare, nigrum, liyidum, & diffusum reddere, maculis conspergere, &c.) & illam veneni proprietatem, quod cure-

tur alexipharmacis. Hinc Galenus, in *comm. ad Hippoc. lib. de nat. hum.* dicit, illud nocere substantiæ proprietate: & *lib. de iheriac. ad Pison.* illud clarè nominat venenum. Sic etiam Oribasius, *lib. 6. cap. 24.* & Aëtius, *2. tetrah. 1. cap. 94.* illud exitiosum ac venenosum appellant. Horum aliorumque Veterum, de pestilentis inquinamenti occulta venenositate, opinioni maxima pars doctissimorum Neotericorum subscribit, nempe Fernelius, Hercules Saxonia, Oddo de Oddis, Hollerius, Forestus, Iulius Palmarius, Gentilis, Nicolaus Massa, Mindererus, aliique plurimi, inter quos Ioannes Iuvenis, in epist. ad Braklemium, sic inquit: *Pestis neque præcavetur, neque demitur medicamentis primarum secundarumque facultatum vi instructis, cum morbus sit occultus, & à natura ipsa involutus, etsi ab obviis rebusque evidentiibus credatur nasci, multorumque talis de peste inoleverit opinio.* Etiam Sennertus, *lib. de peste*, ita scribit: *Qualis sit specifica veneni pestilentis natura, & causa, nemo unquam explicare potuit; & profectò talia sunt quæ latent animos temperatos, illudunt curiosis.* Hermetici, ab effectuum aliqua similitudine, hoc inquinamentum assimilant veneno napellino, arsenicali, diapsadis, aliisque similibus, ut occultam ejus naturam saltem aliqua comparatione nonnihil illustrarent. Contra verò Altomarus, Conciliator, Massaria, Thomas Minadous, Augenius, Antonius Portus, Eustachius Rudinus, aliique horum sectatores, dicunt inquinamentum illud non esse occultum, sed manifestum, ortum scilicet ex insigni putredine, quam statuunt tam in aëre, quam in humoribus, vel sponte naturæ; vel ab aëstrorum influentiis talem fieri posse, ut inde pestilens inquinamentum produci queat. Profectò longissimè errant, qui occultum inquinamentum manifestare volunt per aliud

æque

aque vel magis occultum, nempe per insignem vel excellentem putredinem, id est, occultum vel ignotum putredinis gradum, cuius nec formam, nec modum, nec processum, nec locum, ullo calami acumine depingere vel describere noverunt; quæ qualicumque putredo etiam ipsamet ab isto inquinamento primitus inducitur, ut latius docebitur sequenti capite 1x. Sed horum opinionem nos paulo ante, problemate quarto, satis refutasse existimamus. Similiter etiam hodierni nonnulli Philosophi nimis animosè promittunt, se hanc obscuritatem claram reddituros, & explicaturos, per minimas particulas aculeatas; striatas, unciatas, pungentes, aliove, nescio quo, modo dispositas; cum interim, dum aliis plus sapere videri volunt, nil nisi inania verba & meras tenebras effundant, alioque, novo quidem, sed non minus obscuro, termino rem magis implicent, quam extricent, nec istarum particularum generationem, conjunctionem, causam congressus & motus, operationes, &c. describere queant, ut nec qualis sit illarum, & qualium commissio, aut commissionis causa ac differentia cum soli boves, qualis cum solæ oves, qualis cum soli feles (inter quæ bruta speciatim peste lævisse, aliis animantibus à peste prorsus immunibus, observatum est) qualis cum soli homines peste infestantur. Quæ omnia cum isti Philosophi per suas minimas particulas minimè explicare possint, cogentur, una cum cæteris ad obscuritatis asylum, scilicet occultam veneni pestilentis qualitatem, rursus confugere. Ad quod asylum etiam redeundum erit Athanasio Kirchero & aliis ejus affectis, qui novo ingenioso commento divortium ab illo facere volentes, totam pestilentis veneni occultitatem minimis bestiolis dilaniandam ac devoran-

dam objecerunt: hanc quippe obscuritatem novo lumine illustraturi, dicunt, venenum pestilens esse congeriem minimarum bestiolarum, seu animalculorum invisibilem, per aërem volitantium, quæ corpora humana per inspirationem, aut poros subeuntia, eorum partes corrodunt ac corrumpunt, ex iisque ad alia corpora evolitantia, seu ad alia quocunque modo delata, & quasi contagio propagata, etiam illa inficiunt, corrodunt, & corrumpunt, sicut priora è quibus exiverunt: ab horum verò injuriis maximè vendicari, & præservari illos qui luculentis extructis ignibus eorum alas pedesque (fortè etiam rostra & dentes) exurunt, ut ulterius volitare & corrodere nequeant, vel per suffumigia aut alexipharmaca penitus illa suffocent, & extinguant. Atque sic illi hæc & alia mille similia somnia sibi fingunt (quæ omnia hic referre nimis longum foret) eaque tanquam nova quædam oracula publicè exhibent, cum interim animalculorum istorum nec generationem, nec generationis causam & modum, nec eorum constitutionem aut formam, imò denique nec unum ex illis, vel demonstrare, vel certis rationibus probare valeant.

IV. Pestilentem labem à Deo immitteri, nec ab ullis naturalibus causis produci, præter illa quæ jam diximus, etiam alia sunt quæ id docent. 1. *Mortis vehementia & perniciēs*, quæ tanta est, ut ex nulla rerum sublimariæ mistione vel putredine tam exitialem & vehementem morbum produci posse, certum sit. 2. *Veneni pestilentis effectus*, qui tam exitialis ac furiosus est, ut sæpe eodem momento homines invadat, inficiat, & occidat, quod nullis naturalibus morborum causis internis concessum est, cum omnes, ut effectus suos edant, majore tempore opus habeant. 3. *Magnitudo contagii*, quod tantum est.

ut



ut nullum è naturalibus causis productum contagiam ei assimilari possit.

4. *Morbi communio*, nam pestis, præter naturalium morborum consuetudinem, omnibus ætatibus, sexibus, temperamentis, regionibus, anni temporibus, & tempestatibus communis existit.

Verum etsi prima labe, seu primum pestilens seminarium à summo Deo aëri immittatur, non est tamen existimandum, illud necessario esse aliquid quod excedit in magna quantitate, sed potius id esse exiguum quid, pessima summæque venenosa qualitate maximè noxium, in & ex ipso aëre Dei verbo genitum, quod, instar acerrimi fermenti, sese dilatans, aërem hic illic certo modo corrumpere, ejusque multis particulis peculiarem quandam veneni speciem, hominibus, aut interdum his illisve brutis animalibus, speciatim insensam imprimere, atque ita se longè lateque diffundere potest. Ita ut quamvis prima venenata corruptionis causa à Deo immittatur, ipsa tamen venenosa ac maligna corruptio, aëri, aquæ, alimentis, aliisve rebus impressa, sit illa quæ morbum proximè infert, & corpora animalium insensando corrumpit. Talis autem aëris aliarumque rerum corruptio à nullis venenatis expirationibus (quales interdum è venenatis mineris, aliisve terræ visceribus erumpunt) ut nec ab ulla putredine fieri potest, quamvis id Thomas Willis, aliique varii sentiant ac inculcare nitantur: quorum opinionem abunde refutavimus *problem. 1. & 4.*

V. Dico, *aerem inquinat*, quia cum pestis sit morbus communissimus, ejus causam aëri, qui omnium maximè communis existit, & cujus usu nemo carere potest, inesse, planè necessum est. Hujus talem dat rationem Galenus: *Aër*, inquit, *cum natura existat volatilis, ac totaliter spiritalis, corpora porosa, aërea, & spi-*

*ritualia, sive bona, sive mala, salubria vel insalubria fuerint, pari subtilitate permeat ac facilitate.* Sic etiam Hippocrates veræ pestis causas in solo aëre statuit. Huic tamen opinioni contrarius videtur esse Galenus, *lib. 1. de differ. febr. cap. 3.* nec non *lib. de cibis boni & mali succi*, ubi dicit, pestiferos morbos etiam oriri ex prava victus ratione: & *com. in lib. de nat. hum. text. 4.* scribit, non rectè statuere Hippocratem, morbos communes fieri solum ab aëre, quandoquidem etiam prava victus ratio, nec non vapores elati ex putridis aquis & speluncis, morbos communes facere possunt. Ad contrarietatis solutionem dicimus, Hippocratem rectè primariam pestis causam in solo aëre statuisse, neque huic doctrinæ adversari Galenum, cum ex mala victus ratione, putridis vaporibus, & pravis exhalationibus, morbos communes ac pestiferos generari scribit: nam Galenus ibi non loquitur de vera peste, sed de morbis epidemiis pestiferis, qui à peste longissimè differunt in causa, vehementia, velocitate, contagio, & curatione; interim tamen pestiferi appellantur, quia putridæ cujusdam venenositatis participes, & non nihil contagiosæ sunt, multosque occidunt, & virium dejectione, summa anxietate, deliriis, aliisque pravis symptomatibus proximè ad pestem accedunt. Sciendum præterea Hippocratem per morbum communem interdum intelligere veram pestem, cujus causam soli aëri primario inesse statuit; interdum alios morbos epidemios, quibus tunc etiam alias causas, humores & spiritus vel immediatè, vel mediante aëre inficientes, adscribit. Galenus autem citatis locis intelligi potest de posterioribus epidemiis, non de vera peste. Denique possemus etiam dicere, Hippocratem locum fuisse de primaria pestis causa: Galenum verò, hac brevitate

tate non contentum, etiam secundarias addere & describere voluisse, nempe pravam victum, putridas exhalationes, aliaque similes, quæ corpora ad pestem recipiendâ disponunt & præparant. Verum his omisiss, ulterius procedendum.

Illud aëris inquinamentum, de quo hic agimus, multi hætenus nihil aliud esse putarunt, quam halitus venenatos & putridas expirationes aëris immistas, quorum opinionem problemate quarto refutavimus. Multi tantum certam aëris dispositionem, qua aptus redditur ut venenum in corporibus dispositis generet: quam opinionem Mercurialis, *lib. de peste, cap. 7.* variis rationibus defendit, quas splendide refutavit Sennertus, *lib. 4. de febr. cap. 2.* Multi ipsius substantiæ aëris putredinem: cuius opinionis nervos dicto problemate quarto valde infregimus, eorum reliquias hic nunc penitus exstirpaturi. Substantiam aëris putrescere posse, docent ratione & auctoritatibus. *Ratione:* quia illa quæ calida & humida temperie prædita sunt, prompte putredinem concipiunt: atqui talis est aër, ergo, &c. *Auctoritatibus:* quia Zoar, *cap. 4. juxta finem*, dicit aërem calidum & humidum promptissimum esse ad putredinem: & Avenzoar, *3. theisr. tract. 3.* ponit duo genera putredinis aëris, unum ex vaporibus, alterum in substantia propria. Hinc tandem concludunt, qualitatem pestiferam, ex substantiæ aëris putredine genitam, interdum adeo gravem esse, ut pestem faciat; interdum minus gravem, atque tunc producere alios morbos epidemios. Ex. gr. si excessus caloris & humiditatis levior fuerit, aër leviter putrescens inducet morbos epidemios leviores: si verò magnus fuerit, aër in substantia magnopere putrescens, generabit pestem. Verum si rem ipsam pensiore judicio trutinemus, videbimus hæc argumenta

nullo solido fundamento inniti: quia nullus manifestarum qualitatum excessus ipsas elementorum substantias putrefacere potest: nam putrefactio solis rebus mistis competit, utpote per quam fit misti dissolutio, & elementorum vel à se invicem omnimoda separatio; vel quædam levis dissolutio, aliaque nova mistio. Ex. gr. in cadavere putrescente nullum elementum putrescit in sua substantia, sed exacta elementorum mistio dissolvitur, & singula, vel omnino separantur (atque tunc quod æereum vel igneum ei inest, sursum ascendit; quod aqueum, defluit; aut in vapores resolvitur; quod terreum, terram petit) vel rursus alio novo modo simul miscentur, atque tunc generantur vermes, muscæ, apes, serpentes, &c. Talis autem substantiarum separatio in ipsa aëris substantia, quæ simplex est, fieri nequit: nam in quas quæso partes dissolveretur? non in aqueas, igneas, terreas, quia nihil horum ipsi inest: non in minimas alienas particulas, quia singulæ minimæ particule aëris sunt aër. Ergo in aëris substantiam non incidit ulla putrefactio. Vidit hoc ipsum Aristoteles, ac propterea, *sect. 25. probl. 20.* dixit, aërem non corrumpi nec putrescere. Et inter neotericos Sennertus, *prax. lib. 6. pars. 3. cap. 2.* scribit, ipsum aërem, quatenus purum elementum est, nec putrescere, nec alio modo corrumpi posse. Profectò si aër, vel alia elementa putrescerent in suis substantiis, subverteretur tota rerum natura, ipso Hippocrate id testante, qui, *lib. de nat. hum.* dicit: *si unum elementum putresceret, corrumpere totum.* Nihil hic ad rem facit quorundam effugium, scilicet, aërem modò sumi pro puro elemento, modò pro elemento unà cum aliis rebus ipsi immistis: atque hoc posteriore modo illum in substantia putrescere posse. Respondeo:

x. externa illa quæ ipsi permixta sunt, non esse de substantia aeris. 2. Cum loquimur de aeris substantia, tunc semper aer tanquam primum elementum sumitur; quod dicimus nunquam putrescere posse: Cum verò loquimur simpliciter de aere: tunc interdum sumitur pro puro elemento; interdum pro elemento cum suis contentis: Si priore modo sumatur, tunc non putrescit: si posteriore modo, tunc substantia aeris etiam non putrescit, sed tantum pravi vapores aliaque heterogenea ipsi immixta, & quasi unita, ab eo secessum faciunt, qui in rebus mixtis putredo appellatur, quæ tamen putredo ipsam aeris substantiam minimè corrumpit. Ita ut prædicta distinctio sit tantum inane diverticulum. Concludimus ergo aeris substantiam non putrescere, nec putrescendo pestis causam fieri posse, sed illam causam esse à putredine longè diversam, nempe substantiæ aeris corruptionem sine putredine, cœlitus demissam: quæ corruptio qualis sit, & quomodo fiat, nemo hæcenus describere potuit, neque illud cuiquam revelare voluit Altissimus Deus: ac propterea mysterium hoc occultum manet, & Medicos illud explicare, & manifestare, ac frustraneo & nimis fastoso conatu per naturales speculationes rem divinam describere volentes, fere omnes in putredinis labyrinthum deduxit, quem quo magis ingressi, eo minus inde extricati fuerunt.

VI. Non sine ratione illam opinionem, quæ pestilens venenum è putredine extorquere nititur, problemate quarto impugnavimus & deiecimus: nam præter ibi dicta, adhuc varia sunt quæ clarissimè docent, illud nec in putredine consistere, nec ex putredine educi. 1. *Putredinis generatio*: quæ fit longiore tempore & gradatim, per excessum manifestarum qualitatum, imprimis ca-

loris cum humiditate conjuncti: nec in momento simul fieri, perfici, venenum generare, ejusque effectum edere potest: at in peste sæpe nullus calor, alteriusve qualitatis excessus animadvertitur, & cum ille adest, inde tamen pestis causa non dependet, nam aliqui febres putridæ ardentes forent omnes pestilentes, utpote in quibus calida qualitas maximè excellit. 2. *Morbi divinitas*: quia pestis est flagellum Altissimi Dei, quo homines præter Naturæ ordinem castigat: ergo non oritur à putredine, utpote quæ ordini naturæ inclusa est. 3. *Morbi invasio*: quia æque invadit regiones salubres quam insalubres; æque, & sæpe magis corripit eumchymos, optimis humoribus donatos, atque cacochymos, pravis humoribus refertos: nulli sexui, nulli ætati parcat: frigida, calida, aliæ quæcunque tempestates, & quocunque anni tempore æqualiter grassatur: præterea tanta velocitate invadit, & gravissima symptomata inducit, ut nulla putredo tam citò fieri, nec ab ulla putredine tanta symptomata adeo repentè excitari possint. 4. *Pestis signa*: quia sæpe nulla putredinis indicia ex pulsu, sanguine, urina, siti, fetore, vel caloris intensione percipiuntur; neque etiam in externis sæpe talia reperiuntur, ut cum pestis cœlo temperato & æquali, vel media frigida hyeme invadit. 5. *Febris*: quæ, si læs hæc à putredine excitaretur, foret individuus pestis comes, cum tamen multoties contrarium evenire, usus doceat: præterea inter febres putridas, imprimis malignas, & pestem, nulla foret differentia. 6. *Pestis curatio*: quæ à putridorum morborum curatione longissimè differt: nam in his requiruntur venæsectiones, purgationes, aliaque similia, quæ omnia in peste sunt maximè noxia, cujus curatio imprimis peragenda est alexipharmacis, quæ sæpe sunt calida,

calidā, siccantia, astringentia, obstruentia, ac proinde, putredini amovendæ minus idonea. Præterea morbi putridi maligni, & graves rarò sanantur absque ope convenientium remedium; à peste verò innumeri evadunt citra ullius remedii usum, & præsertim citra usum eorum quæ corpus à putredinosa illuvie expurgant. Franciscus Valleriola, his & similibus secum diligentius examinatis, in append. loc. com. cap. 2. non sine ratione in hæc verba erupit: *Cum aliquis, inquit, integre sanus accessu ad pestem corruptum peste quoque inficitur, atque paucis post horis concidit; (quod fieri sæpe videmus,) aut cum quis à rabido cane demorsus in rabiem & ipse agitur, quis tam hebes sit qui putredinem tam repentina mortis causam statuat? nam quæ posset tam vehemens tamque perniciofa putredo in hominem incurrere, sine alterius cuiuspiam rei concursu, quæ tam cito hominem tollat? præsertim cum qui concidit, nec plethora, nec cacochymia, obstructione esse corruptus, sed bene valens, sanus, & vegetus, bonoque habitu præditus.*

Hic fortè aliquis objiciet, si putredo non producat venenum pestilens, quare igitur necesse sit, tam in præsertione, quam in curatione, omnes putredines externas & internas, earumque causas summo studio evitare, impedire, corrigere, & auferre? Respondeo: æque rationem haberi tam esse causarum secundariarum, quam primariarum: putredinem autem esse unam ex causis secundariis, quæ corpora disponunt & apta reddunt, ad pestilens venenum facile recipiendum, sine qua aptitudine pestilens virus sine noxa in hominem incurrit, ab eoque mox repercutitur, sicut sagitta à clypeo ferreo.

Ex his omnibus, atque etiam ex illis quæ præcedentibus sex problematibus, nec non annotat. 2. 3. 4. 5. dicta sunt, pensius consideratis, satis patet nimis anxios & timidos esse illos, qui præce-

dentium Medicorum errori, de pestilenti putredine, se opponere non audentes, hanc à nobis propositam veritatem (de pestilentis seminarii principio cœlitus immisso) ambabus ulnis amplecti, & pleno ore profiteri venerunt; sed ut præcedentes, circa pestem putredinosam errantes, è directo non offendant, & interim veritatem à nobis propositam etiam omnino non rejiciant, mediam viam eligere maluerunt, dicentes, tutius & commodius duas statui pestis causas; unam supernaturalem à Deo immissam; alteram naturalem, à sublunarium spontanea putredine, aliave corruptione excitatam: cum tamen in præcedentibus satis superque probatum sit, hanc posteriorem, ipsis naturalem appellatam, causam, non generare veram pestem, sed tantummodo morbos putridos, pestiferos, malignos, aliosve epidemios pravos.

VII. Causas illas, quas secundarias appellamus, corpora ad pestem solummodo præparare, nihil verò per se ad veneni pestilentis generationem facere, quotidiana experientia docet. Maligni siderum influxus pestem non inducunt, sæpius enim facti fuerunt nulla peste subsequente: nec benigni influxus pestem avertunt, cum his enim non semel invasisse, docuimus problemate secundo. Aëris fervores maximos, ut & ventos meridionales, siccitates, ac hyemis tepores, ut plurimum animadversum est nullas pestes excitasse. Exemplo est annus 1558, quem Medici & Historici istius temporis referunt, non tantum ipso vere, sed etiam tota æstate atque autumnò fuisse calidissimum & siccissimum, nullas tamen tunc pestes, verum solummodo febres varias, maximè intermittentes & diuturnas, minimè lethales, per totam Europam viguisse. E contra verò absque fervida & sicca tem-

tempestate, & sine ulla aëris inclementia pestem nonnunquam invadere, observavit Platerus, *prax. tract. 2. cap. 2.* Sicetiam Fernelius, *lib. 2. de abdit. cap. 12.* testatur nonnunquam hyeme media cœpisse pestem, æstate solutam, sæpeque ardentis ætates ab omni peste vacuas fuisse. Radzivilius, in *Itiner.* meminit pestis, quæ mensibus Decembri, Ianuario & Febuario maxime sævit, & æstivis caloribus soluta est. Similiter quoque Ioannes Morellus, *de febr. purp. cap. 3.* dicit, se non raro observasse, flante Borea pestem ferocius in suos cives excanduisse, pluresque aquilonea tempestate morbo correptos fuisse: & paulo post inquit, & Cabiloni post hyemem siccam & aquiloneam successisse ver temperatissimum ac saluberrimum, quod tamen induxit pestem, & quidem tempestate aquilonea, ac puro syncroque aëre existente. Huc accedunt exempla locorum, quæ etiam docent caliditatem & siccitatem per se nihil ad pestem facere: calidissima enim & siccissima illa Æthiopiz ora quæ Nigir accolit fluvium, teste Scaligero, pestis planè expers est. Sic in Ægypto pestis dominium caloribus magnis extingui tradunt: Etiam Hispania, licet calidissima, rarius peste infestatur, neque eam vehementi ac multis aliis in locis. Exhalationes quoque fœdas ac putridas ad hanc luem primariò nihil facere, docent loca huiusmodi exhalationibus perpetuò obnoxia, in quibus tamen non perpetua, sed rarior pestis observatur, ut dictum problemate quarto. Non obstat quod hic nonnulli obijciunt, in Cayro, Ægyptiorum urbe, pestem fere esse continuam, (teste Prospero Alpino, *de medic. Ægypt. lib. 1, cap. 15.*) & Sardiniam insulam, ob malignas exhalationes, continuè pestilentibus morbis subjectam esse, teste Pausania, aliisque Geographis. Dico, in

Cayro, non ob pravas exhalationes isti loco familiares pestem fere perpetuam sedem fixisse, sed ob contagium, quod non tantum incolæ sibi mutuo communicant, sed etiam forinsecus ex Syria, Græcia, Barbaria, aliisque adjacentibus locis, peste frequenter infectis, eo deferretur, quemadmodum idem Prosper Alpinus, *citato loco*, id fieri testatur: & quia à solo contagio, sine primario aëris vitio, suscitatur, illam pestem valde exiguum nulliusque momenti esse. De Sardinia dico, consuevas putridas exhalationes istius insulæ, continuos quidem inducere morbos malignos ac pestiferos, sed non veram pestem, ut ex eo patet, quod nemo, ratione contagii, insulam illam flegiat, neque commercia ibidem silent.

VIII. Solæ conjunctiones Saturni, Iovis & Martis, ad inductionem pestis facere creduntur: habuimus autem anno 1635, 27. Sept. conjunctionem Iovis & Martis in signo Leonis: sequenti verò anno 1636, 20. Octobris, conjunctionem Saturni & Martis, in signo Virginis; quæ conjunctio à multis pessima esse creditur, quia fit in signo humano: attamen circa tempus hujus ultimæ conjunctionis pestis nostra fuit in declinatione. Quapropter huiusmodi conjunctiones non esse magni faciendas, neque ad pestis inductionem quidquam facere, demonstravimus problemate secundo, & in principio præcedentis annotationis septimæ.

IX. Animi motus per accidens tantum ad pestis inductionem juvant. Ira humores & spiritus vehementius exagitat, confundit, & excalfacit, sicque eisdem ad pestilens venenum facile suscipiendum disponit. Terror & metus intus omnia conturbant, & spiritus inordinate movendo, malignitatem corpus ambientem versus interiora alliciunt, & intus latentem in actum pro-

movent. Mœstitia cordis constrictione calorem & spiritus opprimendo: nimia verò ac subita læticia spiritus nimis diffundendo ac dissipando, eadem pericula facile accerfunt. Hinc non ineptè dicit Pigræus: *Sicut mala victus ratio præparat humores, sic animi passiones præparant spiritus ad recipiendam pestem; & tristitia, terror, ira, ac metus, sunt pubulum ac nutrimentum pestis.* de his videantur plura lib. 2. cap. 7. annos. 9.

X. An imaginatio sola ad pestilentis veneni in corpore generationem aliquid faciat, dubium existit. Affirmativam partem, quæ docet, sola fortissimæ imaginationis vi pestilens venenum generari posse, tria confirmare videntur: 1. Imaginationis stupendi effectus: 2. Ratio: 3. Experientia. *Stupendi effectus* imaginationis clarissimè elucet in mulieribus gravidis, quarum foetibus pro gravi concepta imaginatione, in utero materno insignes ac miraculosæ notæ imprimuntur, cujus rei exempla apud Scriptores passim inveniuntur. Isti effectus etiam in aliis animadvertuntur: nam à sola tristi cogitatione homines sæpe inhorrescunt ac tremunt, vel lachrymas profundunt: imò à forti mortis imaginatione nonnullis una nocte capillos incanduisse, ex historiis notum, & à nobis ipsis quoque visum fuit. Sic etiam nonnulli ab aspectu & imaginatione epileptici cadentis, epilepsiam contraxerunt. Imaginatio grati cibi salivam copiosam in os profuere facit: rei foetidæ imaginatio ad vomitum incitat: Veneris cogitatio colem erigit. Visi quoque sunt ægri, qui per solam validam imaginationem de remedio aliquo conceptam, sanitatem recuperarunt. *Ratio* docet, cum ab imaginatione humores & spiritus in corpore variis motibus agitati, varios effectus, & multos quoque morbos inducant, etiam pestilens venenum

inde in corpore generari, sicque pestem induci posse. *Experientia* hæc priora magis confirmare videtur, cum sæpius visum fuerit, nonnullos ex sola imaginatione peste correptos fuisse: quod historis seu exemplis demonstrant, Erasmus Hedenus, in oratione quadam. 10. Matthæus, cens. quest. 86. Scheunemannus, in Paracelsi de pest. cap. 15. Cum autem hæc ita se habeant, videtur sola imaginationis vi pestilens venenum etiam in corpore generari posse. Pro negativa parte, his jam dictis itidem tria opponuntur: 1. *Imaginationis* in plurimis rebus debilitas, seu agendi impotentia: ex. gr. quantumcunque homo pallidus imaginetur, & velit ut sanguis spiritusque ad faciem ferantur, illud propterea per imaginationem non impetrat: sic neque ictericus flavedinem, neque hydropicus aquam intercutem, neque calculosus calculum ulla imaginationis vi deponere potest: sic etiam qui tempore hyberno friget, imaginationis vi non incalescit, nec qui esurit, saturatur. 2. *Ratio*, quæ docet, à forti imaginatione induci animi affectus, lætitiâ, iram, metum, terrorem, &c. & spiritus ac humores non primarim ab imaginatione, sed ab his affectibus commoveri variis modis, pro eorundem varietate, atque sic non ab imaginatione, sed ab illis motibus procedere varios affectus, pro varietate corporum in quibus fiunt. 3. *Experientia*, quæ illud confirmat: nam licet mille homines sibi firmissimè imaginarentur epilepsiam, ex illa sola imaginatione nemo epilepticus fiet: verum si illi mille epilepticum horribiliter convulsus viderint, & à visione illa omnes graviter terreantur, forè ex illis omnibus unus aliquis (nempe cujus dispositio jam antea ad epilepsiam inclinabat) epilepsia corripietur, illud tamen non fiet ab imaginatione, sed à dispositionis aptitudine

tudine & terrore, qui humores subito movet versus cerebrum, jam ante ad epilepsiam præparatum. Idem de aliis quoque morbis & imaginationis effectibus intelligendum. Sic quoque dicendum est, pestilens venenum per solam tristem imaginationem in corpore humano non gigni, sed terrorem isti imaginationi comitem commotione spirituum, corpora, disposita ad venenum pestilens facile recipiendum, disponere, & si veneni quid in corporibus latiret, illud in actum promovere. Quod ipsum quoque asserit Thomas Fienus, *de virtus. imaginat.* Quod fortiter,

inquit, *de peste imaginantes pestem interdum acquirant, sit per accidens, quatenus scilicet imaginatio hac magnum infert timorem, qui timor movet malignos humores in corpore imaginantis latitantes, qui moti pestem faciunt: Et ita dico, imaginationem pestis non facere pestem, nisi in corporibus ad eam dispositis: uti ex eo patet, quod tempora pestis grassantis multi sæpe intensissime, & cum subsequente maximo timore de ea cogitantes, non propterea tamen ea corripiantur, tempore vero non grassantis multo minus.* Idem quoque sentiunt Goclenius, in *Loimographia*, & Sennertus, *lib. de consens. chym. cap. 14.*

### C A P. I X. De pestilentis inquinamenti processu.

**C**Um pestilens inquinamentum aëri jam cœlitus immissum, atque in & ex illo exigua quantitate genitum, per eumque aliquantillum dispersum est, paulatim quali fermentatione quadam se expandit, in eoque augetur, sicque magnæ aëris parti sibi similem venenositatem imprimit. Cum autem aër à venenoso hoc inquinamento incipit alterari, pollui, & ad venenositatem disponi, incipit simul etiam rebus sublunariis valde insensus & noxius esse, iisque pro tempestatum, quæ tunc vigent, varietate, varia damna inferre (eodem modo sicut pestis in hominibus, pro humorum, temperamentorum, ac dispositionum diversitate, varias partes variis modis affligit, & diversa symptomata profert) interdum armentorum magnas strages edere; interdum segetes & terræ fructus (1.) ad vitæ sustentationem necessarios, corrumpere; nec non cicadas, muscas, scarabæos, aliaque noxia insecta, item millepedas & mures, aliaque animalcula segetes fructusque corrodentia ac comedentia, quantitate maxima gignere, sicque sterilitatem terræ inducere (hinc sæpe oritur illa gravis annonæ difficultas (2.) quæ pestem præcedit) interdum carnum, piscium, aliorumque alimentorum, imò & humorum corporis nostri citas ac malignas putredines inducere, à quibus tunc febres illæ malignæ & pestilentes (3.) quæ pestem antecedunt, generantur. Porro, sicut interdum partis alicujus phlegmone paulatim augetur, & transit in gangrænam, hæcque paulatim in sphacelum: sic quoque à primi inquinamenti pollutione aër corrumpitur & inficitur per gradus (4.) donec tandem magna illius pars venenositatem, primo inquinamento similem, acquisiverit, atque tunc demum fit apertissima pestis. Nam aër ille non putridus, sed

sed venenatus (5.) existens, cum sit hominum calori nativo insensibilis, totaque substantia contrarius, pestilenti sua venenositate corpora facillimè insicit, & statim post invasionem innatum calorem impugnando, humidumque primigenium depopulando, viscerumque actiones lædendo seu depravando, facit ut humores amplius nec bene coquantur; nec cocti bene regantur, ac in salubri statu conserventur; unde plerumque graves eorum putredines citissimè inducuntur, è quibus tunc ilicò procedunt febres istæ putridæ pestilentes, quæ pestem mox sequuntur, vel comitantur, idque sæpe tam citò (præcipuè in corporibus quorum humores jam antea ad putredinem inclinabant) ut multoties pestis & febris simul invadere videantur: quo errore nonnulli, putarunt pestem esse febrem, eamque per febrem definierunt.

## A N N O T A T I O N E S.

I. **S**eges & fructus à pestilentis aëris malignitate corrumpi, etiam scribit Avicenna: *Mortalitas, inquit, corruptis segetes & vegetabilia, & animalia corrumpuntur quæ ea comedunt.* Nam illa aëris maligna corruptio fruges & arborum fructus injucundos, insipidos, & mali saporis reddit, germina, herbas, & plantas perimit: frumenta vel nasci impedit, vel nata rubigine aliave labe insicit.

II. Hæc est illa fames quam pestis sequi solet, cujus mentionem fecimus capite præcedente, problemate quarto: ubi docuimus pestem non produci ab ulla fame, neque sequi quamcunque famem, sed tantum illam quæ eandem cum peste causam habet, licet intensioris gradu minorem.

III. Citato problemate etiam probavimus pestem non induci ab aucta putredine illarum febrium pestilentium quæ pestem antecedunt; sed illam putredinem oriri ab eodem aëris inquinamento (sed intensioris gradu minore) à quo & ipsa pestis producitur, sicut ex hoc processu jam manifestissimè appareret.

IV. Obijciat aliquis: si illa pestilens

venenositas ita paulatim & per gradus in aëre augeatur, quomodo potuit in exercitu Regis Davidis trium dierum spatio incipere, & simul adeo magna fieri, ut septuaginta millia virorum occiderit? Respondeo, æque in manu Dei esse magnam partem prædicti inquinamenti in aërem immittere, vel in eo suscitare, atque ita citò multos perdere, quam parvam, & ita præmissis pœnæ imminenti signis, secundum immensam suam misericordiam, homines ad peccatorum pœnitentiam præmonere, antequam omnes in furore suo disperdat, ut multi resipiscentes & conversi vivere, ac pœnam effugere possint.

V. Si quis fortè dicat, aërem non posse exuere naturalem conditionem; & venenositatem induere, nisi mediante putredine ipsius substantiæ aëris? Respondebo, illud sine substantiæ putredine fieri posse; eodem modo sicut corpus violenta morte enecatam, quamvis exuit naturalem vitalitatis conditionem, propterea tamen non exuit statim corporalitatem illius quod fuit (ut si hominis corpus fuerit, per mortem statim non mutatur in corpus equi,



equi, piscis, vel alterius animalis, nec etiam statim potest dici putrefactum, sed spiritu vitali privatum; post quam privationem postea putredo substantiæ insequitur: ita ut mors non à putredine, sed putredo à morte seu vitalitatis privatione procedat. Sic quoque aëris aliqua pars à cœlesti inquinamento polluta, naturalem conditionem exuere, & venenosa fieri potest absque putredine, à qua venenositate postea putredines (scilicet rerum compositarum, non verò simplicium elementorum) inducuntur: ita ut venenositas non oriatur à putredine, sed putredo à venenositate. Et quare, quæso, hoc in aëre fieri posse negabimus, quod in aliis rebus fieri manifestissimè percipimus? ex. gr. Si frustum vitri antimonii, exactissima statera ponderatum, paucis horis imponatur vino optimo, postea eximatur, & siccatur iterum ponderetur, nihil de pondere imminutum esse comperietur, licet talis infusio vigesies, vel

trigesies cum eodem frusto reiteretur. Ergo manifestum est ex antimonii vitro nihil, quod animadverti potest, exiisse in vinum: præterea vinum omnino servat suum colorem & saporem, nec ulla in eo animadvertitur corruptio, & interim talem qualiterem ab antimonio contraxit, cujus ratione corpus sursum deorsumque satis violenter evacuat. Vnde aliena illa qualitas seu purgans vis vino accessit? an à putredine? Hoc nemo, credo, defendet, cui aliquid solidi iudicii supererit: igitur à venenata aliqua qualitate ab antimonio ei communicata & impressa sine putredine. Sic etiam venenum pestilens cœlitus demissum potest aërem venenata qualitate inficere sine putredine, quæ infectio postea in corpora sublunaria varias putredines & corruptiones inducit. Verum manifestissimum est, has non generare primum venenum infectionis causam, sed potius ab illo generari has corruptiones.

### C A P. X. De Contagio.

**C**ontagium (1.) est (2.) communicatio inquinamenti (3.) morbifici ab uno corpore in aliud, qua corporis inficientis morbus planè similis alteri corpori viventi communicatur. Vt cum per morsum canis rabidi similis rabies alteri corpore communicatur: vel cum ab exhalationibus ægri peste laborantis alius quoque peste corripitur. Vt autem hæc communicatio (de pestilenti loquimur) cum effectu peragi possit, quatuor requiruntur: 1. Aptā dispositio patientis. 2. Contactus patientis ab agente. 3. Efficacia major agentis quam patientis. 4. Tantum temporis (4.) ut ad invicem agere patique possint. In contagio quatuor consideranda veniunt: 1. corpus quod communicat: 2. quod communicatur: 3. cui communicatur: 4. quomodo communicatur. Corpus communicans est corpus à peste morbosum (5.) vel fomes. Quod communicatur est *placua* (6.) seu occultum pestilens seminarium, ab ægrotto seu infecto corpore (7.) vel fomite exiens. Hoc *placua* communicatur alteri corpori analogo (8.) aptam dispositionem ad hujusmo-

H

di

di seminarium recipiendum habenti. Fit autem hæc communicatio, vel immediatè, ut cum per contactum corporis morboſi, vel excrementorum infectorum illud seminarium transmittitur: vel mediatè, idque ſive per aërem (qui ſicut fumos, odores, aliaque ſimilia, ita etiam illa *μιάσματᾱ*, & vapores peſtilentii veneno inquinatos recipit, atque aliis deinde communicat) ſive per fomitem. Nam hæc *μιάσματᾱ* per aëris vehiculum transmittuntur, aut primo ad corpora animata analoga aptam diſpoſitionem habentia, quibus tunc peſtem ſtatim inferunt: aut primò ad inanimata, atque ab his poſtea ad animata. Omne corpus inanimatum, ad quod hæc tranſmiſſio fit, & quod peſtilens venenum recipere, atque aliquamdiu ſervare poteſt, Medicis neotericis (9.) appellatur fomes. Debet huiusmodi fomitis corpus eſſe rarum, (10.) laxum, poroſum, nullo frigore, nullo vehementi calore præditum; qualia ſunt corpora lanea, lineæ, pellicea, lignea rariora & foraminolenta, aliaque ſimilia. Quemadmodum autem odores, ſætores, vel fumi, diu in veſtibis, aliſque rebus conſervari queunt, ſic etiam peſtilens inquinamentum ſæpe longo tempore, in fomite ſervari, & cum eodem quoque ad alia longinqua loca (11.) transferri poteſt: ſi nempe quietus maneat fomes, nec agitur, aut incaleſcat: nam ſi vel agitur, vel incaleſcat, tunc inquinamentum loco ſuo movetur, & inde tranſfertur, vel ad corpora animata, quibus peſtem infert, ſi modo aptam habeant diſpoſitionem: vel rurfus ad alia inanimata, in quibus iterum aliquamdiu ſervari poteſt: vel diſſipatur, & ſurſum in aërem aſcendit, in eoque extinguitur. Sæpe etiam fit, ut inquinamentum illud peſtilens in fomite aſſervatum, licet non agitur, ſi tamen à radiis Solaribus calidioribus quotidie feriat, paulatim reſolvatur, attenuetur, & evaneſcat, vel ſurſum aſcendat ac diſſipetur, ſine ulla noxa eorum qui haud longè ab eo verſantur. Sæpe etiam fit ut à maximo frigore vel gelu venenata ejus vis adeo infringatur, ut vel penitus extingatur (ut in hac noſtra peſte factum fuiſſe diximus ſupra, cap. 3.) vel adeo debilis evadat, ut non multum nocere poſſit; exemplum vide infra, lib. 4. Hiſtor. 129. At ſi fomes fuerit in tali loco qui à ventis perflatur, peſtilentia *μιάσματᾱ* diu (12.) in iſto loco commorari nequeunt.

## A N N O T A T I O N E S.

I. **C**ontagium à *contactu*, vel *contingendo*, ſeu potius ab antiquo verbo *contago* nomen deſumpſit. Solet autem contagii nomen tribus attribui: 1. Ipſi morbo contagioſo, atque eatenus peſtis, tanquam maximè contagioſa, haud

rardè per excellentiam ſimpliciter *contagium* appellatur. 2. Seminario venenatæ qualitatæ, atque eo ſenſu nonnulli deſiniunt contagium, quod ſit, *inquinamentum ab agro corpore exiens, quo ſimilis affectus alteri corpori analogo communicatur.*

3. Com-

3. Communicationi morbi contagiosi per *judicium*, seu seminarium: quo sensu Hercules Saxonia definit contagium; quod sit, *actio quaedam qualitatis morbosa in corpus humanum dispositum & preparatum, quæ sit per contactum*. Et dicit contagium contineri sub actione, tanquam sub proprio genere. Sic Petrus Salius Diversus definit contagium, quod sit, *contactus duorum corporum, cujus ratione similis in altero per alterum morbus produci- tur*. Quæ tamen Salii definitio pestilenti contagio minus proprie convenit, utpote quod non tantum per corporis morboſi contactum, sed etiam per medium, nempe per aërem vel fomitem, aliis communicatur. Quapropter nos potius dicendum arbitramur, *Contagium esse communicationem inquinamenti seu seminarii, &c.* sive illa actio communicationis fiat per immediatum contactum, sive per medium. Eodem modo Liddellius definit contagium, quod sit, *communicatio inquinamenti similis morbi, facta à corpore in corpus, aut immediate, aut mediante aliquo*. Nomen autem contagii non satis bene seminarium, seu inquinamento attribui putamus, cum inquinamentum pestilens sit res per se, quæ morbum inducere potest etiam ante contagium, ut proinde nulla ratione contagium, sed propriè inquinamentum contagiosum appellari possit: nisi enim illa actio communicationis seminarii ab uno corpore in aliud accesserit, non fit contagium.

II. De contagio, anne pesti adsit, nec ne, alii aliter sentiunt. Petrus Salius Diversus, *lib. de peste, cap. II.* contagium alicui pesti adesse concedit, sed non omni: idque probare nititur auctoritatibus & historiis Hippocratis, Galeni, aliorumque Medicorum, qui in furiosissimis pestibus, nulla habita contagii ratione, imò ne ulla quidem ejus mentione facta, quoslibet peste labo-

rantes indiscriminatim inviserunt, neque contagium fugientes, neque alios id fugere monentes, utpote quod tunc temporis nullum (inquit) pesti aderat. Præterea dicit in Syria, Ægypto, & Cayro etiam hodie neminem peste infectos fugere, procul dubio propterea quod pestis ibi non sit contagiosa. Alii existimant nulli pesti adesse contagium, idque probare nituntur auctoritatibus & rationibus. *Auctoritatibus*: quia Hippocrates, Galenus, Avicenna, alique varii, cum Græci, tum Arabes, viri sagacissimi, qui pestem curiosissimè descripserunt, contagium, neque fugerunt, neque illud cognovisse videntur, quia aut nusquam, aut saltem valde obscurè de eo loquuntur. *Rationibus*:

1. Quia si pestis, inquit, contagiosa foret, ab illius contagio omnes illi necessarid infecterentur qui cum ægrotis peste laborantibus conversantur, iisque inserviunt; at contrarium apparet in Medicis, Chirurgis, vespilionibus, aliisque, ergo non est contagiosa. 2. Quia si vapores & halitus è sano corpore emanantes, aliis corporibus ægrotis sanitate istius corporis, è quo exiverunt, communicare, & morbos expellere nequeant, ergo etiam ægrotorum morboſi vapores & halitus in sana corpora eodem morbo transferre, ac sanitate expellere non poterunt. His argumentis utitur Gregorius Nyssenus, magnus Philosophus & Theologus, in *explicatione istius dicti Servatoris nostri, Quod uni ex minimis meis fecistis, &c.* ubi tandem concludit, eos, qui cum ægrotis pestiferis conversantur, propterea eodem morbo corripi, quod communi cum infectis aëre utantur, ut eandem dispositionem internam habeant, non autem quia ab infectis contaminantur. Has jam dictas opiniones plurimi rejiciunt, & ex altera parte cum Fracastorio fere omnes primarii neoterici Medicinæ

dicinæ procures, omni pesti maximum contagium adesse merito judicant. Profecto non potuit etiam non illud contagium ipsis quoque Veteribus cognitum fuisse, quia antiquus Græcus Historicus Thucydides, in descriptione gravissimæ pestis Atheniensis, maximi contagii mentionem facit: cui pesti ipse Hippocrates etiam interfuisse dicitur, qui tamen istius contagii non facit apertam mentionem, quia, teste Galeno, *lib. 2. de difficult. respir. cap. 7.* sicut Thucydides, populo vulgari scribens, omnes totius morbi vulgo spectabiles circumstantias describit; ita Hippocrates omnes fere res notissimas prætermittens, tantum illa describit, quæ vulgares ordinariè non observant, & maximos sæpe Medicos latent. Ita ut Hippocrates pestis contagium tanquam notissimum quid præsupposuerit, hincque de eo verba non fecerit: cum tamen *lib. 2. de nat. hum. text. 4. corporis domætoris*, id est, morbo si effluerit: & *lib. de flat. purgatoris*, id est, semini viciorem pestilentium, meminerit. Aristoteles, *sect. 1. problem. 7.* dicit, unam pestem omnium maximè contagiosam esse. Galenus quoque, *lib. 1. de differ. febr. cap. 2.* inquit: *Pestilenti morbo laborantium conversatio minimè suta, periculum enim est, ne concipiatur, ut scabies & leprosus.* Atque ibidem, *cap. 4.*, scribit pestem Atticam ex Æthiopia per putrida inquinamenta & aëris infectiones fuisse propagatam. Inter Historicos Titus Livius, *lib. 3.*, quam *lib. 25.*, graves pestes describens, contagii vocem expressit. Appianus Alexandrinus scribit Celtas ab Illyriis peste laborantibus, quoque infectos fuisse. Seneca *4. de ira, cap. 5.* dicit: *In pestilentia cavendum est, ne corruptis jam corporibus & morbo flagrantibus affideamus, quia pericula trahimus, afflatuque ipso laborabimus.* Hinc ait Ovidius, *7. Metamorph.*

*Quo propior quisque est, servisque fidelibus agro,*

*In partem lethi citius venit.*

Ex quibus omnibus satis liquet, Veteribus contagium non fuisse ignotum. Quod autem Hippocrates & Galenus contagium non metuerint, nec fugerint, illud eorum humanitati & audaciæ adscribendum est, qui non timerunt per flammam & ignes, ac per mille pericula proximis suis in summa pestilenti necessitate auxilium ferre, (quemadmodum etiam ego in hac furiosissima Noviomagensi peste continenter feci;) non quod à peste contagium abesse putarent; non etiam quod cum Syriis & Ægyptiis, pestem per solam factorum destinationem hominibus immitti, ac propterea neminem per contagium peste corripere, vel pestem effugere posse, crederent; sed quod charitatis in proximis ergo, huic periculo se exponere, quam proximorum extremis necessitatibus non succurrere, mallent. Verum dicas; quare igitur plerique veterum Medicorum contagii descriptionem silentio præterierunt; vel adeo obscurè de contagio locuti sunt? Respondeo: vel quia illos deterruit rei gravitas, cum ejus descriptionem difficillimam fore viderent; vel quia illud tanquam rem clarissimam & notissimam tacitè præsupposuerunt; vel quia non cognoverunt aliud contagium, quam quod sit per immediatum contactum corporis morbo si, quo modo scabiem, lepram, morsum canis rabidi, aliaque similia contagiosa appellarunt. Cum autem contagium in peste frequentius per medium, quam per immediatum contactum communicetur, propterea de eo, tanquam rariore, vix loqui dignati sunt. Istius enim contagii quod sit per vapores, aërem, fomitem, aliudve medium, vix uspiam meminerunt, propterea quod causam morbi ita inducti, non cor-

corpori ægroto medium illud inficienti, sed ipsi medio infecto adscriberent: ex. gr. æger peste infectus sudorum, exhalationum, & excrementorum foetidissimorum malignitate inficit aërem, qui aer ita infectus postea ab alio aptam dispositionem habente, inspiratus, eidem illam, quæ ab ægroto corpore exierat, infectionem communicando, eundem morbum infert. Talem morbum Veteres non à contagio corporis primò ægotantis, sed à maligna aëris infectione proficisci dicebant, neque id contagium appellandum esse iudicabant. Porro, quantum ad rationes in contrarium allatas, illæ non sunt magni ponderis. Respondeo ad primam, propterea non infici omnes qui cum peste laborantibus conversantur, quia multa corpora tali occulta dispositione prædita sunt, ut à veneno pestilenti, aliquis vehementi, prorsus affici nequeant; quæ de re pluribus agemus sequenti capite. Ad secundam dico, sanitatem in mediocritate, morbum verò in excessu consistere: mediocritatem autem non vincere excessum, sed excessum evincere mediocritatem; atque hinc esse quod salubres expirationes, cum sint remissiores, morbos tollere nequeant; morbidæ verò expirationes, cum excedentes qualitates habeant, mediocritatem possint corrumpere. Præterea sciendum, ita comparatum esse in rebus naturalibus, ut ad alicuius rei destructionem longè paucioribus mediis opus sit, quam ad constructionem. Ut sanitas constituatur, omnium humorum concordans ac conveniens mistio requiritur, cum unius solius excessus morbum inducere possit. Ad hæc, effluvia sanorum cum sint excrementitia & inutilia, à meliore mixtura separata, non possunt continere facultatem sanitatis, sicut effluvia corporum peste laborantium conti-

nent ipsam maligni inquinamenti pestilentis proprietatem ac potentiam. Denique auctoritati & opinioni gravissimi viri Gregorii Nysseni, oppositum auctoritatem & opinionem S. Basilii, non minus Medici, quam Philosophi & Theologi insignis, qui, in *explicatione primi Psalmi*, docet pestem esse maximè contagiosam: ut & auctoritatem Bezzæ ac Riveti, summorum Theologorum, qui reprehendunt eos qui dicunt pestem non esse contagiosam, & bene docent, eas contagiosam infectionem fugiendam esse. Præterea Gregorius Nyssenus videtur pia necessitate coactus statuisse, vel saltem dixisse, pestem non esse contagiosam: videns enim passim quoscunque metu contagii & mortis fugere, postpositis omnibus misericordiæ & amoris operibus, atque hinc plurimos mori qui vivere potuissent, si aliquis iis intervenisset, atque hinc metuendum esset, ne omnes tandem interirent, consultum duxit nonnullis fucatis rationibus populo persuadere, pestem non esse contagiosam, non quod talis non esset, verum ut sic multi à fuga detinerentur, & sibi mutuo auxiliares manus ferendo, plurimi servarentur. Cum Paulus Apostolus naufragium pateretur (*Act. cap. 27.*) & nautæ fugam se servare nitebantur, dicebat: *Nisi hi in navi interfuerint, vos salvum fieri non potestis.* Sic etiam in peste, nisi auxiliares manus ferantur agris, pereunt plerique; & qui fugiunt etiam sunt incerti, an se fugam servare possint. Ita ut ex illa necessitate, quæ Nysseno hanc persuasionem extoruit, concludi nequeat, pestem non esse contagiosam. Verum qui his sibi nondum satisfieri patiuntur, sed antedictam opinionem pertinaciter defendere volunt, tandem eam confirmantur verbis Sacræ Scripturæ, quæ 2 *Samueli* 24. pestem appellat manum Dei: & *Psalmi* 38, *ut* & 91. sagittam Dei:

Dei: & 1. *Parallipom.* 21. gladium Dei. Arqui, inquiunt, Dei manus, sagitta, gladius non vulnerant contagio, ergo, &c. Respondeo, Sacram scripturam dictis locis, per manum, gladium, & sagittam Dei, manifestissimè designare partim eum qui plagam desuper immittit, scilicet Deum; partim ipsius plagæ magnitudinem, quæ plaga per se, & per ex se emissum contagium, instar immanissimæ feræ grassatur inter homines, sicut potentissimorum hostium gladii & sagittæ debacchari solent. Ita ut per has Sacræ scripturæ loquendi formulas pestis comes contagium à peste non excludatur (sic etiam non excluditur ab elephantiasi, quæ & ipsa appellatur manus Dei, qui tamen Deus, ratione contagii, jubet leprosos separare ab aliis) propter illud enim jubet Deus, (*d. versis in locis, infra citatis lib. 2. cap. 4. annot. 2.*) fugam capescere.

III. Dico, *inquinarum*, quia corpus peste infectum duo communicat, vapores seu halitus putridos, & inquinamentum venenosum: in hoc consistit, & ab hoc peragitur contagium pestilens, non verò ab illis. Quia contagium pestilens, quod à putredine inso contagio longissime differt, non resultat ex putredine (ut c. 8. in annot. fusc probavimus) nec ejus essentia in putredine consistit, sed in veneno, licet putredinem, ut plurimum comitem habeat. Attamen Matthias Vntzerus, l. 1. *de lue pest. c. 7*, pestilens contagium in putredine, tanquam in proprio subiecto subsistere, statuit: quam suam opinionem his rationibus stabilire nititur. 1. Quod in externis videmus res putrescentes putredinis communicatione alias res vicinas corrumpere, ut liquet in carnibus, pomis, aliisque rebus putrescentibus. 2. Quod in omni contagio cernitur putredo. 3. Quod nullus, quantumvis periculosus, morbus, dum-

modo expers sit putredinis, contagione in alios proserpat. 4. Quod in omni contagio fiat corruptio substantiæ, non secundum totum, sed secundum partem, idque sensim, quæ corruptio est putredo. Omnes hæ rationes speciosæ quidem sunt, sed interim parvi momenti. Ad primam respondeo, maximam esse differentiam inter contagium putridum & venenatum: illud lente, & non nisi post prævias alterationes, aliud corpus contaminare; hoc in momento operationem suam edere, ut apparet in iis, qui pestilenti contagio infecti subito concidunt: illud corpora etiam diversi generis contaminare; hoc ut plurimum tantum corpora analoga: illud operationem exercere etiam in corporibus mortuis; hoc tantum in vivis. Ita ut omnino claudicet hæc Vntzeri comparatio, quæ illud tantum describit, hoc verò planè ignorasse videtur; nesciens, si in putredine consisterent illa contagiosa pestilentia *putredine*, illa necessariò in se ipsis à putredine brevi tempore consumi debere, neque integris viribus in fomite asservari posse. Ad secundam & tertiam dico, nos negare, in omni contagio putredinem cerni, & morbum sine putredine contagio non proserpere; idque probamus exemplo eorum qui subito peste correpti statim mortui concidunt, & simul eandem contagiosam labem adhuc aliis communicant, nullis putredinis signis, neque in his, neque in illis, apparentibus, nec ante, nec post morbum vel mortem, imò nullo tempore ad putredinis inductionem concessio. Quod exemplum etiam falsitatem quartæ rationis demonstrat, & probat in omni contagio non fieri talem corruptionem substantiæ, quæ sit putredo, nam neque hæc, neque illa in momento fieri potest, cum tamen venenosum pestilens contagium

id

id possit. Ad hæc, dico etiam in humoribus posse fieri venenatam qualitatem ex substantiæ corruptione sine putredine, nam ad prioris formæ corruptionem & novæ inductionem, necessariæ quidem sunt præviæ alterationes (ut in semine, quod dum corrumpitur secundum formam seminis, & induit formam foetus, alteratur quidem, sed non putrescit) non verò putredo. Liquet id in parte gangræna vel sphacelo correpta, quæ primo corrumpitur, postea putrescit. Sic corruptio quoque præcedit in iis qui per contagium peste afficiuntur: nam venenatum inquinamentum prius communicatur, communicatum corrumpit spiritus & humores, & hanc corruptionem sequitur putredo, sicut demonstravimus *precedente capite, annotat. 5.* Atque ita ex his satis manifestè liquet putredinem non esse de essentia contagii, neque contagium pestilens ex ea oriri. Quod contra se ipsum docet Vntzerus *lib. citato, cap. 9.* ubi inquinamentum pestilens appellat venenum, quod non dependet ab aliqua quatuor vulgarium qualitate, sed ab occulta specifica qualitate. Super hoc dubio etiam legi poterunt, Fernelius, *lib. 2. de abdit. cap. 14.* & Franciscus Valleriolla, in *append. loc. comm. cap. 2.* sed imprimis Senertus, *lib. 6. prax. part. 3. cap. 3. & Paralip. om. ad lib. 6. prax. cap. 1.* qui omnes plurimis aliis firmissimis rationibus (quas hic referre nimis longum foret) hanc, de contagio pestifero à putredine, sententiam penitus destruunt.

IV. In qualibet naturali actione hæc quatuor concurrunt: Agentis fortitudo, patientis dispositio, contactus passivus ab agente, & mora agentis in passivo. Maxime requiritur agentis fortitudo, quoniam à proportionem minoris inæqualitatis non sequitur actio, sed à

proportionem majoris inæqualitatis, nam magna navis non à parvo, sed à magno vento impellitur. Patientis dispositio necessaria est, quia quodlibet non agit in quodlibet, sed actus agentium fit tantum in agente bene disposito: sic magnes non trahit lignum, non lapidem (quia non sunt aptè disposita subiecta) sed ferrum, dummodo sit mundum, non verò admodum rubiginosum, vel oleo illitum, vel adamante alteratum, tunc enim, propter malam dispositionem ferri, illud non attrahit. Huc facit contactus, immediatus, vel mediatus: nisi enim aut ipsum magnetis corpus, aut aër aliudve medium cui virtus ejus impressa est, ferrum tangat, illud non attrahit: quemadmodum neque ignis aliquem calefacere potest, nisi calefaciendus ab ipso igne, vel ejus calore aëri infuso, tangatur. Etiam tempus & mora expositur, nam si lignum parvum in ignem quantumcunque magnum posueris, & statim rursus amoveris, non comburetur, propter nimis parvam moram. Quantum ad pestilens contagium, illud ut agat, debet esse fortius patiente, & non potest agere nisi per contactum in patiente disposito, accedente aliqua mora, quæ interdum longior requiritur, interdum brevis sufficit, imò nonnunquam vix temporis momento opus est, ut contagium vires suas exerat: quæ diversitas procedit ex majore vel minore veneni efficacia ac quantitate, & majore vel minore corporis quod invadit, aptitudine.

V. Dico, *corpus à peste morbosum*: quia non quodlibet corpus, quod alteri quam ipsum habet affectionem communicat, contagiosum est, ut cum calidum aliud calefacit, aut frigidum frigefacit. Neque quodlibet morbosum corpus contagiosum est, ut cachecticum, ictericum, hydropicum. Neque quod-

quodlibet corpus morbosum & contagiosum pestilenti contagio contaminat alterum, ( sic scabie vel lue Venerea infectum alteri non infert pestem ) sed tantum illud quod à peste morbosum, seu pestilenti veneno infectum est. Sciendum enim, non quælibet venena, nec quælibet corpora venenata esse verè contagiosa, licet multa nobis sint lethalia: sic arsenicum, etsi sit nocentissimum, non est tamen contagiosum: scorpio vel serpens, quamvis homini ictu vel morfu suum venenum communicent, non sunt tamen animalia contagiosa, quia illud venenum non est ipsius morbosum, sed naturale.

Hic queri posset, an corpus à peste morbosum, sit contagiosum ratione morbi, an verò ratione causæ morbificæ? Dico, utriusque: nempe primariò ratione causæ morbificæ, absque qua nec morbus, nec contagium fieri potuisset: secundariò ratione morbi: nam postquam causa morbifica in corpore generavit morbum, etiam ipsi simul impressit facultatem eandem causam multiplicandæ, quæ multiplicata ulterius diffundi ac disseminari potest ad alios: eodem modo sicut fit in fermento, cujus parva quantitas magnæ farinacæ massæ admista, totam fermentare facit, ita ut postea quælibet istius massæ particula, quousque in operatione persistit, æque efficax sit ad similem quoque effectum edendum: quæ vis istius massæ primò impressa est à primo fermento, at secundariò aucta à fermentatione.

Hic & alia quæstio adjungenda est, ane omnia corpora à peste morbosa sint æque contagiosa? Dico, non: sed illa, quorum morbus in salutem & vitam terminatur, esse minus contagiosa iis, quorum morbus lethalis est. Quia in illis venenum pestilens à robusta naturæ vi & alexipharmacorum usu non

solum retunditur, verum etiam tandem extinguitur, ita ut qui è tali corpore exhalant vapores, multò minus venenositatis in se contineant. In his verò venenum evicto calore vitali triumphans, omnibus humoribus maxime venenatam corruptionem imprimit; ita ut è talibus corporibus, quorum humores venenosa labe magis magisque inficiuntur, multò magis venenosas exhalationes effleri necesse sit. Sic tempore pestilentie plurimos ab iis, quorum morbus in exitum terminatur; pauciores verò ab aliis, quæ à morbo convalescunt, infici, observatum est. Nam in domo aliqua si quispiam peste correptus à morbo evadat, sæpe nulum domesticorum inficit; atque sic morbus sæpe in uno solo illic terminatur: contra verò si unus æger peste correptus moriatur, plures in eadem domo infici & mori solent.

V I. Illa *μιασμα* Græci etiam vocant *δυσμελές*, & *δυσπίος*, ac *αίμαγμα*. Latini *Morbidas expirationes*, vel *Morbosa effluvia*, vel *inquinamenta*, & *contagii semina* appellant. Quia sicut semen corporis viventis aliud animatum ejusdem speciei producere potest, sic illud *μιασμα* seu seminarium, è corpore morbofo emissum, alteri corpori similem quoque morbum inducere potest.

Occurrit hic quæstio, cum in plerisque aliis morbis etiam aliquid morbifici exhalat, quare non omnes sint contagiosi? Respondeo: quia in aliis morbis solummodo effectus causæ aliqua pars, nihil verò ipsius causæ morbificæ exhalat, quæ si exhalare posset, forent plerique morbi contagiosi. Explicabo mentem: multi morbi oriuntur, vel à sanguinis nimia copia, vel à meatuum obstructione, vel à putredine. In morbis à sanguinis copia exhalat quidem pars istius copiz, sed causa istius copiz (scilicet nimia boni



boni cibi ingestio, otium, aliave) non potest exhalare. In morbis ab obstructione potest quidem exhalare pars humoris obstruentis, sed ipsa obstructio nequit exhalare, & adhuc minus debilitas viscerum humores obstruentes generantium. In morbis à putredine exhalat quidem pars humorum putrescentium, sed causa istius putredinis (nempe obstructio, solutio unitatis, mala coctio, visceris alicujus vitium, debilitas, vel corruptio, aliave qualiscumque) nequit exhalare. Idem de cæteris intellige. Ac propterea non possunt tales morbi esse contagiosi, in quibus non exhalat aqua causæ morbi- ficæ, nam contagium in ipsa causa mor- bifica consistit, & ab ea peragitur. Hinc autem est, quod pestis sit contagiosa, quia in ea exhalat ipsius causæ morbi- ficæ, nempe veneni pestilentis, pars, una cum parte effectus, nempe putridis va- poribus & excrementis.

VII. Contagiosa *per vias* per varias vias è corporibus infectis exeunt, ut, per poros cutis, sudores, & invisibiles exhalationes, per expirationes, dejectiones, & sputa, per pus & saniem, &c.

VIII. Corpori analogo & ejusdem speciei illud venenum pestilens communicari debet, ut pestilentem infectionem inferat: (loquimur de eo quod plerumque contingit, nam pro miraculo habendum non est, si forte animal brutum, canis, felis, &c. aliquando ab homine, vel homo à bruto animali ægro- tante inficiatur, sicut canem rabiosum videmus per contagium inficere homi- nem simili veneno, licet humanum corpus ipsi non sit analogon: Nam si ab homine transferatur ad equum, illum non inficiet, quia inter hominem & equum nulla est analogia; atque hinc fit, quod idem venenum, quod homini perniciosum est, equo non noceat. Illa autem perniciofa istius pestilentis ve-

neni operatio, in omnibus hominibus non eodem tempore & modo peragi- tur: nam cum illud contagiosum *mu- nus* in corpore receptum est, in aliis citissimè, in aliis lente morbum inducit. Imò in hac peste Noviomageni, etsi plerumque citissimè se effectis prode- ret, tamen interdum per aliquot dies, interdum per duas tresve hebdomadas, semel per aliquot menses (exemplum annotavimus *lib. 4. Histor. 103.*) in corpore latuisse, observavimus, antequam sui præsentiam certis ac notis signis manifestaret, viresque suas manifeste exereret. Illa autem operationis tarditas ob duas imprimis rationes fieri potest: 1. Cum venenum pestilens, quod corpus ingreditur, vel est nimis parvæ quantitatis, vel nimis debile, quam ut calorem nativum citò afficere possit; atque tunc ab exiguo initio paulatim vires acquirens, longiore tem- pore eget, antequam calorem nativum impugnare ac debilitare, viscerum ro- bur dejicere, putredines malignas inducere, & sic ad excellentem poten- tiam assurgere, ac se manifestè prodere possit: quemadmodum Galenus, *lib. 6. de loc. affect. cap. 5.* illud ipsum docet de sputo canis rabidi. 2. Cum venenum illud recipitur à corpore non satis aptam dispositionem habente, cujus calor nativus fortior illum hostem diu non persentiscit, nec ab illo notabilem vim patitur; attamen tandem ab hos- te, tractu temporis clanculum porren- tiore facto, laceffit, ad versus illum insurgit, & tunc ex illa pugna oriuntur pestifera symptomata. Nam quod ve- nenum pestilens citius vel serius homi- nem afficiat, non tantum à magis mi- nusve malefica vi dependet, sed etiam à majore minoreve dispositione ac resi- stentia ejus, qui illud recipit. Id quod quotidie experimur in aliis venenis: nam idem ejusdem ponderis & qualita-  
1 tis

tis venenum variis hominibus exhibitum, alium statim, alium post aliquod tempus; alium gravius, alium levius, alium fere nihil afficit: quod ipsum in medicamentis purgantibus quotidianus usus etiam docet, quæ pro varia disparique ægrotantium ægrorum constitutione, temperamentique diversitate, citius aut tardius, levius aut vehementius operantur. Has rationes planè rejiciunt Hieronymus Mercurialis, Io. Anton. Saracenus, Andreas Cifalpinus, Matthias Vntzerus, Ioannes Morellus, alique plures; qui expresse negant pestilens venenum per menses vel hebdomadas aliquot in corpore humano occultum latere posse, idque tantum parvo tempore, nempe per duos tresve, aut ad summum per septem vel octo dies fieri posse concedunt. In horum sententiam etiam ego quoque antehac facile ivissem, nisi experientia me aliud docuisset. Sed quare, quæso, venenum pestilens aliquamdiu in corpore occultum latere non posset, æque atque venenum canis rabidi? quod licet etiam naturæ sit insensissimum, in corpore tamen humano, non tantum per dies, hebdomadas, vel menses, sed per annos latuisse, observarunt, Alpharabius, præclarissimus Arabs Medicus, Matthiolus, Palmarius, Amatus Lusitanus, Albertus Magnus, Guainerius, Petrus Salius, alique plures. Quare non æque atque virulentia luis Veneræ? quam in corpore humano diu latere posse, præter quotidianam experientiam, testes sunt, Fernelius, Ingrassias, Franciscus Rennerus, Cardanus, alique gravissimi Medici. Quare non æque atque in aliis venenis assumptis? quæ teste Galeno, ut & Theophrasto *lib. 9. cap. 16.* nimis parva quantitate, vel debili qualitate assumpta, non nisi post tempus aliquod nocent & interficiunt. Hic fortè dicent adversarii, differre venenum pestilens à

rabioso, Veneræ, aliisve venenis, quod hæc lentore quodam, & terrestri gravitate prædita sint, cujus ratione tardius in actum promoventur; illud verò subtilissimum sit, ac citissimæ actionis. Sed respondeo: neque alia omnia venena terrestri lentore prædita esse, neque pestilens venenum semper subtilissimum existere, sed hoc sæpius quoque alicujus lentoris particeps esse, cujus ratione tanto tempore in fomite asservari & latere potest. Quæstionem hanc latius tractat Ioannes Oelhasius, *disput. 1. de seminar. pestil. intra corpus virum latente*. Tandem concludimus, non solum pestilens, verum etiam omne quaecunque venenum, quod corpus ingressum est, vel citius, vel tardius operationes suas edere, prout corpus hoc illo modo dispositum invenerit, & majore vel minore quantitate, aut qualitate illud ingressum fuerit.

Hic non malè subiungi posset alia quæstio, nempe, an venenum pestilens, quod corpus subiens in eo latitat, priusquam illi corpori morbum actu inducat, aliud externum corpus insicere possit? Dico, posse, eodem modo sicut fit in muliere, quæ cum viro Gallicæ insecto rem habens, ab eo insicitur, potestque cum alio statim coiens eandem ei labem contagio inferre, licet in se ipsa adhuc nulla morbosa istius luis indicia percipiat.

IX. Dico, Medicis neotericis appellari *fomitem*, quia nemo, quod scio, veterum Medicorum fomitis meminit.

X. Fomitis corpus debet esse rari, ut *quidam* illa contagiosa, tenaci aliquo vaporis immixta, recipere possit; densa enim corpora illa non admitterent: ac propterea nec lapides duriores porphyrii, marmorei, ut nec metalla possunt esse fomes, tum propter densitatem, tum propter frigiditatem. Hac de causa Mercurialis irridet

det eos, qui tempore pestis monetas tractare recusant, vel easdem antequam contingant, abluunt. Fortè hinc ille laudabilis Medicorum mos, toti mundo, quasi vero, communis, originem sumplit, quod nempe ægris suis in pestilenti constitutione gratis, si diis placet, inserviant, propterea quod nummos scilicet metu contagii tractare non audeant. Videtur Mercurialis ea in parte non fuisse adeo scrupulosus, ut alii Itali solent esse, qui porrectam pecuniam de manu alterius immediatè non audent accipere, sed illam in pelvim aqua repletam prius injici curant, ut si qui fortè viscidii noxii vapores à manu dantis adhæreant, illi prius aquà vel abluantur, vel extinguantur. Nostros videntur cum Mercuriali sentire, fomitem contagii metallis, propter eorum densitatem & frigiditatem, inhærere aut adhærere vix posse, atque hinc tempore pestis nunquam anxii sunt in tractandis monetis, sciunt quippe fomitis corpus, nec adeo densum, nec adeo frigidum esse debere aut posse, quia frigore & gelu edomatur contagii vis, sicut è contra magno calore consumitur.

Quæritur, utrum contagiosa *μιάσμα*, quæ in fomite hærent, sint ejusdem naturæ & venenositatis cum causa morbifica, quæ isti corpori, è quo exierunt, morbum induxit? Dico, planè eandem naturam & vehementia continere. Quare igitur omnia *μιάσματα* è corpore morboſo exeuntia, non constituunt ubique fomitem, corpore, seu subjecto aliquo commodo ad fomité dato? quia *μιάσματα* illa per se tenuia plerumque sunt, ac propterea deferuntur & disperguntur ut plurimum per aërem, nec facile alicui rei, propter tenuitatem & subtilitatem adhærent, sed una cum aëre facile ab aliis inspirantur; (hac de causa valde periculosa est conversatio cum infectis.) At si illa *μιάσματα* immix-

ta fuerint tenaci alicui vaporì, atque ita ad commodum inane corpus delata, illi firmiter adhærebunt, & fomitem constituent. Hinc est quod pestiferorum novissimi halitus (quibus illa *μιάσματα* immixta sunt) è moribundis exeuntes, plerumque fomitem constituunt; quia moribundorum calor jam penè extinctus & omni vigore privatus, putridas fulgines amplius attenuare & discutere nequit, ac propterea crassas tantum & tenacissimas exhalationes vaporosas emittit, quæ cuicunque disposito corpori obvio facile inhærent, eique se insinuant. Hic est ille halitus verus (à multis pro fabula habitus) de quo vulgares loquuntur, cum dicunt, se vidisse ab ægro extremum spiritum reddente exiisse venenum pestilens instar parvæ nubeculæ ceruleæ (nam illi ultimi halitus talem colorem aliquo modo rudioribus referre videntur, si candela ardens paulò longius à lecto adstet) idque se insinuasse in hanc aut illam rem. In eo quidem errant illi rudiores, quod totum venenum pestilens una cum extremo spiritu è corpore exire arbitrentur, cum tantum aliqua veneni pars, vaporibus istis permixta, exeat: attamen docet experientia, ex rebus illis, in quas talem nebuculam transferri viderunt, postea casu commotis vel excussis, pestem non semel aliis adstantibus mox communicatam fuisse.

XI. Thucydides refert contagium pestilens per fomitem ex Æthiopia in Græciam advenisse. Sic quoque Apianus Alexandrinus, lib. de bello Illyrico, scribit olim Celtas, cum superassent Illyricos, ipsorum rebus potitos, peste infectos fuisse, propterea quod Illyrici peste laborassent. Non minus etià hodie cum vestibus aliisve rebus pestilens venenum ad alias civitates vel regiones deferri videmus: qua de re plu-

ra videantur *precedente cap. 8. annot. 1. problem. 1. & lib. 2. cap. 3. annot. 4. & 11.* Hic duæ quæstiones occurrunt: 1. Vtrum aliquis contagium in vestibus suis circumferre possit, & illud aliis communicare, se ipso illæso manente. 2. Anne solum contagium è fomite prodiens possit inducere pestem generalem. Ad primam respondeo; id fieri posse, si contagiosum inquinamentum circumferatur ab homine aptam dispositionem ad pestem non habente, qui tamen illæsus manens per hunc fomitem, illud venenum pestilens alteri aptam dispositionem habenti impertiri potest. Huius rei exempla tempore pestis extant in vespillonibus, aliisque qui ægris & mortuorum sepulturæ inserviunt, quorum hominum communionem non minus quam ædes infectas, imò adhuc magis fugere iubent omnes Medici, quia tales plerumque solent contagium pestilens, ipsi innoxium, aliis verò dispositis damnosissimum circumferre. Ita scribit Evagrius, *Histor. Eccles. lib. 4. cap. 28.* contigisse in magna peste sui temporis, ut sæpe homines sani ex infectis regionibus discedentes, & in liberas abeuntes, insicerent illarum regionum sanos, eo quod in vestibus fomites inscii circumferrent, quos alii communicabant, atque ita etiam aërem insicientes, pestem inducebant. Ad secundam dico; per contagium fomite translatum duobus modis pestem induci. 1. Cum contagium illud peste vigente fomiti immixtum non diu post ad alia loca transferretur, ibidemque aliis communicatur, qui rursus simile contagium à se diffundentes, plures ipsis vicinis insiciunt, atque sic pestis pomeria ulterius extendunt: qualem pestem describit Rondeletius, *lib. de febr.* à qua illos tantum infectos fuisse refert, qui infectas ædes frequentaverant. Verum talem pestem minimè generalem

seu epidemiam appellari posse putamus. 2. Cum contagium adeo vehemens est, ut non tantum proximos homines, sed ipsum etiam aërem insiciat, qui deinde omnibus promiscue communicatus, favam pestem inducere potest: quæ tamen pestis licet in una vel duabus civitatibus vagari queat, pluribus tamen regionibus communis fieri nequit, nisi aliquid *divini*, de novo cælitus immixti, aut in aëre generati, concurrat, quod non tantum inceptam causam adaugeat & promoveat, verum etiam aërem pravis qualitatibus imbuendo, & alimenta corrumpendo, corpora debilitet, atque sic ad pestem facile suscipiendam disponat. Saltem contagium in fomite latens non debet esse antiquum, ut postea pestem accendat: nam (ut antea dictum, *cap. 8. annot. 1. problem. 1.*) contagium in fomite integris viribus non diu persistit, sed aliud citius, aliud tardius in eo emoritur, & ad summum spatium unius anni prorsus invalidum evadit, adeoque aboleretur, ut inde nihil mali amplius metueri dum sit. Huic nostræ sententiæ, procul dubio, in contrarium objiciuntur testimonia aliorum auctorum, qui scribunt, non tantum à recenti, verum etiam ab antiquissimo contagio, quod plurimis annis in fomite delituit, furiosissimas epidemias maximeque perniciosas & generales pestes fuisse excitatas. Quale est testimonium Ammiani Marcellini (hujus mentionem fecimus supra, *cap. 8. annot. 1. probl. 4.*) qui scribit ex antiquissima arca aurea, in templo Apollinis reperta, tam virulentum pestilens contagium erupisse, quod magnam mundi partem infecerit. Vt & aliud Trincavellæ, qui, *lib. 3. Consil. 17.* refert Justinopoli pestilens venenum per viginti annos latuisse in chordis illis, quibus mortui tempore pestis ad sepulchra dimissi fuerant, quibus post tantum

tum temporis è scrinio quodam depromptis, contagiosam malignitatem primò proximè adstantes, ac deinde totam civitatem invasisse, ita ut ex hac occasione decem hominum millia interierint. Item illud Sennerti, qui *libr. 4. de febr. cap. 3.* scribit, Laubani à contagio, quod quatuordecim annis in linteo latuerat, pestem magnam excitatam, & vicinis quoque civitatibus communicatam fuisse. Verum etsi hæc testimonia ab auctoribus fide dignis conscripta sint, attamen quia illi hæc non de sua propria experientia proponunt, sed tantum ex relatu proletariorum quorundam, de vilissima plebis face hominum, (qui non tantum mendaces, verum etiam valde rudes & creduli sunt, atque suas imaginationes facile aliis tanquam verissima oracula proponunt, vel ut alios ignaros fallant, vel ut nimis credulos irrideant) scribunt, non videntur certe tanti momenti, quæ nostram experientiam, multijuga observatione, atque etiam ratione confirmatam evertere queant. Sciendum quippe, cum pestis invadit, multos homines, præcipuè rudes, timidulos, ac superstitiosos, sibi facile persuadere, il-

lam ex hac illave occasione initium sumpsisse, cum tamen illis putata occasio sæpe nihil ad pestem fecerit, sed morbi causa ad peccatorum punitiorem à Deo de novo in aëre genita vel immissa fuerit. Eodem modo sicut fir, cum hostis urbem aliquam ex improviso obruit & capit, facile sibi quisque persuadet, vel fossas minus altas, vel muros ruinosos urbis captæ causas esse, cum potius incolarum negligentia, & quod non vigilaverint, culpari deberet. Hic aliud occurrit dubium; quomodo tam exigua veneni pestilentis in fomite latentis quantitas, tantam infectionem de se diffundere possit, ut multos adstantes inficere queat? Dico, illud eodem modo fieri, sicut parvum fermenti fructum magnam farinaceam massam fermentat: plura hac de re videantur *annor. 5. præcedente.*

XII. Etiam Marsilius Ficinus, *lib. de peste*, docet pannos & parietes si spatio viginti dierum persentur & emundentur, ab omni contagio depurari. Quod tamen semper tam brevi spatio non fieri, etsi plerumque contingat, liquet infra, ex *lib. 4. histor. 119.*

### C A P. X I. De causis infectionis.

**I**Am ante docuimus pestem esse morbum communissimum, ejusque causam elemento communissimo, nempe aëri, imprimis inherere, sive illa primitus à summo Deo ei immissa, vel in eo genita, sive à contagio ei ingesta fuerit. Hanc quoque causam pesti adscripserunt Hippocrates, Galenus, Avicenna, aliique præclarissimi Medici, nec quemquam fere invenias, qui non putaverit primitivam pestis causam in aëre gigni, ejusque nocentissima seminaria in aëre maximè divagari. Verum cum nemo viventium aëre carere possit, sed eodem illo elemento omnes necessariò frui debeant, mirum videtur, illo jam maligna ac pestilenti labe infecto, quare non omnes homines & animantes, qui eodem illo fruuntur, ista venenata perniciès æqualiter offendant: cur aër ille inquinatus, cum sit omnium

sanitati vitæque adversus, inspiratus omnes non malè afficiat : cur eadem pestis quæ homines invadit, pecora etiam non inficiat. Ad hujus dubii solutionem dicimus : *Primo*, aërem per omnes suas partes (1.) æquali malignitatis gradu infectum non esse. *Secundo*, infectionem omni tempore (2.) & ubique locorum (3.) æquè magnam non esse, sed suos gradus habere : nonnullis enim in locis & temporibus minimam, in aliis majorem, in aliis maximam existere, & prout homines hunc illumve aërem hoc illove loco & tempore ingrediuntur ac inspirant, ita illos, pro ista diversitate, vel vehementius, vel levius, vel planè non infici. *Tertio*, ad pestilentem infectionem non minus requiri causam recipientem (4.) quam efficientem; quæ non ex qualitatibus primarum intemperie, non ex putredine (5.) sed ex totius substantiæ occulta quadam & inexplicabili dispositione resultat : quæ dispositio in aliis talis est, ut à pestilenti veneno statim afficiantur; in aliis talis ut difficulter ab eo lædantur; in aliis talis ut eidem sine ulla noxa resistere possint.

## A N N O T A T I O N E S.

I. **S**I aër per omnes suas partes æqualiter pestilenti labe contaminatus foret, totus venenum esset, nec ullum animal in eodem absque sanitatis vitæque naufragio commodè vivere posset. In peste autem nonnullæ minimæ ejus particulæ tantum contaminatæ sunt, earque adeo paucæ, ut plurimorum animalium naturis nihil obstant, & tantum certis quibusdam dispositionibus damnum inferant. Eodem fere modo se res habet, quemadmodum si quis in cubiculo hominibus pleno aliquantum sulphuris accendat : ab isto enim nidore, si paucus sit, nec aërem totaliter inficiat, maxima eorum pars nihil offendetur, imò multi exiguum istum nidorem non percipient : verum si inter illos quidam fuerint asthmatici, tussiculosi, aliudve pectoris vitium habentes, illis nidor ille sulphuris, licet exiguus, statim summam molestim inducet. At si tantum sulphuris in isto cubiculo accenderetur, ut omnes aëris partes æqualiter ab eo inficerentur, nemo in isto nidore vivere

posset, sed omnes suffocarentur.

II. Omni tempore infectionem non esse æque magnam, docet usus : in principio enim & sine pestilentis constitutionis morbus adeo gravis & crudelis non existit, quam in augmento & statu. Præterea ut plurimum æstate & autumno (quia horum temporum constitutiones corpora maximè disponunt & præparant ad pestem) imprimis in his nostris regionibus, multò gravio-rem tyrannidem exercet, quam media hyeme; licet interdum etiam contrarium evenire visum sit, idque propterea, quia anni tempestates non semper debito ac consueto modo se habent, (ut cum æstas subfrigida, hyems tepida fuerit, &c.) atque hinc pro earumdem varia mutatione, sæpe etiam furor pestilens variat.

III. Certissimum est pestilentem infectionem ubique locorum non esse æqualem, neque eandem per totum mundum æqualibus furiis debacchari; sed ut plurimum modò hæc, modò illa loca, nunc vehementius, nunc levius inva-

invadere, & rursus alia multa intacta relinquere. Eo sensu intelligendus est Galenus, quando longam sui temporis pestem describit: ut & Philostratus, cum pestem suo tempore quindecim annis durasse, refert: nec non Iacobus de Partibus, in *comm. ad primam quarti Avicennæ*, quando pestem suo tempore per quindecim annos totum terrarum orbem pervagasse refert. Non quod eodem tempore omnes regiones & urbes simul peste infectæ fuerint, sed quod isto intervallo, modò in una orbis parte, modò in altera, morbus hic debacchatus fuerit, & pleraque regiones infestaverit. Sic etiam nostra ætate non semel Italiam solam, vel solam Germaniam, vel Galliam, vel Angliam, aliasve regiones seorsim peste afflictas fuisse notum est. Sic quoque Euagrius, Ecclesiasticus scriptor, refert maximam sui temporis pestem non simul omnes regiones invasisse, sed sine ullo ordine, modò hanc, modò illam affixisse: *Subjungit*: sæpe aliqua in urbe dimidium populi fuisse infectum, & aliud dimidium fuisse liberum. Hanc de pestis varietate secundum loca opinionem confirmant omnes Medici, nam hoc fundamento innixi, jubent ad præservationem infecta loca citò & longè fugere. Sed quòd ad ærem salubriorem: ergo præsupponunt ærem in uno loco pestilenti labe infectum esse, aliis multis illæsis.

IV. Nullum agens potest agere absque patientis aptitudine, teste Galeno, *I. de differ. febr. cap. 4.* ubi sic inquit: *Nulla causarum sine patientis aptitudine agere potest: aliqui omnes qui sub Sole assuunt, aut nimio motu exercentur, aut vini potu gravantur, aut ira exardescunt, aut tristitia affecti, febriunt: aliqui etiam, ut arbitror, circa Canis exortum omnes agrovant, & pestilentia moriuntur: at, ut diximus, magnam in generatione agitudi-*

*nem, partem habet ejus, qui passivus est, habilitas corporis.* Idem paulo post, eodem capite, subjungit: *Cum enim corporum dispositiones dissimiles sint: ac multiformes, quedam facili alterantur ac patiuntur à causis in ipsis operantibus, quedam insuperabiles ac impassibiles omnino existunt, quedam cum difficultate patiuntur.* In hunc sensum quoque scribit Hippocrates, *lib. de flatibus*: Sed est fortè qui dicat, ut quid ergo non omnibus animantibus, sed alicui eorum generi accidunt hi morbi? cui ego sic responderim: *differt corpus à corpore, natura à natura, nutrimentum à nutrimento, non enim omni animantium generi eadem sunt commoda & incommoda, sunt alia aliis magis convenientia.* Sic etiam pestifera lues neminem corripit, nisi eum qui habuerit recipiendi aptitudinem, procedentem potius ex occulta quadam naturæ proprietate, quam ex mala corporum vel humorum dispositione, seu morbo-so apparatu. Hanc aptitudinem nonnulli Medici malè arbitrati sunt dependere à peculiari quadam similitudine, seu analogia veneni pestilentis cum corpore quod inficitur; quia, inquirunt, *simile cum simili promptè jungitur.* Dico, *male*, quia in analogia non est pugna, simile enim simili junctum illud conservare nititur. Contra verò omnis actio in contrarietate consistit, & agens dum agit in patientem, ea intentione agit, ut illud sibi simile reddat. Non dependet ergo illa aptitudo ab analogia, sed potius à peculiari quadam *dispositione*, quæ est inter venenum pestilens & corpus recipiens. Ista autem *dispositio* dependet à peculiari quadam corporis dispositione, quæ dispositio duo requirit: *Primo*, similitudinem generis: neque enim quæ hominibus infesta est pestis, eadem bruta afficit, quæ ovis eadem fues; quæ piscibus eadem quadrupes terrestres; quia non est similitudo generis, ergo dispositionum magna

gna diversitas. Hinc etiam est quod venenum aliquid non fit cuilibet animali venenum; sine noxa enim araneas comedunt gallinæ, serpentes & bufones ciconiæ, quæ tamen hominibus aliisque multis animantibus sunt lethalia venena: idem quoque in peste evenit. *Secundo*, requirit hæc dispositio aliquam occultam specificam similitudinem inter corpora inficienda & infecta, cuius ratione pestilens venenum ipsis æqualiter magis infestum ac perniciosum existat, quam aliis qui illam specificam qualitatem non habent. Atque hæc causa est, quod interdum integræ familiæ, in quibus omnes, ratione originis, istam similem qualitatem habent, peste extinguantur (exempla vide supra, cap. 4. annot. 6.) aliis plurimis illæsis. Hinc etiam est quod interdum una natio magis peste inficiatur, quam alia, quemadmodum Cardanus, lib. 8. de rer. varietat. cap. 40, meminit pestis cuiusdam Basiliensis, in qua soli Helvetii, non Itali, non Galli, non Germani affecti sunt. Et Ioannes Vrenhovius, peregrinat. Eccles. Anglicæ cap. 4, meminit sævissimæ pestis Hafniæ in Dania, à qua omnes advenæ, Angli, Belgæ, Germani, immunes erant, quamvis etiam promiscuè inter infectos in ædibus infectis versarentur. In quo autem illa occulta dispositio consistat, quæ tantam cum veneno pestilenti antipathiam habet, nemo facile explicaverit: ac proinde frustra laborant, qui illam in manifestis qualitatibus, in temperamentis, in sexu, in ætate, in regione, in caloris nativi & vitalis facultatis robore vel debilitate, in corporum puritate vel impuritate, in minimarum particularum figuratone, aliisque similibus quærunt; nam nihil horum majorem vel minorem immunitatem à peste polliceri potest, ut docet quotidianus eventus: plurimi e-

nim tam juvenes quam senes, tam viri quam mulieres, tam in una mundi parte quam alia, debiles, cacochymi, pravis humoribus referti, intemperanter viventes, pravo victu utentes, aliique similes, in domibus infectis, inter ægros peste correptos, inter eorum scetidissima excrementa, imò inter jam putrescentia mortuorum cadavera, absque ullo sanitatis incommodo sæpe versantur; cum è contra alii multi euchymi temperatissimi, robustissimi, prudentissimè viventes, qualibet levissima occasione peste corripiantur. Hinc Pigræus, prax. lib. 8. cap. 1, non ineptè sic ait: *Quamvis difficile sit judicare, qualia corpora disposita sint ad pestem, astamen videmus illam magis quærere certam quandam preparationem, quam cacochymiam, aut malam habitudinem; facilius enim ab illa inficiuntur corpora quorum humores ad corruptionem apta sunt, quam alia quorum humores corruptionem jam conceperunt; Et videtur pestis esse talis qualitas, quæ sedem potius quærit in corpore sano, quam alius morbus obstitit. Fateri igitur necesse est, in quibusdam individuis esse peculiare dispositiones corporis atque cordis, quæ auræ pestilenti vel validissimè resistunt, vel non resistunt; has autem dispositiones, vel dispositionum qualitates, nobis in hac naturæ caligine, & formarum ac qualitatum ignoratione, occultas esse & incognitas. Quapropter etiam Fernelius, lib. de febr. cap. 17, in hujus dispositionis investigatione non multum laborat, sed simpliciter dicit: *Est cognitum difficilissimum quid corpus unumquodque pestilentia obnoxium reddat.* Lucretius & Fracastorius succincte & eleganter dixerunt, in peste varia ac diversa vagari semina, quæ prout his illisve amica vel inimica existunt, ita etiam modò hunc, modò illum inficere. Platerus, centur. posthum. quæst. 42, sic inquit:*

Quæ-



*Quenam hac objecti sit dispositio, ut lubenter edoceri cupi, sic nos nescire, promptè fateor, licet non ignorem hoc venenum pro varia corporis dispositione variè agere. Forestus, lib. 6. Obs. 9. in scholio, ait: Propria & peculiaris constitutio atque preparatio, qua loca vel corpora reddis pesti obnoxia, omnino nos latet, neque sensu, neque ratione, sed solo evenit & experimento comprehenditur.*

V. Dico, non ex putredine, id est, non primario ex putredine: nam putredo est una ex illis causis quæ tantum secundario corpora ad pestem disponunt. Hæc enim humores corrumpendo, & spiritus alterando ac inficiendo, calorem nativum ad sui coctionem & expulsionem distrahit, ac simul viscerum robur imminuit, naturæque vires infringit & impotentiores reddit, quam ut pestilenti veneno resistere queant. Hinc fit quod in constitutione pestilenti ad omnes morbos putridos, qui homines tunc invadunt, se pestis facile adjungat, & rarè tunc morbus putridus

peste incommittatur cernatur: quia dispositio eorum qui morbis putridis affliguntur, mediante putredinis occasione apta redditur ad pestem recipiendam. Eodem fere modo hæc res peragitur, sicut fit in munitissima aliqua urbe, quam nullus hostis, durante civium concordia, superare potest: hæc si casu exortis dissidiis intestino bello conflaret, atque tunc eandem fortis aliquis hostis forinsecus invaserit, dum ab intestino tumultu vires disractæ, & aliis negotiis impeditæ, vel aliorum disractæ fuerint, facillimè eam ingreditur & capiet: non quod illa urbs primariò per se aptitudinem habuerit ut facile capi posset; non etiam quod cives in isto tumultu hostem primi advocaverint, sed quod secundario ex occasione istius intestini belli hostis occasionem nactus fuerit muros absque impedimento conscendendi, & urbem superandi.

## CAP. XII. De causis febris pestilentis quæ pestem comitatur.

**V**enenum pestilens, quod totius substantiæ dissidio calori nativo infensissimum existit, cum sit tenuissimum ac subtilissimum, simul ac corpus ingreditur, & præcipuè cum per inspirationem ejus penetralia subit, facillimè labis ac malignæ suæ venenositatis notam imprimit sanguini arterioso, ejusque subtilissimæ parti, spiritui vitali, cum eoque ad cor procedens, ipsius vitalitatis asylum fortissimè impugnât, ut evictò summo illo munimento, totum microcosmicum regnum protinus devastet. Hujus crudelissimi tyranni insultibus natura se opponit, omnesque vires intendit, ut dirum hunc hostem reprimere, retardare, & quam longissimè è penetralibus suis propellere atque arcere possit. Hæc pugna si citò peragatur, & cor vel à majore seu fortiore veneno statim (1.) suffocetur, vel illud statim foras expellat, antequam ulla humorum putredo generari possit, tunc fit pestis sine febre, & sæpe etiam fiunt anthraces ac bubones sine febre. Si verò pugna hæc diutius perduret, & calor natus in certamine adversus pestilentem hostem occupatus, debilitetur, ac in coctione & regimine humorum corporis imbecillior evadat, non possunt

non humores citò putredinem concipere, è qua tunc febris (2.) exurgit, quæ etiam maligna (3.) ac pestilens evadit, à pestilentis veneni infectione, ipsis quoque humoribus communicata. Tunc cor à duobus malignis hostibus impugnatur, nempe à pestilenti veneno, & à putredine febrili: pestilentis tamen veneni invasio tempore & natura putredinem febremque (4.) antecedit, atque ita putredo & febris fiunt symptomata pestis. Illa verò febris, vel citius, vel tardius pestilentis veneni invasionem sequitur, & major vel minor, ac hujus vel illius typi (5.) vel propter humorum putrescentium confusionem, absque typo est, prout pestis invadit hoc illove tempore & loco, & corpus hoc illove modo (6.) vel bene, vel male temperatum.

## A N N O T A T I O N E S.

I. **T** Antz violentiæ sæpe est pestilens venenum, ut nonnullos statim ipso invasionis momento repente occidat, aliis intra breve tempus vitæ solum citius abrumpat, quam inflammationi aut putredini tempus detur. Hujus rei etiam aliqua exempla in peste Noviomagenfi vidimus, & aliàs quoque ab aliis Medicis observata fuisse legimus. Iacobus de Partibus, in *comment. ad primam quartæ Avicennæ, cap. de peste*, narrat suo tempore in pestilenti constitutione interdum ægros ad ipsum cum urinis accessisse, quos ex pulsu aliisve signis nulla febris, nulla inflammatione, nullo gravi symptomate laborare percipiebat, qui tamen statim morui concidebant. Plutarchus in *Romulo*, scribit in illa peste multos absque morbo interiisse, id est, ex improvviso extinctos fuisse, antequam aliquis morbus generari posset. Valleriola, *loc. cit. lib. 3. cap. 18.* scribit tempore pestilentis anni 1534, in Gallia Narbonensi hujusmodi mortes sæpius visas fuisse, imò nonnullos loquentes & incedentes, repente, quasi fulmine icōs concidisse. Mercurialis *lib. de Peste, cap. 18.* in Patavina peste tales subitaneas mortes non uni accidisse refert. Quercetanus, in *Alex.*

*cap. 4.* meminit magnæ pestis quæ Aquisgranum infestavit, in qua multi mensis assidentes, & cibos deglutientes, animam reddiderunt. Droëtus, *Consil. de peste, cap. 3.* refert, Lugduni tempore pestilenti homines obambulantes per viam subito exanimatos concidisse in terram. Alexander Benedictus, *lib. de febr. pest. cap. 2.* de peste quadam sic inquit: Hoc malum miserabile mortalibus ita evenit subito, ut plurimi sine febre inter domesticas ac forenses actiones, decem horarum spatio, quidam viginti, sine urina pulsusque certo signo, in templis, in via, ex insperato raperentur. Follinus, *Amulet. cap. 16.* refert anno 1502, Bruxellis tam crudelem fœvisse pestem, qua sæpe quingenti una die fuere sublati, & homines læto convivio assidentes, inter calicem supremæque labra, tanquam percussi fulgure, protinus expirarunt. Zacutus Lusitanus, *Præx. adm. lib. 3. Observat. 43.* scribit, ex immenso factore sanguinis è secta pestiferi vena effluentis, tres ministros subito interfectos fuisse, & quasi sideratos illico animam efflasse. Similia quoque se vidisse testantur, Gemma, *lib. 1. Cosmocris. cap. 17.* Petrus Salius Diversus, *de pest. cap. 5.* & Paræus, *lib. 21. cap. 17.* Sed quænam

nam est causa tam violentæ operationis? Dodonæus, *Prax. lib. 1. cap. 18.* dicit, pestis seminaria interdum esse minus acuta & lentioris activitatis; interdum acutissima & tenuissima, atque hæc citissime ad cor pervenire, & maximæ; ac velocissimæ activitatis esse. Qualem autem operationem hæc acutissima seminaria in corde faciant, describit Hercules Saxonia, *Prax. lib. 11. sect. 2. cap. 3.* his verbis: *Hinc fit in peste non rard homines, integra valetudine fruuntur, & sanorum omnia mania obeuntes, momento temporis, quasi fulmine percussos, cadere & interire, quod in aliam causam, quam in spirituum vitalium à veneno, inspiratu accepto, corruptionem, referri non posse, pro constanti habeo.*

II. Hic gravissimum problema examinandum occurrit, nempe, *Virum febris sit de essentia pestis, nec ne.* Hercules Saxonia, Ioannes Paschalius, Rondeletius, Angelus Sala, Petrus Paulus Pereda, Palmarius, Antonius Portus, aliique præclari Medicinæ procures, multis variisque argumentis probare nituntur, febrem esse de essentia pestis, nec pestem sine febre dari posse. 1. *Quia*, inquit, invasionis modus & symptomata illud docent: nam pestis invadit cum horrore, quem postea excipit calor, ut in multis febribus putridis fieri solet: adfunt quoque vigilæ, oris siccitas, sitis, aliaque symptomata, putredinis & febris indicia. 2. *Quia* morbi acutissimi semper febrem comitem habent, testibus, Hippocrate, 1. *epid. sect. 3. text. 3.* & Galeno, 1. *aphor. 7.* nec non 3. *de difficult. respir.* ubi scribit, febrem esse inseparabilem à morbis acutis. 3. *Quia*, secundum Galenum, 1. *de differ. febr. 4.* pestis generatur ex putredine accensa circa cor. Nequaquam autem insignis putredo circa cor fieri potest sine calore in ipso prius accenso, atque inde per universum cor-

pus diffusio. 4. *Quia* insensissimum pestilens inquinamentum non potest subsistere sine putredine & calore præternaturam: Galenus enim, 6. *epid. com. 1. text. 29.* pestis causam statuit in immensa humorum corruptione, calorem simul putridum inducente. 5. *Quia* Hippocrates, *lib. de flat.* dividens febrem in particularem & communem, dicit communem febrem ab omnibus appellari pestem. 6. *Quia* Galenus, *lib. 1. de differ. febr. cap. 4.* & cum illo Avicenna, Rales, Aetius, Paulus Ægineta, omnesque fere Medici, tam veteres, quam neoterici, in tractatu de febribus pestis historiam describunt, quasi eandem febribus annumerantes. 7. *Quia* experientia docet, pestem cum febre invadere. Hæc sunt primaria argumenta & propugnacula, quibus gravissimi Medici dictam opinionem hæcenus stabilierunt: quam tamen veritati minus consentaneam, nec febrem de essentia pestis esse, sed hanc ab illa differre, & sine illa existere posse, nunc ordine demonstrabimus. Respondemus igitur ad primum argumentum, pestem quidem multoties invadere cum horrore, sed non semper, neque etiam calorem intensum semper sequi, sed ejusdem nullum excessum haud rard in ægris toto morbi decursu animadverti, ut experientia docet, & Medicinæ Scriptores passim testantur. Dicimus etiam horrorem non esse certum signum febris, ut nec calorem. Quantum ad symptomata, vigilas, sitim, &c. neque illa in peste semper apparere, neque semper esse certa febris indicia. Ad secundum: cum Hippocrates & Galenus dicunt, morbos acutos habere febrem comitem, ipsos non de omnibus, sed de plerisque id intellexisse: quod inde liquet, quia dantur aliqui acutissimi morbi sine febre, ut apoplexia, epilepsia, tetanus, &c. quos sine febre acutos esse testatur Galenus,

lenus, *com. ad 2 Aphor. 19. & ad 5 Aphor. 30.* Præterea illis verbis ipsos significare voluisse, febrem plerumque vel antecedere, vel comitari, vel sequi morbos acutos, non autem febrem esse de essentia morborum acutorum, & ab illis inseparabilem; nam si interdum sequatur, interdum planè non adiungatur, separabilem esse certum est. Illam fuisse Hippocratis mentem, liquet ex 3. *epidem.* ubi agens de sacro igne & ulceribus pestilentialibus, inquit: *Multos autem una cum febribus, & ante febrem, & à febre arripuerunt.* Ad tertium: cum Galenus dicit, pestem generari ex putredine circa cor accensa, ipsum eo loco per pestem non intellexisse ipsam pestem, sed febres pestilentes: nam alioqui sibi ipsi contradixisset, talis enim putredo non posset circa cor accendi sine putredine, & tamen *lib. 9. de medic. simpl. facult.* docet pestem interdum esse sine febre. Ad quartum: nos ante, *cap. 8. annot. 1. problem. 4. & annot. 6.* satis fuisse demonstrasse, pestilens inquinamentum, nec è putredine oriri, nec in putredine consistere, sed esse rem à putredine diversam: quotidianam quoque praxim docere, multos à pestilenti inquinamento repente ac in momento suffocari, antequam ad gignendam putredinem aut inflammationem ullum tempus detur: exempla patent annotatione præcedente. Quantum ad Galenicarum locum, negamus ipsum eo loco agere de peste, vel pestis causam inquirere, sed dicimus illum apertissimis verbis loqui de febre pestilente: sic enim ait: *Sed febrium enumeratio, nunc in presenti sermone proposita, à differentia caloris accipitur, sub qua & pestilens febris, putridum calorem habens, contineri potest.* Et paulo post addit: *Sola pestilens febris denotatur, cujus ab aliis calor per putredinem excellentiam differt.* Ne minimam autem in toto isto commentario mentionem fa-

cit ipsius pestis, sed dicit, febrem habere calorem putridum excellentem; quod ipsi concedimus, de quacunque febre pestilente illud intellexerit, sive de ea quæ pestilentem constitutionem præcedit, sive de ea quæ pestem comitatur, sive de ea quæ est sine peste: verum de ipsa peste id minimè verum est. Ad quintum: licet Hippocrates dicat febrem communem appellari pestem, inde tamen concludi non posse, pestem esse febrem communem: nam illud eodem rediret, ac si quis diceret, apoplexia ab omnibus appellatur morbus lethalis, ergo omnis morbus lethalis est apoplexia. Præterea sciendum (sicut etiam antea, *cap. 1. annot. 6.* diximus) *pestis* vocabulum sæpius etiam detorqueri ad omnes res perniciosas, atque eo sensu fortè Hippocratem significare voluisse, febrem communem, quia valde perniciofa existit, multosque interimit, ab omnibus appellari pestem: sic etiam hodie vulgus febres malignas communes, quibus multi moriuntur, pestem appellare solet, propterea quod instar pestis communes sint, ac valde perniciosæ. Galli adhuc magis improprie solent febres quartanas, omnesque morbos odiosos ac difficilis curationis, suâ linguâ *pestes* appellare. Ad sextum: historiam pestis à plerisque Medicis subjungi tractatui de febribus, quia morbus hic ut plurimum febrem sibi comitem, vel à principio, vel paulo post, adsciscit, non tamen individuum, sed ab eo separabilem, nam est sua cuique particularis ratio, pestis enim oritur ex maligno veneno, febris ex putredine & calore. Ad septimum: in prima pestis invasione febrem sæpe quidem animadverti, sed talem quæ procedit ex putredine à pestilenti veneno inducitur, ita ut veneni invasio tempore febrem antecesserit: præterea dicendum, sæpius etiam per multas horas febrem

febrem pesti in principio non adesse; imò sæpe toto morbi decursu nullam febrem pesti adjungi, quod necessario tamen ab ipso invasionis momento fieri deberet, si febris esset de essentia pestis, nam essentia esset inseparabilis ab eo cui præstat suum esse.

Hæc sufficiant ad amputationem istorum fulcrorum, quibus prædicta opinio hæctenus innixa fuit. Quid de re ipsa sit, in textu diximus, nempe febrem pestilentem, pestis comitem, immediate non oriri à veneno pestilenti, sed mediante putredine, id est, non generari propterea quod humores à veneno pestilenti inquinantur, sed quod cor pestilenti veneno irretitum, obrutum, plurimumque debilitatum, inquinatos humores debito modo, neque coquere ac dilatare, neque regere & satis dispellere possit; qui hac de causa putrescunt, caloremque præter naturam concipiunt, sicque febrem excitant; quæ ob dictam causam ordine posteriorem necessariò est diversa ac separabilis à peste, ejusque symptoma. Hoc ipsum confirmant dogmata & auctoritates, tam veterum, quam neotericorum, nec minus quotidiana praxis & obvia exempla. Hippocrates, 3. epidem. pestilentes quosdam morbos describens, inquit: *Hic adjuncta aliquando erat febris; aliquando non erat.* Paulo post addit: *Ipse morbus multis eo erupit citra febrim, & in febre.* Et 6. epidem. sect. 7. dicit: *Quibus voces frangebantur ad tussim, horum plurimi ne febricitarent quidem, aliqui verò parum.* Galenus, 3. epid. sect. 3. comm. 158. ait: *Cum mortales vel citra febrem pestis corripit, &c.* Idem, 9. de simpl. med. fac. cap. de Terra Samia: *Bibitur, inquit, ex vino albo consistentia tenui, modicè diluto, si aut planè febre careant, aut leviter ateneantur; sin graviter febrant, admodum aqueo.* Æschines, antiquus & doctissimus Orator, in epistola ad Philocra-

tem ita scribit: *Dolii pestilenti morbo laborabant, cæterum nulla febris accidebat.* Haly, inter Arabes magni nominis Medicus, *Theoria lib. 5. cap. 2. expressis verbis docet, pestem multoties febre minime comitam conspicui.* Inter neotericos idem docent, Duncanus Liddelius, *de peste cap. 1.* Theodorus Corbejus, *lib. 2. patholog. sect. 7. cap. 6.* (qui liber ab aliis Io. Magiro adscribitur) Lazarus Riverius, *sect. 3. de febr. cap. 1.* aliique innumeri. Forestus, *lib. 6. Observat. 10.* inquit: *Vidimus anthracem habentes in membris ignobilioribus, sine febre, qui & vix decumbebant, & facillimè ab initio restituebantur: alios rursus spectavimus, qui subitò simul exstinguiebantur, cum ab initio nequaquam febricitare aut male habere viderentur.* Alexander Massaria, *lib. 2. de peste*, his verbis utitur: *In nostra peste, non solum nostro, sed aliorum quoque gravissimorum hominum testimonio, sine ulla febre plerique interierunt.* Ioannes Morellus, *lib. de pest. cap. 4.* scribit, tempore pestilenti multos dari bubones & carbunculos, quos nec febris, nec ullum malum symptoma comitatur, idque Cabiloni in constitutione pestilenti sæpius à se fuisse observatum. His accedat quoque testimonium nostrum, qui in peste Noviomagensi anthraces & bubones non semel sine febre vidimus; quin ego ipsem carbunculum pestilentem magnum in manu sinistra habui, sine ulla febre, imò sine ullo alio sanitatis dispendio; qualem etiam sine febre vidi in manu famuli Capitanei Brouwer, ut & in muliere illa, cujus historiam infra descripsi, *lib. 4. histor. 90.* Observavi etiam in multis ægris peste jam correptis, non nisi post viginti, vel triginta, pluresve ab invasione pestis horas, febrem incepisse. His adjungantur etiam præcedente annotatione citata testimonia eorum, quæ referunt plurimos subitò peste extinctos fuisse

sine febre antequam putredini aut accensione febrili tempus daretur. Ex quibus omnibus meridiana luce clarius patet, febrem non esse de essentia pestis, sed ejus comitem separabilem. Quapropter non sine ratione Andreas Dudith, in epistola quadam ad Petrum Monavium (quæ est *Epist. Med. à Scholtio collect.* §2.) ita scribit: *Pestis necessario febrem adesse, non prius credam, quam tu affirmatis bonis rationibus illud me docueris, aut eos, qui subito correpti concidunt in mediis compitis ac privatis, cum antea incolumes domo egressi essent, febre etiam affectos fuisse tam subito, tam improvisa, tam insensibilis, dicendum sit.* Sed audiamus etiam Fernellium, qui apertissime distinguit inter pestem & febrem, & licet pestis cum febre sæpius invadat, tamen pestem esse quid diverfum à febre, idque ex eo manifestum esse, quod desinente febre ægros postmodum sæpe extinguat sola pestilentia: hac de re, *lib. 2. de abditis, cap. 12.* sic inquit: *Initio calor vehemens, sitis, capitis dolor, vigilie, nausea, aliaque vehementia symptomata exercebant; simul urina cernobansur rubicunda, crassa, turbida, atque confusa, omnia in septimum diem persistencia. Hoc verò ipso die urine puriores evadabant, colitione manifesta, quotidie in melius procedente. Cum ita se mox performatum iri, magna spe, Medicorum judicio, sibi pollicerentur, plerique non multo post peribant. Pulsus quippe hinc indies sensim minuebatur & languescebat, totiusque corporis robore pedarentim dissoluto, intra quatuordecimum diem mortem oppetebant. In his ergo febribus, inquit, putredini immista erat pestilentia; ac die septimo, evicta jam putredine, perseverans pestilentia tacite ac furtim jugulabat.*

Verum fortassis hæc omnia nondum satisfaciunt Vntzero, qui *lib. 1. de pest. cap. 10.* ut pestilens venenum è putredine oriri statuit, sic febrem de illius essentia esse, ac semper & necessario in-

separabiliter ipsi conjungi, variis doctis argumentis probare nititur. Profectò verisimile est Vntzerum, virum alioqui doctissimum, cum illud caput scriberet, capite omnino doluisse, neque animadvertisse se ipsum sibi ipsi in multis contradicere, variaque absurda ad sententiæ suæ probationem adferre. Nam *cap. 7.* in febribus putridis nullam agnoscit putredinem: citato autem capite, pestem, febremque pestilentem è sola putredine oriri statuit. Dicit etiam, omnes morbos acutos necessario febrem adjunctam habere; & ut hoc probet, egregie scilicet apoplexiam, syncopem, choleram, tetanum, & iliacam passionem, ab acutorum morborum numero excludit, eosque improprie morbos acutos appellari scribit, quia non habent febrem conjunctam. Modò dicit febrem inseparabilem esse à peste: modò, cum Minderero, dicit, illam interdum in principio adjunctam non esse, sed symptomatum vi excitari. Dicit etiam, omnes Medicos libenter fateri, pestilens venenum semper à putredine oriri; fortassis ita scribit, quia nunquam legit Fernellium, Valleriolam, Ioannem Iuvenem, Sennertum, aliosque plurimos, qui contrarium sentiunt. Multas insuper nullius momenti distinctiones, ac frivolæ rationes in medium profert, quibus hic singulatim respondere non videtur operæ pretium, cum illa quæ jam diximus, & ipsius, & omnium aliorum contrariaræ rationes satis superque refellant.

II. In eo differt hæc febris ab aliis putridis, quod non solum caloris putridi excessu, sed etiam maligna ac venenata qualitate cor afficiat, viresque citissime prosterнат, etsi sæpe, neque ardore, neque siti multum molesta sit, & ægrorum urinæ à sanorum urinis vix differant: quod etiam frequens syncope adfir,

adfit, cum pulsu parvo ac presso, vel cum assidua vomitione, vel cum vigiliis, aut sopore, vel cum inquietudine, aut corporis jactatione, & quod plerumque sine sensu doloris hominem inopinatè rapiat. Quantum ad alia signa, quæ cum prædictis sæpe concurrunt, ut capitis dolor, delirium, sitis magna, incendium vehemens, urina turbida, &c. illa ab incremento putredinis oriuntur, & malignam febrem longè pejorem efficiunt.

IV. Docuimus jam pestem esse quid diversum à febre pestilenti, & illam sine hac existere posse: verum nunc ab altera parte queritur, an febris pestilens dari possit sine peste, & quomodo differat à peste, & à febre maligna? Respondemus, posse dari, idque duobus modis. 1. Cum pestilens inquinamentum cælitus immissum, aërem incipit alterare, polluere, & ad venenositatem disponere: qui aër cum incipit naturæ damnosus esse, (nondum satis venenatus existens ut pestem producat) putredines malignas & venenosas in corporibus gignit, è quibus procedunt febres illæ pestilentes, quæ pestilentem constitutionem præcedunt, & pestilentes ac malignæ vocantur, quia valde perniciosæ sunt, idcirco cum peste habent principiū (solo malignitatis & venenositatis gradu diversum) à quo mediante putredine oriuntur: qua de re fusius locuti sumus capite nono. 2. Cum à pravis exhalationibus, vel corruptis alimentis, aliove interno corporis vitio pessima humorum putredo inducitur, quæ perniciofa, venenosa & pestilens evadit. Tales sunt illæ febres, quas Galenus, 3. *epidem. comm.* 57. & alibi, pestilentes sine peste vocat, quales se non raro observasse testatur Amatus Lusitanus, *cent. 7. curat. 27.* Imò Quercetanus, in *Alex. & Riverius, sect. 3. de febr. cap. 1.* dicunt hujusmodi febres non se-

mel vifas fuisse cum veræ pestis indicibus (puta anthracibus, & exanthematibus) & tamen à vera peste longè diversas fuisse, quia non erant contagiosæ. Has febres Saxonia & Riverius appellant *pestilentes sporadicas*: Crato & Liddelius, *pestilentes privatas*: alii *pestilentes spurias*.

Febres autem pestilentes in multis differunt à peste. 1. Quod illæ procedant ab humorum gravi putredine, hæc ab occulto venenato inquinamento ante putredinem. 2. Quod in illis dicta putredo generetur à putridis exhalationibus, vel pravis nutrimentis, vel alio quopiam interno corporis vitio: in hac, occulta venenositatis à præternaturali aëris inquinatone & contagio. 3. Quod illæ non ante putredinem & inflammationem fiant: hæc autem sine putredine invadat. 4. Quod illæ non sint tam communes ac perniciosæ quam pestis: quia illarum causa in cujusvis privati subjecti humorum putredine consistit: pestis vero in inquinamento aëris, elementi omnibus communis. 5. Quod illæ sæpius non sint contagiosæ, & si tales fuerint, earum tamen contagium non nisi proximè adstantes inficere, nec ad distans longè dispergi, nec in fomite diu aservari possit: pestis verò omnium contagiosorum morborum contagiosissima existat, cujus contagium ad distans etiam alios inficere, atque etiam in fomite aliquamdiu aservari queat.

Differunt præterea febres pestilentes ab aliis febribus malignis, perniciosi, symptomatum, & putredinis gradu ac contagio, quod illæ perniciosiores existant, multò graviora symptomata habeant, & à majore seu pejore putredine oriuntur, quam febres malignæ: præterea, quod illæ frequenter, hæc rarius contagiosæ existant. Denique quod illæ semper alicujus venenositatis participes sint, hæc non semper, utpote quæ à sola

à sola symptomatum pravitate multoties malignæ nominantur. Fernclius, 2. *abdit. cap. 12.* febrem pestilentem etiam ab aliis clarissimè distinguit. *Quoniam*, inquit, *pestilens febris, neque caloris incendio, ut causus, neque siccitate, ut hectica, cor torret, ab utraque plurimum differt, habetque presentem tam & perniciem omni in semperia, omni putredine majorem, qua una veneni spæcie cor, vita fontem, obsides demoliturque.*

V. Februm pestilentium differentias hic longo sermone inquirere, non decrevimus, tantum brevier dicimus, licet Mercurialis, Andreas Gallus, Hercules Saxonia, & Riverius, febres pestilentes intermittentes pestis comites dari, easque se vidisse, asserant, nos tamen hæcenus nullas potuisse animadvertere intermittentes, sed observasse omnes fuisse continuas, earumque multas subinde quidem, sed absque ullo certo ordine, remississe, nunquam verò intermississe. Solent autem hæc febres pestilentes variare, pro diversitate humorum putrescentium, & pro malignitatis ac putredinis magnitudine. Dico, *humorum putrescentium*: nam si sanguis secundum omnes, ex quibus constat, humores putrescat, fiet febris synocha pestilens putris, qualis rarissimè, aut vix unquam contingere potest, cum tam æquabilis totius sanguineæ massæ putredo vix fieri queat: si biliosa sanguinis pars plus cæteris putrescat, fit pestilens causus, vel tertiana continua, rarè vera, plerumque notha: si pituitosa vel melancholica sanguinis pars plus cæteris putrescat, fit pestilens quotidiana vel quartana continua: si duo humores diversis temporibus accendantur, fit febris duplex: si simul mixti putrescant, fit febris vaga: quæ omnia symptomatum diversitas ostendit. Sic quoque Hippocrates, 3. *epid. sect. 3.* scribit, in illa constitutione pesti-

lenti pervagatas esse quartanas, tertianas, & quotidianas, scilicet pestilentes. Sed cum plerumque plures humores simul putrescant, plerumque febres vagæ sunt, earumque vix ulla manifesta distinctio animadverti potest. Dico autem, *pro magnitudine malignitatis vel putredinis*: nam hinc procedit februm pestilentium major vel minor vehementia. Interdum enim summa maligna qualitas summam malignam putredinem sibi sociam adsciscit, atque tunc fit sævissima febris pestilens, in qua non minus à venenata qualitate, quam à gravissima putredine cor laceffitur, omnesque facultates læduntur, gravissimaque symptomata inducuntur. Interdum maligna qualitas remissior est, putredo verò summa, atque tunc cor vitalisque facultas magis à putredine & febris, quam à venenata qualitate affligitur. Nonnunquam intensior est venenata qualitas, putredo verò remissior, tunc cor magis labefascatur à veneno quam à febre, neque tam gravia videntur accedere symptomata, licet revera gravissima existant. Aliquando putredine minima & levissima existente, maligna qualitas intensa est, tuncque fit febris clemens, quæ & ægros, & Medicos sæpe fallit, interea enim dum ex hac felicem morbi eventum sperant, cor à maligna qualitate obruitur & extinguirur.

Verum graviter disputatur inter Medicos, ad quam februm classem pestilentes referri debeant? Non febribus putridis easdem annumerandas esse censemus: non verò ephemeris, quia hæc generantur à solo incendio & effervescentia spirituum absque putredine; & viginti quatuor horarum spatio salubriter terminantur: pestilentes autem oriuntur à maligna putredine, & cum exitio ægrorum plerumque finiuntur. Nonnulli tamen ephemeris pestilentes in



in sola spirituum putredine consistere asseverant. Sed his regeo, si ex putredine fiant, aut in putredine consistent, non posse esse diarias (utpote quibus nihil commune est cum putredine) verum necessarium esse putridas, cum ex putredine non generetur alia quam putrida febris: addo; de putredine spirituum vitalium esse acerrimam litem inter Medicos, eamque adhuc sub iudice pendere. Non possunt etiam hæ febres pestilentes annumerari febribus hæcticis, quia hæ gravia symptomata non habent, diu durant, totumque corpus sensim emaciant: pestilentes vero gravissima habent symptomata, & curriculum suum citò absolunt: præterea quia in his cordis substantia afficitur calida intemperie; in illis vero non sola illa intemperie, verum magis maligna venenositate. Nostram opinionem non evērit frivola illa distinctio, quam Franciscus Vallesius, *controvers. Med. lib. 5. cap. 2.*, in contrarium profert, qua dicit ipsam cordis substantiam, vel saltem illos succos qui proprium ejus alimentum, & more roris per illud sparsi sunt, in aliis hæcticis à calida intemperie consumi; in hæcticis vero pestilentibus mala putredine corrumpi. Respondeo: si febres illæ pestilentes, quas Vallesius hæcticas nominat, oriuntur ex putredine substantiæ ipsius cordis, non minus erunt putridæ, quam aliæ quæ ex putredine humorum oriuntur: & præterea, quomodo quæ ipsa substantia cordis poterit putrescere sola sine humoribus in ea contentis, aut succis ejus magnam partem constituentibus? cordis enim substantia non constat ex solis particulis siccis, sed ex siccis cum humidis mixtis. Atque hinc est, quod etiam Galenus, *lib. 1. de differ. febr.* dicat: *Postquam autem mentionem fecimus febrium pestilentium,*

*quæ omnes ex putredine fiunt, &c.* Verum hic fortè obijcietur, quorsum igitur Galenus, 3. *de prasag. ex puls.* longo sermone docet, multas pestilentium febrium esse hæcticas statim à principio? Respondeo, Galenum illas pestilentes febres, quæ clementer procedunt, nec protinus ægros interimunt, hæcticas appellare, non quod tales sint, sed ratione lenti processus & clementiorum symptomatum, tales esse videantur: eodem modo sicut illa lenta febris, quæ in phthisi ab ulcere pulmonum oritur, à multis Medicis hæctica appellatur, cum tamen re vera sit putrida, ab ulceris putredine orta. Quod autem Galenus has lentas pestilentes non ad hæcticarum, sed ad putridarum classem referri voluerit, patet ex loco ante citato, quo dicit, omnes febres pestilentes oriri ex putredine. Præterea illud ipsum quoque manifestum est ex ipsis verbis eodem loco sequentibus: *Ad sunt, inquit, necessario huic febrī factor anhelitus & calor in thorace, &c.* Atqui factor est symptoma proprium putredinis, è qua si febris oriatur, illa erit putrida. Hic certè aliud non facile persuadebunt nobis Maslaria & Hercules Saxonia, quantumvis subtilissimis disputationibus pestilentes illas, hæcticas dictas, è putridarum classe separare nitantur: nam vix solvent hunc nodum, *quomodo possit dari febris à putredine, quæ non sit putrida.*

V I. Dico, corpus hoc illave modo temperatum: nam in corporibus biliosis, plethoricis, cacochymis, & obstructionibus laborantibus, humores longè citiorem & graviorem putredinem atque inflammationem concipiunt, quam in multis aliis, imprimis vero ætate & autumnis, atque in locis quæ pravis & putridis exhalationibus obnoxia sunt.

C A P. X I I I. *De causis symptomatum pestis.*

**P**Ræter febrem jam dictam, multa symptomata horrenda & gravia pestem comitantur, quorum alia hæc, alia illa subiecta, pro veneni magnitudine, & cuiusque naturæ (1.) ac temperamenti diversitate, invadere solent. Hæc autem vel sunt morbi à peste orti, vel mera symptomata, & excrementorum vitia: suntque vel pesti magis propria, & cum aliis paucis morbis communia, ut bubo, anthrax & exanthemata (quorum causas sequenti capite inquiremus) vel minus propria, & cum pluribus aliis morbis communia, quorum primaria hæc sunt: Capitis dolor, phrenitis, sopor, vigiliæ, anxietas, debilitas seu magna virium prostratio, visus turbulentus, cordis palpitatio, linguæ siccitas, vomitus, singultus, lumbrici, fluxus alvi, hæmorrhagia narium, menstruum profluvium, sanguinis mictus, sputum cruentum, dolores lateris, hepatis, renum, aliarumque partium. Omnia hæc symptomata à pestilenti veneno, vel immediatè, vel mediante putredine inducuntur. Nam simulac labes illa corpus ingressa est, ac vires suas exerere incipit, tunc prout singula ejus viscera disposita invenerit, & has illasque partes magis vel minus invaserit, varios effectus edit. Cor enim (2.) maligna hac perniciæ impugnatum, antequam à tanto hoste se expedire possit, angitur & comprimitur, ejusque vitales spiritus vel dissipantur, vel, quod frequentius contingit, graviter concentrantur, unde tunc necessariò procedunt summæ anxietates, virium debilitates, & cordis palpitationes, imprimis si vel venenum violentius, vel cor debilius fuerit, quam ut tam gravi inimico satis fortiter resistere possit. Cor autem hujus tyranni injuriis se fortissimè opponens, ejusdem spicula, quantum potest, à se divertit, & magnam venenatæ malignitatis partem quaquaversum ad alias partes, aliaque viscera expellit & extrudit. Hinc sæpe (3.) per arteriam aortam, ac inde per carotides arterias cerebro haud parum communicatur: quod si excrementis vacuum offenderit, membranas ejus pungendo ac vellicando capitis dolores excitat; quibus si magna spirituum animalium agitatio accedat, fit delirium; si membranarum inflammatio, fit phrenitis. Si verò cerebrum serosis vel pituitosis humoribus repletum invenerit, spirituum animalium generationem imminuit, volatilitatem ac tenuitatem incrassat, & sopores (4.) facit. Vigiliæ inducit, si acri malignitate spiritus nimis exagitet, nimiumque calorem cerebro inducat, quo roridi suavesque vapores ad somnum necessarii, consumuntur. Oculi verò turbidi, & flentium ac mœrentium oculis similes apparent, simulque vivido colore ac splendore destituuntur, propter spirituum paucitatem, motumque inordinatum,

dinatum, & caloris nativi debilitationem. Lingua sicca & aspera redditur ab ardore interno, qui à maligna humorum putredine, veneni pestilentis malignitate excitata, & hinc prodeunte febre, inducitur. Sæpe etiam ad alia viscera venenata malignitatis pars propellitur: quæ si forte ab arteria aorta per cœliacos ramos ad arterias gastricas & gastroëpiloicas (quæ ventriculo inferuntur) transferatur in ventriculi tunicas, continua vellicatione anxietates inducit, & naturam ad id quod molestum est excludendum incitat, unde cardialgia, nausea, & vomitus procedunt. Si verò validum fuerit venenum, & adeo tenaciter ventriculi tunicis adhæreat, ut avelli nequeat, facile in aliqua ejus parte mortificationem seu anthracem (5.) excitat, quam molestiam natura irritato conatu expellere nititur, tuncque fit singultus, aut vomitus continuus lethalis. Ventris lumbrici generantur ab ingenti fœda putredine. Si autem inferioris ventris colluvies, non solum per veneni pestilentis admixtionem putrescat, verum etiam fortiter effervescat, seu fermentetur, naturam valde stimulat ad excretionem, hinc versus intestina decumbens ac defluens, producit alvi fluxum. Hæmorrhagia narium, fluxus menstruorum, & cruenta mictio, fiunt, cum cor veneni pestilentis aliquam partem, una cum sanguine, per arterias ad nares, uterum, aut renes cum tanto impetu propellit, ut ruptis vel apertis vasorum extremitatibus, per illa loca effluat. Sputum cruentum, præterquam quod ob dictam causam frequenter contingat, non rarè etiam oritur ab anthracibus (6.) in pulmone obortis: quam causam etiam agnoscunt dolores lateris, hepatis, aliarumve partium.

## A N N O T A T I O N E S.

I. Illud ipsum quoque docet Galenus, 3. epid. com. 3. text. 70. *Hec tempestas, inquit, videtur humores concussisse, & replevisse caput, idque omnibus morbis commune fuisse; sed fuisse suo quemque modo alium alio correptum, pro sua cujusque natura: alvi fluxionibus acris, pinguiumque dejectionibus biliosis: rubicundis verò & ad melancholiam dispositis, non iniuria sunt pbrinitide & febre ardente correpti (ut & crasso biliosoque sanguine præditi) & cruentis dysenteriiis. Quæ autem essent natura frigidiores tantum, vel frigidiores simul & humidiores, hæc par eras, ut quæ nec facile febribus, nec biliosis affectibus sunt obnoxia, in solas incidisse capitis distillationes.*

II. In peste solet fere semper ab ipso

morbi principio cor vehementer impugnari, nam pestilens venenum huic vitalitatis arci primariò bellum indixisse videtur, ut etiam antea, cap. 2. dictum: Hinc fit quod illa symptomata, quæ à cordis affectione procedunt, plerumque gravissimè affligant, & omnium primò conspiciantur, qualia sunt palpitatio, anxietas, lipothymia, syncope, & pulsus alterationes.

III. Dico, sæpe: nam interdum etiam cerebrum à pestilenti labe citius inficitur quam cor, quod imprimis per infectum aerem inspiratione attractum contingere videtur, ut Paræo contigisse diximus supra, cap. 2. annot. 8.

IV. Nonnulli existimant sopores in peste

L 2

peste induci ab humidis vaporibus à calore pestilenti in partibus inferioribus excitatis, sursumque ad caput delatis, ac cerebri substantiam humectantibus. Sed cum tales sopores non multum distarent à soporibus naturalibus, nec valde damnosi essent, alia debet eorum esse causa: scilicet, quod venenata qualitas cor & cerebrum simul impugnet ac debilitet (nunquam enim in peste contingunt graves illi sopores, corde non graviter afflicto) atque hinc fiat, quod cor paucos spiritus vitales, eosque vitiosos, generet, & debilitet ad cerebrum propellat (liquet hoc expulso debili ac parvo) è quibus in cerebro, à venenata labe etiam debilitato, tam pauci generantur spiritus animales, qui propter paucitatem (fortè quod etiam vitiosi sint) non sufficiunt ad debitas

actiones in organis sensuum perficiendas, unde tunc iis in actionibus deficientibus, ac quiescentibus, fit altus sopor.

V. Ventriculi anthraces vix ullus Medicorum antehac observavit, nec quisquam illam singultus ac vomitus perniciosi causam ante nos animadvertisse videtur (exemplum describimus *lib. 4. hiflor.* 15.) præter solum Ioannem ab Helmont, qui, in *tumulo pest.* eorundem etiam meminit.

VI. Sic etiam Palmarius, de *febre pest.* cap. 24. dicit, carbunculos, si thoracem, id est, pulmonem occupent, sanguinis excretionem & spirandi difficultatem inducere, mortemque in biduum aut triduum differri; idemque periculum esse, si vel in jecore, vel in liene excitentur.

#### C A P. XIV. De causis bubonum, (1.) carbunculorum & exanthematum.

**V**enenum pestilens cum sit aëreum & subtile, corpus humanum subiens, raro ad cerebrum primò vel hepar unà cum humoribus deferitur, sed partim ob substantiæ tenuitatem, partim quia cum inspiratione plerumque in pulmones adducitur, facillimè ac citissimè venenatam qualitatem imprimit sanguini arterioso, è dextro cordis ventriculo in pulmones impulsio, qui ista labe infectus ad sinistrum cordis sinum descendens, vitalitatis arcem impugnare ac labefactare incipit. Huic infensissimo tyranno cor se statim opponens, fortiter cum eo colluctatur, omnesque vires intendit, ut dirum ac molestissimum hostem quam citissimè foras expellere, & longissimè à se ablegare possit. Hoc autem venenum si paucum ac debile, & solummodo tenui seroso vehiculo junctum fuerit, interdum vel solius naturæ vi, vel medicamentorum tempestivo subsidio, brevi temporis spatio cum sudoribus per poros cutis expellitur & dissipatur, antequam sanguinis massæ aliqua pars ab ejus contagio corrumpatur: atque tunc unica forti sudatione ita restituantur tales infecti, ut nullum mali vestigium relinquatur, sicut in hac nostra peste illud multoties contigisse vidimus. Si verò venenum fortius, & ipsius cordis penetratius altius ingressum fuerit, eique firmius inhæserit, tunc ab ejus prava infecta-

infestaque qualitate stimulatam viscus, istius veneni quam maximam potest partem longissimè à sese, qua datà commodiore vià, dispellit: eamque interdum cum impetu, una cum seroso lymphatico vehiculo, ad axillarum glandulas (quæ vulgò dicuntur esse cordis emunctoria) deponit, antequam ab ejus contubernio aliqua sanguinis arteriosi pars in arteriis majoribus notabiliter corrumpatur: quæ in iis insigni acrimoniâ falsas lymphatici influentis liquoris particulas, cum effervescentia quadam figendo (sicut in chymia, aquæ tartari particulæ falsæ affusione pauxilli olei vitrioli, ilicò cum effervescentia quadam figuntur & coagulantur) insignem dolorem, & propter earum impeditum profluxum, conspicuum tumorem faciunt, quem bubonem (2.) appellant Medici. Reliquam veneni partem cor quaquaversum à se dispellere, & quam celerrimè potest è suis & arteriarum liminibus ad alias partes exturbare nititur, antequam ab istius insensu hospitis contubernio, & ipsum, & ipsius proximum nutrimentum, vitæque fulcrum, sanguis spiritusque vitales corrumpantur & extinguantur. Hanc fortem expulsionem etiam molitur per arteriam aortam: in quam sæpe magna hujus perniciosi veneni pars deposita, una cum sanguine arteriolo, cui immiscetur, sursum ad cerebrum ascendente per arterias carotides, in eoque varia symptomata (de quibus præcedente capite dictum) excitat. Ab hujus veneni malignitate gravatum ac stimulatam cerebrum cum suis membranis, illius quam maximam potest partem ad glandulas in faucibus & pone aures deponit, quæ in iis salivæ liquoris fixationem cum effervescentia inducens, tumorem dolorosum facit, ut sub axillis fieri dictum. Sæpe etiam cor magnam istius veneni partem per ejusdem arteriæ aortæ ramos descendentes, ad inguinum glandulas propellit, quæ & ibi bubones (3.) excitat. Si verò venenum illud acerrimum sit, & à corde per arterias aliquas, una cum sanguinis parte cui inhæret, ad cutem propellatur, in eaque nonnihil subsistat, quocunque loco substiterit, caustica & deleteria sua vi particulam, quam occupat, adurit cauterii potentialis, & mox unam pluresve exiguas vesiculas (quales per ambustionem etiam oriri solent) in ea excitat, sicque illam enecando, carbunculum (4.) facit. Quia autem venenum illud, cum sanguinis, cui inhæret, parte, à corde huc illuc, qua datà vià, propellitur, hinc fit quod non semper in uno, sed multoties in diversis corporis partibus carbunculi (5.) excitentur. Si verò non ad cutem, sed ad aliqua viscera, partelæve interiores hæc veneni propulsio fiat, tunc in iis carbunculi oboriuntur, gravium symptomatum causæ, & ægris lethales (vide præcedente cap. annot. 5. & sequenti cap. annot. 13. & lib. 4. histor. 15. & 38.) quales interdum in membrana pleura, ventriculo, intestinis, pulmonibus, renibus, generari docet usus. Notandum tamen carbunculos non semper hanc in-

ternam causam habere, sed interdum etiam, licet rarius, à fomite aut contagio extrinsecus in cutem incidente, eique, mediante nonnihil viscoso vehiculo, adhærente, excitari; atque tales sæpe curriculum suum absolvere sine ulla notabili cordis læsione, præcipuè in talibus hominibus, quibus cor validum est: hujus rei duo vel tria exempla dedimus supra, *cap. 12: annot. 2.* Carbunculus autem ut plurimum ab exili adurente pustula; (6.) interdum à pluribus parvis pustulis, seu vesiculis paulo post in unam vesiculam coëuntibus, rarius sine pustula seu vesicula exordium sumit. Hinc pars pungitivum dolorem sentit, qualis in gangræna adesse solet, & brevi magis magisque emoritur, ac nigrum vel cinereum colorem acquirit. Quæ verò carbunculum in circuitu proximè circumstant partes, alterantur (sicut etiam in gangræna & sphacelo fieri solet) valde inflammantur, & acriter dolent, easque natura coquendo ad suppurationem deducit, antequam perfectæ mortificationis labes in illas quoque proserpat, & mediante illa suppuratione corruptam ac emortuam particulam à sanis separat & ejicit. Fiunt igitur bubones & carbunculi à veneno pestilenti, quod cor ex sese per arteriarum cavitates ad alias partes expellit. In quo expulsionis opere si cor, vel ob summum veneni acumen, ejusve firmiorem in hæsionem; vel ob propriam debilitatem, aliudve impedimentum, diutius occupetur, neque satis citò & fortiter se expedire possit, facile multæ spirituum vitalium (id est, subtilissimæ sanguinis arteriosi) particulae, ante veneni ex arteriis egressum, sine putredine corrumpuntur, & quasi extinguuntur, atque tales cum reliquo nutritio sanguine ad frigidiores partes, nempe membranas, tendines, ligamenta, & periosteà delatæ, ob earum subfrigidam constitutionem, mox in iis paulo crassiores evadunt, summamque mobilitatem deponentes, ex illis partibus pyramidalis forma, à latiore basi paulatim versus cutem in acumen ascendunt (instar fumi lampadis recens extinctæ) muscutorum aliarumque intermediarum partium substantiam porosam, ob aliqualem superstitem tenuitatem, insensibiliter transeuntes, usque dum ad cutem perveniant, in qua ob externum frigus nonnihil condensatæ, & à cuticulæ densitate detentæ, magis constipantur, & maculas illas constituunt, quas exanthemata (7.) appellamus. Quæ maculae majores vel minores, & hujus vel illius coloris sunt, prout magis minusve corrupti sunt illi spiritus arteriosi, & majore vel minore quantitate, à partium calore magis minusve sursum, seu versus cutem feruntur: plerumque autem sunt coloris obscurè purpurei, & exactè rotundæ, granum piperis majusculum, vel etiam parvum, in circuitu magnitudine referentes: aliæ formæ, alique colores non tam communes & frequentes sunt, quamvis interdum etiam inveniantur. Tam diu autem per illas intermedias partes corrupti illi spiritus arteriosi versus cutem

cutem ascendunt, quousque à partium calore propelluntur, quo deficienter, mox in partibus quasi coagulati subsistunt, sui que coloris (purpurei, subnigricantis, violacei, alteriusve) maculas in illis relinquunt, quæ in cadaverum pestiferorum dissectione, non minus intus, quam foris inveniuntur, & plerumque ab aliqua membrana, ligamento, aut periosteo, latiore basi in acumen versus cutem assurgere comperiuntur. Interim quia partibus quibus inhaerent nullam molestiam aut corruptionem inferunt, videtur venenum, quod dictos spiritus corripit, in iis esse extinctum & emortuum, eaque sine veneno esse.

## A N N O T A T I O N E S.

**I.** Nemo Medicorum hætenus bubonum, carbunculorum & exanthematum historiam à vero certoque fundamento descripsit: fortasse quia vel naturæ veneni pestilentis ignorantia, vel rei gravitas, vel contagii metus omnes à curiosiore hujus necessariz scientiz inquisitione deterruit. Fortè hac etiam causa fuit quod veteres Medicinæ procures, ut veneni pestilentis; sic etiam horum præcipuorum pestilentialium symptomatum historiam levi calamo transferint. Quorum vestigiis plurimi posteris insistentes, & in illorum verba somnulosè jurantes, nihil illis certius hac de re prodiderint, sed dum in veterum scriptis evolendis & probandis toti occupati fuerunt, ex illorum rudiori rei delineatione multa sibi somnia finxerint, pleraque veritatis titulo, & veneni pestilentis occultitate exornata, de quorum veritate hætenus accerrimè, tanquam pro aris & focis, contenderunt, cum tamen nihil solidi contineant; & neque horum symptomatum veram causam; neque generationis modum, illo modo attingant. Nam bubonum causam judicaverunt esse pituitosam sanguinis partem veneno infectam (haud secus ac si venenum illud sanguinis massæ admixtum, ejus peculiarem aliquem humorem, &

quidem talem, qui ipsi, ratione frigoris & crassitie, maximè contrarius est, primo & seorsim inficeret) carbunculorum sanguinem torridum & inflammatum (haud secus ac si aliquis sanguis in nostro corpore totus torridus esset, aut veneni pestilentis essentia in summo fervore & rosthione consisteret) exanthematum, sanguinem biliosum infectum, haud secus ac si sanguinis biliosa pars seorsim infici posset. Sic etiam carbunculorum causam è venis & arteriis expelli tradunt, sed per quam viam venas aut arterias ingrediatur venenum, nemo verè describit, plurimi hæc de re planè tacent; alii illud è corde in venam cavam, magno orificio ipsi junctam, expelli autumant, immemores quod cor è venâ cava sanguinem quidem recipiat, sed, ob valvularum obstacula, nihil in illam expellere possit. Ita exanthematum materiam per venarum extremitates in cutem effundi putarunt, cum tamen venarum extremitates humores è partibus recipiant, nullos verò in eas effundant, cum etiam exanthemata non à venis cutaneis prodeant, sed ab interioribus membranis sursum versus cutem ascendant: quod alii, cum Fernelio, animadvertentes, nullam hujus materiz viam describere ausi sunt. Erratum igitur est, non in una

una aliqua parte, sed in toto, ut jam docebimus.

II. Galenus, 2. ad Glauc. cap. 1. ut & 1. de differ. Febr. cap. 5. definit bubonem, quod sit glandularum partium inflammatio. Verum cum inflammatio neque necessariò, neque semper bubonibus adsit, sed tunc præcipue accedat, cum natura pus & coctionem molitur, & alioqui multoties sine inflammatione aliquamdiu subsistat, & postea evanescat; videtur melius definiri, quod sit tumor earum glandularum quæ sitæ sunt retro aures & in collo, sub axillis, & in inguinibus, quæ vulgò emunctoria appellantur. Quamvis enim plurimæ in corpore sint glandulæ, tamen ab omnibus Practicis hæcenus observatum est, bubones pestilentes non in aliis quam dictis locis & glandulis emergere, quemadmodum etiam nos in truculentissima hac peste nullos alios videre potuimus. Huic præstantissimorum Medicorum observationi solus Zacutus Lusitanus se opponere velle videtur, qui aliquid novi scribere desiderans, *Prax. admir. lib. 3. observ. 38.* refert se in magna quadam peste, non tantum in dictis locis, sed in aliis quoque corporis partibus multos bubones vidisse, ut in capite, in nucha, in humeris, thorace, umbilico, femore, & tibia, sed cum talibus bubonibus omnes ægros periisse. Ex centum mille Practicis neminem invenias, qui tam perfrictæ frontis sit, ut quotidianæ Practicorum experientie tam audacter contradicere audeat. Verum cum Zacutus fuerit homo multæ quidem lectionis, sed interim supra modum gloriosus, quantum ex ejus scriptis, & præcipue ex Praxi admiranda, colligo, aliorum plurimorum Medicorum observationes sibi adscripsit, & ut speciem aliquam veritatis haberent, casum alicujus ægri affinxit, qui æger vel nunquam in re-

rum natura extitit, vel in pago aliove abstruso loco, nunquam invento, nec unquam inventiundo, vixit; imò multis in locis, ut aliquid gloriolæ sibi conquirit, tam splendide veritati parcit, ut vel cæcus videat plurimas ejus observationes ab omni veritate alienas esse. Atque sic etiam, quod citato loco de bubonibus aliarum partium scribit, tam longè distat à veritate, quam cælum à terra. Ille hæc scribat quo usque velit, ego tamen, qui mihi ipsi non perperci in praxi pestiferorum sedulo peragenda, & solus in peste plus vidi ac inquisivi, quam fortasse sex Zacuti viderunt, vel videre ausi fuissent, ego, dico, nihil hujusmodi unquam commperire potui, ac proinde hujusmodi arrogantem dicacitatem, ut maximè inanem, penitus rejiciendam censeo.

III. Hic explicandum, quæ ratione à veneno pestilenti, quod est tenuissimæ substantiæ & minimæ quantitatis, glandulæ intumescere possint, & quare ab ejus virulentia non enecentur, sicut pars carbunculo correpta. Cum venenum pestilens ad dictas glandulas expellitur, statim permiscetur lymphaticis vel salivalibus illis humoribus, quibus glandulæ illæ semper scant. Hi humores cum valde humidi sint, atque etiam nonnihil tenaces, glutinosi, ac subfrigidi existant, ineptum sunt subiectum in quod venenum pestilens suam septicam vim imprimere possit, fere æque atque stercora in intestinis. Ac proinde illos malignâ suâ acrimoniâ solummodo ebullit, seu fermentat, sicut sal & acetum, panis massam fermentant, ejusque minimas partes à se invicem distendant; vel sicut citri succus oculis canceri pulverisatis affusus, eosdem ebullire facit, quæ effervescencia salis in iis contentæ particule tandem coagulantur. Ab hac fermentatione dum effervescunt illi humores,

fit



fit aliquis calor immodicus in parte, & quia valde extenduntur, fit à distensione illa tumor, à tumore illo acris dolor; partim ob minimarum particularum substantiæ solidioris à se invicem divulsionem; partim ob erosionem à falsis jam coagulatis particulis liquoris contenti inductam. Ad dolentem autem partem undequaque è vicinia plures tales humores ex consuetudine affluunt, qui & ipsimet paulatim effervescentiam similem concipientes, tumorem & dolorem adaugent. Natura ut ab hac molestia se expediat, illorum humorum coctioni incumbit, eosque in pus mutatos foras expellit. Hinc jam liquet quare dictæ glandulæ à veneni virulentia non enecentur, sicut in carbunculo pars carnea enecatur, quia scilicet venenum statim immiscetur tali seroso humori, qui ob substantiæ contrarietatem, veneni violentiam retardare ac multum infringere potest; contra quam fit in carbunculis, in quibus venenum ingreditur ipsam solidam aliqujus partis substantiam, quam caloris nativi extinctione devastat, & nutritios humores corrumpit, neque ab ullius rei contraria qualitate impeditur in sua operatione. Accidit tamen interdum, sed rarissimè, ipsam glandulam, propter venenum ei in hærens, emori, atque tunc in bubonum locum emergunt carbunculi: quod fit cum in glandulis paucus est liquor ille serosus, multumque falsedinis habet: atque etiam cum venenum in pessimæ qualitatis summo gradu, magnaque quantitate in illas irruiat, ita ut glandulæ adversus tam violentum tyranni impetum à suo præsidio defendi nequeant.

Præter jam dicta, adhuc tria alia scitu digna, hic considerata occurrunt. 1. Quomodo bubones interdum absque suppuratione, in aliis cum salute, in aliis cum exitio, subsistant

& evanescent. 2. Quam ob causam nonnunquam etiam serius prodeant, vel ad salutem, vel ad exitium ægri.

3. Vbi post sanationem maneat eorum causa venenum. *Primum hoc modo fit:* cum venenum pestilens vel debile, vel paucum in glandulas expellitur, & illæ multo lymphatico aut salivali liquore abundant, fit aliquando ut in prima fermentatione illud vel insensibiliter expiret & dissipetur, vel ejus vires omnino infringantur, aut extinguantur, (multa enim sunt quæ pestilentis veneni virulentiam extinguunt, ut liquet in antidotis;) antequam magna intemperies partem occupaverit, atque tunc falsæ humoris contenti à veneno coagulatae partiæ paulatim rursus dissolvuntur & fluidæ evadunt, sicque tumores spontè evanescent, in salutem ægri. Interdum verò, cum venenum copiosius in corde & arteriis continetur (quæ copia ex symptomatum vehementia ac multitudine innotescit) natura ab illo nimis gravata, valde debilitatur, & cum totum non possit, saltem illius aliquam partem ad glandulas propellit; cumque in reliquiis expellendis laborans, arteriarum poros seu fines aliquos identidem circa glandulas referat, ac frustraneo debili conatu intestinum hostem illac ejicere nititur, tunc facile contingit, ut paucum illud venenum non satis efficax sit, quod validam effervescentiam in glandularum humoribus faciat, atque hinc in fluido subiecto fluidum manens, cum reliquo sanguine circuletur, & ad cor redeat, ejusque afflictionem cum exitio ægri augeat, sicque interim bubonum tumor evanescat. *Quantum ad secundum:* jam ante satis docuimus, quare bubones citius in principio morbi prodeant: quod autem serius emergant, duplex causa est: Vna, quando cor obruitur, vel à nimia

M

veneni

veneni copia, vel à malignissima ejus qualitate, à qua tantopere intricatur & debilitatur, ut hostem suum non nisi tardius expellere possit, atque tunc bubones & carbunculi serius excitantur, idque cum summo vitæ periculo, quia venenum grave vix tantas moras in corpore trahere possit, absque maximo spirituum sanguinisque arteriosi nocumento. Altera causa est, cum cor debile impugnatur à debili veneno, cum quo diu colluctatur, antequam ab eo se expedire, hostemque suum ejicere possit. Atque in tali casu sæpe bubones & carbunculi, etiam serius prodeuntes, salutare sunt, & morbum brevi finiunt: quia illud debile venenum, ob suam parvam potentiam, in diuturniore illa mora non potest magnum nocumentum inferre sanguini spiritibusque vitalibus, per quos illud à continuo cordis motu sine magno damno agitur, donec tandem excutiat: eodem modo sicut homo parvam ignis prunam longo tempore ab una manu in alteram sine unctione excutere & agitare potest, donec illam tandem abiciat. *De tertio dicimus*, venenum pestilens bubonum causam, dum humores in glandulis contenti fermentantur, aut in pus coquantur, sæpe ibidem extinguunt, sæpe etiam insensibiliter exspirare, atque tunc pus ex illis apostematibus effluens, non esse contagiosum. Fieri quoque multoties, ut venenum, ob cutis densitatem, aliudve impedimentum, exspirare nequeat, & ob summam malignitatem non extinguatur, atque tunc rupto apostemate, illud una cum pure effundi, idque pus tunc contagiosum esse, sicut liquet ex historia Parzi, *suprà, cap. 2. annot. 8. citata.*

IV. Carbunculus, à similitudine, variis nominibus nominatur. Appellatur *Carbunculus*, vel *Carbo*, quia extinctum carbonem refert, vel (ut alii

volunt) quia illius color in ambitu, instar carbunculi lapidis, obscuro rubore splendet. Dicitur etiam *ἀνθράξ*, ab *ἀνθράξ*, in carbonem muto, quia est quasi pruna extincta, & in carbonem mutata. Arabibus vocatur *Ignis Sacer*, *Ignis Persicus*, & *Pruna*, quia extrinseco adspectu non male refert exultationem cum pruna ignita factam: vel, ut *6. Aphor. 54.* mavult Galenus, quia instar ignis circumstantes partes inflammantur. Nonnulli inter carbunculum, anthracem, & ignem sacrum, aliquam differentiam statuere voluerunt, cum tamen revera nihil differant, neque veteribus ulla differentia cognita fuerit; nam Avicenna in curatione ignis sacri eadem remedia præscribit, quæ Galenus in carbunculi curatione.

Hactenus in carbunculi pestilentis cognitione graviter hallucinati sunt Medici. Galenus, illum ordini ulcerum annumerans, in *comment. ad 6. aphor. 45.* sic definit: *Anthrax est ulcus crustosum, cui adjungitur multis partium circumstantium fervor.* Et. *5. de comp. medic. sec. gen.* sic inquit: *Carbunculus est ulcus crustum, cum valida phlegmone circumstantium particularum, inducens.* Galeni definitionem sequitur etiam Paulus, *lib. 4. cap. 25.* illicque etiam posteriores Medici plerique omnes subscripserunt. Verum si ipsius carbunculi naturam ac constitutionem pensus examinemus, videbimus has definitiones ipsi non satis proprie accommodari; cum carbunculus non sit ulcus, sed particulæ alicujus enecatio, seu mors, à veneno pestilenti inducitur. Est igitur carbunculus partis alicujus gangræna, dum est in fieri; & Sphacelus, dum est in facto esse, quorum neutrum ulceribus annumerari potest. Sphacelum esse, & non ulcus, ex eo liquet, quia carbunculus nulla naturæ vi edomari & in pus converti potest (quod posset, si ulcus esset)

esset) sed integer à vicinis partibus separatur; & si à natura debiliore separari nequeat, illius mortificatio ulterius prosérpit in proximam partes, ut in sphacelo fieri solet; & putredinem quidem concipit, nunquam verò coctionem, quia in partem emortuam nulla incidit coctio. Male igitur plerique Medici, ex sententia Galeni, hætenus carbunculum ulcus appellarunt, nisi fortè gangrænâ & sphacelum propterea etiam ulcera nominari velint, quod in eorum separatione vicinæ partes suppuerent. Præterea etiam Galenus alibi, (nempe 10. & 14. *Method.* & 2. *ad Glauc.* & lib. de tumor. prat. nat.) carbunculum ordini tumorum annumerat.

In causis carbunculi adhuc longè gravius erratum est. Galenus, lib. de tumor. prat. nat. dicit, carbunculos excitari, cum sanguis tanquam fervens & inflammationi propinquus exurit eum. Actuarius, *Method. med. lib. 2. cap. 12.* consensit cum Galeno, dicitque eum oriri à sanguine melancholico fervente. Ægineta, lib. 4. cap. 17, tradit, illum excitari à crassis & adustis humoribus. Hos sequuntur neoterici. Aquapendens, *Chirurg. par. 2. lib. 1. cap. 27.* scribit; carbunculum fieri à fluxione ferventissimi sanguinis ad partem. Mercurialis, de pest. cap. 18. illius causam, cum Ægineta, crassis adustisque humoribus adscribit. Fernelius crassum torridumque sanguinem: Forestus verò sanguinem corruptum, fervidum, cum succo melancholico vel atrabile, ejus causam statunt. Guainerius triplicem adfert materiam, sanguinis putredinem, bilis imperum & acumen, ac melancholiæ diuturnitatem. Aliquibus ex prædictis sententiis, parum inter se dissentientibus, omnes fere Medici hætenus calculum adjecerunt, & unanimiter hæc duo concluderunt: Primum, sanguinis massam, aut aliquos

ejus humores fervidos vel adustos, generare carbunculum. Secundum, veneni pestilentis operationem in fervida adustione consistere. Verum (parcant mihi dictorum Virorum manes) longissimè à veritate aberrarunt, & illi, & quotquot hætenus eorum sententiis subscripserunt Medici. Prima enim conclusio admodum vacillat, nam meridiana luce clarius est, nec sanguinis massam, nec ejus humores aliquos fervidos, adustos, biliosos, vel atrabilarios excitare carbunculos; hocque satis docent, erysipelas, febris ardens, mania, alique varii morbi à talibus humoribus orti, nullis tamen carbunculis comitati: illud ipsum ex eo quoque liquet, quod in pestiferis sæpe nullus sanguinis aliorumve humorum notabilis excessus in calore deprehendatur, cum tamen in talibus etiam prodeant carbunculi. Sanguinis vel humorum putredinem huc quoque nihil facere, ex eo liquet, quod plurimæ graves putredines multoties fiant, maximis quoque inflammationibus sæpe conjunctæ, quas nulli carbunculi sequuntur. Si quis igitur, unde carbunculi oriuntur, nos roget? Dicemus, omnes carbunculos, sive pestilentes, sive non pestilentes fuerint, oriri à veneno. Pestilentes, à veneno aërio ac subtilissimo, qui proinde, ob communem causam, pluribus sunt communes, & ob causæ tenuitatem ac fluxibilitatem contagiosi. Non pestilentes, à veneno crassiore, quod certis aliquibus de causis, in particulari aliquo homine, ex humorum gravi quodam corruptionis modo, tanquam novum productum, resultavit: qui carbunculi propterea non sunt communes, quia tantum privatam causam habent: nec sunt contagiosi, propter veneni crassitatem. Secunda conclusio non minus falsa est; nam veneni pestilentis operatio planè non consistit in fervoris excessu,

verum in septica quadam qualitate, calori nativo totaliter contraria, à qua partium calor natus corrumpitur, sicque ipsa pars extinguitur ac enecat: hæcque septica operatio in carbunculo adeo manifestè apparet, & oculis conspicua est; ut eam nemo sanus in dubium vocare possit. Contra verò, à veneni excellente vel adurente fervore carbunculum non excitari, ratio docet: nam si inde oriretur, deberet ille fervor esse, vel in penultimo, vel in summo gradu. Si esset in penultimo gradu, faceret partis colliquationem, sicut in febribus acutis corpus à fervente calore colliquari, & carnes ad ignem in humores ac pinguedinem resolvi & contabescere videmus: talis autem colliquatio in carbunculo non fit, quia partis affectæ substantia non imminuitur, sed tantum prius temperamentum cum forma vitali perit. Non est quod quispiam hic objiciat, tales partium colliquationes fieri & conspici in alvi fluxibus pesti supervenientibus: nam illæ colliquationes non sunt immediate à veneno pestilente, sed mediante putredine ab isto veneno inducæ, è qua putredine postea colliquans ille fervor resultat: si enim illæ colliquationes immediate procederent à fervore veneni pestilentis, tunc omnes ægri pestiferi aliquo colliquativo fluxu, vel alvi, vel urinæ, aliove affligerentur, quos tamen usus docet rariis contingere. Si verò veneni fervor esset in summo & ultimo excessus gradu, faceret partis assationem seu tostionem, ac citam duramque exsiccationem; sicut summus ignis fervor, aut ferrum candens, carnes statim urit ad siccitatem & crustam; talis autem assatio seu tostio in carbunculo non fit, nam eo affecta pars laxa humidaque permanet; & quamvis Galenus dicat, carbunculum esse ulcus cum crusta, vel crustam

inducens, qualis candenti ferro iniuri solet, nunquam tamen vera crusta in carbunculo pestilenti reperietur, nam pars non est spoliata humiditate, sed vitalitate: ac proinde verisimile est, Galenum per crustam, intellexisse particulam enecatam seu mortuam, quæ patienti crustosa & dura esse videtur, propterea quod insensilis sit, & cum novacula inciditur, illa incisio quidem audiatur, non verò sentiat, sicut in crustis etiam fieri solet. Certum igitur manet venenum pestilens non operari summo fervore adurendo, at septica perniciofa quadam vi enecando seu extinguendo.

In quonam autem consistat illa septica vis, ad majorem rei elucidationem, etiam paucis inquirendum est. Galenus, 5. de simpl. med. fac. cap. 15. & Haly Abbas, 2. pract. cap. 18. putarunt illam septicam vim consistere in vehementi fervore: quæ opinio jam dictis rationibus satis refutata est: nempe quod fervor ille vel colliquaret, vel assaret, quorum neutrum septica faciunt per se; & si quid tale eorum operationi adjungatur, illud contingit mediante putredine aut inflammatione, quæ præter septicam qualitatem, partem invadit & affligit. Præterea si à summo fervore extingueretur partium calor natus, exque sic enecarentur, ergo piper, euphorbium, spiritus vini sæpe rectificatus, aliaque similia, majore adurente vi prædita quam multa septica, eandem operationem citius peragerent; usus tamen contrarium docet. Cum itaque nulla manifesta qualitas hujusmodi effectum edere possit, dicendum septicorum vim consistere in occulta venenata, & calori nativo totaliter contraria qualitate. Hoc ipsum quoque animadvertens doctissimus Thomas Fienus, 2. de cauteriis cap. 6. elegantissimè sic inquit: *Caritè, meo judicio, non tam videntur se-*  
ptica

pecca calore, quam potius maligna sua & venenata qualitate partes corrumpere: neque videntur eas colligare, sed potius ad putredinem & sphacelum deducere. Etenim venenata sua qualitate & tota substantia spiritibus vitalibus infesta sunt, eosque sic inficiunt, ut intermoriantur, & vel fiant, vel ineptum anima in particula fiant instrumentum: inde calor natus in particula extinguitur, eo extincto pars putrescit, & humidum à siccò decedit, parsque humida, frigida, flaccida, emortua, & decolor relinquitur. Fienus hac in parte sequitur Avicennam, qui, 2. canon. tract. 1. cap. 4. ita scribit: *Septicum est, cujus proprietas est, ut corrumpat complexionem spiritus pervenientis ad membrum, & complexionem humiditatis membri ejus cum resolutione, ita ut nequeat amplius permanere pars membri illius: & non pervenit ad hoc ut adjuvet ipsum, & corrodat, & resolvat humiditatem ejus, imò dimittit in ipsum humiditatem corruptam, in qua agit aliud quam calor innatus, & putrescit.* Eiusdem quoque opinionis est Averrhoes, 4. collig. cap. 16. In hujusmodi septica vi veneni pestilentis operationem consistere, quilibet pestilentes carbunculos diligentius pericrutarum volens, facile percipiet. Nullam verò qualitatem adurentem ipsi primariò & necessariò adesse, varia docent. 1. Quod pestis multos affligat sine ullo vel interno, vel externo fervoris signo. 2. Quod multi pestiferi non febricitent. 3. Quod exanthemata non fiant cum inflammatione. 4. Quod carbunculis semper in principio non adfit magna inflammatio. 5. Quod fomes à multis innoxie attingatur sine cutis adustione, & sine ullo sensibili calore; imò à vespillonibus ipsum venenum pestilens sæpius impunè manibus contrectetur, absque ulla adurentem læsione: quæ certè fieri non possent, si actio veneni pestilentis in adurentem calore consisteret. Hic fortè

objicietur, quod multi pestiferi conquerantur de maximo interno ardore, & quod in carbunculis etiam magna oculis conspicua inflammatio, cum summis doloribus conspiciatur. Respondeo: internum illum ardorem non induci primitus à veneno pestilenti, sed à putredine humorum internorum & biliosorum, ab illo veneno inducta: post magnas autem humorum putredines sequi inflammationes, in febribus ardentibus, multisque aliis putridis manifestum est. In ipso autem carbunculo dico non esse inflammationem hanc, ut nec dolorem, cum jam perfectus est carbunculus, sed tantum excitari à pugna veneni contra calorem nativum cum carbunculus est in fieri: postea verò cum carbunculus jam factus, & particula emortua insensibilis est, tunc dolorosam illam inflammationem inesse partibus proximè circumvicinis, quarum calor natus à particula emortua contiguitate graviter affligitur, quo afflicto cum humores in iis non satis debite regantur, accedit statim caloris præternaturalis dominium & inflammatio, quæ tamen non fit proximè à veneno pestilenti (quod per caloris excessum non operatur) sed à putredine & caloris præternaturalis dominio.

Hodierni Philosophi, qui omnes hactenus occultas qualitates septicorum venenorum jam manifestas reddere tentant, eorum naturam explicant per minimas particulas, striatas, pungentes, unciatas, aculeatas, & nescio quibus non figuris donatas, quæ prout hoc vel illo modo inter se miscentur & cœunt, modò partes corrumpunt, modò dolores, modò stuporem, modò gangrænam, modò sphacelum, &c. inducunt. Verum non docent quomodo tales particule, quæ antea non erant, nec peccabant in sanguine &

partibus, in iis generentur, quid illas introducat, moveat, jungat: si dicant in peste hoc facere venenum aëri inhærens, debere docere quale, & cujus naturæ ac formæ foret illud venenum, & quomodo illius operatio, novaque particularum generatio procederet. Cum autem nihil horum dicant, certè nihil melius docent, sed obscurum per æque obscurum explicare nituntur.

V. Carbunculi non habent certa determinata loca in quibus exoriantur, sicut bubones, sed ob rationem in textu dictam, in quacunque corporis parte excitari possunt: modò enim conspiciuntur in thorace, vel collo; modò in abdomine, vel dorso; modò in brachiis vel crûribus; modò in manuum pedumve digitis; modò unus aut alter, modò plures simul, vel in una, vel in diversis partibus: imò sæpe etiam in partibus internis oboriuntur, ut in pulmonibus, ventriculo, renibus, &c.

Hic quæri posset, quare à veneno pestilenti, dum hæret in arteriis, non corrumpatur tota sanguinis massa? dico, illud fieri non posse, partim quia venenum non ingreditur omnes arterias: partim quia illud in arteriis nusquam quiescit, sed à corde continuè movetur ac propellitur ab una parte in aliam, donec tandem per arteriarum extremitates pervenerit ad cutem, per cujus poros, si latiores fuerint, expirat ac dissipatur; si verò obstructi, in cute (vel, si introrsum pellatur, in aliqua membrana) quiescit, ubi, propter moram, calorem nativum extinguit, & particulam enecat. Nullum autem venenum in celeri transitu magnum damnum humoribus inferre potest: antimonii vitrum vino injectum, & inde statim rursus exemptum, nullam vomitivam qualitatem ipsi com-

municat; sed diutius in eo relictum illi vomitivam qualitatem imprimit. Propterea, si in illa veneni pestilentis propulsione per arterias, ob naturæ cordisve debilitatem, vel ob humorum sanguinisve crassitiem, vel propter vasorum nimiam repletionem, aut aliquam obstructionem, aliudve impedimentum, hoc venenum tardius vel lentius vasa transeat, aut hic vel illic aliqua mora fiat, tunc in istis locis, ubi segnior ille progressus fit, in transitu magna putredo sanguinis massæ à veneni malignitate inducitur, cui statim adjungitur intemperies nimis calida, atque hinc febris, multaque gravissima symptomata oriuntur. Hinc jam facilis fit solutio istius dubii, quod nonnulli moverunt, nempe cum febris plerumque comitetur carbunculum, utrum illa excitetur à carbunculo, an verò carbunculus à febre. Dicendum, neutrum ab altero produci, sed utrumque malum generari seorsim; à veneno quidem pestilenti, at carbunculum immediate, febrem verò mediante putredine: atque hinc, cum carbunculus possit fieri absque humorum internorum putredine, & illa putredo, quæ putredo, non possit facere carbunculum (ut antea diximus) sequitur nec illam à febre, neque hanc à carbunculo excitari, & carbunculum posse curriculum suum absolvere absque ulla febre. Hoc ipsum etiam docet Fernesius *Patholog. lib. 4. cap. 18. Ex prædictis, de celeri transitu*, etiam alterum dubium solvit: Vtrum etiam carbunculi in cordis parenchymate fiant? duæ rationes docent illud fieri non posse. Prima, quia si venenum fuerit in summo malignitatis gradu, & magna copia in cor irruat, totum ejus nativum calorem subito corrumpit & extinguit, ita ut non fiat carbunculus in aliqua ejus parte, sed subita totius mors. Al-

tera,

tera, quia si venenum fuerit in minore malignitatis gradu, vel exigua quantitate cor impugnet, citissime è corde excuritur, ita ut propter exiguam moram tantum malum in isto viscere operari nequeat.

**VI.** Pustula illa, à qua carbunculus plerumque ortum sumit, inde fit, quod cor fortiter stimulum venenum pestilens cum valido impetu per minimarum arteriolarum extremitates propellat in cuticulam, per cuius poros, si satis patentibus sint, ilico exspirat; si vero occlusi, tunc isto loco, ubi desinit arteriola (per quam fortè propellitur) extremitas, sub cuticula detentum, mox humoris, cui immiscetur, corruptionem cum quadam ebullitione molitur, sicque cuticulam à cute divellens, corruptumque humidum sub ea deponens, vesiculam instar parvæ pustulæ excitat; vel si per plures proximè vicinarum arteriolarum extremitates eo propulsum fuerit, tunc sæpe plures parvas vesiculas sibi mutuo proximè iunctas, & ichore subnigricante repletas, producit, quæ haud infrequenter brevi in unam vesiculam concurrunt: aliquando etiam nullam vesiculam facit, cum scilicet venenum non est tam acutum vel acre, & minore cum impetu propellitur. Venenum autem illius partis, cui infixum hæret, calorem nativum septica sua vi destruit, eamque enecans carbunculum facit. Verum illà particulā jam enecatā, & carbunculo à vicinis partibus separato, ubi manet pestilens venenum quod illum excitavit? Idem hic respondendum quod antea, *annotatione tertia*, de bubone diximus, nempe venenum in illo loco vel extinguī, vel foras exspirare, vel in carbunculo remanere, nec ab illo separari, nisi particula mortua per summam putrefactionem penitus dissolvatur.

**VII.** Exanthemata pestilentialia (quæ vulgus *morris* & *pestis maculas*, Itali *petechias*, *peticulas*, & *lenticulas*, Galli *purpuras*, & *papillones*, Belgæ *granum piperis* appellant) sunt maculæ purpureæ vel rubræ, vel nigræ, vel violaceæ, ut plurimum rotundæ, aliquando latæ, oblongæ, aliæve formæ, in summa cute efflorescentes. Nonnulli distinguunt inter exanthemata & maculas, quod illa habeant eminentiam, & sint de genere tumorum, hæc non. Verum illi confundunt variolas & morbillos cum exanthematibus pestilentibus, quæ sunt prorsus sine tumore: ac proinde nos omissa hac curiosa magis quam necessaria distinctione, ad exemplum Fernelii, utroque vocabulo indifferenter pro eadem re utemur.

De causis exanthematum pestilentialium minimè convenit inter Medicinæ Scriptores. Actuarius, *Method. med. lib. 12. cap. 11.* dicit exanthemata constari à crassis humoribus cuti impactis, ubi densa est summa cuticula. Mercurialis, *de pest. cap. 18.* scribit fieri maculas parvas rotundas, cum humores pauci subtiles sanguini permixti feruntur ad cutem, atque ubi per *διαπύκνωση*, hoc est, rarefactionem vasorum, excernuntur: si verò copiosi fuerint illi humores, dicit, cum Stephano Atheniense, disruptis venis plus sanguinis subitus cutem effundi, atque hinc produci maculas latissimas, quasi vibices. Palmarius, *de febr. pest. cap. 24.* illa fieri credit ex biliola & tenui sanguinis parte. Petrus Paschalis, *de febr. petech.* existimat illa generari ab ebullitione sanguinis circa cor à virulencia aliqua contaminati. Eodem fere modo Ioannes Morellus, *lib. de febr. purp. & pest. cap. 2.* refert ex Sequino, illa produci ab humore corrupto, per malignam auram intus ebulliente. Paræus, *lib. 21, cap. 28.* sæpe à crassa & adusta materia

teria illa generari scribit. Riverius, *lib. de febr. sect. 3. c. 1.* putat illa oriri ex prava & venenata sanguinis aliorumve humorum qualitate putredini conjuncta. Benedictus Faventinus, *in sua Empirica*, docet, ex quatuor humoribus illa gigni posse, & ab humore predominantem colorem habere, à sanguine rubrum, à bile citrinum, à pituita pallidum, à melancholia nigrum vel lividum. Sennertus, *lib. 4. de febr. cap. 4.* illorum originem adscribit humorum putredini & corruptioni. Platerus, *tract. 2. Prax. cap. 2.* illa fieri tradit, cum portio veneni in poros cutis se exonerat. In has sententias innumerari, imò fere omnes Medici hæcenus discesserunt, alii huic, alii illi opinioni subscribentes. Verum Medici non videntur hæcenus exanthematum pestilentialium naturam satis perspexisse, ac propterea alii errant in cognitione ipsius mali, alii in cognitione viarum per quas exanthemata progrediuntur. Primi putant exanthemata tantum esse maculas solius cutis, cum revera sint maculae ab internis partibus ascendentes, qui in cute terminantur. Secundi crediderunt exanthemata produci à sanguine, vel aliquibus ejus humoribus ebullientibus, inflammatis, putrescentibus aliove modo corruptis, & ad cutem delatis, cum illa tamen non prodeant ex hoc fonte, sed è sola spirituum vitalium extinctione, seu corruptione sine putredine, & extravasatione, ut mox docebimus. Tertiis existimant causam exanthematum per venarum extremitates expelli in fungosam cutis substantiam: alii verò per anatomiam melius edocti, ab interioribus partibus illa foras ascendere animadvertunt, sed rei difficultate perterriti, nullam viam describere ausi sunt. Sic doctissimus Fernelius, *de febr. cap. 18.* ita dicit: *Vt autem [ex-*

*anthemata] corporis summa, ita & interiora omnia viscera, musculos, nervos, ceterasque partes solidas obsident, ex hisque primam ducunt originem.* De causa nihil aliud dicit, quam quod producantur à maligna aëris qualitate: de via & modo generationis planè tacet: cum tamen cognitio viz, per quam exanthematum causa transit & expellitur, multum luminis ad cognitionem causæ proximæ dare potuisset. Nos in textu docemus, exanthemata oriri ab arteriosis spirituosioris sanguinis sine putredine corruptis seu extinctis particulis, per arteriarum minimarum extremitates exclusis seu expulsis. Illa est vera exanthematum materia, hæc vera via per quam excutuntur. *Veram materiam esse*, varia docent. 1. Quod insensibiliter, sicuti solent spiritus, transeat partes carnosas aliasque intermediarias. 2. Quod exanthemata pestilentialia sint sine tumore. 3. Quod persistant sine inflammatione. 4. Quod sint absque dolore. 5. Quod non lædant manifestè partes per quas trans-eunt, & quibus inhzrent. 6. Quod non separentur instar carbunculi, nec suppurent instar ulceris. Quæ omnia, aut saltem aliqua ex his necessariò adesse deberent, si, secundum supradictas opiniones producerentur ab aliqujus humoris putredine, inflammatione vel ebullitione. *Veram viam esse*, docet Anatomia, quæ primò ostendit exanthemata non esse solius cutis maculas, sed illas ab interioribus partibus initio sumpto ad cutem ascendere, nec minus inhzrere interioribus partibus, quam cuti. Deinde demonstrat multo latiores arteriolas versus interiores membranas hiare, quam versus cutem, (hoc etiam observavit Galenus, cum alibi, tum maximè *lib. de dissect. venar. & arteriar. cap. 9.* cum quo etiam consentit Fernelius) atque hinc naturam læcifi-

tam



tam longè facilius corruptas spirituosas sanguinis arteriosi particulas effundere, & per latiores vias deponere versus interiores membranosas partes, quam per angustiores versus cutem; quæ tamen, ob tenuitatem jam deficere incipientem, à vicinarum partium calore propelluntur, ac per incumben-  
tium carnosarum partium latiores poros ascendunt ad cutem, in qua sub cuticulæ densitate, & à frigore externo incoassati subsistunt, diâstasque maculas efficiunt: quæ semper longè periculo-

siores sunt quam carbunculi aut bubones, non ut causæ, sed ut signa: quia in his cor adeo validum est, ut perniciosum venenum versus externas partes depellere, & sanguinem à pestilenti corruptione præservare possit: in illis verò adeo debile est, ut nec venenum foras expellere, nec sanguinis corruptionem avertere possit, quod brevi secuturæ mortis indicium est; unde fit, quod ex sexcentis peste laborantibus vix unus evadat cui exanthemata in cute apparent.

## CAP. XV. De signis prognosticis.

**A**ctorum morborum, inquit Hippocrates, incertæ admodum ac fallaces sunt prædictiones. Hoc dictum si in ullo morbo, certè in peste verissimum esse experimur, in qua signa ambigua sunt & incerta, cumque singulis fere horis ac momentis mutantur, prædictiones admodum obscuras & lubricas (1.) faciunt, ita ut Practici etiam exercitatissimi sæpenumero in morbi hujus prognosi graviter decepti ac delusi fuerint: quia hic sacro involucri multa teguntur, & fallax ille inimicus sæpe dum arridet, occultas insidias struit; dum blanditur, maxime nocet; in facie salutem, in tergo funus gerit. Attamen cum non omnes perimat gravis hic & fallax morbus, & praxis nos morum ejus magnam partem edocuerit, nonnulla signa prognostica, quæ in hac peste Noviomagensi certiora fuisse observavimus, breviter describemus.

I. Criticæ mutationes qualescunque, diebus decretoriis incidentes, nihil certi promittebant, omnes enim fallaces (2.) erant, & cum his, etiam optimis, æque multi moriebantur, quam evadebant. At sextæ diei (3.) crises semper certò lethales erant.

II. Quicumque circa novilunium aut plenilunium (4.) peste corripiebantur, ii maxime de vita periclitabantur.

III. Pestis quæ invadebat post ingentem iram, vel terrorem, vel venerationem fortio-rem, multo gravior periculum minabatur, quam quæ absque his præcurforibus corripiebat.

IV. Magna virium prostratio in morbi principio, ut & crebra animi deliquia, ac cordis palpitationes, periculosa, imò plerumque lethalia signa erant.

V. Pulsus sanorum pulsui fere similis, fallax & periculosus, intermittens (5.) verò semper lethalis erat.

VI. Sopores (6.) à principio morbi grave periculum indicabant.

VII. Sternutationes (7.) crebræ mortis præcones erant.

VIII. Motus tremuli (8.) manuum & linguæ funesti erant.

IX. Delirium (9.) semper grave periculum, at convulsivis partium motibus, & nervorum levibus contractionibus, membrorumque quasi subsultibus junctum, certam mortem prædicebat.

X. Dolor in gutture (10.) qui sine ullo tumore, sine aphthis, orisve siccitate, aliave aliqua manifesta causa, aderat, ut & raucedo, imminens exitum certò prænunciabant.

XI. Narium hæmorrhagia (11.) die decretorio incidens, valde periculosa, non decretorio, lethalis erat.

XII. Lingua in principio morbi nigrescens, malum: sed humida & naturalis coloris apparens, bonum erat indicium.

XIII. Anhelitus valde foetens (12.) quasi carniū putrescentium foetorem olens, plurimis infelix signum erat.

XIV. Pleuritides (13.) quæ durante hac pestilente constitutione invadebant, semper lethales erant, sive præcederent, sive statim sequerentur pestis invasionem.

XV. Tussicula, spirandi difficultas, sputum cruentum (14.) dolor punctorius in pectore, hepate, liene, renibus, utero, aut vesica, hæc omnia calamitosa erant.

XVI. Singultum (15.) semper mors citò sequebatur.

XVII. Vomitus erat molestissimus, multosque ad mortem usque commitabatur, multis etiam tempestivo alexipharmacorum subsidio feliciter sistebatur.

XVIII. Suppressio alvi (16.) in morbi principio & augmento, imò usque ad vigoris declinationem, laudabilis erat, & spem salutis dabat.

XIX. Alvi fluxus (17.) summum minabatur periculum, & cum hoc vix centesimus æger evadebat.

XX. Cruentæ dejectiones (18.) mortem antecedeabant.

XXI. Cum urinis (19.) sanorum urinis similibus multi, præter expectationem, subito moriebantur, idque non raro sine gravibus, ut videbatur, symptomatibus.

XXII. Urinæ turbidæ (20.) malæ quidem erant, sed cum his tamen nonnulli adhuc evadebant.

XXIII. Urinæ pingues, oleaginosæ, nigricantes, livescences, vel hypostasin lividam nigramve deponentes, fere semper exitiosæ erant.

XXIV. Qui per urinarias vias sanguinem (21.) excernebant, sive solum, sive urinæ permixtum, illi omnes brevi moriebantur.

XXV. Menstruorum fluxus pesti superveniens, etiam die critico erumpens,

pens, valde periculosus, & plurimis exitiosus erat: die verò non critico certissimè occidebat.

XXVI. Mulieri gravidæ, puerperæ, vel abortienti (22.) si peste corriperetur (quod plerisque contingebat) magnum periculum imminebat, & tales plerumque moriebantur.

XXVII. Si fonticuli, quos ad præservationem multi in brachiis aut cruribus habebant, in morbi principio exarescerent, certæ mortis indicium erant.

XXVIII. Tumores in emunctoriis (23.) laudabiles erant, & quo citius prodibant, tanto meliores.

XXIX. Si tumores illi sine febre (24.) vel ante febrem prodirent, citæ sanationis & salutis magnam spem dabant. Contra verò si post febre, imprimis majorem, prodirent.

XXX. Si tamen prædicti tumores, imprimis qui in faucibus & pone aures protuberabant, spatio duodecim vel viginti horarum valde increverent, & molles essent (25.) instar tumoris flatulenti, sive cum, sive absque inflammatione, semper lethales erant, & quamvis ægri cum talibus tumoribus se aliquamdiu non admodum malè habere viderentur, omnes tamen moriebantur.

XXXI. Contra, si illi tumores in principio duri essent, instar tendinis duri, rigidi, & oblongi, atque paulatim increverent, cum tolerabili dolore, bonum erat, præcipuè si accrescendo duritiem illam aliquamdiu fervarent.

XXXII. At si duri illi bubones circulum quendam (26.) diversi coloris, instar iridis, haberent, malum erat indicium, ac perniciem prænuñciabat, ut & si rubicundi, lividi, aut nigri fierent.

XXXIII. Tumores in emunctoriis manente febre subito evanescerent (27.) sæpissimè mortem prænuñciabant.

XXXIV. Si illi tumores cito ad suppurationem pervenirent, immutatum periculum significabant. Si verò cessante febre (28.) paulatim sine ulla suppuratione evanescerent, nihil quoque metuendum erat.

XXXV. Si in emunctoriis loco tumorum (29.) emergerent carbunculi, gravissimum periculum indicabatur.

XXXVI. Anthracæ, vel à morbi principio, vel paulo post in locis carnosissimis apparentes, erant laudabiles. At si in pedum vel manuum digitis (30.) prodirent, pessimi ominis erant, ut & illi qui supra spinam dorsum conspiciebantur.

XXXVII. Si carbunculi tardius prodirent, malum: si valde multi (31.) erumperent, pessimum erat.

XXXVIII. Carbunculi si intra duos tresve dies circulo rubeo comprehen-

prehenderentur, citius & facilius sanabantur. Si verò, instar sphaceli, quotidie latius proferperent (32.) magnamque latitudinem acquirerent, difficilis curationis erant, imò sæpe pessimi ominis, præcipue si supra dorsi spinam, vel in parte aliqua nervosa subsisterent.

XXXIX. Carbunculus in principio subsidens, recurrens, ac fere disparens, vel postea manente febre exarescens, calamitatem prædicebat.

XL. Maculæ purpureæ, nigræ, virescentes, violaceæ (33.) quocumque tempore apparentes, semper lethales erant. Cum rubris nonnulli evadabant, etsi paucissimi.

## A N N O T A T I O N E S.

I. **P** Estem Medicos gravissimè deludere, docet quotidiana experientia; ac proinde in hoc morbo divinissima Medicinæ pars *Prognosis* admodum incerta est, quæ maxima incertitudo Ioanni Morello, de febr. pest. cap. 5. hæc verba extorsit: *Vnde sit*, inquit, *ut in peste fallat nos sensus, fallat ratio, fallant Hippocratis aphorismi*, & ipse, ut puto, in his falleretur Hippocrates. Ob hanc incertitudinem etiam sic dicit Liddellius, lib. 3. de febr. cap. 4: *Nullus morbus ex se magis perniciosus est, aut in quo signis omnia magis infida sunt, & motus magis incerti inconstantesque: sæpe enim signis bonis apparentibus in urina, pulsu, aliisque, præter expectationem acri subitò moriuntur*. In eundem sensum etiam eleganter ita scribit Raimundus Mindererus, de peste cap. II: *Quia morbus pestifer suâ naturâ insidius existit, ideo fida de se mortis ac salutis signa non perhibet. Vnde apparentibus aliisquæ indicis salubribus (quæ tamen omnia in hoc morbo suspecta sunt) agros interdum perire deprehendimus, & quos morbus inducitur sævissimorum accidentium turbâ, jugulare velle videbatur, vitalis virtus, quasi clam suberfugiens, hostiles persæpe manus evasit. Quapropter bene monet Guainerius, ut in peste nequaquam signis, quamvis bonis, fidamus, etsi pessimis signis absentibus: Nam quamvis neque febrilis ardor, neque sitis, anxietas, aliæ gravia*

symptomata, ut neque urinæ vel pulsus indicia ullum periculum portendere videantur, tamen omnia tuta timenda sunt: sæpe enim horror, nausea, levis capitis dolor, aliudve exiguum symptoma, ægris non valde molestum, pestilentiam lethalem antecedit vel comitatur.

II. Fallacia crismus inde procedebat, quod pestilens venenum nulla naturæ coctione mitigari, neque etiam per vias humorum purificationi dicatas satis commodè evacuari posset. Hæc causa fuit quod alvi fluxus criticus, nec non uteri vel narium hæmorrhagia, nunquam laudabiles essent; nam rarissimè spontè cessabant, sed medica arte semper sisti debebant, & multoties sisti non poterant, propterea quod natura per has inventas jamque apertas vias totum venenum expellere nitebatur, atque hinc cum plurimi boni humores effluerent, & malignitas corpori ac cordi altius inhærens hoc modo multum immui non posset, vires brevi deficiebant, citiusque ad mortem, quam veneni totalem expulsionem perveniebant ægri. Etiam copiosè spontanei sudores, à quibus maximum levamen expectabatur, valde incerti erant, nam etsi morbum aliquando feliciter solverent, multoties tamen in principio aliquam remissionem adferre videbantur,

tur, post quam longè gravius recrudescere malum. Causa erat, partim quod natura inceptum per hanc viam expulsiōnis opus, vel propter agrorum externos errores, vel propter summam debilitatem, plerumque absolvere non posset, sed in medio opere impediretur vel deficeret: partim quod illi sudores multoties symptomati essent.

III. Periculosa, infida, imò lethales sunt sextæ diei crises, non in sola peste, verum etiam in aliis morbis acutis; quapropter Medici hunc diem appellant *Tyrannum*, cujus tyrannidem Galenus, lib. 1. de diebus decret. cap. 4. his verbis expressit: *Multos hic dies in syncope de repente coniecit, aut immodico sanguinis profluvio extinxit, aut immoderatis vacuationibus, vel etiam casochæ, aut mania multavit: alios verò in manifestam perniciem coniecit, iterum invadens, parotides suspectus, rubras quippe & vertiginosas excitans, & ad hæc marasmus insensibilibus irruens, & quod demum malis genus dies ille non inferi?* Idem illud de hoc die variis locis testatur Hippocrates, in conc. pranot. Quibus sexta die rigores fiunt, agri judicantur. Sudores sexta die manantes, pessimi. Iterum sexta die lethalis, &c. Exempla etiam scribit in libris epidemiorum. Ita ut multorum sæculorum experientia confirmet, sextæ diei crises ægros semper ad exitum præcipitare, aut saltem in maximum vitæ discrimen deducere. Speciatim autem de peste hanc observationem scribit Brassavola, in com. ad 2. aphor. Hipp. 24. Nos, inquit, sexcentis anno 1528, experientia vidimus in epidemia morbo, omnes fere sexta die obiisse; & in pestilentibus morbis ut plurimum agri sexto die intereant. Propter hæc Galenus hunc diem tyrannum vocat; quoniam si non interficiat, quando judicat saltem, male judicat: quippe tyrannus si non interficit, saltem bona furtim, vulnerat, percutit. Ita sextus dies, vel perniciè illius, quem judicandum ac-

cepit, gaudet, vel salute dolet, quærisque ubi animum exolat, & male agrum trahet, tuum longa punitio exerceat.

IV. De novilunio & plenilunio antea dictum, cap. 5. in textu, & annot. 1.

V. Galenus dicit pulsum intermittentem in juvenibus semper esse lethalem, & se plurimos senes ac pueros cum tali pulsu liberatos vidisse, juvenem verò nullum. Contra Galenum testatur Riverius, se in febris malignis observasse, juvenes non paucos, qui pulsum intermittentem per multos dies habuissent, evasisse. Idem se observasse, exemplo demonstrat Wierus, lib. Observat. Medic. Contra hos ego testor, me in tota hac peste neminem, siue juvenem, siue senem, siue puerum, siue virum, siue mulierem vidisse, qui cum pulsu intermittente evaserit, sed omnes, quotquot talem pulsum habebant, brevi temporis spatio obiisse. De pulsu mutati causis videndum supra, cap. 7. annot. 9.

VI. Soporè indicio erant, præter cor, etiam cerebrum graviter impugnari & labefactari: his autem duobus vitæ fulcris vacillantibus, naturam facile succumbere, necesse est. Sic etiam Dodonæus, Prax. lib. 1. cap. 18. refert anno 1602, in magna peste omnes fere occubuisse, quibus cum sopore morbus invadebat. Quod ipsum in peste sui temporis quoque contigisse, scribit Mindererus.

VII. Riverius, de febr. pest. dicit, se observasse, licet alia sæva symptomata periculum portenderent, sternutamenta tamen spem solutionis attulisse. Contra verò Cardanus, lib. 5. Aphor. Hipp. meminit pestilentia, in qua cum brevi spatio sæpius sternutassent ægri, statim mortui concidebant. Sic nos quoque in hac peste cum crebris sternutationibus neminem evasisse vidimus. Ratio erat, quia sternuta-

menta producebantur à venenata labe cerebri membranis tenaciter affixa, sicut singultus in ventriculo à veneno ventriculi tunicis firmiter adhaerente, easque vellicante. Itaque Riverii experientia hac in parte non est intelligenda de vera peste, sed potius de aliis febribus malignis, in quibus sternutationes à pravorum & acrium humorum aut vaporum vellicatione excitati, naturæ & facultatis animalis robur denotant, validamque molesti vellicantis humoris excussione ostendunt.

VIII. Hi motus maximam arguunt cerebri læsionem, spirituum animalium paucitatem, & nervorum ac virium imbecillitatem, atque ostendunt naturam à morbo jam evinci; quapropter etiam ab Hippocrate, *I. Prognost.* damnantur.

IX. Delirium gravem cerebri affictionem, & convulsi motus ipsius, & principii nervorum pessimam læsionem indicabant.

X. Hoc mortis instantis præsagium adeo certum & infallibile erat, ut cum huiusmodi gutturi dolore vel raucedine nullum evasisse viderim, & sæpe ægri iis infestati ambulantes & loquentes moriebantur. Videtur etiam Hippocrates simile quid observasse in acutis, nam *I. prorrh.* *II.* inquit: *In acutis morbis faucium sine tumore dolores, & pusilli, & strangulantes, perniciosi.*

XI. Quare narium hæmorrhagiam periculosa esset, jam diximus *annot.* 2. Huic nostræ observationi ob stare videntur historię eorum qui pestem anni 1568. describunt: testantur enim tunc temporis febres pestilentes, fluente à nariibus sanguine copiosissimo, eoque fere florido, maxima ex parte fuisse judicatas, & quamvis ad lipothymiam usque profueret, fere omnes tamen, quibus hæc crisis accidebat, fuisse sanatos. Quænam causa

tantæ contrarietatis? Plurimi crediderunt hanc operationis diversitatem inde dependere, quod venenum pestilens sit diversissimæ conditionis: & sic Platerus, *tract.* 2. *prax. cap.* 2. dicit, *venenum pestilens ejusdem naturæ minimè esse, sed diversa; verum quidam, inquit, in veneno latens illius varietatis causa sit, atque unde proficiatur, ut & in cæteris venenis, describi minimè potest.* Verum pestilentis veneni non satis exacta cognitio, & rudis operationum ejus inspectio, hæcenus in causa fuerunt, quod plurimi illud venenum diversum esse judicaverint, cum tamen semper sit uniusmodi, seu ejusdem naturæ ac conditionis, differens tantum intensiōis & remissionis gradu, & diversitas quarundam operationum procedat à diversitate tempestatum, locorum, victus, temperamentorum corporum, exhalationum, &c. Fortasse anno 1568, venenum pestilens in minimo intensiōis gradu, & propter certas tempestates corporumque dispositiones, internæ putredines ac fervores in summo gradu viguerunt, quorum ratione gravissimæ ac malignæ, & naturæ magis, quam illud exiguum pestilens venenum, infestæ febres productæ sunt, quæ ratione sui per copiosam narium hæmorrhagiam judicatæ fuerunt, à quarum onere levata natura, exiguum illud pestilens venenum facilius evicit & expulit. Interim quod maximum periculum præfagiant hæmorrhagiæ quæcunque, ipsi vulgo innotuit, quod hæmorrhagias videns, mox desperat de ægro, dicens illum laborare peste sanguinolenta. Illud ipsum periculum etiam in sua praxi observavit Mindererus, qui de *pest. cap.* *II.* sic inquit: *Mors videtur esse vicina iis, qui inveniunt morbo sanguinem à nariibus, utero, aut ore profundum.* Sic mulieres peste correptas, quibus menses extra statum tempus fluere, prognosticis fere linquendas

*quendas conspiciunt. Hemorrhagiam autem marium quinta die passos, obisse notavit Heurnius. Re vera, quicumque tandem sit sanguinis fluxus, in peste mihi semper suspectus est habitus, de quo tamen aliis in morbis sapa gratulari licuit: hic enim sanguis non sine magna virium internecione promanat.*

XII. Sic quoque scribit Avicenna: *Plurimi ex istis, quorum anhelitus facies, ex primis moriuntur. Et Fracastorius, de morb. contag. lib. 2. Quorum anhelitus præter solitum immodicè (inquit) facies, omnes moriuntur.*

XIII. Pleuritides propterea lethales erant, quia quæ post invasionem pestis fiebant, generabantur à carbunculo in membrana pleura & musculis mesopleuriis excitato, quod malum in interiore thorace erat prorsus insanabile. Quæ verò ante pestem invadebant, illis statim adjucebatur pestis, ac proinde lethales evadebant; partim, quia acutum morbum alteri acuto adungi, exitiosum, propter citissimam maximamque virium prostrationem: partim propter contraria indicantia & medendi difficultatem, cum venæ sectio, in qua pleuritidis curatio potissimum consistit, ratione pestis maximè lethalis sit, ut latius docebimus lib. 3. cap. 3. annot. 1. & cap. 13. annot. 1. & lib. 4. histor. 4. 28. 53. 71. 107. 113.

XIV. Omnia hæc lethalia erant, quia generabantur à carbunculis in visceribus internis excitatis. Inter cætera sputum cruentum magis commune erat, & semper præceps exitium prænunciabat. Sic etiam Guido de Chauliaco, 2. doct. apost. cap. 5. observavit in maxima peste anni 1348, omnes illos qui sanguinem spuebant, intra triduum mortuos fuisse.

XV. Singultum morbis acutis supervenientem, lethalem esse, docet Hippocrates, probat experientia. Quare autem in peste lethalis sit, liquet ex

eius causa, suprà cap. 13. enarrata, quo loco etiam vomitus causa describitur.

XVI. Suppressionem alvi in tota hac peste nulli ægro noxiàm fuisse observavimus. Indicabatur, partim tantum naturæ robur quod venenum pestilens fortiter à centro ad peripheriam moveret: partim tam exiguum veneni quantitatem, vel debilem qualitatem, quæ humores confundere, colligare, & per inconvenientes vias expellere non posset. Præterea etiam laudabilem corporis constitutionem, ad graves humorum putredines minimè proclivem, significabat.

XVII. Alvi fluxus in hac peste nunquam sponte subsistebat, imò etiam medicamentis, summà diligentia adhibitis, rarius sisti poterat. Sic quoque refert Hippocrates, 3. epidem. in pestilenti illa constitutione plurimos alvi fluxu & dysenteria fuisse sublatos. Sic & Galenus scribit, in peste illa longissima, quæ ipsius ætate sævit, omnes prope periisse quibus alvi fluxus superveniebat. Illud ipsum quoque à plurimis neotericis observatum fuit. Quapropter minimè audiendi sunt illi, qui in pestis curatione minus exercitati, contra experientiam, dicunt, fluxum alvi in peste, si die critico incidat, laudabilem esse, nec medicamentis sisti debere: ignorantes in peste hunc fluxum semper esse symptomaticum, & nunquam criticum aut salutarem: qua de re plura dicentur lib. 3. cap. 11.

XVIII. Quare cruentæ dejectiones exitiales essent, liquet ex annotatione secunda.

XIX. Quæ ex urinis sumebantur prognostica, pleraque incertissima & valde fallacia erant, neque enim color, neque consistentia, neque hypostasis, aut sedimentum, aliaque innatantia corpuscula quidquam certi prædicebant,

bant, cum lethalissimis urinæ signis plurimi evadabant, cum saluberrimis moriebantur innumeri. Ita ut rectè Galenus dicat, *lib. 3. de prasug. ex puls. ex urina in hujusmodi febribus, præsertim ubi corpus cordis occupaverint, firmam notitiam petere, semper non licere.* Hic unum adhuc vulgi experimentum adiciam ex Foresto, qui *lib. 6. observat. 13. in scholio*, dicit aliquos hoc experimentum pro signo verissimo habere: *projiciunt, inquit, lac mulieris lactantis mixtum in urinam pestiferi: si cadit ad fundum, morietur, ut ajunt, in sex aut septem diebus: si non, citò evadat.*

XX. Hippocrates, *3. epidem. cap. 3.* idem quoque prognosticum observavit, inquit enim, *Urina turbida multa, mala.* Non dicit illas esse lethales, sed malas & periculosas, utpote cum quibus multi, licet non omnes, moriantur.

XXI. Sola sanguinis mictio certissimum instantis mortis signum erat: ratio petenda ex annotatione 2. ut & ratio prognostici vigesimi quinti.

XXII. Mulieres gravidæ quia magnam humorum impurorum copiam coacervabant; parturientes verò & abortientes, quia magnam mutationem & alterationem subibant, ac summopere debilitabantur, pesti non tantum maxime obnoxie erant, sed eidem etiam minime resistere poterant, hacque de causa plurimæ moriebantur, secundum dictum Hippocratis, *3. aphor. 31. Mulierem gravidam morbo quopiam acuto corripit, lethale.* Forestus in peste Delphensi illud ipsum quoque observavit: *Feminae, inquit, quadam magis afficiebantur, & præsertim illa ex famineo sexu, qua uterum gerebant, tum ob mensium obstructionem, tum ex frequentis pro se & sexu anhelitu; & hæc variis evadabant.* Hinc etiam Liddellius, *lib. 3. de febr. cap. 5.* scribit gravidis nihil consultius esse, quam tempore pe-

stilentii statim locum mutare, quia valida remedia præservativa non ferunt, cæterisque facilius inquinantur & moriuntur.

XXXIII. Tumores citò prodeuntes indicabant robur naturæ, quæ magna vi adversus venenum pestilentis insurgebat, idque foras propellebat.

XXXIV. Ante febrem prodentes tumores indicium erant, à victrice natura venenum citius foras expelli, quam humorum putredo intus generari possit, eamque, si fortè sequeretur & febrem produceret; levem & non valde periculosam futuram. Post gravioverò febrem emergentes tumores significabant cor dupliciter impugnari, & à veneno, & à gravi humorum putredine, atque tam ab illius virulento furore, quam ab hujus infesto ardore vehementer affligi, & his duobus magnis hostibus resistere vix par esse posse: quapropter multi tales tumores funestos esse scripserunt: verum nos illis potius valde periculosos esse dicimus; nam etsi cum illis plurimi in nostra peste mortui fuerint, multos tamen cum iisdem evasisse vidimus.

XXXV. Hoc infelix prognosticum, de tumoribus subitò in magnam molem excrecentibus, in hac peste fuit infallibile & certissimum. Quod ipsum quoque observasse videtur Paræus, qui *lib. 21. cap. 30. de bubone* sic inquit: *Lethale est tumoris repente augeri, & sumente velut impetu ad debiliam magnitudinem pervenisse, summaque omnia doloris, tumoris, & ardoris symptomata subitò & momento habuisse. Vix sunt nunquam bubones colore nativæ cuti similes, cætera tumoris ædematosi amuli, qui tamen mox agrum ad exitum præcipitant, eorum more qui lividi & asri existunt.*

XXXVI. In bubonibus diversi coloris circulus maximi veneni index est, quod non tantum tumorem, verum etiam



etiam mortificationem parti infert, & ad vicinas partes ulterius proferpit.

XXVII. Hujus, ut & 39. prognostici ratio est, quod subsidentia bubonis aut carbunculi, quæ sit manente febre & morbi vehementia, significat veneni pestilentis ad partes principes recursum, & cordis defectum robur, quod jam à maligna pernecie nimis obrutum, incipit succumbere, neque amplius intestinum hostem è suis penetalibus expellere potest.

XXVIII. Tumores post febrem evanescentes, venenum vel edomitum, vel penitus extinctum ac evictum, vel foras ejectum & dissipatum indicabant.

XXIX. Rationem prognostici 35. pete ex annotatione 26. ut & ex præcedentis capitis annotatione 3. Idem prognosticum etiam annotasse videtur Ioannes Morellus, nam *lib. de febr. pest. cap. 5.* scribit, se observasse illos, quibus circa fauces effloruit carbo, cito morte fuisse peremptos: periculosum quoque esse carbunculum qui sit in in-guine.

XXX. Docent Medici, carbunculos, quo longius à corde erumpunt, eo minus esse periculosos. Nos tamen è contra in hac peste, experientià edocti, frequentissimè observavimus, carbunculos in manuum vel pedum digitis, præcipuè in extremis eorum articulis emergentes, semper mali ominis fuisse, & cum hujusmodi carbunculis paucissimos evasisse: nam licet sæpe ægri cum illis adhuc per sex septemve dies super-viverent; tandem tamen moriebantur. In talibus carbunculis etiam periculum aliquod animadvertisse videtur Actuarius, qui *Method. Medic. lib. 2. cap. 12.* sic inquit: *Qui carbunculi carni tantum insident, brevis spatium circumscribuntur: qui verò in membranis aut nervis nascuntur, longo tempore durant, & subiecta loca in afflictio-*

*nis consensum protrahunt, adeo ut inflammatio, quæ erysipelatis naturam sapis, in iis exciteatur. Quod ipsum quoque confirmat Paulus Ægineta, lib. 4. cap. 25.*

XXXI. Galenus, 3. *epidem. com. 12.* pestiferum carbunculum vocat perniciosissimum, quia nihil salutiferi secum fert, & pestilentis veneni index est: ergo quanto major carbunculo-rum est numerus, eo plus & fortius venenum intus latere, ac gravius periculum impendere, significatur. Quapropter minimè audiendus est Mercurialis, qui, *lib. de pest. cap. 18. & 29.* scribit, carbunculos, quo plures sunt & latiores, eo magis salutem promittere. Quam opinionem cum illo multi alii Medici (fortè in peste majores Theorici, quam Practici) confirmant, propterea quod solum expultrici facultatis robur intueantur, de causæ verò summa magnitudine parum solliciti sint, quæ tamen illud magnum robur facile dejicere potest. Plures autem carbunculos paucioribus esse periculosiores, in hac peste millies vidimus: neque id à nobis tantum, verum ab aliis quoque Medicis, diu ante nos, notatum fuisse legimus: inter novissimos, se illud etiam observasse testantur Daniel Sennertus, Morellus, Lazarus Riverius, alique plures.

XXXII. Carbunculos latæ magnitudinis metuendos ac periculosos esse, docet ratio: nam, instar sphaceli, mortificationem in vicinas partes magis magisque extendunt, ita ut neque nervis, neque majoribus vasis, aliisve profundioribus partibus parcant. Hinc bene Paræus, *lib. 21. cap. 33.* inquit: *Ab ejusmodi abscessibus, magnitudine vastis, & adpectu horridis, mori vel toti animanti, vel certæ parti imminet. Sic quoque scribit Ioannes Morellus: Omnis carbunculus magna molis & magnitudinis horrendæ pertimescendus, cum præsertim serpsit ad sub-*

*jectas partes depascitur, velut nos aliquando in faucibus vidimus, qui ad asperam arteriam usque, & in epigastrio, qui ad peritoneum rodendo pervaserant.*

XXXIII. Multi magni nominis Medici has maculas, quocunque tempore prodeuntes, & præcipuè die decretorio apparentes, scribunt esse salutiferas, inde seducti, vel quod earum causam & originem (de qua latius egimus capite præcedente, in textu, & annotatione 7.) non satis cognoverint, & ipsum venenum pestilens per has maculas evacuari putaverint: vel quod sola inani speculatione ducti, gravi stylo multa de peste scribant, cum nihil de ea viderint, nec quidquam de ejus historia curiose ad veritatem examinaverint. Quantumvis enim eorum rationes hujusmodi criticam evacuationem probare videantur, necesse tamen est, ut experientiæ, contrarium docenti, hac in parte cedant: neque interest quam acutè & doctè de hujus criseos bonitate disputent, si subrepens mors pendente litis decisionem faciat. Nos semper observavimus exanthematum eruptionem symptomaticam, nunquam verò criticam esse, & semper naturam succumbentem indicare, multorum quoque spirituum vitalium interectionem seu extinctionem, nunquam verò naturæ victoriam significare. Neque aliter se res habere potest: nam in laudabili crisi expellitur materia morbifica, vel tota, vel ex parte, hic verò illa intus remanet, & ejicitur istius materiæ productum, nempe arteriosi sanguinis ab illa extincti & corrupti pars, (sicut interdum in hydropè dejecit

serosæ saburræ pars, manente interim hepatis obstructione, debilitate, aliave hydropsis causa) ad hæc, post laudabilem crisin sequitur levamen & sanatio, hic verò majus gravamen, & plerumque mors. Quapropter simul ac in hac peste exanthematum eruptionem animadvertebamus, omnem vitæ spem abjiciebamus, ægrisque omnia quæ petebant tunc ad lubitum dari concedebamur: quamvis enim per diem unum aut alterum (quod tamen rarum erat, nam plurimi post exanthematum eruptionem intra horas octo, duodecim, vel viginti, moriebantur) & sæpe quidem sine gravibus, ut videbatur, symptomatis, vitam protraherent, tandem tamen inopinanter exstinguebantur. Dico, *inopinanter*, quia multos vidi adeo fortes, qui loquentes & ambulantes, ac nihil minus quam mortem expectantes, præter spem & opinionem subito conciderunt. Neque exanthematum multitudo (quam multi, tanquam salutarem laudandam censent) neque paucitas, majorem vel minorem sanationis spem dabat: nam plures maculæ majorem quidem veneni violentiam & quantitatem, majusque spirituum vitalium damnum indicabant, causam verò morbi nihil imminuebant: æque cum paucis & parvis, quam cum innumeris majoribus per totum corpus copiosissime erumpentibus moriebantur ægri: atque in tota hac truculentissima peste, unum solum cum exanthematibus purpureis copiosis evasisse vidimus, cujus historiam raritatis gratia libro quarto annotavimus.

## LIBER SECVNDVS.

## De Præservatione à Peste.

CAP. I. *De Præservatione in genere.*

**S**I in ullis aliis morbis, certè in Pestilentia diligens Medici officium requiritur: quod duplex est, Corpora sana præservare, & ægrota curare. Hinc duplex emergit remedium, Vnum προφυλακτικόν, alterum θεραπευτικόν: illud sanitatem tuetur, ac imminensem morbum avertit: hoc præsentem morbum curat. Cum verò præstantius & optabilius, imò tutius sit, futurum morbum arcere, quam jam factum expellere; sicut tutius & melius est prævenire domûs incendium, quam ejusdem igne jam flagrantis incendium extinguere: propterea, imprimis in Peste, illa Medicinæ pars, quæ de Præservatione agit, alteri, nempe Curativæ, tanquam nobilior præferenda est, de qua etiam nos hoc secundo libro sermonem instituire decrevimus. Prophylaxis autem, seu præservatio in duobus præcipuè consistit, nempe in remotione causæ agentis, & in præmunitione corporum adversus illam causam. His indicationibus maximè tribus modis satisficit, Spirituali, Politico, & Naturali: atque hinc triplex resultat prophylaxis, Theologica, Politica, & Medica, de quibus singulis jam ordine dicturi sumus.

CAP. II. *De Prophylaxi Theologica.*

**C**VM pestis sit morbus à summo Deo ad mortalium punitionem cœlitus immissus, (ut satis probavimus *lib. 1. cap. 8. annot. 1.*) difficulter ejusdem advenientis invasio averti vel impediri, & invadentis perniciæ graviter reprimi potest, quia in divinis morbis humana auxilia plerumque silent, imò nihil profunt, nisi per Divini favoris radios ad optatum actum promoveantur. Quapropter in hoc naturæ defectu altiora remedia ab ipso remediorum Creatore petenda sunt. Cum enim in plagis divinitus immisiss summi Dei Iustitiam pari passu comitetur immensa atque imperferutabilis ejus Misericordia, ab illo summo Medico primum auxilium petendum; neque amplius obdurandus animus, neque etiam in extremæ desperationis barathrum abjiciendus, sed verè contritus, poenitens, ac humiliatus, ante summi irati Numinis pedes devolvendus,

duſ, & devotis precibus, (1.) jejuniis ac eleemoſynis juſtiſſima ejus ira placanda eſt, ut hoc modo imminens à plagis exitium, per immenſam ejus miſericordiam, ſiſti & averti poſſit: Hic eſt ille Deus qui ſacrificiis & holocauſtis non delectatur; cui ſpiritus contribulatus ſacrificium eſt; qui cor contritum & humiliatum non deſpicit; qui non vult mortem peccatoris, ſed ut convertatur & vivat; qui debilibus ipſemet auxilium offert, dum inquit: *Venite ad me omnes qui laboratis & onerati eſtis, ego reficiam vos.* Quapropter in peſtilenti conſtitutione ad hunc miſericordiæ fontem ante omnia confugiendum eſt, utpote in cujus ſolius poteſtate, ut peſtilentem plagam immittere, ſic eandem rursus auferre, conſiſtit; utpote ſine cujus auxilio fruſtra laborant omnes Medici. Itaque tam publicè (2.) quam privatim ſupplices orationes, pœnitentia ſuſpiria, ac devota jejunia unanimiter Deo offerenda ſunt, ut iis, tanquam dulci holocauſto furor ejus extingui, ac in miſericordiam tranſmutari, & quemadmodum à Ninive interitus, ſic ab afflicta regione Angeli percutientis gladius averti (3.) poſſit.

## A N N O T A T I O N E S.

I. Q Vantum ad afflictiones pœnaſque divinas (inter quas Peſtis primarium locum obtinet) cervicibus noſtris imminentes, declinandas; valeant orationes de contrito ac pœnitenti corde prodeuntes; nemini ignotum eſſe arbitramur. Quapropter D. Bernhardus dicit, *piam & ex fide proſectam orationem eſſe ſalutare in omnibus adverſis remedium, clavem Paradifi, ſcutum deſenſionis, in calamitatum aſtu refrigerium, in morbis pharvacum, gladium contra diabolum, murum contra infortunium.* Devotas preces ad morborum quoque ſanationem prodeſſe, docet Jacobus Apoſtolus, *Epift. cap. 5. v. 15. Oratio fidei, inquit, ſervabit agrotum, & Dominus alleviabit ipſum.* Idem illud quoque docet Eccleſiaſticus, *cap. 38, verſ. 9: Fili in tua infirmitate ne deſpicias teſmetipſum, ſed ora Dominum, & ipſe curabit te.* Onni verò tempore plagarum; atque etiam peſtis, ſupplices ad Deum ſuſas orationes exaudiri, liquet ex 2 Paralipom. cap. 6. ubi Sacra Pagina

hoc modo loquitur: *Si fames orta fuerit in terra, & peſtilentia, aer corruptus, & ariditas, & locuſta, & bruchus, & hoſtes vaſtatis regionibus portas obſederint civitatis, omniſque plaga & infirmitas proſſerit, ſi quis de populo tuo Iſraël fuerit deprecatus, cognoscens plagam & infirmitatem ſuam, & extenderit manus ſuas in domo hęc (nempe Templo) Tu exaudies de cælo, de ſublimi ſcilicet habitaculo tuo, & propitiaberis. Ad hæc, Ieremia cap. 3. ipſemet Deus promittit ſe pœnitentes ac conſitentes peccatores exauditurum. Revertere, inquit, Iſraël, & non faciam cadere iram meam ſuper vos, quia ſanctus ego ſum, & in perpetuum non irāſcor, ſolum agnoſce iniquitatem tuam. Horum Sacræ ſcripturæ locorum veritatem ipſa experientia comprobavit in Rege David, 4 Regum cap. 24. qui cum ſe coram Deo humiliſſet, & peccata ſua confeſſus eſſet, ac pœnitentiam egiſſet, ceſſavit peſtilens plaga. Item in Ezechia Rege, apud Iſaiam cap. 34. & 4 Regum cap. 20. qui ſimilitur lachrymis & precibus ad Deum proſuſiſ,*

fis, à pestilenti morbo & jam annuntiata morte liberatus fuit. Hinc est quod Savorola, animadvertens, quam necesse sit ut homo reconcilietur Deo, non male sic dicat: *Vi corpora munda præserveduntur, fac ut anima tua primo mundetur, & sic Deus misericors te ab ipsa peste præservedabit.* Sic etiam Iacobus Horstius, eodem fere sensu sic inquit, in consilio de peste: *Pestilentia in peccatorum infinitorum à nobis commissorum vindictam, tanquam hostis vita & natura insensibilis, à Deo immittitur: ad cuius ablationem non tam ad ordinaria Medicinæ principia, quam piacula, devotas preces, & veram cordis penitentiam Deo summo licendam, confugiendum est.* Has orationum vires in peste etiam Gentilibus ignotas non fuisse, apparet ex Avicenna, qui, 4. Method. cap. 1. inquit: *Ob has causas prosunt hominibus orationes & sacrificia.* Et alibi dicit: *Ira Dei reconciliatur sanctis ac devotis precibus.*

II. Tempore pestis non tantum olim, sed etiam hodie apud Christianos, laudabili instituto, publicæ supplicationes & jejunationes indici consueverunt, quarum non semel maximi effectus fuere. Sic testantur Historici quondam Marfilix deploratissimam pestem solis orationibus & jejuniiis extinctam fuisse: idemque etiam Romæ, tempore Gregorii Papæ, contigisse; ut & Papæ, referente Paulo Diacono, lib. 6. de bello Longobard. cap. 3. nec non apud Bulgaros, teste Georgio Cedreno, in suis Hist. Eundem morem ipsi quoque gentilibus familiarem fuisse, legimus apud Titum Livium, 11. hist. ubi scribit de peste quæ tunc sævit: *Supplicatio per omnia pulvinaria indicta per diem unum, & Coeli, edixerunt ut per totam Italiam triduum supplicatio & ferria essent.* Sic in pestilentia quæ proxime sequenti anno secuta est, inquit: *Decemviri supplicationem in biduum, valetudinis causa, in Urbe, & per omnia fora conti-*

*liabulaque edixerunt; majores duodecim annis omnes coronati & lauream manu tenentes supplicaverunt.* Idem, lib. 41. de alia peste inquit: *Consul Apollini, Æsculapio, Saluti, dona vocit, & dedit signa inaurata.* Ita L. Eburio, & P. Servilio Cossi. in gravissima peste etiam publicè summa devotione ad Deos concursum fuit: *Supplicatum est, inquit, in omnibus templis, matres passim stratas crinibus templa verrebant, caelestium irarum veniam pacemque poscentes.*

III. Quæritur, anne tempore pestis etiam confugere liceat ad Magicas & diabolicas artes; cum testentur Historici, violentissimas pestes his artibus non semel sedatas & extinctas fuisse. Sic refert Diodorus Siculus quendam Aristum immolatis victimis ardores Syrii mitigasse, & adductis thessis Græciam à peste liberasse. Etiam scribit Suidas, Iachen Ægyptium carminibus, non solum variorum morborum curationem feliciter peregerisse, sed Ægyptum etiam à maxima peste liberasse. Refert quoque Paulus Iovius, Hist. 21. (cujus historix etiam meminuit Gilbertus Cognatus, lib. 8.) tempore Adriani Sexti, Pontificis, furiosissimam pestem, Romam miserè affligentem, tandem extinctam fuisse præstigiis & carminibus Demetrii Spartani, qui ferum taurum, verbis nonnullis in aurem insufluratis, mansuetum reddidit, & postea immolavit, atque sic ab illa inanis sacrificii litatione miterescere cæpit morbus. Nos dicimus artes diabolicas à Christianorum ecclesia ad inferorum domicilia ablegandas, neque unquam à vero Deo ad condemnatorum diabolorum opem confugiendum esse, imò ne credendum quidem pestes aliasve plagas, per diaboli propriam voluntatem ac potestatem vel inferri, vel auferri posse, sicut lib. 1. cap. 8. annot. 1. problem. 3. fusius demonstravimus.

C A P. I I I. *De Prophylaxi Politica.*

**P**rophylaxis Politica consistit in officio Magistratuum (1.) quorum munus est publica auctoritate impedire ne pestilens contagium intra urbes recipiatur, (2.) & curare, ut vel cælitus immissum, vel aliunde cum fomite allatum, non multum disseminetur, sed citissime extingatur. Ut hæc bene peragantur, præmissis primo supplicationibus publicis (de quibus præcedente capite dictum) amovendæ sunt omnes occasiones, quibus aër vitiari, contagium propagari, & corpora ad pestem disponi possunt. In eum finem diligenter caveant necesse est, ne promiscuè omnes advenæ & peregrini, (3.) è suspectis præcipuè locis venientes, admittantur: ne etiam vestes, suppellectilia (4.) aliave antiqua, vel etiam lanea, lineæ, gossypina, ac similia mercimonia, ex iisdem locis delata, intra urbes recipiantur. Deinde oportet, ut sub gravi pœna edicto publico prohibeant, ne quispiam incolarum, ulas sordes vel fæces, multò minus excrementa (5.) ægrotorum, stramina in quibus ægri vel mortui decubuerunt, aquam saponatam (6.) in qua sordida linteamina lota sunt, canum aliarumque mortuarum bestiarum (7.) cadavera, stercorea (8.) quælibet, bestiarum mactatarum sordes, aliavæ quascunque res putridas ac fæcentes, in vias publicas ejiciat: omnium verò maximè impediunt ne ullæ putridæ, foetentes, aliove modo inquinatæ sordes in puteos aquaticos (9.) publicos injiciantur. Ad hæc ne sani promiscuè cum infectis conversentur: ne ex infectis ædibus exeuntes, aut eas inhabitantes, unquam in publicum prodeant absque bacillo (10.) albo, aliove signo, quo ab aliis distingui & internosci possint. Ne suppellectilia quælibet, ex ædibus infectis delata, intra anni spatium (11.) publicè vendantur, vel ad alias, nondum infectas, ædes deportentur. Ne mortuorum cadavera ultra biduum (12.) afferantur. Præterea oportet ut, pro sua auctoritate, publicè jubeant, ut omnes & singuli ante suas ædes quotidie diligenter expurgent plateas, compita, vicos, & aquarum compitalium ductus: ut cloacæ, (13.) publica fimeta, aliavæ loca vulgi sordibus colligendis dicata, per certos homines isti operi destinatos & assuetos, sæpius expurgentur: ut ædes infectæ occludantur, (14.) & aliquo signo foris præfixo notentur, sicque alii ab earum ingressu arceantur: ut pauperum ægroti ad nosocomia, (15.) solis pestiferis excipiendis destinata, quam primum deferantur. Ad hæc consultum est, aquis stagnantibus, (16.) si quæ in urbibus fuerint, flumina vel rivulos currentes (dummodo id fieri possit) immittere, ut per continuum fluxum à putredine præservari possint: vel  
 si hoc

si hoc fieri nequeat, easdem exsiccare, & terra replere : si neque hoc, tunc excrementorum, cadaverum animalium aliarumque sordium injectionem strictissime vetare. Requiritur etiam, ut Magistratus certos viros constituent, qui diligentem rationem habeant publicæ venditionis annonæ (17.) & prohibeant ne frumenta quæ situm contraxerunt, aliove modo corrupta sunt, ne carnes, volatilia, pisces, ova, aliaque similia, morboſa, corrupta, vel putrida, ac malè olentia vendantur : ne in macello, aut apud laniones macentur boves, oves, porci, aliæve bestię ægrotantes : ne fructus horarii facile corruptibiles & pravi succi seu nutrimenti (quales sunt cucumeres, pruna, melones, persica mala, alique similes) ad forum deferantur. Item ut alios constituent viros, qui pauperum (18.) rationem habeant, atque illis res necessarias è publico ærario suppeditent, & diligentem ædium, linteamentorum, vestium, aliarumque rerum domesticarum quotidianam expurgationem strictè injungant. Denique necesse est, ut encænias, nundinas, comediarum spectacula, aliosque majores publicos conventus (19.) inhibeant. Maximè etiam requiritur ut aliquos boni nominis doctos ac peritos Theologos, Medicos, & Chirurgos eligant (20.) qui ægrorum pestiferorum diligentem curam habeant ; utque hi alacrius magisque intrepidi periculotissimum hoc munus (21.) obeant, liberali & annuo stipendio ex ærario publico dotandi sunt. Non minus etiam requiritur, ut multos honestos viros, (22.) de quorum vitæ probitate constet, nec non aptas ac fidas mulieres sub publico juramento constituent, qui ægrotis ubique inserviant ; & si ab his aliquid improbitatis, furti, homicidii, aliuvse sceleris signum peractum intellexerint, ut statim severissimè tales puniant, aliique exemplo constituent.

## A N N O T A T I O N E S.

I. EX prædictis illis, durante hac peste, Noviomagi paucissimæ tantum leges conformatae & publicatae sunt, neque adhuc postea earundem exacta aliquaratio habita fuit : quia Magistratus Noviomagensis eo tempore gravibus bellorum turbis & hostium vicinia tantopere intricatus, & ut inde se aliquòmodo expediret, adeo occupatus erat, ut intestini mali, scilicet Pestis, non nisi minorem curam habere posset. Hac de causa in morbi principio contagii semina longè lateque

disseminata fuerunt, ita ut intra paucos menses veneni pestilentis furor totam civitatem occuparet, cui certè bonis legibus, tempestivè institutis, multum obviam iri posuisset.

II. Solet semper in omni peste, si initia periculi contemnuntur, & contagii propagatio citissimè non impediatur, postea vix ullo consilio succurri posse. Quapropter necesse est, ut in ipso principio strictis legibus obviam eatur illis erroribus quibus tanto hosti liberior introitus præbetur, ut vix locum ali-

aliquem ingressus, antequam ibi firmam sedem figat, rursus ejiciatur, nam

*Agrus ejicitur, quā non admittitur hospes.*

III. Multoties docuit experientia, peregrinos ex infectis locis venientes, sæpe contagium pestilens, vestibus aliisve suis rebus inhærens, ad alias urbes & regiones detulisse, iisque hoc pacto pestilentem labem communicasse. Ab hac causa refert Mercurialis pestem Venetam sui temporis initium sumpsisse: qualia exempla plura enarrantur à Ioanne Ewichio, *lib. 1. de offic. Magistrat. cap. 10.* Ab hac occasione etiam anno 1663. initium sumpsit pestis Amsterodamensis, propterea quod navem unam aut alteram ex Algeria & Smyrna (quibus in locis, & tota Græcia, pestis crudeliter grassabatur) admitterent, & peregrinos inde venientes nimis imprudenter intra urbem reciperent, quorum multi peste correpti primò hospitia sua infecerunt, ab hisque malum ulterius per urbem disseminatum fuit. A multi-juga hujus rei experientia prodiit ille ordo, in Italia, Gallia, Hispania, multisque Germaniæ locis familiaris, nempe, ut neminem, licet sanum, ex infectis locis venientem, intra alias urbes recipiant, nisi post quadragesimum ab exitu è tali loco diem; certissimum judicantes, eum qui per quadraginta dies continuos extra locum infectum sanus vixerit, nullo contagio infectum esse: qui ordo nobis quondam in itinere Gallico haud parum molestus fuit, ac interdum ille mendacia extorsit, ut iis mediantibus alicubi hospitio excipi possemus; nam adeo ab hujusmodi peregrinis abhorrebant passim homines, ut eorum neminem intra ædes suas admittere vellent. In multis quoque locis omnia commercia ad infecta loca omnino prohibentur, & merces ex infectis locis allatæ non admittuntur.

IV. Testatur Fracastorius, *lib. 2. de morb. contag. cap. 7.* Anno 1511. cum Germani Veronam tenerent, exorta peste, qua hominum fere decem milia periere, ex una veste pellicea non pauciores quam quinque & viginti Teutones obiisse; uno defuncto, alius induebat eam vestem, donec monestæ ex tot defunctis, vestem combussere. Contagii enim fomes imprimis vestibus, ut & lanceis, lineis, aliisque similibus supellecilibus ac mercibus diu inhæreere solet, nec quidquam est per quod magis communiter disseminetur, & ad alia loca deferatur, non tantum ad propinquas ædes vel civitates, verum etiam ad longissimè distitas urbes & regiones, cujus rei exempla extant apud Appianum Alexandrinum, *lib. de bello Illyrico*, Fracastorium, *lib. 2. de morb. contag. cap. 7.* Mercurialem de peste *cap. 1.* Alexandrum Benedictum, de peste *cap. 3.* Ewichium, loco proxime citato. Trincavellam, *lib. 3. Consil. 17.* Forestum, *lib. 6. Observat. 22. in scholio.* Erasmus Hedenum, in *orat. de contag.* aliosque plures.

V. Sordes & fæces putidæ factore suo aërem inquinant: excrementa vero ægrorum, cum sint contagiosa, facile quoslibet transeuntes inficiunt: sic quoque stramina quibus incubuerant ægri & mortui, non semel aliis contagium intulisse, observavimus.

VI. Hoc pestis tempore animadvertimus factorem illum qui excitabatur ab aqua saponata, in qua sordida lintamina lavabantur vel lota erant, & ægris, & sanis maximè noxium fuisse. Illud enim notatu dignum sæpissime observavimus, nempe in illis ædibus in quibus nulla adhuc pestis erat, si lintamina sordida aqua & sapone nostrate (ut in Belgio moris est) illic lavantur, eo ipso die, vel interdum postridie duos tresve simul peste correptos fuisse,



se, ipsique ægri testabantur fœtorem aquæ saponatæ illis primam & maximam alterationem intulisse. Hoc ipsum quoque in meo ipsius hospitio infelix experientia docuit, in quo post lota linteamina statim gravem alterationem perceperunt plerique domestici, & proximè sequenti nocte tres peste correptæ, ac brevi post mortuæ fuere, nempe hospitis mei filia, ancilla, & alia lotrix forinsecus advocata, quæ etiam omnes conquerebantur mali principium ipsis ab aquæ saponatæ nauseabundo fœtore inductum fuisse. Quin imo interdum integras familias post sordidorum linteaminum lotionem peste infectas fuisse vidimus, idque maximè in ædibus angustioribus, in quarum omnia cubacula distæ calentis aquæ fœtidus vapor facile penetrabat. Ego ipsemet, si aliquas ædes intrarem ubi sordida linteamina lavabantur, statim sentiebam me ab aquæ saponatæ fœtore ad nauseam & vomitum proritari, cum tamen extra pestem hujusmodi fœtor me planè non afficiat. Hinc tandem per multijugam experientiam Noviomagi factum est, ut plurimi hunc fœtorem non minus, imò magis, quam ædes infectas fugerent; & multi quoque melioris fortunæ cives, aliorum periculis prudentiores redditi, sordida sua linteamina passim foris lavari curarent, à lotricibus isti operi ac fœtori assuetis. Quemadmodum autem saponis fœtor sanis nocebat, ita quoque ægris multum oberat: idque sæpissimè animadvertimus in delicatioribus, aliisque qui sordida linteamina fastidirent; cum enim post sudores indusia vel alia linteamina renovarent, & cum mundis mutarent (licet iis optimè calefactis) semper quatuor aut sex horis post multo pejus se habebant; anxietates, vomitum, febres majores, capitis dolores, aliaque incommoda plura incurrebant;

eaque omnia maximè oriebantur à saponis fœtore, quem lota, quamvis optime sicca, linteamina plus minus retinent. Non autem hæc mala producebantur à frigore (ut quispiam existimare posset) in hac linteaminum mutatione corpus facillime subeunte, & poros cutis occultente, nam usus contrarium docebat; quia si ægris induerentur talia indusia quæ ab alio quopiam sano homine prius per tres quatuorve dies gestata fuerant, quorum saponis fœtor jam à sani corporis calore discussus erat, tunc illa nullum nocumentum inferebant, quod aliqui per illud ipsum frigus tunc fieri debuisset. Hanc ob causam ego in meis ægris renovationem seu mutationem indusiorum ante diem septimum, vel in aliquibus ante decimumquartum (pro morbi & ægri conditione, sordiumque copia) non desiderabam, atque tunc adhuc semisordida, ab aliis sanis per aliquot dies gestata ipsis indui curabam, & immunditiem munditiæ in hoc casu præferebam, cum hanc graviter nocere, illam verò prodesse, nec ullum unquam incommodum ab indusiorum sudorifero fœtore sequi, observarem. Linteaminum renovationes tantopere nocuerunt ægris, ut etiam imperitum vulgus, tristibus plurimorum exemplis edoctum, has cane pejus & angue fugeret, & urgente aliqua necessitate, non alia quam semisordida indusia ab aliis sanis per aliquot dies prægestata induere veller. Huic nostræ observationi unanimiter obstitunt omnes Medici, quæ hactenus de Peste scripserunt; nec quemquam invenias qui non suadeat, post copiosos sudores indusia aliaque linteamina sudore madentia (quibus malignitatem aliquam per sudores expulsum inhærere arbitrantur) abjicere, aliaque nitida induere, quorum opinioni ego ipsemet etiam antehac sub-

P

scripsi,

scripti, & si solam speculationem sequeretur, adhuc fortè subscribere, nisi me fere nolentem quasi vi, ab illa discedere coëgerit multiplex experientia.

VII. Inveniuntur nonnulli qui putridos & corruptos foetores cadaverum animalium, aliarumque similiarum rerum putrescentium, pro amuleto esse credunt, eodem modo sicut aliquando unum venenum alterius veneni vim infringit. Atque ea ratione ducti suadent feles, canes, aliaque inutilia animalia trucidare, & in vias publicas projicere, ut ibi putrescant, & aërem terribilissimis foetoribus impleant: quo modo olim Medicum quendam à peste Scythiam liberasse ajunt (quod illius Medici experimentum etiam Alexander Benedictus, lib. de febr. pest. cap. 6. ex relatione cujusdam mercatoris referre & confirmare non erubescit;) suadent etiam quotidie foetidissimarum cloacarum aut latrinarum terribilissimum nidorem olfacere. Hoc modo dicunt naturam citra vitæ periculum adversus pestilentis aëris malignitatem ita confirmari, ut postea eandem planè negligat. Opinionem hanc confirmant exemplis vespillonum, qui ægrotis continuè inservientes, pestilenti malignitati assuescunt, ita ut ægrotorum foetores & excrementa contagiosa innoxie trahant & ferant: præterea exemplis cerdonum, coriariorum, eorumque sordidorum hominum qui latrinas & cloacas expurgant, quos malignis foetoribus assuescunt, rarius peste infestari tradunt. Verùm non sunt audiendi hujus foetidae opinionis patroni, cum putridos foetores semper febres pestilentes inducere, & corpora ad pestilentem malignitatem facile suscipiendam disponere, ac per consequens pestem semper multum augere, experientia doceat. Testes sunt Diodorus Siculus lib. 14. Ioannes Cuspinianus, in vita

Henrici I. Imp. & in vita Ludovici II. Imp. Julius Alexandrinus, de bello Punico lib. 6. Forestus, lib. 6. Observat. 9. in scholio. Michaël Saxo, 2. part. Chronic. Casar. Patrus de peste cap. 3. alique plures, cum Medici, tum Historici, imprimis illi qui diuturniores urbium obsidiones describunt, qui omnes plurimis exemplis putridorum foetorum noxas annotarunt. Ad probationem dictæ opinionis nihil etiam confert exemplum Scythiæ, utpote quod pro falso & incredibili habendum est, cum planè non constet quo tempore, & à quo Medico pestis tali modo fugata fuerit: & quamvis istius historici meminerit præclarus Medicus Alexander Benedictus (nemo enim alius, quod scio, istius meminit, nisi ex Alexandro Benedicto citati) hoc tamen nihil ad rem facit, nam & ille deceptus fuisse potuit, nimis facile fidem præbens rumor, qui sine auctore in ore solius populi vagatur, quem ipse Alexander etiam non ex sese, tanquam de re sibi visa, sed tantummodo ex cujusdam mercatoris (quorum multi factis splendide mentiri norunt) relatu describit. Malè etiam per exemplum vespillonum docere nituntur, naturam citra vitæ periculum putridis malignis foetoribus assuescere, & consuetudine illa adversus pestilentem malignitatem muniri posse: nam in principio pestilentis constitutionis, etiam plurimi moriuntur vespillones, nec quidquam illis prodest foetorum consuetudo: illi verò soli superstitēs manent, omnesque venenosos pestilentes halitus innoxie ferunt, quorum occulta temperamenti proprietas veneno pestilenti resistit, atque hi postea tuti omnibus pestiferis inserviunt. Hinc fit quod in peste principio plurimi vespillones moriantur, illi scilicet qui illam occultam temperamenti qualitatem non habent: & quod postea in progressu pestis pauciores ves-

spil-

spillones moriantur, quia vix alii superfunt quam illi qui occultam istam dispositionis proprietatem pesti contrariam habent. Sic quoque cerdones, coriarii, alique ejus generis homines, à peste non magis immunes sunt quam alii, imò eà gravius plerumque affliguntur: refert enim Palmarius, cum pestis invadit eam urbis Parisiorum partem in qua sordidi illi mechanici habitant, illam nusquam gravius scire. Itaque explodendum est foetidum illud pro putidis putridisque foetoribus allatum patrocinium. Gravibus & insuavis potius, quam suaveolentibus, odoribus se assuefacere, etiam nos laudamus, (ut docemus sequenti cap. 5.) sed minime putridis ac corruptis.

VIII. Sennertus præcipit ut viæ publicæ imprimis mundentur à stercore suillo & anserino, quia illud foetore suo spiritibus & cerebro insensissimum esse, ac præ cæteris ad contagium propagandum multum facere, dicit. Sic quoque Vntzerus porcorum imprimis stercora abominatur: *Magistratus*, inquit, *officium eris, sedulo cavere ne in urbibus cives ac incolæ prope aedes suas, aut saltem in interiore earum parte, huras aut suilia erigant aut construant, in illisque porcos magno numero alant ac saginent, cum hæc nihil perniciosius civitati, præsertim tempore grassantis pestis, possit contingere, propagata per eam tanquam fomite aptissimo, contagione virulenta, & ad plures celerissime translata.*

IX. Puteorum publicorum imprimis diligens ratio habenda est, præcipue in illis civitatibus in quibus, sicut Noviomagi, ad omnes necessarios usus puteali aqua, tanquam clarissima & optima, semper utuntur. Nihil enim est quod pestilens seminarium magis disseminare potest, quam hujusmodi puteorum publicorum infectio. Non semel malignorum, ac scelerato-

rum hominum perfidiâ, qui carbunculos à cadaveribus extractos, pus & saniem ex ægrotorum abscessibus effluentem, ac spumam ab agonizantium ore pendulam, in puteos projecerant, pestes citissime propagatas, multumque aggravatas fuisse, legimus; cujus memorabile exemplum refert Ewichius, *de offic. Magistrat. lib. 1. cap. 20.* de Germaniæ quadam urbe, in qua vespillones rabo ac maligna purulenta materia ex apostematibus pestiferis effluente puteos infecerant, sicque multos, qui aquis istis utebantur, infecerant, & interemerant. Neque id mirum, cum enim omnes incolæ ad ciborum coctiones, lotiones, & alios usus illa aqua intrepidè utantur, absque ullius mali suspicione, quomodo potest non disseminari contagium? Nos Noviomagi in puteum illum qui est in Magna platea, una quadam nocte plures quam quadraginta glires (procul dubio peste, aut saltem veneno enecatos) à nebulonibus injectos fuisse, novimus, & postridie profundissimum istum puteum hanc ob causam summa cum molestia semel atque iterum penitus evacuatum & expurgatum fuisse, vidimus.

X. Periculosa est conversatio cum iis qui inter infectos versantur, præcipue cum vespillonibus, aliisque qui illis perpetuo inserviunt; ac propterea eorum consortium fugiendum est, quia ut plurimum in vestibis suis circumferunt contagium, ipsis quidem, propter certam dispositionis proprietatem, plerumque innoxium, aliis verò damnosissimum. Ac propterea strictè jubendum est, ne tales in publicum prodeant, nisi aliquod signum gestantes, quo ab aliis cognosci, eorumque consortium evitari possit. Hac in parte adeo curiosi seu exacti sunt Itali, ut etiam publico edicto prohibeant con-

versationem cum iis Sacerdotibus, Medicis & Chirurgis, qui ad curationem ægrorum pestiferorum destinati sunt.

XI. Maximo errore Noviomagi permissum fuit, supellectilia ex infectis ædibus delata mox publicè divendere. Multoties una die ad sepulturam delatis mortuis, postridie, vel intra paucos dies publica auctione vendebantur lecti ab ægrorum excrementis graviter adhuc fortentes, tegmina, vestes, omnesque aliz res domesticæ nondum purgatæ: qui error quantum fecerit ad contagii propagationem, innumera docuere exempla, ut inter alia illud cuiusdam rusticæ Bataviensis, quæ cum in tali auctione lecti tegmen emisset, idque domum veniens suo ipsius lecto imposuisset, prima nocte unà cum marito peste infecta, & postea mortua fuit: item aliud exemplum militis cuiusdam nobis noti, habitantis in ultimo angiporstu prope portam Hesiæ, qui cum in simili auctione pro siliolo suo vestimentum parvo pretio emisset, filiolum & vestem, & peste simul vestivit, quæ labe ad ipsum, uxorem, & reliquos liberos transcendens, omnes enecavit. Magistratus Noviomagensis cum Phrygibus serò sapiens tandem, postquam intestinus hostis jam firmissimas radices egisset, prohibuit huiusmodi supellectilium venditiones solummodo per tres menses: profectò longè præstulisset in ipso mali principio, illas potius per tres annos prohibuisse.

XII. De cadaveribus peste extinctorum, sint ne contagiosa nec ne, & an magis vel minus contagiosa existant, quam pestiferorum viventium corpora, controversatur apud Medicos. Fracastorius, lib. 1. de contag. cap. 12. inquit: *Mortuum autem animal contagem quam non servat, qua tenebatur vivens, quo-*

*niam seminaria contagionis una cum calore innata, extincta sunt.* Sic etiam Rondeletius scribit, corpora mortuorum nulum amplius venenum conjunctum habere, mortuoque animali, perire omne venenum; idque probat ab experientia, dicens se aliquando multis spectantibus absque ullo damno corpus peste extinctum in Theatro Anatomico disseccuisse. Hanc opinionem probat etiam Iordanus, dicitque illud fieri, quia magnus venenatus halitus, aliorum calori nativo infestissimus, exhalat è corpore vivente, qui è corpore mortuo nullus exit, utpote in quo venenum illud, una cum calore, evanescit & emoritur. Cum Iordano consentit Gregorius Horstius, lib. de morb. caus. exercit. 5. quest. 14. Contra vero Zacutus Lusitanus, multique alii clarissimi viri, multo majus contagium metuendum esse à cadavere peste extincto, quam à corpore vivo peste infecto: idque loubertus; lib. 7. de pest. cap. 3. dicit fieri, quia extincto calore nativo (qui alioqui in viventibus veneni ferociam reprimere solet) universum corpus à veneno occupatur, quod tunc non tantum multo ferocius, quam antea, dominatur, verum etiam ab insequente putredine multum augetur & exasperatur. Hanc sententiam confirmare videtur historia Diodori Siculi, qui, lib. 14. refert, ob multitudinem cadaverum infepultorum, pestem Atheniensem maxima incrementa sumpsisse. Sic quoque Zacutus Lusitanus, lib. 3. Præx. admir. observ. 42. dicit se vidisse plures, corpus peste emortuum ex agro, ubi jacebat, per funes super tabulas deportantes, qui omnes unius diei spatio peste correpti occubuerunt. Nos ad controversiæ hujus decisionem dicimus, cadaveris tempus distinguendum esse in tres partes. 1. Cum cadaver peste extinctum primis horis adhuc caler. 2. Cum cadaver

cadaver tam diu mortuum fuit, ut planè refrigeratum fit. 3. Cum cadaver tam diu extinctum jacuit, ut jam putredinem contrahere incipiat. In primo tempore cadaver magis contagiosum est, quam corpus vivens peste infectum: *primo*, quia venenum pestilens in illo cadavere adhuc ferociter dominatur, ut docent bubones & exanthemata, quæ nonnullis dum moriuntur, aliis statim post mortem erumpunt: *secundo*, quia veneni violentia à calore nativo amplius non coërcetur: *tertio*, quia halitus illi qui è morbofo vivente corpore prodeunt, cum tenues sint & à magno calore propulsi, eodemque comitati, facile dispelluntur, nec aliis multum adhærent, atque minorem malignitatem sibi conjunctam habent: contra verò halitus qui è cadavere adhuc calente exeunt, ab exiguo calore propulsi, non attenuantur, nec satis discutiantur, sed prope cadaver hærent, magnamque simul junctam malignitatem in se continent, & propter deficientem calorem in crassati, ac viscositate quadam præditi, facillime aliis corporibus adhærent, eaque inficiunt. Eodem modo hic processus fit sicut in lampade ardente, cujus vapores quousque à loculenta flamma dispelluntur & attenuantur, minimè molesti sunt, at extinctâ flammâ illi vapores magno calore privantur, & exudat ab elychnio adhuc calente crassus, tetricus ac viscosus vapor omnibus facile adhærens, maximeque insensus. In secundo tempore cadaver multo minus contagiosum est quam corpus morbosum vivens, quia ob frigiditatem & extinctionem caloris nativi pori sunt adstricti & oclusi, humores & spiritus amplius non agitantur, nullæ vel paucissimæ sunt expirationes, & veneni intus latitantis actio (quæ à calore & motu antea excitabatur) languida ac

torpida reddita est. In tertio tempore cadaver rursus multo magis contagiosum evadit, quam corpus morbosum vivens, quia tunc quod antea languidum latebat venenum, vi caloris externi non solummodo in actum rursus promovetur, verum etiam ab insequente putredine multum exasperatur. Hinc fit quod iis in locis, ubi peste mortuorum cadavera diu insepulta manent & putrescant, pestis brevi tempore multum increseat, ut patet ex Diodori Siculi citata historîa. Hac consideratione ducti omnes præclarissimi Medici, qui de Peste præcavenda scripserunt, unanimi consensu statuunt, peste interemptorum cadavera citò terræ esse mandanda, (nempe antequam putrescere incipiant) & quidem in sepulchris altius effossis, atque, si fieri possit, longius extra urbes in locis solitariis, soli peste mortuorum sepulcræ dicatis, ne fortè ulli adhuc vapores vel halitus è cadaveribus illis sursum extra terram efferantur & aliis noceant; quemadmodum illud Noviomagi in hac peste non semel factum fuisse novimus, ubi in ipso Templo majore, ob sepulchra nimis multis cadaveribus repleta, & pauca terra negligenter contexta, cadaverum pessimus fœtor exspirans non uni exitiosum contagium intulit. Quapropter non sine ratione dicebat Zoar, antiquissimus Medicus, pessimum esse tempore pestis habitare in locis mortuorum monumentis propinquis. Porro, quantum ad illud quod Fracastorius, Rondeletius & Iordanus credunt, venenum pestilens in cadaveribus, planè mortuum esse, atque illa omni contagione carere, quia multi innoxie cum iis conversantur, eaque contraſtant; dicimus, non tantum cum pestiferis cadaveribus, sed etiam cum ægrotantibus vivis multos tutò conversari, non

quod ægri aut cadavera contagiosa non sint, sed quod illi, qui cum iis tūdō converſantur, non habeant aptam diſpoſitionem ad recipiendam peſtem. Ad hæc ſi veſtis, aliaque ſupellex poſſit eſſe fomes veneni peſtilentis, quanto magis cadaver illo veneno occiſum & occupatum? Præterea, quid mirum, venenum peſtilens in cadavere permanere, & mortuo animali non penitus extingui, cum etiam alia venena contagioſa in corporibus mortuis diu integris viribus latuiſſe viſa ſint? Sic ex Io. Baubino refert Sennertus, ruſticum quendam ſuam rabidam occiſam minus alte in terra deſodiſſe, quam cum tempore hyberno vulpes olfecifſent, erutamque voraſſent, non tantum illas in rabiem actas fuiſſe, ſed eandem etiam aliis pecoribus & hominibus morſu communicaviſſe. Si rabidum venenum tanto tempore in cadavere latere potuerit, quare non æque venenum peſtilens? quod non minus quam alia venena diu in corpore latere poſſe, docet clariſſime Iulius Alexandrinus, qui refert duos veneficos conjuratos Patavii inter tormenta confeſſos fuiſſe, ſe, cum peſte extinctorum cadaverum elixatorum jure, oſtiorum repagula, manubria, limina, & poſtes illeviſſe, atque ita quoſlibet tranſeuntes & attingentes contagio infeſciſſe, ac peſtem incredibiliter propagaſſe. Idem quoque docet hiſtoria Nicolai Poli, in ſuo *Hemerol. Sileſ.* qua refert, anno 1606, Franckeſteinii Sileſiæ veſpillones quoldam veneficos captos, inter tormenta confeſſos fuiſſe, ſe veneficio ultra duo hominum millia occidiſſe; quod veneficium ex cadaveribus peſte interemptorum parabatur, quibus capita amputabant, & bubones ac carbunculos abſcindebant, præterea è monumentis carnoſas imprimis ſeu muſculoſas cadaverum putrefactorum, ac

in tabum jam diſſluentium partes ſumebant, atque ex his omnibus pulveres & unguenta ſua venefica conſciebant. Eodem modo è cadaveribus peſte extinctis, & elixatis maleficis anno 1555, unguenta contagioſa & peſtifera concinnaſſe, teſtatur Hercules Saxonia, *lib. de plūca, cap. 12.* & Fallopius, *de bubone peſt. cap. 13.* Si in illis cadaveribus venenum peſtilens planè emortuum fuiſſet, etiam malefica illa unguenta non fuiſſent contagioſa. Profectò agens cum ob caloris privationem, aliudve incidens impedimentum, ab actione ceſſat, omnino interire, dicendum non eſt. Concludimus ergo, cadavera peſtiferorum eſſe contagioſa, idque magis vel minus pro dictorum temporum diverſitate. Quod contagioſa ſint, hoc ipſa bruta animalia ab experientia & naturali inſtinctu novērunt: nam refert Thucydides, animalia carnivora in peſte Athenienſi cadavera peſtifera non attingiſſe, & ſi illa guſtaſſent, ſtatim mortua fuiſſe. Quod ipſum quoque teſtatur Titus Livius, *Decad. 5. lib. 1.*

XIII. Fœtidiffimam platearum, cloacarum, & ſterquiliniorum illuviem ad multorum morborum, & imprimis malignarum februm inductiōem, ac peſtiferi contagii propagationem plurimum facere, docet experientia, ſicut de Pariſiorum urbe teſtatur Palmarius, *lib. de peſt.* & Quercetanus, in *diſſert. lib. 2. cap. 3.* de urbe Tholoſana. Quapropter omnium maximè in peſtilenti conſtitutione annitendum eſt, ut viæ publicæ ab omni ſordium & excrementorum illuvie diligentiffimè munden- tur, & impediatur ne ullæ fœtidæ ſordes in illas ruſus projiciantur, ſecundum legem Pampinii I. C. *Ædiles non permittant, neque in plateas ſtercora aut ſordes projici, neque cadavera, neque cerdones pellium ſordes abſtergere.*

XIV. Si

XIV. Si veteres Hebræi prohibuerint conversationem in illis cubiculis, ubi mulieres menstruæ depurabantur, propterea quod timerent sanguinem menstruatam corruptum aliis contagio aliquam noxam illaturum; quanto magis periculosa & contagiosa debet censeri frequentatio illarum ædium in quibus aliqui peste laborant, vel ab eadem extincti sunt? Hinc est quod in Gallia, Italia, aliisque multis regionibus, non tantum ægros peste infectos statim longius extra urbes deferri, eorumque ædes occludi, ac sigillo publico obsignari curent; verum etiam non rarè istarum platearum, in quibus multe ædes infectæ sunt, transitum objectis muris impediunt. Verum etsi nostrates tanta morbi & mortis formidine non teneantur, ut in pestilentia integras plateas occludant, & charitatis Christianæ immemores, multos ægros, & simul sanos, in iis habitantes, solorum sceleratorum & quorundam inhumanißimorum vespillonum tyrannidi, ad exemplum Italorum & Gallorum, exponant, eosque ab omni honestorum hominum ac amicorum subsidio secludant; tamen illud cum maxima Reipublicæ utilitate fieri posse, existimandum est, ut Magistratus ædes infectas occludi, & signo præpositò notari, atque in iis, si officinæ fuerint, omnem venditionem prohiberi, & extraneos ab illis diligenter arceri & averti curent. Verum hic fortè quispiam mihi objiciet; cum alios ab infectis locis arceri velim, quare ego ipsemet, durante tota hac peste, quaslibet infectas ædes adierim, & ægros pestiferos tam liberaliter inviserim? Respondendo, licet morbi hujus malignitas præsens exitium minaretur, tamen minime Christianum, sed planè inhumanum ac crudele fuisset, proximos omni spe & ope destitutos deferere: qua-

propter cum meæ essent partes, hoc imprimis tempore, proximorum necessitatibus succurrere, nolui huic meo officio deesse, sed in summo Deo confidens, (etsi nullo pretio aut præmio publico, nulla lege, nullo Magistratus jussu ad munus illud devinctus essem) promiscuè omnes, pauperes æque atque divites, sine ulla tergiversatione in-visi, iisque consilia & auxilia mea libentissimè communicavi, idque non temere sordidi lucri gratia, sed piè proximorum commiserationis ergo: atque ea de causa non minus vigilanter inserviebam pauperibus gratis, quam divitibus mercede, quam ab his etiam non majorem petii in peste, quam aliis temporibus solvi solet, imò sæpe minorem. Quis scit an non summus Deus, qui omnium corda & renes perscrutatur, & cui hæc mea pia intentio cognita fuit, me propter illam miraculose ab omni pestilenti contagione immunem servaverit? Nam non tantum Noviomagi, verum etiam in aliis plurimis civitatibus, multi Medici sordido lucro toti inhiantes, peste extincti sunt, alii ingratis, alii dissolutis quibusdam hæredibus morte adeptum lucrum relinquentes.

XV. Noviomagi in eo quoque graviter erratum fuit, quod pauperum ægri à sanis non fuerint statim separati, quæ res plurimum ad contagii propagationem fecit; partim quia pauperes angustis domibus inclusi, non poterant ægros in diversa cubacula deferre, & sic à sanis domesticis sejungere: partim quia etiam defectu linteamentorum aliarumque rerum necessariarum, non poterant ægrorum & ædiu impuritates satis debito modo expurgare, atque ita propter sordium, vaporum, exhalationum, & fetidorum excrementorum communionem, unico infecto facillimè ac citissimè reliqui omnes.

gos, prudentes, doctos, atque in praxi dudum versatos Medicos, & peritos Chirurgos, quorum opera tempore necessitatis ad omnium pestiferorum visitationem & curam publicè uti possint. Ut illis stipendii & exiguis sumptibus parcant, publicum commodum negligunt; volentes potius ingruente peste totum ægrorum negotium committere ignaris quibuscumque, ac sæpe non satis bonæ famæ, semitheologis (quos ægrorum consolatores appellant) & sciolis agyrtis, medicaltris, ac pseudochirurgis, (quos in genere pestis magistros nominant) quam ad publicæ salutis & sanitatis curam annuis stipendiis doctos atque peritos viros obligare. Hinc fit quod hujus gravissimi morbi (in quo Medici summa ac cita prudentia atque peritia opus est) curatio plerumque demandetur ineptissimis ac stolidissimis quibuscumque pseudochirurgis & bardis, seu potius ex licentia homicidis, quibus tunc temporis publica auctoritate ægrorum impune necandorum licentia conceditur, & quorum temeraria ignorantia innumeri pereunt, qui à prudentibus Medicis servari potuissent: cujus rei etiam nos in hac peste à tribus quatuorve talibus ignaris asinis (à Magistratu ad id munus imprudenter deputatis, & liberali stipendio donatis) multa perpetrata exempla vidimus. Neque id mirum. nam cum sint Medicina prorsus ignari, nec morbum, nec curationis modum, nec medicamentorum vires noverunt; atque hinc fit quod æque facile venenum quam alexiterium porrigant, & quos corroborare oportet, detractò sanguine labefactent, quos propinato antidoto convenit erigere, dato catartico dissolvant. Propterea dico expertos atque peritos viros extra pestem esse eligendos & obligandos, quia in ipsa peste aliorum ve-

stigia quemlibet terrent, & à tantò munere abhorre faciant, ita ut tunc difficulter quis doctum aliquem Medicum practicum inveniat, qui tam gravi & periculoso oneri se subjicere velit. Dico etiam illos non exiguo, sed liberali annuo stipendio dotandos esse, non minus extra pestem, quam in peste: quia Medici & Chirurgi docti ac periti cum satis habeant quod agant, ægerimè periculosissimam hanc provinciam suscipiant, ac proinde talibus continuis nummorum illecebris ad hanc publicam utilitatem illiciendi sunt, ne forte stipendii exiguitatem contemptui habentes, aliquando tantæ servitutis jugum è cervicibus suis excutiant. Pauci inveniuntur Medici, qui non lucri, sed pietatis ergo, ægrotos pestiferos omnes intrepide invadunt, sicut ego libentissimè & sponte, à nemine incitatus feci; quod meum factum Senatus Noviomagenis haud iniquis oculis aspexit, sed adeo inhumanus fuit, ut finita peste, non tantum nullis donis (sicut aliarum civitatum Magistratus Medicos suos, qui in peste aliquam operam præstiterunt, luculentis & honorificis donis cumulare ac exornare solent in gratiarum actionem) me præstito meo officio donaverit, sed ne quidem ullis verbis mihi unquam aliquas minimas gratias agere dignatus sit.

X X I. Dico, *periculosissimum*, quia multoties

*in ipsos seque medentes*

*Irumpit clades, obstant; auctoribus artes.*

X X I I. Tempore pestis maximus quoque error in pterisque urbibus in committitur, quod Magistratus publica auctoritate non eligat & constituat certos notæ fidei homines, qui ægrotis ubique inserviant, sed illud munus à quibuscumque obiri permittat. Hæc enim causa est quod multæ pessimæ formæ ac sceleratissimi vespillones

pes.



nes se ubique in civium ædes, sub pii auxilii prætextu, egregiè insinuent, non tam ut ægrotis interserviant, quam ut eorum loculos spolient, & quælibet pretiosiora suppellectilia furentur: quod ut commodius peragant, non raro spumam de primi agonizantis ore pendulam clanculum cibis immiscent, quibus reliquos domesticos sanos omnes inficiunt, insectos verò ægrotantes ac debiles pulvinaribus faciei impositis suffocant, atque tunc pro libitu araria, cistas, scrinia aperiunt, & nullo prohibente quidlibet furantur: sicut plurima tristissima exempla illud passim testantur, quorum (proh dolor) nimia copia invenitur apud Medicinæ & Historiarum Scriptores, atque etiam nostro tempore pluries videre contingit. Imò sæpe illius generis nefariorum hominum eo usque processit scelera-tissima audacia, ut etiam mulieres ac virgines ægrotantes & summè debiles stuprare ac violenter vitare non ti-

muerint: quod scelus an non Novio-magi in hac peste aliquoties perpetratum non fuerit, dicere non ausim; credo terram huiusmodi flagitia non semel occultasse. Memini, cum in Gallia quondam versarer, illud tunc Salmurii à quodam nebulone factum fuisse, qui deprehensus, illam ob causam publicè vivus igne concrematus est. Sed quid de vivis ægrotantibus dico? vix etiam mortuorum cadavera ab horum scele-ratorum hominum scelestissimo furore immunia esse posse videntur, nam (præ-terquam quod ab illis varias partes ad venefica sua unguenta consicienda ex-scindant) scribit Iordanus, *de pest. phænomen. tract. I. cap. 18.* Vratisslaviz Silesiorum peste atrociter grassante, ves-pillonem quandam pulchrum virgi-neum cadaver, lue pridie interemptum, sequenti mane nefando scelere inivisse, atque ob illud flagitium publice virgis cæsum, & in perpetuum exilium e-jectum fuisse.

#### C A P. IV. De Prophylaxi Medica in genere, & de fuga.

**P**rophylaxim Theologicam & Politicam sequitur Medica, quæ in divino hoc morbo semper Theologicæ prophylaxi necessario unita procedere debet, propter rationes jam ante *cap. 2.* dictas. Hanc Medicam (1.) prophylaxim dividimus in diæteticam, chirurgicam, & pharmaceuticam, atque de illis tribus jam in sequentibus ordine acturi sumus. Verum antequam eo perveniamus, hic de uno maximo & laudatissimo præservativo paucis præfari necesse est, nempe de fuga (2.) cum timore Domini copulata, quam tanquam præstantissimum ac certissimum prophylacticum commendant plerique Medici, & multi Theologi. Dico, *cum timore Domini copulata*, quia non debet quispiam cum audacia fugere, tanquam summi Dei manus effugiturus, sed tanquam Deum timens, & evitaturus solummodo illa loca in quæ divinæ plagæ effunduntur, quas nihilominus Deus ubique terrarum cui vult immittere potest: ac proinde non instituenda fuga, nisi divina ope ac protectione ardentissimis precibus simul etiam implorata, ut hoc pacto divino favori, tanquam inseparabili comiti, fuga associari possit. Fugiendum autem in mali princi-

pio (3.) cum pestis primo urbem aliumve locum invadere incipit : & in longè remotas (4.) à loco pestilenti terras salubres demigrandum , atque inde tardissimè (5.) redeundum est, juxta versiculum :

*Hæc tria tabificam tollunt adverbia pestem ,*

*Mox, longè, tardè, cede, recede, vadi.*

Ita quoque nos in trulentis hac peste fugam , tanquam certius præferri-  
vatum , Nobilibus aliisque ditioribus , quorum res familiaris id permit-  
tebat , maxime commendavimus : quorum verò conditio loci mutatio-  
nem non patiebatur , his alios se præservandi modos, de quibus mox age-  
mus, præscripsimus.

## A N N O T A T I O N E S.

I. **H**ic dubium occurrit : Anne homini Christiano in hoc cœlesti ac divino morbo liceat confu-  
gere ad auxilia & remedia mundana ac terrestria ? Dicimus , non modo li-  
cere , verum etiam in hoc morbo ma-  
ximè necessarium esse citum remedio-  
rum usum , dummodo in iis solis tota  
sanationis spes non ponatur , sed illis  
adjungantur spiritualia remedia , nem-  
pe supplices orationes, & ferventes au-  
xilii cœlestis implorationes. Tali mo-  
do post fervidas orationes per empla-  
strum ex ficibus à peste liberatus fuit  
Ezechias Rex, 4 Regum 20. Verum tres  
sunt ordines eorum qui de Medicina &  
remediis male judicant. Primi, nimium  
in Medicina confidunt. Secundi , nihil  
omnino in ea confidunt. Terti , quam-  
vis hanc salutarem Dei manum nove-  
rint , eaque ipsimet sæpissimè feliciter  
usî fuerint, tamen per malevolentiam ,  
invidiam , aut contemptum malè de ea  
loquuntur. Primi, cum nimium tribuant  
instrumento , negligunt instrumenti au-  
ctorem & directorem , sine quo instru-  
menti operatio non procedit ; tanto-  
pere confidunt creaturæ , ut creatorem  
non agnoscant , non respiciant ; atque  
hos in sua perversitate punit Altissimus  
Deus: cujus rei clarissimum exemplum

habet Sacra Pagina, de rege Asa, 2. Pa-  
ralipom. cap. 16. vers. 12. qui recessit à  
Deo , & solis Medicis confisus est , at-  
que hac de causa simul benedictione  
divina & vita privatus , impietatis suæ  
pœnas dedit. Medicina manus & do-  
num Dei est , ille autem qui manum  
creat & donum dat , major est & crea-  
turâ , & ipso dono ; ac proinde qui ma-  
num adorât , Creatorem verò manus  
negligit , ei sit inutilis manus , & divi-  
num donum ei cedit in perditionem.  
Medicina utendum est cum gratiarum  
actione & confidentia in Deo , supre-  
mo Medico , à quo supplicibus preci-  
bus cum fide petendum , ut doctam me-  
dicam manum nutu suo dirigat , eique  
benedicat , & donum hoc in ægorum  
salutem convertat : nam,

*Ni Deus adfuerit, vireque insularit verbis,  
Quid rogo, dictamur, quid panacea  
juvent ?*

Homines sumus omnes : nullus au-  
tem homo , qualiscunque fuerit , sine  
nutu Dei manum vertere poterit , mul-  
to minus aliquid boni præstare circa  
proximos suos : ille Deus fons est om-  
nis boni ; Medicus instrumentum est  
quod creavit , & quo utitur , quo bene-  
dictionem suam circa ægros exequi-  
tur : malè igitur faciunt , qui nimium

con-

confidunt instrumento, & interim instrumenti creatorem ac directorem negligunt. Ab altera parte, non minus malè faciunt, qui Medicinam omnino negligunt, nec quidquam salutare ab ea procedere posse arbitrantur; sed à solo Deo, omnium bonorum fonte, morborum sanationem, nullis remediis adhibitis, expectandam esse existimant; imò etiam impietatis eos accusant, qui medicam opem in morbis implorant: Deus, inquit, omniscius est, morbi-que adventum & eventum diu præscivit & præordinavit, ejusque voluntatem hac in parte nulla Medicina immutabit, aut evertet: præterea omnipotens est, atque morbos, quosunque vult, sanare potest sine remedium medicorum usu, ergo in scopulos impietatis impingunt, Deoque diffidunt, qui à Medicis morbi medelam expectunt. Certè, qui ita loquuntur, aut ipsi impij sunt, aut saltem adeo stolidi, ut præcassa ignorantia nesciant quid dicant. Æque sonat eorum argumentum, ac si quis diceret, Deus, quos vult, potest alere sine cibis, ergo tempore famis confugere ad cibos, impium est; ab iisque solatium & vitæ prolongationem expectare, nihil aliud est, quam diffidere Deo. Profectò nimis impia foret hæc locutio: nam sicut Deus ad vitæ sustentationem creavit cibos & alimenta, sic ad morborum sanationem creavit herbas aliaque medicamenta, & voluit ut utrisque uterentur homines. Non tamen promissit per alimenta vitam in sempiternum productum, nec per medicamenta morbos semper sanatum iri, sed nihilominus voluit per illam obedientiam honorari. Nam sicut illi, quorum vita sustentatur per alimenta, non vivunt per illa sola alimenta, sed per Deum, qui illos ipsos Verbo creavit, ut & alimenta illa quæ iis concessit; (sicut scriptum est, *Non in solo pane*

*vivit homo, sed in omni verbo quod exiit ab ore Dei;*) ita etiam illi qui per medicamenta curantur, non per illa sola sanantur, sed per Deum, qui illa creavit, iisque tales sanativas facultates indidit. Atque ita per eorum felicem usum & successum non debent, nec verè possunt illa sola laudari, neque etiam propter finitrum morbi eventum damnari infinita medicamenta, sed per obedientiam iis utentis, in qualicunque morbi eventu, magnificari debet Deus, sine quo illa medicamenta non fuissent, & qui per illa operatur in ægris operationem ad suum beneplacitum; quæ operatio ut feliciter cedat, precibus ab illo petendum, & ipsi soli sanationis summa ac prima gloria danda est. Dicimus igitur, sicut qui volentes se ipsos fame enecant, nolentes uti alimentis ut remediis ad famem extinguendam, vitamque sustentandam concessis, illi omnium homicidarum pessimi, & æternæ perditionis rei habentur; sic etiam gravissimum peccatum incurere illos, qui inobedientes medicamenta aliaque remedia, summi Dei dona, tanquam inania irrident & contemnant, atque in morbis iisdem uti prohibent, vel negligunt, cum tamen ipse Christus dicat, ægrotos egere Medico; imò cum ipse Servator Christus, qui omnes languores verbo sanare poterat, medicamentis tamen nonnunquam uti voluerit, ut etiam tali modo gloriam Patris sui exaltaret: sicut legimus apud Marcum, cap. 8. cum cæcum sanare vellet, quod verbo potuisset, ipsum usum fuisse collyrio ex saliva, nam *exspuit in oculos ejus, & bis imposuit manus suas:* id est, collyrium illud bis manu infricavit in oculos. Sic etiam apud Ioannem, cap. 9. cæcum sanaturus, hujusmodi collyrium fecit: *Exspuit in terram, & fecit lutum ex spuito, & linxit lutum super oculos ejus, & dixit, Vade, lavis in manatoria Siloe.*

*Siloe.* Sic etiam discipulis suis injunxit, ut agros, quos verbo sanare potuissent, oleo inungerent ad sanationem, ut non sine medicamento perageretur sanatio ad gloriam Dei; sicut videre est Marci *cap. 6.* & *epist. Iacobi cap. 5.* Non minus misericors quam justus est Omnipotens, & quos punit ac vulnerat, eodem, quando vult, rursus sanat, idque sæpissimè per media naturalia, sicut per medicamenta id fieri videmus in morbis, quos licet, sine medicamentis aliisve naturalibus remediis, verbo sanare possit, vult tamen ut iis utamur, & ex illorum infinito numero, viriumque varietate & excellentia, omnipotentiam ejus admiremur, gloriam ejus extendamus, & divinitatem ejus veneremur. Ex quibus satis patet, quam longè à vero aberrant, qui Medicinam, summi Dei donum, penitus contemnunt. Concludendum igitur, etiam in peste maxime necessarium esse remedium usum. Nam licet prima causa pestis desuper à Deo immitratur, (ut dictum *lib. 1. cap. 8. annot. 1.*) cujus manus nullis remediis cohiberi posse videtur; tamen sciendum, illam causam tale quid esse, quod res naturales corrumpit, quarum corruptio commodis remediis emendari, imminui, & evinci potest, (dummodo summi Numinis favor supplicibus precibus impetratus accedat;) atque hinc, cum in nullo alio morbo major corruptio aëris, alimentorum, humorum corporis, aliarumque multarum similium rerum, inveniatur, etiam in nullo alio morbo citissimus remedium usus magis necessarius est.

II. Hippocrates, *lib. 2. de nat. hum.* fugam capescere suadet his verbis: *Locum præterea in vim alienam, ab eo, in quo morbus ille excitatus est, mutabis.* Hanc fugam nonnulli Stoici nec piam esse, nec hominem Christianum decere arbitrantur. 1. Quia repugnat

(inquiunt) fidei, & abjectionem fidei in Deum indicat. 2. Quia nemo Altissimi manus uspiam effugere potest, qui neminem non omni loco servare vel perdere potest, pro ejus beneplacito. 3. Quia per illam charitas in proximos annihilatur. 4. Quia cum unicuique certus & inevitabilis vitæ terminus à summo Deo constitutus sit, nemo ulla fuga illum transire, vel longius extendere poterit. Verum non sunt audiendæ tales frivolæ rationes: nam in peste ea intentione non instituitur fuga, quasi per diffidentiam, manus Dei omnipotentis effugere, vel vitæ statutam metam prolongare quispiam veller aut posset; verum, ut hoc pacto timor Domini demonstretur, quem Sacra Pagina ubique non minus commendat, quam Spem, Fidem, & Charitatem: nam cum hac triplici cælesti scala nemo ad salutem adscendit, absque timore Domini, utpote cui scala illa, tanquam basi & firmo fundamento, insistit: nam est initium & quasi prima via ad Sapientiam & salutem, sicut testatur Salomon, *Initium sapientia timor Domini.* Qui ergo à nullo rei familiaris aut publicæ impedimento detinetur, & tamen in loco ad quem pestilentem plagam depluit Altissimus, audacter ac pertinaciter vult permanere, in tali homine non est timor Domini, sed temeraria ac impia audacia, qua Divini furoris justissimas plagas irridet & contemnit, quas tamen unumquemque cum timore & tremore metuere oportet. Neque etiam per fugam charitati quidquam detrahitur, quia hæc incipit à se ipso: nullus enim veram & debitam charitatem in alios ostendere potest, qui suam ipsius & domesticorum salutem ac sanitatem eadem charitate non prosequitur: nam scriptum est: *Diligas proximum tuum sicut te ipsum.* Non dicit S. Scriptura

S. Scriptura, *Ante teipsum*, nec *Plus quam teipsum*, sed, *Sicut teipsum*. Talem charitatem ostendit ille, qui ingruente aliqua calamitate, Deum timens, se suosque fuga servare nititur, & simili, vel alio modo proximos suos servari posse desiderat, cum sua ope, vel suo auxilio illos servare omnino nequeat. Si vero per illius auxilium cum illo aliqui proximorum servari possent, & tunc ipse sibi soli fuga consuleret, ac proximos defereret, charitatem non haberet; verum illud non sit in peste. Præterea charitas non requirit ut omnes omnibus agris adsint, ipsis quippe succurri potest per eos qui ad id munus electi ac deputati sunt. Certè omnino contra charitatem foret, si quis, ut uni inserviat, multis aliis velit officere, si familiam suam inficere, si alios, cum quibus conversatur, in periculum velit adducere non necessarium: quid enim necesse est ut singuli ærotis inserviant, cum ad illud munus obeundum satis multi alii sint destinati, qui lubentes agris inserviunt, & maligno aëri ac contagiosis fœtoribus jam dudum assueti sunt? Professio non est omnium tanta perfectio, ut agris pestiferis intrepide ac sine terrore adesse possint, in quo tamen morbo terror ac timor maximam communicationis contagii ac infectionis occasionem præbent. Quapropter dico de locis pestilentia infestatis cuiuslibet fugere licere, exceptis iis qui speciales officio proximis & Republicæ sunt devincti; quales sunt, Magistratus, Verbi divini Ministri, Medici, Chirurgi; obstetrices, alique similes, quos pietas fugere vetat, & quorum opera Respublica, tali imprimis tempore, carere nequit. Reliquis autem omnibus, quos nec rei familiaris angustia, nec alia necessaria impedimenta detinent, licitum esse fugam sibi con-

fulere, ipsa S. Scriptura docet: nam Ezechiel cap. 7. inquit, *Qui in civitate sunt, pestilentia & fame devorabuntur, & salvabuntur qui fugerunt ex eis*. Ieremias cap. 51, non tantum docet, sed jubet fugam capescere: *Hec dicit Dominus, ecce ego suscitabo super Babylonem & super habitatores eius quasi ventum pestilentem, &c.* Paulo post addit: *Fugite de medio Babylonis, ut salvet unusquisque animam suam*. Sed velim mihi dicant prædicti Stoici, quare non æque licitum sit homini Christiano fugere de locis peste infectis, ut pestilentia pericula evitentur, atque aliis sanctis viris licitum fuit alia pericula fugiendo evitare? sicut legimus Gen. cap. 17. Iacobum Patriarcham, propter iram fratris sui Esau, in Mesopotamiam recessisse: Exodi 2. Moysen à facie regis Ægyptii in Madian fugisse: item 2. Samuel. 4. vers. 19, 20, 21. Davidem ob furorem regis Saul se multoties occultasse: & 3. Regum cap. 19. Eliam propter minas Iezabelis reginæ diu in deserto solitarii vixisse: In Actis Apostolorum & Epistolis Pauli, ipsos Apostolos, ob metum Iudæorum, multoties sibi fuga consultasse: Matthæi cap. 2. Iosephum cum Maria matre Iesu à facie Herodis clanculum in Ægyptum confugisse: imò ipsum Servatorem nostrum Iesum Christum imminente pericula fugiendo non semel evitasse, ut videre est apud Matthæum, cap. 12. vers. 15. Marcum, cap. 14. vers. 50. Ioannem, cap. 8. vers. 15. & cap. 7. vers. 1. & cap. 8. vers. 59. Quam fugam etiam Christus discipulis suis inculcavit, Matthæi cap. 10. vers. 23: Si vos persecuti fuerint in una civitate, tunc fugite in alteram. Præterea cum fames etiam sit manifestissimum supplicium quod Altissimus sæpe alicui populo vel variis regionibus immitit, quam tamen famem Patriarchæ Abraham, Isaac, & Iacob

Iacob fugerunt, scire velim, quare non etiam pestem, quæ hand levius supplicium est, effugere liceat Christianis? Si in bello, quod ad hominum punitionem quoque suscitatur, hostium perniciosas copias, regionum vastationes, & militum tyrannidem fugere ac evitare liberum sit; quare illud ipsum in pestilentia quoque facere non liceat? His omnibus penitus consideratis, non sine ratione fugam non modo permittunt, sed etiam suadent, ac ipsimet instituunt præstantissimi Pontificii Scriptores, cum quibus etiam aliarum Religionum clariores Ministri hac in parte passim consentiunt. Lutherus enim in epistola quâdam ad Ioannem Hesselum ita scribit: *si sanctis Patriarchis licitum fuit fugere gladii, famis, &c. impendens periculum, cur non idem quoque in peste sit licitum; cum non minus hac, quam illis, utpote peccatorum nostrorum flagellis, mortem nobis accersere queamus?* Idem 2. tom. in Genes. omnibus, & imprimis pavidis fugam suadet: *si pestis (ait) imminet, fugiat qui vult, ac præcipuè isti qui pavidi sunt; hos enim Sacra Scriptura jubet excedere castris, ne simul faciant pavere corda fratrum.* Sic quoque Ioannes Calvinus, epist. 362, agens de quaestione fugæ, scribit, hanc quaestionem videri ex stupiditate eorum nasci, qui nunquam aliquo humanitatis gustu fuerunt præditi: Ergo (inquit) non licebit eligere salubrem aërem? ergo in adibus quoque non licebit prospectum salubrem præferre? ergo cavere à noxiis facere non licebit? ergo nulla contagio erit timenda? Facessant igitur paradoxa, quorum finis est, exuere nos omni sensu. Interea nostri consilii non est, eorum indulgere timiditati, qui objecto periculi colore, à vocatione sua discedunt: quemadmodum, si vir uxorem, si maritum uxor, si liberi parentes, aut vicissim parentes liberos suos deserant; si Pastor ecclesiâ relicta sibi consulat; si Magistratus officio desit. De-

nique, modo ne officium negligatur, non minus pestis contagio, quam gladius aut ignis vitari potest. Idem etiam sentiunt Hieronymus Zanchius, comm. ad 2. epist. ad Philip. vers. 30. Guilhelmus Perkinus, in explicat. Decalogi vi. Georgius Abbat, Cantuariensis Archiepiscopus in schola Theolog. quest. 5. de fuga in persecut. & pest. Ludovicus Lavaterus, in lib. 5. Paral. cap. 21. Georgius Sohnius, Theodorus Beza, Andreas Rivetus, alique præstantissimi Theologi. Concludimus ergo fugam in peste licitam esse, juxta illud Iesu Syrach: *Qui amat periculum, peribit in eo: & juxta dictum Alcibiadis, apud Plutarchum: Stultum est non fugâ sibi consulere, cum fugere possis.* Nam,

*Se minus afflictum semit, qui providet ictum:*

*Sis procul à jaculis, & feriere minus.*

III. Cito fugiendum est, priusquam admittum aëris vitium spiritus & humores infecerit: nam qui serius locum mutant, non raro pestis causam jam in sinu foveant, quæ paulatim vires acquirens, illos sæpe brevi in aëre serenissimo atque saluberrimo versantes perimit: quod Io. Ewrichius, lib. 1. de offic. Magistrat. cap. 9. confirmat historia cujusdam primarii Medici, cujus uxor & filia pestiferam contagionem fugientes, cum in locum salubriorem se recepissent, eadem contagione, quam jam antea domi contraxerant antequam fugerent, paucis diebus extinctæ sunt.

IV. Longè fugiendum est, extra pestilentia infectæ regionis limites. Sed quid ergo? Avicenna laudat transiitum in aërem crassum. Hujus opinionem rejiciunt alii, atque ad aërem purum & tenuem fugere suadent. Nos Septentrionem versus fugiendum, esse arbitramur, (si modo nulla illic pestis vigeat) ad aërem frigidiorum, cum hæc

lues

lues in frigidioribus regionibus rarius grassetur, imò in nonnullis fere nunquam, ut de Moscovia testantur quidam Historici. Nam frigus est inimicum corruptioni ac putredini, & impedit valde dispositionem illam qua corpora ad pestem apta redduntur. Quapropter non temere rejicienda est Avicennæ opinio, qui, procul dubio, per aërem crassum intellexit frigidior.

V. Tardè redeundum est, id est, non antequam malignitas prorsus extincta ac deleta sit, & aër pristinam puritatem ac integritatem receperit. Qui citius revertuntur, pessimè sibi

consulunt, nescientes periculosum esse transitum è salubri loco in gravem ac insalubrem. Consultius sane fuerit in aëre inquinato remanere, ejusque malignitati paulatim assuescere, quam alternatis vicibus modò in salubri, modò in insalubri aëre versari. Hujus rei triste exemplum vidimus in Transilvania Provincia, in qua cum anno, nō fallor, 1657, pestis totā æstate crudeliter grassaretur, multique divites inde fugissent, iique circa hyemem, peste fere cessante, rediissent, plurimi eorum peste correpti & mortui fuerunt, ita ut quasi nova pestis inter divites speciatim accensa videretur.

#### C A P. V. *De prophylaxi Diætetica, & primò de Aëre.*

**P**rophylaxis diætetica consistit in exacta & conveniente observatione sex rerum non naturalium, Aëris, Cibi & potus, Inanitionis & repletionis, Motus & quietis, Somni & vigiliarum, ac Animi pathematum. Primum locum tenet aër, qui cūm omnibus viventibus ad vitam sit necessarius, isque purus absque inquinamento existens sanitatem foveat, impurus verò vel contaminatus morbos inducat, tempore imprimis pestilenti, maximo studio annitendum est, ut ille purus ac nulla labe infectus haberi possit. Quod si verò per se talis non fuerit, illum mutare, expurgare, & arte, quantum fieri potest, ad salubritatem reducere necesse est. Quod Veteres olim præcipue peragebant luculentis ignibus (1.) per vias publicas passim exstructis. Qui modus cum hodie, propter sumptuum magnitudinem, & incendiorum pericula omnino abolitus sit, nos in hac peste particulatim in cujusvis ædibus aërem sequentibus modis emendavimus. Primò domus ab aranearum (2.) telis, aliisque sordibus quotidie curiosissimè expurgari curavimus. Deinde, ut noxius aër excludi, & purior ac salubrior intra ædes admitti posset, jussimus fenestras (scilicet postquam Solis exortus vapores prope terram hærentes discussisset) quæ orientem, & imprimis illas quæ aquilonem (3.) versus spectabant, per horam unam aut alteram aperiri, dummodo non foret tempus nebulosum; reliquas verò quæ austrum (4.) vel occasum, vel propinquas cloacas respiciebant, semper clausas teneri. Post hæc passim in coenaculis & cubiculis luculentos ignes è lignis juniperinis (5.) (quæ tunc temporis è proxima sylva satis copiosa ad forum deferrebantur) vel fraxi-

R

neis

neis (si haberi possent) vel quercinis extruximus, qui ignes hyemali & frigidior tempore maximè conveniebant: calidior autem tempore eodem non adeo (6.) magnus struximus. Aestate in maximo aëris fervore, loco ignis, cubacula aceto (7.) conspersimus, & interdum pampinos, folia salicis, rosas, folia & flores nymphaeae, aut violarum, aceto vel oxycrato immerisa, disperimus per pavimenta. Aëre verò non admodum calido existente, saepe etiam herbas calidiores per pavimenta dispergi curavimus, ut melissam, serpillum, hyssopum, nepetam, betonicam, thymum; majoranam, rosmarinum, folia lauri, aliasque similes: Nonnulli suo ipsorum consilio aviculas (8.) in caveis alebant, easque in cubiculis ad aëris purificationem suspendebant. Præterea quocunque anni tempore suffumigia per totas aedes, manè & vespere, & saepe etiam meridie instituimus, in quibus illud notatu dignum animadvertimus, quod suffitus boni seu suavis (9.) odoris, (qualia ex styrace, labdano, benzoino, gariophyllis, aliisve similibus conficiuntur) non tantum parum profuerint, sed plurimis maximè noxii extiterint: præterquam enim quod caput tentarent, imprimis aëre calidior existente, etiam illi qui his gratis assuefacti erant odoribus, si forte malum quandam foetorem alicubi perstiterent, multo magis ab eo exterebantur, & gravius afficiebantur, quam alii qui suavis odoribus se non assueverant. Quapropter nos suaveolentia hæc fugientes, alia nonnihil insuavia & graveolentia, non quidem multa & varia, sed pauca, fere omnibus præscripsimus; imprimis hæc sequentia:

R. Thuris, baccarum juniperi, ana part. æq. imponantur igni ad suffumigium. Hoc licet vile & commune esset, plurima tamen alia suffumigia viribus longè superabat.

R. Thuris (10.) granorum juniperi, succini (11.) albi, ana unc. f. myrrhæ, benzoini, masticis, styracis cal. ana drach. ij. gariophyllorum drach. j. f. fiat pulvis, è quo cum mucagine tragacanthæ concinnentur pastilli, primis candentibus imponendi.

Sæpe solum sulphur (12.) igni imponi & accendi curavi, nupote cujus fumus seu huius putredini maxime resistit, & omnes aëris corruptiones optimè ac citissime corrigit.

R. Sulphuris (13.) thuris, baccarum juniperi, picis navalis, ana unc. f. miscantur & parentur f. are. pastilli.

R. Thuris, unc. f. sulphuris unc. j. myrrhæ drach. iij. picis navalis, benzoini, styracis, succini, ana drach. j. f. gariophyllorum drach. j. fiat pulvis, cui adde olei juniperi scrup. ij. cum mucaginis tragacanthæ q. f. fiant trochisci ad suffumigium.

Præter



Præter hæc pauca, quæ nobis maximè in usu erant, subinde etiam pulverem tormentarium (14.) (cujus sulphur & sal nigrum aërem egregiè expurgant) in mediis ædibus longis ductibus accendimus, vel solum, vel cum forti aceto in massas, magnitudinis pilæ, redactum. Nonnunquam etiam solo aceto acerrimo (15.) ignitis lapidibus infuso magnum fumum seu vaporem excitavimus: de quo tamen illud notandum, hunc aceti vaporem ab omnibus ferri non posse, quia multorum pulmonibus molestus existit, & asperam arteriam per inspirationem admodum exasperat; quod non tantum in me ipso, verum etiam in plurimis aliis, tam sanis, quam ægris, sæpius comperi, qui nescientes quidnam pectus eorum tantopere exacerbaret, ac molestam aridamque tussiculam moveret, de suffumigio aceri non cogitabant, quod tamen solum mali causa erat. Hæc prædicta nostro consilio ad aëris domestici emendationem à nobis præscripta sunt: præter quæ pauperrimum vulgus in eundem finem cornua bestiarum (16.) & detritos calceos, aliave antiqua coria comburebat. Nonnulli ditiores Equitum Capitanei, hircum, (17.) quem alioqui apud equos stabulo includunt, in coenaculis & cubiculis alebant, atque hujus fætores ab experientia aëris pestilentis contagium impedire & extinguere æstrebant. Innumeri suffumigium tabaci omnibus aliis præferebant, de quo plura dicentur sequenti cap. 10. Quidam etiam lac dulce (18.) recens multum, hic illic in ædibus passim deponebant, idque aëris malignam venositatem ad se trahere credebant.

## A N N O T A T I O N E S.

I. **A** Eris inquinamenta maximè consumit ignis, neque ullum melius pestilentis aëris correctorium in rerum natura datur. Cujus rei veritatem non semel comprobavit experientia. Hippocrates (testibus Galeno, Plutarcho, Aëtio, Varrone, aliisque) famosissimam illam pestem, quæ ex Æthiopia Græcos invaserat, olim per ignes edomavit & extinxit. Iusserat quippe per totam civitatem accendi ignes luculentos, nocturnis præcipuè temporibus, qui non simplicem incendii materiam habebant, sed etiam odoratissima ligna; præterea etiam coronas & herbas ac flores fragrantis odoris, nec non aromata & unguenta pinguisima in illos projiciebat: ut his

ignibus aëris inquinamenta purgarentur, eumque homines sic puriorem inspirarent, atque hoc modo à peste immunes viverent: imò referunt nonnulli, illum in locis campestribus, eundem in finem, integras sylvas accendisse & combussisse. Sic Plinius, *lib. 7. cap. 27.* refert Acronem Agrigentinum & Empedoclem à Siciliæ urbibus pestem ignium vi depulisse. Ita quoque Plutarchus, in *Isid. & Osir.* scribit Ægyptios solere noctu consurgere, ac inquinatum aërem suffutibus & odoratis incendiis purgare. Ita ut ignes, imprimis publicos & generales, ad pestis extinctionem plurimum valere, jam à multis seculis constet. Hinc est quod Plinius, *lib. 36. cap. 26.* dicat: *Est &*

*ipſis ignibus medica viſ, cuius ſuffitum peſtis auxilium ferro, certum eſt.* Etiam Auguſtinus, lib. 2. de peſt. cap. 3. ignes maxime commendat: *Peſtem (inquit) tempore peſtis ut circa urbem in quatuor vel quinque angulis quotidie ignes excitarentur, injeſtis lignis quercinis, miſcendo odorata ex lauro, cypreſſo, junipero, & aliis; auſim promiſſere, adhibita tali diligentia, peſtem vel exiguam, vel nullam vexam eſſe illaturam.* Sic quoque Ioannes Ewichius, lib. 1. de offic. Magiſtrat. cap. 8. ſcribit: *Ego ſi interrogarer, quid ad præſervandam civitatem aliquam à peſtis contagione, omnium rerum ſit primum, quid item ſecundum, & quid tertium, huic uno reſpondabo verbo, ignem.*

II. Nonnulli ſatis ſtultè credunt araneas, quæ telas ſuas in mediis ædibus expandunt, omnem aëris venenoſitatem ad ſe trahere, eumque à contagioſis inquinamentis emundare ac liberare. Sic in hac peſte vidi quosdam, qui illas, tanquam magnum aëris expurgatorium, curioſiſſimè ſervabant, eoque privilegio donabant, ut telas ſuas, quouſque vellent, extenderent, neque illas ab ancillis abigi, expelli, vel occidi volebant. Horum opinioni video etiam calculum adicere Matthiam Vntzerum, qui, lib. 1. de lue peſt. cap. 21. ſic ait: *Illi male ſibi conſulere videntur, qui tempore graſſantis peſtis araneas ſcopis ac pericis à parietibus detrahunt, neſque ab omnibus omnium cubiculorum ac conclavium angulis deſiciunt ac detrahunt, ignorantes ſcilicet, hoc infectum omnia inquinamenta aëris putrida ac venenata peculiari natura ſua proprietate allicere, & pro alimento aſtrahere & coquere.* Profecto miror Vntzerum, virum doctiſſimum, tam facile talibus nugis ſubſcribere, quæ adeo frigidam & frivolam rationem habent, ut ejus reſutationi incumbere vix operæ pretium videatur: quæ de re plura dicemus cap. 11. annot. 1.

Illud tamen unum non poſſum non hic adicere, peſtilens venenoſum contagium ſe multoties infinuare in telas aranearum, atque in illo fomite ſæpe diu latere; ac poſtea inde caſu excuſum ſæpe alios inficere; cuius rei experientia notiſſima eſt, quam exemplo confirmat Foreſtus lib. 6. Obſerv. 22. Si araneis ineſſet illa viſ conſumendi venenum peſtilens, proſectio illud maxime conſumere deberent dum telis earum inhæret, quod cum uſus doceat ipſas non poſſe, talis quoque viſ ipſis minime adſcribenda eſt.

III. Hippocrates, lib. de morb. ſacro, dicit, Aquilonem omnium ventorum ſaluberrimum eſſe. Et paulo ulterius, eodem lib. dicit, ventum aquilonarem aërem compingere, turbatum ac nebuloſum excernere, illuſtiorum ac pellucidiorum facere. Hinc eſt quod Ariſtoteles, 7. Polit. cap. 11. tradit, urbes auroſam verſus ſpectantes, & ventos ab oriente ſpirantes, ſalubriores eſſe; proximum verò ab his ſalubritatis gradum obtinere urbes quæ in Aquilonem vergunt. Aquilo aëris impuritates, putredines, ac corruptiones impedit, expurgat, & extinguit, ac ſimul etiam corpora ad peſtem ſuſcipiendam minus diſpoſita reddit. Attamen nunquam obſervatum eſt, flante Borea peſtem magis incanduiſſe, quod de peſte Cabilonenſi teſtatur Ioannes Morellius, de febr. purp. cap. 3. Sed cum illud rariuſ contingat, & ſeptentrionales regiones rariuſ, & quæ magis polares ſunt, nunquam peſte infeſtentur, atque ut plurimum Aquilonem peſtis progreſſus multum ſiſtere ac imminuere, jam à multis ævis animadverſum, & ab innumeris Medicis obſervatum & annotatum ſit, omnibus modis ſtudentum eſt, ut hic ventus, tanquam reliquis ſalubrior, intra ædes admitti poſſit. Verum hic notare oportet (quod etiam

etiam monet Hollerius, *lib. de peste*) cum Aquilonem salutariferum, Austrum verò noxium esse dicimus, illud solummodo intelligi debere in Europa aliisque regionibus citra zonam torridam sitis; nam in Africa & locis ultra hanc zonam sitis, Auster salutaris est, Aquilo verò damnosus existit, quodque nobis Aquilo, illud iis Auster operatur.

IV. Observatum semper fuit ventos austrinos pestem maximè augere, quod etiam testatur Plinius, *lib. 7. cap. 50.* Quapropter diligentissimè providendum est, ut hujusmodi venti, quantum fieri potest, evertantur & arceantur, aliique salubriores, quales sunt septentrionales & orientales, intra urbes, si fieri possit, vel saltem intra domus admittantur. Ita refert Plutarchus, Empedoclem olim Agrigentiam regionem à sterilitate & pestilentia liberasse, obstructis montis faucibus, per quas Auster in campos decidebat. Sic etiam scribit M. Varro, *x. de Re Rustic. 4.* se Corcyram insulam à gravissima peste liberasse, obstructis iis fenestris quæ Austrum spectabant, & apertis iis quæ ad Aquilonem vergebant.

V. Lignum juniperinum ad venenatas aëris corruptiones emendandas multum valere, propterea credibile est, quia illud accensus (ut & ejus baccæ) suo halitu seu fumo & odore è tota vicinia serpentes fugare dicitur. Nec minus illud de fraxineis lignis credi potest, nam arboris fraxini, teste Plinio, contra venena tam præclara vis est, ut illius ne maturinas quidem occidentesve umbras, licet sint longissimæ, serpentes attingere audeant, sed longè inde diffugiant. Paræus scribit se expertum fuisse, si circulos conficiatur, cuius una pars ignis sit, altera verò frondibus fraxini clausa, & serpens vivus in medio collocetur, illum

in ignem potius, quam in fraxinum fugere.

VI. Ignis calidis tempestatibus adeo luculenti non sunt exstinguendi, ut frigidis temporibus, ne fortè ab intenso calore aër nimis effervescat, ac spiritus humoresque in eo degentium nimis excandescent, hincque febres accendantur: quem damnosum errorem in hac peste inter vulgus non rarò vidimus, qui in maximo cœli fervore se ipsos interdum ante magnos ignes extorrebant, atque ita incidebant in Scyllam volentes evitare Charybdin; nempe pestilentem infectionem evitare & fugere volentes, incidebant in febrem, à qua mox corporis dispositio citius ad pestem præparata fuit. Sic etiam Mercurialis, *lib. de Pest. cap. 22.* observavit in peste Patavina multos ex iis interiisse, qui ad ignem artes exercebant, ut fabri ferrarii, aurifices, &c. neque id (inquit) sine ratione, quia vi ignis corpora rarefacta facilius aëris inquinamenta admittebant. Cum igitur ignes luculenti ad aëris expurgationem laudantur, hoc intelligendum est de iis qui frigidioribus, non verò qui fervidis temporibus exstinguntur.

VII. Rhazes, *lib. 4. de Re Medic. cap. 25.* jubet domum quotidie irrorare aceto cum aqua mixto, quia acetum veneno & putredini potentissimè resistit: hinc plurimi Medici illius irrorationem ad pestem, maximi faciunt. Quantum autem valeat acetum ad aëris pestilentis emendationem, abundè satis compertum habent nautæ qui Indos petunt; multoties enim vehemens pestis ipsos invadit dum longius à terris absunt, quam cum ob medicamentorum aliorumque subsidiorum inopiam committere nequeant, solo multoties aceto, si ejus copiam habeant, profligare solent; quod non tantum ægris ad sanationem, & sanis ad præservationem

exhibent, sed eodem etiam totas naves interiores quotidie diligenter abluunt & emundant, hocque pacto brevi tempore intestinum hostem expellunt. Hinc etiam Liddelius jubet ædes illas, in quibus aliqui pestiferi mortui sunt, primò scopis bene emundare, ac postea aceto acerrimo cum aqua mixto abluere. Videntur veteres loco aceti ad aëris purificationem interdum usi fuisse vino: nam Ioannes Beverovicus, in *Idea Medic. veter.* ex Luciano hæc verba citat: *Quo tempore sæva pestilentia grassabatur Athenis, existimavit Archireus Areopagita viri uxor, astantem sibi Toxarim iussisse, ut Atheniensibus diceret, cessaturam pestem, si vino multo conspergerent angiporsus: quod cum sæpe fecissent, non amplius grassata est pestis, quia vapores infestos odore suo vinum extinxit.*

VIII. Aviculas, & imprimis passeres, si in cubiculis alantur, aërem purgare, nonnulli scribunt, atque hinc fortasse vulgi de hac aëris purificatione, dimanavit opinio: quam nos nihili æstimamus, utpote ab experientia & ratione planè alienam. Dico, ab experientia: quia sæpissimè animadverti aviculas illas in ædibus omnium primò peste correptas & mortuas fuisse, atque pestem non potuisse excludi è domibus eorum qui plurimas hujusmodi aviculas alerent, easque per omnia conclavia deponerent. Dico, à ratione: quia non percipio qua vi illæ aërem corrigere possint, nisi dicamus illud fortasse propterea fieri, quod aërem alarum moru identidem commoveant, quem à nimia quiete, instar aquæ mortuæ, putrescere ac corrumpi, nonnulli existimant.

IX. Multi arbitrantur suaveolentia sola efficere ut pestiferi halitus ab homine citius ac facilius recipiantur, quam depellantur; quorum opinioni non malè favent ratio & experientia.

*illa:* quia cum grati odores à mente percipiuntur, cerebrum, ut diutius fruatur ista amœnitate, poros suos undequaque dilatat, sicque suaveolentium fragrantès halitus longè copiosiores, sed simul etiam longè plures halitus venenatos suscipit & admittit: adde quod ad suaveolentium occursum longè fortior & frequentior fiat inspiratio, atque ita simul cum aëre copiosa pestilentia miasmata, aëri in hærentia, cum magno hominis periculo, introducuntur ad pulmones & cor. *Hæc:* quia in hac peste à nobis observatum est, his odoribus assuetos, citius & magis fuisse afflictos, quam alios.

X. Averrhoes, 9. *Collect. cap. ult.* laudat pro suffumigio costum, styracem, & galbanum, nec non terebinthinam, eo quod proprietate quadam pesti resistat. Rhazes domum suffumigare jubet cum costo, thure, myrrha, styrace, bunch, santalis, & camphora. Atque ita hi auctores fumis grati odoris insuavia quædam admiscunt, ne sola sua via noceant, iisque nimis assuescat natura. In eum finem nonnulli etiam laudant suffitus ex assa foetida, sagapeno, galbano, & similibus. Sennertus, *lib. 4. de febr. cap. 5.* ab experientia commendat hunc pulverem, à Gregorio Horstio quoque laudatum:

R. Baccarum juniperi M. iiii. radicem helenii, cortic. exterioris betula, cornu hirci raspati, sabina, ana M. ij. foliorum quercus, myrrha, ana unc. j. Fiat pulvis pro suffumigio.

Commodum est (inquit idem) calcem vivam in conclavi aqua perfundere, atque eo vix aliud efficacius. Idem quoque probant Quercetanus & Follinus.

XI. Succinum suffum aërem optimè corrigere, & venenum pestilens occulta quadam proprietate extinguere, ab experientia testantur, Cardanus, *lib. 5.*

*lib. 5. Subril.* Anselmus Botius, *lib. 2. de lapid. cap. 160.* Georgius Agricola, *lib. 4. de natur. fossil.* Libavius, *part. 3. singular. de succino, lib. 15. cap. 27. & 28.*

XII. In sulphuris accensione notandum, ejus vaporem seu fumum cerebro & pectori admodum gravem & molestum existerere, atque præcipuè tussiculosis, anhelosis, aliisve thoracis vitiis detentis, valde noxium esse: ac proinde cum in coenaculis aut cubiculis accenditur, eo tempore hominibus per horam unam aut alteram ex iis recedendum esse. Interim ad corrigendas aëris infectiones, tam præclaras vires obtinet, ut vix aliud quippiam cum eo comparari possit. Unde etiam Veteres sulphuris suffumigatione ad aërem alterandum, purificandum, & à putridis contagiosisque ac venenatis miasmatis expurgandum, usos fuissent, liquet ex Homero, in *Odys. 22. circa finem*, ubi Ulysses ad purgationem suæ domus petit ignem & sulphur, malorum medelam, & dicitur sulphure bene purgasse coenaculum, & reliquam domum, ac vestibulum. Inveniuntur tamen nonnulli, qui sulphur nimis foetens & calidum esse, aliisque potius temperatis, aromaticis, & suaveolentibus utendum existimant. Verum, quantum ad foetorem, sciendum tempore pestis non nimis indulgendum esse naso, neque ullam habendam esse rationem gratiæ, sed magnam utilitatis medicamentorum: nam venenum pestilens vehemens & malignum est, quod non magis per solum gratum odorem benzoini, styracis, moschi, zibethi, aliarumque rerum suaveolentium, domatur, quam rabies leonis per resistantiam agni, vel quam viperæ, scorpionis, aut arsenici virulentia per usum sacchari Candii. Quantum ad calorem, dicimus oleosas sulphuris partes quidem esse calidas, sed eas, dum accenditur, tem-

perari ac infringi per spiritus seu vapores acidos, qui ustione ab eo separantur, atque in aëre oleosis particulis immilcentur. Hos enim acidos vapores non esse calidos, docet aqua (vulgò malè appellatur oleum) sulphuris, quæ ex sententia Medicorum refrigerandi vim obtinet, putredinem, omnemque corruptionem ac venenatam qualitatem tollit & corrigit, febrilem calorem extinguit, etiam aquas vitiosas & putridas, nec non vina turbida clarificando purificat. Sic etiam vapor ille effumans in accensione sulphuris, aërem purificat, omnemque ejus corruptionem & noxam abigit; quam ob causam usus ejus in peste merito magnificandus est. Neque etiam ab flammæ calore usus ejus extimescendus, cum ipsa quoque flammæ sit optimum aëris purificatorium, ut ante dictum, *annot. 1.* Si foetidus illius odor minus ardeat, dum accenditur, aliquantisper fecedandum est.

XIII. Theophrastus Paracelsus cum sulphure parat tale suffumigium:

*Re. Sulphuris, lib. j. myrrhe, unc. iiii. thuris, unc. viij. gr. opoponacis, dr. j. assa fetida, unc. j. baccarum lauri, lib. ij. succini flavi, lib. l.*  
Fiat pulvis.

XIV. Pyrius seu tormentarius pulvis insigniter aëris impuritates expurgat & emendat, ratione sulphuris & salis nitri; præterea etiam ratione violentæ commotionis aëris, si nempe in tormentis bellicis accendatur, nam tali modo pestiferæ nebulæ quaquaversum dispelluntur, & succensi pyrii pulveris flamma atque ardore venenata qualitas corrigitur. Hoc modo Tornacenses venenum pestilens dispulisse, testis est Levinus Lemnius, *lib. 2. de occult. natur. mirac. cap. 10.* Factum (inquit) apud Nervios, quos Tornacenses modo vocant, ubi milites presidarii machinas tormentaque bellicæ pulvere

pluvie bombardico, non globis, oppleta urbi obverterunt, eaque sub dies noctisque crepusculo, incenso funali explodi curabant: quo effectum est, ut sonitu violento, fumantique odore aëris contagium discenteretur, ipsaque civitas à peste facta fueris immunis & libera. Mox addit Lemnius: Neque enim minus presentaneum est hoc remedium in dissipandis nebulis, infectique aëris contagiis, quam, quod Hippocratem fecisse legimus, exstructis pyris per compita ignes excitare. Hinc etiam Petrus Salius, de febr. pest. cap. 20. inquit: Credo ego quod maxime in tali casu proficiunt tormenta bellica majora, sapientius vi ignis excussa: nam cum hac validissime aërem, & ad distans commoveant, & sonitus maximus ab eis concitetur, & terra etiam circumstantis tremor, idcirco apta erunt, se sapienter vitentur, ad aëris vapidam purificationem, poteruntque aërem ab illis inquinamenti, ea difflando, liberare.

XV. Medici Antwerpenses, in suo Consilio ad pestem dato, anno 1624, in aceto jubent coquere rutham, scorodum, scarleam, rosmarinum, lavendulam, radices iridis, gentianæ, zedoariæ, & baccas juniperi, idque sic coctum infundi in lapides ignitos, huncque fumum seu vaporem, januis & fenestris bene clausis, ad minimum sex horis intus detinere, antequam cubiculum aperiatur. Eodem vapore etiam vestes alique mobilia eorum qui peste interierunt, perfumare jubent.

XVI. Lemnius, alique multi suffitus ex cornibus & detritis coreis combustis valde laudant, eosque etiam antiquitus apud nostrates in usu fuisse, docet Belgicum proverbium: *VVacht u, men brandt daer hoorn*: id est, cave tibi ab illo loco, nam ibi cornu comburitur: quasi dicas, est pestilens ille locus, vel instar pestis fugiendus: in eos enim quadrat proverbium, quorum ædes & confortia, tanquam peste infecta loca, fugere oportet.

XVII. Illud experimentum de hircu, testatur Mercurialis se suo tempore etiam vidisse apud Hungariæ Cancellarium, qui ad aëris correctionem, & præservationem à peste, magnum hircum in ædibus suis alebat. Omnino simile de hircu etiam referunt Iordanus, de pest. phenom. cap. 9. tract. 3. Paræus, lib. 21. cap. 6. & Liddelius, de febr. lib. 3. cap. 5. Illud ipsum quoque observasse videtur Palmarius, nam de febr. pest. lib. 1. cap. 15. inquit: Sunt qui pro singulari præcautione in cubiculo, ubi cibum capiunt & cubant, hircum alant, qui gravi suo halitu terroque nidore de se per se omnia impleat, omnemque vim aëris maleficam vel repellat, vel dissipet, atque extinguat; quorum minimè rejicienda videtur opinio, nam adversus hoc contagium optimum creditur esse suffimentum: gravis enim & olidus vapor, alium qui fetidus est, diversi tamen generis, oppugnat & arceat quam longissime.

XVIII. Stulta est hæc vulgarium opinio, qui existimant lac dulce, quasi magnetica quadam vi, pestilentia miasmata ad se attrahere, eaque in illo extinguere: atque hac falsa imaginatione decepti, illud non tantum hic illic in ædibus ad præservationem deponunt; verum etiam in scutellis patulis agrorum lectis apponunt, certò credentes illud adeo fortiter ad se trahere venenum pestilens è corpore ægroto exspirans, ut nusquam alio deferri, vel alibi somitem facere possit: cum verò pestilentis veneni bona quantitas à lacte jam attracta est, illud eo significari dicunt, quod lac in suprematate aliquantum ex cæruleo livefcit, ac propterea illo tunc abjecto aliud novum deponunt. Verum frivola sunt hæc omnia, iisque neque experientia, neque ratio favet. Non illa; quia non minus peste infestantur illæ domus in quibus lac illud depositum est, quam alie; præterea qui

qui ægroti propius adsunt, æque contagio inficiuntur lacte illo deposito, quam illo non deposito: & usus docet, æque fomites inveniri in illis læticis, in quibus lac ante ægrotos depositum fuit, quam in aliis. Non hæc; quia lac

non contrahit illum cæruleum livorem à seminario pestilenti in illud attracto, sed à generali maligna aëris alteratione, quæ non tantum lac, verum etiam carnes, fructus, aliaque multa facile & citò corruptuntur.

C A P. V I. *De cibo & potu, repletione & fame, balneis & vestimentis.*

**D**Vrante hac peste in cibo & potu (1.) ad præservationem commendavi mediocrem sobrietatem, (2.) & in genere jussi famem ac sitim (3.) ut & majores ac insolitas inanitiones & repletiones (4.) fugere. In utroque autem consuetudini (5.) multum concessi: illis qui assueti erant crassioribus & durioribus cibis & potibus, non facile ad alios transeundum esse arbitratus sum, tantummodo ex iis maxime suspectos vel noxios prohibui: aliis autem, qui levioribus assueti erant, transitum ad crassos interdixi: qui verò utrisque, & levioribus, & crassius, omnisque generis cibis semper usi & assueti fuerant, & quorum lautior fortuna copiosorem victum ac quadram bene instructam permittebat, his sequenti modo victum præscripsi. Cibos commendavi euchy-mos & facili digestionis, quales sunt, panis optimus, caro agnina, ovilla, hœdina, vitulina, bubula: gallinæ, capones, pulli gallinacei, galli Indici, cuniculi, perdoes, alaudæ, passeris: pisces plurimi fluviatiles, cancri: ova gallinacea recentia, lac acidum ebutyratum (quod etiam à Rhaze valde commendatur) alique similes, qui ad lubitum vel assari, vel elixari (6.) possunt: quorum condimenta etiam conficere jussi cum talibus quæ cordis robur firmant, putredines impediunt & tollunt, ac corruptionibus malignis resistunt: qualia sunt vinum, acetum, omphacium, cappares, uvæ immaturæ, fructus, ribesii rubri, berberis, cerasa morella acida: herbæ, cichoreum, pimpinella, endivia, borago, acetosa, lactuca, melissa, betonica, chærefolium, petroselinum, majorana, rosmarinum: asparagi, bulbi raparum, mala citria, aurantia, cydonia, aurea vinosâ (nostratibus *guldelingen* dicta) item cinnamomum, gariophylli, macis, nux moscata, aliaque similia. Summopere improbavi jejunum exitum matutinum, imprimis qui in diei crepusculo, vel nondum discussis à Sole vaporibus circa terram hærentibus, fiebat; & omnibus suasi non ante in publicum prodire nisi post duas à Solis exortu horas, idque non nisi prius assumpto jentaculo (7.) ex frusto panis butyro pinguius inuncto, vel solo, vel casco ovillo viridi ei imposito, & poculo cerevisiæ melioris super-

S

bibito:

bibito : nam butyrum adversus pestem valere creditur, & caseum viridem (qui à stercore ovillo viriditatem habet) alexipharmacam vim habere, & malignas corporis putredines à centro ad peripheriam propellere, notissimum est. Prohibui usum eorum ciborum qui mali succi sunt, vel difficilius digeruntur; ut & ciborum valde pinguium, antiquorum, durorum, aut facile corruptibilium: quales imprimis sunt, carnes porcinae (8.) vel recentes, vel fumo siccatae, (sicuti pernae & lardum venundari solent) haleces, (9.) soleae, aselli saliti, salmones, anguillae, alosae, conchae, lac dulce, similesque plures: nec non fructus horarii plurimi, exceptis acidis; ut cucumeres, pepones, melones, abricochi, pruna, mala persica, cerasa dulcia, dactyli, pira dulcia, uvæ maturæ dulces, &c. ad hæc fabæ Romanæ, omniaque legumina, allium, (10.) cæpe, porri, &c. etiam abstinere iussi à melle (11.) & saccharo, omnibusque valde dulcibus. In genere illud in omnibus eduliis præcepi, ut cum aqua clara & optima curiosè abluerentur, & deinde usque ad sufficientem mollitiem percoquerentur, vel assarentur, ac cum maximo nitore præpararentur: deinde ut in eorum usu ac comestione mediocritas (12.) servaretur, nec majore copia ingererentur quam pro famis necessitate natura desiderat; utque potius uno aut altero cibi genere fames pelleretur, quam multis variisque simul ingestis: denique ut ex prædictis cibis singuli eligerent sibi maxime convenientes, secundum cujusque temperamenti diversitatem; biliosi nempe humidiores & refrigerantes, pituitosi sicciores & calefacientes, & sic de cæteris. Pro potu concessi cerevisiam claram, tenuem, & mediocrem, ex optima aqua (13.) confectam (qualis Noviomagi clarissima exhauritur è cerevisiariorum puteis) ut & vinum (14.) tenue modice sumptum, vel solum, vel potius admisso succo citri recens expresso, vel imposito frusto pomi citrii, vel aurantii, vel granati acidi. In potu temperantiam maxime colere, & ebrietatem (15.) tanquam inferissimum hostem fugere, præcepi: tristioribus usque ad hilaritatem, (præcipue hyberno tempore) nemini usque ad ebrietatem vinum concessi. Verum hos à me præscriptos limites plurimi haud raro transgrediebantur, quorum tamen multi temeritatis suæ poenas dederunt. Imprimis fugere iussi crassissimam cerevisiam Brunsvicensem, & Bremensem, aliasque similes: ut & cerevisias turbidas minimeque defæcatas, easque quæ è stagnantibus vel corruptis aquis, vel hordeo corrupto confectæ erant: adhæc etiam fugere melicratum, & omnia vina dulcia ac fortia, qualia sunt pleraque vina Gasconiensia, Canarina, Hispanica, & similia. Spiritum vini, ut & omnes aquas vitæ varii generis (quibus vulgus apud nostros majore copia uti solet) in plerisque prohibui, solis senibus, aliisque frigidam temperiem, vel debilem ventriculum habentibus, exiguum earundem



dem usum concedens, imprimis hyberno tempore, & maximè usum spiritus vini juniperini. Post cibos & potus, suasi ut natationibus assueti, hoc tempore ab omni natatione (16.) penitus abstinerent, sive in fluminibus, sive in aquis stagnantibus eæ fierent: sicut aliis in locis, ubi publica tepida balnea in frequenti usu sunt, ab iis abstinere, bene jubent Medici. Iis, quorum fortuna lautior paulo majores impensas permittebat, suasi ut gestarent vestes ex serico tenuiore, vel undulato, vel satino (17.) aliove simili; in aliis verò minoris conditionis, ex lana tenuiore, vel camelina, vel lana bombacina, vel ex còrio tenui, aut similibus, confectas. Illas autem vestes semper nitidas servari, alias verò, ex pannis laneis crassioribus confectas, in aliud non pestilens tempus seponere ac servare, iussi.

## A N N O T A T I O N E S.

I. SI ullo tempore, certè in pestilente constitutione exquisita vitæ ratio magnopere requiritur, & ad præservationem conducit; nam licet illa sola per se pestem fugare & excludere nequeat, tamen per illam variæ occasiones ad pestem declinantur, & corpora in tali dispositione conservantur, quæ pestilenti veneno contraria est, ita ut pestis illa vel non invadat, vel minus & levius affligat. In hunc sensum eleganter M. Varro, lib. 1. de Re Rustic. cap. 4. sic inquit: *Esti salubritas, quæ ducitur à celo & à terra, non sit in potestate nostra, sed natura, multum tamen est in nobis, ut quæ sunt graviora, possimus diligentia nostra facere leviora.*

II. Pestis sibi summum jus vendicat in intemperantes, quapropter consultum est, pestilenti imprimis constitutione, temperantiam colere, quæ quantum ad sanitatis conservationem proficit, exemplo suo docuit olim Socrates, de quo Aulus Gellius, lib. 2. cap. 1. ita scribit: *Temperantia eum fuisse tanta traditum est, ut omnia fere vita sua tempora valetudine inoffensa vixit, in illius etiam pestilente vastitate, quæ in bello Peloponnesiaco imprimis ipsam Atheniensem civitatem*

*intermecino genere morbi depopulata est; is parcendi moderandique rationibus dicitur & à voluptatum labe evasisse, & salubritates corporis retinuisse, ut nequaquam fueris communi omnium cladis obnoxius.*

III. Fames spiritus resolvit, vires dejecit, corpora languida, eorumque meatus inanes reddit, & ea præparat ut pestilentem labem facilius suscipiant, eique minus resistent. Sitis autem humores incendit, eosque acriores reddit, præcipue in biliosis: adde, quod etiam haud parvum languorem inducat. Quapropter Rhases, 4. ad Almanf. cap. 25. scribit, *maximè cavendum esse ne in Sole fiat sesto, neque jejunes aliquis, neque comestio tardetur, sitim etiam nullo modo esse tolerandam.* Quantum ad pestis incrementa facere possit fames, diuturna multarum urbium obfidia satis docuerunt, præcipue autem notissima illa duo, primum Lugduni Batavorum, ab Hispano milite quondam obfessi; alterum Rupellæ in Gallia; à Galliarum Rege anno 1628. captæ, in quibus multa hominum millia fame & peste interierunt.

IV. Magnæ repletiones meatus obstruunt, & corpus cruditatibus replent, atque

atque ad morbos disponunt; inanitiones verò illud debilitant: atque ita utraq; per accensum illud ad pestem præparant. Si quispiam hic roget, cuiusnam magnus excessus tempore pestilenti magis periculosus ac noxius existat? dicam, inanitionis, propter rationes præcedente annotatione relatas: & si necessariò in alterutro peccandum foret, ego peccari malim in repletione, quam inanitione, quia illam facilius & tutius est imminuere, quam hanc replere. Hinc etiam Hippocrates, 1. *Aphorif.* §. postquam docuisset ægros magis delinquere in tenui victu, quam in paulo pleniore, tandem addit: *Propterea etiam sanis periculosus est valde tenuis, & status, ac exquisitus victus.* Plerumque, imprimis autem tempore pestilenti, minus peccatur in replendo, quam in inanendo, quia tutius est superfluitates cumulare, quam spiritus vitales humidumque nativum consumere ac debilitare; superfluum enim facilius expellitur, quam deperditum restauratur. De inanitione quæ fit per chirurgiam & pharmaciam, dicemus cap. 8. & 9.

V. Omnis repentina mutatio periculosa; quapropter ad consuetam victus ratione subito discedere, præcipue in constitutione pestilenti, maximè periculosum foret: neque etiam ratio ad illud faciendum urget. Nam summus Deus omnes res alimentares eo fine creavit, ut ad nutritionem & conservationem hominis infervirent, easque variis modis inter mortales distribuit, ut alii his, alii illis, pro regionum & cuiusque fortunæ varietate uterentur, utque illi qui crassis & crudioribus alimentis vescuntur, æque bene nutrentur, quam alii levioribus & tenuioribus assueti. Quod ipsum quoque docet experientia, cum in utrisque æque bonus sanguis reperiatur, neque ordinariè

melior sit in iis qui panem triticeum album cibosque delicatos comedunt, & vinum bibunt, quam in aliis qui panem fecalinum, castanearum, vel fabarum, & carnes suillas, aliasque crassas edere, atque aquam bibere consueti sunt. Quapropter si Medicus talem victus consuetudinem repente mutare ac invertere velit, robur corporis non conservabit, nec augebit; sed illud potius imminuet & dissolvit: quemadmodum illud in multis fieri videmus, qui è longinqua regione ad aliam transeunt, in qua ob aëris & alimentorum mutationem in principio valde debilitantur, ac non raro etiam in morbos concidunt, neque ad pristinum statum redeunt, antequam huic novæ diætæ temporis tractu paulatim rursus assueti fuerint. Hinc est quod Hippocrates, lib. de nat. hum. dicat: *Si quis citò diætam permutes, periculum est etiam à permutatione aliquid in corpore novatum iri: quapropter victus solito quidem utendum [in peste] ubi hominem nihil laedere videtur.* Paulo ante dicit: *Homines eo tempore (scilicet pestis) commensandis sunt, ut diætæ non commutent, quia morbi causa non existunt, sed ut corpus habeant quam minima molis.*

VI. Ridendi profectò sunt illi Medici, qui, in pestilenti constitutione diætam exquisitam præscribere volentes, omnes carnes assari scrupulosissimè præcipiunt, ut hoc pacto earum humiditas consumatur; hæud secus ac si ciborum succi pejores forent illa humiditate quæ cum condimentis affunditur, & pejores potu, qui post siccos cibos necessariò superbibitur. Videntur nescire, cum cibis elixis longè commodius varias herbas, fructus, aliasque res malignæ corruptioni ac putredini resistentes, visceraque corroborantes, & ad feliciores coctiones præparantes, coqui posse, quam cum assatis;

affatis ; ac proinde nihil esse quod elixatorum usum magis quam affatorum , damnent . Non minus etiam ridendi sunt illi , qui carnes bubulas , hædinas , & cervinas damnant , propter nimiam siccitatem : nec non carnes agninas , ovillas , & vitulinas , propter nimiam humiditatem : quasi verò illarum siccitas , vel harum humiditas ad pestilentis veneni generationem vel inductionem aliquid faciat , & nulla etiam arte corrigi possit .

V II. Malum est vigente peste jejuno stomacho manè exire in publicum , quia ventriculus vacuus non habens quod concoquat , parum vel nihil chyli ad cor transmittit ; hinc cor etiam debilius pulsans , cum non fortiter propellat à centro ad peripheriam , facile sibi assumit aëris inquinamenta per inspirationem assumpta , & corpori in ambitu adhaerentia . Contra verò cum ventriculi aliorumque viscerum coctiones liberaliter procedunt , tunc à centro ad partes externas humores alimentarii , spiritus & vapores transmittuntur . Quapropter jentaculum manè ante exitum assumptum , etiam pro insigni præservativo contra pestem habendum est , imprimis illud de quo in textu diximus . Qui non sunt assueti jentare , illi buccellam panis albi , vel panis biscocti , vino intinctam edere : vel , Anglorum more , haustum cerevisiæ , cui frustum panis recenter tostum , cum pauxillo nccis moscatæ immixtum est , bibere queunt : vel morsulorum seu placentularum , ab Angelo Sala descriptarum , unam aut alteram assumere possunt , quæ sunt admodum delicatæ , & grati saporis :

*Re. Panis triticeus biscocti , sacchari albi simi , ana lib. j. amygd. dulc. excoriat. cortic. citri virid. condit. ana lib. s. gelatine cydoniorum unc. iij. nucis*

*muscatæ condit. zingiberis chyna condit. myrobalanorum condit. ana unc. ij. cinnamomi electi drach. j. s. croci opt. drach. s. singula seorsim exactè contendantur , postea cum pistillo ligneo simul misceantur , & fiat pasta , addendo Aquæ rosarum q. s. Ex hac deinde conficiantur placentule , quæ postea lenissimo calore aliquantulum exsiccantur , & ad usum servantur .*

Angelus Sala huic pastæ addit ambrai griseæ & moschi , ana scrup. j. sed nos illa duo studio omisimus : partim quia hujusmodi grati ac subtiles odores in peste minus conveniunt : partim quia multi tales odores ægeriè ferunt , imprimis verò mulieres .

V III. Carnes porcinæ in pestilenti constitutione maximè damnosæ sunt : quod in hujus pestis principio ipsa experientia adeo notum fecit omnibus , ut earumdem usum postea quilibet fugeret , imò multi quoque eadem foras canibus projicerent ; utpote post quarum comestionem multos statim peste infectos fuisse observaverant . Quo factum ut Noviomagi tota æstate & autumno pauci porci mactarentur . Hoc ipsum Rhazes quoque observasse videtur ; nam *lib. de peste , cap. 4.* in victu , præter alia , etiam à carnibus porcinis abstinere , expresse jubet .

I X. De halecibus illud notatu dignum in hac peste observavimus , nempe cum mense Junio & Julio haleces novæ (ut appellant) muria conditæ adveherentur , & incolæ , novitatis gratia , illas passim crudas (ut solent nostrates) comederent , pestem eo tempore multum accrevisse , multoque , qui illas comederant , intra viginti horas contagio infectos fuisse : quibus exemplis alii prudentiores redditi , postea halecum usum intermisserunt . Huic nostræ

observationi è directo contrarium est illud, quod scribit Palmarius, *lib. 2. de febr. pest. cap. 18.* his verbis: *Certissimo experimento constare tradunt, cum primum balceis sale condita copia à piscatoribus in maritimas civitates deferretur, pestem brevi tempore evanescere, ignoratâ causâ, propterea quod omnibus falsis id minime concessum sit.* Vt hæ contrariæ observationes concilientur, dicendum: primò, dubitari posse de veritate illius posterioris observationis, utpote quam Palmarius solummodo scribit ex relatione aliorum, ipsemet autem non vidit. Secundò, posito illam verissimam esse, varietates tamen locorum seu regionum, nec non tempestatum, sæpius in causa esse, ut quod in una peste prodest in victu, id in alia noceat, quod uni regioni damnosum, illud alteri salutiferum existat. Quapropter Cardanus, *lib. 2. Subtil.* non sine ratione inquit, tot ferme esse modos pestis, quot tempora. Non quod venenum pestilens sit diversæ naturæ, sed quod diversimodè operetur pro diverso corporum apparatu. Hoc est quod Lucretius significare voluit his verbis, nempe, eandem pestem etiam pro mutatione temporis anni multum variare: nam quod

———— aliis dederat vitales aëris

auras

*Volvere in ore licere, & cali templa tueri;*

*Hoc aliis erat exitio, lethumque parabat.*

Hanc varietatem multoties confirmavit experientia. Scribit Appianus, *de bello Parthico*, in exercitu Antonii, pestilentia gravi laborante, casu prædium inventum esse, quo plerique servati sunt, qui eo utebantur, idque erat *ovizaior*, id est, vinum oleo permixtum, quod tamen aliis in pestibus nihil prodest, imò sæpe nocet. Sic in vehe-

mentissima peste anni 1580, observatum est, nulla alia medicamenta profuisse, præter lenientia (teste Thuaño, *Hist. 68.*) quæ contra in aliis pestibus sæpius animadversæ sunt, quas nonnulli scribunt procedere à diversa veneni pestilentis natura ac conditione: sed errant: nam veneni pestilentis semper una eademque est conditio, sola intensio vel remissio differens: operationum verò diversitas (ut modo dictum) procedit à diversitate locorum, tempestatum, victus, & temperamentorum corporum.

X. De aliis & capis, quare non convenient in præservatione, dicemus paulo post, *cap. 10. annot. 6.*

XI. Omnia dulcia facile bilesunt, inflammationem concipiunt, & corumpuntur, præcipue in adolescentibus, juvenibus, aliisque calidiore natura præditis. Hac de causa Rhases, *lib. de Peste*, omnia dulcia vitare jubet: & Avicenna, à saccharo abstinere, ac succos refrigerantes, acetosæ, citri, &c. sine saccharo exhibere præcipit. Sic etiam Valescus de Taranta, *lib. 7. Philon. pharmac. cap. 16.* inquit: *Non probantur mellita confectioes, & quæ dulcedine pollent.* Etiam Mercurialis, ætate ab omnibus dulcibus abstinendum esse, docet. Nos quoque in hac peste dulcia maximè nocuisse, & in corporibus, præcipue calidioribus, citissime in bilem mutata ac corrupta fuisse animadvertimus, imprimis autem mel & mellita omnia; quoniam mellis damnosissimus usus erat: illud enim hoc tempore assumptum, in ventriculis sanorum non minus quam ægrotorum, statim corrumpebatur, bilescebat, ac malignam qualitatem suscipiebat, vomitum quoque, diar-

diarrhoeam, summas anxietates, febrem, aliaque mala inducebat, ita ut illud omnino fugiendum esse, doceret usus, neque ullis medicamentis facile admiscendum, nisi iis quorum alexicaca vis hanc ejus qualitatem planè evincit, qualia sunt, theriaca, mithridatium, diascordium, aliaque similia. Quapropter etiam minimè probandum est consilium Quercetani, aliorumque Medicorum, qui jubent ut apozemata sudorifera ad pestem in hydromelite coquantur, aliarque variae confectiones, loco sacchari. cum melle conficiantur. Notandum etiam, si condita, conservæ, vel qualiacunque fuerint medicamenta, quibus ad pestis tam præservationem, quam curationem utimur, possent sine melle, saccharo, vel alia dulcedine confici, quod longè utiliora forent, cum dulcia hic noceant. Verum multa medicamenta cum melle, saccharo, vel syrupis exactè misceri debent ad meliorem commisionem, & ut integris ac copulatis viribus melius diu conservari possint. Ad hæc, sæpe etiam cogimur dulcedine aliqua gratiam conciliare medicamentis, eaque ad delicatiorum palatum hoc modo aliquantulum accomodare, qui alioqui ab illis nimium abhorrent. Sed ego auctor esse velim, ut in quam paucissima fieri potest quantitate dulcia reliquis admisceantur. Sic nos hoc pestis tempore in tabellis (si forte præscribendæ forent) duplo plus pulverum sumebamus, quam ordinariè ad sacchari quantitatem fieri solet; syrupos solis rarissimè utebamus, & si syrupos aliis rebus admiscere necesse foret, non utebamus aliis quam de succo citri, de scordio, & conservationis radicum helenii conditarum.

XII. In ciborum quantitate mediocritatem servandam esse, docet Hippocrates, 2. aphorif. 17. *Vbi nutri-*

*mentum ultra naturam capitur, morbum facit.* Præstat igitur tempore pestis paulo infra subsistere, quam ultra progredi, & in omnibus nimias repletiones evitare, ut hoc pacto crudorum excrementorum copia, hincque procedens meatuum obstructio & humorum putredo, declinari possit: nam id maximè tuetur corpus à morbis, si vacuum sit excrementis, optimeque perspirabile.

XIII. Cerevisia ex optima aqua confecta esse debet, nam si per se, vel in se corrupta fuerit aqua, vel injectione seu influxu sordium contagiosarum & pestiferarum infecta, licet coctio ad ejusdem emendationem multum faciat, tamen totam malignitatem penitus absumi, vix certo asseri potest: nam etsi putredo, impuritas, malus sapor, & similia, coctione multum corrigantur, semper tamen venenositas ejus omnino auferri & extingui nequit. Huic nostræ, fortassis novæ, opinioni statim occurrunt tres objectiones. *Prima*: si pestilens venenum aëri inhærens expurgari & extingui possit per ignem, (ut in annotationibus præcedentis capitis abunde probatum est) ergo illud etiam fiet per coctionem, si aquæ inhæreat. *Secunda*: si quælibet venena per ignem mitigentur, expurgentur, & sæpe etiam extinguantur, ergo etiam venenum pestilens quod aquæ immixtum est. *Tertia*: si per sudorifera medicamenta una cum sanguinis sero simul expellatur venenum pestilens, ergo per coctionem illud una cum vaporibus ex aqua expellitur. *Respondeo ad primam*, non valere consequentiam, quia quod in aëre extinguitur ab igne venenum, non potest semper extingui in aqua, quia scilicet ignis, propter substantiæ contrarietatem, non potest eodem modo agere seu operari in aqua, sicut in aëre, quia aëris exigua & tenuissima humidi-

tas vi ignis statim dissolvitur in igneam fere subtilitatem, & quod ipsi inhæret venenum, illud eadem ignis vi etiam dissolvitur in minima naturalia, atque ita extinguitur. Contrarium autem fit in aqua, cujus crassa & maxima humiditas venenum, aliaque in se contenta, diu defendit ab illa extrema in minimas particulas dissolutione per ignem; ac propterea venenum, cum in minima naturalia non redigatur, retinet suam venenositatis formam, eamque etiam aquæ imprimat ac communicat; quæ aqua si usque ad siccitatem excoqueretur, tandem & ultimo non posset non etiam extrema dissolutione extingui venenum: sed talis aquæ consumptio non inservit nostris usibus, ut nec cerevisiæ conficiendæ. *Ad faciendum*: non valere consequentiam in genere, nam mercurius vivus ignis sicci calore facillimè resolvitur ac evanescit, in aqua verò coctus non dissipatur: arsenicum igni injectum exiit venenositatem; in aqua coctum, eandem retinet & aquæ imprimit: venenum canis rabidi, quod combusto cane, aliove rabido animali extinguitur, nulla coctione edomatur, cujus manifestum exemplum refert Lycosthenes, de insido quodam caupone, qui porcum à cane rabido commorsum, statim occidit, coxit, & hospitibus suis comedendum apposuit, qui omnes in rabiem acti, se invicem miserrimè dilaniarunt. Similem quoque historiam refert Fernelius, *lib. 2. abdit. cap. 14.* de quibusdam venatoribus, qui lupum, ipsis nescientibus rabidum, captum trucidaverant, coxerant, & in varia obsoniorum genera apparaverant, ac comederant, atque omnes rabie correpti fuerunt. Hoc si in veneno rabido factum fuerit, quis idem in pestilenti aliquando fieri dubitet? Non obstat hic quorundam distinctio, qui illam statuunt differen-

tiam inter venenum rabidum & pestilens, quod illud crassius sit, ac crassiori & densiori materiæ inhæreat, ac propterea tardius resolvatur aut dissipetur; hoc verò sit tenuius, acrius, & facile resolubile seu dissipabile. Quam differentiam licet simpliciter non negemus, interim tamen experientia docet in utroque veneno rursus magnam occurrere differentiam, & neque omne venenum rabidum esse lentum, neque omne pestilens adeo subtile ut facile dissipetur, (prius ex eo patet, quod sæpe solus canis rabidi halitus, vel tenuis saliva, cuti, imò vestibus solum, adhærens, alios inficiat: posterius, quod subtile venenum per multos menses fomiti inhære, in coque integris viribus (servari non posset) imprimis si aquæ immistum fuerit. Ad hæc, certissima rerum magistra, experientia multoties docuit, venenum pestilens sæpe nulla coctione edomari, expelli, vel extingui; quod historiis ex Iulio Alexandrino, Fallopio, & Hercule Saxonia citatis, supra abunde probavimus, *hujus lib. cap. 3. annos. 12. ut & lib. 1. cap. 8. annos. 1. problem. 6. Ad tertiam dico*: non valere consequentiam, propter maximam diversitatem subjecti & operationis. In homine venenum continetur in partibus sentientibus, quæ à veneni injuriis lacescit, illud proprio naturali instinctu foras expellunt: in aqua verò venenum continetur in tali re, cui nec vitalis sensus, nec venenum percipiendi, nec fecernendi, nec expellendi facultas inest. In homine propellitur, attenuatur, & expellitur venenum vi caloris cordis & corporis, quæ expulso juvatur per partium sentientium, molestam veneni vellicationem percipientium, irritationem ac contractionem: in aqua verò coquente venenum solummodo commovetur ab igne non vivente, in subjecto mortuo & non sentiente:

tiente: atque sicut in homine ad venen-  
tiam expulsiōem nihil prodest magnus  
ac fervidus calor intus accensus, sed  
nocet; sic quoque in aqua venenata,  
solus fervor ignis parum aut nihil fa-  
cit ad veneni extinctiōem. Si in ho-  
mine calor intensus seu fervor faceret  
ad veneni expulsiōem & extinctiōem,  
ergo euphorbium, piper, aliaque cali-  
dissima medicamenta forent optima  
antidota, imò ipse febrilis ardor vene-  
ni pestilens vires infringeret: contra-  
rium tamen docet usus. Roges fortè,  
quid faciunt igitur sudorifera? Fer-  
mentatione quadam humores à vene-  
no, vel alia quacunque causa nonnihil  
coagulatos seu condensatos dissolvunt  
& attenuant, viasque & meatus versus  
peripheriam aperiunt; & dum attenua-  
tos serofos humores ed depellunt,  
etiam expultricem partium facultatem  
adjuvant in expellendo veneno: præ-  
terea imprimis antidotali sua facultate  
veneni vires suffocant, tollunt, infringunt.  
Concludimus ergo, aliquod vene-  
num pestilens; nempe quod densiori  
seu firmiori substantiæ firmiter immi-  
stum est, aquæ inhærens, non facile posse  
coctione expurgari, expelli, vel extin-  
gui. Dico, *aliquod*, & non omne, quia  
si in sese fuerit tenuissimæ substantiæ,  
& subiecto tenuissimo inhæserit, instar  
spiritus ejusdem, coctione citissimè  
dissolvi, dissipari, & expurgari posse,  
credibile est. His ita se habentibus, sa-  
nè alienum non fuerit, suspectas habere  
illas cerevisias quæ conficiuntur in lo-  
cis peste multum infectis, præcipuè il-  
lis, in quibus cerevisiæ coctores non  
ex aliis quam publicis stagnantibus a-  
quis cerevisiam conficiunt, (sicut fit  
Lugduni Batavorum, Harlemi, Hagz-  
Comitis, Delphis, aliisque multis in  
locis) quæ aquæ ab injectione excre-  
mentorum ægotantium aliarumque  
rerum infectarum, corruptione cada-

verum bestiarum in illis sæpe putre-  
scentium, foetidissimo insulvis multarum  
latrinarum ac cloacarum in illa  
se exonerantium, omnibus denique,  
omnium ædium ac platearum putri-  
dis, foetidissimis, & infectis sordibus in  
illas defluentibus, corrumpuntur atque  
infiuntur. Profectò si insalubres sint  
illæ aquæ in quibus linum vel cannabis  
macerata sunt, (quas Petrus Pena vene-  
natas esse scribit) quanto insalubriores  
erunt illæ, in quas tanta putridarum,  
foetidissimarum, & infectarum sor-  
dium confluentia est?

XIV. Quamvis nonnulli Medici  
vinum tempore pestis omnino prohi-  
beant, nos tamen ejusdem moderatum  
usum laudandum existimamus, im-  
primis hyeme, & in naturis frigidioribus,  
ut & vino assuetis. Nam vinum putre-  
dines aufert & impedit; præterea alexi-  
pharmacum vim habet, ac venenis in-  
signiter resistit, testibus Dioscoride  
*lib. 5. cap. 11.* & Plinio, *lib. 33. cap. 2.*  
quo loco hic scribit, illud in peste ma-  
gnam auxiliandi vim habere. Ad hæc  
vinum partes principes confortat, vires  
corroborat, easque conservat, & quod  
omnium maxime in pestilenti constitu-  
tione requiritur, animum exhilarat, tri-  
stitionem, metum, terroremque fugat, qui  
affectus maxime noxii sunt. Si nimius  
ejus calor metuatur, imprimis æstate,  
Rhazes illud multa aqua frigida tempe-  
rare; Cornelius Cellus modo aquam,  
modo vinum bibere, præcipit. Nos ali-  
quantum succi fructus ribesorum ru-  
brorum, berberis, aut cerasorum mo-  
rellorum, vel pomi citrii, aut aurantio-  
rum, cum tantillo sacchari & aquæ ro-  
saceæ eidem admiscemus, vel pomum  
citrium in calcolos dissectum, eidem  
imponimus, atque ita omnem nimii  
caloris suspicionem amputamus. Plu-  
tarchus, in *Cæsare*, scribit exercitum  
Cæsaris horrenda hac lue correptum,

in eadem abigenda vini vires egregie perferensisse; quippe milites eodem turgus hausto, tanti hostis acutissima spicula ita retruderunt, ut pestis brevi tempore planè disparuerit. Sic etiam Toxaris Medicus solo vini odore Athenienses à peste liberasse traditur. Qui has aliasque innumeras vini facultates scire desiderat, illas curiosius descriptas legat apud Canonherium Antwerpensem, *lib. 2. de vini facult. admir.* & apud Lælium Bisciolam, *tom. 2. Horar. Subisfont. lib. 5. cap. 3.* Videantur adhuc nonnulla de vino infra, *lib. 3. cap. 2. annot. 5.*

XV. Ebrietas, cum cruditates generet, vitales spiritus incendat, omniumque maximè cerebrum & animales spiritus malè afficiat, valde damnosissima habenda est; quod Noviomagi in hac peste plurimos suo damno expertos fuisse novimus: idemque se etiam observasse testatur Mercurialis, *de peste cap. 22*: Et Patavii, inquit, & Venetiis vidimus bibaces plurimos extinctos esse, qui existimabant vinis generosis se propulsaturos esse pestem. Verum licet Noviomagi ebriosi multi morerentur, attamen ter quaterve vidi copiosiore vini usu pestem, quæ jam invaserat, propulsatam & extinctam fuisse: qua de re exempla dabimus libro quarto; sed illa pro rarissimis habenda sunt: neque debent hujusmodi paucissima exempla contrariæ quotidianæ experientiæ anteponi.

XVI. Solent Medici tempore pestis prohibere balnea, propterea quod corpora rarefaciant & languida reddant, spiritusque dissolvant: imprimis autem fugere jubent publica balnea, ad quæ omnis generis homines accedunt, & procul dubio etiam multi tales qui ex infectis ædibus prodeunt, vel infici aliquem pestilentis contagii fomitem, vestibus aliisque rebus fortè in-

hærentem, secum ferunt. Hujusmodi tepida balnea cum Noviomagenfes non haberent, solebant multi ex consuetudine, æstivo tempore, in stagnis, vel ipso flumine Vahali natæ: quod innumeris malè cessit, idque non sine variis rationibus. *Primo*, quia stagnorum aquæ ob diuturnas siccitates, & intensissimum aëris æstum valde corruptæ, multisque in locis malè olentes erant: fluminis verò aqua infectionis pestilentis suspicione non carebat, propterea quod sursum Germaniam versùs, imò per totam Germaniam usque ad Helvetiam, pleræque urbes ad Rhenum sitæ, unà cum innumeris pagis, eodem tempore gravissima peste infestarentur, quarum omnium fœda illuvies, tam cloacarum, quam latrinarum, domuum, & platearum, una cum infectis ac contagiosis sordibus in flumen dies noctesque effluens, ejusdem aquis permiscebatur, atque sic cum illis deorsum ad Noviomagenfes, aliasque inferiores civitates descendebat. *Secundo*, quia illi natatores se nudos radiis Solaribus exponunt, quod, teste Rhaze, tempore pestis valde periculofum. *Tertio*, quia sudantes & valde calentes in aquam frigidam prosiliunt, ex ea paulo post egressi radiis Solaribus nuda corpora exponunt, ut incalescant, calidi rursus aquis se immittunt; quæ mutationes admodum damnosæ existunt. Quidquid sit, multoties observavimus illos natatores, statim post natationem de capitis dolore primò conquestos, & intra paucas horas peste correptos fuisse. Germani Medici, præter balnea, etiam meridè in pestilenti constitutione jubent fugere calorem hypocaustorum, imprimis publicorum (quæ apud ipsos in frequenti usu sunt) quoniam multis pestem intulisse, à Platero observatum est.

XVII. Vestes lanæ crassiores, pel-



pellicæ, aliæque similes, tempore pestis rejiciendæ sunt, propterea quod quælibet infectæ sordes, & contagiosi vapores facillimè iis inhæreant, ac fomitem constituent; quod in vestibus sericeis, tenuibus, & lævibus, aliisque in textu commemoratis, tam facile fieri nequit. Quam noxiæ sint vestes lanæ, sæpe docuit experientia. Mercurialis, lib. de pest. cap. 22. scribit, Venetiis peste sæviente, plurimos Medicos extinctos fuisse, eo quod in ægris invisendis, uterentur tunicis pelliceis latissimis. Hanc ob causam putat Follius, in Amulet. anson. cap. 8. suo tempore in urbe Sylva-Ducensi pestem tam immaniter propa-

garam fuisse per universam plateam Lanificii, ut vix domus intacta relinqueretur. Rationem hujus rei suppeditat Marsilius, Antid. epid. cap. 24. *Vi oleum, inquit, ignis, sic nutrimentum huius veneni est lana: & quidem enutrit hac lana venenum, ut non modo conservet ipsum, sed & augmentet, simulque fortificet.* Hoc certum est, corpora spongiosa & laxa, quale etiam est lana, promptè suscipere, & diu conservare infectos venenatosque vapores, atque hinc laneas vestes tempore pestis rejiciendas esse. Super his videantur quædam præcedenti cap. 3. annot. 4.

C A P. V I I. *De Somno & vigilia, Motu & quiete, ac animi Pathematibus.*

**A**D præservationem consului omnibus, ut in somno & vigiliis (1.) modum servarent, atque nec illum ultra consuetos naturæ limites extenderent, nec his præter consuetudinem corpus nimis emaciarent: imprimis autem ut fugerent somnum meridianum, (2.) iis exceptis, qui plus solito vigilaverant, vel à longo tempore tali somno assueti erant. Ad hæc, ut nunquam sub die, radiis solaribus expositi, vel supra fœnum cubantes (3.) somnum capefcerent. Similiter ut corpora moderatè (4.) tantum exercerent, ac majora (5.) exercitia, & graves labores, (6.) quibus corpus vel nimis incalescit, vel delassatur, cane pejus & angue fugerent, omnium verò maximè illi qui talibus exercitiis vel laboribus non erant assueti, utpote qui ab iis gravius lædebantur, quamvis etiam iis assueti hoc pestis tempore inde non raro pessimè afficerentur. Præterea ut à Venere (7.) abstinerent, vel ea saltem moderatè & rarius uterentur, utpote quæ spiritus excalefaciendo & vires resolvendo, hoc tempore corpora ad pestiferam labem suscipiendam citissimè disponebat, præcipuè in non assuetis; quemadmodum id tristes plurimorum sponsum exequiæ hoc tempore plus satis testatæ sunt. Denique ut omnes quieto ac tranquillo animo essent, & quoslibet vehementes ac impetuosos animi motus, (8.) atque occasiones ad tales motus, studiosissimè evitarent, imprimis verò iram, metum, & terrorem (9.) qui hoc tempore omnium pessimi ac damnosissimi

fimi erant. Vt intrepidi, hilares (10.) & bene contenti viverent, omnemque moerorem ac tristitiam (11.) penitus in exilium ejicerent.

## A N N O T A T I O N E S.

I. *Somnus & vigilia*, (inquit Hippocrates, 2. aphor. 3.) *utraq; si modum exceſſerint, malum.* Nimius enim ſomnus caput ac totum corpus aggravat & pituitofis excrementis replet, ſenſus quoque torpidos reddit, omniaque viſcera & membra ad munia ſua ignava facit. Immodicæ verd vigilæ cerebrum exſiccant, ſpiritus diſſipant, coctiones debilitant, cruditates pariunt, torumque corpus labefactant. Ac propterea utriuſque exceſſus evitandus eſt, cum imprimis tempore peſtilenti corpus vegetum ſervare, omneſque morborum occaſiones diligenter evitare conveniat.

II. Somnus meridianus, præcipue inſuetus, ut & ille qui ſub dio fit, ab omnibus Medicis, tanquam multorum morborum auctor & maximè noxiuſ, ſemper damnatus fuit. Quod tamen abſolute pro generali regula habendum non eſt, neque omnibus hominibus æqualiter applicari poteſt: iis enim, qui gravibus laboribus matutinis ſunt deſaſſati, vel ratione ſtudioſum, alteriuſve cujuſcunque cauſæ, matutino tempore ſolito maturius ſurrexerunt, continuuſque ac firmis animi intentionibus occupati fuerunt, & circa meridiem animi corporiſque actiones nonnihil languidas ſentiunt, ad ſpirituum refectionem aliqua quies neceſſaria eſt, & brevis ſomnus meridianus plurimum conducit. Aliis verd, quorum ſpiritus non multum diſſipantur, & qui quietiores vivunt, ſomnus meridianuſ nocet.

III. Supra ſcœnum cubare ac dor-

mire, ſæpiſſimè comperti ſumus multis valde exitioſum fuiſſe, imprimis ſi ſcœnum recens foret. Hinc primò capitis dolores ac febres, & tandem brevi poſt ipſam quoque peſtem acceſſiſſe, obſervavimus.

IV. Elegantiffimum eſt illud quod ex Catone citat Aulus Gelliuſ, lib. 11. cap. 2: *Vita*, inquit, *humana prope uti ferrum eſt; ſi exerceas, conſeritur; ſi non exerceas, tamen rubigo interficit: iidem homines exercendo videmus conſeri: ſi nihil exerceas, inertia atque torpèdo plus detrimenti facit, quam exercitatio.* Ab hoc aureo dicto alienum non eſt illud Fulgentii: *Exercitium eſt humana vite conſervatio, caloris nativi lima, virtutum robur, ſuperfluitatum conſumptio, temporis lucrum, juvenutis debitum, & ſenectutis gaudium.* Verum hæc aurea dicta non de aliis quam honeſtiſ & temperatiſ exercitiis, convenienti tempore inſtitutiſ, intelligenda ſunt: quod etiam Ariſtoteleſ, 2. *Ethicor.* docens, inquit: *Exercitium temperatum conſervat ſanitatē.* Item Avicenna, qui 3. primi ſen. cap. 3. ait: *Si homineſ, debito tempore, moderato exercitio ac labore uterentur, carere poſſent miluiſ medicamentis.* Nam huiuſmodi exercitationeſ omnia viſcera & membra ad naturaleſ functioneſ meliuiſ peragendaſ excitant; cum è contra incoſuetæ & gravia exercitia totum corpus debilitent & affligant.

V. Corneliuſ Ceuſuſ in peſtilenti conſtitutione imprimiſ vitare jubet deſatigationeſ ſeu laſſitudineſ: idque non ſine ratione, quia ſpirituſ incendunt ac diſſipant, poroſ externeſ aperiunt,

corpuiſ

corpus debilitant, humores aciores ac biliofiores reddunt, &, quod omnium pessimum est, crebriores majoresque respirationes efficiunt, atque ita multi aeris impuri & inquinati inspiratione cordis facultatem maximè lædunt. Hinc etiam Hippocrates, *lib. de nat. hum.* in peste crebras respirationes fugere præcipit: Verum, inquit, cura erit adhibenda, ut quam parçissimè spiritus in corpus influat, sitque maximè familiaris. Sic etiam Avicenna, 3. primi, doct. 5. cap. 1. scribit: *Pestis tempore illud studendum, ut fugiatur necessitas at- trahendi multi aeris, quod optimè fit quiete & otio.*

VI. Durante hac peste sæpius observavimus statim post graves exercitationes & magnas defatigationes, multos peste correptos fuisse; cujus rei eventus tandem adeo innotuit omnibus, ut multi etiam vulgares à gravioribus laboribus abstinerent; quin & rustici, tempore messis fœni, suum focum metere & colligere nollent, edocti tristibus aliorum exemplis, qui graviter laborantes statim post peste correpti fuerant.

VII. Quam ob causam Venus noceat, docuimus *lib. I. cap. 5. annos. 4.* Verum sicut nimis Veneris usus corpora debilitando & excalefaciendo ad pestem disponit, ita quoque ejusdem nimiam abstinentiam illud ipsum facere, nonnulli credant; inter quos est Cornarius, qui *lib. I. de pest. cap. 13.* hanc opinionem ita confirmat: Ego certe, inquit, affirmare possum, in una urbe, in diversis ædibus, & seximam nuptas, & viduas, & puellas, omnes ad unam peste correptas & absumptas esse, cum mares magna ex parte fugâ sibi consuluisse: nec adhuc scio an alia, quam à viris abstinentia, mortis illarum causa fuisse, putari debeat.

VIII. Animi emotiones corpora ad pestiferam labem disponere, do-

cuius *lib. I. cap. 8. in textu, & annos. 9.*

IX. Nullus est animi motus qui pestilentis domini limites longius & citius extendit, quam terror, sive ex consternatione funeris visi, vel hominis infecti occurrentis, vel mali nuncii, vel terribilis imaginationis, alteriusve rei, incutitur. Hunc solum durante maligna hac constitutione, pestem multis advocasse novimus: idemque se anno 1626, in plurimis quoque observasse, refert Sennertus, *lib. de peste cap. 1: Memini*, inquit, *peste correptos fuisse, qui currum illum, quo peste extincti ad sepulcrum vehuntur, à longinquo extra urbem conspexerant; alios qui domo inclusi eum non viderunt, sed strepitum saltem ejus audiverunt. Imò etiam nobis relatum est, & ex informis de peste nonnullis peste correptos fuisse, qui cum nullo peste infecto conversati erant, & quos certum erat per contagium pestem non hausisse.* Sic etiam Euagrius & Nicephorus ex solo aspectu infectarum ædium varios peste infectos fuisse, affirmant. Guido de Chauiliaco, 2. doct. apostem. cap. 5. scribit, in peste anni 1348, à solo aspectu ægrotorum plurimos pestilens contagium concepisse. Ex sola imaginatione quorundam peste infectorum historias referunt, & Schememannus, in *Paracelsi de peste, cap. 15.* Erasmus Hedenus, in *quadam Oratione*, & Joannes Matthæus, in *Cent. quest. 86.* Non possum non mirari opinionem Quercetani, in *Pest. alex. cap. 2.* ubi scribit, per solum visum eodem modo contrahi pestem, sicut à muliere menstruata speculum contrahit maculas, & ab ophthalmico ophthalmia contrahitur. Profectò Quercetanus hic tota errat via, nam visus per se nihil facit ad inductionem pestis, sed qui per hunc sensum incutitur terror, ille est qui inordinato spiritu motu, eorundemque concentratione circa cor, ad veneni

neni pestilentis contractionem per accidens aliquid facit, ut docuimus *lib. 1. cap. 8.* Nisi fortè velit Quercetanus, per inordinatum motum spirituum à fœdi ophthalmici aspectu inductum, sic etiam per accidens gigni ophthalmiam.

X. Animus præsens & imperterritus minimè omnium afficitur, & audaciores minus à peste infestantur, ac, correpti, minus periclitantur: quod exempla multorum vespillonum, aliorumque qui qualibet ædes infectas audacter frequentant, sapius docent. Contraria autem timidis evenire, ut jam diximus, experientia certissimum facit, & utrorumque plurima exempla in hac peste vidimus. Causa dependet à spirituum motu, qui in illis fortis & constans procedit, sine ulla cordis alteratione aut læsione: in his verò maxime inordinatus fit, cum summa cordis alteratione ac debilitatione; cujus debilitatis ratione cor pestilens venenum minus à se dispellere valens, ab eo occupatur.

XI. Mœror, tristitia & timor (quos animi motus Pigeræus pabulum & nutrimentum pestis appellat) tantum valent in maligna constitutione, ut iis solis de causis pestes maxima incrementa sumere, multi crediderint: ac propterea quoque Veteres adversus has animi

affectiones peculiare alexipharmacum excogitaverunt, nempe Musicam, cuius vi olim multos maximosque morbos sanatos fuisse, referunt. Plutarchus, *de Musica*, scribit, à Lacedæmoniis gravi pestilentia infestatis, Pythii Apollinis oraculo, Thaletem Cretensem accitum fuisse, eumque Musica grassantem pestem fugasse: cuius Thaletæ etiam mentionem facit Paulanias *lib. 1.* Sic quoque Homerus, *Iliad. 1.* Græcos pestem cantu depulisse tradit. Vbi per Musicam & Cantum nihil aliud quam animi lætitiæ & hilaritatem, duos præcipuos pestis hostes, intelligendum esse, plurimi existimant. Præter Musicam, nos aliud mœrorisfugium ac tristitiæ alexipharmacum habemus, nempe vinum, quo tristibus interdum uti licet usque ad hilaritatem, (cavendo tamen ab ebrietate) ut hoc modo curæ & mœrores è corde excutiantur. Tempore itaque pestilenti illud omnibus inculcandum est, ut timorem & tristitiæ in totum fugiant, & divini Numinis auxilio ardentibus precibus primum implorato, in Medici sui fidelitate, & alexipharmacorum viribus fiduciam reponant, sicque animo imperterrito ac tranquillo vivant; nam, ut inquit Avicenna, plus interdum prodest ægroti fiducia in Medicum, quam ipsa medicina.

### C A P. VIII. De Prophylaxi Chirurgica.

**A**bsolutà diæteticâ prophylaxi, ad Chirurgicam deveniendum est. Duo tantum media ad præservationem à peste subministrat Chirurgia, nempe venæsecciones, & cauteria. Venæsecciones, (1.) quamvis à multis veteribus & neotericis Medicis summè laudatas, nos tanquam valde periculosas & damnosissimas planè rejecimus. Cauteria (2.) verò, seu fonticulos per ea excitatos, summopere approbavimus, & utilissima fuisse observavimus; per eaque in brachiis, vel ut plurimum in cruribus, fonticulos (quos *fonticellas* vulgò vocant) multis fecimus, atque

que illos toto pestis tempore apertos servavimus, per quos multi superflui, acres, noxii, corrupti, ac foetidi humores paulatim effluerunt. Tali ratione multi preservati sunt, imò vidimus aliquos his prævinitos, qui pestis invasionem sentientes, statim in ipso principio antidotum sudoriferum assumpserunt, atque ita citissimè liberati sunt, natura expellente per foniculos atrum quandam ac venenatum tabum.

## A N N O T A T I O N E S.

I. **M**ulti præclarissimi, tam veteres, quam neoterici Medicinæ proceres, ad præservationem, magnis laudibus extollunt venæsectionem, præcipuè in plethoricis, hancque opinionem plurimis egregiis, & sanè verisimilibus rationibus confirmant, (has brevitatæ gratia hic præteribimus) quibus non tantum calculum suum adjecit Quercetanus, sed reliquis curiosior existere volens, etiam certam venæsectionis tempus definivit, eamque instituire jubet circa Lunæ quadraturam, sed studiosissimè cavendum esse ait, ne fiat venæsectio cum Luna Marti, Saturno, vel alii cuidam astro maligno opposita, aut in alio quodam adspectu sinistro collocata est: illud autem tempus observari vult, quo benignis quibusdam Planetis (quales sunt Jupiter & Venus) Luna conjungitur, vel saltem eos benigno respiciat, aut ab iisdem respiciatur adspectu. Verum omne venæsectionis patrocinium evertitur ab experientia: nam in hac peste Noviomageni, neque prædictorum Medicorum rationes, neque Quercetani scrupulosæ temporum observationes, unquam impedire potuerunt, quo minus pestis invasio brevi post venæsectionem sequeretur: semper observavimus venæsectiones, etiam in optimè sanis & plethoricis institutas, fuisse damnosissimas: idque abunde docuerunt trista plurimorum, etiam plethoricorum, exempla, qui cum præserva-

tionis gratia venam pertundi curassent, statim post peste correpti sunt. Quapropter nos venæsectionem omnibus prohibuimus. Sic quoque Liddelius & Riverius tempore pestilenti à venæsectione, etiam in plethoricis, abstinere, & non nisi magna aliqua necessitate urgente (ut plenitudine ad vasa, vel aliqua sanguinis solita evacuatione suppressa) eo devenire jubent. Ratio est, quia exhausto sanguine & viribus imminutis, cor malignam auram minus potenter à se expellit, minusque eam evincit & extinguit, atque hinc ab inspirato maligno aëre pestilens qualitas facilius & gravius ei imprimitur. Hac de re plura videantur *lib. 3. cap. 3. annot. 1.*

II. Cauteria, seu potius foniculos iis excitatos, ad præservationem à peste, Nicolaus Florentinus, Io. Arculanus, Parisinus, Ingrassias, Paræus, Antonius Portus, Nicolaus Massa, Hercules Saxonia, aliique plurimi insignes Medici, summo opere commendant: quorum foniculorum insignem utilitatem nos quoque in hac peste multoties vidimus, non solum in euchymis, verum etiam in cacochymis, quos per illa sæpissimè tam insigniter præservatos vidimus, ut nullum à pestilente infectione nocumentum perceperint. Guilhelmus Fabricius Hildanus, *Cmt. 4. observat. 23.* scribit, anno 1612, in maxima Lausania peste, neminem eorum qui foniculos in brachiis aut cruribus

ribus habebant, præter unum aut alterum summè cacochymum, peste obiiſſe, ac proinde præſentaneum eſſe præſervativum, tum in aliis, tum in ſe ipſo obſervaviſſe: quod ipſum rurfus confirmat *cent. 6. obſervat. 86.* Sic etiam Georgius Guarnerus, *lib. de peſte, cap. 9.* ſcribit ſe affirmare poſſe, quod anno 1574, peſte multis Venetiis interficiente, nullum unquam viderit extinctum qui fontinellam geſtaſſet. Quercetanus, *lib. 2. de peſte, cap. 2.* ſcribit, ſe multos noviſſe Chirurgos peſtiferorum curationi deſtinatos, qui ſibi cauteriis melius, quam ulla alia cautione, proſpexerant. Mercurialis quoque ſuum de cauteriis ſeu fonticulis experimentum deſcribit *lib. de peſte, cap. 20:* Dicam, inquit, quod ego experientia vidi: poſſum teſtari me innumeros hac peſte extinctos vidiſſe, nec unquam vidiſſe quemquam qui haberet cauterium, præter unum tantum, atque ille erat ſacerdos: interrogavi etiam hac de re multos Medicos, qui teſtati ſunt, neminem ſe vidiſſe. Quod quidem argumentum eſſe poteſt, hoc genus auxilii magno opere conducere: & ſumma cum ratione, quandoquidem per cauteria, tanquam per cloacas, continendos ichores prævi & putredini obnoxii educuntur. Nos cum Mercuriali, Guarnero, & Hildano, tantum cauteriorum ſeu fonticulorum encomium adeo audaçter exclamare non auderemus; quandoquidem in hac peſte non unum, ſed plures etiam cum fonticulis mortuos fuiſſe novimus, licet pauciores. Platerus, *Prax. tract. 2. cap. 2.* ſcribit, peſte anno 1564 Lugduni regnante, monachum quendam non cauteriis aut veſicatoriis, ſed alio attractorio

uſum fuiſſe: nempe perforabat in viris ſcrotum, & vulnere imponebat radicem hellebori nigri, ſicque viros à peſte rutos fore pollicebatur: de quo curationis modo vide plura *lib. 3. cap. 12. annot. 3.* Nos durante hac peſtilenti conſtitutione vidimus nonnullos qui antiqua ulcera in cruribus habebant, quæ ipſis loco fonticulorum inſerviebant, cum æquali præſervationis favore. Quod ipſum Foreſtus, *lib. 6. Obſervat. 15.* reſert ſe quoque obſervaviſſe in Chirurgo quodam, qui ægrotos in Noſocomio tractabat. Sic in peſtilenti conſtitutione Galenus, *Method. 5. cap. 12.* ſcribit omnes fere evaſiſſe quibus ſcætebat corpus ulceribus. Ita quoque Paræus, *lib. 21. cap. 17.* reſert, ſe obſervaviſſe, à peſte minus tentatos fuiſſe eos qui caneros ulceratos habebant, quibus nares foeda orozna diſſuebant, qui lue Venerea, abſceſſibus & ulceribus ſædis correpti erant, ut & ſcrophuloſos, elephantiacos, leproſos, ſcabioſos, omnes denique eos quibus ulcera erant in corpore fiſtuſoſa & fluentia. Hic quiſpiam objicere poſſet, cum fonticuli tantum evacuent excrementitios & noxios humores, peſtilentis autem veneni ingreſſum in corpus impedire, ejusque virulentiam extingueri nequeant, quomodo ad præſervationem conducere poſſint? Reſpondendum: quod evacuando corruptos humores, viſcerumque integritatem conſervando, præſervant corpus ab aliis morbis, quibus mediantibus ad peſtem diſponi poſſet; ut dicemus *proximè ſequenti capite, annot. 1.*

CAP. IX. *De prophylaxi Pharmaceutica: & primo de Purgatione.*

**P**rophylaxis pharmaceutica consistit partim in expurgatione noxiarum superfluitatum, partim in præmunitione corporum adversus venenum pestilens. Cum autem noxiæ superfluitates in corporibus retentæ, variorum morborum causæ existant, per quos morbos corpora præparantur ad pestem, eapropter hic primo dicturi sumus de illarum superfluitatum expurgatione. Tempore pestis in corporum expurgatione (1.) maxima Medici prudentia requiritur, nam impuritates clementer & leniter (2.) subducere, nullis verò catarticis (3.) vehementer perturbare oportet. Quapropter etiam nos in hac peste nullis catarticis usi sumus, ipsa ratione, experientiæ copulatâ, satis docente, per fortiora purgantia humoribus violentius agitatâ, spiritibusque exhaustis atque etiam confusis, corpora ad pestem præparari ac disponi; quemadmodum hac tempestate catarticorum assumptione varios hunc crudelissimum tyrannum citissimè ad penetralia sua advocasse vidimus. Si igitur corpora firma occurrerent, in iis quidem alvum liberam, sed non planè fluidam servabamus. Si verò cacochyma forent, eorum cacochymiam corrigere, & paulatim ac clementer subducere annitebamur medicamentis lenientibus (4.) quibus semper etiam talia quædam admiscebamus, quæ pestilenti malignitati resistere possent. Ad has intentiones pauca nobis in usu erant medicamenta. Nonnullis è massa pilularum Ruffi, duas, tres, quatuorve, pisi magnitudinis pilulas semel aut bis in septimana, aliis duas alternis diebus, vel manè, vel vespere, aliis tantum semel in hebdomada deglutendas dabamus. Plurimis etiam nostras pilulas magistrales antipestilenciales simili modo exhibuimus, quarum hæc est descriptio:

℞. *Radicum petasitidis,**carlinc,**distamni,**angelica,**helenis, ana unc. l.**gentiane drach. j. l.**rhubarbari ops. unc. j. l.**agarici albisimi unc. l.*

*Ex his omnibus fiat pulvis grossus, qui maceretur per biduum vel triduum in vini albi lib. ij. l. vel iij. deinde coquantur per hore quadrantem, fiatque co-*

*herbar. scordii,**cemaurii minor.**ruthe, ana unc. l.**cardui bened. drach. vj.**florum stoechados drach. j. l.**sem. citri,**anacardiorum,**zeduariae, ana drach. j.*

V.

LUNTA

*latura cum forti expressione in torculari, quæ colatura coletur rursus per char-  
tam emporeticam seu bibulam rariorem. In hac colatura tunc dissolve,*

*aloë optime unc. iij. f.*

*myrrhæ claræ in guttis drach. iij. f.*

*Ac in scutella porcelana fiat evaporatio humiditatis, usque dum massa pilularis fieri possit, è qua formentur pilule, quas tempore pestis utilissimas esse com-  
perui sumus.*

Multis etiam bis terve in septimana vini aloëtici (5.) nostri haustum ma-  
tutino tempore dabamus, quod tali modo conficiebatur :

*℞. Radic. angelicæ,*

*heleni,*

*perasisidis,*

*dictamni,*

*corricum aurantiarum ana drach. j.*

*aloë lucide scrup. vj. f.*

*herb. cardui ben. M. f.*

*centaurii minoris p. ij.*

*absinthii p. j.*

*Concendantur minutim, & ex his concinetur puppa, suspendenda in vini albi  
tenuis Rhenani vel Gallici lib. vj. in quo vino puppa illa remaneat usque dum  
totum epotum fuerit.*

Hujus vini quatuor aut quinque uncie assumptæ, alvum semel, bis, vel ter  
elementer subducunt. Ab illo tamen & ab aliis amaris abstinemus in  
iis quos hæmorrhoides affligebant, nec non in mulieribus gravidis, qui-  
bus potius rhabarbari & agarici usum commendabamus. Paucissimis aliis  
medicamentis purgantibus ad præservationem utebamus.

## A N N O T A T I O N E S.

I. **G** Raviter nobis errare videntur  
illi, qui venæsectionibus & pur-  
gationibus identidem reiteratis, im-  
munitatem à peste audacter pollicen-  
tur, cum his artibus solummodo cor-  
pora ab intrinseca putredine vendicent,  
non autem à peste, quæ pura pariter at-  
que impura corpora æqualiter invadit;  
eo tantum facto discrimine, quod im-  
pura citius quam pura, levi aliqua de  
causa, febres aliove morbos putridos  
non pestilentes concipiant, qui morbi,  
spirituum & humorum concordiam in-  
terruptendo, corpora ad pestem ci-  
tius suscipiendam disponunt: præterea  
quod pestis in corporibus cacochymis  
graviore: putredines aliæque pejora

symptomata inducat, quam in puris:  
denique, quod puris corporibus me-  
tuenda sit pestis ab occulta dispositio-  
nis aptitudine quam in se habent; ca-  
cochymis verò & ab eadem aptitudine  
quam in se habent, & præterea ab illa  
aptitudine, quam, mediante alio aliquo  
invadente morbo, habere seu nancisci  
possunt. Quapropter in præservatione  
optimum quidem est, sive victu, sive  
medicamentis, corpora pura conserva-  
re, sed in illa puritate ac purificantibus  
medicamentis veram, totam, certam-  
que pestis prophylaxin constituere,  
nec ratio, nec experientia patitur. Ad-  
de, quod tempore pestilenti illa corpo-  
rum puritas non sine maximo pericu-  
lo



lo per venæsectiones & medicamenta purgantia, inprimis catartica, sæpius repetita, acquiratur, ut latius docebitur lib. 3. in annot. cap. 3. & 4.

II. In constitutione pestilenti corpus non multum purgandum esse, docet Cornelius Celsus, lib. 1. cap. 10. *Neque movenda est (inquit) alvus, atque etiam, si per se mota fuerit, comprimenda est.* Quia tali tempore humores valde proclives sunt ad fluxum, & si moveantur, facillime damnosissimum alvi fluxum inducunt.

III. Medicamenta catartica & fortiter purgantia, cum veneno pestilenti non resistent, neque ejus introitum in corpus prohibeant, neque illud, cum ingressum est, foras proturbare queant, neque etiam cordis & insiti calor robur tueantur, tempore pestilenti prorsus fugienda sunt. Nam præterquam quod prædictæ virtutes catarticis concessæ non sint, & quod plerique nonnihil venenatæ qualitatis participant, etiam pestilentem perniciem, quæ fortè circa ambitum corporis innoxie adhuc hæret, ad præcordia citissimè, maximo cum damno, advocant & protrahunt. Adde, quod multa etiam frugi materiam cum inutili eripiant, spiritus dissipent ac conturbent, vires deiciant, & corporis harmoniam dissolvant.

IV. Non quælibet mitia purgantia conveniunt in peste, sed illa præcipue quæ putredini fortiter resistent, viscera roborant, eaque ab internis obstructionibus liberant, ac simul etiam proprietate quadam venenatæ pestilenti malignitati resistent. Tale medicamentum est aloë, præcipue lora cum succo rosarum. Tales etiam sunt totæ seculorum experientiis probatæ pilulæ Ruffi (sic nominatæ ab auctore Ruffo: ab ingredientium verò numero, *pilulæ de tribus*: à communi usu, *pilulæ communes*) quas

ipsemet Ruffus Ephesus in peste accommodatissimas fuisse comperit, hancque earum descriptionem posteris reliquit:

*R. Aloës, ammoniaci thymianatis, ana part. ij. myrrha, part. j. Miscantur cum vino odorato.*

Illam compositionem Arabes sequenti modo immutarunt, & meliorem reddiderunt, quos hac in parte plerique hodierni Medici sequuntur:

*R. Aloës, part. iij. myrrha, part. ij. croci, part. j.*

*Cum vino odorato fiat massa.*

Nos quoque illa, hoc modo composita, massa utimur, quamvis istam compositionem varii adhuc variis modis immutaverint, addendo vel ammoniacum, vel mastichen, vel cinnamomum, vel alia quædam, pro singulorum diversis intentionibus. Tales sunt etiam pilulæ nostræ antipestilenciales in textu commemoratæ, quarum in hac peste maximas virtutes ipsa experientia satis demonstravit. Tales sunt etiam pilulæ Alberti, Ducis Bavariz, à Quercetano in sua Pharmacopœa hoc modo descriptæ:

*R. Croci, myrrha, camphora, cornu cervi, spodii, ana drach. j. ligni aloës, bem candidi, ana unc. s. terra sigillata, drach. ij. florum sulphuris, drach. j. corticum & seminum citri, gariophyllorum, zingiberis, ana scrup. j. ambra, sive succini flavi, scrup. j.*

*Fragmentorum hyacinthi,*

*smaragdorum,*

*granatorum,*

*bene preparatorum,*

*ana scrup. s.*

*agarici electi, rhabarbati optimi, ana unc. s. aloës & vesica, ad pondus omnium, cum syrupo aut succo limonum,*

*f. 2*

*f. 2*

fiat *massa pilularis*. Dosis drach. f. paulo ante cibum.

Tales sunt etiam hæ pilulæ pestilentiales Cratonis :

*Rx.* Aloes rosata uno. j. myrrha, croci, ana unc. f. agarici trochiscari drach. ij. rhabarbari electi, drach. j. boli Armenæ, scrup. ij. ligni aloës, dictamni albi, margaritarum præparatar. ana scrup. j.

Cum succo limonum formentur pilulæ parvæ. Dosis drach. j. singulis septimanis.

Sunt qui has pilulas laudant :

*Rx.* Myrrha, camphora, croci, ana drach. j. rad. angelicæ, gentianæ, vincetoxici,

florum sulphuris, ana scrup. ij. corticum ac seminum citri, zingiberis albi, xylolaloes, ana scrup. j. agarici electi, rhabarbari optimi, ana drach. iij. diagridii. drach. j. aloës unc. f. olei stillicii angelicæ scrup. j. syrupi de scordio, q. s.

Fiat *massa pilularis*.

Chymici in hoc casu admodum commendant flores rhabarbari sulphuratos, quorum talis est compositio :

*Rx.* Extracti rhabarbari ad duritiem & friabilem serq. ariditatem exsiccati, unc. j. florum sulphuris ter sublimatorum unc. ij. olei cinnamomi, scrup. j.

olei matris, scrup. f. invicem optime mista indantur cucurbita vitrea, impositoque alembico caeco, & juncturis undique probe oclusis, lento igne sublimentur.

Quod peracta sublimatione in altum ascenderit, denuo cum reliqua materia in fundo residua miscetur, & fiat de novo secunda vice sublimatio, eademque etiam tertio repetatur, & sic non vulgare medicamentum leniter laxans, omnemque putredinem cœcens obtinebis. Dosis in adultioribus scrup. j. ad gr. xv. in junioribus gr. viij vel ix.

Qui plura leniter purgantia in peste convenientia scire vult, legat Scriptores Medicos, qui magnam eorundem copiam describunt : nos in nostra praxi paucioribus usu probatis acquiescere potius solemus, quam cum magna quasi eruditionis ostentatione in incertum per multa divagari.

V. Mirum est tam parvum aloës pondus tantæ vini quantitati purgativam aliquam vim conferre posse, attamen millies comperi, si aliquantum cardui benedicti, centaury minoris, & absinthii, cum aloës drachm. ij. aut drach. ij. f. indatur vini lib. viij. istius vini unicum haustum non minus purgare, quam si aloës in substantia drach. f. assumatur. Causam adscribendam arbitramur leptomeriæ substantiæ vini, qua aloës purgativa qualitas facillime ad viscera penetrat.

## C A P. X. De antidotis internis.

**P**ramuniuntur corpora adversus veneni pestilentis impetum per medicamenta, vel interna, vel externa. Interna (de quibus hoc capite agemus) sunt antidota (1.) seu alexipharmaca, (2.) quæ corpora in naturali statu conservant, iisque occultam quandam qualitatem imprimunt, quæ totaliter contraria est, & è directè repugnat veneno pestilenti. Hæc autem magis experientiâ, quam ratione inventa fuerunt, & multa

& multa variaque sunt, tam simplicia, quam composita : è quibus nos ad præservationem tantum pauca (3.) eaque selectiora, certiora, & experientia comprobata, in usu habuimus. Inter simplicia (quorum seriem describimus *lib. 3. cap. 5.*) imprimis duo commendavimus : Primum erat tabacum, (4.) nempe illius fumus per tubulum seu fistulam ore attractus, & post paucam retentionem inde rursus dimissus, quemadmodum ordinarie à fumifuctoribus sumi solet. Illius usum in hac peste, tam in me ipso, quam in plurimis aliis, insigniter profuisse observavimus. Alterum erat radix helenii (5.) vel sicca masticata, vel in pulvere sumpta, vel potius saccharo condita : quas radices ita conditas plurimis solas ad præservationem præscripsimus, easque semper maximi fecimus, utpote quas solas animadvertimus plus profuisse, quam plurima alia medicamenta magno sumptu & labore præparata. Illas autem aciores eligebamus, non tam ad palatum & saporis gratiam, quam ad maiorem utilitatem conditas : nam ad gustum delicatulorum præparatæ, optima earum vis longa maceratione & coctione sic extrahitur & dissipatur, ut tandem vix alium quam sacchari saporem retineant. Harum autem radicum conditarum non unum frustulum, ut vulgò solent, sed duo, tria, quatuorve matutino tempore sumere suavisimus. Præter hæc duo primaria simplicia, pauperioribus radices angelicæ masticandas, vel pulverem cardui benedicti, ejusdemve decoctum assumendum ; delicatioribus verò cortices aurantium vel citri conditos comedendos, vel aliquot guttulas olei juniperi cum pauxillo vini bibendas, vel ipsum rob juniperinum ad nucis moscatæ quantitatem, edendum dedimus. Pluribus simplicibus usi non sumus, cum hæc pauca nobis viderentur sufficere, & utiliora esse reliquis. Multi vulgares hoc tempore allium (6.) crudum masticabant & comedebant, nec non etiam pani affricabant, & eduliis incoquebant, idque tanti faciebant, ut eo solo se optimè præservari posse crederent : alii urinam (7.) propriam matutino tempore recenter mistam bibebant, non tantum ad præservationem, sed eandem quoque peste jam correptis exhibebant ad curationem. Verum nos tam alii, quam urinæ usum, ut inutilem, fordidum, ac damnosum, improbavimus. Non pauci etiam aquas vitæ dictas quotidie ad præservationem mane sumebant, in quarum nimio excessu, sub præservationis prætextu instituto, sæpissime graviter peccabatur, atque ea ratione aquæ vitæ multis fiebant aquæ mortis. Composita præservativa varia confecimus. Multis cerevisiam quandam medicatam præscripsimus, de qua bis terve de die haustum bibebant, vel eadem, si vellent, pro potu ordinario utebantur, eamque summis laudibus ubique extollebant, eo quod non esset valde ingrati saporis ; & si quid in corpore latebat malignitatis, illud ad cutem propelleret : formula (8.) hæc erat :

- R<sup>2</sup>. *Radicum petasitidis, dictamni, ana unc. j. corticum aurantiorum succ. rad. ostruthii, angelicæ, ana unc. iiij. f. herb. absinthii unc. j. f. centaurei minoris unc. j. cardui ben. unc. iiij. confcindantur minutim, & in sacculo sericeo fiat puppa, suspendenda in integro vase (mensuræ nostratis) cerevisiæ melioris.*

Similiter etiam matutino tempore, præcipuè aëre frigidiore existente, in vino assuetis approbavimus haustum vini absinthitis (9.) communis, nostratibus familiaris, quod cum puppa ex cardui benedicti, & absinthii, & centaurei minoris, ana part. æq. adjectis bacis juniperi, confecta, & in vino tenui subacidulo suspensa, parari solet. Nonnullis vinum medicatum præservans (10.) sequenti modo præscripsimus:

- R<sup>2</sup>. *Radic. helenii succ. unc. j. rad. angelicæ, dictamni, ostruthii, cortic. aurantiorum, & citri succ. ana unc. f. rad. gentianæ drach. j. herb. cardui ben. unc. f. centaurei minoris, absinthii, ana drach. ij. ex his confcisiss & nonnihil conquassatis fiat puppa in sacculo sericeoso, suspendenda in vini albi tenuis lib. xx.*

Quantum ad alia composita, etsi Medici ut plurimum in pestilenti constitutione multis variisque antidotis utantur, in forma electuaria, conditorum, pulverum, tabellarum, syruporum, &c. (quorum sæpe multa ad vanam potius scientiæ ostentationem, quam ad aliorum utilitatem commendant) nos tamen pauca (11.) solummodo in usu habuimus. Quolibet anni tempore commendavimus mithridatium minus (12.) sequenti modo compositum:

- R<sup>2</sup>. *Foliorum ruthe viridis, ficum, nucum juglandium, ana lib. j. Consumantur singula seorsim fortiter cum pistillo ligneo, in mortario lapideo: postea in eodem mortario bene simul misceantur, adjiciendo salis communis unc. j. & syrupi de succo limonum q. f. ad faciendam electuarii consistentiam.*

Præter hoc etiam alia, sequentibus fere formulis, præscripsimus:

- R<sup>2</sup>. *Pulveris liberantis scrup. iiij. rad. helenii condit. cort. aurantiorum cond. ana drach. vj. diafordini Fracastorii, drach. iiij. olei juniperi scrup. j. syrupi limonum q. f. misce, fiat conditum.*
- R<sup>2</sup>. *Theriace Androm. Mithridatii Democ. ana drach. j. f. diafordini Fracast. unc. f. cortic. aurantiorum condit. rob ribesiorum rubr. ana drach. vj. olei succini flavi scrup. f. syrupi de scordio q. f. misce, fiat electuarium.*
- R<sup>2</sup>. *Pulveris Bezoartici Renodei, drach. j. f. storum sulphuris drach. j. conservæ absinthii drach. iiij. radic. helenii condit. unc. j. mithridatii minoris,*

ris, diascordii Fracastorii, ana unc. f. syrupi de succo citri q. f. misce, fiat electuarium. (13.)

- ℞. Conservæ acetosæ, rosarum rubr. corticum asurantiorum condit. rob. ribesiorum rubr. rob. juniperini, ana unc. f. pulveris liberantis drach. j. f. syrupi limonum q. f. misce, fiat conditum.

Pulveres cornu cervi, terræ sigillatæ, croci, aliosque innumeros admiscere necesse non erat, quia in confectiōe liberante, pulvere bezoartico, diascordio, &c. hæc omnia ordine maximè laudabili conjunctim habentur. De his & similibus conditis assumebatur semel aut bis de die frustum magnitudinis nucis moscatæ. Vel etiam una aut altera de his tabellis: (14.)

- ℞. Pulveris bezoartici drach. j. liberantis drach. f. rad. helenii sic. angelicæ, petasitidis, ana scrup. j. f. florum sulphuris ter sublimatorum drach. j. fiat pulvis subtilissimus, è quo cum sacchari albi, aqua cardui benedicti dissolvi unc. iiij. fiant f. art. tabelle.

Hyeme quoque non paucis solius theriacæ (15.) Andromachi, vel Mithridatii Democ. ætate verò diascordii Fracastorii parvam particulam manè dedimus. In forma liquida etiam pauciora exhibuimus:

- ℞. Aquæ nostræ theriacalis unc. iiij. syrupi limonum unc. j. olei vitrioli vel sulphuris scrup. f. misceantur. Dosis, bis de die cochleare unum aut alterum. (16.)
- ℞. Aquæ nostræ theriacalis unc. iiij. succi citri recens, syrupi de scordio, ana unc. j. misceantur.

Pauperioribus etiam consulimus ut quotidie mane unum, duo, vel tria cochlearia aceti vini optimi ac fortis (17.) biberent, vel sine, vel cum paucillis granulis salis (18.) supermasticando frustulum panis: atque illud in hac peste animadvertimus fuisse unum ex optimis præservativis, dummodo eo non uterentur asthmatici, tussiculosi, aliive qui aliquod pectoris aut pulmonum vitium habebant. Nonnullis etiam acetum bezoarticum commendavimus, hoc modo confectum:

- ℞. Radicum angelicæ, carlinæ, petasitidis, helenii, dictamni, ana unc. f. zedoariæ drach. ij. herbarum cardui ben. scordii, ana drach. vj. centaurei minoris, ruthe, ana unc. f. florum stachados drach. ij. sem. cardui ben. citri, ana drach. j. bac. juniperi drach. iiij. fiat pulvis grossus, cui affunde aceti fortissimi lib. v. vel vj. Stent simul in loco radiis solaribus exposito per quatuordecim vel plures dies, postea colentur cum forti expressione. Eidem aceto, si velis, eundem pulverem adhuc semel de novo insundere poteris, tuncque erit multo efficacius.

Hæc

Hæc & similia ad sanorum præservationem in hac peste præscripsimus, habita semper ratione ætatis, temperamenti, sexus, & anni temporis, pro quorum diversitate etiam medicamenta variavimus, & modò frigidiora, modò calidiora, modò astringentia, &c. modò gravioris, modò minus grati saporis, dedimus. Verum hoc tempore invenimus etiam nonnullos adeo nauseabundos & à medicamentis abhorrentes, ut talibus alexipharmacis quotidie uti non possent. His consuluimus ut tantum singulis quinque vel septem diebus semel matutino tempore, assumptâ theriacâ cum aqua nostra theriacali, aliove sudorifero, in lecto sudores clementer promoverent (19.) & post illos aliquot horis se domi continerent, nec ante prandium se rursus aëri committerent: atque hoc modo nonnulli etiam præservati fuerunt, licet minus tuto quam alii qui quotidie antidotis utebantur.

## A N N O T A T I O N E S.

I. **A** Cerrimè disputatur inter Medicos, anne detur in rerum natura certum aliquod specificum medicamentum, quod propria specifica qualitate veneno pestilenti ita repugnet, ut, accedente Divini Numinis favore, omnium cujuscunque conditionis hominum corpora adversus tanti hostis insultus præmunire, atque etiam pestilens venenum, quod corpus jam ingressum est, extinguere vel expellere possit? Multi statuerunt Deum Opt. Max. nullos morbos immittere, quin etiam, secundum immensam suam bonitatem, remedia adversus eosdem concedat; atque ita quoque plurima insignia adversus pestem medicamenta à Deo creata & data esse; idque manifestum esse ex Medicorum praxi, qui remediorum ope multos à peste præservant, & plurimos infectos curant. Huic opinioni quilibet facile suffragium adderet, si, ad illius confirmationem, comitata esset descriptione istius speciei antidoti; aut si unquam scriptum, lectum, vel auditum fuisset, unum saltem mortaliū, qui sunt, quique fuerunt, tale specificum pestis

alexicaicum invenisse, vel scivisse; vel si illi ipsi dictæ opinionis patroni se tale antidotum scire gloriarentur. Quod cum non possint, cadit eorum causa; & melius fecissent, si cum Cratone, Cunrado Gesnero, Scheunemannio, Rudolpho Goclenio, aliisque multis Medicis, simpliciter dixissent, verum pestis antidotum in manu Dei esse, & cum Francisco Vmo, pestis quidem exitium certum esse, remedium tamen nullum inveniri quod certò servare possit; & licet quædam fortasse juvent, incerta tamen esse omnia. Si quis meam opinionem roget, dicam cum Julio Palmario, aliquod certum veneni pestilentis antidotum creatum quidem esse, sed illud hæcenus in Naturæ sinu occultum latuisse. Causa quod latuerit, duplex est. 1. Quod pestis sit inter pœnas supernaturaliter immixtas, quibus hominum peccata singulariter puniuntur, ac propterea non voluit Deus, ut adversus hanc plagam homines invenirent specificum illud antidotum, sed ut ad pœnitentiam & unius Dei auxilium revocarentur, idque specificum ab illo solo peterent.

2. Quod

2. Quod Medici hætenus veram essentiam seu naturam pestilentis veneni non cognoverint : quæ cognitionis ignorantia inde promanavit, quod hætenus omnes suo naturali ingenio morbi supernaturalis essentiam perscrutari & cognoscere voluerint, cujus notitiam ab ipso Deo, vero Medicinæ fonte, petere debuissent; sed maluerunt, Gentilium vestigiis insistentes, eorumque sapientia ac lux propriæ humanæ scientiæ nimium confidentes, suo ipsorum ingenio illam inquirere & percipere, quam cum propriæ ignorantiz confessione ad Deum confugere, & ab illo Divini morbi naturam & curationem edificare; ac propterea in sua cœcitate adhuc magis occæcati sunt: nec quempiam etiam maximorum & doctissimorum Philosophorum aut Medicorum hætenus invenias, qui sibi ipsi, nedum aliis, hac in re satisfacere possit. Hinc factum est, quod Medici, nec certam præventionem, nec curationem pestis hætenus sciverint, sed generalem venenorum cognitionem habentes, in incerto multa variaque antidota simul miscuerint, (liquet in theriaca aliisque innumeris compositionibus) ea spe, aliquod inter tam multa casu immixtum iri quod pestem sanet: hinc quoque factum, ut, ex multis tentatis, interdum aliqua compositio casu inventa sit, quæ in variis ægris felicem effectum edit; sed quidnam tunc illi compositioni speciatim insit, quod peculiari vi pestilens venenum extinguit, & quidnam etiam insit quod illum optatum effectum in omnibus fieri impediat; illud est quod ignoratur. Attamen multa egregia non contemnenda auxilia contra pestem inventa sunt, quæ licet incerta existant, præstat tamen in desperato morbo, cum spe salutis, uti incerto aliquo remedio, cujus felices successus

multoties apparuerunt, quam nullo, & sic ægrum certæ morti relinquere. Hanc quæstionem etiam latius examinant, Vntzerus, lib. 2. de pest. cap. 7. & Sennertus, in Paralipom. ad lib. 5. de febr.

II. Alexipharmaca antipestilentia licet omnino certa non sint, inter multa tamen aliqua esse quæ pestilenti malignitati resistunt, docet experientia, etsi quænam illa speciatim sint, & qua vi illud faciant, adhuc ignoretur: (hic ridendos censemus eos qui hoc occultum jam manifestum reddere, & per minimas particulas flexiles, obtusas, rotundas, &c. quibus aculeatæ ac pungentes veneni particule retunduntur, involvuntur, atque implicantur, explicare nituntur; dum enim ingenioso figmento aliquid dicere videntur, nihil dicunt quod demonstratione probari possit; nec quæ hominibus velare voluit secreta Deus, acutissimis speculationibus satis patefaciunt, vel unquam patefacere poterunt.) Interim tamen illud competentum est, præter antidota non dari alia medicamenta, quæ majus subsidium adversus hujus intensissimi tyranni impetum promittunt. Hinc etiam Sennertus, lib. 4. de Febr. cap. 5. inquit: *Hoc quisque sibi persuasum habeat, post Deum Opt. Max. à nulla re quempiam sibi majoram immunitatem à peste polliceri posse, quam ab alexipharmacis; ea ipsa nimirum quæ pestilentiam curant, ab ea quoque præstant.* Non tantum enim occulta quadam proprietate venenis resistunt, verum etiam dispositiones hominum iis utentium, occulta vi ita immutant, & adversus qualibet venena præmuniunt, ut à nulla venenorum vi affici queant. Exemplo fuit Mithridates, Ponti rex, qui, teste Plinio, lib. 15. cap. 2. ob continuum antidotorum usum, talem dispositionem nactus est, ut tandem à fortis-

fortissimis venenis offendi non potuerit.

III. Nos in hac peste paucioribus, & experientia maxime probatis, usi fuimus alexipharmacis, flocci facientes multa multorum arrogantium Medicorum inania secreta, & nescio quæ non abstrusa præsidia, quibus, tanquam à deorum concilio prolatis, nimis tenere gloriantur se pestis aculeos desistere & retundere posse; haud secus ac si in manibus eorum esset altissimi Dei iram suis medicamentis sedare & consopire, eamque his quasi fasciis & funibus ita constringere, ut plane impotens reddatur. O superbam vanitatem! ô inanem arrogantiam! Sanè frivolum est in populari morbo, ubique obvio, recurrere ad remedia abstrusa & vix parabilia: stultum est vigente peste totam regionem alere velle caribus ciconiarum, vel essentias pretiosorum lapidum, vel auro potabili, aliisque similibus. Cuncta hæc ignaram detegunt arrogantiam, nullam verò solidam sapientiam indicant. Quapropter nos in hac peste irridebamus magnos illos jactatores, imprimis chymicos, nil nisi meras tincturas, essentias, secreta, & nescio quæ non mysteria crepantes, qui splendidissimis promissionibus omnium animos occæcabant, sicque plurimos turpiter seducebant, & non aliorum solummodo, sed etiam suam ipsorum spem plerumque miserè illudebant, quia vix unquam eventus aureis horum Thralonum promissionibus respondebat: imò vidi quorundam horum gloriatorum vanam ac superbam arrogantiam, non obstantibus validissimis suorum secretorum propugnaculis, à pestilentis veneni levioribus insulibus facile suppressam fuisse, atque illos qui alios certò servare promitterant, se ipsos servare non potuisse.

IV. Iacobus Primirofius, lib. 4. *Error. Medic. cap. 35.* non credit tabacum adversus venenum pestilens quidquam valere. Sic etiam hodie multos novimus, haud parvi nominis, Medicos, qui in peste tabaci usum valde detestantur, & summopere improbant, propterea quod nullum è tabaco commodum se agnoscere posse dicant, atque proinde alia potius præservativa, occultâ qualitate occulto morbo resistentia, danda esse judicant. Verum non quid hi dicant, sed quibus rationibus eorum sermones innitantur, videndum est. Nihil enim absurdius, quam quod tabacum incusantes, ad proprias ignorantias confugiant; & quia ejus vires ipsis incognitæ sunt, inde turpiter concludunt, nullum ex ejus usu commodum sequi posse; haud secus ac si herbarum vires ab eorum scientia vel cognitione procederent, eorumque ignorantia easdem suis viribus spoliaret. Sed aliter hanc rem examinare necesse est. Pestem à veneno oriri, unanimitè sentiunt omnes Medici, cui veneno magna plerumque & maligna putredo adjungitur. Tabacum autem peculiari specifica qualitate venenis (ut testantur Monardus, Dodonæus, & alii) omnique putredini ac corruptioni resistit, deretget, attenuat, siccat, dolores sedat, & validè discutit: quæ ejus facultates oculis conspicuæ sunt, si applicetur antiquis putridis ulceribus, vel carbunculis, vel tumoribus externis, vel partibus scabiosis; eademque etiam manifestè apparent, si ad affectus internos tabacum foris applicetur: nam ejus folia capiti imposita cephalalgia medentur & dolores sedant (nempe discutiendo vapores & humores acres, prâvos, superfluos) arthriticos quoque dolores applicata mitigant, &c. Dictæ autem facultates seu vires ad præservationem à peste pluri-



plurimum conducunt, neque propterea, quod occultat non sunt, pro malis haberi debent; præstat enim cognitis qualitatibus certius huic morbo resistere, quam occultis per incertum fluctuare. Querat aliquis, anne quoque fumus per tubulum seu fistulam ore attractus, & inde rursus emissus, eadem illa in corporibus nostris operetur? Respondeo, quantum ad affectus internos, fumum tali modo haustum adhuc melius operari. Primum enim, discutit in cerebro quoscunque vapores noxios, humoresque excrementitios ac superfluos educit. Secundo, odor & qualitas tabaci, cum parte vaporum, qui cum inspiratione anhelitus os transeuntis necessario pulmonibus & pectori communicatur, impedit ne aliqua in pectore generetur corruptio, nam detergendo, attenuando, & discutiendo, pulmones à saburra & malis vaporibus, excrementitiisque humoribus liberat, & sanguini per pulmonem ad sinistrum cordis sinum transeunti, qualitatem suam præservativam imprimat. Denique eodem quoque modo operatur in ventriculo aliisque visceribus, quibus hæ tabaci virtutes communicantur per potum qui superbibitur, qui fumos & vapores toti ori inhærentes abluat & deorsum transfert, ut & per salivam, quæ hoc fumo imbuta identidem deglutitur, atque ad inferiores partes descendit, quas absterget, in istique omnem corruptionem, putredinem, & obstructionem impedit. His jam dictis adhuc duo alia tabaci commoda in pestilenti constitutione accedunt. Primum, quod illi qui tabacum sumpserunt, ob adhærentem continuum ejus odorem; vix ullos alios noxios fetores percipere possint, à quibus alioqui homines valde exterreri solent. Alterum, quod odor cum qualitate tabaci

ori inhærens, in transitu ita corrigat ærem inspiratum, ut interiora viscera nullo damno afficere queat. Prædictas rationes confirmat experientia, quæ in nostra aliisque pestibus satis docuit, plurimos solius tabaci usu à maligna labe fuisse præservatos; imò nonnullos pestem quæ jam invaserat, in ipso principio solius tabaci usu fugasse: (hujus exemplum videatur *lib. 4. Histor. 17.*) Ita ut ratione & experientia concludendum sit, tabaci fumum, hodierno modo per fistulam haustum, ad præservationem à peste optimum esse alexicacum. Dico, *fumum*, nam tabacum in substantia, decoctione, vel infusione sumptum, non est æque conveniens, cum, tali modo datum, corpus nimium conturbet; quamvis etiam isto modo pestem intra paucas horas sanàtam viderim, cujus exemplum videatur *lib. 4. Histor. 40.* Verum circa hujus fumi usum quatuor notanda occurrunt. 1. Quod non alio quam optimo tabaco sit utendum, ex foliis satis maturis & minimè putridis contortum. 2. Quod illi qui nimis siccos habent pulmones, eundem ferre nequeant, cum eosdem adhuc magis exsiccet. 3. Quod tabaco utentibus abstinentum sit ab aquis vitæ & spiritu vini, nam hæc simul non conveniunt, sed viscera debilitant, & imprimis pulmones nimia exsiccatione lædunt, atque sic aliquos, his simul uti consuetos, asthma (ita Henrico Zasio & Joanni ab Hervelt evenit, quibus pulmones post mortem adeo exsiccati inventi sunt, ut amplius aperiri nequeunt, suos possessores suffocaverint) aliquos phthisi, (sic Isaaco à Langevelt, post venam in pulmone ruptam, ulcus, phthisis, ac denique mors successit) hac sola de causa interemptos vidimus. 4. Quod in usu hujus fumi unusquisque se ipsum noscere, atque etiam modum

servare debeat: nam qui à tabaco facilius afficiuntur, seu alterantur, eo parcius uti debent: qui non faciliè afficiuntur, iis liberalior ejusdem usus concedi potest: utriusque tamen medicritatis limites excedere nefas esto: quos limites quisque suo naturæ modulo metiri oportet.

V. Radicum helenii qualitates duplices sunt, occultæ & manifestæ. Ratione illarum, alexipharmacam vim habent, & secundum Dioscoridem, Plinium, Dodonæum, aliosque, omni veneno contrariæ sunt, ac venenatorum morsus sanant, imò & pesti quoque fortiter resistunt, ut testantur Crato, Augenius, Swenckfeldius, Hollerius, Jacobus Horstius, Gebelkoverus, Ioannes Vochs, Eustachius Rudius, & plures alii. Ratione harum, calefaciunt, putredines tollunt, easque fieri impediunt, vermes, aliaque è putredine genita animantia è corpore expellunt, urinas movent, coctiones augent, crassos humores incidunt & attenuant, pectus expurgant. Ita ut non sine ratione primariis antidotis annumerari debeant. Memini doctissimum, & in praxi Medicæ versatissimum virum D. Schrevelium in Academia Lugduno-Barava Medicinæ Professore primarium, nobis quondam narasse, se in magna illa peste, quæ anno 1624 Hagam-Comitis afflixit, helenii radicibus conditis tam in se ipso, quam in aliis, omnium maximè ad præservationem usum fuisse, atque ex illarum usu se plus commodi percepisse, quam ex aliis antidotis omnibus. Loco helenii, Droërus, de peste, cap. 9. comedendam exhibet radicem petasitidis derasam, & per noctem in vino albo, vel vino absinthite maceratam. Hollerius succum thapsi barbati cum vino expressum magni facit.

VI. Multi existimant tempore pestis utilem esse alii usum, eo quod Galenus, 12. *Method.* allium vocaverit theriacum rusticorum; & Dioscorides dixerit, illud contra viperarum & rabioforum animalium morsus valere. Sed longè falluntur, quandoquidem id corporibus, imprimis biliosis, valde noxium existit, nam malos & putidos succos generat, cerebrum gravat, somnolentiam inducit, & æstuosos humores facit; ac proinde licet fortissimis quibusdam rusticis, gravibus laboribus affueris, ciborum crudiorum & durorum concoctionem promovendo, conducatur, aliis tamen, nec tantis laboribus, nec tam rudi dietæ affueris, minimè convenit, sed in iis noxios succos generat. Hinc etiam Galenus, lib. 1. de differ. febr. cap. 3. allium & capas inter cibos pravi succi numerat. Sic quoque Aënius dicit, allium habere quippiam virosum & mali succi. Cum his etiam consensunt Simeon Sethi, & Dodonæus, docentes allium nullum dare corpori nutrimentum, sed malum, æstuosum, & acrem succum seu sanguinem generare, ac proinde damnosum esse, imprimis biliosis & calidioribus naturis. Propterea Oribasius à continuo alii usu abstinere præcipit: & Valescus de Tarenta, lib. 7. *Philon. pharmac.* cap. 16, dicit tempore pestis abstinendum esse ab alliis, capis, porris, eruca, & pipere: *Nec audiendi sunt* (inquit) *alii commendantes, quoniam fumos generant, supercalefaciunt, ebullitionem augent, & sanguinem adurunt, unde mortiferi generantur abscessus. Quam noxios & putridos succos generet allium, docuit Arnulphi Imperatoris mors, quem Crantzius, lib. 3. *Hist. Saxon.* cap. 3. narrat, ex alii frequentiore usu in tantam incidisse vermium multitudinem, ut nulla opè medica servari potuerit. Quam noxius,*

noxius etiam sit ipsius alii odor, liquet ex eo quod Bryerinus, *lib. 9. de Re Cibor. cap. 12.* referat, Iacobum Foroliviensem Medicum, ab alii odore, tanquam à re pestilenti, lædi consuevisse. Ex eo etiam quod epilepticis ab eodem odore paroxysmus epilepticus inducatur.

VII. Dioscorides, Avicenna, Razes, Crollius, alique, scribunt urinam humanam præsentaneum antidotum esse contra plurima venena, viperarum moribus auxiliari, & canis rabiosi morsum, virulentorumque animalium puncturas, coercere ac recundere. Hinc multi concluderunt, eandem, si bibatur, plurimum valere adversus venenum pestilens. Sed non video, neque percipio, quam, vel qualem alexipharmacam seu præservativam qualitatem ex urina quispiam expiscari possit. Nam etsi aliquantum abstergat, sola tamen abstersio non sufficit ad præservationem. Etsi adversus morsum animalium venenatorum, & venena extrinsecus advenientia, foris tuto adhiberi possit, (quod videntur imprimis voluisse antedicti Medici) tamen bibita, aliove modo intus assumpta, nobis non modo non prodesse, sed multum potius nocere posse videtur; propterea quod Natura per urinarias vias sæpe noxios & corruptos humores urinis permixtos expellat, ac proinde qui illas bibunt, easdem corruptiones, cum manifestissima noxa, sibi ipsis rursus ingerunt & infundunt. Attamen certum est illud remedii genus non esse planè novum, sed etiam à Galeno, *10. simpl. med. fac. cap. 15.* propositum, sed tamen minime laudatum; scribit enim, abominandum esse urinam degustare; interim tamen, cum Syria peste affligeretur, multos, qui urinam puerorum simul & virorum hausissent, se hinc servatos credidisse, Henricus

Rantzovius, *lib. de tuenda sanitate*, pueri impuberis, vel propriam urinam epotam maximi facit: cum quo consentiant Follinus, *lib. 2. amulet. cap. 9.* & Georgius Magirus, in libello *Germanico de Peste*. Sed quid opus sordido hoc atque suspecto remedio uti, cum aliorum longè præstantiorum, certiorum, & graviorum copia nobis abunde concessa sit?

VIII. Maxime proficius fuit istius cerevisiæ medicatæ usus. Vidimus hoc tempore multos, quibus, cum per aliquot dies illa cerevisia usi fuissent, pustulæ, aliis pauciores, aliis plures, aliis infinita copia in cute per totum corpus eruperunt; quibus sanatis, postea optimè valuerunt, neque plures pustulæ amplius eruperunt, quamvis ejusdem cerevisiæ usum continuarent. Imò vidimus aliquos in quibus (adjuvante fortè maligna aëris constitutione) variolas produxit. Medici Antverpienses, in *Consil. pestis anni 1624.* cerevisiam medicatam hac formula præscribebant:

*℞. Corticum aurantium sec. lib. 5.  
herb. cardui bened.  
scabiosa,  
scordii, ana M. j.  
absinthii M. 5.*

*minutim confissa indantur sacculo, suspendendo in vase cerevisia melioris notæ.*

IX. Vinum absinthite, cum cruditates absumat, superfluos & biliosos humores abstergat, coctiones adjuvet, obstructions tollat, urinas moveat, & putredini resistat, ad præservationem non parum convenit. Imò præter alexipharmacam vini vim, ipsum quoque absinthium adversus venenum pestilens magnopere valere, scribunt, Tabernamontanus, Ioannes Vochs de Colonia, Keplerus, Sibyllenus, Bartholomæus Hubnerus, & alii. Sed

moderatus illius vini debet esse usus; nam observavimus nonnullos, qui illud aliquamdiu copiosius biberant, appetitum omnino prostravisse, & viribus tandem dejectis adeo debiles evasisse, ut non sine difficultate ad pristinum statum reduci potuerint, cujus rei causam alibi describemus.

X. Mindererus, *de pest. cap. 20.* scribit se tali vino medicato usum fuisse, pro suo ipsius primario præservativo remedio:

R. *Absinthii vulgaris*, M. j. f.

*scordii*,

*cardui bened. ana M. j.*

*dictamni Cretici*, M. f.

*cortic. citri*, unc. f.

*rad. pimpinella*, unc. j. f.

*incidantur grosso modo, & in syndone fiat puppa, in vino suspendenda, de quo bibatur haustus post sumptum jentaculum.*

Medici Dordraceni in peste anni 1626 præscripserunt, in suo Consilio publico, hoc vinum medicatum præservans:

R. *Summitatum absinthii*, M. iiij.

*fol. scordii*, M. ij.

*rad. enula campana*, unc. iiij.

*corticum*, &

*seminum citri*, ana unc. j.

*sem. carui* unc. j. f.

*injiciantur in vasculum continens vini albi lib. xxx vel xxxv.*

Collegium Medicum Ultrajectinum, in peste anni 1655, in Consilio publico præscripsit hoc vinum medicatum præservans:

R. *Radic. angelica*,

*helenii*,

*perastidis*,

*zeduaria*, ana unc. f.

*fol. cardui bened.*

*absinthii*,

*melisse*,

*ruthæ*,

*scordii*, ana drach. ij.

*gramorum juniperi*, unc. j.

*corticum citri* unc. f.

*fiat sacculus, suspendendus in vini albi lib. xij.*

XI. Myrrha in ore retenta & paulatim deglutita, valde laudabilis existimatur ad præservationem; cujus tamen usus, ob ingratitude, delicatulis, pueris, mulieribus, aliisque qui palatum magis quam sanitatem curant, displicet. Fallopius, *de bubon. pest. cap. 13.* refert illos qui tunc temporis inferviebant peste correptis, nulla alia re præservasse sua corpora, quam usu zingiberis & zedoariz, ea ore masticando; manè masticabant zingiber, postea bibebant vinum malvaticum, & tota die habebant zedoarium in ore mandendo. Drocus, *Consil. de peste cap. 10.* refert nonnullos hujusmodi homines se nulla alia re defendisse à peste, quam nuce juglande, quam ad ignem parum adurebant priusquam comederent. Ioannes Schenckius, *lib. 6. Observat. Medic.* refert ex Antonio Maria Parolino, Medico Ferrariensi, duo remedia, quibus venefici quidam nebulones, qui contagio alios inficiebant, se præmuniebant, ne veneficia illis ipsis nocerent. Vnum fuit hoc electuarium:

R. *Imperatoria*,

*carlina*,

*gentiana*,

*dictamni albi*,

*dictamni Cretici*,

*baccarum lauri*, ana part. eq.

*omnia subtiliter pulverisata misceantur cum Mellis despumati q. f.*

*fiat electuarium.*

Alterum fuit hoc unguentum:

R. *Olei terebinthina*,

*part.*

petrolei,  
de jasmino,  
lauri,

pinguedinis taxi, ana unc. v.  
cera nova,  
olei commun. ana unc. iij.

bulliant per hora quadrantem, postea ad-

jungantur,  
absinthii,  
chamedryos,  
salvia,  
rutha,  
anethi, ana M. j.

coquantur in B. & fiat unguentum, quo  
inunguntur tempora, arteria manuum,  
& cordis regio.

Alexis Pedemontanus scribit hunc pulverem in maxima quadam Angliz peste, ab omnibus Medicis probatum esse, & omnes qui de eo quotidie mane aliquantum sumebant, preservatos fuisse:

Rx. Aloës hepatica,  
cinnamomi electi,  
myrrhe electæ, ana drach. iij.  
gariophyllorum,  
macis,  
ligni aloës,  
massicæ,  
boli Armena, ana unc. l.  
pulveriscentur subtilissime.

Dodonæus, lib. x. Prax. cap. 18. hunc pulverem sumn opere commendat:

Rx. Radicum tormentilla,  
carlina,  
zeduaria,  
angelica, ana unc. l.  
herb. scordii, drach. iij.  
baccarum lauri,  
juniperi, ana drach. ij. l.  
cinnamomi,  
macis,  
croci,  
sem. acetosa. ana drach. j  
fiat pulvis, cui per minimas guttas insil-

landum aliquid aceti, & aque ita ad  
usum servandus est.

Vntzerus scribit hunc pulverem annis 1607, & 1610, in gravissimis pestibus valde salutarem compertum fuisse:

Rx. Florum sulphuris seu sublimatorum,  
drach. ij. l.  
cornu cervi preparati drach. j. l.  
boli Armena preparata,  
terra Lemnia vera, ana scrup. ij.  
myrrha electæ, drach. j.  
croci, scrup. j.  
sacchari fini, ad luitum,  
fiat pulvis, dosis 2. aut 3. cuspidis cultri  
mane jejuno stomacho.

Gregorius Horstius, Consil. de peste anni 1611, hunc suum pulverem extollit:

Rx. Radic. dioscori,  
pimpinella,  
angelica,  
tormentilla, ana unc. j.  
zeduaria,  
corticum citri,  
cornu cervi usli preparati, ana dra. vj.  
sem. rutha,  
cardui bened. ana drach. ij.  
myrrha, unc. l.  
terra sigillata, unc. j.  
salis absinthii, drach. iij.  
misce, fiat pulvis bezoarticus. Dosisi à  
scrup. ij. ad scrup. iij.

XII. Pompejus devicto magno rege Mithridate, dicitur in sanctuariis ejus invenisse hoc electuarium, propria Mithridatis manu descriptum, quod ille Rex confecerat ex duabus nucibus ficis, ficibus totidem, & ruthæ foliis viginti, simul tritis, addito salis grumo: qui hoc jejuno sumeret, nullum venenum ei nociturum illa die, nec pestem incurrere posse. Hoc medicamentum Sirenas, Medicus Poëta, his versibus cecinit:

Bis

*Bis denum rutha folium, salis & breve granum,*

*Juglandisque duas, totidem cum corpore ficu.*

*Hac oriente die, pauco confersa Lyao,  
Sumebas, metuens dederat qua pocula mater.*

Nos, ut in meliorem formam compositio redigeretur, Forestum imitati, potius singula seorsim contudimus, ac postea miscuimus cum syrapi limonum quantitate sufficiente. Nonnulli Medici huic composito adhuc varia alia admiscunt, ut bolum Armenam, crocum, myrrham, cornu cervi, galangam, diatamnium, baccas lauri, &c. atque ita quasi parvam theriacam componunt. Sic D. Stapedius olim pro sua familia hoc compositum præparabat :

*R. Granorum juniperi, unc. vj.  
caricarum pinguium, xix.  
nucleorū nucum juglandium, unc. viij.  
conserva boraginis,  
buglosa, ana unc. iiij.*

*theriaca veteris,  
Mithridatii, ana unc. ij.  
radic. tormenilla,*

*gentiana,  
pimpenella,  
angelica,  
zedoaria, ana unc. j.*

*syrapi limonum q. s.  
misce, fiat electuarium.*

XIII. Ioannes Crato his duobus electuariis se bis in pestilentia præservatum fuisse refert, alternis diebus ad magnitudinem castaneæ de iis sumendo :

*R. Succi cydoniorum, unc. iiij.  
conserva boraginis,  
rosarum, ana unc. ij. s.  
mithridatii opt. unc. s.  
margaritarum dissolut, drach. j.  
hyacinthorum,*

*specier. elect. de gemmis,  
liberantium,  
coralli dissoluti, ana scrup. iiij.  
extracti cardui benedicti,*

*Veronica,  
scabiosa,  
scordii, ana drach. ij.*

*misceantur, & fiat electuarium.*

*Ætate dicis se plus conserva rosarum  
& succi cydoniorum, & interdum ali-  
quid conserva nymphaea adscisse.*

Alterum electuarium tale est :

*R. Maceris unc. j. maceretur boris 24. in  
aceto vini fortissimo, vel succo limonum,  
deinde siccetur, & minutim incidatur,  
addendo,*

*theriaca opt. unc. s.  
conserva boraginis, unc. ij.  
corticum citri condit. unc. j.  
sem. citri exortica.*

*cardui bened. ana drach. j. s.  
specierum liberantium, drach. j.  
xyloaloes, drach. s.  
misce, fiat electuarium.*

Forestus hoc sequens electuarium laudat :

*R. Conserva sol. acetosa, unc. iiij.  
succu acetosa condensati, unc. s.  
succu rutha condensati, drach. j.  
pulveris scordii, drach. s.  
theriaca, drach. ij.  
sem. citri mundat. drach. iiij.  
syrapi de limonibus q. s.  
fiat electuarium.  
Dosis drach. ij. vel drach. iiij.*

Idem scribit, se ipsum hoc sequente electuario uti solere, manè jejuno stomacho :

*R. Confectionis Mithridatica de nucibus, unc. ij.  
theriaca antiqua,  
Mithridatii Democ. ana drach. ij.  
boli Armena vera,*

terra sigillata, ana scrup. j. ℥  
 Syrupi de limonibus q. s.  
 fiat electuarium.

XIV. Crato has tabellas Maximiliano Secundo, Imperatori, olim præscriptis, quæ gratæ sunt, & omni sexui, ætati, & tempori familiares esse possunt:

℞. Bol. Arm. in aqua scabiosa lota. unc. f.  
 margaritarum preparatarum,  
 coralli preparati. ana scrup. iij.  
 sem. cardui bened.

cicri excoctæ. ana drach. f.

hyacinthi preparati, scrup. ij.

smaragdi preparati,

specierum liberantium,

terra sigillata,

cornu cervi preparati, ana drach. ij.

folia auri, n° xv.

ambra, gr. vj.

sacchari, lib. f.

dissolve in f. q. aqua rosarum & cinnamomi, additâ paucâ conservâ rosarum, fiat confectio in tabulis. Dosis drach. ij. vel unc. f. superbibendo haustum vini.

Alii cum extractis hujusmodi tabellas componunt:

℞. Extracti angelicæ,  
 rad. helonii, ana scrup. j. f.

zedoaria, scrup. j.

olei corticum citri, gutt. iij.

cinnamomi, gutt. ij.

florum sulphuris scrup. ij.

croci opt. gr. viij.

sacchari albi, aqua rosarum dissoluti, q. s.

fiant s. ars. rosula.

XV. Parvus in præservatione thetetricam & mithridatium cæteris cardiacis omnibus præponit, fumendo calidis tempestatibus ad theriacæ unc. f. conservæ rosarum, vel buglossæ, vel violarum unc. j. f. boli Armenæ, drach. iij. misceantur. Alii admodum extollunt

hoc antidotum, quod in Sudore Anglico plurimos præservasse dicitur:

℞. Meniba crispæ,

absinthii,

chelidonia majoris,

ruthæ,

omnium valentium, ana M. j.

ex his exprimatursuccus: cui addo,

radic. gentianæ,

angelicæ,

tormentillæ,

helenii,

leviter contusarum,

ana unc. f.

vini albi lib. f.

digantur in vitro bene clauso horis 24.

postea admisceatur

spiritus vini lib. f.

& stens simul per tres quatuorve dies, postea simul exprimantur, eaque expressio in vitro clauso servetur. Dosis ad præservationem cochlearia duo, singulis matutinis: ad curationem cochlearia tria, cum provocations sudoris.

XVI. Ioannes Hartmannus, in Praxi Chymiatrica, tanquam singulare præservativum, commendat hoc sequens:

℞. Spiritus salis dulcorati q. v.

sacchari candi albi pulverisati q. f.

saccharum imbibatur cum prædicto spiritu ad formam electuarii, cujus dosis omni mane drach. j.

Hoc omnem putredinem arcet, & viscera in optima conservat constitutione. Dulcificatur spiritus salis hoc modo: Spiritus salis cum spiritus vini æquali parte miscetur, & simul ter quaterve distillantur, atque ita uniuntur inseparabiliter, & dulcescunt.

XVII. Acetum maximæ virtutis est adversus plurima venena, idemque etiam omnes Medici jam à multis seculis experientia comperti sunt fortiter resistere pestilenti malignitati, nec quem-

quempiam fere Prædicum invenias, qui ejus alexipharmacam viam non cognoscat, & aceti usum, tam in præsertatione, quam in curatione pestis, summis laudibus non extollat. Rhazes, *lib. de pest. cap. 5.* nec non *4. de Re Medica, cap. 25.* acetum tanti facit, ut illud omnibus cibis & potibus, multisque medicamentis admiscere, eodemque etiam domus conspergere, & aerem corrigere jusserit. Nos in hac peste vidimus multos pauperes, qui quotidie manè aceti vini cochleare unum aut alterum bibebant, melius fuisse præsertatos, quam multos alios qui pretiosissimis antidotis utebantur. Vt aceti alexipharmaca vis augeatur & potentior fiat, Medici varia simplicia, antidotali vi prædita, in illo quandoque macerare solent, quod tunc appellant *acetum bezoarticum seu thoriacale*, cujus variz extant compositiones apud Medicos, & fere quilibet illud componit suo modo: nos nostram compositionem, quam in hac peste admodum efficacem esse usu comperti sumus, in textu describimus. Sennertus, *lib. 4. de febr. cap. 5.* duas tresve alias aceti bezoartici formulas proponit. Vntzerus hoc acetum bezoarticum extollit:

*R. Rad. pesasidii, helemii, pimpinella, angelica, ana drach. vj. haccarum juniperi, unc. j. f. corticum citri sic. unc. j. cymarum rutha. dr. v. herb. scordii, valeriane, scabiosa, cardui bened. ana M. j. flor. rosarum, calendula, anthos, ana p. j. camphora, scrup. ij. croci, drach. j. incisa & confusa infundantur in aceti*

*gariophyl. hortensis, lib. iij. Vas bene clausum quotidie agitur. Dosis duo vel tria cochlearia.*

Notandum tamen ab aceti usu arcehdos esse tussiculosos, asthmaticos, calenlosos aliove pectoris, renum, aut vesicæ morbis infestatos. De aceti viribus videantur quædam suprà, *hujus libri cap. 5. annot. 7. & lib. 3. cap. 5. annot. 18. & 19.*

XVIII. Salem esse antidotum præstantissimum tam ad præsertationem, quam ad curationem, scribit Augenius, *lib. 9. Epist. cum quo consentit loubertus, Tract. de peste, cap. 13.* Refert Ioannes Wittichius, in *Halilog.* incolas Miletæ insulæ quotidie ad præsertationem à peste parum salis usurpare solere, dicentes hoc esse efficacissimum remedium removendi à se pestiferum contagium. Fidejustus Reineccerus, *lib. 6. thes. Chym.* asserit, sal commune in aqua haustum, præsertare à lue pestifera. Brudus Lusitanus, *lib. 3. de vict. rat. in febr. cap. 19, & 20,* pluribus docet, sal esse efficacissimum præsertativum ac eurativum in peste, & refert chirurgum quendam in Anglia solitum esse piscibus salitis peste laborantes feliciter nutrire. Vincentius, in *Specul. Alch. cap. 18,* sale trito cum aceto utitur. Sic etiam in nostra peste multi eorum qui aceto utebantur, pauca grana salis ei injiciebant. Chymici spiritum salis in frequenti habent usu, ejusque aliquot guttas cum haustu alicujus liquoris exhibent matutino tempore: vel illum dulcificatum cum saccharo miscent, ut dictum præcedente annotatione 16.

XIX. Paracelsus, *lib. de peste ad Sterzingenses, cap. 2.* inquit: Præsertativum optimum & compendiosissimum est, semis singulis diebus portiois nostre, drach. j. cum vino, aut similibus, calide bibere, & in lecto strenuè sudare. Hac posio præsertat sex diebus.



*diebus.* Hujus potionis descriptionem vide *lib. 3. cap. 5. annot. 18.* Verum cum sudorifera semel in septimana assumpta, noxia quidem inquinamenta fortè in corpus recepta, foras expellant, sed intermediis diebus corpus non satis defendant, minus tutò nobis præservari videntur illi qui his utuntur, quam alii qui quotidie antidota sumunt: nam

unico & singulis momentis aliquod fortius pestilens venenum corpus lubi- se, pestem inferre, & hominem occidere potest. Propterea in hac peste, tanquam utilius commendavimus, antidotis potius quotidianis corpora adversus hujus tyranni insultus præmunire, quam latentes ejus exploratores rarius per sudorifera expellere.

## CAP. XI. De antidotis externis.

**M**edicamenta externa quibus corpora adversus venenum pestilens præmuniuntur, duplicia sunt. Alia quæ foris appensa solà occultâ qualitate prodesse creduntur, & Medicis *Amuleta* vocantur: alia quæ occulta quidem qualitate veneno pestilenti resistunt, sed simul etiam manifesta qualitate corroborant principalia viscera, aërem corpus ingredientem emendant ac purificant, putredines arcent, omnesque corruptiones impediunt. *Priora* sunt vel venenata seu venena per se, vel non venenata. Nos venenata (1.) tanquam summè noxia, planè rejecimus. Non venenata vel sunt superstitiosa & ficticia, (2.) vel naturalia. Illa, tanquam deliramenta & meras fallacias, non minus quam venenata amuleta, in totum repudiavimus: neque hæc (3.) quoque magni fecimus, quia succinum, ebur, & similia gestata, parum aut nihil profuisse animadvertimus; & quæ forsan prodesse poterant, eorum nobis deerat copia, qualia sunt lapis hyacinthus, (4.) smaragdus, &c. *Posteriora*, multa varique sunt: nos tamen paucioribus tantum usi sumus, quibus cor & cerebrum roborari, & aëris circumstantis ac corpora subeuntis impuritates corrigi possent. Æstate & calidis temporibus, multis corticem citri extracta per parvum foramen medullâ cavum, aut pomum eburneum vel argenteum cavum, ac multis foraminibus undequaque pertusum, cui parva spongia aceto (5.) theriacali madefacta erat imposita, naribus obijciendum dedimus, quam spongiam interdum quoque imbuimus hac mixtura:

*℞. Aceti theriacalis, vini Rhenani odoriferi, aquæ rosarum, ana unc. j. camphoræ scrup. j. vel scrup. j. ℥. misceantur.*

Cum eadem mixtura nonnulli ditiores manus & faciem lavabant. Pauperibus solius aceti odorem commendavimus. Tempore hyberno vel subfrigido, multis succini vel ruthæ oleum distillatum, vel theriacæ pauxillum naribus illinendum, dedimus. Curiosioribus interdum tale unguentum

(6.) præscripsimus, quo nares, tempora, regionem cordis, & pulsus manuum quotidie manè inungebant:

*℞. Theriacæ Andromachi, drach. j. camphoræ, gr. ix. olei nucis moscatæ expressi, olei scorpionum, axungie serpentum, ana scrup. ij. olei succini, ol. rutiacei distillati, ana scrup. s. olei cinnamomi, gariophyllorum, ana gutt. j. olei cortic. citri, gutt. v. misceantur.*

Maximopere autem improbavimus epithemata humida, ex simplicibus in aqua vel vino decoctis, vel ex aquis stillatitiis mistis confecta, & cordis regioni imposita: nec non poma illa odorifera factitia, quæ *poma ambræ* vulgo vocantur (qualia delicatuli naribus obtrudere solent) omniaque alia suaveolentia balsama, præsertim illa quæ moschum & zibethum redolebant: subgraves odores magis laudavimus, propter rationes antea cap. 5. allatas. Pluribus externis antidotis in hac peste usi non sumus, cum hæc pauca sufficere, & plurima alia inutilia esse, nobis viderentur.

## A N N O T A T I O N E S.

**I.** **A** Muleta venenata plurima sunt, à quibus alii hæc, alii illa summis laudibus ad cælum usque extollunt, eaque, tanquam è deorum scriñis deprompta, commendant. Nonnulli araneum magnum, vivum includunt duobus corticibus nucis juglandis, quibus filo colligatis, illum de collo suspendunt. Alii bufonem exsiccant, vel combustum & in cineres redactum, ac in sacculo ligatum, eodem modo gestant. Alii corticem nucis avellanæ, nucleo per exiguum foramen extracto, replent argento vivo, cera obstruunt, & cum filo sericeo rubro carmosino, è collo propendent, idque Droëtus, *de pest. cap. 8.* summopere laudat: cum quo consentiunt Tabernamontanus, Ioannes Bequinus, Poppius, Martinus Panfa, Goclenius, & Ioubertus: imò Marfilus Ficinus illud mirè juvare, exemplis adhibitis probare nititur. Alii penna scriptoria mercurio vivo repleta, & cera sigillari obstructa, eodem modo utuntur. Plurimi verò laminam ex arsenico crystal-

lino nudam supra cordis regionem gestare jubent, quo remedio etiam Adrianum VI, Pontificem, usum fuisse scribunt, putantes fortè auctoritatem vel eminentiam Sedis Pontificalis aliquid conferre ad maiorem remedii excellentiam. Mercurialis, ut isti amulero majores vires addat, aliis admixtis, huiusmodi pastam componit:

*℞. Arsenici crystallini, unc. ij. dictamni albi, croci, ana drach. ij. camphora, euphorbii, ana drach. j.*

*Ex his pulverisatis cum mucilagine ex aqua rosacea & gummi Arabico facta, fiat pasta, è qua conficiantur rotule majusculæ, quæ exsiccata gestentur supra cor.*

Alii maximi faeiunt placentulas ex arsenici crystallini part. ij. rubei part. j. (nonnulli sumunt cujusque partes æquales) cum albumine ovi, vel mucilagine tragacanthæ confectas, & tenui sericeo investitas. Quibus placentulis, in.

in servandis sanis, multi Medici Itali nihil illustrius à Deo immortalis hominibus concessum esse tradunt, vocantque divinum inventum Dei: imò non pudet multos etiam juramento asserere, neminem peste infectum fuisse, qui illas gestaverit; (quod, inter alios, quoque testari non erubescit Monavius, Medicus Cæsareus, *epist. à Scholtio collect. 225. & 227.*) cum tamen nos in hac peste innumeros, qui illas curiosissimè gestabant, contagionis labe infectos & mortuos fuisse, noverimus. Harum ex arsenico placentalium fastosum encomium describit, Georgius Agricola, Montuus, Fallopius, Ioannes Pistorius, Ludovicus Mercatus, Lacuna, Saracenus, Petrus Monavius, Ioannes Bickerus, Vidus Vidius, Ioannes Baptista Theodosius, Crolius, David Herlicius, Petrus Paw, Quercetanus, Follius, Hildanus, alique plurimi: imò Ioannes Rhenanus, qui omnium perfectissimum amuletum dare voluit, hoc sequens non solum ad pestilens contagium, sed etiam ad alias malignas ecclestes impressiones avertendas, summo-pere commendat:

*R. Pulveris busonum exsiccatorum, unc. ij.  
arsenici crystallini,  
civini, ana unc. s.  
mercurii sublimati,  
farina tritici,  
radicum distamni, vel tormentilla,  
ana drach. iij.  
croci,  
hyacinthi,  
smaragdi, ana scrup. j.*

*Pulveriscentur subtilissimè, ac cum mucagine tragacanthæ, aquâ rosacæ extractâ, fiat massa, de qua formentur pastilli, de collo suspendendi.*

Vt huic compositioni adversus cœlestes impressiones major efficacia adsit, jubet ex tenui chalybis lamina forma-

ri capsulas cordis figuram referentes, ut istius massæ drach. *j. s.* recipere possint: in istis capsulis, ubi Luna caput Draconis attigerit, insculpere jubet signum serpentis instar cochleæ sese in gyrum volventis: in altera parte, Luna in Scorpione existente, formam scorpionis insculpit, & statim, Luna in eodem signo adhuc existente, capsulam illam replet massâ prædictâ, eamque siccitam cordis regioni applicat. Profectò non piget tantum, verum etiam pudet, tot doctissimorum virorum somnia hic in medium proferre, qui omnia venena & venenata tempore pestilenti fugere jubentes, ipsamet omnium pessima venena circumferre jubent ad præservationem, haud secus ac si ex deleteriis venenis, cordi calorigue nativo insensissimis, aliquid boni sperandum sit, aut magnetica qualitas iis insit, qua alia venena ad se trahant, nec suas malignissimas qualitates corporibus communicent. Mirari sanè licet, quomodo tot præclarissimi Medici eò non tantum seducti fuerint, sed jam tot seculis isti errori pertinaciter inhæserint, ut venenata illa amuleta homines à pestilenti veneno præservare posse crediderint. Non sine ratione istius opinionis sectatoribus se opponunt, Hercules Saxonia, Eraustus, Augenius, Hennemannus Reyfing, Martinus Mollerus, Gregorius Horstius, Laurentius Heylandus, Gerardus Columba, alique plures, qui omnes venena hæc nostræ naturæ esse adversissima, eaque non tantum non à peste præservare, sed maximum damnum inferre posse, docent. Verum ut ipsius rei veritatem clarius perscrutemur, audiendum etiam qua ratione venenata hæc, & pleraque ex arsenico confecta amuleta, prodesse putentur. Iordanus, Antonius Portus, Petrus Salius, alique, discedunt in Paracelsi sententiam,

qui illa prodesse statuit à veneni similitudine, cuius ratione illa internum pestilens venenum ad se trahunt & dissipant. Alii exsiccative qualitate illa conducere, & humores pravorum ac venenatos siccando absorbere credunt. Alii, cum Simone Simoneo, illa venenum pestilens occulta qualitate extinguere tradunt. Alii, cum Theodosio, putant, per talia amuleta cor venenis assuefieri, atque ob illam consuetudinem à veneno pestilenti minus lædi posse. Alii, cum Ioanne Heurnio, existimant illa hac ratione prodesse, quod cor veneni qualitate perfensilens, sese contrahat, ac proinde ejus systole fortior fiat diastole, atque eo modo validius à se expellat quam attrahat. Alii simpliciter experientia hac in parte credendum esse arbitrantur, quæ jam à longo tempore docuit, hujusmodi amuleta conducere ad præservationem. Nos ad omnes hæc plurimum discrepantes sententias breviter respondemus, nullam earum valere ad diæ opinionis confirmationem. Nam si amuleti venenum ratione similitudinis ab interioribus partibus ad se foras trahat venenum pestilens, quare non venenum pestilens ob eandem similitudinem in terris ad cor trahit venenositatem amuleti, præsertim in peste correptis, in quibus pestilens venenum longè efficacius est altero? Si venenata amuleta conducant exsiccatione, tunc araneus, Mercurius vivus, bufo, & similia, nihil saltem proderunt: ad hæc, tunc alia quælibet calida & multum exsiccantia eatenus conducerent, quod tamen negat experientia. Si occulta qualitate extinguant venenum pestilens, quare non æque naribus admoventur, quam pectori? quare non iisdem etiam suffiuntur domus ad aeris correctionem? quare talia per os non exhibentur? Si cor hoc modo venenis assuefat, ita ut

postea à veneno pestilenti minus lædi possit; quare ipsum cor, antequam illam consuetudinem contraxit, ab amuleti veneno non extinguitur? Si cor veneni malignitatem sentiens, sese contrahat, & majorem systolem quam diastolem faciat, an non illa operatio satis ostendit, venenatum amuletum cordi esse inimicissimum, & paulatim temporis tractu magnam noxam ipsi inde expectandam esse? Nihil etiam ad rem facit quorundam effugium, dicentium, etsi arsenicalia amuleta damnum aliquod inferre posse videantur, nihil tamen mali expectandum esse à Mercurio vivo, araneis, & bufonibus, utpote quæ nullam adurentem qualitatem habent. Dico, nihil etiam boni ab his expectari, sed multa mala metui posse. Nam hydrargyrum non convenit, quia frigidum existens, poros condensando, fuliginum putridarum exhalationem prohibet, quibus in corde accensis excitatur febris, ipsumque cor debilitatur, atque sic minus resistit futuro imminenti veneno. Ab araneis magnum periculum impendere, docet illud quod de araneis in Vasconia refert Scaliger, *Exercit.* 186. qui calcati per calceorum soles transmittunt venenum. Quanto facilius ergo per crepaturam nucis illud cordi propinquo communicabunt? Adde, quod tanta venenositate præditi sint, ut Nicolaus Florentinus, *Sermon.* 4. *tract.* 4. *cap.* 23. referat, à fumo aranei combusti quandam Leobardum Florentiæ pene occisum fuisse; ibidemque Florentiæ cœnobium monachorum veneno infectum esse, quod araneus niger in ollam decidisset dum juscula coquerentur: & Mercurialis tradat, in monasterio Eremitarum multos monachos peremptos fuisse potu vini in quo araneus extinctus fuerat. Bufones quoque suspectos & metuendos esse, ob magnam virulentiam,

tiam, liquet ex historiis variorum. Antonius Mizaldus, *memorab. cent. 1. aphor. 1. & in Hort. Medic.* nec non Paræus, *de venen. cap. 24.* referunt exempla eorum, qui gustatis tantum herbis à bufone contactis, extincti sunt. Bufones anhelitu alios lædere, auctor est Aëtius, *de morb. 4. ferm. 1. cap. 63.* Cannam, cum cujus inferiore parte rubeta transfixa fuerat, superiore parte manibus arreptam, quendam veneno infecisse, scribit Ferdinandus Ponzettus, *de Venen. lib. 3. cap. 12.* & simile quoque refert Ardoynus, *lib. 4. de Venen. cap. 7.* Si venenum bufonis per baculum usque ad manum transmitti possit, quanto magis, si bufo cordis regioni admoveatur, eadem etiam communicabitur? Ex quibus satis manifestum est, nullis solidis & veris, imò ne quidem verisimilibus rationibus confirmari posse, amuleta venenata ullo modo conducere ad præservationem à peste, & absque periculo gestari posse. Quantum ad experientiam, cui hac in parte fidem adhibendam esse arbitrantur, profectò illa ad defensionem dictæ opinionis nihil facit, sed è contra illam omnino evertit. Primo enim illos qui ista amuleta gestant, ab iis præservari, certò dici nequit, quia multi eorum per se, seu ratione nativi temperamenti non habent aptam dispositionem ad pestem, atque etiam non inficerentur, licet illa amuleta non gestarent. Secundo, cum plurimi eorum qui amuleta ista de collo pendula ferunt, iis non satis confidunt, quotidie variis utuntur antidotis internis, quibus illorum præservatio potius quam amuletis adscribenda est. Tertiò, quia non tantum in hac nostra lue, verum etiam in aliis pestibus, sæpe visum fuit amuleta hæc nihil profuisse. Sic testantur, Cornelius Gemma, *de curat. bubon. pest.* & Hercules Saxonia, *lib. de plica,*

*cap. 52.* se certò scire, cum in pestilentia Patavina, anno 1576, Hieronymus Capivaccius multis hæc adhibuisset, nihil egregii præstidisse. Nos in nostra peste vidimus indiscriminatim æque inortuos fuisse illos qui ista gestabant, atque alios qui illa contemnebant. Quariò, quia non tantum illa non conducere, verum lethales noxas à venenatis amuletis multoties induci, docet usus, idque plurimorum testimoniis constat. Sic Crato, *epist. 168. ad Monavianum*, inquit: Vra tibi narro, N. ex gestatione arsenicalis sæculi adeo debilitatum, & in pectore exulceratum fuisse, ut cum magna indignatione sæculum abiecerit. Ita quoque Massaria, *lib. 2. de peste*, refert quendam Iuriconsultum, tempore pestis sæculum ex arsenico gestantem, cum aliquando concitatore motu incaluisse circa cordis regionem, incidisse in febrem vehementem ac periculosissimam, à qua cum magna difficultate servatus fuit. Sic etiam Franciscus Alphani, Medicus Salernensis, testatur juvenem quendam amuleto ex arsenico munitum, in sphæristerio pitæ lusu defatigatum corruisse, & confestim occubuisse. Alia varia incommoda à venenatorum amuletorum gestatione inducta, se quoque vidisse testatur Zacutus Lusitanus, *lib. 3. Prax. admir. observ. 45. & Histor. Medic. lib. 2. hist. 89.* His accedat quoque testimonium nostrum, qui in hac peste infelices successus horum amuletorum (quæ ex arsenico parata Gerardus Buzæus Pharmacopæus, & Adolphus Fildar Chirurgus, quibuscunque satis magno pretio divendebant) non semel observavimus: quippe in aliquibus ab eorum contactu pustulas nigras dolorificas in pectore excitatas, & quasi cauterio potentiâ inultas (quæ non erant à veneno pestilenti foras attracto, ut illi venditores populo persuadebant, sed à

gortio-

corrodente ac caustica arsenici qualitate) fuisse: in nonnullis illa tantam cordis angustiam & debilitatem induxisse vidimus, ac si venenum per os assumptum fuisset, (inter varios conspectos tales casus, hujus rei duas annotavimus historias libro quarto, historia 44. & 99.) à quibus malis ægri assumptione antidoti, & amuleti abjectione rursus liberati sunt. Cum itaque neque ratio, neque experientia prædictæ opinioni ullo modo faveat, sed utraq; damnosum usum venenatorum amuletorum demonstrat, expellenda jam tandem erunt tot seculis receptissima quidem, sed maximè fallacia, periculosa, & noxia illa venenata amuleta, atque alia potius alexiteria certiora, non suspecta, sed longo usu probata, in usum vocanda erunt.

II. Multa inania amuleta timor, multa fallacia & superstitiosa excogitavit avaritia. Illa maximè à Medicis timidis inventa sunt, ut hominibus inferrent consolationi, dum ipsi auxiliares fugitivi essent. Hæc ab avaris quibusdam Medicis & circulatoribus eum in finem maximè concinnata sunt, ut si non venenum pestilens, saltem loculorum nummos evacuarent, quorum talibus major solet esse cura, quam sanitatis aliorum. *Priores*, ut auxilii vanitas magis lateret, amuleta sua investierunt aliqua fucata verisimili ratione, imprimis ab astrorum influxibus desumpta, atque in eum finem iis sigilla, figuras, & certa signa insculperunt, cum sidera hoc illo modo simul miscantur. Tale est Xenexton Paracelsi, quod ab una parte serpentem in gyrum convolutum, ab altera scorpionem certo quodam tempore insculptum habet: Tale est etiam sigillum id Regum Persarum, cujus meminerunt Petrus Apennensis & Hollerius lib. de Pest. & innumera alia, astrologica aliqua verisimi-

litudine exornata amuleta. *Postiores*, ut dolum occultarent, alii gestanda nomina ineffabilia, & scripta meris stipata vanitatibus, verbis quoque non significativis polluta, proposuerunt, quibus interdum versiculum aliquem ex sacris literis adjunxerunt. Alii radices aut herbas ignotas, lapides, animalium longè petitorum particulas, aliaque nonnulla (quæ ex Syria, Ægypto, vel à monte Olivarum, aut à Pirenæi montis cacumine, aliove longinquo & incognito loco deportata esse ferunt) summis ac divinis laudibus extulerunt. Alii figuras, lineas, characteres, verba, numerorum typos, aliaque, sub Pythagoræ, Salomonis, alteriusve nomine commendarunt. Huic posteriorum ordini non male etiam annumerari possunt multi avari sacrificuli & monachi, malè religiosi appellati, qui argenteo magis quam spiritali lucro inhiantes, passim scedulas benedictas, imagines, sanctorum reliquias, aliaque similia hominibus, turpi superstitione effascinati, ex collo suspenderunt. Verum omnia hæc media infida sunt, nugacia, illicita, ac penitus abominanda, quæ hominum mentes à divina confidentia ad res inanes ac frivolas divertunt.

III. Amuleta naturalia, quamvis plurima exiguas vires emittant, vel saltem non tantas habeant, quantas varii illis adscribunt, quia tamen ratio docet, illas aliquo modo prodesse, nec unquam nocere posse, præter naturales suas quas habent vires, eatenus quoque utilia sunt, quod multis animositate, spem, & aliqualem fiduciam persuadeant, metumque ac terrorem, in pestilenti constitutione maximè noxium, auferant. Quale hoc modo subinde concinnavimus:

℞. Rad. angelica drach. ij.  
ofstruii,

*zedaira,*  
*helenii, ana drach. j.*  
*paconia maris drach. j. 6*  
*succini flavi drach. iij. 6*  
*foliorum lauri drach. j.*  
*subtiliter pulverisati misceantur cum*  
*mucagine tragacantha in aqua rosa-*  
*rum extracta, fiatque massa, à qua*  
*formentur pastilli magnitudinis daleri*  
*imperialis, qui exsiccent de collo suspen-*  
*dantur.*

Gregorius Horstius, *lib. 2. part. 2. ob-*  
*serv. 28.* & Io. Capellanus, Regis Fran-  
 cisci Medicus, *Consil. de peste*, hoc se-  
 quens simili modo componunt, quod  
 tamen ob suaveolentiam (quam no-  
 xiam esse, *præcedente cap. 5. in ipso text. En*  
*annot. 9. docuimus*) minus nobis pro-  
 batur :

*Rz. Benzoini,*  
*Storacis calam. ana unc. j. 6*  
*ladani bene olentis unc. iij.*  
*cortic. citri drach. ij. scrup. ij.*  
*santalii citrini,*  
*majorana,*  
*rosmarini, ana drach. j. scrup. j.*  
*olei cinnamomi gut. xvi.*  
*macis, gut. xxiiij.*

*Cum mucagine tragacantha fiat massa,*  
*à qua formentur pastilli drach. iij.*

IV. Avicenna, Aloysius Mundella,  
 & Marsilius, probant smaragdum  
 de collo suspensum, ut nudum pectus  
 contingat. Dodonæus jubet gestare  
 lapides pretiosos, (quales sunt rubini,  
 sapphiri, &c.) sed imprimis hyacin-  
 thum experientia sibi notum esse testa-  
 tur: quem etiam laudant, Lonicerus,  
 Gerardus Bergensis, Anselmus Bo-  
 otius, & Io. Fragosus: Ioannes Baptista  
 ab Helmont, in *Tutulo Pessis*, summo-  
 pere commendat Sapphirum saturato  
 colore cæruleum, & Hyacinthum fulvo  
 colore prægnantem, sed tamen sapphi-

rum præfert hyacintho: quia in Sacer-  
 dotis pectorali olim sapphirus, non ve-  
 rò hyacinthus fuisse legitur. Idem  
*ibid.* etiam maximis laudibus extollit  
 succinum præsevationis gratia gesta-  
 tum, atque illud multum prodesse  
 posse, rationibus & experientia do-  
 cet: illud etiam plurimum laudat  
 Bernhardus Croneburgius, *lib. de peste.*

V. Vallesius, *tract. de epidem. cap. 19.*  
 etiam jubet spongiam, vel linteum  
 aceto intinctum sæpius naribus admo-  
 vere: quod consilium quoque probat  
 Iacobus Horstius, & à nobis quoque  
 comprobatur.

VI. Duncanus Liddelius, *lib. 3. de*  
*febr. cap. 5.* tale linimentum naribus,  
 temporibus, carpis, & regioni cordis  
 illinendum præscribit:

*Rz. olei nucis moscata expressi, drach. ij.*  
*olei sem. angelica,*  
*sem. rucha,*  
*cortic. citri, ana gut. v.*  
*olei cinnamomi, gut. j.*  
*gariophyllorum, gut. ij.*  
*theriacæ drach. j.*  
*moschi,*  
*ambra, ana gr. ij.*  
*misce, fiat balsamum.*

Georgius Magirus, in suo *Germanico*  
*libello de pest.* hoc unguentum ad eandem  
 intentionem commendat:

*Rz. olei nucis moscata expressi, drach. j. 6*  
*majorana distil. gut. vj.*  
*myrrha,*  
*succini, ana gut. iij.*  
*theriacæ scrup. j.*  
*extracti ligni aloës scrup. 6*  
*moschi,*  
*ambra, ana gr. iij.*  
*aque vitæ q. s.*  
*fiat unguentum.*

Verum hæc suaveolentia nobis displi-  
 cent, propter rationes *cap. 5. allatas.*

Multi tanquam præstantissimum præservativum extollunt operosum illud antidotale oleum Matthioli, quod in præfatione lib. 6. in Dioscor. describit, & adversus omnia lethalissima venena (exceptis erodentibus,) ab experientia commendat, si nempe pulvisbus temporum, manuum, ac pedum, ut & extimæ cordis parti ad sinistram mammillam illinatur, singulis tribus horis repetita illinitione. Alii maximi faciunt oleum Ludovici de Leonibus, summi Practici Bononiæ, cujus hanc descriptionem, acceptis mille ducatis aureis Vngaricis, Matthiæ, Vngariæ Regi, dedit.

*Rx. olei terobinthina,*  
*laurini,*  
*abietis, ana lib. ʒ.*  
*gummi elemni, unc. iij.*  
*hedera, unc. j. ʒ.*  
*iburis, unc. ij.*  
*opeponacis unc. j.*  
*resina pini,*  
*piceis navalis, ana unc. ʒ.*  
*massiches,*  
*myrrha,*  
*ladani,*  
*sagapeni,*  
*castorei, ana unc. ij. ʒ.*  
*galanga,*  
*cinnamomi,*  
*gariophyllorum,*  
*nucis moscata,*  
*cubeborum,*  
*zeduaria ana unc. j.*

*Terantur terenda; & in vase vitreo ponantur, stent per mensem in putrefactione, postea lenio igno distillantur.*

Hoc oleo non solum cor præservationis gratia inungi præcipit, sed si ali-

quod pestis signum appareat, ad curationem etiam pulsus temporum, brachiorum, ac pedum. Alii mirè extollunt hoc oleum Brasavolz:

*Rx. olei antiquissimi, lib. v.*  
*serebinthina opt. unc. vj.*  
*euphorbii,*  
*castorei, ana drach. j.*  
*lumbicorum terrestr. M. j.*  
*bulliant in olla plena aqua per sex horas,*  
*deinde exprimantur. Oleo colato ferventi*  
*injiciantur*  
*scorpionis vivi no. 180.*  
*viperæ femellæ, integræ, n°. ij.*  
*bulliant in vase duplici per horas septem,*  
*postea insolentur sub cunicula in vase vi-*  
*treo obturato, per decem vel plures dies:*  
*deinde addantur,*  
*zeduaria,*  
*tormentilla,*  
*gentiana,*  
*distammi albi,*  
*aristolochia rotunda,*  
*rhubarbari, ana unc. j.*  
*florum alibea,*  
*hyperici,*  
*ebuli,*  
*rosmarini, ana M. j.*  
*stheriaca,*  
*mithridatii, ana unc. ʒ.*

*Tritis terendis miscantur omnia, & in clauso vase vitreo in fimo equino recondantur per tres menses, deinde fiat colatura, qua ad usum servetur.*

Dicunt hoc oleo pectori & pulvisbus temporum, brachiorum, ac pedum inuncto, quandam capite damnatum, cui venenum exhibitum erat, servatum fuisse: qualem experientiam de suo oleo etiam sumptam fuisse, refert Matthiolus.



CAP. XII. *De meo ipsius vivendi modo.*

**Q**uemadmodum *Regis ad exemplum totus componitur orbis*, sic in pestilenti constitutione omnes homines, subitaneam mortem metuentes, oculos in Medicos conjicere, suamque vitam ad illorum vivendi formam instituere desiderant, ut æquali cum ipsis modo præmuniti, horrenda truculentissimi tyranni spicula melius à se deflectere queant. Durante hac peste mirabantur multi, quomodo fieri posset, ut ego, qui quasilibet ædes infectas, & omnes ægrotos indiscriminatim invisebam, à tanta malignitatis & contagii violentia non læderer, ac proinde meum vivendi ordinem plurimi diligentissime considerabant: qui ut omnibus cognitus esse possit, eundem hoc capite describam. Omnes animi vehementes motus, quantum poteram, inhibebam ac fugiebam, intrepidus planè vivebam, nec pericula, nec mortem, nec aliud quippiam timens: mihi eodem redibat, ædesne infectas, an non infectas adirem, pestiferosne an alios ægrotos inviserem; æque libenter pauperibus gratis, quam divitibus mercede inferviebam. Nec terrori, nec iræ, nec mœrori locum concedebam. Si fortè me ipsum aliquo modo contristatum perciperem (quod tristi illo tempore, quo in toto Noviomago nulla, quod scio, domus à peste immunis remansit, interdum fieri non erat alienum) tunc tribus quatuorve vini haustibus assumptis cor exilarabam, atque ita citissime omnem melancholicum luctum fugabam. Quamvis somnum diurnum aliis plerisque dissuaderem, cum tamen mihi ob ægrotorum invisendorum multitudinem ne nocte quidem ad lubitum & necessitatem requiescere permitteretur, & continuis deambulationibus vehementer delassarer, de die, nempe post prandium (quo tempore id optimè licebat propter pauciora negotia) per horam unam necessariò dormire cogebar. In victu utebar cibis eucharystis & facilis digestionis, studiosissime abstinendo ab iis quos aliis noxios fuisse animadverteram, quales erant, carnes porcinae, haleces, &c. Potus mihi erat cerevisia Noviomagensis ordinaria, ut & vinum album tenue vel mediocre, quo interdum usque ad hilaritatem, nunquam ad ebrietatem utebar. Alvum non fluidam, sed ita liberam servabam, ut eandem semel aut bis de die exonerarem. Cubitum iturus semel aut bis in septimana deglutiebam unam vel alteram pilulam ex antipestilentialibus nostris, quas supra, cap. 9. descripsimus. Manè inter horam quartam & quintam ægros invisurus, nihil omnino assumere poteram (quod tamen ipsemet valde improbabam) nec cibi, nec potus, nec medicamenti, sed ad omnia nauseabam, ac proinde præmissis piis precibus, me meamque sanitatem Deo Opt. Max. commendabam, & solummodo

modo aliquot grana cardamomi minoris masticando, jejunus primos ægros invisebam usque ad horam sextam, præter propter. Tunc vel the-riacæ, vel diafcordii pauxillum, vel corticem aurantium conditum, vel ut plurimum radicem helenii conditarum tria quatuorve frustula comede-bam. Post horam septimam, vel circa octavam frustum panis cum bu-tyro & caséo ovillo viridi jentabam, superbibendo haustum cerevitiæ. Inter octavam & nonam sæpe quidem, sed tamen non quotidie, data oc-casione, haustum vini absinthitis bibebam. Circa decimam, si per otium liceret, fistulam unam tabaci exsugebam: statim post prandium duas tresve fistulas, nec pauciores post cœnam: sæpe etiam intermediis horis post meridiem, hic illic ubi occasio dabatur, adhuc duas tresve fistulas sumebam. Si verò ab ægrorum vel ædium infectarum fœtore me vel tan-tillum alteratum sentirem, statim postpositis omnibus negotiis quantum-vis necessariis, qualicumque diei hora foret, duarum triumve tabaci fi-stularum fumum suctione trahebam: nam, ut verum fatear, tabacum pro primario præservativo in peste semper habui, & re vera tale esse, non sola ratione ductus, sed experientia edoctus, comperi; neque aliud melius pro ordinario usu hætenus inventum fuisse existimo, dummodo illud sit melioris notæ, ex maturioribus foliis in funes coactum. Quapropter ego solo tabaco contentus, nullis aliis suffumigiis, morsellis odoratis, simili-busve utebar: eaque causa fuit, quod durante hac maligna constitutio-ne, istius nobilissimæ herbæ bonam quantitatem consumplerim, cujus ta-men usum postea rursus derelinqui, nolens naturam meam illi nimis assues-cere, ne tandem ejus laudabilem usum in detestandum abusum converte-rem, quemadmodum illud hodie in plerisque fieri animadvertimus.

*Atque hæc hætenus de Præservatione.*

## LIBER TERTIVS.

## De Curatione pestis.

## CAP. I. De Curatione in genere.

**P**Estis certam medendi formam præscribere haud facile est, propterea quod divini hujus morbi naturam (1.) humani ingenii acumen non satis perspiciat: hæcque causa est, quod in pestis curatione semper plurimum hallucinati fuerint omnes Medici, dubii causarum, dubii remedium. Hinc etiam, nec à majoribus nostris viris sagacissimis, nec à neotericis quantumvis in arte Medica versatis, hætenus ullum certum antipestiale remedium, ullum proprium venenatæ hujus pernicipi alexiterium inventum fuit: semper ad cardiaca, quæ cor tumentur ac roborant, ut & ad communia venenorum alexipharmaca (2.) concursus est: è quibus etiam in hac peste primaria nostra subsidia dimanarunt, additis simul etiam alijs generalibus addi consuetis & necessariis. Post imploratam igitur divinam opem, pestis curationem deprompsimus è triplici Medico fonte, diætâ, chirurgiâ, & pharmaciâ, de quibus in sequentibus singulatim acturi sumus.

## ANNOTATIONES.

I. VErè & bene cecinit Poëta:

*Felix qui potius rerum cognoscere  
causas,*

*Ille metus omnes, & inexorabile fatum,  
Subjiciet pedibus, strepitumque Acherontis  
auri.*

Sic etiam, si veneni pestilentis natura unquam verè cognosci potuisset, procul dubio etiam remedium ex opposito ei contrarium inventum fuisset: verum & cognitio naturæ atque essentiæ pestis, & ejusdem certum remedium, summi Dei consilio hætenus mortalibus denegata fuisse videntur: Forè n. n. placet Deo (inquit Gesnerus lib. 1. Epiß. Medic. 64.) ut contra flagellum peccatis nostris debent, nullum cernens præsidium habeamus,

Quapropter bene & Christianè loquuntur, qui dicunt verum pestis alexicum penes illum adhuc latere, qui flagelli hujus immisionem & aversionem sibi soli reservare voluit.

II. Animadverterunt Medici causam pestis esse venenum, atque hinc, ab effectuum aliqua similitudine, alii illud assimilant veneno napellino, alii arsenicali, alii alijs venenis; & quamvis incerti essent in quonam consisteret vera essentia istius veneni, tamen, ut pestem certius curarent, plurimorum venenorum antidota simul miscuerunt: atque ea ratione multa egregia ad pestem inventa sunt remedia, etsi verum specificum adhuc lateat. Hinc etiam

Goclenius, in *Λοιμωγενία*, inquit: *Certum est multa præclara quidem, usque & experientis comprobata haberi remedia pestifero veneno antipathetica, sed specificum, &*

*quod totius substantiæ suæ viribus ei adversetur, à nemine adhuc monstratum vidi. Plura hac de re videantur lib. 2. cap. 10. annot. 1.*

## C A P. I I. De diætâ pestiferorum.

**Q**uamvis in curatione pestis, in qua magnum periculum est in mora, pharmacia necessario diætâ antecedere debeat, nos tamen hanc illi hic præponemus, ut vulgarem ordinem, qui in curatione aliorum morborum teneri solet, etiam servemus. In cubiculis, in quibus decumbant ægri, iussimus nitorem servari, & aërem emendari, eo modo quem descripsimus lib. 2. cap. 5. Somnum ante promotos sudores in totum prohibuimus, & postea tantum moderatum vel breviorē laudavimus. Motus magnos animi & corporis fugere iussimus. Alvi excretionēs non promovimus medicamentis ante morbi declinationem. Quantum ad reliquam victus partem, quæ in assumptis consistit, et si pestis ut plurimum febrem comitem habeat, quæ febris ratione caloris & siccitatis diætâ humectantem (secundum communem Medicorum opinionem) requirere solet; attamen simpliciter humectans diætâ nobis in hac peste non admodum convenire videbatur, quia non tam caloris febrilis, quam pestiferæ malignitatis ratio habenda erat; hæc enim ab ipso morbi principio totam curationem ad se trahebat, eaque neglectâ præsens periculum imminebat. Quapropter nos omnibus cibis & potibus etiam talia admiscuimus, quæ simul cor tueri ac roborare, & venenatæ malignitati resistere possent, quamvis illa etiam modicè exsiccarent, dummodo vel leniter refrigerarent, vel saltem in calore non nimis excellerent, atque hoc modo cibus etiam alexipharmacam aliquam vim indidimus. Prohibitis primò piscibus, omnibusque aliis salsis, acribus, multum calidis, & facile corruptibilibus, ac mali nutrimenti cibis, præscripsimus cibos euchos & facili digestionis, ut plurimum liquidos (assatis enim & siccioribus difficilius vescuntur ægri) ex iussulis caponum, pullorum, gallinarum, perdicum, carnis agninae, vel vervecinae, aut vitulinae, quæ cum acetosa, pimpinella, boragine, melissa, radicibus petroselini, fructu ribesiorum rubrorum, cerasis morellis, pomis citriis, aurantiis, cydoniis, aliisque similibus, cocta erant. In condimentis etiam laudavimus succum citri, acetum vini simplex, vel potius rosaceum, sambucinum, vel calendulatum; omnibusque cibis aliquid acidi admiscuimus, ut defectus ægrorum appetitus magis excitari, & putredo melius coerceri posset. Cibos quidem paulo copiosiores, quam in aliis acutissimis morbis fieri solet, obtu-

obtulimus, ut vires servari possent. Verumtamen primis duobus tribusve diebus ad eosdem assumendos non valde impulimus, & ægros his diebus post cibos assumptos se multò pejus habuisse observavimus, eo quod natura, quæ in principio ad sudores impellenda erat, ciborum coctione impedita, à necessario sudandi opere avocabatur. Sequentibus autem diebus (1.) corde sudoriferorum alexicacorum usu aliquantum allevato, ægris, etiam nolentibus (nempe ter quaterve de die) parum cibi liquidi dedimus, ut vires labascentes rescicerentur. Si verò ægrorum debilitas ciborum assumptionem impediret, talia præparavimus quæ exigua quantitate multum nutrire possent. Interdum carnem (2.) vitulinam aut vervecinam, vel capum, aut gallinam carnosam, in veru afflatam contundi, ac in torculari fortiter exprimi curavimus, cui succo expresso aliquantum succi citri recentis, una cum alicujus pulveris cardiaci & antidotalis boni saporis tantillo, admiscuimus, ejusque aliquoties de die cochleare unum aut alterum exhibuimus. In eundem usum multoties gelatinam hac fere forma confecimus :

℞. Gallinam, aut pullum carnosam, vel caponem juvenem, abjectis intraneis bene mundatum, & cum aceto rosaceo vel sambucino lotum, conscindatur una cum ossibus in minutas partes, & imponatur cantharo lapideo vitreato, angustioris orificii, addendo carnis vitulinae musculoſe, similiter confisæ, lib. f. (subinde quoque perdicem, aut passerem, vel alaudas aliquot addidimus) pomum citri (3.) unum (si parva fuerint, sumenda duo) in particulas una cum cortice confisissimæ, conserve rosarum rubrarum, unc. ij. cinnamomi electi drach. ij. vel iij. vini Rhenani unc. v. vel sex, his immixtis cantharus exactissimè firmo operculo obturetur, & coquantur in balneo sex septemve horis : deinde totum effundatur super mappam mundam, ex eoque omnis succus fortiter contorquendo exprimatur, a quo frigefacto postea omnis pinguedo auferatur, & sit gelatina.

Hujus gelatinæ aliquoties de die dabam pauca cochlearia ad ignem liquefacta, vel sola, vel cum pauxillo alterius jusculi tenuis & succo citri. Hujusmodi autem cibus, neque theriacam, neque aliud quid gustui ingratum admiscuimus, ne hoc modo ægri à cibus nimium absterrentur. Sitim magnam diu perferre omnino prohibuimus : plerisque pro potu dedimus cerevisiam tenuem (hæc enim est instar decocti hordei fermentati) vel solam, vel admixtis aliquot olei sulphuris, aut vitrioli guttulis : aliis decoctum hordei simplex cum succo citri ad gratum saporem : aliis julebos refrigerantes ac malignitati resistentes, ex aquis stillatitiis acetosæ, cardui bened. scabiosæ, cichorei, boraginis, cum succo citri, & syrupo granatorum acidorum, vel de acetositate citri, vel rob ribesiorum rubr. oleo sulphuris,

phuris, aut vitrioli paratos : Aliis aquam fontanam (4.) purissimam solam, vel cum paucis succi citri concessimus : Aliis ex modo dictis coctas potiones gratissimas confici curavimus. (5.) Si magnus ardor non adesset, ægris delicatiusculis valde debilibus, & vino assuetis, etiam vinum (6.) album tenue, cum aqua fontana aut succo citri dilutum, modica quantitate concessimus. Nonnullis hujusmodi potum gratum concessimus :

*℞. Poma citri succo plena n<sup>o</sup>. iij. confcendantur una cum cortice in particulas, ac vitro impositis affundatur aquæ fontanæ, rosarum, ana lib. l. vini albi tenuis lib. j. sacchari albrissimi, vel syrupi limonum, parum, ad levem dulcedinem, misceantur pro potu.*

Omnis potus, cui vinum admistum erat, moderatum tantum usum ægris debilibus injunximus. Sitim nimiam sæpe fallere jussimus cum frustulo pomi citri in ore detento, aut masticato ; vel cum pulpæ tamarindorum pauxillo ; vel cum foliis sedi majoris, quæ detractâ exteriori pelliculâ, & aquæ frigidæ immacerata, linguæ imponebantur. Si lingua valde sicca & arida esset, os sæpissime lavare jussimus cum sola aqua fontana, quæ hoc in casu multum proderat : huic nonnulli addebant acetum, sed minus bene, propterea quod acetum per se exsiccat, & linguam aridiorem faciat, ac paulo, post lotionem, sitim majorem excitet. Alii etiam sero lactis acido os colluebant.

#### A N N O T A T I O N E S.

I. C Vm in peste spiritus vitales admodum corrumpantur & dissipentur, post usum sudoriferorum (quæ omnibus posthabitis, in principio morbi aliquoties sunt exhibenda) liberaliore, euchymo, & cardiaco victu ægri alendi sunt. Sic quoque Avicenna & Rhazes, cibis assatim nutrientibus, acidiis omnibus, ne concidat appetentia, peste correptos reficere, imò invitos ad cibum capiendum cogere jubent. Etiam scribit Avicenna, suo tempore à peste tantum evasisse illos, qui viriliter edebant & bibebant : quod ipsum à se quoque observatum scribit Hippocrates, lib. de assenuante victu in epidemiciâ. Refert quoque Galenus, in constitutione quadam maligna eos duntaxat

evasisse quic multum cibi sumperant. Verum huic sententiæ videtur repugnare Hippocrates, 1. aphorif. 7. qui in morbis acutis victum tenuem instituire jubet. Dico, eundem Hippocratem, 1. aphorif. 9. expressis verbis jubero, ut consideretur, an æger cum tali victu usque ad vigorem morbi pervenire possit ; quod si virium lapsus ante statum futurus animadvertatur, vel metuetur, (quod in peste citissime fieri solet) ut tunc copiosiore alimento restarentur. Hac quoque de causa Galenus in accessionibus febrium, si syncope metueretur, cibum porrigebat. De talibus morbis etiam loquitur Hippocrates, 1. aphorif. 5. dum inquit : *In tenui victu ægri delinquant, quo fit ut magis laedantur,*

dantur; quicunque enim error committitur, major in tenui sit, quam in paulo pleniora victu. Item aphorismo præcedenti: *Vitius tenuis atque exquisitus, in morbis quidem longis semper, in acutis vero, ubi non convenit, periculosus.* At pestis est morbus acutus, in quo talis victus non convenit.

II. Avenzoar peste laborantibus carniū usum prohibet; quod intelligendum est de ipsa carniū substantia, quam non nisi robustis quibusdam, idque non ante morbi declinationem, tuto dari posse, ipsa ventriculi concoctrix facultas debilitata satis docet. Iusculis autem & succis carniū libere uti licet.

III. Adversus venena pomis citreis maxima alexipharmaca vis inest, quod Athenæus confirmat historia cujusdam hominis in Ægypto, qui morte damnatus, aspidum, serpentum, aliarumve similium venenatarum bestiarum tyrannidi exponendus erat: huic, cum ad supplicium duceretur, muliercula quædam commiseratione ducta, citria poma ad refectionem, & sitim compefcendam, obtulit, quibus reus comestis, nihil à lethalibus virulentarum bestiarum ictibus noxæ per sensit. Præter Athenæum, omnes etiam Medici unanimiter antidotalem citreorum vim attestantur & extollunt, eaque in peste plurimum professe, ab experientia docent, Matthiolus, Daniel Mylius, Augenus, Fumanellus, Montagnana, Mizaldus, Monardes, Mindererus, aliique. Virgilius, 2. Georg. antidotalem citrei vim his versibus exprimit:

*Media fert tristes succos, interdumque saporem*

*Felicis mali, quo non presens ullum,  
Pocula si quando sæva insæcere noverca,  
Auxilium venis, ac membris agit atra venena.*

Omnes autem mali citrei partes anti-

dotalem vim obtinent, nempe succus, semen & cortex, imprimis autem exterior corticis flavo: ideoque nos tota poma in taleolis dissecta cibis incoquimus, & potibus ordinariis immisceamus, ut ille alexipharmaca vis à tota citri substantia, aciditas & refrigeratio à succo, fragrantia à cortice concilietur.

IV. De aquæ potu litigant Medici, anne tunc peste correptis pro potu concedi possit. Fracastorius judicat aquam simplicem in pestilenti febre non convenire, nisi eadem ardens sit & biliosa. Eiusdem usum quoque damnant, Nicolaus Florentinus, Hercules Saxonia, Montanus, & Mindererus, qui omnes aquam humectando putredinem augere, & per consequens multum nocere existimant. Forestus aquæ potum omnino lethalem esse scribit, idque, lib. 6. observat. 23. probat exemplo pagi Schoonderloo, prope Rotterdam situm, in quo omnes pestiferi, qui ob ingentem febrilem calorem aquam bibissent, intra duos dies mortui sunt. Contra vero Rhazes, lib. de peste, cap. 7. aquam frigidam ægris pestiferis porrigit: *Nam frigida*, inquit, *si paulatim absorbentur, sudorem elicit, & adjuvat foras extrudere superflua ad corporis superficie.* Hanc quoque laudant, Avicenna, Paulus, Rufus, Celsus, Aëtius, aliique: imò Mercurialis dicit se expertum esse, hanc multum contulisse. Ad hujus controversiæ decisionem dicimus, Aquæ optimæ usum tunc concedi posse, dummodo non peccetur in nimia quantitate. Dico, *Aquæ optima*; id est, claræ, insipidæ, nullo malo sapore vel calore infectæ, qualis est aqua fontana, ex arenaceis vel saxosis montibus erumpens, ut & putealis illa quæ ex simili fundo ascendit. Aquæ vero stagnantes & puteales illæ, quæ è lutosis ac cœnosis puteis emergunt, cum facile, imprimis tempore pestis, putref-

putrescant, corrumpantur, & malignitatem aliquam suscipiant, atque in se contineant, maximè damnosæ sunt; ut & aquæ fluviales, in quas tempore pestis omnium urbium in litoribus fluminum sitarum, insecta inquinamenta effluunt & projiciuntur. Atque hujusmodi aquarum stagnantium corruptarum, & fluvialium infectarum usus in causa fuisse potuit, quod in pago Schoonderloo (de quo Forestus loquitur) ubi alias aquas non habent, omnes peste laborantes ab aquæ potu mortui sint; si non violentiæ morbi potius, quam aquæ potui illorum mors adscribenda fuerit. Aquas autem stagnantes facile corrumpi & putrescere, testis est Avenzoar, lib. 3. cap. 2. ubi sic inquit: *Aqua mortua que non moventur, & facibus replentur, illa putrescunt & fiunt, & sunt causa corruptionis aeris & pestilentia.* Hinc etiam Ovidius ait:

*Et vitium capiunt, si moventur, aqua.*

Dico; Dummodo non peccetur in nimia quantitate: nam nimia copia, etiam optimæ, aquæ, noxam infert. Quapropter planè rejiciendum est consilium Celsi, Paræi, aliorumque qui frigidam largamanti usque ad satietatem bibere jubent: qui modus, sicut in aliis quibusdam ardentibus utilis, ita in pestiferis damnosissimus existit. Concludimus ergo, moderatum solius aquæ optimæ (qualis Noviomagi est aqua putealis & fontana) usum, peste correptis tunc permitti posse: ac proinde nos in hac peste illam bibere cupientibus, eo modo liberè concessimus, neque ulli unquam nocuisse, observare potuimus; imò contra animadvertimus, alios qualescunque potus ægros sæpe maximè gravasse, iisque anxietates induxisse, cum aquæ simplicis potus nihil tale efficeret, sitim melius extingueret, & ægros alacriores redderet.

V. Duncanus Liddelius, 3. de febr. cap. 6. duas potiones gratissimas, hic apprimè convenientes, præscribit, quarum prior hæc est:

*R. Limatura cornu cervi unc. f.*

*fantali citrini,*

*corticum citri,*

*cinnamomi electi, ana drach. j.*

*aquæ puræ fontana, lib. iij.*

*coquantur lento igne ad tertie partis consumptionem, colatura admisce,*

*succi limonum, unc. j. f.*

*sacchari a b i unc. ij. f.*

*leviter bulliant, & fiat posio clara.*

Posterior sic se habet:

*R. Aqua hordei lib. iij.*

*aceti vini optimi,*

*succi acidi citri, ana unc. j. f.*

*sacchari una. iij.*

*fiat s. art. juleb, cujus aciditas pro voluntate ægri augeri vel imminui potest.*

VI. De vini usu, an conveniat peste correptis, nec ne, acriter disputatur apud Medicos. Multi ob virium dejectionem, syncopen, spirituum oppressionem, aliaque similia mala, concedi debere judicant, quia vinum vires corroborat, spiritus reficit, malignitati, putredini ac corruptioni resistit, & sudorum promotionem adjuvat. Contra alii ob febrem, ejusque ardorem, & inflammationes internas, illud cane pejus & angue fugiendum esse arbitrantur. Ad quæstionis solutionem dicimus, propter magnam debilitatem vel syncopen vini usum permitti posse, dummodo æger non sit valde biliosus, & febris non sit vehementer ardens, neque adsit sopor vel capitis dolor, aut ullum delirii signum, neque visceris alicujus inflammatio: dummodo etiam æger sit vino assuetus, neque sit puer; (nam in his vino curare, non satis tutum, inquit Celsus) dummodo etiam morbus non sit in principio, sed circa statum. Extra hos casus vinum remue, dilu-



dilutum, & aquosum concedi potest, nam vires citissime reficit, viscera corroborat, & malignitati resistit. Dicto etiam favet experientia, nam nos multoties vinum in hac peste tali modo tutissime exhibuimus, non tantum sine damno, verum etiam cum insigni emolumento. Sic quoque Riverius, *lib. de*

*febr. sect. 3. cap. 1.* dicit se peste laborantibus vinum cum felici successu sapissime exhibuisse. Et Zacutus Lusitanus, *Prax. admir. lib. 1. observ. 93.* solo vini usu restituit mulierem maligna febre laborantem, & jam fatalem terminum expectantem. De vino adhuc nonnulla videantur, *lib. 2. cap. 6. annot. 14.*

## CAP. III. De auxiliis Chirurgicis.

**A**uxilia quæ ad pestis curationem Chirurgia subministrat, varia sunt, præcipue quando anthraces & bubones curandi occurrunt, de quibus agemus suo loco; hic solummodo dicturi de generalibus chirurgicis auxiliis, nempe Venæsectione, scarificatione, & vesicatoriis. Nos durante hac peste venæsectionem (1.) damnosissimam fuisse animadvertimus, ac proinde venam nullis secuimus, nec sanis, nec ægris, imò vix quidem in aliis morbis, qui venæsectionem exigere videbantur. Illud enim observavimus, si peste correptis vena secaretur, illos ad unum omnes certo & citò obiisse: si aliis morbis laborantibus, his statim post venæsectionem se adjunxisse pestem: si sanis, plurimos eorum, qui illud tentaverant, brevi post peste correptos fuisse. Scarificationibus, (2.) cucurbitulis, & hirudinibus, loco venæsectionis, etiam usi non sumus, sed solis duntaxat vesicatoriis (3.) emunctoriis applicatis.

## A N N O T A T I O N E S.

**I.** IN curatione pestis maximum dubium occurrit de venæsectione, utrum illa conveniat, nec ne: eaque de re maxime discrepantes sunt Medicorum opiniones, & alii hanc, alii illam partem, tanquam pro aris & focis defendunt, ac singuli suam opinionem ita mordicus tenent, validisque rationibus confirmant, ut ne ad unguis quidem latitudinem inde divelli possint: neque his, neque illis gravissimæ auctoritates, & præstantissimorum Medicinæ procerum consentientes sententiæ defunt. Affirmativam partem defendunt, Lud. Mercatus, Trincavellius, Ioannes Costerus, Altomarus, Pereda,

Andernacus, Lud. Septalius, Ianus Antonius Saracenus, Nicolaus Massa, Paulus Mongius, Paschalius, Fonseca, Mercurialis, Forestus, Zacutus Lusitanus, aliique plures clarissimi Medici, qui hanc opinionem variis rationibus confirmant.

1. Quia si plethora adsit, necessarium quærendum est citum remedium ad illam solvendam, ut corpus perspirabile reddatur: atqui tale remedium est venæsectio.

2. Quia in febris putridis venæsectionem convenire, eamque putredines maxime coercere, notissimum est; atqui illæ adsunt pesti.

A a 2

3. Quia

3. Quia per venæsectiones citissimè evacuatur venenati ac putridi humoris magna pars, & natura à maiore sarcina levata, quod postea reliquum est facilius evincit.

4. Quia per venæsectiones fiunt commodissimæ revulsiones à partibus illis in quas venenatus humor decumbit, nempe bubonibus & carbunculis.

5. Quia Hippocrates, 6. *epidem.* in affectionibus pestilentialibus usus fuit venæsectione, eamque etiam approbaverunt, Galenus, Rufus, Paulus, Orbasius, alique veteres: quorum opinioni quoque subscribens Avicenna, 1. 4. *Tract.* 4. cap. 4. sic inquit: *Summa curationis pestilentium febrium est exsiccatio, & illud cum phlebotomia & solutione ventris.*

6. Quia experientia multoties docuit illud remedium genus multum profuisse; & Petrus Bayrus, lib. 20. cap. 8. illud confirmat manifestissimo exemplo mulieris peste laborantis, venæsectione curatæ.

Hæc sunt præcipua fundamenta quibus affirmativa opinio maximè innititur.

Negativam autem partem doctissimè teneant, Cardanus, Bernellius, Platærus, Raymundus à Vinario, Petrus Salus, Andreas Chioechus, Palmarinus, Mindererus, Andreas Trevisius, alique gravissimi viri, cum quibus etiam nos sentimus, in peste curatione omnino non convenire venæsectionem.

1. Quia pestis non inducitur nec generatur à plethora, obstructione, aut humorum putredine, sed à veneno.

2. Quia venæsectione non potest extrahi aut imminui venenum pestilens, neque evacuari malignitas cordi & spiritibus vitalibus inhaerens.

3. Quia maioris causæ major est habenda ratio: ac proinde, quamvis febris (quæ tamen semper non adest) ratione putredinis, venæsectionem posce-

re videatur, quia tamen venenum ratione suæ malignitatis illam prohibet, & alexipharmaca citissimè poscit; major ratio habenda est veneni, quam putredinis.

4. Quia venæsectione detrahitur vitæ thesaurus sanguis, & vires maximè dejiuntur, quas in peste omnium maximè conservare oportet, ut furiosissimo morbo Natura fortiter resistere queat.

5. Quia venæsectio, cum trahat à peripheria ad centrum, pervertit laudabiles & necessarias naturæ operationes, quæ fiunt à centro ad peripheriam, per sudores, tumores, & anthraces; quas operationes non impedire, sed promovere oportet.

6. Quia venæsectio spiritus & humores exagitando, eosdem disponit ad venenum pestilens promptius suscipiendum.

7. Quia venenum pestilens, vel foris circa peripheriam, vel intus alicubi in partibus ignobilibus sanguini nondum permixtum hærens, inanitis venis, facile illas ingreditur, ac sanguinis massæ permiscetur.

8. Quia Hippocrates in vera peste non fuit usus venæsectione, ut liquet 1. *epidem.* in *Historia Critonis*; alisque in locis: imò 6. *epidem.* sect. 7. text. 1. cum in morbis quibusdam pestilentialibus venæsectiones in multis ægris tentasset, nunquam tamen illas profuisse, ipsemet testatur. Quapropter ipse quoque Galenus, lib. de *cibus bonis & malis* fact; cap. 1. laudat illos Medicos, qui in peste paucissimè ausi fuerunt sanguinem mittere; & dicit in ea pestilentia sui temporis venam paucissimis sectam fuisse. Sic. 1. de *diff. febr.* cap. de *febr. pestil.* phlebotomiam inter pestis remedia non recenset; imò de ea ne verbum quidem facit. Et 9. *simil.* cap. de *terra Samia*, scribit nulla alia remedia in peste profuisse,

fuisse, præter bolum Armenam, ergo neque venæsectiones. Ad hæc 4. *de tuenda sanit. cap. 4.* venam secare vetat, humoribus à sanguinis natura multum recedentibus: quod iterum confirmat lib. ad versus Iulian. & II. *Methodi. cap. 14.*

9. Quia experientia à multis seculis docuit, venæsectiones in peste semper damnosissimas fuisse: & si fortè uni aut alteri sanguinis missio feliciter cesserit, illud tamen communissimam experientiam evterere nequit; & credendum potius, vel rarissimum quid accidisse talibus ægrotis, vel illos vera peste non laborasse, sed febris pestilentialibus sine peste, quales sunt petechiales, aliaque similes, in quibus venæsectiones maxime laudabiles habentur. Maximam autem esse experientiam, quæ semper docuit in peste cum infelicissimo successu institutam fuisse venæsectionem, liquet ex Medicorum scriptis. Andernacus, lib. de peste, testatur in pestilentia sui temporis venæsectionem ægrogum damnum dedisse, extinctis omnibus iis qui illam adhibuerant. Fallopius observavit in longa peste, ab anno 1524 ad 1530, omnes extinctos esse quibus venæsecta fuerat; multos autem hæc venæsectionem omittentes, servatos fuisse. Illud ipsum in duabus pestibus se quoque observasse, testatur Henricus Florentius, insignis Practicus Leydenſis, in additamento ad cap. 7. lib. P. Pau. de peste. Venæsectionis damna se quòque expertum fuisse, scribit Simonius, lib. 2. de peste. Dodonæus refert se in peste anni 1602 non vidisse quod sanguinis missio ulli profuerit, sed contra sanguine adhuc fluente, in quibusdam vomitus prorupisse, mortemque subsequutam esse, ut ut adhibitis omnibus cautionibus, ab iis præscriptis qui illam commendant, sectio facta fuisset. Simile etiam testatur Mindererus, de peste, cap. 14. obser-

yatum fuisse in peste sui temporis. Guil. Fabr. Hildanus, em. 4. observ. 23, refert in peste Laufannensi, omnes fere, quibus vena secta fuit, interisse. Qui celebres pestes annorum 1508, & 1529, describunt, omnes uno ore, se illud quoque comperisse testantur. Paræus, lib. de peste, cap. 24, talem historiam refert: Anno Domini, inquit, 1565, qui annus toti fere Gallia peste pestilentibusque morbis factus & funestus fuit, ex omnibus urbium, per quas Carolo IX, Regi, iter Bayonam erat, Medicis & Chirurgis diligenter ac studiosè sciscitatus sum, quid agris successisset ex purgatione & phlebotomia: una voce responderunt se sedula observasse, omnes peste correptos, quibus sanguis detractus fuerat, & corpus purgatum, deterius inde habuisse, tandemque interisse: reliquos, quibus solis alexiterii provisum esset, fere curatos evasisse. Infelicem venæsectionis usum se quoque compertos habere scribunt, Gelsnerus, Donzellinus, Dalechampius, Io. Heurnius, Bauhinus, Salustius Sylvianus, Io. Ant. Saracenus, Petrus Salius Diversus, Angelus Balicochus, Montanus, Io. Nævius, Cornelius Gemma, alique plures insignes Practici: Imò Wierus, lib. rar. observat. Med. meminit pleuritidum & anginarum pestilentium, in quibus venæsectio, quæ maxime profutura putabatur, etiam exitialis fuit. Horum virorum testimoniis adjungatur quoque nostrum, qui in hac peste venæsectionem semper damnosissimam & lethalem fuisse observavimus. Idem illud etiam notasse videntur Medici Antwerpenses, qui proinde in Consil. de peste anni 1624, venæsectiones & purgationes omnino prohibent. Quapropter concludimus, venæsectionem in curatione pestis, tanquam maxime exitialem, semper fugiendam esse, propter jam dictas rationes: quibus & illud in commodum adungi potest, quod in peste laborantibus interdum per aper-

tam venam effluens sanguis ægrè coërceri, & vix ullis mediis fisti possit. Sic etiam Zacutus Lusitanus, lib. 3. *Prax. obs.* 41. scribit se in peste vidisse, multis sanguinem de cucurbitulis emanantem; nec validis auxiliis, nec ipso cauterio potuisse compesci, sed omnes obiisse. Tandem pro conclusione adjungamus etiam testimonium magni Fernellii, qui, lib. 2. *de abdit.* cap. 12. sic dicit: *In peste, Medici celeberrimi, qui longo artis usu doctrina studia compleverunt, prorsus abstinere à venesectione, experti eos quibus sanguis, sive initio, sive postea esset missus, aut paulo post obiisse, aut in deterius lapsos esse. Non enim (ut quibusdam videri posset) evacuatio hanc perniciem summovet, aut imminuit, aut cohibet, ut qua non est in humoris vitio posita: neque laborantem nulla ratione levat, sed contrà gravius offendit. Etenim extrinsecus nos circumfundens perniciem, vacuato sanguine, & spiritu, in pulmones, in cor, & in venas facilius penetrat, & ferocia majore invalescit: sanguis etiam phlebotomia concitatus, promptius labem contrahit, quemadmodum aqua cui fellis tantillum injeceris, si agitetur, ocyus quam si consistat, amarescit. Quinetiam vires agitatione imminuta insipienti perniciem minus obsistunt. Hæ rationes experientia confirmantur, ut à venesectione, ita magis à valida purgatione docent abstinendum.*

II. Oribasius, lib. 7. *Collect.* cap. 20. refert Galenum (vel, ut Amatus & alii volunt, Apollonium) cum vehementem pestem Asiam præhendiisset, ipsumque attigisset, secunda morbi die, remissione febris factâ, crus scarificasse, duasque fere sanguinis libras detraxisse, hocque modo periculum evitasse. Quam historiam ipse Galenus describit, lib. *de cucurbit.* & *scarif.* cap. 20. ubi subjungit, quod plerique etiam alii hoc præsidio usi, superstites remanserint. Hinc multi illud auxilium adeo præstans esse scripserunt, ut plerique peste infecti cum

eo feliciter evaserint, sicut annotaverunt Claudinus, *de ingress. ad infirm.* lib. 2. cap. 6. *Septalius, de pest.* lib. 5. cap. 19. Donatus Sanctorius, lib. 1. *epist.* 2. Aloysius Toreus, lib. *de febr.* punct. Fracastorius, *de curat. febr.* punct. lib. 3. cap. 5. Ioannes Colle, lib. *de morbi. malig.* cap. 6. Io. Cremona, lib. *de pest.* cap. 1. qui omnes citatis locis de causa præstantiæ hujus auxilii latè differunt. Ægyptii & Turcæ solent etiam peste correptis crura panno aspero fricare, & aqua calida fovere, deinde illa infra genua vincire, & ab inferiore parte incipiendo, longiusculas incisiones triginta vel quadraginta facere, atque ita duas tresve sanguinis libras extrahere: cujus curationis historiam describit Mannus, lib. *de malleolor. scarificat.* eamque se Metiphis in Ægypto vidisse refert: cujus curationis felix experimentum se quoque fecisse, refert Gavalsetius, in *Epist.* Quicquid sit, nos, propter rationes præcedenti annotatione dictas, in hac nostra peste tales scarificationes prorsus improbavimus, atque hinc, ut à me relicte, sic à nullo alio durante hac constitutione, easdem feliciter institutas fuisse novimus. Quantum ad prædictorum virorum experientiam, credimus illam duntaxat intelligendam esse de febribus petechialibus aliisque pestilentialibus sine peste, in quibus re vera multum prodesse possunt, minime autem de vera peste.

III. Veteres in curatione pestis maximi faciebant veficatoria, quæ applicabant brachiis, tribus digitis supra carpum, & parte inferiore crurum, paulo supra malleolum. Figura autem veficatorii erat rotunda, magnitudo circiter latitudinis trium digitorum. Sic Galenus, 1. *de humoribus* (ut etiam narrat Rabbi Moyses in *aphorismis*) scribit, ubi humor ad caput aut ventrem fertur, medicinas mordicativas manibus

bus & pedibus appositas, magnopere conferre. Oribasius quoque, *8. Collect. cap. 19.* inter remedia quæ maximè revellunt venenum & prævios humores à partibus nobilioribus, enumerat medicamenta acris artibus apposita. Hos aliosque veteres hac in parte secuti sunt plurimi neoterici. Marsilius Ficinus ante eruptionem anthracum vel bubonum, adhibet vesicatorium paulo supra carpum dextri brachii ab interiore parte, & supra talam interiorem dextri pedis. Jacobus de Partibus, in *com. supra primam quartæ Avicennæ, cap. de febr.*

*pest.* inter alia remedia convenientia enumerat vesicatoria, brachiis & cruribus apposita, facta ex lacte vel ficuum, vel tithymali, vel cantharidibus comfermento. Hercules Saxonia maximiquoque facit revulsionem quæ sit per vesicatoria, quæ de re latè disputat *lib. de phænig.* Credibile est vesicatoria hoc modo applicata multum prodesse posse: nos tamen illum modum secuti non sumus; sed ipsi emunctoriis illa potius applicavimus: rationes infra petantur, *cap. 12. annot. 4. & 6.*

## CAP. I V. De Purgantibus &amp; vomitoriis.

**A**D curationem pestis à Pharmacia duo remediorum genera peti solent, nempe purgantia, & antidota sudorifera: de his sequenti, de illis verò hoc capite sermonem habebimus. Purgantia (1.) & vomitoria maximè fugienda esse, præter rationem, in hac peste etiam docuit usus. Quapropter nos ante diem septimum nullis, ne quidem cacochymis (2.) aut catartica, aut lenientia (3.) aut clysteres, aut aliud quippiam quod alvum citare posset, dedimus; & quamvis totis septem diebus alvum non deponerent ægri, nihil tamen movere ausi fuimus: paucissimis enim, qui id tentaverant, feliciter cessit: at ferre in omnibus (veneno à peripheria ad centrum revocato) diarrhœa insecuta fuit incurabilis & brevi occidens. Quo autem magis cacochyma erant corpora, eo citior fluxus, & majus erat periculum. Ac proinde nos illud opus usque ad septimum morbi diem naturæ totaliter commisimus. Post diem autem septimum, tantummodo unam alteramve pilulam, ex nostris antipestilentialibus, aut Ruffi, exhibuimus. Aliis autem purgantibus vix ante diem vigesimum usi sumus, cum etiam in morbi declinatione illa non sine periculo dari animadverteteremus, imò non paucis jam à morbo convalescentibus, illa valde noxia fuisse, viriumque recuperationem plurimum impedivisse. Neque etiam alvi constipationem (4.) magnopere metuimus, utpote quam nullis nocuisse animadvertimus. Vomitoria qualiacunque, etiam stibiata (5.) à multis insigniter decantata, minimè probavimus, utpote quorum violentiâ semper corpora nimis vehementer conturbata & exagitata fuisse, atque ægros post illa se multo pejor habuisse, citiusque extinctos esse, observavimus.

A N-

## A N N O T A T I O N E S.

**I**Nter veteres, Averrhoës, Aëtius, Avenzoar, Oribasius, Avicenna, Aegineta, aliique plures, curationem pestis à purgatione auspiciantur: quorum vestigiis, inter neotericos, insistant, Mercurialis, Donatus ab Altomari, Rodericus à Castro, Monardus, Hercules Saxonia, Vallesius, Augenius, Septalius, Iohannes Bravus, Conciliator, Paschalius, Zacutus Lusitanus, aliique plurimi doctissimi viri, qui omnes purgantia in curatione pestis convenire, his rationibus confirmant:

1. Quia Hippocrates, 4. aphor. 10. inquit: *Medicamento purgante utendum in valde acutis, si materia turget, eadem die; tardare enim in salubus, malum.* Atqui pestis est morbus acutus, in quo materia turget, ergo, &c.

2. Quia venenum pestilens cum nullam coctionem recipiat, citissimè est exturbandum, sicut docet Galenus, 4. de sanitat. tuend. cap. 3. inquit: *Quod omnino alienum est, nulla ratione fieri potest, ut id natura sua gratiam recipiat, sed educere id, quamprimum est sensandum.*

3. Quia vomitus biliosi, capitis dolores, cardialgiæ, inquietudines, aliaque multa symptomata, purgationem necessariam esse demonstrant.

4. Quia compertum est purgantia multis ægrotis peste correptis plurimum profuisse.

Verum non obstantibus his validissimis ac verisimilibus rationibus, præclarissimorum veterum & neotericorum Medicorum auctoritate munitis, nos tamen purgantia in pestis curatione plane non convenire dicimus, & sequentibus rationibus probamus.

1. Quia venenum pestilens, cum nullam coctionem recipiat, statim qui-

dem (secundum Hippocratis dogma) exturbandum est; sed illa exturbatio (docente eodem Hippocrate) fieri debet per vias lege naturæ commodas, ad quas natura feliciter vergere animadvertitur: atqui ab omni ævo observatum fuit, ipsam naturam semper feliciter moliri veneni pestilentis expulsionem à centro ad peripheriam, per sudores, tumores & anthraces, & ex hoc motu salutaria signa desumi, sicut lethalia ex omni contrario naturæ motu, qui fit à peripheria ad centrum: ergo cum purgantia perverso motu moveant, per vias lege naturæ incommodas, planè non conveniunt.

2. Quia purgantia cacochymiam quidem corrigunt, & corruptos putridosque humores (à quibus pestilentia causa non dependet) expellunt, sed ipsum venenum pestilens cordi ac spiritibus inhærens, educere nequeunt, quia nullum purgans medicamentum (inquit Crato) pestilens seminarium ejicit; quod tamen primò & citissimè extirpare necesse est, antequam ipsius vitalitatis fontem extinguat.

3. Quia catarrctica humores & spiritus imminuunt, exagitant, confundunt, & corporis vires dissolvunt; quas hic conservare maximè necessarium est.

4. Quia plurima catarrctica, præterquam quod venenis non resistant, venenata ac malefica qualitate prædita sunt.

5. Quia maligni & putridi humores ipsimet per se naturam maximè stimulant; qui si aliquo modo agitentur, & ad intestina trahantur, cum furore edecumbunt, & validissimas ac perniciosas evacuationes faciunt.

6. Quia experientia hæcenus docuit, fere omnes ægros peste laborantes, qui pur-

purgantia sumperunt, subsequente ut plurimum lethali diarrhoea, vel exitiali virium prostratione, fuisse extinctos: quod etiam Parvus & Ioannes Morellus in praxi se observasse restantur. Ipse Hippocrates, 3 *epid. text.* 3. de gravissima pestilenti constitutione agens, inquit: *Purgationes multos offendebant, quorum qui sic habebant, subito multi peribant; multis malum producebatur.* Sic etiam referunt Annalium scriptores, anno 1510, pestem in Gallos sævisse, & in hujus curatione observatum fuisse, à purgantibus, etsi levioribus, exhibitis, ægros multo citius interiisse. Forestus scribit, anno 1557, in peste Delphensi, omnes qui statim ante tertium vel quartum diem purgabantur, periisse; & quocumque fere tempore purgans medicamentum fumerent, paucos pristinae sanitati restitutos fuisse. Io. Anton. Saracenus testatur in peste Genevensi, fere omnes eos quibus, siue mox ab initio, siue postea essent humores catartico medicamento agitativementius, vel esset corpus sanguinis missione inanitum, aut non multo post obisse, aut in deterius lapsos esse. Palmarius refert in peste anni 1565, omnes fere persanatos fuisse, qui neglectis vacuantibus sola antidota sumperunt. His nostris rationibus favent multorum clarissimorum Medicorum scripta. Rhazes purgationes valde suspectas habet. Galenus, 9 *Simpl.* solum bolum Armenam, non autem purgationes profuisse, scribit. Cornelius Celsus, lib. 3. cap. 7. dicit, in peste minimè ducendam esse alvum. Fernellius, 2. *abdit.* cap. 12. scribit, in peste abstinendum esse à venæsectione & purgatione, propterea quod causa pestis à venenata qualitate scatuiat, quæ antidotis expugnanda, & per sudores ejicienda est. Christophorus à Vega, lib. 3. *prognost. in comment. sens.* 15. & 1. *aphorif.* 23. sic ait:

*In febre pestilenti natura motus universus est ad cutem, hunc Medicus per ea quæ sudorem eliciunt, juravit: nunc autem cavebit ne per alvum evacuet, quod is motus naturæ instituto è diametro oppugnet.* Inter reliquos neotericos, purgantia, tanquam damnosissima, quoque rejiciunt doctissimi viri, Hieronymus Cardanus, lib. 2. *contrad.* 17. 4. *contrad.* 4. Crato, lib. de peste: Gregorius Horstius, *decad.* 10. *probl.* 1. Mundella, *epist.* 16. Perceda, lib. 2. in *meth.* Paschal. in *schol.* cap. 9. Ioannes Bokelius *regim. part.* 2. cap. 9. Aquapendens, lib. 1. *umor. praternat.* cap. 17. Valleriola, in *append. loc. com.* cap. 2. Leonardus Fuchsius, aliique plures. Hercules Saxonia tamen *Prax.* lib. 8. cap. 37. hac in re tali distinctione utitur, nempe, si pestis originem duxerit à causa externa, & invalerit corpus probis humoribus refertum, tunc in curatione probari posse purgationes, nec illas alvi fluxum inducturas, metuendum esse: sin minus, non probari purgationes. Hanc distinctionem ratio non minus quam experientia evertit. Illa: quæ docet nulla dari purgantia quæ venenum pestilens extrahant: præterea in corporibus euchymis purgantia, defectu cacochymiz, non posse non educere humores bonos & laudabiles, atque ita per consequens vires (quarum in peste maxima ratio habenda est) graviter dejicere, nec minus salutari operationi naturæ obesse, eamque contrario motu interturbare. Hac: quæ in ægris innumeris euchymis lethales alvi fluxus purgantium usu inductos fuisse, & nobis & plurimis aliis videndum exhibuit.

II. Quæri posset, si in corpore cacochymo magnam humorum putredinem pesti adjunctam esse animadvertetur, an tunc non liceret in principio curationis per catartica humorum putridorum copiam, sicque ipsam putredinem,

B b

dinem,

dinem, imminuere? Minimè, quia in corporibus cacochymis peste infectis longè gravior & periculosior metuedus est alvi fluxus, quam in euchymis. Præterea, quia curatio incipienda est ab eo quod magis urget & majus periculum minatur, nempe à veneno, (neglectâ tantisper humorum putredine, quæ interim per alexipharmaca, ratione veneni adhibita, simul egregiè coercetur) eique citissimè resistendum, antequam radices agens vitæ fundamēta subvertat. Illo autem expugnato hoste, reliqua minoris periculi mala (qualia sunt cacochymia, calor in sanguine & spiritibus accensus, humorum putredo, &c.) si naturæ solius vi non evanescant, artis subsidio commodius evincuntur.

III. Ad evacuationem corporum peste infectorum alii alia commendant; alii clementioribus, alii fortissimis catarticiis utendum censent. Hercules Saxonia pilulas Russi, & serum caprinum cum syrupo rosato solutivo, laudat: quo syrupo solo mavult uti Fracastorius: alii syrupum fumi terræ, alii pomorum solutivum commendant: alii rhabarbarum, senam, agaricum, diacatholicum, & similia, magni faciunt. Multi etiam in peste alvum, si spontè non dejiciat, lenire jubent clystere emolliente, supposito-rio, decocto prunorum cum manna, infusione foliorum senæ & rhabarbari, aliisque similibus. Verum licet omnia hæc levia tantum esse videantur, attamen in hac nostra peste ante diem septimum exhibita, præsens periculum inferebant; atque ita, prohi dolor! Noviomageneses multi, qui hujus illiusve consilio talia assumpserant, infelicitèr perierunt. Sic non semel solum syrupum rosatum solutivum, aut de cichoreo cum rheo, nonnunquam solum prunorum decoctum, ut & ipsam quoque mannam, ac clysmata emollientia,

diarrhoeas lethales excitasse, summæque virium prostrationes citò induxisse, visum fuit: de rhabarbaro quoque & foliis senæ plurima tristitia extiterunt exempla. Quapropter non possumus non mirari, quod multi celeberrimi Medici, his lenioribus, & tamen periculosos, nondum satis contenti, adhuc ad longe fortiora causam morbis confugiant, idque, ut ajunt, secundum regulam: *Ad extremos morbos extrema sunt adhibenda remedia*. Haud secus ac si conveniret in extremis morbis causam morbis violentis medicamentis agitare per vias lege naturæ incommodas, per quas expelli nequit. Sic legimus Fallopium gloriari se fortibus purgantibus in ægris peste correptis feliciter usum fuisse, & inter cætera, cum Avenzoare, maximè extollere calidissimum illud medicamentum euphorbium: dicere etiam, Iacobum Carpenseni, maximi nominis Chirurgum, innumeros tali modo sanasse. Gentilis, *q. can. sen. i.* refert suo tempore Medicos scamoneata & validissima purgantia ægrotis pestiferis exhibuisse. Paræus etiam extollit diagridium. Mercurialis in principio eurationis, cum Averrhoë, laudat pilulas cochias, ut & euphorbium. Marsilius Ficinus confessionem hamech; Heurnius trypheram Persicam tanquam specificum; alii diatribum cum rhabarbaro, alii benedictam laxativam commendant. Hollerius hellebori drach. j. pomo includit, quod stupis aqua rosacea madefactis involutum, sub cineribus assat, idque pomum comedendum offert: sed albumine anigrum sumat helleborum, non addit. Etiam Capivaccius ad helleborum, nec non euphorbium, scammonium, colocyntidem, trochiscos alhandal confugit. Paracelsus exhibet suum trubicth minerale, quod ex mercurio precipitato præparatur; quem mercurium ex-  
hibere



hibere audet Guilhelmus Magistrius, eoque medicamento pestilens venenum per alvum & vomitum optime expelli ait: quod tamen Antonius Valetius (*in schol. ad Hollerii lib. de peste*) dicit nefas esse imitari. Nos verò experientiâ plus satis edocti, existimamus nefas esse ulum violentum catarcticum, qualecunque fuerit, peste correptis exhibere; imò ipsa quoque lenientia non, nisi maxima aliqua necessitate urgente, exhibenda esse, idque summa cum prudentia: nam in hac peste fere omnes perisse vidimus, quibus ante diem septimum alvus, vel sponte, vel arte commota fuit. Quantum ad prædictorum virorum auctoritates, dicimus illa fortia purgantia in febribus malignis, petechialibus, aliisque morbis pestilentialibus (qui à prædictis viris fortè sub nomine Pestis describuntur) interdum fortassis prodesse posse, minimè autem in vera peste; & si forte aliquibus robustissimis naturis non infelicer cessarit catarcticorum operatio, tamen inde, tanquam ab experientia, concludi non posse, catarctica (vel etiam venæsectiones) ad curationem pestis semper maximè conducere & necessaria esse; qualem regulam generalem, à paucissimis ægris sibi quondam Nardeni visis, Medicis Practicis libenter iacularet clarissimus Regius.

IV. Alvi adstrictionem non modo non nocere, sed primis diebus prodesse, sæpius observavimus. Ratio erat, quia hoc pacto unitæ nec aliorum distractæ Naturæ vires, validiores erant, & in pestilens venenum alacrius insurgabant. Huic nostræ experientiæ etiam faver Julius Palmarius, qui, *lib. de febr. pest. cap. 23*, sic ait: *Quamdiu xenodochio curandis ægrotantibus presui, eos quibus per initia alvus adstricta esset, etiamsi nullo alio remedio uterentur, præterquam Mithridatio, magna ex parte convalescere deprehendi: contra verò, quibus*

*sponte vel arte profluere, omnes fere occubuisse.*

V. Droetus, *de pest. cap. 11*. Quercetanus, *in alexic. lib. 2. cap. 7*. Matthioli, *in comment. ad cap. 59, lib. 5. Dioscoridis*, & cum illis multi alii Chymici ac Empirici, stibium præparatum in pestis curatione summis laudibus extollunt, atque illud, si in morbi principio, viribus adhuc constantibus, exhibeatur, mirabili & occulta quadam proprietate venenatam perniciem una cum noxiis humoribus sursum deorsumque expellere, dicunt. Ex hoc etiam Angelus Sala, *lib. de peste*, tale oxyfacccharum vomitivum componit, quod singulari proprietate pesti resistere scribit:

*2i. Vitri antimonii hyacinthini subtilissimè pulverisati, unc. j.  
cinnamomi electi,  
zedoarie,  
ligni aloës,  
saninis angelica, ana drach. ij.  
croci orient. drach. s.  
aceti rosæci unc. XVIII.*

*Omnia mittantur in vitrum subure bene clausum, & digerantur in B. M. horis 24. postea liquor frige factus filtratur per chartam emporeticam: deinde cum aqua rosarum tantum sacchari solvantur quantum est pondus liquoris prædicti, quod coquatur ad consistentiam tabellati, & ita calidum cum prædicto liquore potenter miscetur, & servetur usui. Dosis drach. ij. ad unc. j.*

Verum cum ipsum stibium venenata qualitate præditum sit, cum in hoc morbo motu naturæ contrario moveat, cum vires ægrorum maximè deiciat, cum pestilentem labem cordi spiritibusque impressam exagitet, & non educat, cum innumeris Medicorum observationibus constet ejusdem usu plurimos peste laborantes occisos fuisse, ac paucissimos evasisse; quis, quæso, stibium ad curationem pestis sano consilio, salvaque conscientia adhiberi posse judicabit?

C A P. V. *De Antidotis & Sudoriferis.*

**C**um pestilens venenum primario vitæ hujus asylum, cor, impugnare soleat, in pestis curatione ante omnia regii visceris rationem habere, eique citissime suppetias ferre oportet, ut hostis truculentissimi injuriis fortius resistere queat. Huic primariæ intentioni seu indicationi ut satisfiat, statim ab ipso principio ad antidota (1.) & sudorifera confugiendum est: nam præsentissimum subsidium, quod cordi in his angustiis constituto adferri potest, inest medicamentis alexicacis, præcipuè talibus quæ sudores movent: hæc enim specifica vi cor à venenis tuentur, ac simul etiam pestilentis labis vires infringunt, obtundunt, atque foras expellunt. Sunt autem hæc alexipharmaca multa & varia, è quibus modo hæc, modo illa magis conveniunt, & variis quoque modis miscentur, pro vario malignitatis & auctæ putredinis gradu, (2.) pro varia febris adjunctæ intensione vel remissione, pro vario ægrotantium temperamento, sexu, & ætate, pro regionum & anni temporis varietate, aliisque circumstantiis; quarum decisio ex Medici judicio atque prudentia omnino dependet, neque certis regulis determinari potest. Horum alexipharmacorum plurima nobis in ulu fuerunt in curatione hujus pestis, imprimis verò hæc (3.) sequentia. Radices: carlinæ, petasitidis, aristolochiæ, helenii, dictamni, valerianæ, ostrutii, bistortæ, zeduriæ, gentianæ, angelicæ, eryngii, vincetoxici, calami aromatici, tormentillæ, bulbi caparum. Herbæ: scordium, rutha, carduus benedictus, veronica, tanacetum, pimpinella, scorzonera, absinthium, plantago, abrotanum, rosmarinum, melissa, scabiosa, morsus diaboli, verberna, marubium album, centaurium minus, acetosa, borago, buglossa, betonica, artemisia, hederæ terrestres. Flores: stœchados, rosarum, balaustiorum, croci, (4.) nymphææ, calendulæ, sambuci. Fructus: berberis, ribesii rubri, poma cydonia, citrea, aurantia, granata, eorumque cortices & succi. Semina: citri, cardui benedicti, acetosæ, coriandri, quatuor frigida majora: Omphacium, vinum, spiritus vini, acetum vini simplex, vel sambucinum, calendulatum, aut rosaceum. Aquæ distillatæ: cardui benedicti, acetosæ, scabiosæ, boraginis, rosarum, cinnamomi. Nux moscata, macis, gariophylli, cinnamomum, santala omnia, lignum sassafras. Myrrha, camphora, (5.) succinum, margaritæ, lapis bezoar (6.) corallum rubrum, cornu cervi crudum & præparatum, (7.) ebur usum, oculi cancri, flores sulphuris, (8.) terra sigillata, bolus armena, (9.) Salia; cardui benedicti (10.) absinthii, scordii, ruthæ, prunellæ. Extracta; cardui benedicti, petasitidis, ruthæ, angelicæ. Syrupi; granatorum acido-

acidorum, cydoniorum, scordii, de succo citri, conservationis radicum helenii condit. Olea : succini, citri, juniperi, nucis moscatæ, cinnamomi, vitrioli, (11.) sulphuris, baccarum lauri, scorpionum. Conservæ : anthos, melissæ, absinthii, rosarum, florum calendulæ, boraginis. Conditæ : cortices citri, limonum, aurantium, rad. helenii, eryngii, calami aromatici, cydonia condita, myva cydoniorum, rob ribesii rubri, berberis, acaciæ, saccharum perlatum. Pulveres : liberantis (12.) Bezoarticus Renodei, aromatici rosati, diamargariti frigidi, diatrium fantalorum, diarrhodonis Abbatis. Trochisci : de viperis, (13.) de camphora, de terra sigillata. Electuarium juniperinum, confectio alckermes, & de hyacintho (14.) sine moscho, (15.) Theriaca Andromachi (16.) Mithridatium Damocratis, diascordium Fracastorii. (17.) His aliisque similibus, interdum solis, sed ut plurimum hac illave forma mistis, utebatur. In principio hujus pestilentis constitutionis hanc aquam theriacalem seu sudoriferam, nobis instar magni secreti communicatam, in usû habuimus :

℞. *Ruthæ viridis, melissæ, ana lib. ℥. absinthii sicci conficissi ac nonnihil contusi, cardui benedicti sicci, ana lib. ij. aquæ communis q. s.*

*Macerentur & stent in infusione prope ignem per decem vel duodecim dies, quotidie baculo ligneo bis terve agitando : postea distillentur. Ex sacibus autem combustis, una cum menstruo residuo prius exsiccatis, extrahantur sal : cujus salis defectu potest simile sal compositum fieri, ex sale absinthii, melissæ, cardui, ruthæ, ana pari. æq. simul mistis.*

Usus illius aquæ talis erat :

℞. *Aquæ prædictæ unc. ij.  
salis dicti drach. ℥.  
dei vitrioli gr. 12. aut 15.  
misce, fiat haustus.*

Haud contemnendas quidem hujus aquæ virtutes in principio comperti sumus, sed interim morbo magis magisque ingravescente, cum illa nimis debilis nobis videretur, aliam fortiozem ad nostros usus parari curavimus, qua deinde semper cum felicissimo & admirabili successu usi sumus : compositionis (18.) hæc erat forma :

℞. *Radicum ; ostruthii, petasitidis, angelicæ, carline, valerianæ, ana unc. ij. ℥. enulæ campanæ, corticum aurantium siccat. ana unc. iiij.  
Herbarum ; scordii, absinthii, ana unc. ij.  
cardui benedicti, unc. iiij.*

Bb 3

Florum ;

*Florum; rosarium rubrarum unc. f.*

*stoechados, drach. iij.*

*baccarum juniperi, unc. ij. f.*

*granorum cardamomi minoris, drach. v.*

*cinnamomi electi, unc. j.*

*Hæc omnia sumantur sicca, confcindantur simul, & grosso modo contundantur, usque affundantur in camiharo lapideo,*

*Vini albi Rhenani, vel Gallici tenuis lib. xxij.*

*aquæ rosarum lib. ij.*

*Vase bene obturato, stent in infusione decem diebus: tunc addantur hæc herba virides & recentes, confisse & aliquantum conquassatæ:*

*Foliorum ruthe, M. vj. tanacetis M. iiij.*

*rosmarini, pimpinellæ, ana M. j. f.*

*Maneant simul in infusione adhuc per octo vel decem dies, quotidie baculo commovendo, postea affunde*

*succi citri lib. ij.*

*Stent adhuc per tres quatuorve dies, postea super ignem leviter ebulliant, & coquantur, ac in torculari fortissime exprimantur. Colatura expressa distilleat in B. M. aut arena, per alembicum vitreum.*

*Illud quod post distillationem in fundo cucurbitæ remanet, adjecta aqua cardui benedicti attenuandum, & per chartam emporeticam raram colandum est, quæ colatura lenio igne exsiccanda est ad extracti (19.) consistentiam, quod usui servandum. Hoc extractum Magistrale vocavimus. Ex facibus & herbis combustis interdum quoque sal extracti curavimus.*

*Hac nostra aqua theriacali interdum solâ, sed ut plurimum aliis medicamentis admistâ utebamur. In usu quoque habuimus acetum bezoarticum (20.) nostrum, lib. 2. cap. 10. descriptum. Ex his autem, pro necessitatis diversitate, variis formis medicamenta concinnavimus. Ut autem quibus circiter modis antidotalia sudorifera à nobis præscripta fuerint, sciri possit, hæc aliquot formulas subjiciemus:*

*℞. Extracti magistralis, salis absinthii, ana scrup. j.*

*diascordii Fracastorei drach. j.*

*aquæ nostræ theriacalis unc. ij.*

*olei vitrioli gut. x. aut xiiij.*

*misce, fiat haustus.*

*℞. Salis ruthe, scrup. j. f. extracti angelicæ scrup. j.*

*aquæ theriacalis unc. ij. succi citri unc. f.*

*misce, fiat haustus.*

*℞. Extracti cardui ben. ruthe,*

*salis*

*salis cardui, ana scrup. f. salis scordii scrup. j.*  
*theriacæ Androm. diaſcordii Fracaſt. ana scrup. j. f.*  
*aque theriacalis, aceti bezoartici, ana unc. j.*  
*miſce, fiat hauſtus.*

xx. *Theriace Androm. scrup. iiij.*  
*aque theriacalis unc. j. f. aceti bezoartici, unc. j.*  
*miſce, fiat hauſtus.*

xxi. *Terræ ſigillatæ scrup. ij.*  
*trochiſcorum de viperis scrup. j. f.*  
*aceti bezoartici, aque theriacalis, ana unc. j.*  
*miſceantur pro hauſtu.*

xxii. *Boli Armenæ veræ, coralli rubri præparati,*  
*cornu cervi uſti, ana scrup. j.*  
*diaſcordii Fracaſt. drach. j. aque theriacalis unc. ij.*  
*miſce, pro hauſtu.*

xxiii. *Salis cardui ben. scrup. j. f. aque theriacalis unc. ij.*  
*ſucci citri unc. f.*  
*miſce, fiat hauſtus.*

xxiv. *Theriace, mulſtridati, ana scrup. ij.*  
*ſalis ſcordii, scrup. j. aque theriacalis unc. j. f.*  
*aceti bezoartici unc. f.*  
*fiat hauſtus.*

xxv. *Oculorum cancri præparatorum scrup. ij.*  
*ſalis abſinthii scrup. j. theriacæ,*  
*diaſcordii, ana scrup. ij. aque theriacalis,*  
*aceti calendulati, fortis, ana unc. j.*  
*miſce, fiat hauſtus.*

xxvi. *Ruthæ viridis recentis, M. j.*  
*comundatur in mortario, affundenda*  
*aceti bezoartici, vel calendulati unc. ij.*  
*fiat fortis expreſſio, colaturæ addantur*  
*ſalis abſinthii scrup. j. vel scrup. j. f.*  
*theriacæ, aut diaſcordii drach. j. vel scrup. iiij.*  
*miſceantur pro hauſtu.*

xxvii. *Rad. petagiſtidis, angelicæ, helenii, ana drach. j.*  
*herb. ruthæ, cardui bened. ſcordii, ana M. f.*  
*vini albi q. ſ. coquantur ſ. art.*

xxviii. *Iſſius*

R. Istius colaturæ unc. ij. vel iij.  
salis scordii, vel cardui scrup. j.  
theriacæ scrup. ij.  
fiat haustus.

R. Rad. dictamni, petasitidis, ostrinii,  
angelicæ, ana drach. ij. herbar. scordii,  
cardui ben. ruthe, ana M. f.  
coquantur aliquandiu in aceti & vini, part. æq.  
colatura expressa detur pro haustu.

R. Salis communis drach. j.  
aceti (21.) vini fortis unc. ij. vel iij.  
fiat haustus, pro pauperibus.

R. Cæpam aliquantum excavatam, cui impone theriacæ Androm. scrup. iij.  
& cooperculo suo testam, ac charta bibula aceto madida involutam, sub  
cinciribus calidis affato. Postea succus in prælo fortiter exprimat, cui ad-  
de aceti simplicis, vel bezoartici unc. j.  
detur pro haustu.

R. Theriacæ drach. j. aceti vini fortis, vel bezoartici unc. ij.  
olei juniperi scrup. f. vel scrup. j.  
misce, fiat haustus.

Illis qui potiones assumere non poterant, bolos vel pulveres dedimus :

R. Theriacæ, diascordii, ana scrup. j. f.  
salis scordii scrup. f.  
olei vitrioli gutt. v.  
misce, fiat bolus. Cui interdum addebantur aliquot grana lapidis bezoar-  
tici orientalis, interdum scrup. j. confectionis de hyacintho sine moscho :  
interdum aliud quid simile.

R. Pulveris liberantis scrup. j. vel scrup. j. f.  
lapidis bezoartici or. scrup. f. camphoræ, gr. ij. vel iij.  
fiat pulvis.

R. Florum sulphuris, terræ sigillatæ, coralli rubri præparati, pulveris liberantis,  
lapidis bezoartici or. ana scrup. f. croci gr. iij. fiat pulvis.

Apozemata quæ ad curationem præscribebamus, hujus fere formæ erant :

R. Rad. petasitidis, eryngii, vincetoxici, belenii, carline, corticum auran-  
tiorum sicc. ana. unc. f. rad. tormemille, angelicæ, ana drach. ij. herb.  
cardui ben. scordii, ana M. j. f. boraginis, ruthe, scabiosa, ana M. f.  
pomme

*potium citri in frusta dissectum n. j. sem. 4. frigid. major. ana drach. j. f. ciccerum rubr. unc. j. Aquæ commun. q. f. coquantur f. art. ad lib. ij. Addantur colaturæ, syrupi limonum, de scordio, ana unc. j. f. misce, fiat apozema.*

*Dosis unc. ij. unc. iij. unc. iiij. bis, ter, quaterve de die.*

Condita & electuaria quoque variis formis paravimus :

R. *Pulveris liberantis, drach. j. f. margarinarum præparat. oculorum cancri, lapidis bezoar orient. ana scrup. j. confect. de hyacintho scrup. ij. f. conservæ rosarum rubr. boraginis, calendule, ana unc. f. olei cort. citri, gut. vij. syrupi limonum q. f. misce, fiat electuarium.*

R. *Pulveris bezoartici Renodei drach. j. diafœcordii Fracast. drach. ij. rad. helenii condit. electuarii juniperini, ana unc. f. olei juniperi scrup. j. syrupi de scordio q. f. misce, fiat electuarium.*

R. *Theriace Androm. drach. ij. diafœcordii Fracastorii, cortic. aurantiorum cond. rad. helenii condit. ana drach. iij. olei juniperini drach. f. syrupi acetosissimi citri q. f. fiat conditum.*

R. *Mithridatii Damoc. diafœcordii Fracast. ana. drach. ij. electuarii de nucibus, juniperini, ana drach. iij. pulveris bezoartici, drach. j. syrupi helenii q. f. fiat electuarium.*

Hic (22.) fuit præscriptionum nostrarum stylus, ex quo de reliquis facile judicabit peritus Medicus; nam singulatim omnia describere, & impossibile, & nimis longum foret. Qui majorem copiam medicamentorum antipestilentialium scire desiderat, pluribusque uti mavult, is alios quoque consulat Medicos, qui hoc ex professo agunt, ut si non optima, saltem multa hujusmodi remedia præscribant.

## ANNOTATIONES.

**L** Primarius scopus, in curatione pestis, à veneno desumi debet, quod ab ipso initio totam curationem ad se trahit. Huic scopo seu indicationi imprimis satisficit per antidota sudorifera, quibus venenum pestilens ab ipso morbi principio impugnandum, refre-

nandum, infringendum, & foras expellendum est. Venzæctiones autem, purgationes, aliaque hujusmodi præsidia postponenda sunt, quia putredini, obstructioni, humorumque vitiis potius medentur, quam pesti, quæ non nisi in deleteria qualitate consistit.

ita ut talibus remediis locus esse non possit, nisi post evictum venenum.

II. In medicamentis semper est habenda ratio morbi, sexus, ætatis, virium, regionis, & temporum. *Morbi*: ut alexipharmacis certioribus & potentioribus citissimum subsidium cordi feratur: nempe calidioribus in subjectis pituitosis, frigidioribus verd in biliosis, & iis quibus febris atrox morbo conjuncta est: vel saltem frigidioribus cum calidis mistis. *Sexus*: ut non eadem dentur mulieri quæ viro, imprimis quæ moschum, ambram, vel zibethum dolent. *Ætatis*: ut infantibus & pueris debiliora, minusque calida & ingrata, quam adultis exhibeantur. *Virium*: ut nimis sudoribus ægrorum vires non totaliter prosternantur; atque ægris debilibus talia alexipharmacata dentur, quæ simul vires corroborare possunt. *Regionis*: ut longè calidiora & fortiora antidota & sudorifera præscribantur in frigidis, quam in calidis regionibus, & sic de cæteris. *Temporum*: ut in fervore æstatis & quocunque tempore æstuoso, minus calida; hyeme verd ac frigidis tempestatibus, minus frigida offerantur.

III. Maximè insignes ad pestilentis veneni expulsionem & extinctionem sunt omnes radices, herbæ, fructus, semina, aliaque tam simplicia, quam composita medicamenta in textu à nobis descripta, quorum alia tamen sunt fortiora, alia debiliora, nonnulla his, alia aliis convenientiora; quas differentias peritus Medicus ratione facile percipiet, & levissimo usu addiscet. Horum autem omnium eximias virtutes singularim referre, non est nostri instituti, pauca tantum scitu necessaria leviter attingemus, ne fortè liber noster, quem brevem volumus, in magnum volumen excrescat. Qui curiosius reliqua scire desiderat, ille legat

Dioscoridem, Galenum, Matthiolum, Tragum, Alphonsum, Marescortum, Tarquinium Ocyorum, Snellenbergum; Castorem Durandum, Dodonæum, Lobelium, aliosque Rei Herbariæ Scriptores; ut & nonnullos Medicos, qui de Peste latius scribere volentes, in multitudine verborum gloriam quæriverunt, inter quos Matthias Vntzerus, magno labore, omnium herbarum, radicum, aliorumque simplicium & compositorum medicamentorum antipestilentium vires à variis auctoribus descriptas, collegit, *antidotar. pestil. lib. 2.*

IV. Nos in hac peste croco rarius usi sumus, neque magnopere laudabilem effectum adversus contagiosam hanc malignitatem in eo animadvertere potuimus. Adde, quod ejus vires vix satis tute in peste experiri liceat, cum in hoc morbo exigua duntaxat quantitate exhiberi debeat, propterea quod cerebrum petit; & si majore quantitate detur, vel nimia somnolentia, vel deliria inducantur, quæ utraque extimescenda sunt in peste.

V. Io. Crato, *lib. de pest. & Epist. Med. à Scholio collect.* 103. & 234. nec non Goclenius, in *Iconographia*, & Martinus Panla, 3. *Consil. antipest. quest. 21.* camphoram in curatione pestis super omnia remedia extollunt: cujus encomium describit Mindererus, *lib. de pest. cap. 15.* his verbis: *Nostri laudibus insigniter meriti celebranda venit camphora, non mirabile modo, sed & forte, & efficax pestis alexiterium: siquidem hæc assumpta, interno nostro calore mox ignita, & in corporis quasi medicinullo flagrans, coinquinatos spiritus, eosque toto miasmate pollutos ac inspiratos, & circum præcordia habentes, excutit, & siccò planè ignoque calore perardens, partim dissipat ac expellit, partim combustione absumit, partim verd corrigi & emendat: proinde camphoram in-*  
108



ter fortissima pestis alexiteria merito reposuerim. Idem Mindererus sequentem pulverem camphoratum (quem etiam Praxeos tract. 2. describit Platerus) summis laudibus extollit:

*Rx. Sacchari candi, drach. iij.*

*zingiberis albi, drach. ij.*

*camphora, drach. j.*

*fiat pulvis. Dosis drach. j. cum liquore conveniente.*

Hunc maximè commendat in morbis pestilentibus, si modò magni capitis & ventriculi dolores non adsint, eumque plus prodesse asserit, quam pretiosissima quævis medicamenta bezoartica. Eundem pulverem etiam extollit Folinus, in amuleto, lib. 2. cap. 9.

Mindereri pulverem, propter zingiberis caliditatem, sequenti modo immutat Riverius, eoque se feliciter usum fuisse refert:

*Rx. Bezoartici mineralis, drach. iij.*

*salis prunella, drach. ij.*

*camphora drach. j.*

*fiat pulvis.*

*Dosis drach. j. cum aqua cardui, aliave conveniente.*

Crato legitur usum fuisse electuario camphorato, quod tanquam valde præclarum commendarunt posterius. Descriptio hæc est:

*Rx. Scordii, drach. iij.*

*tormentilla,*

*distamni albi,*

*zedoaria,*

*gensiana,*

*angelica,*

*caryophyllata, ana drach. j.*

*croci,*

*camphora, ana scrup. ij.*

*subtilissimè pulverisæta conspergantur aqua cardui benedicti, in qua dissoluta fuerint theriaca drach. ij. & cum syrupo de succo cardui, fiat electuarium.*

Idem hunc pulverem, à pluribus laudatum, componit:

*Rx. Rad. tormentilla, drach. iij.*

*distamni albi, drach. ij.*

*ossis de corde cervi,*

*fantali rubri, ana drach. j.*

*camphora, scrup. ij.*

*misce, fiat pulvis. Dosis drach. j. cum liquore conveniente.*

Gemma etiam conficit electuarium camphoratum, quod experientia patris, ac sua ipsius se efficacissimum vidisse asserit:

*Rx. Camphora, part. j.*

*zingiberis albi, part. ij.*

*sacchari rosæ, part. iij.*

*vini q. s. permisceantur sedulo, & fiat electuarium.*

*Dosis drach. j. & coopertus*

*ager componatur ad sudorem.*

Paulo generosius est quod sequitur:

*Rx. Camphora,*

*distamni Cretensis,*

*scordii,*

*rad. angelica,*

*zedoaria,*

*cinnamomi,*

*zingiberis, ana drach. j.*

*nucis myristica, drach. ij.*

*boli arm. drach. f.*

*feminis ruthe,*

*macis,*

*croci, ana scrup. j.*

*moschi, gr. vij.*

*sacchari albi,*

*vini odorati, ana q. s.*

*fiat instar opiata.*

Ioannes Poppius camphoram in aceto dissolvit, & hujus cochleare unum exhibet contra æstum à pestilenti veneno excitatum. Io. Hartmannus hanc aquam pestilentialem camphoratam in peste anni 1611, plurimis insigniter profuisse refert.

*Rx. Spiritus vini opt. lib. j.*

*camphora selecta,*

*tempore æstivo drach. vij. & scrup. j.*

*hyberno verd, drach. x. & scrup. ij.*

*miscantur, incisa prius camphorâ, &*

C c 2

statim

*statim solvetur sine igne: appende in nodulo,*

*croci orient. scrup. f.*

*hinc spiritus vini fiet aures coloris. Aqua servetur in vitro capaci, nec plano, sed quinta vel sexta parte vacuo.*

Matthias Vntzerus hunc spiritum theriacalem camphoratum conficit:

*R. Theriaca antiqua, unc. v.*

*myrris rubra, unc. ij. f.*

*croci orient. unc. f.*

*spiritus vini opt. unc. x.*

*Inditis omnibus cucurbita vitrea, impositoque alembico cæco, in cuius rostro prius sint posita camphora drach. ij. stent in infusione per octiduum in loco calido, deinde fiat in B. M. distillatio, igne lentissimo, & sic habebis spiritum theriacalem subtilissimum.*

Hunc spiritum dicit solum drach. j. f. vel drach. ij. pondere, cum cochleari aquæ cardui benedicti exhibitum, sudorem ad miraculum prolicere, idque se anno 1610, in peste Hallensi, non uno experimento compertum habere. Præterea maximopere commendat Vntzerus sequentem misturam, eamque scribit superare, & longo stadio post se relinquere omnes alias aquas theriacales seu pestilenciales, cæteraquæ quævis antidota, quocunque etiam nomine appellanda veniant, utpote in qua credit latere omnia requisita ad perfectam absolutamquæ morborum pestilentium curationem propriè spectantia.

*R. Prædicti spiritus theriacalis camphoratus, drach. v.*

*spiritus tartari optimè rectificatus super colcothar vitrioli, drach. iij.*

*spiritus vitrioli opt. drach. j. f.*

*Confusa invicem misceantur. Dosis in adultioribus, drach. j. ad scrup. iij. cum aqua scordii vel cardui: in junioribus drach. f. ad scrup. ij. plus minusve pro ætatis ratione.*

Vl. Lapidem bezoarticum adver-

sus pestem plurimum valere, prædicant, Rhazes, Serapio, Matthiolus, Leonardus Rauwolfius, Martinus Rulandus, Lonicerus, Nicolaus Monardes, Iordanus, Sanctius Ardonius, alique plurimi, qui magnum illius encomium tanta gravitate describunt, ut illum theriacæ, omnibusque aliis antidotis præferre videantur. Contra verò plurimi alii doctissimi viri ab experientia edocti scribunt, hunc lapidem ad pestis curationem, aut parum; aut nihil conferre. Quorum omnium discrepantes opiniones collegit Casparus Bauhinus, lib. de lap. bezoar. cap. 34. & 37. Nos arbitramur priores in eo deceptos esse, quod, cum viderent verum lapidem bezoarticum adversus multa venena prodesse, inde concluserint, illum necessario non minorem alexipharmacam vim adversus omnia venena, nec non adversus pestilens venenum, habere. Quam conclusionem magnopere vacillare docet experientia: nam adversus arsenicum, mercurium sublimatum & præcipitatum, hunc lapidem nihil conducere, experti sumus: venenum rabidum in iis, qui à eane rabido commossi sunt, per hunc lapidem extinctum & superatum fuisse, hætenus inauditum est. Credimus illum fortè prodesse posse adversus venena scorpionum, bufonum, araneorum, viperarum, & multa alia similia: ut & adversus illa venena quæ ex interna humorum corruptione in corporibus nostris generantur; nam aliquoties comperti sumus illum prodesse in febribus malignis & pestilentialibus sine peste, variolis, morbillis, aliisque similibus morbis, quorum venenata malignitas resultat ex interna humorum corruptione. Sed adversus venenum pestilens, quod ærium est, nec intus genitum, sed forinsecus corpus ingreditur, hunc lapidem aut parum, aut nihil

nihil profuisse, in praxi semper observavimus: neque etiam in hac nostra peste ex lapidis bezoartici orientalis, optimi & electissimi, usu, ullum notabile commodum unquam percipere potuimus: utque de ejus viribus certius nobis constaret, aliquoties ægrotis ditionibus dicti lapidis pulverisati semi drachmam, nonnunquam etiam integram drachmam simul exhibuimus, sed absque ullo fructu; movebat aliquo modo exiguum duntaxat sudorem, at nunquam subsequeretur expectatum levamen. Quapropter nos eo postea rarius usi sumus, idque solummodo, aut in iis qui sibi non satisfieri putabant, si aliis medicamentis hic lapis non adjungeretur; aut in iis qui alia medicamenta assumere non poterant. Nam etsi veneni pestilentis virulentiam infringere ac coercere non possit, tamen aliquo modo prodesse comperti sumus, ratione malignæ corruptionis humorum à veneno pestilentis inducitur. Pessimè autem illos sibi consuliisse observavimus, qui in principio morbi, antequam humores multum corrumpere, salutem suam huic soli lapidi concediderunt; nam ipsa experientiâ sæpissimè edocuit dico, illum in tali casu nihil prodesse; & cum jactura temporis in peste, magnum periculum minneret, sæpe factum fuisse vidimus, ut dum ab exhibitio hoc lapide levamen frustra expectaretur, morbum interea radices egisse, nec postea expelli potuisse. Huic nostræ experientiæ etiam responderet Crato, qui, in epistola ad Thomam Jordanum, scribit se in praxi animadvertisse, lapidem bezoarticum in peste parum conferre. Sic quoque Hercules Saxoniæ; *Præx. lib. 8. cap. 3.* de hoc lapide loquitur: Ego, ait, ut ingenue dicam, cum Venetiis praticaver, maximam hujus lapidis copiam consumpsi, nec egregiam operam sensi. Scio plurimos, quibus exhibui,

fuisse sanatos, sed non retuli in lapidem; causa, quia reperio apud Scriptores, quod eo sumpto sudor copiosus excitatur, post quem statim sublevantur ægri: ego tamen non vidi sudorem prorumpentem, vel si apparebat, erat sudor imperfectus. Itaque quantum ad me, abjeci omnem spem hujus lapidis in peste. Idem cum illis innumeri alii quoque testantur. Ita ut tandem concludendum sit, huic lapidi in peste non multum esse confidendum, propter jam dictam experientiam. Cui & illud accedit, quod maxima sit de vero lapide incertitudo, utpote quem mercatores avari, & ipsi quoque Indi tam insigniter adulterare noverunt, ut etiam perspicacissimi Lyncei oculi in ejus cognitione fallantur: cujus adulterationis hoc certum indicium est, quod maximi Indiæ Orientalis mercatores mihi testati sint, quod hic lapis in nostris regionibus multo viliori pretio vendatur, quam in ipsa India, è qua aliqui cum magnis sumptibus huc advehi debent, imò multo majore copia hic venalis exhibeatur, quam ibi inveniatur. Hac de re legi poterunt, Franciscus Vallesius, *lib. 4. Method. cap. 2.* Andreas Baccius, *de gem. cap. 34.* Hildanus, *err. 4. obs. 24.* Iacobus Primrosius, *lib. 4. Error. Med. cap. 36.* Garcias ab Horto, alique auctores.

De unicornu eadem, imò major adhuc incertitudo est, ut apud prædictos auctores etiam invenietur ac propterea nos hujus usum è praxi penitus ejiciendum arbitramur; cum hoc ipsum animal, quod cornu illud in fronte habere tradunt, nulli unquam mortalium visum aut notum fuerit, nec quibus in terris vivat, ulli constet; & tamen passim in Christianismo, unicornu, tanquam pretiosissimum quid, vendatur, ac præcipue apud credulos Magnates, aliosque divites, inter thesauros asservetur. Hac de re etiam legendum censeo

Mercurialem, *tom. 1. consult. 94. & tom. 2. consult. 63.* quibus locis hujus cornu incertitudinem & inefficaciam antidotalem latè describit.

VII. Cornu cervi, præcipuè usto, utebatur, imprimis in talibus ægris, quibus intestinorum dolores & murmura, aliæ indicia alvi fluxum minari videbantur, vel quibus alvi fluxus jam aderat; nam præterquam quod malignitati aliquantulum resistat, etiam siccando & modicè astringendo, in tali casu multum proderat. Sic quoque Galenus, *simpl. med. fac. lib. 11.* cornu cerviustum dysentericis, hæmoptoicis, cœliacis, aliisque similibus convenire scribit. Quantum ad antidotalem ejus vim, illam certum est longè majorem ei adscribi (sive crudo, sive usto) quam in se habet: eam aliqualem quidem in eo lubens concedo, sed non certè tam excellentem, quam ei tribuitur. Haud ignoro multos non parvi nominis Medicos, illius magnum adversus pestem encomium describere; quales sunt Rulandus, *lib. de febr. vng. c. 7. Hist. 1. Crato, lib. de peste.* Mercurialis, *tom. 2. consult. 63.* Hercules Saxonia, *lib. de plica, cap. 59.* Gregorius Horstius, *problem. decad. 1. quest. 4.* Samuel Cloßæus, *epist. ad Horstium*, alique, imprimis illi qui è Chymica schola prodierunt. Verum si quis rem ipsam penitus inspicere velit, & cornu cervi, sive crudi, sive usti, qualitates curiosius inquirere desideret, satis percipiet, fastosum illud cornu cervi encomium nullis solidis rationibus firmari, nulla certa experientia probari posse. Horstius, *citato loco*, scribit, quod insigniter visciditatem humorum incidat, internas viscerum obstructions aperiat, & vi sua penetrandi putrescentibus humoribus resistat, earumque malignitatem corrigat, &c. Verum hæc omnia præter rationem, præter experientiam proponit.

Vel cæcus enim videat cornu cervi crudum visciditate sua, ustum verò siccitate sua humores incrassare, eorumque fluxum inhibere, & obstructions potius inducere, quam tollere: docet illud gustus, docet tactus, docet visus, omnis denique ratio illud docet, & experientia comprobat, in fluxibus dysentericis, menstruorum, &c. Si doctus vir tam malè disserat de ejus qualitatibus manifestis, quam difficulter probabit ejus occultam antidotalem qualitatem? Hanc tamen qualitatem à sale volatili & fixo (quod ei multum inesse tradunt) procedere, communiter volunt. Verum ego hætenus nullum reperi Chymicum, qui mihi hujus cornu sal volatile demonstrare potuerit, ac ne quidem fixum, nisi fortè cornu cervi usto ad perfectiorem dissolutionem addiderint, vel acetum, vel succum citri, vel vinum citri aliaque similia, quæ in se ipsis multum salis continent, quod post excoctionem relictum credulos illos decipit, qui illud sal à cornu cervi relinquere putant, cum sit à menstruo in quo illud dissolverunt. Nam si cornu illud copiosa quantitate in aqua simplici distillata dissolverint, nihil salis inde extrahent, vel fortè adeo parum & insulsum, ut pene visum subterfugiat, & potius pollen ipsius cornu usti, quam sal esse videatur. Verum ut de viribus salis constet, examinemus, quæso, breviter Chymicas præparaciones hujus cornu. Sennertus, *institura lib. 5. pars. 3. sect. 3. cap. 15.* magisterium cornu cervi conficit, dissolvendo cornu cervi crudum in spiritu nitri, quam post colationem, evaporatione separat. Alii illud cum oleo tartari, alii cum aqua regia conficiunt. Quis non videt, si quid virium huic magisterio adsit, illud non tam à cornu cervi, quam à sale fixo ipsius menstrui esse? Spiritum cornu cervi parant, cornu cervi

cervi distillando cum dimidia parte vitrioli Ungarici : quis non statim animadvertat , hunc esse spiritum vitrioli , & non cornu cervi ? Idem sentiendum de ejus extracto , quod cum aqua vitriolata conficitur , ut & de essentia cornu cervi , quam cum spiritu salis conficiunt ; nec non de cornu cervi vitriolato , cum spiritu vitrioli cornu cervi usto paulatim affunditur , usque dum inde trochisci confici queant ; aliisque similibus chymicis preparationibus , in quibus omnibus talia huic cornu adduntur , quæ sua falsedine & aciditate putredini resistunt , obstructions aperiant , & sudores movent ; quorum salibus illam vim adscribendam puto , cum in ipso cornu solo illam nunquam percipere potuerim ; ac proinde huic cornu tantam tamque excellentem antidotalem vim in peste , ut alii fecere , non adscripserim , sed illud in fluxibus , tanquam manifesta qualitate conveniens , adhibuerim , ut modo dictum . Gregorius Horstius sequentem aquam ex cornubus cervorum , tanquam pretiosissimam , & usu sibi compertam , commendat : cujus tamen compositionem si accuratius examinemus , nullam ab ipso cornu cervi , sed totam vim ab iis quæ cum eo distillantur , huic aquæ tribui compariemus :

*Re. Cornuum cervi recenter limas. lib. ij.  
rosarum rubr. lib. f.  
Florum buglossæ, boraginis,  
rosmarini, tilia,  
herb. majorana,  
matriyslua, ana unc. iiij.  
galange, unc. f.  
nucis moscata, miacis,  
garyophyllorum, ana drach. ij.  
croci drach. f.  
camphora serup. j.  
incisi & contusi adda*

*aqua rosarum,  
boraginis,  
buglossæ,  
flor. tilia,  
melissa hortensis & sylvestris,  
matriyslua,  
betonica, ana lib. j.  
vini Malvatici, lib. ij.  
per dies aliquot digerantur, postea distillentur in B. M. distillato admisceatur aliquid margaritarum preparatarum, coralli rubri preparati, unicornu raspati, ossis de cordo cervi, ligni aloës, moschi, ambræ, visci quercini, auri, & argenti soliani, ana q. v.*

*Dosis cochleare j. vel ij.*

Hæc aliaque similia antidotalem cornu cervi vim non confirmant. Quam cum experientia etiam non edoceat , pessimè sibi consulere nobis videntur , qui in magno morbo , qualis est pestis , tali medicamento nimium confidunt ; cujus antidotalem virtutem nec Dioscorides descripsit , nec Galenus (curiosissimus facultatum medicamentorum percrutator) observavit , nec alii Veteres agnoverunt , sed quod , nulla duntaxat comite ratione vel experientia , laudatur ab iis , qui cuilibet transeunti facile autem præbent , atque hinc etiam facile decipiuntur .

VIII. Sulphur ad veneni pestilentis extinctionem plurimum facere , diximus lib. 2. cap. 5. annot. 12. Ac proinde ejus flores maximè commendant , Severinus , in Idea cap. 15. Balduinus Ronfæus , Epist. Med. 28. & Ioannes Rhenanus ; in Antid. pest. Crollius autem , in basil. Chym. his verbis utitur : Flores sulphuris summum sunt curativum & præservativum in peste , resistunt enim impressioni , & præservant à putredine : cum extracto emula campana ad miraculum operantur tempore infestissimi . Idem auctor ex floribus sulphuris conficit suum elixir pestilentielle , à plurimis Medicis

Medicis miro encomio celebratum, cuius hæc est compositio :

℞. *Florum sulphuris spagyricè preparatorum, unc. iij. affunde olei juniperini de baccis, in balneo rectificati, ad eminentiam trium vel quatuor digitorum. Olei succini, in balneo ter rectificati, quantam partem ad oleum juniperi, fient simul in igne cinerum vel arena, sæpius movendo, ut flores sine adustione solvantur & liqueant. Postea,*

℞. *Theriaca Veneta lib. j. de qua cum spiritu vini optimo tincturam extrahes, quam à spiritu vini separatam seorsim servato. Extrahæ eodem spiritu radicum helonii, angelica, baccarum juniperi contusarum, ana unc. iij. & tincturam à spiritu vini in balneo separatam, misce cum tinctura theriaca, & affunde oleum juniperi ac succini, floribus sulphuris effensificatum, ac per chartam bibulam prius filtratum, omniaque circula lentissimo cinerum calore per dies quatuordecim. Dosis ad præservationem una vel dua gutta in vino vel aceto, quotidie mane : vel singulis septimanis semel octo aut decem gutta, jeiuno ventriculo, expectando sudorem : peste vero correptus statim ab initio assumat à scrup. j. ad scrup. ij. in vino, aceto rutaceo, aliove conveniente liquore, & sudet.*

Hoc elixir, dicit Crolius, esse secretum, quod in peste & morbis epidemicis, ex Dei benignitate, ad miraculum operari solet. Sic etiam Matthias Vntzerus scribit se in magna peste ab experientia comperisse, hoc elixir esse singularissimum & miraculosum adversus hunc morbum. Sennertus lib. 4. de peste, cap. 5. describit flores sulphuris compositos adversus pestem efficacissimos. Paracellus, de pestil. tract. 1. dicit sulphur & sal curationem pestis perficere, nec aliis medicamentis opus esse. Ioannes ab Helmont, in

*Tumulo Pestis*, scribit Hippocratem olim ad curationem pestis vinum dedisse ægris, quod sequenti modo sulphurabat : Poculum, inquit, stricti collis lychnio ardentis sulphuris sufficiebat, vinum ad tertiam partem affundebat, ac poculum arde occusum agitabat, dudum conqussando sursum ac deorsum, donec vinum omnem spiritum sulphuris in se combibisset.

IX. Bolus Armena ut singulare antidotum describitur à Galeno, lib. 9. de simpl. med. facult. cap. de Terra Samia. In magna hac peste, inquit, ejus eadem facies fuit atque ejus que Thucydidis memoria grassabatur, quotquot hoc medicamen bibere, celeriter curati sunt. At quibus non profuit, omnes interiere, scilicet cum nec alio quovis medicamento juvantur. Unde colligitur, quod iis duntaxat non fuerit auxilio, qui plane erant incurabiles. Ceterum bibitur ex vino albo consistentia tenui, modicè diluto, si aut plane febre careat ager, aut leviter exacerbetur : sin gravius febrat, admodum aqueo. Sic etiam Fernellius, lib. 2. abdit. cap. 12. dicit, bolum Armenam, ut & terram Lemniam, non exsiccamo, sed totius substantiæ proprietate in venenum pestilens vires habere ; quin etiam bolum hac in re peculiari quasi privilegio donatum esse. Galenum magno assensu sequuntur omnes Medici, propterea quod hanc rem videant ab experientia passim confirmari.

X. Nos promiscuè usi fuimus salibus, cardui benedicti, scordii, absinthii, & ruthæ, nec viribus multum à se invicem differre comperti sumus ; quamvis alii hunc, alii illum salem magis laudent. Ita salem ruthæ maximi facit Iulius Palmarius : salem artemisiz Paræus, Conradus, & Swenckfeldius : salem fraxini, Dröetus, Goclenius, Michaël Neander, & Lubbertus Estius. Omnes autem Medici unanimiter extollunt salem cardui benedicti. Salis absinthii mirum encomium

minum scribunt, Daniel Mylius, Codronchius, Io. Matthæus, Io. Wittichius, & Petrus Sibyllenus. Dröer, *de pest. c. 12.* salem absinthii & scabiosæ in curatione primas partes tenere, scribit, ut qui non solum minima quantitate exhibitus, copiosissimum sudorem concitet, verum etiam huic malignitati potentissimè resistat. Refert idem, Hieronymum Flandrum, Chirurgum, ægris pestiferis solere dare decem vel duodecim grana salis fraxini, cum aqua cardui benedicti vel scabiosæ, atque ita copiosissimo sudore provocato plurimos curasse. Cum muria carnis porcine cocta & despumata multos curatos fuisse, refert Hildanus, *Cent. 2. observat. 34.* Parvus extollit muriam encrasicholorum (quos nostrates *anchiæves* appellant) quam probatissimam, & putredini domandæ ac corrigendæ accommodatissimam esse, prædicat.

XI. Inveniuntur nonnulli, inter quos primarius est Ioannes Sylvaticus, *lib. Controvers. Med. 48.* qui oleum (proprie aqua est) vitrioli in curatione pestis, tanquam summè damnosum, omnino rejiciendum esse existimant. 1. Quia gustum acriter afficit, & acerrimum est, quod adurentem facultatem indicat. 2. Quia Dioscorides & Galenus, vitriolum, erodentem & septicam facultatem habere, vomitum movere, ac molestum medicamentum esse, scribunt. Verum sciendum, dictos viros loqui de ipso vitriolo, non verò de illo oleo, ipsis ne nomine quidem cognito, quod differt à vitriolo ut candidum à nigro; nam refrigerat, malignitati resistit, exsiccat, putredines tollit, & sudores movet: quæ omnia in pestis curatione maximè necessaria & proficua esse, nemo non novit. Hos effectus non nostra solummodo, sed plurimorum quoque doctissimorum Medico-

rum experientia jam à longo tempore probavit, eosque attestantur Hercules Saxonia, Evangelista Quatramnus, Mercurialis, Heurnius, Wirsuagus, Euponymus, Penotus, Mollerus, Leischius, Fumanellus, Dornæus, Matthiolus, Ioannes Neander, Augenius, Vntzerus, aliique plures. Quantum ad acrimoniam huius olei, sciendum, Medicos illud nunquam solum exhibere, sed julebis, syrupis, conditis, aliisque medicamentis admiscere, quibus acrimonia illa satis castigatur, ejusque erodens vis infringitur, adeo ut nihil prorsus nocere queat: quam acrimoniam qui in adurenti qualitate consistere tradunt, non longè aberrant à via, modò bene distinguant inter hanc qualitatem, quæ ab acribus & acidis salis particulis procedit, & aliam manifestiorem magisque sensibilem adurentem qualitatem à sulphure procedentem, qualis est in febribus ardentibus. Magna enim inter has est differentia & contrarietas: nam si saliarum particularum acida qualitas prævaleat supra sulphuream, tunc hanc extinguit; atque hinc illa medicamenta, in quibus saliarum acidarum particularum prædominium prævalet, dicuntur refrigerare, ut oleum vitrioli & sulphuris, acetum, succus citri, &c. non quod calore prædita non sint, sed quod talem specificum habeant calorem, qui manifestum & acutè sensibilem calorem sulphureum extinguere valet. Taceat igitur Sylvaticus cum suis asseclis; & de vitrioli ac sulphuris olei viribus audiatur Mindererus, qui *lib. de pest. cap. 15.* in hæc verba prorumpit: *Nulla est putredo cujus vires non frangant, nulla infectio quam non superent, nulla humorum depravatio, qua per ista non superetur: sanè, ut liberrimè loquar, si mihi vitriolorum medicamentorum usus, vel interdiceretur, vel inhiaberetur, ego ad pestis curationem nunquam,*

quam, vel saltem inermis accederem. Notandum tamen in olei vitrioli usu, illud non convenire hæmoptoicis, phthysicis, tussiculosis, asthmaticis. aliove thoracis vitio infestatis, ut neque iis quorum vesica vel renes laborant.

XII. Innumeri pulveres à Medicis describuntur, & singuli suo modo illos componunt. Inter ceteros maximi nominis est pulvis Foresti, de quo, lib. 6. in scholio Observat. 16. ita scribit: Nos hoc pulvere felicissimè usi sumus in hac peste, tam ad præcautionem, quam ad curationem, in multorum salutem: & quamquam hunc pulverem pro maximo secreto habeamus, nefas tamen esse duximus ejusdem descriptionem nobis solis retinere, quin potius volumus omnibus communem facere, ut quivis junior Medicus, non alii omnes, ad mortalium utilitatem eo recte uti possint. Est hæc descriptio:

℞. Rad. dictamni,  
tormentilla,  
boli Arm. in aq. scabiosa lota,  
terra sigillata, ana drach. vj.  
rad. gentiane,  
petasitidis,  
betonice, ana drach. ij.  
santal. rubri, drach. j.  
rasura eboris,  
cortic. citri,  
coralli rubri,  
ess. de corde cervi,  
rad. zedoaria; ana drach. f.  
margaritarum purissimarum, bene utriusque, ana scrup. ij. fragmentorum quinque lapidum pretiosorum, ana scrup. j.  
Succini,  
ramentorum unicorni veri, ana scr. f.  
fotiorum auri,  
argenti, ana n°. iij.  
fiat pulvis tenuissimus. Dosis ad præcautionem, à scrup. ij. ad drach. j.  
ad curationem, à dr. j. ad scr. iij. vel v. cum liquore idoneo.

Idem Forestus alios duos huius non multum absimiles pulveres describit

eodem libro, in Scholio Observat. 27. Ioannes Moibanus, Crato, Gesnerus, alique celebrant hunc pulverem, quem Saxoniz Elector à russo accepit:

℞. Rad. valeriana,  
hirundinaria,  
urticarum minorum, ana unc. f.  
polypodii quercini,  
angelica fœvola,  
sylvestris, ana unc. ij.  
alibea, unc. j.  
cort. rad. laurole, unc. j. f.

Radices hæc effodiendæ sunt inter Augusti diem 14, & Septembris 8. Incisæ imponantur olla vitreata, affundendo aceti tantum ut duobus digitis excedat: bulliant ad lentum ignem: deinde radicibus siccatis ac pulverisatis, adde acinos herba paradisi n°. 26. fiat pulvis.

Platerus scribit se anno 1593, in peste hoc pulvere usum fuisse:

℞. Boli Arm. preparata, unc. f.  
coralli rubri drach. ij.  
succini drach. j. f.  
rasura eboris, &  
cornu cervi, ana drach. f.  
rad. tormentilla drach. j. f.  
dictamni,  
carlina,  
pimpinella,  
angelica,  
imperatorie,  
myrthidis, ana drach. j.  
corticum limonum,  
gariophyllorum,  
zedoaria, ana drach. f.  
cinnamomi, drach. ij. f.  
sem. acetoisa, drach. j. f.  
sem. cardui bened.  
angelica,  
ocymi,  
coriandri, ana drach. f.  
medulla sem. citri, scrup. j.  
croci, scrup. f.  
rosarum rubr.  
sel. verbene,

fol.



*fol. ruhe,*  
*cordii ben.*  
*cordii, ana drach. f.*  
*galanga drach. j.*  
*specier. diamargariti drach. j.*  
*fiat pulvis.*

*Si camphora scrup. j. vel drach. f. vel*  
*drach. j. addatur, tunc vis ejus oris*  
*efficacior, sed minus convenit pueris &*  
*gravidis.*

Sennertus hunc pulverem bezoarticum  
 componit, ejusque scrup. ij. ad drach. j.  
 exhibet :

*R. Cornu cervi iusti drach. j. f.*  
*oculorum cancri preparat..*  
*terra sigillata,*  
*succini,*  
*margaritarum preparat.*  
*coralli rubri, ana scrup. j.*  
*offis de corde cervi,*  
*smaragdi,*  
*rubini,*  
*hyacinthi preparat. ana scrup. f.*  
*lap. bezoartici orient. scrup. j.*  
*folia auri n<sup>o</sup>. iij.*  
*fiat pulvis.*

Cornelius Gemma hunc pulverem pro  
 summo secreto à Rege Hispaniæ haberi  
 scribit :

*R. Myrrha oleosa,*  
*massiches,*  
*bol. Arm.*  
*terra sigillata,*  
*ligni aloës,*  
*gariophyllorum,*  
*macis,*  
*croc. ana part. æq.*

*fiat pulvis.*

XIII. Medici Monspelienſes &  
 multi Itali in peste, tanquam utiliſſimo  
 alexipharmaco, utuntur trochiſcis vi-  
 perinis, qui ad confectionem theriacæ  
 concinnari ſolent, eoſque exhibent à  
 drach. f. ad drach. j. cum aquis cordia-  
 libus. Nos in hac noſtra peſte iſdem  
 aliquoties uſi ſumus, ſed abſque magno

fructu, fortaiſſe quia eoſdem non ſatis  
 recentes habuimus, vel quia non tan-  
 topere valent adverſus venenum peſti-  
 lens, quantum adverſus alia venena :  
 ſaltem ego in peſte nullum commo-  
 dum ex iis percipere potui, atque hinc  
 omnem apud me fidem perdidit. Loco  
 horum trochiſcorum apud Ger-  
 manos primo excogitatus, in uſum ve-  
 nit pulvis ſerpentum, ex colubrorum  
 carne lota & exſiccata conſectus, quem  
 adverſus venenum peſtilens plurimum  
 valere prædicant, Cunradus Cunradi,  
 2. part. medul. diſtil. tract. 27. Angelus  
 Baldus, lib. de vip. Crollius, in Baſil.  
 Chym. Quercetanus, lib. 2. alex. cap. 5.  
 nec non in Pharmacop. aliique plures, im-  
 primis qui è Schola Paracelfica prodie-  
 runt, mirabilium myſteriorum jacta-  
 tores, qui ſaſtoſo hujus pulveris ſerpentum  
 encomio, jam plurimis annis Ma-  
 gnatum non minus, quam civium inſi-  
 mazque plebeculæ mentes miris modis  
 effaſcinarunt. Rationes quibus ſerpenti-  
 ni pulveris fundamentum inniditur, hæ  
 ſunt : 1. Quod Galenus, 6. epidem. ſect. 6.  
 ſext. 5. dicat vinum viperinum quod ſu-  
 munt valere adverſus venena : quod ipſum  
 quoque docent Rabbi Moyſes, & Ni-  
 colaus Florentinus, lib. de venen. 2. Quod  
 Galenus, lib. 11. ſimpl. & lib. de amid.  
 referat, duos leproſos vino viperino  
 fuiſſe ſanatos. 3. Quod trochiſci de vi-  
 peris adverſus omnia venena valere,  
 jam ab Andromachi tempore, vel diu-  
 tius, creditum, & ab omnibus pro in-  
 dubitato habitum fuerit, qui ea pro-  
 pter theriacæ compositionem ingre-  
 diuntur. Hæ rationes & auctoritates  
 tantum valuerunt apud multos, ut ſo-  
 las ſerpentum ac viperarum carnes ad  
 venenum peſtilens fugandum, retun-  
 dendum, & extingvendum ſufficere  
 exiſtimaverint ; ita ut inter cæteros Er-  
 neſtus Burgravius, in Lampad. viſa &  
 morti, Stentorea voce exclamet : Pulvere

*serpentino si quis utatur, extra omnium venenorum, qualiacumque illa sint, ac pestilentia aleam ac periculum tutus erit.* Ex altera parte multi celeberrimi Medici carnes serpentinas & viperinas adversus venena nihil prodesse, credunt, easque tanquam inutiles & fallaces, ab agyrtis aliisque burstarum castratoribus primò in usum productas, rejiciunt, aliosque Medicos, qui illas laudant, temeritatis & inscitiae arguunt. Si meam opinionem quispiam roget, ego utrosque errare dicam: *illos*, quod praedictas rationes & Galenicas auctoritates nimis longè extendant: *hos*, quod easdem nimis temere in totum rejiciant. Nam carnes viperinas & serpentinas adversus aliqua venena eximiam antidotalem vim obtinere, adeo notum est, ut absolute negari non possit; idque non tantum liquet ex praedictis Galeni testimoniis, verum etiam ex quotidiana experientia. Sic Hartmannus scribit se propriis oculis vidisse, à quodam experto Medico tribus diebus continuis gravissima quaedam venena assumpta, eademque paulo post sine ulla noxa, ab exhibitio pulvere, cum adstantium admiratione. iterum expulsa fuisse. Ita etiam refert Vntzerus, se vidisse quosdam qui araneos vivos devorarunt, vel arsenicum aut simile toxicum potarunt, corpore eorum salutari hoc alexiterio praemunito. Idem in adolescente quodam se vidisse testatur Cunradus; qui insuper narrat historiam ejusdem rei Pragae morti damnati, in quo hujus pulveris experimentum factum est, & compertum eundem arsenici sublimati virulentiam edomasse. His adde, quod carnes viperinae lepram etiam hodie interdum sanant. Verum qui hanc antidotalem vim ad omnia venena extendere voler, longissimè errabit, nam multa inveniuntur adversus quae carnes viperinae vel serpentinae non magis pro-

derunt, quam saccharum adversus arsenicum. Venena enim quadruplicia ferre sunt. 1. *Vegabilia*, quae nonnullis herbis, radicibus, fructibus, &c. insunt. 2. *Mineralia*, omnibus satis nota. 3. *Humoralia*, quae insunt animalibus viventibus, vel sanis, vel aegrotis, & in illis ex certa quadam naturali humorum dispositione resultant, qualia sunt venena scorpionum, bufonum, araneorum, &c. in his verò ex certa quadam humorum in corpore corruptione praeternaturali generantur, ut sunt venenum rabidum, venereum, epilepticum, & illud à quo variolae, multaeque malignae febres generantur. 4. *Aërea*, è quibus generatur pestis, quorum essentiam & naturam nemo haecenus bene cognovit. Adversus multa ex tribus prioribus venenis carnes serpentum multum valere, certum est, sed non tamen adversus omnia: nam rabidum, venereum, aut epilepticum venenum per illas extinctum & expulsum, dictosve morbos sanatos fuisse, nondum (quod scio) compertum est. Verum adversus quartum venenum, nempe aëreum, illas specificè prodesse, nulla certa experientia haecenus demonstravit: imò contra multoties compertum est, illas adversus pestilens venenum nihil omnino profuisse. Sic testatur Vntzerus, anno 1610, quo gravissima pestis grassabatur, maximam eorum partem, qui hoc pulvere usi fuerant, interisse. Ita quoque Libavius, tom. 2. *Synag. Alch. Pharm.* cap. 14. inquit: *Falsum est, non interire peste omnem eum qui pulvere serpentino est praecinctus; imò tam fortiter experientia refutavit illud mendacium, ut magnam pondus detractum sit ipsi omni.* Illud ipsum ab experientia edocti testantur Casparus Bauhinus, in *append. ad lib. de lap. bezour*, & Rulandus, in *praefatione Latina Comagog. sui Germanici*. His adde, quod nec divinus Senex, nec Galenus, diligentissimus

tissimus facultatum medicamentorum indagator, cui carnum viperinarum vires satis notæ erant; nec Avicenna, nec ullus veterum Medicorum, sive Arabum, sive Græcorum, viperinas vel serpentinas carnes, tanquam specificum adversus pestem, exhibuisse legatur; quibus tamen sagacissimis viris non potuisset non cognita esse talis antipestilentialis vis, in medicamento ipsis multo magis, quam nobis, usuali & cognito. Quidquid sit, saltem nos in hac peste ex trochiscis viperinis nullum laudabilem effectum comperire potuimus: unde illos pessimè sibi consilere existimamus, qui tempore pestis in carnibus vel trochiscis viperinis aut serpentinis folis nimium confidunt.

XIV. Ex fragmentis pretiosorum lapidum, præter confectionem de hyacintho, varia alia antidota concinnantur, quorum tamen vires multi irridunt, alii easdem suspiciunt. Inter alios lapides, Avenzoar, 2. thes. tract. 1. cap. 5. magnam & excellentem vim tribuit Smaragdo, adversus morbos venenatos, & refert, se ipsum ex veneno laborantem, hoc solo remedio fuisse curatum. Sic etiam Mindererus, lib. de pest. cap. 15. narrat se mulieri febre pestilenti correptæ, quæ omnia remedia averfabatur, pulverem sequentem exhibuisse, quem sine odore vel sapore transglutire poterat, eoque assumpto, abactis sævorum symptomatum seditionibus, & in salutem protinus converso morbo, evaluisse.

℞. Smaragdi preparati,  
Lapid. bezoz. Orient. ana gr. viij.  
hyacinthi, gr. iij.  
fiat pulvis.

Eandem Smaragdi vim refert se expertum fuisse Zacutus Lusitanus, Prax. Admir. lib. 3. obs. 87. in Nobili Lusitano, alvi diuturno fluxu ex veneno

assumpto laborante, à quo nulla medicamentorum ope liberari poterat, quod malum tandem solo smaragdi usu curatum fuit. Crato, tract. de pest. inquit: Omnes pene Medici, post theriacam & Mithridaticum, Smaragdum laudant; datur ad gr. vj. cum mithridatio. Smaragdum ad gr. 10. exhibitum cum aliquo liquore appropriato, magnopere laudant, Eustachius Rudius, lib. 3. Præf. cap. 30. Fumanellus, de peste, cap. 6. Quatramnus, de pest. cap. 4. Sapphirum potum aut exhibitum commendat Augenius, lib. 3. de pest. cap. 8. Hyacinthum extollunt Crato, tract. de pest. & Io. Fragosus. Succinum exhibet Georgius Agricola, de pest. lib. 2. Conradus Cunradi, part. 1. medul. distil. tract. 9. Libavius, part. 3. singular. de succino, cap. 28. Ex his aliisque pretiosis lapidibus Chymici multa præparant magisteria, essentias, liquores, olea, & nescio quæ non chymica Extracta, quorum nonnulla quidem insignia sunt, sed nimis fastoso encomio semper comitata. Erasius, disput. 4. contra Paracelsum, multis argumentis probat lapides pretiosos nullam cardiacam vim exercere; inter quæ illud primum est, quod medicamenta quæ debent agere in corpus, debeant actuari & dissolvi; lapides autem illi non dissolvantur, sed eodem pondere, & tales quales assumpti sunt, rursus excernantur. Quo argumento in eandem quoque opinionem pertractus fuit Hercules Saxonia, Prax. lib. 8. cap. 37. Verum Erasii argumentationem nullius momenti esse, præter plurimorum gravissimorum Medicorum experientiam, etiam multorum lapidum, non occurrat modò, sed manifestissimæ operationes docent. Nam lapis ætæris femori alligatus partum promover, ut testantur Arabes, Erotes, Nicolaus Rocheus, alique innumeri, & ipsa quoque experientia: magnes

trahit ferrum: & sic plurimi alii lapides varias edunt operationes oculis conspicuas, qui tamen lapides, nec dissolvuntur, nec in pondere aut forma quippiam immutantur: sic etiam vitri antimonii frustum in vino depositum, quamvis ejusdem formæ, qualitatís, ac ponderis, absque substantiæ dissolutione inde rursus extrahatur, tamen isti vino maximam vomitivam vim impressit. Si magnes, lapis ætites, lapis hepatices, alique, si vitrum antimonii, absque substantiæ, ponderis, viriumque imminutione, vires suas exereere possint; quare non etiam nonnulli alii lapides pretiosi, in corpore humano macerati ac cocti, cardiacam & alexipharmacam suam vim absque substantiæ ponderisque immutatione cordi communicare possent? Scio quidem magnos hac in parte errores apud multos committi, qui, dum quælibet sua effata ex Apollinis tripode deprompta putant, speculationibus suis absque fundamento abrepti, ex variis lapidibus tales volunt extorquere vires, quibus nunquam præditi fuerunt, nec sunt, nec erunt. Verum hæc interim talium hominum vanitas non debet derogare fidem & auctoritatem iis lapidibus, quos experientia à longo tempore demonstravit antidotalibus facultatibus esse præditos.

XV. Moscum hoc tempore ægrotos omnes, viros æque atque mulieres, ægerrimè tulisse, & post ejus usum se multo pejus habuisse, observavimus, ac propterea confectiorem de hyacintho, ut & alchermes, sine moscho parari iussimus. Etiam Valescus de Taranta, *Philon. pharmac. lib. 7, cap. 16*, moschum in peste fugiendum esse tradit. De moscho aliisque fragrantibus remediis videantur adhuc quædam *lib. 2, cap. 5, in text. & annot. 9.*

XVI. Theriaca & Mithridatium

duo nobilissima & antiquissima sunt antidota, quorum adversus venena & pestilentem luem excellentissimas virtutes, jam à multis seculis experientia probavit, eaque in peste aliisque malignis ac contagiosis morbis plus profuisse semper compertum est, quam innumera alia magnis titulis decantata alexipharmaca. Hinc est quod ubique in Rebuspublicis bene constitutis eximia curiositate confecta, & in celeberrimo usu per totum terrarum orbem, absque ulla compositionis immutatione, semper habita fuerint. Neque id sine ratione, nam calorem nativum suscitant, facultatem vitalem recreant, cor adversus venena & omnis generis malignitates firmant ac defendunt, easque procul à vitæ fonte per poros cutis expellunt. Imprimis autem theriaca, non neotericis solum cognita, sed ab ipsis quoque veteribus summo-pere laudata existit: ut ab Aetio, *Tetrab. 4, serm. 1, cap. 96*. Paulo Ægineta, *lib. 2, cap. 36*. Nicolao Myrepsò, aliisque: imò Galenus (vel alius quicumque auctor) *lib. de Theriaca ad Pison. c. 16*, in hæc verba prorumpit: *Deprehensa est mihi sola theriaca in pestilenti constitutione languentibus posse succurrere, cum nullum aliud præsidium tam magno malo, ac ipsa resistere valeat, &c.* Paulo post addit: *Theriacam tanquam ignem purificantem esse comperi: illos quidem qui adhuc sani illam præbiberunt, non permittere ut pestilentia prorsus capiantur: illos autem qui jam aggressi essent, sanare posse, cum aëris inspirati malignitatem immutando, tum corporis temperaturam corrumpi non sinendo.* Post Galenum fere omnes maximi nominis Medici theriacam Andromachi, tam ad præservationem, quam ad curationem pestilentie, summis laudibus extulerunt. Taceant hic Capivaccius, Trincavellius, Iulius Alexandrinus, aliique varii, qui celeberrimi ac divini hu-

jus

jus medicamenti usum frivolis & distortis quibusdam argumentis è praxi Medica exterminare nituntur, incusantes nescio quæ non incommoda, & imprimis magnum ejus calorem, qui in febribus extimescendus est; quasi verò ille admittis frigidis non posset attemperari, & sic tutius non foret calido medicamento malignitatem extinguere, quam solo frigido calorem edomando, malignitatem relinquere, ejusque continuo ac citissimo, maximeque damno incremento nullis mediis obviam ire. Procul dubio hi de theriaca malè loquuntur, non ut humano generi melius consulant, sed ut alio novo quodam ab ipsis excogitato antidoto magnum sibi nomen conquirant, atque se plus, quam antiquos, sapere monstrent; cum tamen præstaret bene inventis ac probatis uti, quam novarum compositionum vires cum plurimorum periculo inquirere, idque in hoc perniciosissimo morbo, in quo medicamenti periculum sine periculo facere non licet; *quia exitiales morbi* (inquit Galenus) *ne levissimum quidem errorem ferunt*: addo ego, quod neque temporis jacturam patiantur. Eapropter etiam nos in hac peste nullis novis theriacis (quales sunt, theriaca Londinensis, Arnaldi de Villa nova, Tabernamontani, Germanorum Monavii, Antidotus Matthioli, ut & Gaidonis de Chauliaco, electuarium de ovo Imperatoris, alique similes compositiones, ab Andrea Gallo, Langio, Augenio, Platero, aliisque pluribus Medicis collectæ) usi sumus; cum theriaca Andromachi & Mithridatium Damocratis alias neotericorum theriacas, & in compositionis forma, & in simplicium exquisito selectu, & in singulari effectu, longis parafangis antecellere nobis videretur. Non quod aliorum Medicorum præclara inventa contemptui ha-

beremus, sed quod illa antiquorum sapientissimè compositis antidotis minimè præferenda esse judicaremus. Præterea, quod theriaca Andromachi & Mithridatium Damocratis aliquot annorum, semper ad usum parata haberemus, cum aliæ theriacæ non nisi de novo, & proinde nimis recenter, & minus aptè compositæ haberi possent. Adde, quod in nostris Belgii Inferioris regionibus, ad quas omnium rerum, atque etiam medicamentorum abundans copia ex totius mundi partibus undequaque advehitur, selectissima simplicia ad theriacæ Andromachi confectionem necessaria haberi possint, (quæ selecta copia in multis aliis regionibus desideratur) ac proinde theriaca Andr. curiosissimè conficiatur, & non sine prævio accuratissimo doctissimorum Medicorum examine confici debeat; (si fortè per mercatorum quorundam avaram fraudulentiam hic illic non satis exacta præparetur, hoc maxime per incuriam aut incertitiam quorundam Pharmacopœorum contingit, iis in locis ubi isti confectioni nulli eximii Medici præfides examinatores à Magistratu sunt constituti;) cum aliorum theriacæ ex variis simplicibus, sæpe non debito tempore collectis, nec satis convenienter siccatis, aut bene servatis (quorum interdum nonnulla quoque deficiunt) confici debeant.

Inter recentiorum antidota, tria sunt maximi nominis: nempe, electuarium de ovo Maximiliani Imperatoris, theriaca Germanorum Monavii, & antidotus Matthioli, quorum descriptiones, omissis innumeris aliis, tanquam nobiliores, hic subjungemus:

Electuarium de ovo hoc modo describit Quercetanus, *de peste, cap. 5.*

*Re. Ovi gallina recens, à quo albumen  
d'foramine in acumine fallo extrahatur  
tunc croco orientali, quicquid*

in eo vacuum eris, repleatur, & foramen sedulo occludatur, ne quid exhaleat: deinde ad ignem lentum, vel in furno affetur, donec superficies nigredinem concipiat, cavendo tamen ne crocus comburatur: postea abiectâ tossâ orum totum exsiccat, & pulverifetur, atque hic sequentia addantur:

*R.* Pulv. rad. tormentilla,  
dictamni, ana drach. ij.  
cornu cervi,  
myrrha,  
nucis vomica, ana drach. j.  
rad. angelica,  
pimpenella,  
zedoaria,  
granorum juniperi,  
camphora, ana unc. l.

Omnia in mortario simul misceantur, addendo theriac ad pondus omnium, fiat s. art. electuarium.

Platerus, ne crocus aduratur, illud electuarium tali modo componit:

*R.* Vitellum ovi cocti ad duritiem, cui adde croci contriti aequale pondus, agitenturque probe simul, addendo deinde

Pulv. rad. tormentilla,  
dictamni, ana unc. l.  
angelica, unc. j.  
vincetoxici,  
fucifera,  
zedoaria, ana drach. ij.  
sem. cruce, drach. j.  
myrrha, scrup. j.

theriaca,  
mischridatii, ana q. s. ad formandam massam satis duram.

Dosis drach. j. cum aquis distillatis, vino, vel aceto.

Monavius de sua theriaca ad Cratonem ita scribit: Compositi hic, dum proxima contagio nobis metum injiceret, theriacam quandam, quam Germanorum nuncupavi, cujus libras jam multas Pharmacopæus meus divendidi. Constat ex iis potissimum

qua apud nos pura & sincera reperiri possunt, nec minorem vim in venenis extinguendis possident, quam exotica ab extremis Indiis huc importata.

*R.* Rad. angelica,  
gentiana,  
zeduaria,  
tormentilla,  
dictamni,  
pimpenella,  
valeriana,  
ostruui,  
morsus diaboli,  
aristolochia rotunda,  
asari,  
serpentaria,  
levistici,  
cardo pat.  
pentapbylli, ana drach. iij.

herbar. scordii,  
chamedryos,  
betonica,  
rutha,  
cardui benedicti,  
centaurii, ana unc. l.

florum calendula,  
lavendula,  
anthos,

Seminum citri,  
acetosa,  
napi,  
ammi,

baccarum lauri, ana drach. iij.  
boli Arm. preparat.

terra sigillata,  
cornu cervi ussi, ana unc. j.

croci,  
macis,  
macropiperis,  
mastiches,  
thuris,  
sansalorum omnium, ana drach. ij. l.

myrrha electa,  
florum sulphuris,  
camphora, ana drach. vj.  
opii Theobatici, scrup. iij.

casto

castorei,  
 euphorbii, ana drach. j.  
 rhapontici viti, unc. j.  
 cinnamomi electi,  
 corticum citri,

aurantiorum, ana unc. l.

mucum jugland. excortic.

ficuum per cribrum transmiss. ana unc. iij.

succi cardui bened.

scordii,

scabiosa,

veronica,

rutha,

salvia,

acetosa,

botrysos,

melissa, ana unc. ij.

olei vitrioli, unc. j.

specier. diamargariti frigidi, calidi,

de gemmis frig. & calidi, ana  
 drach. j. l.

cordialium temperat. drach. ij.

diambra,

diarnosicht, ana drach. j.

theriaca Andromachi unc. iij.

mithridatii,

elect. de ovo, ana unc. ij.

diascordii, unc. j. l.

extracti angelica, unc. l.

salis absinthii, drach. ij.

vini odoriferi, lib. ij. l.

mellis despumati, lib. xij.

Exquisitè commisceantur omnia ad formam  
 opiata.

Matthiolus in præfatione lib. 6. in Dioscoridem, de sua theriaca ita scribit: Licet hac ante rari admodum habeantur Medici, qui sua arcana pandere velint, si quod nacti sint pulchrum & singulare auxilium; tamen cum mihi consilium ab initio fuerit, mea opera, quantumvisque sit, omnibus generantim prodesse; alienum quidem inhumanumque foret, si modo vel invidia, vel avaritia compulsus, aliquid silentio involverem, quod in arte Medica usus futurum possem. Igitur antidotum, cujus admirandas in vena-

na vires sepius expertus sum, hoc modo conficitur:

R. Rhabarbari,

rhapontici ex Ponto advekti,

rad. plu acori (quem falso calamum aromaticum vocant)

cyperi,

quinqsfolii,

tormentilla,

aristolochia rotunda,

peronia,

helenii,

costi,

iridis Illyrica,

shamelacotis albi, ana drach. iij.

galange,

imperatoria,

dictamni albi,

angelice,

millefolii,

filipendula,

doronici,

zeduaria,

zingiberis, ana drach. ij.

agarici, drach. iij.

libanotidis maris,

morfus diaboli,

gentiana, ana drach. ij. l.

Seminum mali citri.

viridis,

cocti infectorii,

oxalidis,

fraxini,

pastinaca sylvestris,

napi,

nigelle,

peronia,

ocymi,

trionis,

thlaspiis,

feniculi,

ammi, ana drach. ij.

Baccarum lauri,

juniperi,

hedera,

E e

bacca-

*haccarum similacis aspera*  
*cubedarum, ana drach. j. s.*

*foliorum scordii,*  
*chamedryos,*  
*chamepythreos,*  
*centaurii minoris,*  
*stachados,*  
*nardi Celtica,*  
*calamenchæ,*  
*ruthæ,*  
*membræ,*  
*betonica,*  
*vertene,*  
*scabiosa,*  
*cardui benedicti,*  
*melissophylli, ana drach. j. s.*  
*diellamni Cretensis, drach. iij.*  
*sumpsuchi,*  
*hyperici,*  
*junci odorati,*  
*marubii,*  
*galangæ,*  
*fabina,*  
*pimpinellæ, ana drach. ij.*

*caricarum,*  
*nucium juglandium,*  
*pistaciorum, ana unc. iij.*  
*myrobalanorum embelic. drach. iij.*  
*florum utriusque buglossi,*  
*rosarum,*  
*lavandulæ,*  
*rosmarini coronarii, ana scrup. iij.*  
*croc. drach. iij.*

*castia odorata, seu cinnamomi, drach. x.*  
*gariophyllorum,*  
*nucis myristica,*  
*macis, ana drach. ij. s.*  
*piperis longi, ac nigri,*  
*santalorum omnium,*  
*agallochi, ana drach. j. s.*  
*cornu cervi crudi, drach. iij.*  
*unicorni, drach. j.*  
*ossis cordis cervini,*  
*amentorum eboris,*  
*virgæ cervinæ,*  
*castorei, ana scrup. iij.*

*terra Lemniæ, drach. iij.*  
*opii, drach. j. s.*  
*margaritarum orientalium,*  
*amentorum smaragdi,*  
*hyacinthi,*  
*coralli rubri, ana drach. j. s.*  
*camphoræ, drach. ij.*  
*massicæ,*  
*thuris,*  
*styracis,*  
*myrrhæ,*  
*gummi Arabici,*  
*resinæ terebinthinæ,*  
*sagapeni,*  
*opoponacis,*  
*laferpitii, ana drach. ij. s.*  
*moschi odorati,*  
*ambra, ana drach. j.*  
*olei vitrioli, unc. s.*  
*pulveris cordialis temperati,*  
*diamargariti,*  
*diamoschi,*  
*diambra,*  
*elect. de gemmis,*

*pastillorum saphuræ,*  
*scyllæ, ana drach. ij. s.*  
*pastillorum viperæ, unc. ij.*  
*succi oxalidis,*  
*fenchi,*  
*scordii,*  
*ochii,*  
*melissophylli,*  
*buglossæ, analib. s.*  
*hypossistidis, drach. ij.*

*ethericæ,*  
*mithridatis ops. ana unc. vj.*  
*vini veteris albi odorati lib. iij.*  
*sacchari à Modera insula, vel*  
*mellis optimi lib. viij. & unc. vj.*

Ex his summa diligentia inquisitis  
 fiat electuarium eo modo quo the-  
 rice & mithridatis antidotus consi-  
 citur.

Matthiolus exhibet hujus electuarii drach. j.  
 ad drach. iij. præ acat & consuetudine pa-  
 tientis, idque sanguinem præsentissimum anti-  
 dolum



dotum adversus pestem & omnia venena commendat.

Hæc est famosa illa antidotus, magna illa congeries plurimorum simplicium sine ordine, sine methodo, sine ulla ratione simul congestorum ac conjunctorum in unam compositionem, quam, tanquam è deorum scriniis prolatum remedium, admirantur Itali, extollunt Germani, laudant imperiti & novarum rerum potius, quam moliorum studiosi; cujus descriptionem huic nostro libro inferere volui, partim ut satisfacerem iis, qui novitatis & longitudinis amantes, eam ambabus ulnis amplectuntur; partim ut illam doctiorum & saniorum quorumcunque iudicio exponerem.

Præter hæc jam dicta maximi nominis antidota, innumera alia ab auctoribus describuntur. Ioannes Wierus refert Canonicum quendam Lotharingum, hoc sequenti electuario tanquam summo secreto, apud Principes quæstum non vulgarem fecisse:

*R. Specierum Lasia Galeni,*  
terra sigillata, ana drach. j.  
boli Arm. preparata, unc. f.  
theriacæ Androm. unc. iij.  
conserve rosarum,  
boragini,  
buglosse, ana unc. j.  
sympi violacæ, q. f.  
fiat electuarium.

Platerus, Prax. tract. 2. describit suum electuarium, quo anno 1582 feliciter usus fuit. Plures hujusmodi compositiones passim inveniuntur apud auctores qui de Peste agunt.

XVII. Diaſcordio uti sumus secundum ipsius Fracastorii descriptionem, nobis ab eo relictam lib. 3. de morb. contagios. cap. 7. quæ, inter alia, recipit opii drach. j. f. Video ab aliis male augeri opii quantitatem ad dr. ij. vel drach. iij. imò à nonnullis ad dr. iiii.

vel drach. v. atque ita bonum medicamentum per adactum opium, fieri nimis soporiferum & noxium, imò maxime periculosum. Fracastorius illud quibuscumque summopere commendat, atque etiam fere jam desperatis hoc modo exhibet:

*R. Succi acetosella, unc. ij.*  
facti citri, unc. j.  
diaſcordii, drach. j.  
specierum cordial. & gemmis, scrup. ij.  
aceti, unc. j.  
miscantur, & fiat haustus.

Sunt qui loco diaſcordii Fracastorii, summopere commendant diaſcordium Gemmæ, cujus hæc est descriptio:

*R. Scordii recens collæti & in umbra siccati, drach. x.*  
dictamni Cretici,  
summitat. absinthii Pontici,  
epithymi Cret. ana unc. f.  
florum rosarum Damas.  
calendula,  
buglosse, ana drach. ij.  
sem. plantaginis scrup. ij.  
melonum,  
cucumeris,  
cucurbitæ excortic. ana drach. j. f.  
cornu cervi usti, drach. iij.  
rad. gentianæ,  
angelicæ,  
zedairiæ,  
dictamni albi, ana scrup. v.

pucciniosæ,  
masticæ,  
croci orient.  
piperis albi,  
boli Arm.  
massichis, ana scrup. iij.  
camphoræ, scrup. ij. f.  
cinnamomi,  
corallina,  
rhabarbari,  
ligni aloës,  
ligni rhodii,  
asa dulcis, ana drach. j.

*cardamomi,*  
*spica Indica,*  
*santal albi,*  
*coriæum citri,*  
*rasura eboris, ana scrup. iij. f.*  
*ossis de corde cervi,*  
*moschi, ana scrup. j.*

Subtilissimè levigata cum sacchari albi-  
 smi, aqua rosarum ac vino Cretico despu-  
 mati q. s. fiat electuarium, cui sub finem  
 adde,

*extracti tormentilla*

*veronica,*  
*salaparilla, ana drach. j.*  
*juniperini, drach. ij.*  
*olei calcanthi rectificati, drach. j. f.*  
*olei citri scrup. j.*  
*fiat opiat.*

XVIII. Maximarum virtutum est  
 illa nostra aqua theriacalis, quæ non  
 tantum veneno pestilenti potenter resi-  
 stit, cor à malignitate defendit, & su-  
 dores movere, verum etiam in debilibus  
 jam labascentes vires miro modo cor-  
 roborat. Mirum dictu quam insignes  
 ejusdem effectus in hac peste aliisque  
 febribus malignis comperti fuerimus.

Innumera consicuntur aquæ theria-  
 cales, & quilibet fere Medicus novam  
 quandam ad suos usus excogitat. Inter  
 ceteras autem maximè celebratæ sunt  
 Aqua bezoartica Laigii, & aqua the-  
 riacalis Bauderoni. Langii hæc est de-  
 scriptio:

*R. Chelidonia majorum radicibus M. iij. f.*  
*rutha, M. j.*  
*sordii, M. ij.*  
*diſſamni Cretici,*  
*cardui benedicti, ana M. j. f.*  
*zeduaria,*  
*angelice, ana drach. iij.*  
*coriæum citri,*  
*limonum, ana drach. ij. f.*  
*florum tunice,*  
*boraginis, ana drach. ij.*  
*cinnamomi opt. drach. ij. f.*

*gariophyllorum, drach. iij.*  
*Incisis incidendis, & confusis contunden-  
 dis, fiat infusio in Vini sublimari ter di-  
 stillari lib. viij.*

*vini malvatici,*  
*acetis sordii, ana lib. j.*

Macerentur per biduum, postea lento igne  
 in organo vitæ distillantur. Hunc distil-  
 lato liquori adde,

*Theriaca, unc. iij.*  
*michridatii, unc. j. f.*  
*camphora, scrup. ij.*  
*macis drach. j. f.*  
*cinnamomi, drach. iij.*  
*ligni aloës scrup. ij.*  
*santal citrini,*  
*gariophyllorum, ana drach. ij. f.*

*conserva florum tunice, unc. ij.*

*cardui benedicti, unc. j.*

*cornu cervi præparati, drach. j. f.*

*specierum liberantium, scrup. v.*

Macerentur in priore distillatione, & ita  
 ferventur ad usum.

Descriptio aquæ Bauderoni hæc est:

*R. Theriaca opt. media etatis, unc. iij.*

*Rad. tormentilla,*

*angelica,*

*scorzonera,*

*diſſamni Cretici,*

*ligni sassefras, ana unc. ij.*

*boli orientalis, unc. j.*

*granorum juniperi,*

*sem. citri mundat.*

*cardui bened.*

*acetosa,*  
*portulaca, ana unc. f.*  
*herb. besonica,*  
*calendule,*  
*meissophyllis,*  
*sordii,*  
*boraginis, ana M. j.*  
*cinnamomi,*  
*macis, ana drach. ij.*  
*Incisis & confusis affunde, acetis vini ro-  
 saci, succi citri, omphacii, ana lib. f.*  
*seu unc. vj.*

Finis

*Fiat in vasa vitrea tepida maceratio per biduum: deinde distillantur. Dosis ad precautionem, unc. j. ad curationem, unc. ij.*

Hanc descriptionem posteritati reliquit Bauderonus, in appendice ad suam Pharmacopœam. In qua mihi omnino displicet liquoris affusi nimis parva quantitas: nam respectu tot simplicium aliorumque ingredientium, ad minimum affusus liquor adjectione duarum triumve librarum vini, aceti, alteriusve liquidi augeri deberet, ut commoda infusio & distillatio fieri possit.

Sequenti aqua usus fuit Sennertus, descripta *Paralipom. ad lib. de febr. 5.*

*R. Radicum tormentillæ,  
bardanæ, seu lappa majoris,  
pimpinellæ,  
succisæ,  
valerianæ, ana unc. iiij.  
imperatoria,  
angelica,  
gentianæ,  
serpentariæ, ana unc. j.  
nucum recentium nondum planè ma-  
surarum, lib. j.  
foliorum ruthe cum floribus,  
acetosæ,  
calendulæ,  
cardui benedicti,  
sordii,  
verbena, ana M. ij.  
camphora in spiritu vini dissoluta,  
drach. j.  
theriacæ,  
mithridatii, ana unc. j. s.  
diascordii Eracast, unc. j.  
aceti rosæ,  
vini albi præstantissimi, ana part. æq.  
distillantur.*

Antehac Leydæ usualis esse solet hæc aqua theriacalis:

*R. Rad. angelica,  
zedoaria, ana unc. j.  
galanga.*

*zingiberis,  
gentianæ, ana drach. iij.  
corticium aurantiorum,  
citri, ana unc. s.  
gariophyllorum,  
cinnamomi,  
nucis moscata,  
cubebæ,  
piperis albi & nigri, ana drach. ij.  
baccar. juniperi, unc. vj.  
lauri, unc. iiij.  
herbarum melissæ,  
ruthe,  
sordii,  
salviæ,  
cardui benedicti,  
mentha, ana unc. j. s.  
rosmarini,  
pulegii,  
sabina, ana unc. j.  
majoranæ,  
artemisiæ,  
clamænthæ, ana unc. s.  
seminum dauci,  
anisi, ana unc. ij.  
carni,  
feniculi, ana unc. j.  
florum chamomillæ,  
meliloti, ana unc. s.  
myrrhæ, unc. ij.  
theriacæ veteris, unc. vj.  
spiritus vini opt. lib. xv.  
Macerentur per duodecim dies, postea di-  
stillentur in B. M.  
Crollius suum spiritum theriacalem  
camphoratum egregiè sudorem ciere,  
ac pestilenti veneno fortiter resistere  
scribit:  
*R. Theriacæ Andr. unc. v.  
myrrhæ rubræ, unc. ij. s.  
croci orient. unc. s.  
camphoræ, drach. ij.  
mixtus superfunde spiritus vini rectificati,  
unc. x. stens loco tepido, vase bene  
clauso, per dies 24. postea lento calore di-  
stillat in B. M. Dosis, drach. j.**

Hercules Saxonia, 1.8. de febr. cap. 37. describit, multumque laudat suam aquam cordialiter diffillatam. Platerus, *Prax. tract. 2.* describit tres quatuorve insigniores aquas theriacales diffillatas, quibus ipse in peste feliciter usus fuit.

Sunt qui aquas illas theriacales per infusionem potius conficiunt quam per distillationem, atque ita illas efficaciores esse judicant, propterea quod multorum simplicium virtutes in distillatione non transcendunt, quæ in infusionibus integræ haberi possunt. Talis est aqua Iohannis Cratonis, quam, tanquam utilissimam, commendat:

R. *Carline,*  
*kadiaria,*  
*gentiana,*  
*angelica,*  
*tormentilla,*  
*boli Arm. ana unc. ij.*  
*trium santalorum, unc. j.*  
*camphora, scrup. ij.*  
*moschi, scrup. j.*  
*theriaca,*  
*mithridatii, ana unc. iij.*  
*spiritus vini, lib. iij.*

Fiat insolario, vel tepida maceratio per mensem: postea colentur per triplicem pannum lineum.

Alii hanc infusionem laudant:

R. *Boli Arm.*  
*terra sigillata, ana unc. vj.*  
*rad. tormentilla,*  
*distamini albi,*  
*pimpinella,*  
*valeriana,*  
*zedoaria,*  
*gentiana, ana unc. ij.*  
*angelica, unc. iij.*  
*florum veronica,*  
*herb. scabiosa,*  
*cardui bened. ana M. ij.*

Infundantur in vini diffillati & aceti,  
 ana lib. vj.

Hinc infusioni per chartam bibulam

colata addæ, theriaca lib. j.

Dosis, unc. j. s. ad unc. ij.

Nonnulli hanc sequentem pluris faciunt:

R. *Ateti vini fortissimi decocti cum semina*  
*nibus ruha,*  
*vini Rhenani albi,*  
*maluatici, ana lib. ij.*  
*theriaci Androm.*  
*mithridatii Damoc. ana lib. j.*

Miscantur, & stent per aliquot dies: quotidie bis terve agitando, postea colantur primo per manicam, deinde per chartam bibulam.

Mathiolus summis laudibus extollit suam quintam essentiam per infusionem paratam, quam in prefatione lib. 6. Dioscoridis ita describit:

R. *Antidoti nostri (vide descriptionem paulo ante, annotat. 16.)*  
*syrupi de cortice citri, ana lib. j.*  
*aqua vite ad quintam essentiam distillata lib. v.*

Omnia in vas vitreum injiciantur duplici à rebus inditis capaciatis, postea vasis ore ita obturato ut nullus spirandi meatus relinquatur, magna cum dexteritate aqua in vase cum electuario tam diu agitur, donec totum dissolvatur; atque tunc vasis ore cera vel pice obducto, per mensem integrum reponatur, & bis in hebdomada bene agitur. Post mensem clara aureoque colore nitens aqua qua supernat, in aliud vitrum paulatim effundatur, quod bene observetur.

Istam aquam dicit Mathiolus se milites expertum fuisse tanta virtute polere, ut quatuor drachmarum pondere pota, vel per se, vel cum pari quantitate vini odoriferi, alteriusve stillatitii cordialis liquoris, illos qui à quocunque venenato animali demorsus sunt, & jam vocem, visum, & reliquos sensus amisissent, instar miraculi, quasi à longo somno exciter.

Paracelsus, lib. de peste ad Sterz. sequen-

quentem infusionem valde celebrat:

*℞. Vini sublimati rectificati mensuram*

*unam,*

*theriaca opt. uno. vj.*

*myrrha, unc. ij.*

*radic. suffraginis, unc. iij.*

*spermatis ceti,*

*terra sigillata, ana unc. f.*

*rad. asclepiadis, unc. j.*

*dictamni albi,*

*pimpinelle,*

*valeriana, ana drach. ij.*

*camphora, drach. j.*

*Mista omnia in purum vitrum conciantur, ac in ipso bene obturato ad Solem fiant per octiduum.*

Hanc aquam jubet exhibere quantitate dimidii vel integri cochlearis, pro ratione ægri, & sudorem expectare. Illius etiam virtutes augeri dicit, si tartarum bonum purumque subtiliter tritum, per alembicum vitreum bis distil- letur, & hujus aquæ dimidia quantitas priori aquæ affundatur, simulque probe misceantur.

Nonnulli hoc decoctum magni faciunt, cujus etiam nos felices aliquot successus in peste vidimus:

*℞. Radicum calendule,*

*belenii,*

*sol. ruthæ,*

*napæthæ,*

*nasurtii aquatici, ana unc. j. f.*

*rad. aristolochiæ subacæ, unc. j.*

*oculorum cancri unc. j. f.*

*aceti vini lib. viij.*

*Coquantur ad media partis consumptionem: adde colatura, theriaca unc. j. f. misceantur. Datur bonus haustus, & sudes agor ante somnum.*

**XIX.** Similia extracta variis modis confici, & aliis additis efficaciora reddi possunt: aut,

*℞. Rad. petasitidis,*

*dictamni,*

*zedaira,*

*angelica,*

*carlina, ana unc. j.*

*belenii, drach. x.*

*cortic. citri, unc. j.*

*aurantiorum, unc. f.*

*herb. ruthæ,*

*scordii,*

*dictamni,*

*cardui bened. ana M. j.*

*baccarum lauri, drach. iij.*

*juniperi, unc. j. f.*

*sem. cardui ben.*

*citri, ana drach. ij.*

*Spiritus vini opt. q. s.*

*fiat f. art. extractio in B. M. Liqueur abstrahatur ad consistentiam mellis, cui admisceantur pulveres candiaci & antidotales, ut,*

*℞. Hujus extracti unc. iij.*

*magisterii perlarum, corallorum, ana*

*drach. j. f.*

*essentia camphoræ, & croci, ana*

*scrup. j. f.*

*florum sulphuris, scrup. iij.*

*misceantur.*

**XX.** Aceta bezoartica quilibet fere Medicus suo modo componit, prout alius hæc, alius illa ei admista magis convenire arbitratur. Multi laudant illud Matthioli:

*℞. Granorum juniperi, unc. j.*

*ruthæ,*

*scordii, ana unc. f.*

*santalii citrini,*

*rad. angelicæ,*

*valerianæ,*

*aristolochiæ,*

*zedairiæ, ana drach. j. f.*

*myrrhæ, drach. j. f.*

*Pulveriscentur grosso modo, & infundantur in aceti vini lib. iij. f.*

Schroderus in sua Pharmacopæa, tanquam maximarum virium, extollit hoc acetum bezoarticum D. D. de Spina:

*℞. Radic. enulæ camp. unc. ij.*

*angelicæ,*

*Rad.*

*Rad. ostruthi,*  
*valeriana,*  
*vincetoxici,*  
*cholidonia,*  
*pimpinella, ana drach. vj.*  
*gentiana,*  
*dictamni albi,*  
*aristolochia rotunda,*  
*tormentilla,*  
*scabiosa,*  
*succisa,*  
*petasitidis,*  
*zedoaria, ana unc. f.*

*baccar. juniperi, M. iij.*

*myrrha electa, unc. f.*

*sol. rutha,*

*cholidonia majoris,*

*scordii,*

*cardui bened.*

*chamedrys, ana M. ij.*

*Incisis & contusis affunde, aceti vini*  
*acerrimi lib. viij.*

*spiritus vini, lib. iij.*

*theriaca Androm. unc. ij.*

*spiritus tartari, unc. f.*

*camphora, drach. ij.*

*Digerantur per dies aliquot, deinde ex-*  
*primantur, silebunturque per chartam.*

Ab hoc aceto non multum differt se-  
 quens acetum prophylacticum Iohan-  
 nis Ernesti, ab ipso, *tract. de Oleis*, sic  
 descriptum:

*R. Rad. angelica,*  
*imperatoria,*  
*pimpinella,*  
*vincetoxici,*  
*valeriana,*  
*dictamni,*  
*petasitidis,*  
*zedoaria,*  
*tormentilla,*  
*gentiane, ana unc. j.*  
*baccar. juniperi, M. ij.*  
*sol. rutha, M. iij.*  
*sem. citri,*  
*netosa,*

*cortic. citri, ana drach. vj.*  
*theriaca Androm. unc. j. f.*  
*florum sulphuris, drach. iij.*  
*ossis de corde corvi, drach. f.*  
*myrrha, drach. iij.*  
*spiritus vini opt. lib. ij.*  
*aceti distillati, lib. vj.*  
*spiritus vitrioli, drach. j.*

*Digerantur loco calido & ferventur ad*  
*usum.*

Guilhelmus Magistrius refert empiri-  
 cum quendam ipsi familiarem, hoc po-  
 tu innumeros à peste aliisque febribus  
 liberasse:

*R. Micam unius panis tritici, recentem*  
*de furno extractam, & aceto acerrimo*  
*intinctam, ac omnino mudentem alem-*  
*bico ad distillandum impone. Istius*  
*liquoris stillatitii exhibebat unc. iij.*  
*& stragulis bene cooperitis sudare facie-*  
*bat, idque tribus matutinis reiterabat.*

XXI. Acetum in pestis curatione  
 plurimum valere, multoties observavi-  
 mus: imò varios novimus qui peste  
 correpti, bonum haustum aceti vini for-  
 tissimi, cum pauxillo salis communis,  
 in ipso principio bibentes, ilico in co-  
 piolissimum sudorem profusi, atque ab  
 imminente periculo citissime liberati  
 fuerunt. Forestus, *lib. 6. in schol.*  
*observat.* 19. scribit, Nosocomii Chi-  
 rurgum tunc temporis theriacam cum  
 aceto sambucino, pro liberante & su-  
 dorifero medicamento, pestiferis om-  
 nibus ex æquo statim dedisse. Neque  
 id male, quia Acetum, inquit Lev. Lem-  
 nius, 2. *Occult. cap. 36. venenis resistit, ac*  
*pestilentiis morbi contagia repellit, dissipat*  
*vitisum aërem; & si quid in corpus haustum*  
*est, humores insici ac putrescere prohibet.*  
*De aceto plura diximus lib. 2. cap. 5.*  
*annot. 7. & cap. 10. annot. 16.*

XXII. Non possum non his co-  
 rollarii loco subungere Guilhelmi Ma-  
 gistri secretum, quod in *Isagoge Therapeut.*  
*scilicet. 2.* his verbis describit: Neque etiam  
 præ-

preterire velut, quod certo scio omnibus adhuc intactum, nescio an incognitum fuisse, experientiam quam de bufone habeo, qui si è collo hominis in fasculo lineo rarus suspendatur, hominem peste contaminatum paucis horis liberat. Paracelsus, de pestil. tract. I. non de solo bufone, sed etiam de plurimis aliis idem asserit. Rana, inquit, bufo, tinca, anguilla, murena, passer, gallus, pavo, cornix, corvus, pestiferum venenum ex homine extrahunt & eliciunt. Quæ enim conditio ac natura digestionis in

animali est, quod venena digerit in materiam non venenatam; per eandem naturam eandem quoque materiam idem animal, seu virum, seu mortuum sit, per integram hominis cutem exsugis & extrahit. Videtis enim merulam araneam & venenosos vermes digerere, velut & gallinam gallumque; & in aquis luctum & ciconiam, cum aliis animalibus pluribus: & cur hæc vobis non exemplo & documento sunt, quod hæc animalia conceptum venenum ab homine proleciunt & extrahant?

## CAP. VI. De Curationis methodo.

Curationem peste laborantium sequenti modo instituimus: Cubicula, in quibus decumbebant ægroti, nitida servari, & primis tribus quatuorve diebus diligenter (1.) clausa teneri (ne ab aëris frigidioris introitu obstiparentur corporis pori) iussimus; nisi forte enormis vomitus vel diarrhœa morbo conjungeretur, tunc enim ægro bene contento, ad maximi fœtoris dissipationem, fenestram aliquam, Septentrionem vel Orientem versus spectantem, per horæ quadrantem semel aut bis de die aperire necesse erat. Præterea tempore hyberno & frigidiore ignem continuum luculentum in cubiculis illis accendi curavimus: tempore minus frigido non tam magnum; æstate verò & aëre fervido existente, nullum; tuncque potius rosas, folia nymphææ, pimpenellæ, falicis, pampinos, aliasque herbas refrigerantes, aceto vel oxycrato gelido immerfas, per cubicula sparsimus. Ad hæc, ter quaterve de die aërem suffumigiis alteravimus, de quibus sat dictum lib. 2. cap. 5. Interea dum hæc fiebant, statim (2.) ægris (quocunque tempore advocati essemus, sive in ipso morbi principio, sive secunda tertiave die) potiunculam sudoriferam (3.) exhibuimus, iisque bene stragulis contextis, sudores copiosos per duas, tres, pluresve horas (habita semper virium (4.) ratione) promovimus; qui si difficiliter prodirent, arenam calefactam siccam lineis saccis infusam (5.) pedibus, axillis, & inguinibus apposuimus. Si primum medicamentum vomitu rejicerent ægri, idem statim secundo, & urgente necessitate, etiam tertio repetitum fuit. Peracto sudore, sub ipso quidem tegmine cum mappa calefacta ipsis ægris sudores aliquantum detergere, sed indusia (6.) reliquaque linteamina vix ante diem septimum renovari permisimus. Si verò fœtorem sudoris (quem nulli ægro novisse vidimus, ut dictum lib. 2. cap. 3. annot. 6.) molestè ferrent, in-

F f

indusia

dusia sordida, quæ ab aliis quibusdam, à sanis, vel ab ipsis ægris ante morbum, gestata fuerant, induebantur; idemque etiam fiebat de reliquis lintheaminibus: unicè cavendo ne recenter lota, aut quæ diu in arcis vel ciſtis concluſa fuerant, darentur. Si à primo ſudore non levantur ægri, ſed febris reliquæ ſymptomata increſcerent, poſt paucas horas exhibito rurfus (7.) alexipharmaco hydrotico, ſudor de novo repetebatur. Interea grata aliquæ antidotales miſturæ, ad virium corroboracionem, & julebi reſiſtentes malignitati, pro ſedanda ſiti, porrigebantur. Si poſt ſecundum ſudorem febris cum aliis ſymptomatibus adhuc increſceret, nec quidquam levantur ægri, peſſimum erat indicium; ſicut è contra poſt primum vel ſecundum ſudorem allevari ægros & imminui ſymptomata, magnam ſalutis ſpem dabat. Poſt decem vel duodecim horas, & ſequentibus diebus adhuc quater vel quinquies (pro ut neceſſitas exigere videbatur) ſudoriſera reïteravimus. Intermediis autem horis varia antidota ad veneni violentiam extinguentiam, ut & condita corroborantia ac putredini reſiſtentia, vel apozemata convenientia, aliaque quæ malignitatem à centro ad peripheriam quoque pellebant, nec non cibos quosdam liquidos facilis digeſtionis, & antidotali condimentorum qualitate alteratos, exhibuimus. Symptomatum quoque morbo conjunctorum diligentem rationem habuimus, de quibus in ſequentibus dicemus. (8.)

## A N N O T A T I O N E S.

I. **M**ulti præclari Medici tempore peſtis cubiculum lucidum & bene perſtatum requirunt, cujus fenestræ Septentrionem vel Orientem ſpectent, quas paulo poſt Solis exortum, & ante ejuſdem occaſum aperiri jubent, ut perſtatione aëris liberioris ac purioris, cubiculi nidoſes expurgentur. Verum, ſicut huiusmodi cubiculum maximè laudandum eſt in præſervatione ſanorum, ita minimè probandum eſt in curatione ægrotorum, (iis exceptis, quorum peſſimi halitus & plurimorum excrementorum fætores, aëris perſtationem neceſſariò exigunt) utpote in qua, præcipuè duobus vel tribus primis diebus, cubicula clauſa & repida ſervare præſtat: nam hac ratione corporis ſpiracula laxa & patentia ſervantur, atque ita malignæ perniciæ,

per ſudores & inſenſibilem tranſpirationem commodior exitus datur.

II. Dico, me ſtatim exhibuiſſe ſudoriſerum, id eſt, quam citiſſimè fieri potuit: nam in hoc morbo curationis occaſionem amittit, qui remediis uſum differt: occaſio enim præceps, & hic cunctari, eſt ægrum in grave periculum, aut mortem, præcipitare. Hinc etiam Celfus, lib. 3. cap. 7. inquit: *Quo celerius ejuſmodi tempeſtates corripiunt, eo maturius auxilia, etiam cum quadam temeritate, rapienda ſunt.* Ratio eſt, quia citiſſimè augetur hic morbus, & niſi in ipſo principio ſupperia ſerantur, ſæpe fit ut propter ſummam virium dejectionem poſtea magnis & præcipuis remediis locus non ſit.

III. Sudores in pernicioſiſſimo hoc morbo alexiteriis provocatos, citiſſimum



mum & omnium præstantissimum auxilium adferre, multorum seculorum experientia plus satis edocuit. Huic tamen Thomas Minadox, alique nonnulli se opponere non erubescunt, dum sudorifera in principio non convenire docent, præcipue si febris adsit. 1. Quia Hippocrates, Galenus, alique veteres, studiosissimè monent ne quidquam moveatur ante coctionem. 2. Quia sudores, in febrium principio medicamentis excitati, corpus nimis exsiccant, spiritus dissipant, vires deijciunt, ardores alique symptomata exasperant. 3. Quia materia morborifica ante coctionem excludi nequit. 4. Quia pleraque sudorifera nimis calida existunt. Ad has distortas rationes breviter respondendum, cruda non esse movenda in febribus putridis, aliisque morbis ex putredine vel corruptione humorum, aut viarum obstructione ortis, nisi (ut *x. aphorif.* 22. addit Hippocrates) materia turgeat, tunc enim in ipso principio cruda movere licet: eos verò qui in talibus morbis, non turgente materia, in principio cruda movent, imprimis per sudores aut purgationes, symptomata omnia exasperare, nec ipsam materiam morborificam expellere posse, concedimus. Verum hæ rationes locum non habent in morbis qui à venenis inducuntur, ut nec in vera peste, cujus causa non consistit in obstructione, vel humorum putredine, sed in venenata ac pernicioſa labe cordi & spiritibus maxime impressa: quæ labe cruda dici nequit, quia nullam unquam coctionem admittit: crudum enim dicitur de iis tantum quæ coctionem recipere apta sunt. Si verò pesti humorum putredo fortè adjungatur, illa tantum est secundaria, non autem primaria morbi causa; quod ex eo liquet, quia multos pestis citissimè invadit absque humorum putredine, &

quæ putredo etiam in nonnullis ægris vix ulla toto morbi decursu apparet, ut indicio sunt urinæ coctæ sanorum urinis similes, & calor minimè mordax. Cum itaque neque obstructio, neque humorum putredo, sed maligna venenata labe pestis causa existat, ejusdem curationem non protrahendam, frustra expectando coctionem, sed, ut naturæ, dum vires habet, citissimè suppetiæ ferantur, ilico incipiendam esse, ipsa ratio docet. Nam illud venenum cum nullam admittat coctionem, quo citius, eò melius expellitur, dummodo illa expulsio fiat per vias lege naturæ commodas: atqui natura in tumoribus, anthracibus, & spontaneis sudoribus, monstrat materiam morborificam à centro ad peripheriam esse pellendam; ergo cum hæc illic salubriter vergat, ipsam ducem sequi, & per talia sudorifera quæ venenatæ malignitati resistunt, damnosissimam labem quam citissimè foras expellere oportet: nam talia sudorifera adversus venena & venenatos morbos, imprimis autem adversus pestilentem luem, nec non malignam humorum putredinem, summopere conducere, non nostra duntaxat, verum etiam tot seculorum experientia hætenus comprobavit; ut hac de re nullum dubium superesse possit. Non est etiam quod sudoriferorum calor multum metuetur, nam præterquam quod multa sint quæ nullo calore eximio excellunt, etiam ipsa calidiora frigidis admixtis temperari possunt. Verum hic aliquis objiciat, propterea non convenire sudorifera, quia experientia constat omnes pestiferos per illa non sanari. Respondeo: primò, morbum hunc in ipsissimo principio curationem requirere, antequam arcis vitalis fundamenta eruantur; sæpe autem Medicos non satis tempestive advocari, vel medicamenta sat citò præparari,

haberi, aut exhiberi non posse. 2. Imaginationem peste jam correptorum & mortis metum, sæpius tantam spirituum & humorum perturbationem inducere, ut nulla naturalia subsidia prodessent queant. 3. Latere in hoc morbo aliquid divini, quod Deo sic volente, sæpe omnium medicamentorum naturalium vim illudit, atque propterea non esse in Medico semper relevetur ut æger: nam,

*Ni Deus adfuerit, viresque insuderit  
herbis,*

*Quid, rogo, distaminus, quid panacea ju-  
venit?*

4. Sudorifera alexicaca & antidota aliis medicamentis tamen esse præferenda; quia certum, & longâ experientiâ infinitisque exemplis comprobatum est, cum aliis paucissimos, aut fere nullos, cum illis plurimos felicissimè curatos & sanatos fuisse.

IV. Hoc unice cavendum, ne per sudores omnino prosternantur ægri vires: fortius quidem & sæpius in hoc morbo promovendi sunt sudores, sed tamen habita semper virium ratione. Hunc in finem, & inter sudandum, & tempore quietis, ægri sæpius reficiendi sunt cardiacis non ingratis, corroborandi, & simul malignitati resistendi viri habentibus, ut:

*R. Aquæ melissæ,*

*cardui ben.*

*vini Rhenani, ana unc. iiij.*

*confectionis alchermes sine moscho,*

*de hyacintho, ana scrup. ij. f.*

*aque cinnamomi drach. vj.*

*sympi morellorum, unc. j. f.*

*olei vitrioli q. f.*

*misce, fiat juleb.*

*R. Corticum aurantium condit.*

*myrtæ cydoniorum,*

*rob de ribesii rubr. ana drach. v.*

*pulveris liberantis drach. j.*

*magisterii perlarum,*

*confect. de hyacintho, ana scrup. ij.*

*sympi limonum q. f.*

*fiat conditum.*

Alia quædam similia præscribuntur sequenti cap. 9.

V. Cum ægri ad sudorem componuntur, jubet Petrus Paschalis, ut panis recens è furno extractus, & adhuc calens, aliquantum excavetur, & drachmis duabus theriacæ impositis umbilico imponatur: hoc ait venenum elicere, & sudores movere. Illud ipsum etiam laudat Ioannes Morellus. Alii, ut ægri melius & commodius sudare queant, summo opere laudant præmissas corporis frictions cum linteis asperis, & præcipue si in toto corpore fiant cum hoc linimento Actii:

*R. Olei sabinæ,*

*aque fontis, ana unc. iiij.*

*salis nitri, drach. ij.*

*bulliant ad aquæ consumptionem.*

Manibus hoc oleo inunctis totum corpus calidè perfricetur. Hoc linimentum cutis poros aperire prædicant, ut natura venenatos vapores commodius per illos exspirare queat. Baptista Montanus & Hercules Saxonia, loco olei sabinæ, quod calidius est, substituunt oleum amygdalarum dulcium vel chamæmelinum. Nobis tamen hic apparatus in vehementissimi incrementi morbo nimis longus & periculosus videtur; & Georgius Melichius, comm. de Medic. componend. rat. scribit, tales frictions in Andrea Marino, febre pestilenti correpto, infelicitissimè & cum morte ægri factas fuisse. Alii, ut sudores melius profluant, saniore consilio, pedes, inguina, axillas, & latera, cum spongii sequenti decocto intinctis, foveant:

*R. Radic. angelicæ,*

*gentianæ, ana unc. ij.*

*folior. besonicæ,*

*majoranæ,*

*folior.*

*folior. scabiosa ,  
 scordii,  
 melissa, ana M. j.  
 centaurei minoris,  
 cardui bened. ana M. j. f.*

*florum anethi,  
 chamomilla,  
 meliloti,  
 stachados,  
 calendula, ana M. j.*

*baccarum lauri,  
 juniperi,  
 sem. cardui bened. ana unc. j.*

*fiat decoctio in aqua communi, addendo  
 sub finem parum vini albi.*

V I. Platerus, multique insignes Medici, volunt ut indusia aliaque lineamenta sæpius permutentur; quam permutationem nos maximè noxiam fuisse observavimus: de qua pluribus egimus lib. 2, cap. 3, annot. 6.

V II. Si à primo sudore non levetur æger, propterea statim desistendum non est, neque etiam cunctandum, sed rursus ad antidota confugiendum, eaque sæpius & majore quantitate exhibenda sunt, usque dum inde levamen percipiatur. Hoc ipsum, de theriaca & mithridatio agens, Galenus, lib. 1. de antid. asserit his verbis: *Mithridatica antidotus, itemque theriaca, non eam vim habent post venena accepta, quam ante sumpta habuissent: nam porrio antidoti quæ prius semel hausta suum à morte quempiam præstisset, ea venenum subsequuta, nisi ad quadruplum quintuplumve aucta, non juvabit; neque id semel tantum, sed bis singulis diebus hausta faciet.*

V III. Non possum non his etiam adungere inauditum quendam & alienissimum medendi modum, quo Sacerdos quidam Sylæducentis fere omnes peste correptos sanare dicebatur. Primum hujusmodi pulverem componebat sine ullo ordine: 82. nuces moscatas integras & bonas, n<sup>o</sup>. iiij, radicum ange-

licæ, galangæ, aristolochiæ fabacæ, ana duodecim frusta magnitudinis articuli digiti (nullum pondus nominabat) pulveriscentur simul: huic pulveri adde facilis communis assati, M. iiij. butyri veteris assati, olei raparum, aceti vini fortissimi, ana lib. f. theriacæ unc. f. cerevisiæ veteris optimæ lib. iiij. Hæc omnia misceantur & simul calefiant, fiatque potus pro quatuor dosibus, quarum unica unus æger tantum opus habet; (profectò nos ægrotis nostris vix haustum trium unciarum exhibere poteramus, nedum potum adeo ingratum & tantæ quantitatis.) Cum aliquis se peste infectum sentiret, huic talem dosim exhibebat, utque melius retineretur, scrobiculo gutturis ovum aliquamdiu imponebat. Ægrum autem oportebat hunc haustum stando assumere, & si solus stare non posset, à duobus viris robustis sustinebatur: deinde apponebatur luculento igni, è lignis quercinis exstructo, atque ibi sudabat, & cum linteis à corde, decorsum versus, duriter, quantum ferre poterat, fricabatur, quacunque diei vel noctis hora foret, eodem redibat. Cum sudor jam copiosus prorumpere inciperet, offerebatur ægro aquæ frigidæ quantum bibere posset, imò etiam invitus eandem bibere cogebatur, atque ita interdum sex, interdum octo pluresve aquæ cantharos, interdum situlam plenam ægro infundebat, donec rursus evomeret: qui adstant sibi bene cavere debebant ab eo quod evomebatur, ne illud continerent, eoque inficerentur. Cum bene evomisset æger, rursus aqua porrigebatur, ut ante. Post secundum tertiumve aquæ vomitum, cerevisia optima calefacta, cui butyrum assatum immixtum erat, dabatur. Atque ita stans sustinebatur æger ante magnum ignem, adeo calidum ac ferre posset, in continuo sudore, sine ullo somno. Postea sudor

Ff 3 linteis

linteis calefactis abstergebatur, sed indusum non permutabatur. Prohibebat quoque ægris usum panis albi, ut & sacchari, quod calore fursum pellere aiebat. Post hunc exhibitum potum, cutem in femore, sub glandula inguinali (sive tumor adesset, sive non) acuta perforabat, eandemque novacula super cutem discindebat: postea radice hellebori nigri sylvestris (helleborastrum vocamus) recenter effossam per medium conscindebat, atque illud quod in medio album erat, inde extrahabat, atque vulneri imponebat, superponendo folium brassicæ rubræ butyro recenti inunctum. Hinc brevi tempore cum acerrimo dolore magnus tumor excitabatur, circumcirca lividus, cui circulo livido imponebat medullam junci, quam dicebat cutem perdere: atque ita carbo excidere, & æger sanari debebat. (Talem curationem per helleborum nigrum etiam Angelus Sala maximi facit, eaque sola pestem curari posse, credit: qua de re dicemus infra, cap. 12. annot. 3.) Hunc Sacrificulum in magna quadam peste Sylvæducis seu Buscoduci mirabilia peregrisse, plurimorum testimoniis affirmabatur. Idem ille, durante hac nostra peste, Noviomagus venit, atque extra civitatem in diversorio ante portam Gallinaceam (cum propter religionis ecclesiasticam munus urbem intrare ipsi non liceret) per aliquot dies commoratus fuit, ibique varios peste infectos, qui ad ipsum venerunt, persanasse dicitur, idque cum maxima creduli & ignari vulgi admiratione, nec minus cum mea, propterea quod primo exhiberet ægris potum, quem ne equus quidem assumere potuisset; deinde situlam plenam, imò nonnullis plus, aquæ frigidæ putealis bibendum daret, eamque etiam invitis infunderet, & illa rejecta iterum novam, & tandem ad-

huc cerevisiam cum butyro offerret, atque ita vomitum aliquoties irritaret: nec non insuper crudelissimis doloribus per helleborum inductis, ægros mirum in modum excruciet. Profectò ego in tota hac peste nunquam habui ægros adeo fortes ac patientes, qui tanto certamini se exponere voluissent; imò plurimi ob luminum debilitatem, quæ pestis comes existit, id ferre non potuissent. Illum tamen fere omnes sanare, & vix centesimum suorum ægrorum mori aiebant. Attamen Medicinæ planè ignarus erat, neque de constitutione hominis, neque de viribus suorum medicamentorum, neque de suo curandi modo, ullam rationem reddere poterat, ut ipsemet confitebatur. Pontificii, quibus facilis est superstitio, hanc scientiam ipsi divinitus datam esse asserebant, ejusque operationes valde admirabantur, vitam ejus non inspicientes, quæ satis profana, dissoluta & impia erat. Verum solent plerumque scioli & rudes hujusmodi erroneos majorem apud multos, imprimis plebejos, fidem mereri, quam alii doctissimi Medici; & si fortè sex vel octo ægros casu sanent, illud à vulgo tanquam magnum miraculum annotatur & proclamatur: at si ducentos alios suâ ignorantia occidant, illos errores prætereunt & terra contegunt. Illud etiam huic Sacrificio contigisse comperi; non paucos tantum robustissimos viros, à veneno pestilenti minus graviter afflictos, ab illo sanatos esse; plurimos autem alios discessisse incuratos, & mortuos fuisse, novimus, quorum mortem eo excusabat, quod nimis serò ad ipsum venissent. E contrario autem se res habere solet cum Medicis, qui si aliquem ægrum à morbo periculoso liberent, illud fatò adscribitur, quia (inquiunt vulgò) hora ejus nondum venerat: si verò aliquis æger fatalem diem attigerit,

rit, & mortuus fuerit, illud Medico & adhibito remedio imputatur. Prædictum medicamentum Sacrificulus ille, tanquam magnum secretum, celavit, nec ulli patefacere voluit: attamen è monasterio quodam Buscoducensi (cui illud pro magno secreto, divinitus ipsi dato, communicaverat, & scripto, tanquam testamentum, in perpetuam sui memoriam dedicaverat) illud nobis à singulari amico communicatum fuit. Verum ego omnibus auctor esse velim, ut sibi diligenter caveant ab hujusmodi ineptissimis impostoribus, inter quos

(proh dolor) multi sacrificuli, monachi, alique religiosi appellati, etiam inveniuntur, qui ad tantam avaritiam & superbiam pervenerunt, ut licet Medicinæ maxime sint ignari, quidvis tamen tentare non erubescant, quo nummos & nomen sibi comparent; atque ita sæpe in perniciem hominum hoc illudve medicamentum, tanquam divina inspiratione datum, maxime commendant, & magno divendunt, cujus infelices effectus postea hoc uno demulcent: *Sic erat in factis.*

C A P. V I I. *De symptomatum pesti conjunctorum,  
& primò de Febris curatione.*

**Q**Uemadmodum magni Tyranni magno exitioso famulitio stipati procedunt, ita etiam magnus hic morbus multis diris & horrendis symptomatis comitatus, humani corporis penetralia subire consuevit, quorum in curatione sæpe non minor quam primarii morbi habenda est ratio: nam qui symptomatis planè neglectis, ipsam pestem, horum dominam ac ducem, evincere atque expellere nititur, illud ipsi facile eveniet quod civibus, qui magnum atque insensum Tyrannum, neglecto ejus comitatu, interimere atque extra urbem ejicere conantur, quem antequam evincere possint, à famulitio ejus tota urbs undique flagranti incendio comburitur. Quapropter in curatione pestis non minus particularibus remediis adversus principalia & vehementiora symptomata, quam contra causam malignam pugnandum est. Inter symptomata autem quæ pestem comitantur, communissimum est febris maligna pestilens, quæ, ut plurimum, gravis & periculosa existit. Hanc nos, durante hac constitutione, eodem fere modo, sicut ipsam pestem, tractavimus, & (1.) sudorifera atque antidota ad illius curationem maxime profuisse, observavimus, dummodo abstinere à calidioribus, vel, si iisdem uti placeret, aliâ frigida, ut acetum, succum citri, &c. admisceremus. Purgationes autem & venæsectiones (2.) ad hujus febris curationem maxime noxias fuisse animadvertimus; imò paucissimos, qui vel alterutram, vel utramque administrassent, evasisse, sed fere omnes, superveniente magno alvi profluvio & cordis summa anxietate, viriumque extrema dejectione, extinctos fuisse notavimus.

## A N N O T A T I O N E S .

I. **F**ebbris hæc, quia malignam humorum putredinem, à veneno pestilenti inductam, sequebatur, duos curationis scopos exigebat. Primum, veneni pestilentis (à quo maligna illa putredo oriebatur) extinctionem: secundum, ipsius putredinis sublationem. Vtrique autem scopo satisfiebat per antidota & sudorifera, utpote quæ

veneno pestilenti simul, & omni putredini potenter resistebant.

II. Quare medicamenta purgantia & venæsectiones in hujus pestilentis febris curatione non conveniant, docuimus lib. 2, cap. 8, annot. 1. & cap. 9, annot. 1, 2, 3. & hujus lib. cap. 3, annot. 1. & cap. 4, annot. 1, 2, 3, 4, 5.

C A P. V I I I. *De curatione capitis doloris, delirii, vigiliarum, & nimii soporis.*

**Æ**Gri peste correpti sæpe de magnis capitis doloribus conquerebantur, ad quorum curationem paucissima remedia peculiaria adhibuimus, utpote qui exhibitis sudoriferis & antidotis, ante quartum vel septimum diem paulatim spontè evanescebant. Si tamen necessitas ad aliquid faciendum impelleret, tunc sola topica aliquantum anodyna præscriptissimum, ex unguento alabastrino & populeo, cum pauxillo olei nucis moscatæ confecta, quibus interdum croci, interdum camphoræ nonnihil admiscebatur. Interdum tale frontale capiti adhibuimus:

℞. *Conservæ rosarum rubr. unguenti alabastrini, populi, ana drach. iij. olei nucis moscatæ expressi scrup. j. f. croci scrup. f. vel scrup. j. misceantur, & excipiantur stupa.*

Interdum etiam suppedanea (1.) revulsoria pedibus applicavimus, imprimis si facies insigni rubore excandesceret.

℞. *Foliorum petasidis, ruthe, ana M. j. contundantur minutim in mortario, addendo stercoris columbini, fermenti panis acidi, ana unc. j. f. salis communis, drach. iij. aceti rosacei vel sambucini, q. s. Fias suppedaneum.*

His & similibus etiam in deliriis usi sumus, neque in hoc illove affectu amygdalata exhibuimus, (quæ tamen à Medicis laudari solent) quia experientia nos edocuit, amygdalata pestiferis exhibita, (sive in deliriis, sive in capitis doloribus, vigiliis, diarrhœa, aliave quacunque occasione,) non tantum non profuisse, sed semper plurimum nocuisse; nam in ventriculis ægrorum statim corrumpebantur, atque ita febris alimentum fiebant, subsequenter etiam molestissimis vomitionibus, anxietatibus, aliisque gravibus symptomatibus. Neque etiam oxÿrrhodina, (2.) aliæque frigida capiti admovimus, quia hæc causam mali tunicis cerebri firmius

firmius affigebant, & talium usum plurimis infelicitè cessisse animadvertimus. Si planè dormire non possent ægri, & continuis vigiliis (3.) torquerentur, solummodo tempora inunximus oleo nucis molcatæ expresso, vel unguento alabastrino, populeo, aliove simili: medicamentis autem soporiferis per os exhibitis somnum numquam provocavimus. Si in ipso morbi principio ad somnum (4.) nimis proclives essent ægri, (quod admodum familiare erat) illos prima die à somno studiosissime prohibuimus, usque dum alexipharmaco assumpto prius bene sudassent. Quapropter ut adstantes ipsos perpetuo alloquerentur, contrectarent, & commoverent, sicque vigiles detinerent, iussimus. Sequentibus autem tribus quatuorve diebus parciorem tantum somnum trium quatuorve horarum permisimus, eumque non nisi præassumpto antidoto capesci voluimus.

## A N N O T A T I O N E S.

I. S Vppedanea materiam morbificam deorsum revellendo, aliquantum prodesse, & rudè adhiberi poterant. Quibus etiam Forestus scribit suo tempore usum fuisse nosocomii chirurgum, qui tantummodo finum columbinum cum aceto sambucino subactum, in folio caulis pedibus supponebat; atque illud remedium plus profuisse refert, quam columbas, aut gallinas nigras dissectas, aliave quæ pedibus supponi solent. Crato summo-pere laudat cataplasma ex raphanis: *Raphanus*, inquit, quia magnam vim habet attrahendi malignitatem materia, utile est scobem ejus pedibus, sale & aceto primo mundatis, alligare. Alii raphanum cum rutha, sale, & aceto contundunt, atque ita pedum plantis supponunt. Riverius in febre pestilenti magis laudat hoc cataplasma:

℞. *Rafura raphani*,  
bryonia, ana unc. ij.  
sem. nasturtii hortensis, unc. j.  
granorum paradisi, unc. s.  
salis marini drach. iij.

Missa, irrorentur aceto fortissimo, & excipiantur sufficiente quantitate saponis liquidi, fiat veluti cataplasma, appli-

candum plantis pedum cum stupra calida, hora somni.

II. Paucissima topica capiti adhibuimus, propterea quod quorumcumque usus in venenato hoc morbo non omnino tutus esset: interdum quæ adhibuimus aliquantum, sæpe nihil proderant, multoties nocebant. Omnino evitavimus oxycratum, oxyrrhodinum, aliaque frigida, utpote quæ venenatos vapores membranæ cerebri firmius affigebant: actu calida vel tepida vapores in cerebro fuscitabant, sed eos non satis discutiebant: narcotica & soporifera cerebri vires stupefaciendo debilitabant: ita ut qualiacunque topica adhiberentur, vix tamen absque periculo id fieri posset.

III. Vigiliæ in peste non magnopere metuendas esse, docuit experientia; nam molestæ quidem erant, sed earum ratione neminem se pejus habuisse, observare potuimus. Ac propterea diligenter cavendum esse arbitrati sumus, ne, secundum præscriptum Rondeletii, Plateri, Angeli Salæ, Mindereri, aliorumque, opiatis aliisque per os exhibitis medicamentis soporiferis, quamvis levioribus, somnus pro-

G g voca-

vocaretur, cum id tunc fieri in hoc morbo non posse, ratio una cum experientia doceret. Vidimus tamen natum quendam Chirurghum, unicâ experientiâ non contentum, multoties opiatâ aliisque soporiferis infelicitissimè utum fuisse.

IV. Sopor in principio pestis maxime damnosus & mali ominis erat, imprimis si eidem se committerent ægri ante antidoti sudoriferi assumptionem : nam ea ratione pestilens venenum firmitus cordi infigebatur, & sopore obruti cerebri vires fatiscabant. Contingebant autem, quia cerebrum à malignis vaporibus debilitatum tam paucos generabat spiritus animales, qui non sufficiebant ad actiones animales peragendas, atque hinc ab istorum defectu, in organis animalibus actionibus dictis quies contingebat, qui erat sopor. Ad hæc debilitatum cerebrum se multo debilius movebat, sicque per consequens etiam spiritus multo minus agitabat & propellebat, hincque dictorum organorum actiones etiam lentæ & graviter procedebant. Quapropter nos, ut spiritus animales melius agerentur ac moverentur, sopores omni modo impedivimus, ne per admissam quietem tandem omnino immobiles sisterentur spiritus. Ad soporem impediendum multi varia præscribunt topica. Alii acetum solum : alii acetum camphoratum naribus odorandum obijciunt : alii in eodem angelicam, zeduarum, baccas lauri, betonicam, rosinarinum, rutham, castoreum, & similia coquunt, tuncque illud naribus admovent, eodemque etiam tempora

fricant. Paracellus, *lib. de pest. ad Steriz.* hoc sequens commendat :

*℞. Betonica,  
majorana,  
salvia,  
rosarium sylvestrium,  
florum sambuci, ana M. j.  
vini,  
aceti rosacei, ana part. æq.*

*Coquantur aliquantum, postea herba exprimantur, & calide capiti imponantur.* Hoc remedio dicit Paracellus somnum lethiferum mitescere & naturalem fieri, dummodo sæpius reiteretur, & herbæ frigefactæ eidem liquori calido immittantur, identidem rursus calefiant. Alii linimenta quædam ex oleis stillatitils, succini, ruthæ, majoranæ, rosmarini, & similibus faciunt. Verum totus hic labor non admodum necessarius, saltem ad curationem soporis non primarius videtur ; nam sublata causa soporis, nempe vaporibus malignis ad cerebrum ascendentibus, tollitur effectus : illa autem per sola topica auferri nequit. Vno modo optimè aufertur, nempe per antidota sudorifera exhibita, quæ malignitatem non tantum coërcent, sed noxios vapores etiam à nobilioribus visceribus optimè divertunt, atque per cutis spiracula expellunt & discutiunt. Quapropter his præcipuè toties & tam diu utendum est, quousque hunc adscensum malignorum vaporum ad cerebrum cessare, effectus demonstrabit. Si interim prædicta quoque topica adhibere quis velit, non malè id fiet, dummodo ab iis solis sanatio non expectetur.



CAP. IX. *De curatione anxietatis, debilitatis, vomitus, lingua siccitatis, & singultus.*

**I**N hac peste summa debilitas & anxietas sudoriferorum medicamentorum assumptionem, & enormis vomitus (1.) eorumdem retentionem sæpe omnino impediēbat, ita ut vix cochleare unum medicamenti necessarii paulo ingratoris exhiberi & retineri posset. His malis præcipuè duobus tribulve remediis obviam ivimus, quæ ad anxietatem, virium debilitatem, (2.) & vomitum (3.) miraculose profuerunt. Primum erat hæc mixtura, de qua sæpius de die cochleare unum exhibuimus:

℞. *Conserve rosarum rubrarum, unc. j. l. diaſcordii Fracaſtorii, drach. iij. vel iiij. aque noſtræ theriacalis, unc. iiij. ſucci limonum recentis, aque cinnamomi, ana unc. j. l. miſceantur ſimul, & ſtem per horam unam aut alteram: deinde per linteum colentur. Adde colaturæ, conſeſſionis de hyacintho ſine moſcho drach. j. miſce.*

Secundum erat hoc linimentum:

℞. *Olei nuciſ moſcatæ expreſſi, olei ſcorpionum vel laurini, theriacæ Androm. ana drach. j. olei juniperini ſcrup. l. ſuccini ſcrup. j. gariophyllorum vel cinnamomi, gnt. iij. Miſce, fiat linimentum.*

Hujus linimenti parum in cochleari tepefactum ſcrobiculo cordis ſeu ſtomachi regioni, lociſque circumvicinis ad latitudinem palmæ manus inungebatur, idque bis terve de die, ſuperponendo hanc paſtam ad ignem calefactam:

℞. *Radic. calami aromatici, nuciſ moſcatæ, ana drach. j. gariophyllorum, benzoini, ana drach. l. ſol. menthæ, drach. ij. Subtiliter pulveriſatis adde, micæ panis ſecalini unc. iij. vel iiij. aceti roſacei q. ſ. Fiat paſta molliſcula, quæ in limbo extendatur, atque ita ad ignem caleſcat, & ventriculi regioni imponatur.*

Interdum etiam talem nodulum naribus odorandum objecimus:

℞. *Corticum curi drach. iiij. cinnamomi, gariophyllorum, granorum cardamomi minoris, ana drach. j. macis ſcrup. ij. Contundantur aliquantulum, & ſine nodulus, ſequenti liquori immergendus:*

℞. *Aquæ roſarum, vini Rhenani generoſi, aceti ſambucini, vel aquæ cinnamomi, ana unc. j. miſceantur.*

Talis nodulus deficientes ſpiritus inſigniter recreabat. Præter hæc, nullo alio topico (4.) in hoc caſu uſi ſumus, cum hiſ ſolis vomitum & anxietatem

tatem ut plurimum brevissimo tempore sedari animadverteremus. His autem paucis medicamentis, licet non videantur esse magni momenti, multis multum profuimus, magnamque laudem nobis conciliavimus. Sedato vomitu sudoriferum dedimus. Si verò morbus inciperet prolongari, & magna debilitas sine vomitu adesset, ad virium restaurationem varia præscripsimus, & præter medicamenta, etiam alimenta multum corroborantia obtulimus, de quibus supra dictum *cap. 2.* Sæpe quoque apozemata antidotalia malignitati resistentia, interdum condita, aliaque, pro morbi & ægri conditione, præscripsimus. Nonnunquam in magnis ardoribus etiam suppedanea (de quibus dictum præcedente capite) pedum plantis supposuimus. Si ardor internus magnam linguæ siccitatem & nigredinem induceret, in principio hujus pestis os variis collationibus ablui curavimus; sed temporis progressu animadvertimus, solam aquam simplicem in hoc casu plus profuisse, quam omnes alias collationes, cui nonnulli acetum adjiciebant; quod etsi linguæ gratius esse videretur, illud tamen incommodi ab eo sequebatur, quod statim post ablationem longè major sitis ac linguæ siccitas succederet. Si linguæ obduceretur nigra crusta, quæ sæpe loquelam & deglutationem impediēbat, tunc multoties de die butyri (5.) recentis insulsi; in aqua simplici vel rosacea loti, frustulum magnitudinis fabæ vel parvæ avellanæ, solum, aut saccharo involutum, in ore dedimus, quo plerumque brevi tempore separata crusta à lingua decidebat, & loquela citissimè restituebatur. Si singultus morbo adjungeretur, multa huic remedia adhibere necesse non erat, nam tales ægri omnes citò moriebantur; neque ullum singultientem, medicamentis, etiam plurimis diligentissimè adhibitis, servari potuisse vidimus: ratio erat, quia causa ejus tolli non poterat, de qua vide *lib. 2. cap. 13.*

## A N N O T A T I O N E S.

I. **C**ornelius Celsus, Rondeletius, multique alii Medici, vomitum in peste judicant non esse supprimendum & sistendum, sed potius vomitoriis exhibitis continuandum, & naturam hoc modo adjuvandam esse, ut noxiam malignitatem citius & facilius excludat, secundum 1. aphorism. 21. *Quo natura vergit, eo ducere oportet.* Verum hic aphorismus non convenit huic loco, nisi altera ejus pars addatur, nempe: *Si vergas per vias lege natura commodas.* Atqui evacuatio quæ fit in peste

per vomitum, non fit per vias lege naturæ commodas, ergo per illas non est ducendum. Probatur minor, quia evacuationes per commodas vias fiunt cum levamine, sed vomitus in peste fit sine levamine, imò ut plurimum in ægrotorum perniciem. Ad hæc natura ipsa docet alio ducendum esse, nempe à centro ad peripheriam, eumque motum fieri cum levamine, docet experientia; exemplo sunt sudores, bubones, & anthraces. Dicendum ergo, vomitum vomitoriis optime sedari & curari

curari posse, cum producitur ab humorum putredine, vel acrimonia, vel copia: in peste autem vomitoria non prodesse, sed noxia esse, quia ille vomitus non oritur à talibus causis, sed potius à venenata pernicië naturæ robur dissolvente, & non in ventriculi cavitate contenta, sed cordi firmissimè affixa, quod cor ob viciniam ventriculum etiam in consensum trahens & inficiens, vomitum inducit. Cum verò per hunc vomitum, quantumvis evacuatis excrementitiis humoribus, illa maligna pernicië à corde detrahi nequeat, ex tali vomitu non modo nullum levamen, sed maxima virium dejectio sequi, & quo magis ille urget, tanto majus periculum impendere necessario debet. Quapropter citissime medicamentis suppressendus est, antequam prostratis viribus una cum excrementis ipsa quoque anima evomatur. Naturæ enim, non morbi minister debet esse Medicus: atqui cum illæ vomitiones sint symptomaticæ, fiantque non naturæ, sed morbi vi, ergo illas non magis promovere, sed in sistendo naturæ opem ferre debet. Hac de re plura videantur infra, cap. 11. annot. 1.

II. Vntzerus, lib. 3. de lue pest. cap. 10. ad syncopen & debilitatem laudat oleum seu quintam essentiam perlarum, cujus descriptionem etiam addit, & dicit, post aurum potabile, ad naturam humani corporis confortandam, nullum hactenus repertum esse elegantius ac præstantius medicamentum. Anselmus Bootius, lib. 2. de gemmis, cap. 154, scribit se, cum febre pestilenti extremè laborasset, cum crebris animi deliquiis, ac de sua salute omnes desperassent, tincturæ veræ corallorum gut. vj. assumptis, exemplo & quasi miraculosè fuisse liberatum, cordis spiritibus ita recreatis, ut ilico

quasi luce depulsis tenebris, morbi vim medicaminis efficacia abigi percepit. Mindererus, de pest. cap. 16. ad vires post promotos sudores rescindendas, magno encomio hoc sequens extollit, quo se passim felicissimè usum fuisse scribit:

Rx. Aqua rosarum odoratissima,  
acetose, ana unc. viij.  
aceti de rubo idæo,  
rosacei, ana unc. vj.  
vini albi odoriferi, lib. j.  
syrupi limonium,  
julebii rosati, ana unc. ij.  
corticum citri recentium & extimorum  
minutim incisorum, unc. j. f.

Omnia simul mixta stent in vitro, ut odorem corticis citri in se proluciant. Dosis hujus mixturæ rubella, subacida, & odorata, unc. v. vel vj.

III. Riverius, tract. 3. de febr. cap. 1. de vomitu in peste agens, sequens remedium ab experientia commendat: Huic, inquit, symptomati gravissimo statim medetur, quasi miraculo, sal absinthii ad drach. j. in succi limonium recentis cochleari uno exhibitum, ut experientiâ didici. Mindererus, de pest. cap. 17. ad cohibendum vomitum præscribit hunc forum:

Rx. Rosarum rubrarum,  
absinthii, ana M. ij.  
mentha,  
origani,  
anethi,  
balaustiorum, ana M. f.  
nardi Calice, p. j.  
granorum juniperi,  
rad. gariophyllata,  
pistochia,  
acori, ana drach. ij.  
cyperi,  
zedoaria, ana drach. j.

Incisa grosso modo, indantur duobus sacculis, qui coquantur in vini, aceti, & aqua chalybeata aquis partibus, & alternatim expressi ventriculo impenantur,

*sur, cavendo ne unquam refrigerentur.  
Vel madescat ex horum decocto sponsia,  
qua ventriculus fovetur.*

Post hunc forum aliquamdiu adhibi-  
rum, applicat hanc pultriculam :

*R. Mica panis filiginea tosta, unc. iij.  
mastichis, drach. j.  
nucis moscata,  
santali citrini,  
labdani,  
coriandri preparati,  
calami aromatici, ana scrup. j.  
macis, scrup. s.*

*Contundantur simul fortiter in mortario,  
addendo,*

*olei cydoniorum,  
rini rubelli,  
aceti rosacei, ana part. eq.*

*Retingantur in pultriculam, qua calefacta  
extendatur super pannum, & ventriculi  
regioni applicetur.*

IV. Ad virium lapsum multi com-  
mendant epithemata cordialia, ex her-  
bis aliisque simplicibus cordialibus in  
vino coctis confecta : quorum tamen  
usus nobis displicet, quia liquida &  
humida facillimè refrigerantur, eaque  
ratione plus damni quam utilitatis ad-  
ferunt.

V. Mindererus loco butyri simpli-  
cis, sumit butyri recentis aqua rosacea  
loti unc. ij. salis prunellæ drach. s. ea-  
que mista in aqua frigida servari jubet.  
Alii ad eundem usum lac dulce calens  
gargarizare jubent, quod dolorem  
lenit, inflammationem temperat, lin-  
guam & fauces humectat, & vene-  
num attrahere putatur. Alii præfe-  
runt usum feri lactis : alii lac ebutyra-  
tum acidum, alii ejusdem serum com-  
mendant.

## C A P. X. De curatione hæmorrhagiæ narium & menstruorum, nec non sputi cruenti.

**H**æmorrhagiæ qualescunque in hac nostra peste admodum pericu-  
losæ, & necessariò quam citissimè sistendæ (1.) erant. In narium  
hæmorrhagia statim topica refrigerantia & astringentia fronti &  
cervici applicavimus : petias crassas pulveribus & aquis astringentibus  
imbutas in nares immisimus : ægros, quantum fieri poterat, erectos po-  
suimus, extremitates partes fricavimus & ligavimus ; scapulis, dorso, & pe-  
dibus cucurbitulas siccas sine scarificatione imposuimus. His tamen om-  
nibus non obstantibus, sæpe sanguinis fluxus sisti (2.) non poterat, atque  
tunc in desperata re ad desperatum auxilium interdum concurrebatur,  
nempe ad venæsectionem, per quam tamen neminem servatum vidimus.  
In nimis & intempestivis menstruorum profluviiis, statim ad antidota  
astringentia, bolum Armenam, terram sigillatam, corallum rubrum, cornu  
cervi ustum, & similia concurrendum erat, quibus fluxus ille sæpe siste-  
batur, imprimis si ab ipso fluxus principio talia adhiberentur. Ad sputa  
cruenta (3.) medicamentis opus non erat, nam hæc ægros brevi occide-  
bant, nec ulla remedia huic malo inveniri poterant, cum quo unum solum  
in tota hac peste servatum novimus.

A N-

## A N N O T A T I O N E S.

**I.** **M**ulti præclari Medici existimant hæmorrhagias pesti supervenientes, esse criticas, ac propterea easdem non esse cohibendas, sed potius promovendas. Sed errant: nam bona crisis fit vi naturæ, & in salutem ægri, hæ autem hæmorrhagiæ non naturæ, sed morbi vi producuntur, & fiunt in perniciem ægri; easque in hac peste adeo perniciosas fuisse observavimus, ut si in principio non satis tempestivè sisterentur, postea nullis mediis sisti possent. Ratio erat, quia dum natura debilis per hanc perversam viam venenum pestilens, cordi & spiritibus vitalibus maximè inhærens, frustraneo conatu deponere annitebatur, boni & laudabilis sanguinis tantam quantitatem expellebat, ut simul virium, vitæ, & morbi finem faceret. Huic nostræ observationi contrariari videtur illud, quod Medici Galli scribunt anno 1568 febres pestilentes, fluente è naribus sanguine copiosissimo, eoque fere florido, magna ex parte fuisse judicatas; & ex iis quibus ad lipothymiam usque sanguis profuebat, paucos evasisse, quibus ad revulsionem vena in brachio facta fuit; eos verò, qui totum negotium naturæ committebant, & alimentis ac medicamentis cardiacis prostratas vires refarciebant, omnes fere sanatos fuisse, quamvis vehementes & graves viderentur animi defectiones. Dicimus hanc observationem non esse nostræ contrariam: nam hæ febres pestilentes, præcui dubio, ortæ fuerunt à venenata qualitate ex humorum insigni putredine vel corruptione resultante, non autem à veneno aëreo forissecus corpus intrante, à quo vera pestis inducitur, quod venenum nulla sanguinis evacuatione expelli posse, supra cap. 3. annot. 1.

fatis probavimus. Illam autem venenatam qualitatem quæ ex gravi humorum corruptione resultat, tam arte per venæsectiones, quam naturæ vi per criticas hæmorrhagias expelli, imminui, detrahi, & extinguï posse, præter rationem, etiam docet experientia. Nam venæsectiones in febribus petechialibus primum remedium & verum alexipharmacum esse, scribunt Medici; idque etiam multo usu edoctus testatur Ioannes Morellus. Nos anno 1635, in vehementissima pestilenti epidemia febre, (quæ primo Noviomagum & Geldriæ Provinciam crudelissimè infestavit, atque hinc toti fere Belgio communicata est) illud ipsum quoque manifestissimè comperti sumus: nam in his venæsectiones ter quaterve, imò quinque sexiesve repetitæ, ut & hæmorrhagiæ spontaneæ criticæ morbum optimè solvebant, qui alioquix nullis medicamentis edomari poterat. Non evertit etiam nostrum propositum historia Paræi, lib. 21. cap. 26. descripta, de Domino Fontano, Equite Torquato, qui sanguine è naribus per biduum continuum spontè copiosè effluente, à peste liberatus fuit. Nam unica hirundo non facit ver, & pluries contingit ut ab acutissimis morbis cum lethali symptomatibus unus aut alter mirabiliter evadat: præterea etiam dubitari possit, utrum ille D. Fontanus vera peste, an verò febris pestilentiali absque peste laboraverit.

**II.** Ad hæmorrhagias sive narium, sive menstriorum sistendas, maximè commendari solet lapis hæmatitis, quom in manibus detentum, donec incalcescat, sæpissimè periculosissimas hæmorrhagias, nullis aliis remediis curabiles, stitisse referunt. Alii eundem lapidem

pidem ex collo suspendunt, ut nudam cutem attingat. Retulit nobis quondam Domina de Walta, mulier fide dignissima, se habuisse lapidem hæmatitem rubrum, politum, coloris corallii rubri, magnitudinis unguis pollicis, exiguo aureo anulo circumdatum, cum quo lapide ex collo suspensio dicebat se millies desperatissimas menstruum & narium hæmorrhagias intra semi horam miraculi instar fuisse, neque unquam sefellisse eventum. Nos lapidem hæmatitem in pharmacopoliis venalem eodem modo etiam multis ex collo suspendimus, sed nunquam optatum effectum inde videre potuimus, fortè propterea quod verum lapidem non habuerimus. Anselmus Booth, lib. 2. de gemm. & lap. cap. 102, dicit jaspidem (credo lapidem Dominæ de Walta fuisse jaspidem rubri coloris) de collo suspensam, ut nudam cutem contingat, arcana quadam virtute hæmorrhagias desperatissimas fistere; idque memorabilibus aliquot historiis & exemplis demonstrat. Eiusdem lapidis hac in parte virtutes magno encomio celebrat & decantat Hildanus, cent. 3. observat. 2. Si nobis hoc tempore hujus lapidis copia fuisset, etiam mirabiles ejus effectus experiri potuissemus. Nonnulli quoque dicunt bufonem exsiccatum, & syndone involutum, si manibus detineatur donec incalasciat, quemlibet sanguinis fluxum, incanta-

menti instar, suppressere & restringere.

III. Sputa cruenta, quamvis in multis visa fuerint, tamen valde communia non erant, sicut illa tempore Mart. anno 1348, maxime communia fuisse, ac diris furis totis quinque annis peragrantia, ingentem mortalium stragem dedisse, refert Fracastorius, in Syphilide lib. 1. his versibus:

*Bis centum fluxere anni, cum flammæ  
Mars*

*Lumina Saturno tristis immiscente, per om-  
nes*

*Aurora populos, per quæ rigat aquora  
Ganges,*

*Insolita exarsit febris, quæ pectore anhelæ,  
Sanguineum sputum exagians (miserabile visu!)*

*Quarta luce frequens fato perdebant acerbo.  
Illa eadem Assyria gentes, & persidus,  
& quæ*

*Euphratem Tigrimque bibunt, mollemque  
Canopem,*

*Inde Phrygas, inde & miserum trans  
aquora vestæ,*

*Infecit Latium, atque Europæ servit omni.*  
Hæc pestilens sputatio tunc temporis non minus incurabilis fuit, quam in hac nostra peste, ut liquet ex eo quod Andreas Gallus, lib. 4. fastic. de pest. ita dicat: Tanta fuit hujus miserabilis belluæ immanitas, ut ab Oriente usque ad Occasum mortalium decimam partem vix supersisteret; quotquot rapiobat, tot necabat.

## C A P. X I. De curatione alvi fluxus, & lumbricorum.

**A**lvi fluxus ægris peste correptis superveniens, (1.) semper ingens periculum minabatur. Ac proinde non expectandum, (quod tamen multi opinantur) neque solis amygdalatis (quæ in hoc casu semper maxime noxia fuisse observavimus) dolores sedandos, sed statim, si ægri ullo modo quidquam assumere possent, fluxum medicamentis sedandum esse, præter rationem, etiam docuit usus. Quem in finem

us

usi fumus sudoriferis astringentibus (2.) aliquoties repetitis, nec non pulveribus antidotalibus, & conditis quoque astringentibus ac malignitati resistentibus, quorum omnium copiam descripsimus supra, cap. 5. Atque talibus medicamentis interdum in principio sistebatur ille fluxus, cum alioqui transgresso principio nullis remediis (3.) sisti posset, sed ægros secundo flumine ad æternitatis habitacula deferret. Natura enim totam malignitatem qua data porta expellere nitebatur, hinc bonis æque atque putridis humoribus fermentatione effervescentibus, sicque effluentibus, maligna interim labe cordi aliisque visceribus firmius infixæ manente, vires ad extremam debilitatem brevi concidebant; unde tandem ipsa quoque retentrix facultas adeo sui impotens evadebat, ut naturæ impellenti resistere nequiens, nihil amplius retineret, imò laxatis vasorum interiorum extremis osculis, etiam sanguinem per alvum & urinam effluere sine-  
ret, quem fluxum mors brevi sequebatur, neque ullus in tota hac peste evasit, cui sanguis per has vias effluxit. Quantum ad alvi lumbricos, qui in multis pestiferis etiam apparebant, maximæque putredinis adjunctæ indicium erant, illorum curationi particulatim incumbere necessum non erat, nam pleraque omnia antidota, aliaque medicamenta diaphoretica & putredini resistentia, quibus ratione veneni pestilentis utebamur, etiam lumbricos satis enecabant & expellebant, eorumque generationem impediabant.

## A N N O T A T I O N E S.

I. QVæ de vomitu mota fuit questio, eadem etiam hic movetur, nempe: Quo natura vergit, eo ducere oportet, per loca lege natura commoda. Ergo evacuatio quæ fit per intestina, cum fiat per loca commoda, & natura eo vergat, non erit sistenda aut impedienda, sed potius adjuvanda & magis promovenda. Præter solutionem super hoc dubio datam supra cap. 9. annot. 1. dicimus nos prædicto aphorismo opponere scd. 4. aphorismum 2. Talia educenda à corpore, qualia sponte prodeuntia utilia: quæ verò contrario modo prodeunt, cohibenda. Nam in curatione ægrorum, præter cætera, semper habenda est ratio morbi & causæ morbi; ex qua observatione facile liquebit, non omnem spontaneam evacuationem per intestina om-

nibus morbis esse convenientem, nec per eam semper talia evacuari qualia decet evacuari, (nempe primariam morbi causam;) istam quoque viam in multis morbis (variolis, morbillis, peste, &c.) lege naturæ non esse commodam, sed ipsam naturam, vel nimis debilitatam, vel à materiz morbificæ copia nimis gravatam, vel à materiz venenositate, aliave prava qualitate, acriter stimulatam, interdum ad perversum motum impelli, & per inconvenientes vias evacuare humores quos non convenit evacuari, idque magis in ægri exitium, quam morbi exitium. Ut autem certo cognosci possit, an in morbis excernantur qualia decet, per vias lege naturæ commodas, jubet Hippocrates, 1. aphor. 2. non à

H h

copia

copia & numero metiri excretiones, sed pro ut conferunt, & ægri ferunt ex facili. In peste autem excretiones per alvum difficulter ferunt ægri, cum summa, citissima, & periculosissima virium dejectione, ergo non evacuantur qualia decet, neque fit ista evacuatio per loca lege naturæ commoda. Quod ipsum Hippocrates, 4 aphor. 47. agens de alvi & urinarum excretionibus, apertissime explicat, inquit: *si verò nihil quod alterationem adfert, per ea loca excludatur, calamitosum.* Contra quæ per sudores, anthraces, & bubones contingunt evacuationes, illæ fiunt cum salute ægrorum, & facile feruntur, ergo evacuantur qualia decet per vias commodas. Concludimus igitur, in peste non esse indulgendum alvi fluxui, (quicquid hic obganniant nonnulli, qui lupum in stabulo concludendum non esse clamitant) sed eidem quam citissime resistendum, & naturam impellendam esse ad debitas excretiones per vias in tali morbo convenientes, quales viæ sunt illæ quæ ducunt à centro ad peripheriam. Neque credendum est tali modo lupum in stabulo concludi, sed eundem, qui antea perversa via exitum querens, stabuli parietes perfodiebat, hoc modo per rectam portam citissime expelli.

II. In peste alvi fluxus per sudorifera & antidota astringentia est cohibendus: non enim qualibet sudorifera & astringentia hic conveniunt, sed talia quæ speciatim pestilentis venenositati resistunt, eamque aliorum per commodas vias à centro ad peripheriam educunt. Sic etiam Riverius scribit se observasse in febribus pestilentibus alvi fluxus perniciosos, cum quibus ægri ad interitum ruere videbantur, potentioribus diaphoreticis magna dosi exhibitis, quasi in momento cohibitos fuisse, sugato scilicet veneno, quod intestina aliaque viscera vellicando fluxum illum.

syntecticum efficiebat. Paræus lib. 2. cap. 40. ad hos fluxus unice commendat sequens remedium, quod dicit se habere ex Capellano, Regis Medico primario, qui id à patre acceptum magni secreti loco habebat, & ægris feliciter admodum successu præscribere solebat:

R. *Boli Arm.*

*terra sigillata,*  
*lapidis hematitidis, ana, drach. j.*  
*pictis navaliis, drach. j. f.*  
*coralli rubri,*  
*margaritarum preparatarum, cornu*  
*cervi iusti & loti in aqua plantag.*  
*ana scrup. j.*  
*sacchari rosacei unc. j.*

*Fiat pulvis.*

Hujus pulveris exhibet ægro cochleare unum ante cibum, vel cum vitello ovi. Angelus Sala, lib. de peste, reliquis non juvantibus, tale enema parare jubet:

R. *Caput ovillum recens & crudum, secetur in duas partes, & abscissa lingua, coquatur una cum cerebro in aqua q. s. donec caro ab ossibus separetur: postea coletur brodium, cui mox infunde summitatum hypericonis duos vel tres manipulos, radicum tormentilla grosso modo contusar. unc. j. ponantur ad cineres calidos per tres aut quatuor horas, postea fiat colatura, quæ sine rebus additis in forma clysteris ægro injiciatur mane vespereque.*

Hujus clysteris, inquit, effectum invenies mirabilem, quia liquor iste superat alia omnia, quo ad fluxiones desperatas.

III. Illud sæpissime observavimus, si alvi pestilens fluxus in ipso principio non sisteretur, postea planè incurabilem in omnibus fuisse; & quibus principium sine contrariorum medicamentorum assumptione transferat, illos omnes citò obiisse.



## CAP. XII. De curatione bubonum pestilentialium.

**B**ubonum pestilentium curatio peragitur medicamentis (1.) partim internis (de quibus in præcedentibus sat dictum) partim externis sive topicis: per quæ tribus modis curari possunt; nempe per diffusionem, (2.) diversionem, (3.) vel suppurationem. Nos in hac peste, relictis duobus prioribus modis, tanquam incertis & magis periculosis, per solum suppurationis modum bubones omnes curare tentavimus. Quamprimum igitur ægri, sive in ipso morbi principio, sive in progressu (4.) duritiem aliquam cum dolore sentirent pone aures, in collo, sub axillis, vel in inguinibus, huic plerumque ad citiorem tumoris provocationem & maligni ichoris extractionem, vesicatorium (5.) in inferiore ejusdem parte applicavimus, ita ut vesicatorium ipsam duritiem (6.) attingeret: eoque per octo vel decem horas inhaerente vesicam medicamentum excitavimus, quâ, unicâ vice, totâ ablata, folium brassicæ rubræ vel betæ, butyro veteri vel oleo raparum inunctum, imposuimus, ut hoc modo locus apertus teneri, & damnosi ichores melius effluere possent. Formula vesicatorii (7.) hæc erat:

- ℞. Radic. pyrethri, sem. sinapi albi, ana drach. f. cantharidum scrup. j. f. vel scrup. ij. mellis drach. j. fermenti panis acidi drach. j. f. vel drach. ij. aceti rosacci, q. f. Fiat pasta vesicatoria.

Vel talis erat:

- ℞. Sem. sinapi albi, euphorbii, ana drach. j.  
rad. pyrethri, drach. f. cantharidum drach. ij.  
resinæ pini, ceræ, ana q. f.  
Fiat ceratum.

Cucurbitulas (8.) nec infra bubones, nec ipsis bubonibus apposuvimus, earumque usum in multis, qui id tentaverant, damnosissimum fuisse observavimus. Secunda die, ut noxia materia ad bubones attrahi, ibique digeri ac suppurari posset, toti tumori cataplasmata attrahentia, & emollientia, ac suppurantia imposuimus, quibus præter alia etiam cæpe, ster-cus columbinum, (9.) fermentum panis acidum, & similia (10.) admista erant: hac fere forma:

- ℞. Rad. liliorum albor. unc. ij. herb. ruthe,  
malvæ, altheæ, ana M. j. scabiosæ (11.) M. j. f.  
flor. chamomil. M. f. ficus (12.) ping. no. ix.  
aquæ comm. q. f.

*Coquantur* f. art. & in mortario minutissime pistentur, addendo tres quatuorve bulbos caprarum, prius chartâ bibulâ aceto madidâ involutos, ac sub cineribus aliquantum assatos,

pulv. rad. altheæ, unc. f. stercoreis columbini unc. ij. f.

fermenti panis acidi, unc. j. f. farine tritici drach. iij.

*His affunde colaturam prædictorum, & omnia simul mista coquantur ad formam cataplasmatiis, cui postea admisceantur,*

mellis unc. j. unguenti basilici unc. f. axungie anatis, vel olei scorpionum (13.) vel butyri unc. j. f. Pro dilioribus interdum etiam theriacæ Andromachi; pro pauperioribus theriacæ rusticorum nonnihil admisceantur.

Nonnullis etiam solas cæpas (14.) sub cineribus aliquantum assatas, & deinde contusas, paucis theriacæ (15.) & butyri insulsi admixto, cataplasmatum forma primo biduo vel triduo imposuimus (16.) Horum cataplasmatum usu aliquot diebus continuato, cum tumorem jam satis magnum esse, atque ad maturationem tendere videremus, tunc attrahentia (stercus columbinum, fermentum, &c.) amplius non addidimus, sed solis maturantibus usi sumus, ut tumores citius ad suppurationem perducere possent. Sæpe ab ipso principio usque ad perfectam suppurationem, hoc solum emplastrum (17.) imposuimus, quod omnibus intentionibus satisfaciebat, eoque solo tumores non raro ad integram sanationem perveniebant:

*℞. Gummi galbani aceto dissoluti, emplastri oxycroci, diachyli cum gummis, ana unc. j. misceantur.*

Notandum tamen nos quibuslibet tumoribus non imposuisse fortiora attrahentia, sed tantummodo iis qui sub axillis & in inguinibus oriebantur. Tumoribus autem qui prope aures vel in collo prodibant, talia non conveniebant; nam talium usu eisdem, cum maximo suffocationis periculo, imò cum multorum exitio, sæpe paucis horis enormiter accrevisse observavimus: quapropter sola emollientia, vel leviter tantum attrahentia, his imponebantur. Tumores maturefacti, propter cutis duritiem & firmitatem plerumque longas moras trahebant antequam sponte aperirentur; quapropter, ne tetri vapores inde sursum elati cor affligerent, Chirurgi ope citiorem puri exitum paravimus, utque pus liberius effluere posset, tumores in declivi parte scalpello pertundi curavimus. Cauterio autem potenciali (quamvis id venenatam materiam consumere credatur) propter longiorem escaræ moram, nunquam usi sumus. Hanc autem tumorum apertionem non moliebamur, nisi cum jam fere ad perfectam maturationem

turationem pervenissent; quibus enim citius aperiebantur, iis id malè cedebat, nam plerumque immensi dolores sequebantur, inflammatio accedebat, febris augebatur, & sæpe etiam ulcus malignum ac difficilis curationis reddebatur. Tumoribus apertis & pure expurgato, ad ulceris emundationem hoc digestivum (quod insigniter hic proderat) primis diebus imponebatur:

*℞. Scordii subtilissimè pulverisati drach. ij. vitellum unius ovi, cerebimbine Venetæ, mellis, unguenti apostolorum, ana unc. f. misceantur.*

Postea ulcera aliorum ulcerum modo percurabantur, cavendo ne nimis citò occluderentur.

## A N N O T A T I O N E S.

I. **V**trum in curatione bubonis pestilentis conveniant venæsectiones & purgationes, satis exactè à nobis examinatum est supra cap. 3. annot. 1. & cap. 4. annot. 1.

II. Curationem tumorum pestilentialium omnium tutissimè & jucundissimè per discutientia peragi posse, nonnulli haud parvi nominis Medici judicant, quam discussionem sequenti modo instituunt: Deorsum versus recta linea sub ipsis tumoribus duas tresvè cucurbitulas, unam infra aliam, cum multa flamma affigunt, easque ter quaterve reiterant. Deinde inferioris cucurbitulæ loco vesicatorium confestim applicant, atque ita vesicam excitant, qua disrupta noxiam saniem extrahunt. Interim ipsi tumoribus fomentationes digerentes & discutientes calidè admovent cum spongia aut pannis laneis vel lineis: vel stupam cannabinam in pulvinar iustæ magnitudinis consuunt, hocque immergunt decocto betonicæ, hyssopi, malvæ, meliloti, anethi, chamemeli, & seminum cumini ac feniculi, & expressum tumori calidè applicant, idque singulis horis vel semihoris immutant. Præterea subinde quoque cataplasmata digerentia & dis-

cutientia imponunt, ut his modis venenatos humores in tumoribus contentos discutiant. Tali modo ad septimum usque diem procedunt, quo temporis intervallo si non planè discutiantur tumores, tunc primum ad suppurantia deveniunt, quæ citius adhibere vetant, metuentes ne per illa obstructis poris impediretur venenatorum halituum ac vaporum exspiratio, qui vapor non sine periculo ad cor regurgitare posset. Hanc medendi formam (quia venenati humoris multum dissipat, nec febres augeat, nec acerbos dolores inducit) multi, tanquam valde insignem, summis laudibus ad cælum usque extollunt. Verum etsi ratio dicter tumores pestilentialia hoc modo etiam compendiosè curari posse, nobis tamen tutior ac certior videtur illa curatio quæ fit per suppurantem, quam tot secula, tanquam meliorem, & ipsa experientia magis probatam, hæcenus receperunt, cujus etiam in hac nostra peste optimos effectus & eventus experti sumus. Quantum ad pericula quæ illi metuunt ex suppurantium usu, illa admistione medicamentorum attrahentium & usu vesicatoriorum facile præveniuntur.

III. Nonnulli scribunt per diversio-  
nem, pestem & bubones non tantum  
optimè, citissimè, & tutissimè curari,  
sed tumorum quoque proventum præ-  
veniri, & prodeuntium materiam sta-  
tim aliorum diverti posse. Hunc mo-  
dum describit Guilhelmus Magistrius,  
*Isag. Therap. sect. 3.* In partibus extremis  
longeque à corde remotis, ac minimè  
periculosis, præcipuè in medio femo-  
re, exiguum faciunt incisionem cutis,  
quam implent exiguo frusto radices  
pseudohellebori, aut verati nigri, cor-  
tice abrafo: postea emplastrum tenax  
superponunt, & viginti quatuor horis  
ægrum manibus pedibusque devinctum  
(nam præ summo dolore propemodum  
insaniunt ægri) custodiunt: illo finito  
tempore, totum pestilens virus hellebo-  
ri vi ad illum locum attractum, & æ-  
grum ab omni periculo liberatum esse  
tradunt. Eundem curationis modum  
miris modis celebrat Angelus Sala, *lib.  
de Peste*, & dicit experientia se edoctum  
illud laudis tribuere helleboro nigro,  
quod inter omnia simplicia & compo-  
sita nullum noverit, quod hujusmodi  
magnetica & attractiva qualitate præ-  
ditum sit, pro facienda revulsione pec-  
cantis alicujus humoris, atque se cum  
ista radice miracula præstitisse, omnes  
curas ordinarias aliaque medicamenta  
superando. Hac radice utebatur etiam  
Sacrificulus ille Buscoducensis, cujus  
meminimus supra cap. 6. annot. 8. Hol-  
lerius verò hac radice non utitur ad di-  
versio- nem faciendam, sed aliud habet  
experimentum longè facilius. *Ostrea vi-  
va*, inquit, *pestiferos bubones loco transfo-  
runt, & virus omne ad se trahunt. Sunt  
autem agglutinanda brachio, qua axillaris  
decurret, si quidem bubo in alio fuerit: si ve-  
rò inguen obfideat, lina-mentis femoris,  
qua vena cruris describitur. Idem cum Hol-  
lerio etiam sentit Paracelsus, lib. de pes-  
til. tract. I, quo loco omnibus coch-*

leis pluribusque animalibus illam vim  
adscribit: *Pestis*, inquit, *remedia sunt va-  
na, & testudines, & cochlea omnes alligatae:  
etiam bubo, tinea, anguilla, muræna, passer,  
gallus, pavo, cornix, corvus, pestiferum ve-  
nenum ex homine extrahunt.*

IV. Sunt qui attractiva medica-  
menta in ipso morbi principio, nullis  
tumorum signis uspiam adhuc appa-  
rentibus, inguinum emunctoriis ap-  
plicanda, atque hac ratione pestilens  
venenum eo protrahendum esse, judi-  
cant. Verum ille curandi modus nobis  
valde incertus esse videtur, propterea  
quod sciri nequeat an natura eo ver-  
gat, & venenum pestilens versus illam  
partem expulsura sit. Nam attractivo  
remedio isti loco imposito, si natura  
materiam morbosam fortè aliorum,  
ad capitis vel axillarum glandulas de-  
ponere velit, per illud medicamen-  
tum impediatur, & turbabitur in sua  
operatione. Propterea nos magis tu-  
tum esse arbitramur, expectare donec  
aliquo modo animadvertatur quorsum  
natura vergat, atque tunc illam omni-  
bus modis in operatione sua adjuvare,  
& istis locis, ad quæ materia morbi-  
fica vergere percipitur, medicamenta  
attractantia applicare.

V. Vescicatoria in hac peste pluri-  
mum profuisse, millies observavimus;  
non tantum enim malignos ichores at-  
trahebant & extrahebant, verum etiam  
impediebant ne facile retrogrado gra-  
du ad cor, vitæ fontem, remearent.  
Sæpe etiam virus pestilens per illa tam  
insigniter evacuatum fuisse novimus,  
ut cum salute ægrorum tumores postea  
planè evanuerint. Sunt qui vescicatorio-  
rum usum rejiciunt, dicentes, quod im-  
pediant naturæ motum & coctionem;  
præterea quod calorem febrilem au-  
geant, &c. Quas objectiones ab Hercule  
Saxonia fuisse refutatas, hic refelle-  
re, inutile & nimis longum arbitramur.

VJ. Multi

**V I.** Multi Medici jubent vesicatoria longè à tumoribus applicare; ut, si post aures vel in collo tumores fuerint, humero vel scapula ejusdem lateris; si sub axillis, medio brachio; si in inguinibus, medio femori. Qui modus etiam Ægyptiis communis esse videtur, nam illos solere peste infectorum cruribus & brachiis vesicatoria applicare, testis est Prosper Alpinus, *de Medic. Ægypt. lib. 4. cap. 15.* Verum eum hac ratione natura in suo opere interturbetur, & noxia illa materia quam ad emunctoria transmittet, ad alias partes carnosas, firmiores, & sensibiliores, cum ægri malo trahatur, non videtur approbatus hic curandi modus. Nostri opinione præstat applicare vesicatoria inferna bubonum parti, ut recta ac declivi via fluxio promoveatur ad talia loca, ad quæ ipsa natura ducendum esse docet; quæ loca cum sint glandulæ, vulgè emunctoria appellatæ, partes verè ignobiles, excrementitii humoribus tempore necessitatis excipiendis dicatæ, fas est, natura duce, pestilentem malignitatem ad illas protrahere.

**VII.** Mercurialis tali vesicatorio utitur:

*℞. Cantharidum præparat. drach. iij.  
fermenti, unc. f.  
aceti acerrimi parum, misceantur.*

**Paræus lib. 21. cap. 31.** hoc sequens tanquam divinum commendat:

*℞. Cantharidum,  
piperis,  
euphorbii,  
pyrethri, ana drach. f.  
fermenti acris, drach. ij.  
sem. sinapi, drach. j.  
aceti parum, misceantur.*

Chirurgus quidam saponem nigrum cum sale torrefacto subigebat, cui aliquantum pulveris cantharidum adjiciebat, coque vesicatorio utebatur.

Hieronymus Fabr. ab Aquapendente omnium maxime laudat flammulam, quia admodum attrahit & vesicas excitat, per quas venenum expurgatur. Vulgares in hac peste multoties ranunculum herbam in mortario contusam tumoribus imponebant, atque ita magna vesica excitabatur, quæ postea detracta, folium brassicæ rubræ vel betæ, oleo raparum inunctum, imponebant.

**VIII.** Galenus, Aëtius, Paulus, alique gravissimi Medici, in bubonum curatione cucurbitularum usum commendant, à quibus ille ad neotericos dimanavit. Chalmeteus partibus buboni vicinis cucurbitulas imponere suadet: quod etiam laudat Zacutus Lusitanus, *lib. 3. Prax. Admir. obs. 3.* Plurimi tamen alii ipsis bubonibus in principio cucurbitulas cum multa flamma aliquoties imponunt, ut hoc modo venenum pestilens à corde citius & melius detrahatur. Verum etsi ipsa ratio hoc remedii genus approbare videatur, nulli tamen in hac peste, in qua id pluries tentatum fuit, illud feliciter cecisse observavimus: semper enim post adhibitæ cucurbitulas, cruciatus immanes, febres acerbiores, inquietudines & anxietates majores sequebantur, nec ullum levamen inde consecutum fuisse, unquam vidimus, ita ut tandem earumdem usum in hac peste omnino relinquere necesse fuerit. Fortasse propterea non profuerunt cucurbitulæ, vel quod vicinos humores indifferenter attraherent, non autem venenum: vel quod vicinos humores in cumulum durum contrahendo, viam ad glandulas obstruerent vel occluderent, atque ita impedirent ne venenata materia eò pervenire posset: vel quod dolores, & per hos febres acutiores reddendo, plus noxæ quam utilitatis inferrent.

**I X.** Rulandus, *cap. 8. de febr. Vng. quest. 78.* & Burgravius, in *Achille*, tradunt

tradunt bufoni exsiccatō magneticam quandam virtutem inesse, qua buboni vel anthraci pestilenti impostus, venenum pestilens mirabiliter ad se trahat, eumque adeo fortiter illud venenum attrahere asserunt, ut inde totus intumescat, atque tunc illo abjecto alium siccum de novo imponere iubent. Quod remedii genus etiam magnis laudibus extollunt, Libavius, *part. 4. singular. lib. 2. batrach. cap. 20.* Michaël Papa, *in alexic. venen.* Gabelchoverus, *in latrio part. 3.* Caspar Keglerus, *in regim. pest.* Mizaldus, *cent. 6. distinct. 34.* Crollius, Daniel Mylius, Io. Hartmannus, alii-que plures. Monent autem ut in exsiccatōne bufonis caveatur, ne venter ejus lædatur, tunc enim venenum non attrahere ajunt. Illam autem bufonis aridi à veneni pestilenti attractione intumescantiam, fe experientiā falsam comperisse, refert Ioannes Baptista ab Helmont: attamen dicit fe illos aqua tepida aliquid maceratos appossuisse bubonibus & anthracibus, tam in pectore, capite, mammillis, quam alibi, tam in viris, quam in mulieribus, non sine prompto levamine & doloris mitigatione. Weckerus, *in Secret.* pulverem rubetæ aridæ buboni inspergit. Alii oleum bufonum inunctum ad veneni extractionem mirabiliter extollunt, quod sic paratur:

℞. Olei olivarum lib. f. ebulliat in sartagine, postea sume bufones ligno per caput transmissos, & aliquamdiu suspensos, donec exsiccati fuerint, n<sup>o</sup>. viij. vel ix. projice in oleum bulliens, atque ita aliquamdiu relinque; postea refrigeratum cola & serva.

Bufonibus magnam vim inesse ad pestilens venenum extrahendum, testatur etiam Paracelsus, *lib. de pest. ad Sterzing.* Verum statuere videtur illos non in omni peste æque efficaces esse; nam ut est in aliis novorum dogmatum intro-

ductor studiosissimus, sic etiam in hoc morbo aliquid novi scribere volens, docet, *lib. de pestil. tract. 1.* quatuor esse pestis differentias: scilicet, aliam esse igneam, aliam æream, aliam aquam, aliam terream: & pro hac varietate dicit varianda esse topica, cum unaquæque pestis habeat sua appropriata. *Quæ pestis*, inquit, *cum ingenti ardore & inflammatione corripit, & post aures glandulas tumefacit, in qua agri tamen non sistant, ea pestis ignis censenda est: in hac extrahendi veneni (quod recta ad cor penetrat, & mortem invectis) cura est tereniabin, manna, saccharum, allium, porrum, capo. In qua autem peste sitis vehementis, brevis aut nullus somnus, utriusque inguinis bubones apparent, ea aqua est: huic adhibe pisces, ranas, bufones, & quæcumque in aquis degunt, & præcipue ciconia & anatis carnes impostas. In qua bubones sub alis sunt, & difficultis anhelus urget, & compressio vel angustia pectoris incumbit, & dolor capitis cum delirio infestatur, ista est pestis aeris: applica passeris, merulas, carnes gallinarum, perdicum, pavonum, urogallorum. In qua tandem somnus profundus seu narcoticus est, tumores ac bubones nulli carii in corpore, licet istorum agrorum cutis plerumque varia & livida sit, tumoribusque sanguine suffusus conferta, ea pestis terra est: huic adhibe adipem viperinum, melinum, carnes talpæ, vulpis, lupi, cati. Nam hac omnia conferre, usus & experientia dicitur. Verum scire oportet, Paracelsum multa sibi somnia finxisse, eaque plerumque tanquam Apollinis oracula descripsisse, & magno titulo lectoribus obtrussisse. Sicut de bufone multi mirabilia scribunt, ita etiam nonnulli ranas simili encomio extollunt. Forestus *lib. 19. obs. 35.* refert ex Grado, historiam rustici, qui suo tempore, dum pestis grassaretur, ranas viventes scissas & non scissas, venenosis apostematibus applicabat, felici successu. Similiter etiam Crato, Gesnerus,*

rus, Fumanellus, Vlstadius, Mizaldus, Io. Dan. Mylius, & Libavius, magnam vim ranis adscribunt in attrahendo veneno pestilenti, easque vivas bubonibus imponunt, & cum una moritur, mox aliam vivam admovent, idque toties, donec una viva maneat, atque tunc venenum penitus extractum esse, idque à multis experientiis constare, tradunt. Nonnulli, ut venenum magis foras trahatur, cum Hollerio, tumoribus à principio imponunt ostrea viva: & cum tumores jam mediocriter intumuerunt, tunc cæpas sub cineribus assatas cum theriaca adhibent.

X. Vt venenata materia versus tumores melius attrahatur, suadent nonnulli Medici calide iis imponere gallinas vel columbas vivas dissecatas. Verum cum hæc dolores quidem sedare, minimè verb pestilens venenum attrahere queant, videtur prodesse non posse: si enim vis attractiva illis inesset, qua materiam morbificam attraherent, tunc cum maximo damno in phreneticis capiti imponerentur, materiamque morbificam versus caput magis attraherent, in quibus tamen tanquam laudatissimum & ab experientia probatum remedium, à clarissimis quibusque Medicis commendantur.

XI. Scabiosam Germani sua lingua appellant *Apostemen kraut*, propterea quod plurimis tumoribus curandis conveniat, & in pestiferis bubonibus etiam singularis existat. De scabiosæ facultatibus in peste mirabilia narrant, Arnoldus Villanovanus, Guainerius, Manardus, Hollerius, Savonarola, Matthiolus, Gerardus Bergensis, Mafsaria, Quatramnus, Tabernamontanus, alique multi Medici. Droëtus admodum probat radicem cynoglossæ, cujus singularem suppurandi bubones vim, dicit sibi à multa experientia constare.

XII. Nonnulli hoc tempore solas ficas coctas & pistatas, cum pauxillo butyri veteris & theriacæ mistas, tumoribus imponebant; idque multis feliciter cessit. Sic propheta Isaias, ex Dei præcepto, Ezechie Regi emplastrum de ficibus imposuit, quo ille sanatus fuit, ut videre est, 4. *Regum*, cap. 20. & *Isaia* cap. 38.

XIII. Palmarius, cap. 18, scribit, oleum scorpionum arteriis illitum, & vicino buboni loco inunctum, præsentem opem adferre. Alii hujus olei vires etiam ad præsertionem & curationem pestis admodum extollunt. Petrus Salius, lib. de Pestil. cap. 23, sic inquit: *Oleum scorpionum, & in veneno asumpto, & in pestilentialibus affectibus mirabiles edit effectus, semimortuos patientes reviviscere faciens, si eo oleo cordis regio & articularum loci inungantur.* Alexander Mafsaria, lib. 2. de Peste, dicit, oleum ex scorpionibus, pulsantibus temporum, manuum, ac pedum arteriis, cordisque regioni inunctum, non modo peste affectos juvare, sed & sanos præservare. Illud ipsum etiam asserunt Manardus, Rulandus, Croneburgius, Rudius, Droëtus, Goclenius, Hollerius, alique multi. Nos tamen in hac peste oleo isto rarius usi sumus, quia cum propter defectum scorpionum illud oleum apud nos confici non posset, & de eo quod aliunde è longinquis regionibus adferri dicebatur, admodum incerti essemus, anne esset verum oleum scorpionum ritè paratum, huic remedio non multum considerare potuimus.

XIV. In hac peste vulgares communiter tumoribus & anthracibus imposuerunt sola folia brassicæ rubræ oleo raparum inuncta, atque in eorum usu continuabant usque ad abscessuum maturationem; eoque modo innumeri feliciter curati fuerunt. Multi bulbum cæpe crudum per medium dissectum

tumoribus imponebant, & cum nigresceret, renovabant, idque toties reiterabant, donec amplius non nigresceret, atque tunc totam malignitatem extractam esse credebant. Alii saniore consilio capras magnas aliquantum excavatas theriaca implebant, & sub cineribus calidis assabant, deinde in cataplasmatibus formam contundeant, & admiscendo axungiam suillam, tumoribus imponebant, cum felici successu: quod ipsum etiam nos non semel pro pauperibus felicissimè tentavimus, sed theriacam non admiscebamur nisi post assationem caprarum, quia illius virtutes assatione multum imminui necesse est. Notandum etiam, capras non esse diu assandas, nam si ad perfectam molitiam assando perveniant, optima earum vis calore ignis dissipatur. Forestus, lib. 6. in *scholio obs.* 19. scribit, Chirurgum, qui tunc nosocomio præerat, bubonibus præcipue applicasse capras coctas & contritas cum sinapi albo recentem molito; quod si sinapi album deesset, ejus loco fumebat theriacam, eamque cum capris contundeat ac miscebat, nec alio attractivo medicamento utebatur; quo remedio sæpe intra tres dies bubo & abscessus maturabantur, aut ad summum quarto die.

XV. Sunt qui solam theriacam bubonibus imponunt, cujus tamen usus multis valde suspectus est, ac propterea Valescus de Taranta, lib. 7. *Philon. pharmac.* cap. 16. jubet applicare theriacam inter regionem cordis & abscessum: *Quoniam*, inquit, *venenum ante se expellit, ideo errant qui illam illinent abscessui.* Multi tamen aliter sentiunt. Hanc questionem fusè tractat Nicolaus Florentinus, lib. de *venen.* nec non Gentilis, & alii.

XVI. Nonnulli Chirurgi tumorum pestilentialium curationem cum mer-

curio vivo aggredi non extimescunt: in quem errorem etiam quondam Simonium, doctum Lutetia Medicum, protractum fuisse scribunt, qui hoc remedio in se ipso usus ad dirigendum pestilentem inguinis bubonem, illico vires prostratas sensit, brevique delitescente bubone, occubuit. Huic damnosissimo errori etiam graviter intricatus fuisse videtur Paræus, qui lib. 21. cap. 29. inunctiones mercurias ad pestis curationem magnopere extollit, haud secus ac si æque necesse foret venenum pestilens, quod æreum & subtilissimum est, eodem modo & remedio attenuare, fundere, ac resolvere, quo venenum crassum ac tenacissimum attenuatur & resolvitur. Quare autem mercurius ad pestis & pestilentis bubonis curationem non conveniat, notum esse potest ex eo quod Palmarius, lib. de *peste*, cap. 24. scribit: *Sunt*, inquit, *qui unguento ex hydragyro corpus inungunt, ignari frigidum & humidum hydragyrum calamitosam veneni labem cum humore intro regere, mortemque inferre, contaminatis viceribus; quod multis usu venisse, animadverti.*

XVII. Ad bubonis pestilentis curationem mirificè laudatur hoc emplastrum Paracelsi:

*℞. Gummi opoponacis, unc. ij.*

*Serapini, unc. iiij.*

*Idellii, drach. iiij.*

*galbani, unc. j.*

*olibani, drach. ij.*

*dissolvantur in aceto, & colentur, addendo pulverem unius bysonis, ac etiam rana exsiccata,*

*sulphuris vivi, unc. j.*

*campore, drach. j.*

*Fiat emplastrum, imponendum tumori, & singulis sex horis renovandum.*

Idem Paracelsus etiam solo opoponaco aceto dissoluto emplastri forma utitur. Ad citam verò maturationem opoponacem cum oleo laterino miscet, atque



que ita expeditè maturare & malum tollere dicit. Gregorius Horstius de morb. contagios. magni facit hoc sequens emplastrum pestilentielle Angeli Salæ, quod magno encomio describit :

R. Gummi Sagapeni,  
ammoniaci,  
galbani, ana unc. iij.  
terebinthina cocta,  
cera virginea, ana unc. iij. f.  
magnetis arsenicalis subtiliter pulverisati, unc. ij.  
terra vitriolata, unc. j.  
olei succini, unc. ij.  
radic. aronis pulv. unc. j.

Gummi depurentur cum aceto squillitico, & ad consistentiam emplastri decoquantur, deinde cum rebus aliis fiat emplastrum lege artis, quod excellentissimum atque specificum est ad extrahendum virus pestiferum ex profunditate ad extra, præcavendo ne vicissim ad interiora regurgites, & cor ipsum suffocet, ut credam inter omnia topica similia remedium non inveniri. Hoc emplastro si carbunculus obducatur, paucis horis venenum extrahet. Præparatio magnetis arsenicalis antedicti, hæc est :

R. Arsenici crystallini,  
sulphuris vivi,  
antimonii crudi, ana part. æq.

Hæc tria in mortario ferreo pulveriscentur, in vase fortissimo vitreo ponantur ad ignem arene, donec vitrum optimè incalcescat, & prædicta solvantur atque liquentur instar picis : tunc rupto vitro, eximenda materia, & in unam massam cogenda, qua erit dictus magnes; cujus maximum encomium videndum apud Angelum Salam, anatom. vitriol. tract. 2. cap. 10.

Ad bubonum & carbunculorum curationem ab aliis magnopere commendatur hæc mixtura de fuligine :

R. Fuliginis camini, drach. ʒ. fermenti,

terebinthina,  
butyri, ana unc. j.  
saponis Veneti, unc. j. f.  
mellis rosacei, drach. vj.  
salis communis, unc. f.  
vitella ovorum n. ij.  
theriaca,  
mithridatii, ana drach. ij.

Misceantur.

Cum anno 1655 pestis Ultrajecti nonnihil grassaretur, pro nosocomii aliisque pauperibus ægris in Collegio Medico præscriptum fuit hoc cataplasma bubonibus applicandum :

R. Radic. liliorum alb.  
caparum sub cineribus assat. ana unc. j.  
sol. malva,  
althea,  
scabiosa,  
flor. chamomill.  
meliloti, ana M. j.  
ficum, paria x.  
Collis & contusis adde,  
farina sem. lini,  
fœnugræci, ana unc. j.  
stercoris columbini, unc. ij.  
olei chamemelini,  
ing. althea, ana unc. j. f.  
fiat s. art. cataplasma.

Experientissimus Paulus Barbette, præclarus Amsterodami Practicus, in suo libello Belgico quem de Peste edidit, ad curationem bubonis pestilentis admodum extollit Emplastrum magneticum arsenicale, cum eoque bubones non ad suppurationem deduci, sed eorum venenositatem, felicissimo successu, foras evocari, scribit. Quia autem in perniciosissimo hoc morbo impium foret quippiam celare quod communi commodo infervire posset, ille satis liberaliter hanc suam medendi methodum adscribit, & publici juris facit : quæ quia imprimis notatu digna est, ipsius Auctoris verba Latinitate donata hic adscribi merentur : Bubonis, in-

quit, curationem hoc modo instituire consuevi: Quamprimum impono vesicatorium, etsi vix quidquam innumnerit, non promittendo cucurbitulas, quoniam illa mihi non placent, quia dolores & febres excitant, bonos praeuosque humores aequaliter attrahunt, totumque sanguinem magis turbant. Post septem, octo, pluresve horas, vesicam excitatam incidi curo, & impono emplastrum magneticum arsenicale, quod inter omnia alia quae unquam vidi, aut nominari audivi, praeciarissimos maximosque effectus edit, quemadmodum quilibet, qui eo usus, compertiet. Ejus descriptio invenitur apud Hartmannum & Agricola, estque haec:

R. Antimonii crudi,  
sulphuris flavi,  
arsenici albi, ana unc. ij.

Subtilissime pulve:isatasepalsantur in phiala in arena, subministratur ignis donec colliquefiant, & colorem rubrum subobscurum induant. Vase refrigerato extime materiam, quae Magnes arsenicalis vocatur, & venenata amplius non est, ut in canibus cuilibet id experiri licet. Postea,

R. Gummi serapini,  
ammoniaci,  
galbani,  
magnetis arsenicalis, ana drach. iij.  
terebinthina Laricea,  
cera, ana unc. f.  
olei succini, drach. ij.  
terra virrioli dulcificata, drach. j.

Gummata dissolvantur in aceto vini forti, & per pannum linteum expressa, bulliendo iterum inspissentur ad priorem consistentiam. Deinde seorsim aliqua ceram & terebinthinam, & extra ignem agita, donec in spissitudinem unguenti redigantur. Adde porro supradicta gummata, & magnetem arsenicalem, cum terra virrioli & oleo succini, & habebis emplastrum ad extrahenda omnis generis venena efficacissimum.

Hoc emplastrum, inquit, ejus natura esse compert, quod si enti crasse duraeque impona-

tur, tunc ne minimam quidem crustam faciat, & nihilominus malignos humores tam potenter extrahat, ut magnitudinis nucis tumor interduum quatuor aut sex dierum spatio penitus evanescat: sed hoc non semper tam cito facit; atque hinc saepe urget necessitas subitae evacuationis, ut primo vesica vesicatorio exciteretur: & tamen in nonnullis validis corporibus crustam non facit, nisi impostum vesicatorium non solum cuticulam, verum etiam cutem ipsam nonnihil corroserit. Sed in junioribus ac tenellis corporibus, etiam sine praemisso vesicatorio, crustam satis commode inducere potest. In hac crusta proprie subsistit seu continetur foras extractum venenum, & propterea mediocrem habet crassitatem, cum interim subiecta cutis vix sit exarsa; quod notatu dignum est: nam hanc causam esse arbitror, quod longe facilius, quam alia arte facit crusta, dissolvi possit: quippe 24. aut 36. horarum spatio, sine praemissa scarificatione, illa radicitus spatula eximi potest, cum minimo aut nullo patientis dolore; si modo aliquantum unguenti basilici cum thebriaca mixtum, sub communi emplastro aliquo pestilentiali imposueris. Alioqui ad crusta separationem & casu, hoc sequens valde convenit:

R. Mellis virginici,  
axungia anatis, ana unc. j.  
fuliginis camini, drach. vj.  
terebinthinae Argentinensis, unc. j.  
vitell. ovor. N<sup>o</sup>. ij.  
theriaca, drach. iij.  
olei scorpionum, q. f.

misce, fiat unguentum.

Si tumor, post primam ablata crusta, non satis evanuerit, excirabis aliam secundam, aut tertiam per antedictum emplastrum arsenicale magneticum, & tractabis ut ante. Denique ulcus remanens iterum sanabitur cum emplastro de minio albo cocto, diaporphoygos, aliisque siccantibus & cicatrizantibus medicamentis. Sed non nimium festinandum in sanatione & oclusione ulceris, ne forte mali aliqua reliquia intus supersites manentes, morbi recidivam & mortem inducant.

C A P.

CAP. XIII. De curatione Carbunculorum,  
& exanthematum.

**I**N hac peste carbunculorum curationem (1.) præter (2.) sudorifera antidota, aliaque interna medicamenta, etiam topicis sequenti modo instituiamus: Sæpe prima & secunda die (2.) imposuimus folium brassicæ rubræ oleo raparum inunctum, quod in frequentissimo usu erat apud vulgares. Postea statim, imò ut plurimum ab ipso principio, per suppurantia dolores mitigavimus, & suppurando carbunculum à vicina carne separare annexi sumus. Illum in finem huiusmodi medicamentum topicum, carbunculis applicandum, paravimus:

*Rx. Radicum consolide majoris sicc.  
herb. scordii sic. ana drach. ij.  
rad. altheæ sicc. farinæ sem.  
lini cribratæ, pollinis farinæ tritici, ana unc. f.  
Fiat pulvis subtilis, cui affunde,  
aquæ communis, q. s.*

*Coquantur aliquantum, ut mucilagines solvantur, & compositio ad pulcritudinem  
crassioris formam deveniat, cui adde,  
mellis, terebinthinæ,  
unguenti apostolorum, ana drach. iij.  
picis liquidæ, ung. basilici, ana drach. ij.  
utellum unius ovi, croci scrup. j.  
miscantur.*

*Interdum etiam addebantur theriacæ drach. ij.*

Hanc pulcritudinem (4.) ob eximium commodum quod inde percepimus, in frequenti usu habuimus, & ex multis (5.) tentatis, nihil invenimus cum quo carbunculorum separatio & curatio citius ac melius perageretur. Illius aliquantum in linteo pinguius extensum anthraci imponebatur, idque his terve de die renovabatur. Emplastra minus proderant, atque hinc rarius à nobis fuerunt impofita; & si iidem uti cogeremur, ubi alia topica ad manum non essent, solum emplastrum diachylum cum gummis, vel basilicum, vel emplastrum ex galbano, diachylo & oxycroceo mistum; vel etiam in vulgaribus picem navalem liquefactam, ac tunc cum picis liquida æquali parte mistam, emplastri forma applicavimus: qua sola pice sæpius vidimus anthraces citissimè separatos, & dolores optime sedatos fuisse. Acria (6.) & attrahentia topica plus damni quam commodi attulisse, & sic altas ac dolorosas scarificationes (7.) plurimum nocuisse,

& carbunculos, quo mitius tractarentur, eo melius & citius curatos fuiffe, millies observavimus. Carbone separato & extracto, primò ulcus mundabatur digestivo, præcedente capite descripto; ac postea instar aliorum ulcerum percurabatur. Quantum ad curationem exanthematum, illam instituire necessum non fuit, quia hæc mortis instantis prælagia erant, neque curationi tempus dabant, quam si admisissent, per sudorifera & alexipharmaca curari debuissent.

## A N N O T A T I O N E S.

I. **G**alenus, *lib. 14. method. med. cap. 10.* in carbunculi curatione venæsectionem ad lipothymiam convenire docet, ut sanguis ebulliens, à quo dicit generari carbunculum, magna copia educatur. Eiusdem sententiæ quoque sunt Paulus Ægineta, *lib. 4. cap. 25.* Oribasius, *de curat. morb. lib. 3. cap. 27.* & Actuarius, *lib. 4. method. med. cap. 16.* Hos veteres sequuntur Leonardus Fuchsius, Ioannes Cornarius, Zacutus Lusitanus, alique multi neoterici. De hujus opinionis veritate hic multum differere necesse non est, cum illam satis examinaverimus supra, *cap. 3. annot. 1.* Illud unum tantum addemus, experientiam in hac peste adeo repugnasse huic curationis modo, ut ex omnibus illis, quibus ratione carbunculi vena secta fuit, nullum evasisse viderimus: in omnibus enim illis statim post venæsectionem, veneno ad centrum retracto, & cordis viribus prostratis, exaruerunt carbunculi, & mors brevi subsecuta fuit. Nos cum Galeno & aliis etiam probaremus venæsectionem, si verum foret illud quod tanquam verissimum præsupponitur, nempe carbunculos fieri à sanguinis ebullitione: sed quantum illa hypothesis absit à vero, docuimus *lib. 1. cap. 14. in textu, & annot. 1. 4. 5. 6.*

II. De purgatione, an conveniat, alii aliter sentiunt. Averrhoës, *lib. 3. collect. cap. 31.* in febre pestilente cum

carbunculo, dicit, non sufficere medicinam unum tantum humorem purgantem, sed omnes, sicut sunt pilulæ cochiaz. Galenus in malignis exanthematibus etiam probat purgationem, *lib. 6. epid. sect. 2. cap. 29.* In apostemate pestilenti purgantia exhibet Avenzoar, *lib. 3. theisr. tract. 3. cap. 1.* Purgationes quoque in hoc casu præscribunt Monardus, Ficinus, Zacutus, & alii. Contra verò experientia, & plurimorum aliorum illustrium Medicorum dogmata & auctoritates demonstrant, purgationes hic cane pejus & angue fugiendas esse. Hanc quæstionem latius agitavimus supra, *cap. 4. annot. 1.*

III. Ioannes Hartmannus jubet ut carbunculus in principio circumroetur Sapphiro eleganti, donec circumferentia aliquoties à Sapphiro ducta vivere videatur. Hartmannus illud habet ex Paracello, qui præcipit, ut spatium quadrantis horæ illa Sapphiri circumductio fiat, donec circulus appareat niger. Quam circumductionem cum Sapphiro plurimum prodesse, & carbunculi separationem citius promoveri, testes quoque sunt Crollius, Villanovanus, Albertus Magnus, Franciscus Ruçus, Sennertus, Iacobus Horstius, alique. Imò Wolffangus Gabelchoverus, *in schol. cap. 7. lib. de gem. Andr. Bacti*, de hoc lapide ita scribit: *Sapphirus anthraces tempore pestis nasci veras, & quod majus est, super anthracem posita, non aliter*

aliter eum ac aqua ignem extinguit, ne sapius se expertum fuisse Antonius Guainerius testatur: nam ejus malitiam ac venenositatem reprimat, & ne venenatus ejus fumus ad cor ascendat, ac spiritus inficiat, impedit. Nobis in hac peste Sapphiri copia nunquam fuit, ac proinde de virtutibus illius experimentum facere non licuit. Hujus tamen defectu jubet Paracelsus fumere crystallum instar Solis radiantem, eumque circumductum, eundem, quem de Sapphiro diximus, effectum edere tradit.

IV. Ioannes Tagaultius, *Chirurgia lib. 1, cap. 7.* in eundem finem simile medicamentum facit, ex melle, sale, farina triticea, & ovorum luteis, cui ad citiorem carbunculi casum, interdum addit butyrum & axungiam suillam. Adjungit etiam, quod consolidamajor inter duos lapides contrita, divino quodam miraculo, anthraces sanat, & ex toto intra diem unum interimat. Iacobus Horstius, *Consil. de peste*. scribit anthraces tritico à sanis multicato & imposito, egregie mitigari. Alii hoc sequens valde commendant:

*R. Mellis, unc. j. f.*  
*saponis Hispanici, unc. f.*  
*sulfuris camini, drach. j. f.*  
*terebinthina,*  
*butyri,*  
*fermenti, ana drach. ij.*  
*salis communis,*  
*theriacæ Androm. ana drach. j.*  
*vitellum unius ovi,*  
*miscantur.*

V. Avicenna & Paulus Ægineta ad carbunculum radicitus evellendum, commendant, ut malum Punicum acidum in aceto coquatur, & ubi intabuerit, in lævorem conteratur, linteoque illitum imponatur, siccatum verò rursus aceto humectetur. Alii hoc cataplasma laudant:

*R. siccum ping.*

*passularum mundat.*

*nucleorum nucis juglandis, ana unc. ij.*

*Coquantur aliquandiu in vini albi q. s.*  
*deinde optime pistentur in cataplasma-*  
*tis formam, cui admisce vitella duorum*  
*ovorum.*

Marcellus magni facit emplastrum dictamnos vocatum, quod describit *operis cap. 7.* Nicolaus Myrepsus, *sect. 38. cap. 182.* inquit: *Carnem bubulam diligenter confusam carbunculis imposito, solve post tres dies, & cum radice ascendit caro: postquam decideris, ut carum ulcus curato: est probatum.* Paræus, *lib. 21, cap. 34.* scribit se tali remedio sæpe feliciter usum fuisse ad carbuncolorum ardores doloresque sedandos, & promovendam suppurationem:

*R. Fidiginis camini, unc. iij.*

*salis communis, unc. ij.*

*redigantur in pollinem, adjectisque duorum ovorum vitellis, agitentur simul, quoad pulvis consilientiam adeptum fuerit medicamentum, quod tepidum imponatur.*

VI. Varii sunt qui vesicatoria etiam ipsis anthracibus imponunt, atque ita eorum separationem citius promoveri asserunt. Verum quamvis in hac peste illud non semel à Chirurgis tentatum fuerit, nunquam tamen laudabilem effectum inde videre potuimus. Nonnulli alii carbunculos à principio aqua forti illinunt, alii ferro candenti eodem aliquantum inurunt, ut veneni magnam partem absument, ejusque malignitatem coërescant. Verum cum ab indurcta crusta venenati humoris exhalatio seu transpiratio impediatur, hanc curationem plus damni, quam commodi inferre, verisimile est.

Ita ut hujusmodi acria remedia in peste Noviomagensi non modo nihil, aut parum profuissent, sed multoties nocuisse, à nobis observatum sit. Verum anno 1655, cum peste Ultrajectum multaf-

multasque alias urbes invasisset, inventum est aliud, acerrimum quidem, sed aureum certè remedium, quo carbunculi mox cohibentur, ut ulterius non proserpant, & in vicinas partes limites non extendant, sed quam citissimè à sanis separentur & excident. Illud est oleum seu butyrum antimonii, quod, cum carbunculus jam sedem fixit, cum pluma circumferentia ejus leviter illinitur: mirum profectò quam citò emortuæ partis à sana circumstante separationem faciat, ita ut postea curatio emplastris facile peragatur. Hujus butyri compositionem describit Schroderus, in sua Pharmacopœa Medico-chymica, lib. 3. cap. 15:

*℞. Antimonii purissimi, mercurii sublimati, ana part. æq. misceantur exactè in mortario lapideo, hinc vitrea retorta indantur, & in cella vinaria per triduum deponantur, ut liquescant, tunc per retortam istam distillantur in arena igne mediocri, vel igne aperto sensim & successivè aucto: sic liquor seu butyrum antimonii instar glaciæ egreditur; qui si concreverit in collo, ne id obstruat, admove dantè ignitum carbonem, ut liquecat. Liquorem egressum rectifica per retortam vitream, Vel hoc oleum cin-*

*nabari sua ante rectificationem imprægnetur. Nimirum cinnabarim trisam adde dicto oleo, stentque in digestionem horis 24, vitro clauso, in cinere, sic fiet unio, hinc rectifica per retortam.*

Hoc oleum seu butyrum in carbunculis, & quibuslibet sphacelatis ac emortuis partibus à sanis separandis, mirabilia præstat.

VII. Rhazes, Oribasius, Paulus Ægineta, Hollerius, Platerus, aliique plurimi magni nominis Medici, anthracem altè scarificare, vel eosdem, cum maximis ægrorum doloribus, novacula usque ad radices conscindere jubent. Verum hæc curatio duabus de causis rejicienda videtur: Primò, quia ob ingentes cruciatus venenatorum humorum magnus impetus fit in partem affectam, à quibus partes sanæ, carbunculo proximè adstantes, novacula incisæ ac valde jam dolentes, inficiuntur, & pars carbunculi sunt: ad hæc febres exacerbantur, & vigilie inducuntur. Secundò, quia in hac nostra peste millies docuit experientia, hujusmodi altas scarificationes & excisiones infelicissimè successisse, & semper carbunculos, quo mitius tractantur, eo citius curatos fuisse.

## D E P E S T E,

## LIBER Q V A R T V S.

## P R O O E M I V M.



Variis illa, quæ præcedentibus libris de Pestifera Luis diagnosi, præcautione & curatione ex nostris aliorumque observationibus curiosissime conscripsimus, ad historię Pestis totalem cognitionem abundè sufficere posse videntur, tamen ad maiorem rei elucidationem, utile nobis visum fuit prædictorum confirmationem practicis exemplis stabilire; atque in eum finem ex innumeris in hac Noviomagensi peste à nobis annotatis ægrorum historiis, pauciores quasdam simul in unum librum congerere, cumque prioribus tribus adungere, ut hoc pacto simul & diri morbi mores, & nostrę curationis methodus, multaque quæ in utrisque observanda occurrerunt, lectori Medico melius & clarius innotescere possent. Non tamen hic, alicujus ostentationis gratia, innumera- bilium ægrorum, à nobis curatorum & sanatorum, historias si- mul colligere, (illud enim nimis longum, imò etiam inutile fuisset cum mea curandi methodus ex paucis abundè satis inno- tescere possit) sed tales duntaxat exhibere volui, in quibus ple- rumque aliquid singulare, vel ad curationem, vel ad diagnosin, vel ad prognosin, considerandum occurrit; aut insolitum quid in excretionibus aliisve symptomatibus, item in contagio & morbi tempore, vel more, observatum fuit.

## H I S T O R I A I.

**A** Ncilla Antonii Vos, Mercatoris vini, anno 1635, 6 Novembris ægrotare cœpit; circa vesp̄eram ad illam vocatus fui. Inveni ipsam magna cordis anxietate pressam, & febricitantem, cum ca- pitis gravativo dolore, ac pulsû parvo, crebro & aliquantum inæquali: vires tamen non multum dejectæ erant. Duas parvas pustulas magnitudi-

K k

nis

nis feminis anisi, rubicundas & dolentes, alteram in mamma dextra, alteram in medio ossis sterni habebat, quæ anthraces erant incipientes, certa pestis indicia. Præscripsi hunc haustum sudoriferum, à quo bene, & tota fere nocte sudavit, cum magno levamine:

Rx. *Extracti cardui benedicti, salis absinthii, ana scrup. j. salis cardui scrup. s. theriacæ androm. drach. j. aquæ theriacalis, & cardui bened. ana unc. j. olei vitrioli gutt. xv.*

*Misce, fiat haustus.*

Postridie vidimus prædictas pustulas ad unguis pollicis latitudinem increvisse, & jam perfectos esse carbunculos nigricantes, in superficie vesiculam habentes, quâ pertusa & ablata effluxit ichor niger ac venenatus, & sub illa vesicula latens carbunculus denudatus est, cui imposuimus unguentum ex apostolorum & basilici ana part. æq. superinjecto emplastro diachylo cum gummis. Ad sitim hoc julabium præscripsi:

Rx. *Aquæ cardui benedicti, lib. j. scabiosæ, & acetosæ, ana lib. s. syrupi de succo citri, unc. ij. olei vitrioli q. s. ad gratum acorem,*

*Misce, fiat juleb.*

Statim post meridiem reiteratus fuit prior haustus sudoriferus, à quo cum rursus optime sudasset, anthrax qui in medio ossis sterni erat, se extendit ad latitudinem femi daleri imperialis. Tunc puliculam nostram ad carbunculos (lib. 3, cap. 13, descriptam) quam interea præparari curaveram, anthracibus imponere, & ter de die renovare jussi. 8. Novembris, hoc conditum præscripsi, de quo ter quaterve de die ab apice cultri particulam magnitudinis avellanæ comedit:

Rx. *Specierum liberantium drach. j. radicum belenii condit. cortic. aurantiorum cond. ana unc. s. discordii Fracastorii, drach. ij. syrupi acetosistis citri q. s.*

*Misce, fiat conditum.*

Reiteratum quoque fuit antedictum julabium: 12 Novembris anthraces à vicinis partibus separati sunt; quibus extractis, unguentum mundificativum de apio cum unguento apostolorum mistum, ter quaterve impositum fuit, deinde cum unguento aureo cavitatibus carne repletis, & emplastris ad cicatrizationem perductis, ægra convaleuit. Toto morbi tempore alvus satis respondit, & præter anxietatem (quæ post secundum sudorem una cum febre cessavit) alia valde gravia symptomata non supervenerunt.

#### *Annotatio.*

**A** Nno 1635, ætas erat calidissima & siccissima, eo nomine clara, quod tunc temporis duo potentissimi (nempe Regis Galliarum & Hollando- rum) exercitus simul conjuncti in Brabantia Lovanium obsederant. Hac ætate circiter Junio mense febris quædam maligna & pestilens Novionagi passim



passim grassari cepit, quæ postea adventu utriusque dicti exercitus plurimum adauclta, maximam stragem edidit. Hujus febris curatio in principio propter mali novitatem difficilior visa fuit; sed non diu post compertum est, venæsectiones ter quaterve, & interdum pluries reiteratas, ad hujus morbi enervationem primum subsidium attulisse, aliorumque lenientium, refrigerantium, sudoriferorum & alexicorum medicamentorum usu accedente, à maximi illius hostis injuriis plurimos fuisse liberatos. Circa finem Septembris febris hæc valde imminuta est, ita ut multo pauciores ægrôtarent;

sed in multis eorum quos tunc morbus tenebat, maculæ exiguæ rubræ & purpureæ in corporibus apparuerunt, certa indicia febris illius pestilentis quam purpuream, petechialem, peticularem, vel lenticularem appellant Medici. Circa medium Octobris varii absque his maculis febri cum summa anxietate correpti, subito intra biduum vel triduum interierunt, & venæsectiones antea valde utiles, tunc inutiles, imo noxias evasisse, compertum est. In principio Novembris certissima pestis signa in ægrotis apparere coeperunt, atque exinde dira labes paulatim per urbem dispersa fuit.

## HISTORIA II.

**P**etrus Vervoort, cujus ædibus Regina Angliæ pro insigni erat, vir robustus, 24 Januarii, anno 1636, peste correptus fuit. In ipso principio meum consilium imploravit. Vomebat, valde anxius erat, cum pulsu celeri & inæquali, capite dolebat, & durum in altero inguine sentiebat tumorem. Tale sudoriferum statim præscripsi, quod circa vesperam assumpsit:

- ℞. Confectionis de hyacinto, salis scordii, ana scrup. j.  
 salis cardui bened. scrup. s. theriacæ Androm.  
 discordii Fracast. ana scr. ij. aquæ theriac. & cardui bened. ana unc. j.  
 olei vitrioli gutt. xij.

Misce, fiat haustus.

Tota nocte vehementer sudavit, idque vigil, nam primis octo horis à somno abstinere jussieram. Omnia prædicta symptomata hoc unico sudore cessarunt; ipse quoque tumor in inguine evanuit, atque æger sequenti die mediocriter valuit. Deinde per aliquot dies quotidie bis terve particulam hujus conditi sumpsit:

- ℞. Pulveris bezoarici drach. j. radic. helenii condit.  
 cortic. aurantiorum cond. ana drach. iij. theriacæ drach. j.  
 discordii drach. ij. syrupi de scordio q. s.

Fiat conditum.

2. Februarii, cum se jam plane sanatum esse sentiret, & alvum tamen per aliquot dies non deposuisset, exhibui pilularum nostrarum antipestilentium drach. s. unde bis terve alvum dejecit, nec pluribus medicamentis opus habuit.

*Annotatio.*

**I**N velocissimo hoc morbo semper periculum est in mora, & sæpe animadvertimus illos, qui in ipso principio citissime medicamenta assumebant, cito & facile curatos fuisse; principio autem neglecto summum periculum ægris impendisse. Quod ipsum in sua Praxi observavit quoque Senertus, nam lib. 4. de febr. cap. 6, sic ait: *Existimo tot homines peste interire, quod plerique tardius alexipharmaca usurpant; multoque posse servari, si ea citius,*

*& antequam venenum humores corrumpere incipit, assumerent. Aliquoties enim observari in pestilentibus constitutionibus, quosdam cum se infectos sensissent, statim sumptis alexipharmacis ad sudorem se composuisse, & postea nihil mali amplius passos esse, sed postmodum ad consueta negotia rediisse. Contra si curatio protrahatur, & hora octo vel duodecim jam elapsa sint antequam medicamentum aliquod propinatur, centesimus vix evadit.*

## HISTORIA III.

**G**erardus Lucas, cerevisarius in platea Hefia habitans, peste cum gravissima febre affectus fuit: adfuerunt summa anxietas, capitis dolor, ardor internus, linguæ ariditas, sitis, & dolor sub axilla absque tumore. Duo assumpsit alexipharmaca, à quibus copiose sudavit; sed post secundum sudorem loco tumoris sub axilla magnus carbunculus visus fuit, è quo signo mortem prædixi, quæ tertia morbi die præsagium nostrum verificavit.

*Annotatio.*

**P**aucissimis loco tumorum in emunctoriis carbunculi nascebantur; sed quibus id contingebat, illi moriebantur omnes.

## HISTORIA IV.

**I**acobus vander Mijl, eques robustus & plethoricus, se peste correptum sentiens cum dolore sub axilla absque tumore, statim suo ipsius consilio Chirurgum adiit, & lateris affecti venam in brachio sibi pertendi curavit. Extractis aliquot sanguinis uncias domum recessit: ilico magno horrore correptus est; accessit vomitus enormis, cum summa cordis anxietate & virium prostratione. Tunc ad me concursum est. Exhibui statim haustum sudoriferum, quem cum evomisset, statim alterum alexipharmacum dedi, quod quidem retinuit, verum sudare non potuit. Sequenti nocte febris multum adaucta est, valde sitiit æger, omnemque assumptum potum revomuit: deliravit usque ad horam septimam matutinam: tunc iterum mentis compos factus, de maxima debilitate, ac dolore sub axilla conquestus est: circa meridiem obiit.

*Anno-*

*Annotatio.*

**F**orestus in Peste Delphensi ad ægros in ipso morbi principio vocatus, iis statim venam incidit: & addit, omnes illos quibus post duodecim horas, vel diem naturalem, vena aperta fuisset, mortuos esse, vel admodum paucos ex iis evasisse. Nos in hac Peste No-

viomagensi ne in ipso, quidem principio venæsectiones unquam feliciter administatas fuisse observavimus, sed omnibus quibus sanguis quocunque morbi tempore detractus esset, mortem multo celerius advenisse.

## HISTORIA V.

**I**oannes Dubbert magna angustia cum febre correptus, intra biduum mortuus est, nullo externo pestis indicio uspiam apparente, ita ut illum non peste, sed alio quodam morbo extinctum esse crederent doctissimi. Verum cum corpus jam duodecim horis emortuum cistæ ferali imponeretur, viderunt in cadavere post mortem multa exanthemata nigra erupisse, vera pestis indicia.

*Annotatio.*

**I**nterdum à fortiore pestilenti veneno citius extinguebantur ægri, quam natura malignitatis aliquod signum foras propellere posset, atque tunc interdum etiam post mortem aliquod oculi veneni indicium foras prodibat. Quod etiam annotavit Forestus lib. 6. in scholio observationis 12: *Hic* (inquit) *ob virtutem debilem neque parochia ab Italia dista, neque macula, neque bubones vel anthraces apparent, sed multis post mortem magna quidem macula nigra circa dorsum spectatur, ut si quis sustibus casus esset, vel ab alto cecidisset; quod præter Montanum etiam nos aliquando observavimus.* Propterea bene monent Medici, ut tempore grassantis pestilentie, absentibus externis pestis indiciiis, statim non temere iudicetur morbum non esse pestilentem; nam sæpe aut obruitur natura priusquam illa signa prodeant; aut præ-

ter virtutis debilitatem, aliave aliqua de causa impeditur, ut illa expellere non possit. Sicut variis in hac peste contigit, inter quos etiam fuit hospitis mei filiolus, qui absque ullo externo pestis signo quarta morbi die obiit; nec etiam post mortem ulla signa prodierunt; & tamen ipsum peste laborasse & mortuum esse, inde satis constare poterat, quod eodem circiter tempore adhuc alii duo ejusdem hospitis liberi una cum ancilla peste morerentur. Talo exemplum se quoque vidisse refert Alexander Benedictus lib. de Peste, cap. 12, in quodam Patricio Veneto, qui peste absque ullo externo signo mortuus est. Cui non ab simile quoque describit Benivenius lib. *Abdijor.* 54. Videantur hac de re quædam supra, lib. 1. cap. 7. *annot. I.*

## H I S T O R I A V I.

**M**Vlier quædam lotrix nomine Belia ( quæ in nostris aliorumque multorum ædibus linteamina lavabat ) inferviebat Gertrudæ, ancillæ Dimmeri de Raet, quæ peste laborabat, & in horto decumbebat. Cum huic ancillæ varia exhibuissem medicamenta, & carbunculo separato illa jam propemodum sanitati restituta foret, atque hinc domestici Dimmeri de Raet valde lætarentur, vidi tamen mulierem hanc valde tristem sæpius alta suspiria ducere, sæpius lachrymare. Quodam tempore ab ipsa seorsim inquisivi tristitiæ hujus causam. Primo quidem nihil ab ipsa scire potui, sed tandem bonis verbis magnâ importunitate ipsam eo detorsi, ut promitteret se tristitiæ suæ causam secretam mihi indicaturam, si juramento asserere vellem me nulli de ea quippiam dicturum ante rei eventum. Promisi quod petiit. Tunc illa cum fletu dicebat, sciebam satis hanc ancillam non morituram, sed morietur uxor Dimmeri de Raet, quæ me valde amat, ac propterea adeo tristis sum. Quærebam unde illud sciret, cum illa tunc peregre versaretur? vidi, inqueiebat, super tabulatum in domo illius ad portam magni cubiculi anterioris spiritum ejus sine capite, optimis vestibus indutum, & clavem portæ haud aliter manu tenentem quam si januam aperire voluisset; quæ spirituum visio mihi familiaris & molestissima est; quorumcunque vero spiritus sine capite video, illi omnes intra paucos menses moriuntur, cujus rei certum eventum videbis in hac foemina. Gaudebam occasionem mihi datam esse videndi, anne hæc spirituum visio, de qua multi multa nugantur, aliquid certi contineret. Dimmerus de Raet una cum uxore tunc temporis Vitrajecti degebat, quod propter pestis metum diu ante confugerat. Injunxi sororibus illius ut ipsi scriberent, ne domum reverteretur ante hyemem. Quid fit? post aliquot septimanas uxor Dimmeri de Raet in urbe illa, in qua fere nulla pestis vigeat, & in domo nulla labe infecta, peste corripitur, & intra paucos dies moritur.

*Annotatio.*

**S**ocrates quondam de se ipso testatus est, se dæmonium habere, non semel visum, sed toto vitæ suæ tempore ipsi familiarem, qui semper eum dehortaretur, hortaretur nunquam. Hoc fundamento innixus Plato, qui Socratem virum veracissimum esse, & pro vita servanda nec mentiri, nec turpe quid committere velle sciebat,

docuit ab experienciâ illâ dari dæmones, eamque doctrinam multis verisimilibus rationibus confirmavit. Postea super hac re à multis multum nugatum est: alii dæmones immortales, alii mortales, alii tantum malos, alii etiam bonos, alii debiles, alii potentes, alii sentientes, alii insensiles esse, alii illos etiam coire & generare, alii illos ex duobus

duobus vel tribus elementis conflatos, alii meras tantum species ab objectis separatas & in aëre hærentes, alii intelligentias esse, & multo plura huiusmodi somnia tradiderunt, quibus etiam magni Philosophi multas chartas satis inutiliter commacularunt: qua de re in Cardani *de Rerum varietate lib. 16. cap. 93*, legi potest Pselli mirabilis & satis jejuna opinio, cui non sine ratione ipsius quoque Cardani de dæmonii opinio, loco citato, & lib. 18. *de Subtilitate* descripta, atque à Scaligero *Subtil. Exercit. 355*, curiosius examinata, adungi potest. Profecto falli nobis videntur omnes, quotquot spirituum non naturalium naturam naturali ingenio comprehendere volunt. Præstat sane hac in parte Litteris Sacris simpliciter fidem adhibere, quam talium spirituum substantiam, quantitatem, qualitatem, formam, actiones, aliaque similia, terrestri cerebro comprehendere, metiri & indagare velle: Sacra pagina docet Sanctis viris sæpius Angelos alioque spiritus apparuisse; Prophetas etiam modo has, modo illas visiones vidisse, eaque omnia divinitus facta fuisse credimus: nonne ergo impium & Christiano homini indecens foret, inquirere velle ex qua materia illi spiritus confecti fuerint? quam longitudinem vel gravitatem habuerint? quomodo ad suas actiones impulsus, & visibiles facti sint? quibus mediis, & per quam viam ab æthere descenderint? Sic rursus diabolicas illusiones sæpissime quoque factas fuisse, eadem Sacra Pagina testatur. Ita diabolus in forma serpentis locutus fuit cum totius humani generis prima matre Eva, eamque miserabili totius posteritatis lapsu decepit. Sic etiam Satan in forma Samuelis Prophetæ apparuit regi Saul, eique infortunium suum prædixit. Sic Magi Ægyptii plurimis diabolicis

artibus Pharaonis omniumque Ægyptiorum oculos mire effascinarunt. Præter Sacrarum Litterarum testimonia, notissimæ quoque sunt historię quæ de incubis & succubis, ut & illæ quæ de plurimis spiritibus, qui multis apparuerunt, & cum illis locuti sunt, passim leguntur. Notissimum quoque est Sagas etiam hodiernas, hominibus quaslibet spirituum formas in speculis & vitris aqua plenius videndas exhibere; ut, si furem, vel habituram amasiam, vel futurum maritum, vel alium videre quispiam desideret, in speculo ejusdem imaginem integramque formam per apparitionem spiritus spectandam offerant; idque testimoniis plurimorum fide dignissimorum, qui illa spectra viderunt, magis constat, quam ut de eo dubitari possit. Quis horum spirituum non naturalium naturam naturali ingenio comprehendat? qui illud tentare voler, facilius intra naturalium terminos manens, ventorum gravitatem ponderare, ignis calorem ulna metiri, aquarum guttulas montiumque arenulas dinumerare poterit. Diabolum plurimis illusionibus, spectris, vocibus, multorum hominum mentes seducere: exterrere, perturbare, atque à vero Divinò cultu divertere, certum est; utque magis irritantur ipsius retibus, solet sæpe vel verbis, vel spectris res præteritas ad hominum petitionem cum magna omnium admiratione demonstrare. Sic quondam narravit nobis strenuissimus vir D. Morgant, legionis Præfectus, se militem habuisse, qui per dæmonem sibi familiarem cujuslibet formæ spiritus videndos exhiberet; cumque D. Morgant, his diabolicis apparitionibus nullam fidem adhiberet, aliquod experimentum sumere placuit in præsentia plurium Nobilium: petiit igitur à milite ut videndos exhiberet hos quæ-

quatuor Heroës, Hectorem, Achillem, Alexandrum Magnum, & Iulium Cæsarem: miles rursus petiit ne durante visione quispiam verbum mutiret; cumque factò cum ereta in pavimento, circulo rotundo, variis characteribus abstrusus inscripto, se in medio ejus strisset, & obscuro susurro quippiam secum mussitasset, statim magna vi aperta fuit cœnaculi (in quo erant) porta, & cum omnium horrore intrarunt quatuor dicti Heroës, unus post alium, tali forma & magnitudine quali vixisse dicuntur; cumque ad alterum cœnaculi sinem pervenissent, eadem vi, lento gradu reversi per portam denovo exierunt, & janua post ipsos magnâ violentiâ sponte rursus occlusa est. Hæc nobis narravit D. Morgant, qui

propter has diabolicas artes istum militem è cohorte sua abegit. Multoties etiam diaboli per spirituum apparitiones futura prænunciant, ut hoc modo nonnullos præcendi & prædicendi cupidine captos alliciant & irretiant: atque tales sunt illæ spirituum visiones, cujus exemplum in prædicta historia recensuimus. Verum satius esse arbitramur, ardentibus precibus Deum orare ne nos inducat in tentationem; & omnia talia spectra pro diabolicis illusionibus simpliciter habere, quam talium spirituum formam, substantiam, generationem, & causam naturalem cum multis Philosophis frustra inquirere. Sufficiat nobis certum esse, hujusmodi spectra à quibusdam videri.

## HISTORIA VII.

**P**etrus de Wildt, qui in platea cervina habitabat, uxorem suam peste jam correptam, & bubonem habentem in inguine (quod tamen malum ipsa celabat) inivit, atque ab ipsa statim pestem contraxit. Advocatus fuit chirurgus Egmundus Anglus, qui utrique vomitorium ex vino stibiato exhibuit; à quo enormiter vomuerunt, & multos etiam successus habuerunt. Circa vesperam ad me concursum est. Inveni ægros adeo delassatos & debilitatos ut se vix commovere, imo vix loqui possent: pulsus erat titubans, & adeo exilis ut vix sentiretur. Vomendi irriti conatus adhuc graviter ipsos torquebant: alvus etiam subinde adhuc aquosa quædam exercebat. Præmissis mortis præfagio, utrique talem haustum calide exhibui:

*℞. Theriacæ androm. scrup. ij. aque theriacalis, unc. j.  
aque cinnamomi, unc. l.*

*Misce, fiat haustus.*

Hinc vomitus quidem cessavit, verum supervenientibus crebris animi deliquiis, sequenti nocte ambo extincti sunt.

*Annotatio.*

**F**orestus lib. 6. observat. 20. refert historiam mulieris, quæ peste cum bubone correpta, cum marito hujus rei ignaro concubuit, qui ab illa statim

pestem furiosam contraxit, illa verò à peste in totum liberata fuit, & bubo statim evanuit, ita ut maritus, quasi cum spongia, venenum uxoris deterfuisse, & sibi

sibi servasse videretur. Credo illam felicitatem paucissimis mulieribus à Veneris usu contingere, ut vitæ suæ periculum in maritum transmittant: saltem prædicta nostra ægra, præterquam quod per Venerem à morbo liberata non fuerit, illud etiam infortunium incurrit, quod unâ cum marito per nasuti Chirurgi stoliditatem perverso modo curata fuerit vomitoriis sibiatis; quæ quidem à Matthiolo, Quercetano, multisque Chymicis ad pestis curationem tanquam singulare præsidium commen-

dantur, sed quorum tamen felices effectus in hac peste videre non potuimus; nam si forte uni aut alteri robustissimo homini non nocuerint, rursus aliis quinquaginta certissimam mortem induxerunt. Neque id sine ratione, nam venenatâ qualitate prædita sunt, & humores, non venenum æreum, educunt: præterea corpus graviter perturbant, & vires, quibus ad veneni resistentiam hic maxime opus est, citissime prosterunt, ac naturam intestino hosti resistere impotentem reddunt.

## HISTORIA VIII.

**V**Ice-Capitaneus Biscot, 26 Aprilis post meridiem cœpit male habere: circa vesperam summa anxietate pressus est: totam noctem cum maxima inquietudine transegit. Sequenti mane, cum ipsum inviserem, vires adhuc mediocriter constabant: æger autem de nullo alio malo, quam de cordis maxima anxietate conquereretur, præterquam neque ardor, neque capitis dolor, neque vomitus, aliudve malum symptoma aderat; imo nec pulsus (qui creber & parvus erat) ullam inæqualitatem percipere potui: æger dicebat sibi cor tanquam in torculari comprimi & disrumpi. Exhibui hoc alexipharmacum:

- ℞. *Theriace androm. diafcordii Fracasioris, confectiois de hyacintho, salis scordii, ana drach. f. aque theriacalis, unc. ij. olei vitrioli gut. xj.*  
*Misceantur pro haustu.*

Hinc fortiter quidem sudavit, sed absque ulla morbi immutatione. Tota die sæpius cochleare hujus misturæ sumpsit:

- ℞. *Conserve rosarum rubr. unc. f. theriace androm. drach. j. f. diafcordii Fracasioris drach. ij. aque theriacalis, unc. iij. succi citri, aque cinnamomi, ana unc. j.*  
*Misceantur, & post horam unam colentur, adde colaturæ confectiois de hyacintho, drach. j. f.*  
*Misce.*

Circa vesperam tale alexipharmacum dedi:

- ℞. *Rad. perasitidis, & Carlinae, ana drach. ij. rad. dictamni, drach. j. f. foliorum cardui bened. scordii, & ruihe, ana M. f. cortic. citri, drach. iij. sem. cardui, & citri, ana drach. j. aquæ communis, q. s. coquantur, f. art. ad unc. iijj.*

R. *Colaturæ, unc. iij. theriacæ, scrup. ij. extracti angelicæ, scrup. j. f. salis absinthii, scrup. j.*

*Misce, fiat haustus.*

Illa nocte aliquantum sudavit, sed absque levamine. Tertia morbi die reiterata fuit mistura pridie præscripta, & mane sumpsit hunc pulverem cum paucis illius misturæ dissolutum :

R. *Lapidis bezoar orient. gr. xv. pulv. Liberantis, scrup. j. croci or. gr. iij.*

*Fiat pulvis.*

Vesperis prodierunt pauca exanthemata purpurea. Sequenti nocte obiit.

*Annotatio.*

**T**Oto morbi decursu nullum febrile symptoma in hoc ægro animadversum fuit, nec fitis, nec linguae ariditas, nec ardor, nec urinae mala dispositio : aliudve simile : cor tamen gravissime affligebatur, non quidem ab humorum putredine, sed à maligna veneni pestilentis qualitate, quod se solius

cordis substantiæ firmissime insinuassee videbatur. Sic in pluribus aliis etiam observavimus, maximas illas & fixas cordis anxietates, à principio morbi incipientes, plerumque mali ominis fuisse, imprimis si à primo vel secundo alexipharmaco nihil imminuerentur.

## H I S T O R I A I X.

**A**Ncellæ Christophori de Four (cujus ædibus Amsterodamum pro insigni erat) 7 Aprilis tumor pestilentialis durus, magnitudinis ovi gallinacei, sub axilla sinistra protuberavit. Ipsa tamen nec febricitavit, nec præter hunc tumorem ullum incommodum in toto corpore sensit : omnia solita munia obivit satis alacriter, excepto quod præ dolore brachium sinistrum ad lubitum movere non posset. Nulla voluit assumere medicamenta. Tumori imposuit emplastrum diachylum simplex, quo post paucos dies maturatio facta, & apostema disruptum fuit, multumque puris effluxit, atque ita hoc malum absque ullo incommodo sanatum est.

*Annotatio.*

**M**ulti statuunt pestem esse febrem perniciosam, & febrem ita esse de essentia pestis, ut sine febre pestis nunquam sit, nec esse possit. Verum ex definitionis hujus reciprocatione cum definito, sequeretur, omnem febrem perniciosam esse pestem, quod absurdum esse, præter rationem docet experientia. Quandoquidem in huma-

no corpore nascitur multoties perniciofa febris sine peste, & non raro etiam pestis febre incomitata invadit, quod manifestissime liquet ex iis, qui citissime, quasi in momento, peste correpti expirant. Interdum etiam cor adeo robustum est, ut perniciosam malignitatem statim excutiat ad emundum



dum illud apparet ex prædicta historia, cuiusmodi exempla, durante hac peste, plura vidimus. Sic etiam Mercurialis *lib. de Peste, cap. 6*, refert in Peste Veneta multis inguina atque alas subtus in-

tumuisse, nec non varia tubercula sponte prorupisse, sine ullo insigni detrimento. Hac de re plura videantur *lib. 1, cap. 12, annotat. 2*.

## HISTORIA X.

**V**Xor Iacobi Baersvelt, mulier fortis circiter triginta annorum, peste correpta, carbunculum habuit in latere dextro supra costas spurias: aderat etiam febris cum maxima anxietate & inquietudine. Sumpsit varia sudorifera & antidota, quibus non obstantibus morbus in eodem statu continuavit usque ad diem quartum, tuncque menstruorum fluxus copiosior accessit extra ordinarium periodi tempus: Quod cum mihi indicasset, statim tale sudoriferum exhibui:

- R. Coralli rubri præparati, terræ sigillatæ, cornu cervi ussi, ana scrup. j. diafcondii Fracasiorii, drach. j. aquæ theriacalis, aceti vini rubri, ana unc. j. Miscuantur pro haustu.*

Iussi etiam ut sæpius de die comederet particulam hujus conditi:

- R. Specierum diarium santalorum, scrup. ij. trochiscorum de terra sigillata, scrup. j. f. flos sulphuris, scrup. j. conservæ anthos, drach. iiij. Rosarium rubr. drach. vij. diafcondii Fracasiorii, drach. ij. f. syrupi granatorum acid. q. s. Fiat electuarium.*

His duobus medicamentis fluxus ille paulatim rursus imminutus est, sed tamen ante diem quintum non omnino substitit. Carbunculus impositione puliculæ nostræ ad anthraces brevi separatus, & ægra pristina sanitati restituta est.

*Annotatio.*

**I**N hac peste menstruorum fluxus criticus (qui alioqui salutaris esse solet) periculosus erat; nam multoties observavimus, si in ipso principio antido- tis astringentibus paulatim non cohiberetur, quod postea ut plurimum nullis remediis coerceri posset, sed ægras de-

jectis viribus citissime occideret. Ea- propter in hoc casu non videtur sequendum consilium eorum, qui hunc fluxum criticam die apparentem, non cohibere, sed aperientibus medicamentis adjuvare suadent. Vide hac de re *lib. 3, cap. 10, annot. 1*.

## H I S T O R I A X I.

**C** Hirurgus quidam castrensis, ante Schenckii Munimentum in castris peste correptus, & statim è regione Noviomagi ad pagum Lent delatus, atque ibidem in exiguo conducto cubiculo à sociis militibus depositus est. Hunc 12 Aprilis post meridiem invisens, febricitantem & valde debilem atque anxium inveni, cum pulsu inæquali, crebro & duro, ac lingua nigricante crustâ obducta. Præscripti hoc alexiphar-  
macum :

*R. Theriacæ androm. scrup. ij. Diascordii Fracast. salis absinthii, ana drach. s. aque theriacalis, aceti bezartici, ana unc. j.*

*Misce, fiat haustus.*

Sudavit multum, cum magno levamine, & bubo in inguine prorupit, cujus adventum ex dolore antea prædixeram. Postridie multo melius se habuit, & eodem sudorifero reiterato, bubo mediocriter increvit. Tunc æger ille nasutus (quales plerique solent esse chirurgi) me nesciente, suo ipsius consilio, unguentum mercuriatum (quod forte ad tophos venereos compositum in pixide habebat) buboni inunxit. Hinc bubo sequenti nocte plane disparuit, febris recruduit, maxima anxietas & vomitus enormis accesserunt, atque vires illâ unâ nocte adeo dejectæ sunt, ut æger sequenti die se vix amplius commovere posset. Tunc mihi confessus est se illud unguentum inunxisse, & sperasse bubonem mercurii vi feliciter curatum iri, sed jam se videre lethalem suum errorem. Adhuc unum alexiphar-  
macum exhibitum est, quod cum ilico evomisset, apparuerunt statim exanthemata purpurea; cum quibus post tres horas mortuus est.

*Annotatio.*

**M**ercurii vivi usum ad curationem bubonis pestilentis minime convenire, & Paræum, qui *lib. 21, cap. 29*, inunctiones mercuriatis in hoc morbo summo pere extollit, gravissime errare, præter hujus historię experientiam, ipsa quoque ratio demonstrat, quæ mercurium sua frigiditate & humiditate pestilens venenum cum humore intus repellere docet, ut latius demonstravimus, *lib. 3, cap. 12, annot. 16.*

## H I S T O R I A X I I.

**R**vdolphus de Swart, eques Capitanei Wilmouth, vir animosus & mediocriter fortis, se peste correptum sentiens, statim ad me venit, consilium petens. Dicebat hanc labem cum parvo horrore ipsum invasisse, & se jam magnâ cordis anxietate ac quasi compressione quadam, cum nausea torqueri, simulque dolorem in inguine, sed  
absque

absque tumore, sentire. Iussi ut hoc alexipharmaco calide assumpto statim cubitum discederet, & stragulis bene coopertus fortiter sudaret :

*R. Theriace, scrup. iij. diascordii, salis absinthii, ana drach. f.*

*aquæ theriacalis; aceti vini fortis, ana unc. j. f.*

*Misce, fiat haustus.*

Postridie bene sanus ad me rediens, dicebat se per sex septemve horas copiosissime sudasse, eoque sudore omnia prædicta mala in totum evanuisse, nec quicquam incommodi se amplius sentire.

*Annotatio.*

**S**I in ullo morbo, certe in peste verus & valde considerabilis est ille versiculus :

*Principius obsta, sed medicina paratur,*

*Cum mala per longas invadere moras.*

Nam cum morbus hic morâ citissime invalescat, solet in principio unicuique alexipharmacum sæpe plus prodesse, quam in morbi incremento multa.

## HISTORIA XIII.

**D**Ominus Colberry, Nobilis Anglus, qui voluntarius exercitum comitabatur, cum è nostris castris, quibus Schenkii Munimentum tunc temporis obsidebatur, 14 Aprilis Noviomagum venisset, simul ac urbem ingrederetur, insolitum quendam fectorem percepit, à quo ipsi nausea facta fuit, & caput doluit. Postridie manè è somno expersfactus, valde nauseabundus fuit, & dolorem cum dura tensione in parotide post aurem sensit. Ipse pestem metuens, summo mane ex massa pilularum Russi, quam semper secum portabat, quatuor pilulas confecit, easque deglutivit : à quibus post sex horas alvus ter quaterve dejecit, & simul etiam cessavit dolor post aurem. Meridie tamen prandere non potuit. Circa vespèram rursus tres quatuorve spontaneos secessus habuit, quos magna cordis anxietas cum debilitate inscuta est. Sequenti nocte magnus alvi fluxus una cum febre supervenit. 16 Aprilis mane consilium meum expetiit. Vidi excreta esse turbida, oleosa, colliquativa, maxime fortentia : adjuncta tamen febris non videbatur valde magna. Exhibui hoc sudoriferum hora sexta matutina :

*R. Terræ sigillatæ, boli Armenæ, coralli rubri præparati,*

*cornu cervi vstii, ana scrup. j. extracti ruthe, scrup. j. f.*

*salis scordii, scrup. j. theriacæ, diascordii, ana scrup. ij.*

*aquæ theriacalis, unc. ij.*

*Misce, fiat haustus.*

Hinc per tres quatuorve horas fortiter sudavit cum levamine, & alvi fluxus usque ad meridiem substitit. Statim post meridiem alvus rursus emo-

ta est. Tunc eandem haustum rursus assumpsit, & multoties illa die ac sequenti nocte particulam hujus conditi comedit:

R. Trochiscorum de terra sigillata, florum sulphuris,  
cornu cervi usti, ana scrup. ʒ. specier. dia trium santalorum, scrup. ij.  
diacordii Fracasiorii, conservæ rosarum rubr.  
Myræ cydoniorum, ana drach. iij. syrupi granatorum acid. q. s.

Misce, fiat conditum.

Ad sitim usus est hoc julabio:

R. Aquæ cardui bened. lib. j. & scabiosæ, lib. f.  
conservæ rosarum rubr. unc. j. f. rob. acaciæ, drach. ij.  
olei vitrioli q. s. ad gratum acorem.

Misceantur, & post horam colentur per linteum, sit julebus.

Verum his nihil imminutus est alvi fluxus. 17 Aprilis sudoriferum tali modo præparatum est:

R. Radicum tormemille, unc. f. rasuræ santali rubri, drach. j. f.  
corticum granatorum, drach. j. herb. pimpinellæ viridis, M. f. & ruthe,  
herb. cardui bened. & scordii sicci, ana p. j. sem. cardui,  
& plantaginis, ana drach. j. florum balaustiorum,  
& rosarum rub. ana drach. j. f. aquæ communis q. s.

Fiat f. art. decoctio ad lib. j.

R. Hujus decocti, unc. iij. trochiscorum de terra sigillata, scrup. f.  
cornu cervi usti, scrup. j. theriacæ, drach. j. diacordii, drach. f.

Misce, fiat haustus.

Hoc assumpto iterum fortiter sudavit, dolorem etiam in parotide rursus sensit, & alvei fluxus aliquantum imminui visus est, qui tamen statim post sudorem æque magnus rediit; atque tunc primò sanguinolentæ dejectiones, postea sanguis purus absque dolore defluxit, hinc viribus totaliter prostratis, ipsius animæ effluvium insecutum est.

#### Annotatio.

**H**ieronymus Mercurialis, Ioannes Manardus, alique magni Medici, ex decreto Avicennæ 1. 4. tract. 4. cap. 4. pestis curationem à purgatione incipiendam esse statuunt, eamque opinionem acriter plurimis innixus auctoritatibus defendere nititur Zacutus Lusitanus, Præx. Admir. lib. 3. observat. 119. Verum minime recipiendum est illud consilium, neque soli magnorum Me-

dicorum auctoritati hac in parte instandum est, imprimis cum & ratio, & experientia contrarium doceant. Ratio, quæ salutarem naturæ motum hoc pacto inturbare, ac vires maxime dejici: experientia, quæ purgationes nullis pestiferis prodesse, demonstrat: qua de re pluribus egimus lib. 3. cap. 4. annot. 1, 2, 3. Si parva pilularum Russi quantitas in prædicto agro natu-

ra

re motum adeo interruberit , ut mala à purgationibus fortioribus me-  
ad veneni expulsiōem per commodas tuenda sunt ?  
vias reduci non poterit , quæ non

## HISTORIA XIV.

**A** Neilla Domini Schayck Capitanei , per aliquot septimanas male  
valuerat , & de siti ac cordis aliqua anxietate conquesta fuerat.  
Tandem summis debilitatibus correpta , sæpius animo linqueba-  
tur : ultimò successit vomitus adeo violentus , ut dejectis viribus instar  
moribundæ , quasi jam jam expiratura jaceret. Cum ad ipsam vocatus  
essem , eamque adeo debilem cum pulsa exili & crebro invenirem , tale  
fudoriferum exhibui :

*R. Cornu cervi nsti, scrup. j. salis absinthii, scrup. j. f. theriaca, drach. j.  
aque theriacalis, unc. j. f. olei vitrioli, gutt. ix.*

*Misce, fiat haustus.*

Hoc assumpto maximum dolorem in Stomacho sensit , atque post horæ  
quadrantem magno ac violento vomitu ejecit medicamentum , una cum  
lumbrico valde longo , rotundo , crasso & albicante. Quo facto à dictis  
symptomatis liberata fuit , & assumptâ drachmâ unâ theriaces cum hau-  
stu vini calefacti, obdormivit, expegefacta rursus optime valuit.

*Annotatio.*

**D** Ecepti fuimus in hac ægra , quam  
peste laborare judicavimus , cum  
tamen gravia illa symptomata ab isto  
lumbrico ventriculo innatante excitata  
fuerint : qui lumbricus ejectus admo-  
dum vivax erat , & sesquipedalem lon-  
gitudinem aliquantum excedebat , ac  
casu assumptione antidoti lumbricis  
quoque contrarii expulsi fuit. For-

tasse maligna aëris constitutio hujus  
lumbrici generationem etiam induxit,  
nempe quod venenum pestilens, propter  
dispositionis occultam contrarietatem,  
aliter hanc ægram afficere non porue-  
rit , quam inductione alicujus putredi-  
nis in humoribus excrementitiis ven-  
triculo aut intestinis inhærentibus.

## HISTORIA XV.

**A** D militem quendam peste laborantem una cum Adolpho Fildar  
chirurgo vocatus fui , huncque carbunculos quatuor habentem ,  
& gravissimis symptomatis infestatum invenimus , nempe summa  
anxietate & inquietudine , magna virium dejectione cum crebris deli-  
quiis , & vomitu violento ; qui jam per aliquot horas duraverat. Præsa-  
gio mortis facto , tamen antidotum exhibuimus , quod cum revomisset,  
paulo post animam Creatori reddidit. Inter me & Chirurgum incidit  
sermo de causa vomitus pestilentis , cumque ego inter cætera sta-  
tuerem

tuerem illum plerumque induci à veneno pestifero ventriculi tunicis, & imprimis ipsius orificio superiori firmius infixo, eique magis quam aliis partibus communicato propter cordis viciniam, &c. Dixit ille, hunc vomitum plerumque induci à carbunculis in ventriculi tunicis enatis, idque se ab experientia scire: nam ut illius vomitus causam certius cognosceret, se aliquando cadaver peste cum vomitu emortuum ac jam refrigeratum dissecuisse, & in ventriculo à latere orificii superioris invenisse locum quendam longiusculum, circiter magnitudinis articuli pollicis, qui nigricabat instar carbunculi, quæ nigredo tunicas ventriculi transiens, æque foris quam intus conspiciebatur. Etiam si vellem, se quoque in prædicto mortuo milite illud demonstraturum promisit. Verum nobis non placuit irritare crabrones, & apertâ abdominis cavitate contagii periculis nos exponere: illud credere, quam videre maluimus.

*Annotatio.*

**V**erisimile est carbunculos interdum ventriculi tunicis non minus quam aliis visceribus innasce, ac multoties lethalem vomitum inducere: verum ab hac tamen causa vomitum pestilentem semper non dependere, vel inde liquet, quod multi cum vomitu evadant, quod fieri non posset si à carbunculis semper induceretur. Quicquid sit, neminem Medicorum hæcenus tales carbunculos annotasse scio; solus

inter novissimos Ioannes ab Helmont in Tumulo Pestis, scribit se illud ipsum quoque observasse, & in cadavere peste cum violentissimo vomitu emortuo ac dissecto, stomachum triplici escarâ jam perfectâ pertusum invenisse. Quod illud ab aliis observatum non fuerit, metum contagii in causa fuisse reor; nam paucissimi Rondeletio credunt, qui cadavera pestiferorum contagiosa non esse, asserit.

## HISTORIA XVI.

**E**duardus Grien Anglus, & Melchior Rouwert Germanus (ambo equites strenuissimi Capitanei Thomæ Lucas) fortes & bene valentes, mense Majo præservationis gratia sibi venam in brachio percuti, & sanguinis circiter libram extrahi curarunt. Parvo tempore post venæsectionem insolito quodam horrore & gravi somnolentiâ correpti pestem metuere, utque hanc imaginationem animis suis melius excuterent, alter vini absinthitis libras duas, alter verò spiritus vini juniperini uncias duas ebibit, quo facto simul ambulatum prodierunt. Circa meridiem domum venientes prandere non potuerunt, sed non aliter quam media hyeme frigescentes, ad lectum se contulerunt, ubi stragulis bene cooperiti, per aliquot horas alto somno obdormiverunt: tandem evigilantes se pessime habuerunt, uterque summis anxietatibus pressus fuit, alter enormiter vomuit, de vertigine & intensissimis capitis doloribus conque-  
rebatur

rebatur alter. Petiitum à me fuit ut illos inuiferem. Percepi in utroque febrem fortem, cum pulsu parvo, crebro & inæquali: maxima sitis aderat, tantaque virium dejectio, ac si longo tempore agrotassent. Ipsimet ante meum adventum assumpserant theriacæ drach. j. cum aceti vini fortis unc. ij. & olei juniperini scrup. s. à quo medicamento aliquantum sudaverunt, sed absque ullo levamine. Eduardo duo exiles carbunculi in pectore, alteri unus in manu apparuit. Circa vesperam adeo debiles fuerunt, ut amplius ullum medicamentum sumere nec possent, nec vellent. Ad immensam sitim sola aqua simplici urebantur, omnem alium potum renuebant. Die tertia post meridiem expiravit Eduardus: Melchior vero usque ad diem quintum in tali statu permansit, atque tunc media nocte etiam ipse è vivis excessit.

## Annotatio.

**M**agnus hoc tempore à Chirurgis, cui non venesectionis præsertim instituta maximum damnum intulerit: & qui post tales venesectiones peste corripiebantur, multo magis periclitabantur, quam alii, in quibus talis occasio præmissa non fuerat.

## HISTORIA XVII.

**C**vm N. Straeten, Notarius publicus in angiportu prope Scholam tripudiarum habitans, peste cum alvi fluxu laboraret, ad ipsum invisendum vocatus fui. Simulac cubiculum ejus intrarem, statim pessimum excrementorum foetorem naribus percepi, à quo graviter affectus fui. Post brevissimam visitationem domo rursus egressus, ilico me vertigine, nausæa, & cordis anxietate affectum sensi, ita ut pestilens contagium me concepisse non dubitarem. Quapropter postpositis omnibus negotiis (erat namque circiter hora decima antemeridiana) statim me domum contuli, atque tabaci optimi quinque sexve fistulas fumifunctione exhausti; cujus usu omnia prædicta symptomata ita penitus evanuerunt, ut ne minimum quidem mali amplius sentirem. Tunc rursus foras prodire & reliquos ægros invisere volens, theriacæ Andromachi drachmam præsumpsi, atque ita deinceps optime valui.

## Annotatio.

**I**llud ipsum durante hac pestilenti constitutione mihi ter quaterve accidit, ut statim, simulac me aliquam contagionis labem concepisse arbitrarer, eodem modo ad copiosorem tabaci usum confugiens, liberatus fuero. Excepta

M m

cepra unica vice, cum horâ nonâ matutinâ pistorem quandam in platea Nonnea decumbentem, ac pestilenti diarrhoea unâ cum uxore laborantem invisissem, atque ab ejusdem fœtore graviter alteratus essem, tunc ob longiorem moram quam trahebam, antequam ad tabaci usum me conferrem, tam cito liberatus non fui, sed post assumptas aliquot tabaci fistulas, tanto sopore tantaque anxietate obrutus fui, ut volens nolens ad lectum me conferre cogerer, ubi præsumpto antidoto per tres horas dormivi. Deinde à famulo expergefactus, & ad visitationem plurimorum ægrorum (qui meum adventum avidissime expectabant) adhortatus, propter vertiginosam capitis gravitatem me vix sustentare potui: multum quoque cum summa molestia vomui. Tandem tamen surrexi, & famuli humero aliquantum innixus ad focum perveni, ubi rursus tabaci usum arripui; cumque duas tresve fistulas hausissem, capitis gravitas, vertigo & nausea evanuerunt, manente adhuc aliqua cordis anxietate. Tunc mihi ipsi rursus animum addens, omnemque motum excutiens, theriacæ sesqui drachmam assumpsi, & bonum haustum vini calæfacti cum pauxillo cinnamomi &

nucis moscatæ superbibî, atque ita me rursus acri commisi, & inter ambulandum fortissime sudavi, in quo ambulatorio sudore continuavi usque ad horam decimam vespertinam, quâ horâ absque ulla cordis anxietate aliove incommodo bene sanus domum redii, & satis famelicus ad cenam accessi, cui præ clausula tabacum rursus adjunxi. Tabacum pro insigni præservativo remedio semper habui, ejusque fumum in ipso conceptus luis principio mihi aliquoties insigniter profuisse comperi: qui felix effectus etsi omnibus non contingat, in multis tamen militibus peste jam correptis eundem quoque non semel observatum fuisse; à Capitaneis fide dignis nobis narratum est. Referunt etiam quondam Londini in Anglia ab horribili peste illic sæviente immunes fuisse omnes illas domus in quibus tabacum vendebatur. Verum Noviomagi illa felicitas omnibus tabaci mercatoribus non contigit, nam aliquos ex iis peste correptos fuisse novimus. In ædibus tamen primarii tabaci mercatoris, Thomæ Pieters Angli, qui numerosam liberorum, famulorum & ancillarum familiam alit, neminem, quod scio, pestis invasit, præter unam ancillam, quæ & ipsa brevi convaleuit.

## HISTORIA XVIII.

**O**Tto de Linnich, vir robustus, pestilentem carbunculum in brachio, & profundum tumorem in inguine sentiens, cum somnolentia ac capitis gravitate, chirurgi consilio, theriacæ drach. j. cum aceti vini, unc. j. & olei juniperi gut. xij. assumpsit, atque ita stragulis coopertus statim dormivit, & mediocriter sudavit. Post aliquot horas expergefactus, de intolerabili capitis dolore conquestus est. Tunc ego secunda morbi die advocatus, rursus alexipharmacum exhibui, à quo quidem multum sudavit, sed capitis dolor nihil imminutus est. Tertia die coepit æger sine magna intermissione crebro sternutare, quam sternutationem nec lacte tepido in nares attracto, nec aliis mediis impedire potui.



potuimus, atque ita æger, postquam plūs quam trecēties sternutasset, deficientibus viribus obiit.

*Annotatio.*

**H** Vjusmodi lethales sternutationes adhuc in duobus tribusve aliis pestiferis observavimus. Quamvis sternutamenta in aliis morbis cerebri & naturæ robur denotent, in peste tamen exitialia plerumque sunt, & pestiferum venenum membranæ cerebri firmissime infixum esse, easque aliqua parte mortificare, significant; unde illud venenum non magis sternutatione, quam ventriculi carbunculus vomitu vel singultu ejici potest. Cardanus quoque meminit pestis, in qua ægri multum sternutantes statim mortui sunt.

HISTORIA XIX.

**C**ognatus Ioannis de Goldt, post nosocomium habitans, juvenis robustus, bubonem pestilentem in inguine sentiens, morbum celavit, cumque magno capitis dolore torqueretur, pilulas capitales à Gerardo Buys Pharmacopœo parari curavit, qui ex massæ pilularum cochiarum drach. j. pilulas novem concinnavit. His assumptis alvus primo cum levamine deturbari visa fuit, sed paulo post magnum ventris profluvium infecutum est. Evanuit bubo, & vires spatio viginti horarum ad extremum prostratæ sunt. Cum ego advocatus nullis sudoriferis nec antidotis astringentibus fluxum sistere, hancque perversum naturæ motum invertere possem, tertia morbi die occubuit.

*Annotatio.*

**A**D pestis curationem medicamenta purgantia maxime pernicioſa esse, non hujus tantum, sed plurimorum aliorum ægrotum experientia docuit. Quapropter mirari licet, quod Averrhoës lib. 3. collat. 31. scribat, in curatione pestis non sufficere medicinam unum tantum humorem purgantem, sed omnes, sicuti sunt pilulæ cochiar. Quæ pilulæ quam utiles in peste sint, ex prædicta historia satis liquet. Nos neque harum pilularum, neque aliorum purgantium usum in tota hac peste unquam ægrotis feliciter ante diem septimum administratum fuisse, certo novimus. Sic quoque Palmarius de febre Pest. cap. 7. inquit: Vix centesimus quisque evadit ex iis, qui incipiente morbo cathartico utuntur, vel spontaneo alvi profluvio corriguntur.

HISTORIA XX.

**S**tephanus à Severer, qui post templum D. Ioannis habitabat, nescio qua de re cum aliis quibusdam contendens, magnâ irâ incanduit. Domum veniens inhorruit, ac statim ardenti febre correptus fuit, cum maxima siti, anxietate & inquietudine, paulo post etiam accessit linguæ nigredo. In pectore duo carbunculi prodierunt. Antidota varia exhibita

hibita sunt, sed propter vomitum pauca retinuit, iisque nihil proficientibus, & viribus ad extremum dejectis, circa finem secundæ diei simul cum vita morbum finivit.

*Annotatio.*

**I**Ram multorum corpora ad pestem disposuisse, notavimus, & qui hac præcedente in morbum incidebant, febribus longe gravioribus, aliisque multo pejoribus & periculosioribus symptomatibus corripiebantur, quam alii quibus absque illo duce morbus introducebatur.

## HISTORIA XXI.

**M**Argarita de Tienen, quæ in horto Capitanei Hæften decumbebat, se peste correptam sentiens, bis propriam urinam bibit. Secunda die meo consilio sudoriferum sumplit. Post copiosum sudorem retro aurem sinistram magnus & mollis tumor protuberavit, qui intra viginti quatuor horas in tantam molem excrevit, ut affecti lateris collum antrotrorsum versus totum occuparet. Quarta die apparentibus exanthematibus purpureis, extincta est.

*Annotatio.*

**Q**uibus dari tumores in colli glandulis oriebantur, qui lentius increverent, eorum multi sanabantur: novimus. moris statulenti vel aquosi, qui cito multum crescebant, nullum evasisse novimus. at cum tumoribus mollibus instar tu-

## HISTORIA XXII.

**P**Etrus Buys, juvenis fortis, 7 Aprilis peste correptus est, cum febre exigua, tumore sub axilla, & maxima cordis anxietate. Neque à primo, neque à secundo alexipharmaco quicquam allevatus est. Febris per biduum magis magisque increvit, tanta fuit virium dejectio & à medicamentis nausea, ut post secundum diem vix quicquam amplius exhiberi potuerit. 10 Aprilis tanta cordis anxietate premebatur, ut illud tanquam in torculari confringi diceret, atque summa illa angustia ipsam animam à corpore expressit.

*Annotatio.*

**P**estilens venenum ipsius cordis substantiæ firmius infixum, ejusque calorem innatum extinguens, huic ægro vitam suavit: quod quidem venenum etiam humorum aliquam putredinem, hincque febrem simul produxit; verum hæc tamen tanta non erat, quæ periculum per se causare potuisset.

## HISTORIA XXIII.

**A** Gneta Wilhelmi, cerevisiarii ancilla, robusta, plethorica, bene va-  
leas, mense Majo ex annua consuetudine sex aut octo cucurbitu-  
las cum scarificatione pedibus imponi curavit. Sanguinis sex aut  
octo unciiis extractis horrore quodam correpta est. Post paucas horas  
tanta accessit somnolentia, ut per duas horas dormire cogeretur. B  
somno excitata maximam cordis anxietatem sensit, quam non diu post  
insecutus est gravis vomitus. Inveni ipsam febricitantem, cum pulsu par-  
vo, crebro & inæquali: urina sanorum urinæ similis erat. Exhibui cir-  
ca meridiem hoc alexipharmacum:

℞. Theriacæ Androm. diaſcordis Fracaſt. ana scrup. ij. Salis ſcordii, scrup. j. f.  
aque theriacalis, unc. j. f. succi citri, unc. ſi

Misceantur pro hauſtu.

Hinc egregie ſudavit, & dolorem aliquem in inguine percepit, ſed abſ-  
que tumore. Anxietas parum aut nihil imminuta fuit. Statim poſt ſudo-  
rem rediit horror: quapropter poſt tres horas idem ſudoriſerum reſitera-  
tum fuit, à quo cum ſequenti nocte bene ſudaſſet, poſtridie paulo melius  
habere viſa eſt, & tumor durus in inguine dextro apparuit. Illa die nul-  
lum medicamentum aſſumere voluit, imò ſe meo conſilio amplius non  
indigere putavit: comedit aliquantum lactis preſſi cum pane cocti, &  
conſilio matrisfamilias impoſuit tumori ſolium braſſicæ rubræ oleo rapa-  
rum inunctum. Die tertia febris cum magnâ vehementiâ recrudit, (quæ  
tamen ſecunda die non omnino intermiſerat, ſed multo remiſſior fuerat)  
cum capitis dolore, maxima ſiti, & enormi vomitu: evanuit etiam in-  
guinis tumor. Tunc iterum ad me concurſum eſt. Exhibui duo ſudori-  
ſera; quæ utraque ſtatim revomuit: julebos cordiales aliaque nonnulla  
preſcripſi, ſed omnia fruſtra, propter vomitum. Tandem hujus mixturæ  
ſubinde cochleare unum exhibui:

℞. Conſerve roſarum rubrarum drach. vj. diaſcordis Fracaſt. drach. ij.  
aque theriacalis, unc. iij. ſucci limonium, aque cinnamomi, ana unc. j.

Misceantur, & ſtent per horam, poſtea colentur per linteum.

Ad hæc Theriacam Andromachi chartæ bibulæ illitam, ac prope ignem  
calefactam ventriculi regioni impoſui. His duobus ſubſtitit vomitus.  
Tunc circa noctem tale ſudoriſerum dedi:

℞. Salis abſinthii, & ſcordii, ana scrup. j. extracti angelicæ, drach. ſ.  
aque theriacalis, unc. ij. olei vitrioli gut. xiiij.

Misce, fiat hauſtus.

Hinc mediocriter ſudavit, & febris aliquantum imminui viſa fuit, quæ ta-

men postdie iterum recruduit, & magno cum furore usque ad vesperam continuavit, quo tempore extra debitum periodi tempus menses fluere cœperunt enormiter. Sequenti die febris quidem aliquanto mitior esse videbatur, sed vires maxime prostratæ erant. Sitim sedabat cum cervisia tenui, cui aliquot olei vitrioli guttulæ immistæ erant. Ad mensem suppressionem hunc bolum exhibui, & ex sequenti condito sæpius de die particulam assumere jussi :

B. *Coralli rubri præparati, cornu cervi usti, terre sigillatæ, Lapidis bezoar orient. ana scrup. l. diascordii Fracastorij scrup. j. cum syrupi granatorum acidor. q. s.*  
Fiat bolus.

B. *Specierum diatrium santalorum, scrup. ij. coralli rubri, terre sigillatæ, cornu cervi usti, ana scrup. j. diascordii Fracast. drach. iij. conservæ rosarum rubr. drach. v. rob. acacia, drach. j. f. syrupi granatorum acid. q. s.*  
Fiat conditum.

Die sexta mensurorum fluxu magis adaucto, & viribus deficientibus, circa vesperam expiravit.

#### Annotation.

**D**Vrante hac pestilenti constitutione, damnosissimas semper fuisse sanguinis detractiones, etiam in sanis, experientia toties docuit, ut venesection, quæ antea præservationis gratia communiter instituebatur à vulgaribus, postea adeo horribilis evaserit, ut vel solum venesectionis nomen cui libet terrorem incuteret. Nam quo-

cunque tempore, & quantacunque adhibita cautione sanguis extraheretur, etiam in plethoricis & maxime sanis corporibus, fere semper tamen pestis hanc evacuationem insequeretur, ita ut sanguine evacuatæ venæ protinus pestilenti hosti locum facere, ejusque introitum sponte invitare viderentur.

### H I S T O R I A XXIV.

**I**odocus Rutgeri, rusticus fortis, magnam cordis anxietatem cum capitis gravitate & nausea sentiens, petiit à Chirurgo medicamentum fortiter purgans, qui ipsi haultum vini stibiat exhibuit. A quo enormiter vomuit, multoque pravos humores excrevit, ad hæc duodecim per alvum secessus habuit. Hinc adeo debilitatus est, ut ipsum moriturum arbitrarentur, quapropter ut ipsum inviserem petierunt. Vidi ægrum irritis vomendi conatibus adhuc graviter delassari, hinc jussi ut domestici statim vini albi lib. j. calefacerent, eique pulveris canellæ & nucis moscatæ aliquantum injicerent, idque calidissime exhiberent, atque bene cooperitum ægrum

ægrum dormire sinerent. Hoc facto cessavit vomitus, & æger fere tota nocte dormiuit. Postridie evigilans optime valuit, & adeo famelicus fuit, ut vix duplici prandio famem sedare posset,

*Annotation.*

**H**Oc tempore paucissimis bene cessatum uni, quæ huic robustissimo ac tenerant vomitoria; imo vix ex cenerario homini, contigit felicitas.

HISTORIA XXV.

**A**Ntonius Knuyt, corii mercator in foro habitans, vir mediocriter fortis, 29 Maji circa vesperam male habere coepit. Postridie dolorem sub axilla sentiens, meum consilium petiit. Pulsus ipsi erat inæqualis, & creber, vires pro morbi principio satis dejectæ, calor corporis non admodum præter naturam excellens, urina sanorum urinis similis: anxius erat, somniculosus & capite gravis, interdum ad vomitum proclivis, sed nihil tamen evomit. Exhibui statim hoc alexipharmacum:

℞. Theriacæ, scrup. ij. diaſcordis, drach. f. salis absinthii, scilicet vomitoriæ præparat. ana scrup. j. aquæ theriacalis, unc. j. f. succi citri, unc. f.

*Misce, fiat haustus.*

Hoc assumpto valde sudavit cum levamine, & sub axilla magnus durus tumor protuberavit, cui hoc cataplasma bis de die impositum fuit:

℞. Radicum liliorum albor. unc. ij. & beleni recentium, unc. j. herb. malvæ, alibæ, florum chamomille, ana M. j. ficum ping. N<sup>o</sup> ix. aquæ communis, q. s.

Cognantur f. art. & pistentur, addendo fermenti acidî, farinæ seminis lini, ana unc. j. fimi columbini, unc. j. f. mellis, axungie porci, ana drach. vj.

*Fiat f. art. cataplasma.*

31 Maji mane & meridie hujus apozematis uncias quatuor bibit:

℞. Radic. angelicæ, petasitidis, ana drach. vj. & tormenille, corticum citri sic. ana unc. f. rad. ostruui, drach. ij. herb. scabiosæ, taraxici, melissæ, scordii recent. ana M. j. cardui bened. M. j. f. pimpinelle viridis, & ruthe recent. ana M. f. sem. cardui bened. & 4. frigid. major. ana drach. j. f. cicerum rub. unc. j. f. aquæ communis, q. s.

Cognantur f. art. ad lib. ij. adde colaturæ syrupi de scordio, & de succo citri, ana unc. j.

*Misce, fiat apozema.*

Circa

Circa vesperam hunc hauſtum dedi :

R. *Theriace androm. diaſcordii Fracaſt. ſalis abſinthii, ana drach. ſ.*  
*aque theriacalis, aceti bezoartici, ana unc. j.*

*Miſce, fiat hauſtus.*

Hinc bene ſudavit cum magno levamine. 1. Iunii nauſeabundus & ad vomitum proclivis erat, qui ut præveniretur, hanc miſturam præſcripti, de qua ter quaterve de die cochleare plenum ſumpſit :

R. *Conſervæ roſarum rubr. drach. vj. theriace and. ſcrup. ij.*  
*diaſcordii, drach. j. ſ. aque theriacalis, unc. iij. roſarum, unc. ſ.*  
*& cinnamomi, drach. vj. ſucci citri, unc. j.*

*Miſceantur, & ſtent per duas horas, deinde coſentur, adde colaturæ confectionis de hyacintho, ſcrup. ij. & de alhermes, ſcrup. ij.*

*Miſce.*

Eadem die etiam duos hauſtus prædicti apozematis bibit. Circa veſperam hunc bolum cum prædicta miſtura diſſolutum exhibui :

R. *Mithridatii Democ. ſcrup. j. ſ. diaſcordii, ſcrup. j. ſalis abſinthii,*  
*conſect. de hyacintho, ana ſcrup. ſ. olei vitridi gut. iijj.*

*Miſce, fiat bolus.*

2. Iunii præter jam dictam miſturam, etiam ex hoc condito interdum particulam ſumpſit :

R. *Pulveris Liberantis, drach. j. cortic. aurantium condit.*  
*rad. belenii cond. ana drach. iij. conſervæ roſarum rubr.*  
*diaſcordii Fracaſt. ana drach. ij. confectionis de hyacintho, ſcrup. ij.*  
*ſyrupi de limonibus, q. ſ.*

*Miſce, fiat conditum.*

Sequenti die iſdem eodem modo uſus fuit medicamentis. 4. Iunii, qui erat dies à morbi principio ſeptimus, valde debilis & anxius fuit, nec præter ſequentem bolum cum prædicta miſtura ſolutum, quippiam aſſumere potuit :

R. *Confectionis de hyacintho, theriace, ana ſcrup. j.*  
*lapidis bezoar or. gr. xv.*

*Fiat bolus.*

Circa veſperam ſponte vehementer ſudavit, tumor ſub axilla multum increvit, & morbus hoc critico ſudore ſolutus eſt ; anxietas, capitis dolor, reliquaque ſymptomata ceſſarunt. Poſtea etiam tumor ſub axilla ſine maturatione paulatim diſſipatus evanuit. Omnibus hiſ diebus æger alvum non exoneraverat, quapropter ipſi 6. Iunii maſſæ pilularum antipeſtentialium ſcrup. j. exhibui, unde bis terve alvum depoſuit : atque ita per ſummi Dei clementiam integræ ſanitati reſtitutus fuit.

*Annotatio.*

**H**oc tempore paucissimis morbus critice solutus fuit perfecte, & præter crîsim per factores (quæ & ipsa multoties imperfecta erat) omnes aliter erant periculosæ. In hoc ægrô tumor sub axilla paulatim dissipatus fuit; & sic quoque in multis aliis tumores post febris solutionem salubriter evanuisse vidimus. Quod ipsum quoque observavit Palmarius, de febr. Pest. cap. 24. ubi inquit: *Quamplurimos persanatos videlicet a bubonum suppurationem, veneno paulatim antidotis devictis, resolutaque bubonis*

*materia.* Secus autem se res habet cum bubones evanescent ante morbi solutionem, hæc illud maxime periculosum est. Alium in dicto ægro movere non volumus ante morbi solutionem; quia nunquam ex diuturniore alvi constipatione in ægris pestiferis ullum damnum animadvertere potuimus; verum è contra alvi proritaciones per clysteres, lenientia, aliave medicamentâ, semper cum maximo periculo ante diem septimum factas fuisse, observavimus.

## HISTORIA XXVI.

**V**Xor Gerardi de Stolck, puerpera, postquam filium bene sanum peperisset, tertia die peste correpta est; & duo carbunculi in pectore prodierunt: anxietas autem valde gravis non erat, ut nec febris: lochia quoque non subsisterunt, quæ omnia magnam sanationis spem dabant. Infans à lacte matris pestem contrahens, cito extinctus est, antequam ipsam se peste laborare certo sciret. Infante mortuo quæsitæ sunt caniculæ juniores, quæ mammas copioso lacte abundantes exsugerent: quatuor inventæ sunt, quarum duæ cum per biduum mammas suxisissent, mortuæ sunt; reliquæ duæ usque ad quintum diem vixerunt, atque tunc priores secutæ sunt. Interea variis antidotis usâ fuit ægra, quibus non obstantibus paulatim cum anxietate adaucta est febris, & tandem viribus omnino prostratis, sexto morbi die vitam cum morte commutavit: Eamque non diu post maritus una cum altera prole, ejusdem morbi violentia oppressus, insecutus est.

*Annotatio.*

**P**leræque puerperæ, propter magnam quam à puerperio subibant alterationem, peste corripiebantur & moriebantur; etiam infantes, nisi tempestive aliis nutricibus committerentur, plerumque cum matre interibant, sicut ex prædicta historia illud non tantum in infante, verum etiam in caniculis liquit, quibus hoc tempore communiter in puerperis peste correptis utebamur, (cum nemo alius propter

contagii metum illarum mammas exsugere veller) nam egregie sugabant; sed illas fere semper post secundum vel tertium diem, interdum primo die mortuas fuisse observavimus. Rarissimum est illud quod ex Ioachimo Camerario refert Ioannes Schenckius *Observat. Medic. L. 6.* de infante quodam qui duabus nutricibus fuit lactatus, quæ ambæ hac lue sunt extinctæ, infante in vivis & optimæ valetudinis permanente.

N n

H L

## H I S T O R I A XXVII.

**V**Xor generosissimi equitum Capitanei D. Douglas, Scoti, 16 Maji pestilenti febre correpta fuit. Valde debilis erat in ipso morbi principio, summa anxietate premebatur, & capite aliquantum dolebat: urina turbida erat, pulsus creber & inæqualis: calor tamen non multum excelebat, neque ulla extrinsecus in corpore pestis signa apparebant. Primo statim hoc alexipharmacum exhibui, à quo optime sudavit:

℞. *Theriace androm. diascordii Fracast. ana drach. ℥.*  
*salis absinthii, scrup. j. oculorum cancri preparat. scrup. j. ℥.*  
*aque theriacalis, unc. j. succi limonum, aceti calendule, ana unc. ℥.*  
*Misce, fiat haustus.*

Post sudorem, interdum hujus misturæ cochleare assumpsit:

℞. *Conserve rosarum rubr. unc. ℥. diascordii Fracast. drach. ij.*  
*aque cardui bened. & theriacalis, ana unc. ij.*  
*succi limonum recent. unc. j. aque cinnamomi, unc. j. ℥.*  
*Misceantur simul & stent per sesquiboram, postea coquantur: adde colaturæ*  
*confect. de hyacintho sine moscho, drach. j.*  
*Misce.*

17 Maji, morbo in eodem statu permanente, hesternum sudoriferum mane reiteratum fuit. Circa meridiem præscripsi apozema, de quo ter quaterve de die haustum biberet:

℞. *Radicum carline, petasitidis, distamni, Helenii,*  
*angelicæ, ana unc. ℥. & ostratii, drach. ij.*  
*cortic. aurantiorum sicc. unc. ℥.*  
*herb. scordii, cardui bened. ana M. j. ℥. cichorei, acetosæ, ana M. j.*  
*melissæ, pimpinellæ, & ruthe, ana M. ℥.*  
*sem. 4. frigid. major. ana drach. j. cicerum rubr. unc. j.*  
*Coquantur in aque communis q. s. ad lib. ij. adde colaturæ*  
*syrupi de succo citri, & de scordio, ana unc. j.*  
*Fiat apozema.*

18 Maji reiterata fuit mistura ante præscripta, ut & sudoriferum, cui addidimus extracti cardui bened. scrup. j. ℥. Interdum etiam comedit particulam hujus conditi:

℞. *Pul. Liberantis, drach. j. diascordii Fracast. drach. ij.*  
*cortic. aurantiorum condit. conserve rosarum rubr. ana drach. iij.*  
*theriacæ, drach. j. confect. de hyacintho sine moscho, scrup. iij.*  
*syrupi acetosissimi citri, q. s.*  
*Fiat conditum.*

Eadem



Eadem die etiam duos haustus apozematis bibit, ut & sequenti nocte. 19 Maji ad extremam fere debilitatem devenerat, ita ut vix quicquam assumere posset: tamen hunc bolum exhibui, à quo licet valde parum suaderet, aliquod tamen levamen sensit:

*℞. Triteriace, confect. de hyacinto, lapidis bezoar orient. ana scrup. j.*

*Fiat bolus, involvendus folio auri.*

Hactenus nulla externa pestis indicia apparuerunt, & febris (quæ tamen non admodum violenta videbatur) absque ulla intermissione continuavit. 20 Maji cum rursus medicamenta assumere posset, prædictum apozema reiteratum est, quod ista & sequenti die totum ebibit; idemque 22 Maji rursus paratum fuit, addendo foliorum Ruthæ, M. j. 24 Maji, qui erat nonus à principio morbi dies, crisis facta est per vehementem sudorem spontaneum, post quem totum corpus à malignitate foras prodeunte, parvis pustulis rubicundis, magnitudinis milii seminis, undique obsessum fuit, cum magno pruritu: in inguine etiam bubo ovi columbini magnitudine protuberavit, atque sic ægra à gravi anxietate aliisque symptomatibus simul liberata, & morbus critice solutus fuit. Ne tamen recidiva sequeretur, ultimum apozema adhuc semel reiteravimus, ut & conditum 18 Maji præscriptum. Buboni quoque cataplasma attrahens aliquot diebus, & postea emplastrum impositum est, sed tamen absque maturatione paulatim evanuit, atque ægra summi Numinis favore à periculosissimo morbo feliciter evasit. Primis morbi diebus nihil edere poterat, & postea tantum tenui victu utebatur, ex jusculis carniū, cum acetosa, boragine, pomis citreis, aurantiis, & similibus paratis ac coctis. Potus erat cervisia tenuis, quam amabat, à julebis abhorrebat. Primis septem diebus aurum tantum semel deposuerat, nec ego ante crisin per has vias moveri volui: biduo post crisin exhibui pilularum Ruffi, scrup. j. à quibus bis terve deiecit.

*Annotatio.*

**E**Rat hæc ægra valde obediens ac verè patiens, quæ nihil sine meo consilio agebat, cujusmodi obedientes ægri rarius inveniuntur. Cum post primum sudorem non levaretur, ipsam in continuo calore & parvo sudore continui usque ad diem quartum, sperans naturam interea forinsecus per tumores vel anthraces aliquam maligni veneni partem expulsuram. Verum die quarto valde debilis fuit, nec ulla mutatio secuta est: cumque hic dies sine

crisi præterisset, eoque se multo pejor habuisset, crisin sine dubio die septima futuram existimavi: propterea admonui ægram ut bono ac forti animo esset, & in parvo illo sudore patienter continuaret usque ad diem septimum, tunc enim morbum mutatum iri. Ipsa satis obediens, quamvis in mediis angustis constituta, exacte tamen ad meum præscriptum vixit, & sudores continuos à primo usque ad septimum morbi diem patienter (de quo ipsemet mi-

N n 2 rabar)

rabat) tulit, idque in medio foetore; nulla enim toto tempore linteamina recentia tabantur: nam sæpius animadverteram huiusmodi mutationem plurimis valde nocuisse, foetorem verò sudoris nulli damnum intulisse. Cum autem septima die se rursus multo pejor haberet, nec ulla sequeretur critica morbi mutatio, in eodem sudore patienter continuandum fuit usque ad diem nonum, (ad quem usque diem febris eodem fere tenore sine ulla intermissione duravit, sine ullis etiam externis pestis indiciiis) quo morbus critiche solutus est, ut dictum.

Si hoc pestilenti tempore febris aliqua quempiam invaderet, eam publicæ malignitatis participem esse judicare oportebat, etiamsi nulla pestis indicia præ se ferre videretur: nam licet interdum (quod tamen rarissimum erat,) in principio nullius pernicipi particeps esset, celerime tamen intra paucas horas communi aëris vitio pestifera lues ei adjungebatur. Sicut etiam cum Montano testatur Forestus, tempore pestilenti infinitas videri febres continuas, tertianas, vel similes, quæ statim convertuntur in pestilentes. Nobis igitur præstabilius videbatur, in ipso morbi principio omnes huiusmodi febres, tanquam verè pestilentes, convenientibus antidotis oppugnare, quam

expectare dum viribus dejectis & salute deploratâ, certis & indubitatis notis pestilens malignitas se proderet; nam si protraheretur huiusmodi curatio, tandem venenum altioribus radicibus cordi infixum, omnia præsidia alpernebat. Nec etiam ab oppugnatione huius hostis desistendum erat, antequam penitus è cuniculis & latebris suis expulsus, totusque expugnatus & profligatus forer. Quemadmodum nos illud etiam in prædictâ ægra fecimus; in qua illud rarum & notatu dignum occurrit, quod externa pestis signa tam sero, nec ante crisin apparuerint. Eapropter quamvis raro detur pestis, in qua non bubones, exanthemata vel anthraces in principio vel paulo post appareant, attamen iis non apparentibus statim cum vulgo concludendum non est, ægrum peste non laborare: sæpe enim pestilens venenum, diutius in corpore latere possit, antequam se prodât, docuimus *lib. 1. cap. 10. annot. 8.* sæpe etiam à veneni virulentia ægros extingui antequam talia signa prodant, omnibus notissimum est; in quibus talia indicia sæpe post mortem primo apparent: non raro quoque virtus adeo debilitata & oppressa est, ut nullam veneni expulsionem ad exteriores partes moliri queat.

## HISTORIA XXVIII.

**G**ofuinus Dijkwoldt, vir fortis, 3 Maji de gravativo capitis dolore & cordis anxietate conquestus est, atque adeo somniculosus fuit, ut se vix sustentare posset. Circa vespem ad ipsum vocatus, hoc alexipharmacum exhibui:

*R. Extracti magistralis, salis absinthii, ana scrup. j. l. theriacæ, scrup. ij. aque theriacalis, unc. j. l. aceti bezoartici, unc. j.*

*Misceantur, pro haustu.*

Iussi ut stantes ipsum continuo alloquerentur, ac omnibus modis somnum impedirent, usque dum per quatuor vel quinque horas egregie suffasset.

dasset. Ager ab assumpto medicamento vehementer sudavit; post sudorem etiam plane cessavit anxietas cum somnolentia, ita ut sequenti mane multo melius se haberet: atque tunc duo satis magni carbunculi, alter in brachio, alter in femore apparuerunt. Cum autem propter ægrorum multitudinem illo mane non satis tempeste hunc ægrum inviserem, statim natus quidam chirurgus advocatus fuit, qui meum adventum non expectans, suo consilio venam brachii incidit, & sanguinis circiter uncias decem extraxit; & mihi in via obviam factus, tanquam re bene gesta, factum narravit. Post tres à sanguinis missione horas ægrum simul invisimus, quem ille à sanguinis detractioe multum allevatum fore existimabat: sed longe aliter se res habuit, nam varia desperata signa in ipso animadvertimus: carbunculi non tumidi, nec in circumferentia multum inflammati, sed exiles, depressi & quasi aridi visi sunt; febris vehementissima accesserat cum maxima anxietate, quam tanta comitabatur virium debilitas, quâ, intra paucas horas æger deficiens, fatalem diem clausit.

*Annotatio.*

Quamvis cum Galeno multi Medici in peste, & præcipue in carbuncolorum curatione, venæsectiones instituendas esse doceant, nos tamen in hac peste illas nunquam feliciter administratas fuisse novimus, nec quemquam evasisse scimus, cui sanguis venæsectione detractus fuit. Sic ipse quo-

que Hippocrates 6 *epidem. sect. 7.* testatur se in pestilentibus morbis infelicitèr usum fuisse venæsectione & purgatione: *His (inquit) neque per medicamenta, quæ humores suis scilicet submoverent, ullum esset dignum auxilium allatum est; neque alii periculis, neque venæsectio juvit, quæ ipse tenui.*

## HISTORIA XXIX.

Vxor Domini Wiljems, nobilis Angli, mulier delicatula, juvenis, & mediocriter fortis, peste cum magna anxietate correpta fuit, cumque alexipharmaco à nobis assumpto fortiter sudasset, protuberavit in inguine bubo, & anthrax in altero brachio erupit, ac magnum levamen sentit. Postridie mane ab eodem reiterato alexipharmaco rursus egregie sudavit, & bubo multum adauctus est, febris, quoque plane recessit, ita ut periculum jam evasisse videretur. Cum autem foetorem sudoris ægrius perferret, rogavit ut lecti linteamina ipsi mutare liceret; quod omnino prohibui, (sicut in omnibus id curiosè prohibere solebam) & adhuc per duos tresve dies expectandum esse dixi. Illa tamen post meum discessum factoris pertæsa, indutium nitidum prope ignem bene calefactum, abjecto priore madido, calidissime induit. Deinde post horas duas horrore cum magna anxietate correpta est; vehementissima febris, cum maxima siti, nausea & debilitate accessit, ac caput doluit. Præ-

scripsi duo alexipharmaca , quæ statim revomuit , nec julebos etiam , nec alia convenientia medicamenta retinere potuit : bubo quoque disparuit. Circa mediam noctem alvus sponte turbata est, & exanthemata pauca hic illic in cute apparuerunt. Sequenti mane obiit.

*Annotatio.*

**R**Enovationem linteaminum ante diem septimum, periculosissimam fuisse, semper observavimus; & quantumvis calidissime illa mutatio fieret, nulli tamen felicitur cessit: omnibus enim paulo post febres, anxietates, inquietudines, alique symptomata graviter recruderunt. Causam fuisse animadvertimus foetorem saponis, quem recens lota & nitida linteamina plus minusve retinent: qua de re fusius egimus lib. 2. cap. 3. annotat. 6.

## H I S T O R I A XXX.

**F**ilius bipenniferi Capitanei Veer, puellus circiter sex annorum, peste correptus, magnum carbunculum in media mala, juxta supra maxillam superiorem, habuit, qui ab exili pustula initio ducto, intra biduum horribiliter accrevit, & totam genæ substantiam penetrans, mortificationem gingivarum, & tandem etiam palati induxit, atque octava die ægrum occidit.

*Annotatio.*

**S**imilem casum adhuc semel vidi in alio quodam pauperculo puello, cui non tantum gingivæ, sed magna quoque nasi pars à pestilentis veneni malignitate ante mortem sphacelata fuit, cum terrimo foetore: sed hujusmodi exempla in hac peste rariora fuerunt. Forellus lib. 6. observat. 12. refert se videri puellam, anthracem sub labro intus habentem, è quo pestiferus, & ob membri molliem putridissimus vapor exhalans totam domum infecit. Et observat. 25, narrat historiam puelli, cui carbunculus labia, mentum, genas, maxillas & nasum invasit.

## H I S T O R I A XXXI.

**F**ilia Engelberti de Man Procuratoris, juvencula circiter viginti annorum, viso aliquo ægroto pestilenti febre cum phrenitide correpto, & horribili aspectu vociferante, adeo exterrita fuit, ut inde pestem statim conceperit. Febris aderat mitior, anxietas vero maxima, cum summa virium debilitate: bubo protuberavit sub axilla, & carbunculus in brachio erupit. Varia sumpsit alexipharmaca: satis fortiter aliquoties sudavit, sed nihil imminuta est anxietas, cum qua die sexta è vivis excessit.

*Annotatio.*

**M**Ultis à terrore pestem inductam fuisse observavimus; idemque etiam ab Historicis & Medicis, qui in tractandis ægris pestiferis curiosiores fuerunt, annotatum fuisse legimus; quorum aliquot testimonia citavimus *lib. 2. cap. 7. annotat. 9.*

## HISTORIA XXXII.

**D**Idricus Petterd, miles Anglus, robustus, mense Majo peste correptus, carbunculum in manu habuit. Ad hunc tertiam morbi die vocatus est magister Cornelius chirurgus, ut ex charitate ægrum pauperem inviseret. Ipse in platea Regularia ante ædes in quibus decumbebat æger, mihi casu obviam factus, rogabat ut una cum ipso intrarem. Invenimus ægrum jam morti propinquum, corpore plurimis exanthematibus purpureis oblito, quapropter ipsum Deo commisimus. Post discessum disputatio inter nos orta est de causis, origine & forma exanthematum. Ego inter alia cum Fernelio statuebam, illa non esse solius cutis maculas, sed etiam partium subjectarum. Alter id negabat, & dissectione unius aut alterius exanthematis se id facile demonstrare posse dicebat. Convenit inter nos ut in cadavere prædicti militis (qui intra semi horam à nostro discessu moriebatur) refrigerato, postera die levem incisionem experiundi gratia faceremus. Ipse in femore levem tantum in cute fecit dissectionem, credens subjectas carnes maculatas non esse; verum se plane deceptum videns, altiore facta incisione istarum macularum progressum inquisivit, ac Fernelium vera dixisse confessus est: nam invenimus maculas illas ab ipso periostio initium ducere, & latiore basi pyramidis instar per medios musculos recta sursum usque ad cutem ascendere, atque ibi in conum terminari. Chirurgus hac experientia nondum contentus, in brachio supra cubitum aliâ factâ incisione, idem illud adhuc semel inquisivit: ubi invenimus basin duorum exanthematum (quorum progressum quærebat) adeo profunde sitam non esse, neque ad periostium usque pertingere, sed à duro tendone cujusdam musculi originem sumere.

*Annotatio.*

**T**Radunt Iacobum Bontium, Medicum Lugduno Batavum, quondam ejusdem rei periculum fecisse, & invenisse quod exanthemata ab ipsis ossibus initium ducerent. Procul dubio etiam Fernelius ejusdem rei ocularum experimentum sumpsit, nam *lib. de febr. cap. 18.* inquit: *Exanthemata ut corporis summa, ita & interiora viscera, musculos, nervos cæteraque partes solidas obsident, ex hisque primam ducunt originem.* Sic etiam Ioannes Morellus scribit non tantum exteriorum corporis habitum, sed & interiora viscera atque musculos ejusmodi papulis obsideri, non secus ac per variolas & morbillos.

Anne

Anne hepar, lien, pulmo, aliaque interna viscera hujusmodi pestilentialibus exanthematibus etiam infestentur, de eo oculare experientiam non habeo, propterea quod licet contagium

à dissectione musculorum parvi faciam, illud tamen, ex apertione cavitatum abdominis & pectoris, furiosius in astantes irruere posse credam.

## HISTORIA XXXIII.

**L** Ambertus Stofels pestilenti febre absque ullo externo pestis signo correptus est, cum summa anxietate, siti, & capitis dolore: Mox in ipso principio advocatus fuit Adrianus chirurgus in Magna platea habitans, qui statim venæsectionem suavit, ac brachii vena pertusa, sanguinis aliquot uncias extraxit. Ager inter chirurgi manus animi deliquio correptus est, quod cum diutius perduraret, meum consilium petitum fuit. Inveni ægrum sudore frigido perfusum, cum pulsu adeo parvo ut vix sentiri posset. Prædixi mortem. Attamen ne quicquam intentatum relinqueretur, aliquantillum aquæ vitæ Matthioli cum aqua cinnamomi ori infudimus, eademque nares & tempora fricavimus, acetum quoque rosaceum naribus objecimus; verum his non obstantibus intra horæ quadrantem expiravit.

*Annotatio.*

**F**orestas scribit in Peste Delphensi venæsectiones semper noxias fuisse, excepto si administrarentur in ipso morbi principio, antequam duodecim vel viginti horæ expirassent, tunc enim profuisse. Nos verò in hac peste omnes venæsectiones, etiam in ipso morbi principio factas, valde noxias fuisse, non tantum in prædicto agro, sed in pluribus etiam aliis observavimus.

## HISTORIA XXXIV.

**M**ense Majo circa vespèram casu transibam prope portum Noviomagensè, atque ibi civem quandam (non nominandum) fide dignissimum vidi quasi attonitum stare, & intensissimos oculos in certum quandam portus locum fixos habere. Rogavi quidnam ageret? ipse quasi è somno evigilans, respondit se nihil agere, sed maxima alteratione perculsum esse propter visionem quandam quam ibi viderat. Cumque curiosius quidnam vidisset inquirerem, primo quidem nihil dicere voluit, sed tandem sub fide silentii narravit se in portu navem vidisse, è qua funus efferebatur ad sepulturam, quod funus plurimi milites inversis ac terram verrentibus armis præcedebant: juxta ante funus vexillum (inquit) portabatur, & vir quidam thorace ferreo ac galea indutus nudum gladium manu tenebat, alius arma clypearia portabat: proxime post funus pauci pullati, & post hos varii viri absque palliis & famulis

mulis comitati, hosque rursus multi pullati sequebantur. Aliàs etiam (dicebat) sed rarius talia spectra vidi, eaque semper alicujus mortem præfagierunt. Cum hæc aliaque pauca cum ipso locutus fuisset, discessi. Mense autem Iulio istius spectri effectus visus est, nam cadaver nobilis Capitanei Iodoci ab Hæften (qui tunc temporis supra Longweerdam mortuus fuerat) navi in portum Noviomagensis delatum, atque è navi plane eodem modo, quemadmodum civis ille diu ante in spectro se vidisse narraverat, ad sepulturam delatum fuit, ita ut nihil eorum quæ in visione visa fuerant, deesset.

## Annotatio.

**H**Oc tempore mulier quædam epileptica, quam vulgò Ioannam cum mammiis vocant, dicebat se eorum qui morituri erant spiritus, atque feretra funeralia ante ædes illas è quibus mortui efferendi forent, aliaque multa spectra videre; cuius dicta multoties ab eventu confirmata fuerunt: verum postea cum sæpe etiam multa mendacia visionibus suis affingeret, ejus verbis parva aut nulla fides adhibita fuit. Attamen nonnunquam hujusmodi spectra cum infelici præfagio videri, ex narratione prædicti fide dignissimi civis, vel inde certò constare poterat, quod mihi rem illi ipsi incognitam, & quæ non nisi diu post effectum cognita facta fuit, eo ordine se vidisse narraret, sicut postea peracta est. Sic etiam hospes meus Bartholomæus de Claer nobis narravit, se quodam tempore serius domum venientem, vidisse in foro è magno illo diversorio cui Cygnus pro insigni est, elatum funus, cui arma clypearia præferebantur, & quod multi tubicines præcedebant; cu-

jus spectri effectus post aliquot à visione menses manifestatus est in equitum quodam Capitaneo ægro ad illud diversorium delato, atque ibidem mortuo, & prædicto modo ad sepulturam delato. Memini etiam mulierem quandam mihi sanguine proxime junctam, quondam nobis præsentibus circa horam sextam post meridianam narrasse, se videre tria funera è vicini nostri ædibus efferri, multosque pullatos funera sequi: effectus post duos ab inde menses liquit, nam in iisdem ædibus octidui spatium tres liberi variolis laborantes mortui sunt. Multa & mirabilia exempla spirituum, qui nonnullis apparuerunt, recenset Cardanus *lib. 16, de Rerum varietate, cap. 93*. Quamvis autem hujusmodi historiarum innumeris fabulis etiam investigari plerumque soleant, omnino tamen pro fabulis habendas non esse, sed Deo sic permittente diabolum multis ludibriis hominum quorundam mentes exagitare, pro certo credendum esse arbitramur.

## HISTORIA XXXV.

**V**Xor Orthonis à Wyler, mulier fortis & florentis ætatis, se magna cordis anxietate premi, atque exilem quandam tumorem cum dolore sub axilla sentiens, celavit malum: cumque per aliquot dies alvum non depofuisset, suo ipsius consilio foliorum senæ unc. s. cum seminis

minis anisi drach. j. & aliquot prunis Damascenis in cervisia decoxit, atque illam colaturam bibit, & pruna comedit. Post duas horas maxima debilitate correpta fuit, ita ut ab animi deliquio parum abesset: huic debilitati adjuncta sunt maxima intestinorum tormina, ac tandem secutæ sunt alvi dejectiones, quæ primo aliquod levamen inducere visæ sunt, sed paulo post exitiales evaserunt, nam in alvi continuum fluxum mutatae sunt. Evanuit tumor qui sub axilla latuerat, & invasit febris vehemens, cum maxima siti viriumque dejectione. Tunc meum consilium petitum est. Inveni vires summe languidas, cum pulsu crebro ac titubante. Excreta quæ per alvum deiciebantur foetidissimum foetorem redolebant, neque erant stercorea aliæ humores excrementitii, quales in aliis fluxibus deji-ciuntur, sed erant quasi oleosa, turbida, cineracea, instar colliqutionum. Præmissio igitur mortis præfagium, ne nostrâ negligentia perire videretur ægra, tale alexipharmacum exhibui:

R. *Terræ sigillatæ, scrup. j. f. coralli rubri præparati, scrup. f.*  
*cornu cervi ussi, scrup. j. theriacæ, discordii, ana drach. f.*  
*aquæ theriacalis, unc. ij.*

*Misce, fiat haustus.*

Non potuit sudare, nec quicquam imminutus est alvi fluxus. Post quatuor horas rursus aliud antidotum astringens assumpsit, à quo quidem aliquantum sudavit, sed absque levamine. Postridie viribus deficientibus simul morbi vitæque finem imposuit.

#### *Annotatio.*

**E**Xitialia in hac peste fuerunt omnia medicamenta quæ alvum ducunt, etiam maxime levia, præcipue ante morbi perfectam declinationem assumpta; nam semper alvi fluxum fere omnibus lethalem induxerunt, non eo quod violentam operationem exercerent, sed quod naturam in suo opere interturbarent, & materiam morbificam, quam natura per commodas vias & cum salute ægrorum à centro ad pe-

ripheriam movebat, in ægrorum perniciem ab externis partibus ad interiora viscera retraherent, atque eandem per incommodas vias versus intestina diverterent, per quæ tamen perfecte expelli non poterat: interea enim dum natura, ad hanc perversam viam jam seducta, venenum pestilens frustraneo conatu expellere annitebatur, cum viribus citius vita deficiebat quam morbus.

#### H I S T O R I A XXXVI.

**E**Metus Barbergen, cum peste propemodum absque febre correptus sudoriferum à me sumpsisset, conquestus est se in media lingua do-lore cum alicujus particulæ insensibilitate percipere. Cum locum inspicirem, vidi parvum nigricantem anthracem in media lingua enatum esse.



esse. Ad reliquam veneni expulsionem adhuc duobus sudoriferis usus est, cum optato levamine. Ne autem anthrax in fungosa parte se nimis cito & late extenderet, iussi ut os sæpe collueret cum sequenti decocto:

℞. *Corticum granatorum*, drach. vj. *glycyrrhizæ rasæ*, drach. iij.  
herb. *betonicæ*, *mellisæ*, *violarie*, *pimpinellæ*, *foliorum bellidis*, &  
herb. *rubi*, ana M. ℥. *flor. balauſtiorum*, & *rosarum rubr. ana drach. j. ℥.*  
*aquæ communis q. s.*

*Coquantur ad lib. j. ℥. colaturæ admisce*  
*syrupi diamori*, *mellis ros. ana unc. j.*

Cum hac collutione per biduum usus fuisset, ad citiorem escaræ separationem, aliam præscripti:

℞. *Hordei mundat. drach. v.* *radic. althææ sicc. glycyrrhizæ rasæ*, ana dr. iij.  
herb. *maluæ*, *pimpinellæ*, *althææ*, & *violarie*, ana M. j.  
*ficum ping. n. v. passularum*, unc. ij. *aquæ communis q. s.*

*Coquantur s. art. ad lib. j. ℥. addendo colaturæ*  
*mellis ros. syrupi diamori, ana unc. j.*

*Fiat decoctum pro collutione.*

Idem postea adhuc bis reiteratum est. Octava morbi die parva escara separata excidit, magnum linguæ dolorem relinquens, qui collutionibus & vulneris sanatione paulatim evanuit. Ita æger hic restitutus fuit, retinens post sanationem in lingua parvam cavitatem, eo in loco ubi anthrax fuerat.

#### Annotation.

C Arbunculos in lingua rarissime rit. Chirugi qui pestiferos tractabant, oboriri, hinc credibile est, quod se eundem casum tantum bis terve in tota hac furiosissima peste hunc casum quoque vidisse, referebant.

### HISTORIA XXXVII.

Es Quis notissimus Schabhals, homo fortis, audax, & maxime temerarius, peste cum magna febre ac debilitate correptus, bubonem in inguine, & tres anthraces in corpore habuit. A quibus omnibus malis cum optime summi Dei auxilio sanatus esset, & jam rursus foras prodiret, nullas Deo gratias egit, sed satis impie gloriatus fuit, se ipsa peste nequiores & fortiores esse, atque nec pestis, nec diaboli spicula ipsum quicquam afficere posse, imo se neque pestem neque diabolum curare. Audivit Altissimus impia impiissimi hominis verba. Quid sit? Postquam cum reliquis equitibus hostilia castra aliquoties explorasset, (nam famosissimus erat conductor, quem vulgo *Guide*, alii *Gidse* appellant) tandem circiter quintâ post perfectam sanationem hebdomadâ, rursus de novo peste correptus est, & ante diem sextum victricis pesti duram subiecit cervicem.

## Annotatio.

**D**isputatur inter Medicos, an illi qui à peste semel evaserunt, rursus peste corripri possint. Negativam partem sectatur Guilielmus Magistrius, qui de *Pest. sect. 1.* scribit, eos qui semel peste laborarunt, à contagio toto anno ab illa lue immunes evadere, atque etiam totà vità minus periclitari. Sic quoque Massaria inquit, neminem bis pestilentiam incurere, sed eos qui semel peste laborarunt, imposterum à peste tutos esse: eamque causam esse arbitratur, quod vespillones illi, qui ægris pestiferis inserviunt, à contagio non lædantur, quia plerique semel peste laborarunt, Matthias Vntzerus dicit eos qui semel peste tentati fuerunt, eodem pestilenti tempore vix, ac ne vix quidem in eandem relabi. Subiungit has rationes: Quia humor ille pestifero veneno fomitem substemens habilem, totus in illo morbo evacuat & dissipatus fuit, ut non facile contagionis labem suscipere queat; vel quia cor anridotis in prima peste munitum, porro qualitate alexiteria perficitur, qua venenum pestis longe à se propulsare valeat: vel quod cor pugne priori cum pestilenti veneno assuetum, nunc iteratos crudelis tyranni insultus eludat, minasque despiciat. Verum omnes has auctoritates & rationes ipsa experientia facillime evertit: nam varios novimus qui ante aliquot annos peste laboraverant, & propterea tamen in hac constitutione non magis à lue immunes fuerunt, quam alii. Eodem autem an-

no eundem hominem bis peste corripri posse, liquet ex prædicta historia, ut & ex historia 45. Sic etiam Marfilius lib. *epidem. cap. 24.* scribit, ter unum ex Florentinis luem hanc invasisse, qui etiam secundò perfecte liberatus, tertio mortem evadere non potuit. Angelus Bellicochus, *tract. de Peste*, refert, in illa peste Veneta nonnullos ab hoc gravissimo malo liberatos, per aliquot menses se rursus satis bene habuisse, & postea iterum in morbum hunc incidisse, à quo tamen nonnulli fuere restituti.

Sic etiam Follinus, *Amulet. cap. 20. problem. 2.* dicit, se in peste Sylvaudensi vidisse, qui ter hoc morbo laboraverunt; & nonnullos fuisse defunctos, qui novena morbi pugna succubuerunt. Verum etsi hæc ita se habeant; tamen docet experientia, illos, qui semel hoc malo afflicti fuerunt, tutius degere, & minus periclitari aliis, qui nunquam eo detenti fuere. Quod etiam in gravissima sui temporis peste notat Historicus Thucydides, lib. 2: *Verum ii*, inquit, *præcipue morientium laborantiumque miserabantur, qui ipsi evaserant, quippe id jam antea experti, ac de se securi: neque enim bis eundem morbus corripiebat, ut extingueret.* Verum in nostra peste Novioma-gensi, etsi qui semel pestem experti essent, raro secunda vice in illam inciderent, quibusdam tamen hoc contigisse novi, eorumque nonnullos evasisse, nonnullos mortuos fuisse.

## HISTORIA XXXVIII.

**R**obertus Wendel cum peste una cum vehementi febre correptus esset, nec à primo alexipharmaco ullum levamen perciperet, secunda die acutissimum dolorem pleuriticum sensit in latere dextro,

tro, qui statim anhelitus libertatem impediit, arque ægrum intra duas horas jugulavit. Cadavere vix refrigerato, totum dextrum pectoris latus nigerrimo colore, instar carbonis, infectum est.

*Annotatio.*

**D**olores pleuritici qui pesti superveniebant, semper erant lethales, & ægros cito occidebant, propterea quod non solum ab inflammatione membranae pleurae, sed à pestilenti veneno isti membranae vicinisque partibus infixi producerentur; quod venenum non solum inflammationem, sed partis mortificationem inducebat, quæ nec venæsectione, nec ullis aliis mediis curari

poterat. Hæc pleuritis pestilens admodum familiaris non erat. Wierus autem *lib. rarar. observat.* describit pleuritides, peripneumonias & anginas pestilentes epidemias, quæ per totam Inferiorem Germaniam gravissime dominabantur, nec venæsectione aliisque remediis cedentes, maximam hominum stragem ediderunt.

HISTORIA XXXIX.

**V**idia Ioannis Rodenburch, mulier fortis, peste correpta statim carbunculum in femore habuit: febris aderat vehementior, cum magna siti, anxietate, & inquietudine. Hoc alexipharmaco assumpto egregie sudavit:

- ℞. *Extracti ruthe, & cardui, ana scrup. j. salis scordii, scrup. j. f. diascordii Fracast. drach. j. aquæ theriacalis, unc. j. aceti bezoartici, unc. f.*

*Misce, fiat haustus.*

Secunda die tumorem sub axilla percepit: tunc alterum sudoriferum exhibitum est, quod statim evomuit. Hoc julebo ad sitim utebatur:

- ℞. *Aquæ cardui bened. lib. j. scabiosæ, & acerosæ, ana lib. f. syrupi de succo citri, & granatorum acid. ana unc. j. olei sulphuris q. f. ad gratum acorem.*

*Misce, fiat juleb.*

Nil aliud illa die assumere potuit. Postridie morbo in eodem statu permanente, nec tumore sub axilla magis crescente, meo persuasum hunc bolum deglutivit:

- ℞. *Extracti magistralis, scrup. j. & angelicæ, scrup. j. f. lapidis bezoar Orient. gr. viij. miltidarii democ. scrup. j.*

*Fiat bolus.*

Circa vespèram de ventris dolore conqueri cœpit, intestinorum quoque murmura accesserunt. Sequenti nocte vehementius febricitavit. Die quarta mane alvus liquidissima dimisit: paulo post colliquativus fluxus secutus est, cum quo fortidissima, turbata, confusa, cinerei coloris dejicie-

bantur; quem fluxum nullis astringentibus nec antidotis sudoriferis (quamvis ægra mortem metuens, tunc quidlibet assumeret) sistere potuimus. Post sexdecim à principio fluxus horas etiam sanguis defluxit, & ægra sequenti nocte obiit.

*Annotatio.*

**A**lvi fluxus pesti superveniens plerumque lethalis fuit, & cum illo vix centesimus quisque evasit. Sic etiam Galenus scribit in peste sui temporis omnes prope periisse quibus alvi fluxus superveniebat. Ita quoque Nicolaus Florentinus, Gallus Tridentinus, Forestus, & alii observarunt in peste, maxima ex parte mortuos fuisse illos, qui-

bus alvi fluxus accessit, imprimis si anhelitus foetens adjungeretur. Errant omnes qui hunc fluxum critico die incidentem, morbi salutarem eventum prænunciare arbitrantur: errant nempe in eo, quod fluxum hunc criticum esse, & à victrice natura produci judicent, cum re vera sit symptomaticus & morbi vi inductus.

H I S T O R I A X L.

**N**icolaus ab Elten, eques generosissimi Capitanei Coenjers, vir robustus ac temerarius, peste jam correptus & bubonem in inguine sentiens, statim pro duobus assibus tabacum minutim confissum emit, idque in cervisia aliquantum decoxit, postea colavit, expressit, ac colaturam ebibit. Hinc non diu post tanta anxietate & debilitate correptus est, ut animo totus linqueretur, ac jam mori videretur: paulo post rursus ad se reversus, adeo enormiter sursum deorsum purgatus est, ut in mediis excrementis instar porci provolutus jacens, vix quispiam ipsum contingere auderet propter contagii metum. Tandem à domesticis ex illuvie illa extractus, mundatus & in lectum depositus est, adeo debilis existens ut se commovere non posset, inguinis quoque bubone plane disparente. Tunc petiit Vice-Capitaneus Couper ut ipsum inviserem. Cum autem illum adeo debilem & toto corpore turbatum invenirem, ad eluendam tabaci qualitatem bis terve cervisiam offerri jussi, quam statim cum violentia revomuit. Denique vini Gallici generosi lib. j. ad ignem calefecimus, eique (ut solent equites) aliquantum nucis moscatæ, canellæ & zingiberis immiscuimus; quem potum calidissime assumptum retinuit, & stragulis bene coopertus in somnum incidit, atque inter dormiendum valde sudavit. Post aliquot horas è somno evigilans, tale vinum adhuc semel à domesticis paratum ebibit, & rursus ad dormiendum & sudandum se composuit. Sequenti die optime valuit, & cum satis magna voracitate rursus comedit. Tunc passim gloriabatur se quendam diabolum ipsa peste nequiores (nempe tabacum) invenisse, qui corpus subintrans statim ipsam pestem ejiceret.

*Anna-*

*Annotatio.*

**S**æpe (inquit Celsus) quos ratio non resistit, temeritas adjuvat. Liquit illud in prædicto equite, cujus temeritatem cum alii duo ejusdem cohortis equites peste correpti (alter cum inguinis bubone, alter cum tumore sub axilla) sequi vellent, infeliciter perierunt: prior intra duas horas ipsam animam evomuit; alter vero deficientibus viribus sequenti nocte à vivis excessit. Nobis etiam narratum est, nonnullos alios milites, consilio & experientia prædicti equitis dementatos, illud ipsum quoque infelicissime tentasse, eorumque animas tabaci adventu citissime à corporibus fuisse fugatas. Quamvis ad pestis præservationem tabaci fumus ore attractus valde insignis sit, attamen ipsum tabacum, vel ejus extractum, aut decoctum intus in corpore assumptum, ad pestis curationem noxium est, propterea quod violentissima sua operatione corpus, jam à pestilenti veneno infestatum & debilitatum, gravissime exagitet & conturbet, imo residuas vires ad veneni resistentiam maxime necessarias in totum dejiciat. Ita ut quamvis tabacum qualitatem aliquam veneno pestilenti contrariam obtineat, quia tamen isti antidotali qualitati alia vehementer contur-

batoria conjuncta est, qua vires plane dejiciuntur, harum conservandarum gratia, ab ejus interno usu abstinendum est. Nam curationis pestis duæ primariæ sunt intentiones, Veneno resistere, & Vires conservare. Harum autem intentionem prior nequit bene perfici sine posteriore; natura enim succumbens neque veneno resistere, neque antidota in actum promovere potest. Nec etiam posterior sine priorè perficitur, cum venenum, cui non resistitur, invalescens, vires quantumvis conservatas obruat. Quapropter ad curationem pestis talibus medicamentis utendum, quæ his duabus intentionibus simul satisfaciant, veneno resistant, & vires, quantum fieri potest, conservent. Quæ verò medicamenta in alterutro peccant, rejicienda sunt. Tale est tabacum, cujus usus si forte uni alicui fortissimo salutaris existat, rursus mille alios occidet. Hujus tamen fumo per fistulam attracto, & rursus foras dimisso, innoxie, imo cum magna utilitate (inprimis ad præservationem) uti possunt illi, qui ejus usui assueti sunt; nam in talibus vires non dejicit, nec corpus conturbat, partim propter consuetudinem, partim quod manifestâ quantitate non ingreditur corporis interiora.

## HISTORIA XLI.

**M**ense Junio casu transivi, Adolpho Fildar Chirurgo comite, plateam vulgo Bloemerstraet appellatam, atque ibi puerulos quosdam colludentes vidimus, & inter hos filiolum militis cujusdam, circiter sex annorum, qui exanthematibus obscure purpureis & rotundis totus scatebat. Mirati sumus puellum hunc non ægrotare. Interim dum illum cum admiratione aspiceremus, accurrit mater, quæ nobis filii crura, ventrem, clunes reliquumque corpus detexit, quod totum exanthematibus non minus oblitum erat quam manus & facies. Mater dicebat puellum per quatuordecim dies has maculas habuisse, & vix unquam ægro-

ægrotaſſe, ſolummodo unica die aliquantum de capitis dolore conquieſtum fuiſſe, nec bene edere potuiſſe; ea tamen de cauſa ipſum domi manere noluiſſe, ſed cum ſodalibus ſuis in plateis adhuc colluiſſe: iſta autem inſequentē nocte ipſum in ſomno multum ſodaſſe, ac poſtridie exanthematibus adeo ſcitantem inventum fuiſſe, neque ipſum poſtea male valuiſſe, licet illa & vicini omnes mortem pueli quotidie expectaſſent. Ego poſt tres deinde ſeptimanas curioſitatis ergo puellum ruruſus inuiſi, eumque optime valere, & exanthemata fere omnia paulatim inſenſibiliter evanuiſſe vidi.

*Annotatio.*

**P** Rocul dubio natura fortis & corrobustum in hoc puello non tantum unico sudore venenum pestilens totum foras expulit, verum etiam spiritus vitales ab ejus contagio jam corruptos extra arteriarum cavitates simul protrudit, atque ita ægrum à gemino malo, nempe tam à pestilenti veneno, quam à spirituoſa arterioſi ſanguinis parte, per veneni virulentiam jam corruptà, ſimul & in totum liberavit. Quod exemplum hac tempeſtate pro rariffimo habendum erat, nam in tota hac tam furioſa peſte, præter hunc puellum, nullum unquam vidi evaſiſſe, cui exanthemata purpurea aut nigricantia appaſſent; ſed quo plura & majora prodirent, eo citius ægros ſemper interiiſſe: reliqui etiam qui peſte infectos tractabant, ſe id nuſquam amplius vidiſſe affirmabant. Exanthemata rubra, parva & non multa, licet plurimis ef-

ſent lethalia, cum his tamē pauci adhuc evadebant; cum purpureis aut nigricantibus, nullis. Ac propterea quod maculæ illæ inſtantem mortem certiffimè prænunciarent, vulgus illas appellaſſat *Maculas mortis*, iſdemque appaſſentibus omnem de ægris ſpem abjiciebat. Ioannes Morellus *lib. de febr. purp. & Peſt. cap. 2.* ſatis longo ſermone contendit exanthemata peſtentialia dari vel exiſtere non poſſe ſine febre. Verum cum Hippocrates *in epidem.* teſteſſetur bubones & carbones peſtilentē ſine febre multoties viſos eſſe; cum ipſa quoque peſtis ſine febre eſſe poſſit, ut docuimus *lib. 1. cap. 12. annotat. 2.* cum etiam Gemma ſe illud ſæpius vidiſſe teſteſſetur; cum experientia quoque in prædicta hiſtoria ſatis demonſtreſſet, exanthemata purpurea copioſa ſine febre enata fuiſſe, non eſt quod Morelli opinionem pluribus refutemus.

H I S T O R I A X L I I.

**R** Outherus Wanhans, Germanus fortis, peſte correptus vomuit, capite doluit, ingenti ſopore & cordis anxietate preſſus eſt, nullum tamen externum peſtis ſignum percepit. Urina ſanorum urinæ ſimilis, pulſus creber erat atque inæqualis. Quia morbus, cum ipſum primo invilerem, erat in ipſo principio, magnam ſalutis ſpem dedi, atque hunc hauſtum ſtatim exhibui:

*℞. Theriaca, drach. j. ſalis communis, ſcrup. ij. aceti vini fortis, unc. iij. Miſce, fiat hauſtus.*

Ab

Ab hoc assumpto per sex septemve horas vigilare iussi. Vehementer sudavit, simulque bubo in inguine dextro erupit. Postridie eodem haustu reiterato, iterum copiosissime sudavit, atque ab anxietate & capitis dolore in totum liberatus fuit: duo carbunculi satis magni sinistrum femur invaserunt, quibus à chirurgo s. art. tractatis, æger brevi convaluit, tumore inguinis sponte evanescente.

*Annotatio.*

**E**odem modo cum felicissimo successu multis pauperioribus in ipso morbi principio exhibui solius aceti fortissimi unc. iij. vel iiij. cum salis marini pugillo, & optime sæpius profuit; interdum etiam Theriacæ drach. j. admiscui. Si illud removerent ægri, paulo post rursus offerebatur. Notandum autem non omnibus promiscue acetum esse exhibendum, sed ab ejusdem usu arcendos esse illos qui in pectore aliquid vitium habent, puta asthmaticos,

tussiculosos, & similes, qui ab aceto pessime afficiuntur. Ita quendam novi civem, qui cum me acetum nonnullis præscripsisse vidisset, etiam uxori suæ peste correptæ (quæ naturâ erat asthmatica & tussiculosa) idem exhibuit, à quo tanta tussi & suffocatione obruta fuit, ut non sine magna molestia aceti acrimonia & pectoris asperitas mitigari, ipsaque à præsentis suffocationis periculo liberari potuerit.

## HISTORIA XLIII.

**I**oannes Guilhelmi, famulus fabri lignarii, nuncium recepit parentes ejus prope Tielam habitantes, peste mortuos esse; à quo tristi nuncio tantopere conturbatus & perterritus est, ut etiam ipse inde statim pestem conceperit, à qua, non obstantibus variis adhibitis remediis, ante quartum diem obiit.

*Annotatio.*

**S**i ex solo nuncio hic æger peste correptus fuerit, quis mirabitur de eo quod Nicephorus scribit, ex solo aspectu infectarum ædium nonnullos peste infectos fuisse: & de eo quod Senner-

tus refert, ab aspectu currus in quo mortui ad sepulturam vehuntur, nonnullos contagium concepisse; imo nonnullos ex insomniis de peste, dirâ labe contaminatos fuisse.

## HISTORIA XLIV.

**N**obiles quidam Galli cum mense Junio graviore equitatione exercitii gratia se valde defatigassent, hincque multum sudarent, inter illos unus subito maxima anxietate & debilitate correptus est, ita ut se vix diutius supra equum sustentare posset. A sociis ad diversorium deductus & lecto impositus fuit: interea me advocarunt. Invenipulsum crebrum, celerem & parvum. Narrabant socii quomodo ab

P p

exer-

exercitio incaluisse & valde sudasse, atque tunc subitaneo illo languore correptus esset: addebat æger se in pectore aliquas pustulas dolorificas sentire, & credere se peste correptum esse. Vt illas pustulas inspicere-mus anne carbunculi essent, thoracem aperuimus, & denudato pectore vidimus ægrum supra pectus amuletum aliquod tenuissimum serico investi-tum, & à sudore jam valde madidum, gestare, sub quo pars multum inflammata, & multæ exiles nigricantes pustulæ enatæ erant. Cum hoc amuletum detracto serico examinarem, vidi esse commune illud ex arse-nico rubro & albo confectum. Interea dum hæc agimus, æger animo lin-quebatur, vino dato & ad se reversus, conquerebatur se suffocativam quandam anxietatem, cum summo cordis ardore sentire. Tunc statim abjecto amuleto hoc alexipharmacum præscripsi:

℞. *Extracti Angelicæ, & ruthe, ana scrup. j.*  
*theriacæ, scrup. iiij. aquæ theriacalis, unc. j. aceti bezoartici, unc. f.*  
*Misce, fiat haustus.*

Cum hoc assumpto per tres continuas horas fortiter sudasset, à prædictis symptomatibus liber evasit, ac postridie rursus bene valuit. Ad latentis ta-men veneni reliquias penitus absumendas, hoc condito per aliquot dies usus fuit:

℞. *Specier. liberantium, drach. j. radic. heleni condit. cortic. citri condit.*  
*rob. ribesii rubri, diazcordii Fracastorii, ana drach. iiij.*  
*Syrupi de scordio q. s. olei juniperi, scrup. j.*  
*Fiat conditum.*

Pustulis oleum scorpionum & laurinum inunximus, atque ita citissime sa-natæ sunt. Consului ne unquam amplius talia venenata amuleta gestaret.

#### Annotatio.

ET si Niddanus, Simonius, Theo-dosius, Mercurialis, alique cla-rissimi Medici, amuleta ex arsenico & sublimato confecta, tanquam divinum remedium ad pestis præservationem extollant, nos tamen in hac peste ne-mini illa profuisse animadvertimus. Gerardus Busæus Pharmacopæus illa satis magno pretio omnibus vendebat; ut & Adolphus Fildar Chirurgus, qui illa tanquam è deorum seriniis prola-tum donum commendabat: verum per illa nullos, imo nec ipsos venditores præservatos fuisse vidimus:

— in ipsos seors. mordentes Irrupit clades.

Nam Busæus una cum tribus liberis; Fildar vero cum uxore & liberis peste extinctus est, quamvis omnes hæc amuleta longo tempore curiosissime gesta-sent. Quapropter cum neque ratio, ne-que experientia (ut latius docuimus lib. 2. cap. 11. annotat. 1.) amuletorum arsenicalium usum prober, rejicienda sunt, imprimis cum sæpius etiam maxi-me noxia esse possint, ut liquit in prædicto agro, qui à suo amuleto paulo minus quam si venenum per os assump-sisset, læsus fuit; & nisi illud tempe-stive amotum, abjectum, & antidoto exhibito provisum esset, forte ab ejus-dem



dem virulentia enecatus fuisset. Similia damna ab huiusmodi amuletis illata, se quoque vidisse, refert Zacutus Lusitanus, *Prax. Admir. lib. 3. observat. 45.* In pestilenti (inquit) lue febribusque pestiferis sapius sum expertus, plures hoc auxilio ufos, subito peste correptos occubuisse: alii in-

*flammatione oborta in lara thoracis externa parte, febribus sunt apprehensi, quæ ex admo-  
tione sublimato ortæ sunt, qui summo labore  
deinceps convalescere: quidam inflammato  
corde incensisque spiribus in palpitationem  
incidere.*

## HISTORIA XLV.

**C**hristophorus de Four, Mercator ferrarius, mense Majo peste correptus fuit, ac quarta morbi die obiit. Ipsi autem animam agentis duo filii cum ancilla ante lectum adstantes, qui tres, simul ac æger extremum spiritum efflaret, eodem momento simul contagio infecti sunt. Ancilla cum filio juniore ob contagii vehementiam statim animo linquebatur; deinde magna febris simul omnes obruti fuerunt. Filii intra biduum vel triduum occubuerunt. Ancillæ autem ingens tumor sub axilla dextra protuberavit, ut & bubo in inguine, quibus tumoribus maturefactis atque disruptis, sanata, & ab imminente periculo etiam hac secunda vice liberata fuit; nam hæc erat eadem illa ancilla quam antea adhuc semel peste laborasse, diximus historia nona.

*Annotatio.*

**Q**uotidiana praxis docet adhuc fortiter spirantibus ægris multo minus contagii periculum adesse, quam iisdem morientibus: eaque de causa multi non sine ratione putant, se tutius invadere posse decem languentes, quam unico morienti, vel statim mortuo, adesse. Quod tamen alienum videtur, cum viventium longe maior sit exhalatio, totumque corpus apertum caloris vi maiorem putredinis partem foras transmittere posse videatur. Quæritur igitur quænam sit ratio? haud alia

est ac si quis accensam lampadem extinctæ comparat: ipse enim ignis tantisper dum exandescit, exhalat tenue ac fuliginosum quippiam, sed minus malignum, utpote quod ab ignis calore prius discutitur, quam intermedium aërem inficere possit: at sublato igne, exsudat adhuc ab elychnio crassus & tetricus vapor, quem magis pestiferum & pertinacius inhxrentem esse, tum color & odor, tum tota substantiæ ratio satis ostendunt.

## HISTORIA XLVI.

**G**enerosus vir D. Wiljems, nobilis Anglus (de cuius uxore mentionem fecimus supra hist. 29.) homo fortis, 16 Iunii mane è somno evigilans; nondum tamen ægrotans, anthracem in brachio dextro percepit: quo pestis signo viso, statim meum consilium petiit. Exhibui hoc alexipharmacum, de quo bene sudavit:

Pp 2

N. Ex-

- ℞. *Extracti magistralis, & angelicæ, ana scrup. j.*  
*salis scordii, scrup. j. f. theriacæ, scrup. ij. aque theriacalis,*  
*aceti bezoarici, ana unc. j.*  
*Misce, fiat haustus.*

Circa vesperam vehementi febre correptus est, cum magna siti, anxietate, & inquietudine. Tale antidotum rursus sumpsit :

- ℞. *Extracti cardui ben. scrup. j. f. & angelicæ, scrup. j.*  
*salis absinthii, scrup. j. f. diaiscordii Fracast. scrup. ij.*  
*aque theriacalis, unc. j. succi citri unc. f.*  
*Misce, fiat haustus.*

Ad sitim hic julebus præscriptus est :

- ℞. *Aque cardui bened. lib. j. scabiosæ, acetosæ, ana lib. f.*  
*& rosarum, unc. ij. syrupi de scordio, & granatorum acid. ana. unc. j.*  
*succi citri, q. f. ad gratum acorem.*  
*Misce, fiat juleb.*

Noctem illam admodum gravem habuit. Postridie mane duo alii anthraces apparuerunt, alter in femore, alter in crure. Ab ultimo diaphoretico reiterato rursus illo mane multum sudavit : bis reiteratum quoque est julabium : febris eadem vehementiâ continuavit, & vires ad extremam debilitatem dejectæ fuerunt. Hujus mixturæ sæpius illa die cochleare plenum sumpsit :

- ℞. *Conservæ rosarum rubr. drach. v. aque theriacalis, unc. j. f.*  
*aque cinnamomi, drach. vj. succi citri, unc. j.*  
*Misceantur, & colentur, adde colaturæ,*  
*confessionis de hyacintho, scrup. ij. & de alhermes, scrup. j. f.*  
*Misce.*

Tertia die per vias urinarias sanguinem purum ter quaterve magna quantitate reddidit : circa horam vespertinam obiit.

*Annotatio.*

**Q**ui sanguinem mingeant, omnes moriebantur : quod lethale symptoma hoc tempore satis commune erat, & à vulgo *pestis sanguinea* appellabatur. Etiam lethalis alvi sanguineus fluxus pesti multoties adjungebatur.

Sudorem autem pestilentem sanguinem nusquam vidimus, quem tamen se vidisse testantur, Agricola *lib. 2. de Pest.* Lycosthenes, *de prodig.* & Zacutus Lusitanus, *Prax. Admir. lib. 3. observ. 40.*

H I S T O R I A XLVII.

**H**enricus ter Coelen, pistior, qui prope Wijmel portam habitabat, à pestis invasione maximas habuit debilitates, cum multis animi deliquiis : de cordis etiam anxietate conquestus est : gravis tamen

men febris non aderat. Varia sumpsit alexipharmaca, satis copiose sudavit, eruperunt duo carbunculi, cum tumore sub axilla. Morbus usque ad diem sextum in eodem statu permansit: tunc gutturis raucedinem in ipso percepimus, è quo solo signo certam & citam mortem prædixi. Sequenti nocte eruperunt pauca exanthemata: & circa diluculum æger vitæ hujus miseras effugit.

*Annotatio.*

**L**aboraverat hic æger anno præcedente per tres menses febre purpurata, cum plurimis punctulis rubris ac purpureis, & ter quaterve cum summo vitæ periculo recidivam passus fuerat. A quo morbo quamvis Dei, & medicamentorum nostro consilio adhibitorum, ope feliciter sanatus, & optime valens, ex pistore jam pharmacopola factus esset, lethalia tamen pestiferæ luis spi-

cula effugere nequivit. Quæ lues primâ fronte symptomatum parvitate multo minus periculum quam prædicta febris minari videbatur, verum tandem raucedine gutturis infelicem morbi eventum præsignificavit; qua raucedine quotquot tenebantur, illi omnes certo moriebantur, etsi alia signa salutarem morbi eventum promittere viderentur.

## HISTORIA XLVIII.

**E**lisabetham Petri sutoris filiam, ætatis circiter viginti annorum, peste una cum maximo vomitu, summa anxietate & debilitate corripuit, nec potum, nec aliud quid retinere potuit. Post duodecim ab invasione horas evomit duos vermes vivos, breves, rubros & crassos, qui circiter longitudinem ac crassitiem minimi digiti habebant, & instar sanguinis rubescebant, atque per pelvim vivi volutabant. Hos cum ejcisset, intra horæ quadrantis spatium mortua est.

*Annotatio.*

**V**ehemens fuisse debuit illud venenum, quod tam paucis horis tantam & talem humorum putredinem inducere potuerit, è qua hujusmodi vermes tam cito generati fuerint. Nec mirum est ægram cito obiisse, nam cum tanto veneno, tamque perniciofa humorum putredine neminem diu super-

vivere posse, credibile est. Anno 1576, in peste Veneta vermes quoque observatos fuisse, refert Angelus Bellicochus: *Muli* (inquit) *hoc tempore per os & intestina vermes excreverunt, qui propter insignem humorum putredinem difficiliss, quam alii, fuere curati.*

## HISTORIA XLIX.

**V**ice-Capitaneus nobilissimi viri D. de Sterckenburch, legionis Groeningensis Præfecti, peste correptus post varia assumpta medicamenta, & maturatum ac disruptum bubonem rursus convalescit.

Toto morbi decursu nimis vigil fuerat, sed tamen absque molestia, quæ vigilæ, morbo jam penitus sanato, (postquam æger rursus per octiduum foras prodiiisset) adhuc perdurabant, ita ut singulis noctibus vix per sesqui horam dormire posset. Tandem ab illo pseudochirurgo, qui bubonem ejus tractaverat, aliquod medicamentum adversus has vigilias petiit: qui illi cubitum ituro circa horam decimam vespertinam potiunculam narcoticam exhibuit, à qua tam egregie dormivit, ut vigiliarum & vitæ plane oblitus fuerit, nam intra quindecim horas, nunquam rursus evigilaturus, extremum somnum absolvit.

*Annotatio.*

**E**cce quam egregie rebus suis consulunt, qui nimis avaritiosi (qualis erat hic æger) talium homicidarum potius, quam peritorum Medicorum consilia petunt? quam egregie Magistratus Republicæ commode studet, qui in genere omnibus Chirurgis ultra crepidam sapiendi, & in medicina quidlibet cum ignorantia temere audendi, liberam potestatem permittit? quam egregie civium & incolarum salus curatur, cum nonnullis ignatis pseudochirurgis, veris homicidis, pestiferorum curandorum, vel pro libitu impune necandorum, provincia à Magistratu imponitur?

H I S T O R I A L.

**S**trenuissimus Capitaneus Iodocus ab Hæften, pestem fugiens civitatem dereliquerat, ac cum tota familia ad pagum Oosterhaut (qui unico milliari à Noviomago distat) in castellum ibidem situm migravit. Postquam per tres menses ibidem habitasset, uxor illius 13 Junii peste correpta est, ad quam sequenti die post meridiem vocatus fui. Inveni ægram leviter quidem, ut videbatur, febricitantem, sed tamen debilem, capite dolentem, & summa anxietate pressam. Urina erat turbida, pulsus parvus, creber & inæqualis, lingua tumida, calor corporis non admodum vehemens, nec vultus color multum immutatus. Nullum in externis dolorem sentiebat, præterquam in inguine sinistro, ubi parvus & durus tumor sub cute adhuc latens sentiebatur. Appetitus plane prostratus erat: sitis non multum vexabat. Istâ vespere hoc alexipharmacum exhibui:

*R. Diacordii Fracast. drach. j. salis absinthii, coralli rubri præparati, extracti cardui, pulveris liberantis, ana scrup. j. aque theriacalis, unc. j. f. olei vitrioli gutt. xj.*

*Misce, fiat haustus.*

Illâ nocte bene sudavit. 15 Junii diarrhœa pestilens supervenit: dejectiones erant turbidæ, cineracæ, foetidissimæ. Inguinis tumor plane disparuit, vires quoque valde prostratæ sunt, ita ut de vita ejus desperarem. Hoc sudoriferum matutino tempore dedi:

*R. Trochiscorum de terra sigillata, coralli rubri præparati, ana scrup. j. diascor-*

*diascordii Fracast. drach. j. aque theriacalis, unc. j. & cardui bened. unc. f. Misce, fiat haustus.*

Hoc assumpto mediocriter sudavit, sed morbus tamen in eodem statu permanfit. Circa vesperam, ipsa ægra & marito illud unice petentibus, tale amygdalatum præscripsi :

*R. Amygdalarum dulc. depil. drach. v. sem. lactuce, & papaveris albi, ana drach. iij. decocti bordei, q. f. Fiat emulsio ad unc. vj. cui admisce syrupi cydoniorum, unc. f.*

Hoc emulsium illa nocte duabus vicibus totum sumpsit, verum plus nocuit quam profuit, (quod amygdalata in hac peste semper faciebant) multo enim majore anxietate tota nocte pressa fuit ægra; amygdalatum instar casei coagulatum partim cum summa molestia vominebatur, partim cum infernis excretis deiciebatur, nec quicquam imminutus est alvi fluxus. 16 Junii mane postremum sudoriferum reiteratum fuit, à quo bene sudavit, cum aliquali levamento, sed alvi fluxus in eodem statu permanfit. Post meridiem de magno dolore sub cartilagine ensiformi conquesta fuit, qui inunctione sequentis unguenti cito cessavit :

*R. Olei distillati nucis moschate, macis, ana scrup. j. & juniperi, scrup. f. theriacæ andromachi, olei scorpionum, ana drach. j.*

*Misceantur pro linimento, bis terve de die inungendo.*

Ad fluxum ventris sæpius de die hujus conditi frustulum comedit :

*R. Trochiscorum de terra sigillata, cornu cervi ussi, ana scrup. j. f. specier. diarum sanialorum, scrup. ij. diascordii Fracast. drach. ij. conservæ rosarum rubr. drach. vij. syrupi granatorum acid. q. f.*

*Misce, fiat conditum.*

Lingua hoc tempore nigricans erat & tumida, ac propterea decoctio facta est, ex plantagine, foliis bellidis, acetosa, pimpinella, & fructu ribesiorum rubr. ad os colluendum & gargarizandum, post collutionem linigendo parum syrupi granatorum vel de succo citri. 17 Junii videbatur quidem alvi fluxus aliquantum imminui, verumtamen circa vesperam ægra extreme debilis fuit, quapropter hoc alexipharmacum dedi :

*R. Theriacæ, mithridatis, ana scrup. j. f. confect. de hyacintho sine moscho, scrup. j. lapidis bezoar orient. scrup. f. aque theriacalis, unc. j. f.*

*Misce, fiat haustus.*

Inter sudandum aliquantum dormiverat, ac postea nonnihil levata videbatur : fluxus quoque alvi aliquantum imminutus fuit. 18 Junii mane idem haustus reiteratus est : tota quoque die continuavit in usu conditi, ut & 19 Junii, quo rursus circa vesperam assumpsit ultimum sudoriferum.

20 Junii.

20 Iunii nauseabunda & extreme debilis fuit: tunc hæc mistura parata est :

R. *Conserve rosarum rubr. unc. j. diaſcordis Fracaſt. drach. ij.*

*aquæ theriacalis, cardui benedicti, ana unc. ij. f.*

*℞ cinnamomi, unc. j. f.*

*Stent ſimul miſta per horam, deinde colentur cum levi expreſſione, adde colaturæ confect. de hyacinto ſine moſcho, drach. j.*

*Miſce.*

Hujus miſturæ aliquoties de die cochleare unum aut alterum poſt uſum prædicti conditi bibit, atque in iis continuavit uſque ad 23 Iunii, quo ultimum ſudoriferum reiteratum fuit. A 24 ad 28 Iunii prædicta miſtura cum ſequenti condito uſa eſt :

R. *Specier. Liberantium, cornu cervi niſti, coralli rubr.*

*margaritarum præparat. boli arm. veræ, ana ſcrup. j.*

*ſpecier. diatriſum ſanctor. ſcrup. ij. diaſcordis Fracaſt. drach. ij.*

*myæ cydoniorum, conſervæ roſar. rubr. ana unc. l.*

*rob. acacie, drach. j. f. confect. de hyacinto, drach. j.*

*ſyrupi granatorum acid. q. ſ.*

*Miſce, fiat conditum.*

His diebus cordis anxietas, capitis dolor, & linguæ nigredo multum imminuebantur. 30 Iunii, cum diarrhœa nondum plane ceſſaret, ultimum ſudoriferum rurfus exhibitum eſt. Hinc poſt valde copioſum ſudorem ſenſit dolorem in inguine, cum tumore magnitudinis ovi columbini, qui poſtea increvit ad magnitudinem femi ovi gallinæ. Fluxus quoque alvi adeo imminutus fuit, ut tantum bis terre de die dejiceret; ſed dejectiones adhuc erant turbidæ & valde foetentes. Haſtenus appetitum plane dejectum habuerat, ſed nunc rurfus aliquantum comedere cœpit. Toto morbi decurſu oblati ſunt cibi euchymi & facilis digeſtionis, liquidi quidem, ſed tamen nonnihil aſtringentes: pro potu utebatur cereviſiâ tenui, cum olei vitrioli pauculis guttulis acidulâ factâ, nam à julebis abhorrebat. Interea tumori per ſex dies impoſitum fuit cataplaſma attrahens & maturans. 2 Iulii ultimum diaphoreticum rurfus exhibui, (nam hujusmodi diarrhœæ peſtilentiales per ſudorifera optime curantur) à quo cum bene ſuſceperet, excrementa alvi naturalem colorem & craſſitiem receperunt: tumor quoque in inguine aliquantum increvit. 3 Iulii ceſſavit alvi fluxus, & ægra mediocriter valuit. 6 Iulii, cum tumor amplius non increſceret, & ægra propter incommoditatem cataplaſma abjiceret, hoc emplaſtrum impoſitum eſt :

R. *Gummi galbani aceto diſſolut. emplaſtri diachyli cum gummiſ,*

*℞ oxycroci, ana drach. ij.*

*Miſceantur.*

8 Iulii,

8 Iulii, cum ægra propter morbi præcedentis violentiam debilis esset, nec cibos bene digereret, hoc tabellatum (quod ipsi etiam extra hunc morbum alias præscripseram, & quo jam sæpius uti consueverat) confectum fuit:

*Radic. calami aromatici, cinnamomi electi, ana scrup. j. f.*

*zingiberis albi gr. v. specier. aromatici rosati, scrup. ij.*

*sacchari cum aqua melissæ dissoluti, unc. iij.*

*Fiat f. art. tabellatum.*

Hoc tabellatum magnis laudibus extulit, ejusque subinde frustulum comedit. Bubo in inguine circiter adhuc per decem dies in eodem statu permansit, postea sine maturatione paulatim evanuit, & ægra summi Dei auxilio sanitati restituta fuit.

*Annotatio:*

**T**Antæ molis erat naturam versus incommodas vias declinantem, ad vias commodas reducere. Vix centesimus pestiferorum evadere, quibus bubones in principio morbi intus remeantes disparebant: præterea rarissimum quoque erat vel sola diarrhœa

correctum evadere videre, plerisque enim morbus cum vita effluxit. Prædicta tamen ægra (cujus historiam tanquam rarissimam hic asserimus) cum utroque lethali indicio præter expectationem in vita servata fuit.

## HISTORIA LI.

**V**Xore Capitanei I. ab Hæften jam à peste (ut præcedente historia diximus) sanata, ipse maritus (qui ad Longewardam in principio morbi uxoris confugerat) eandem ad se vocavit, ac cum illa concubuit. Sed prohi dolor; fuit illa brevis & damnosa voluptas, nam secunda die post lætum adventum uxoris, illum ipsum pestis invasit. Ad præservationem amuletum ex arsenico paratum magna curiositate semper gestaverat: fonticulum in brachio sinistro habebat, loca infecta maxime fugerat, variis præservativis internis usus fuerat; sed tamen his omnibus non obstantibus, ab illo, quem metuerat, hoste obrutus est. In ipso morbi principio ipsum invisit, cumque inveni febricitantem, jactabundum, somniculosum, capite dolentem, & adeo anxium, ut quo se verteret, nesciret. In inguine dolorem absque tumore sentiebat. Fonticulus in brachio totus exsiccatus apparuit, qui tamen antea copiosam ferentem humiditatem projicere solitus erat; è quo signo ipsum brevi moriturum prædixi. Ne tamen quicquam incertum temneretur; exhibui alexipharmacum, à quo satis copiose sudavit, sed absque ullo levamine. Post aliquot horas idem illud reiteratum est, verum sine fructu.

Ad sitim dedi iulabium ex aquis scabiosæ, cardui, theriacali, cum syrupo de limonibus & oleo vitrioli concinnatum. Postridie per cubiculum solus aliquamdiu deambulavit; tandem ambulando defessus se ad lectum contulit, in quo cum se vix deposuisset, & cum astantibus fortiter adhuc colloqueretur, pallida mors ex improviso medios sermones interrupit.

*Annotatio.*

**I**N hac peste semper lethale signum erat si fonticuli exsiccarentur, nec ullus, quod scio, evasis, in quo exsiccatio hæc visa fuit. Amuletum arsenicale, quod tanto tempore circumtulcrat æger, ipsum a peste præservare non potuit, ut nec mille alios qui illa gestabant. Multi tamen inveniuntur qui sine talibus amuletis se præservari non posse, satis stulte sibi imaginantur; atque hic error apud multos, præsertim di-

tiores, tam altas radices egit, ut vix ullis machinis rursus eradicari possit. Illam tamen unam utilitatem ex his amuletis, per se noxiis, habent, quod dum se optime præservatos credunt, pestem minus timeant, ita ut quamvis per illa nullam immunitatem à peste adipiscantur, saltem à timore magis liberi sint, qui alioqui corpora ad pestilentem labem potenter disponere solet.

## HISTORIA LII.

**D**vande Krents, qui in Campanarum monte decumbebat, contagio infectus, gravissimâ febre & summâ anxietate pressus fuit. A primo alexipharmaco fortiter sudavit, & duo carbunculi prodierunt, cum obscuro inguinis tumore: à secundo sudare non potuit propter inquietudinem & intolerabilem sitim. Secunda die enormis vomitus accessit, quem nullis mediis sedare potuimus, qui etiam tertia die continuavit per intervalla, atque illa die post meridiem per vomitum ejecit plus quam sexaginta vermiculos parvos & instar sanguinis rubentes, formâ & magnitudine non multum differentes ab iis vermiculis qui in cadaveribus sub sole putrescentibus nascuntur. His ejectis prodierunt pauca exanthemata purpurea, & æger paulo post extremæ necessitati satisfecit.

*Annotatio.*

**H**vjusmodi parvos & copiosos qui tamen maximæ & lethalis putredinis indices erant.

## HISTORIA LIII.

**T**heodorus Wesemer, cum aviam peste laborantem invississet, contagio infectus est, atque è domo ejus exiens, se graviter alteratum sensit, magnumque gravativum ac vertiginosum capitis dolorem per-



percepit. Vocavit Chirurgum, qui ipsi statim alexipharmacum aliquod exhibuit, à quo multum sudavit, & tumor durus cum magno dolore retro aurem apparuit. Tunc Chirurgus venæsectionem suavit, atque ex affecti lateris brachio sanguinis uncias decem extraxit. Æger inter Chirurgi manus syncope correptus, ac pro moribundo impositus est lecto. Paulo post ad se rediens, de summa debilitate & cordis anxietate conqueſtus fuit. Non diu post, horrore primò ac frigore præcedente, vehemens febris subsecuta est. Tunc meum consilium petitum fuit. Inveni hominem adeo debilem ut vix loqui posset: disparuerat tumor durus retro aures: pulsus crebrer & inæqualis erat, atque adeo parvus ut vix sentiri posset. Prædixi mortem, nec ullum medicamentum exhibere volui, ne nasutus Chirurgus ægri mortem, suo errore inductam, meo medicamento imputaret. Post paucas horas diuturniore deliquio superveniente æger è vivis excessit.

## Annotation.

Venæsectionis exitiale damnum, & nasutissimi chirurgi temerariam stoliditatem, cum multis aliis, etiam hic æger expertus est, in quo ipsa natura robusta venenum pestilens jam ad emunctorium expellebat, ac salutarem morbi eventum promittebat; cuius tamen laudabilis operatio sanguinis de tractione interturbata fuit: præterea

etiam hoc modo vires ægri adeo prostratæ sunt, ut pestifero veneno chirurgi pestifera temeritate ad interiora retracto planè resistere non potuerint. Liquet ex eo verum dixisse Palmarium, de Pest. cap. 7. vix centesimum quemque evadere ex iis, qui sectâ venâ spiritu & sanguine privantur.

## HISTORIA LIV.

Domicella Martens, quæ in Sartorum platea decumbebat, contagio infecta, exiguum febrem cum tumore in inguine habuit. Exhibui tale alexipharmacum, à quo cum bene sudasset, magnum levamen percepit:

℞ Salis absinthii, extracti angelicæ, ana scrup. j. i. theriacæ, discordii, ana scrup. ij. aque theriacalis, unc. j. aceti bezoarici. unc. i. Misce, fiat haustus.

Sequenti die idem sudoriferum reiteratum est, post cuius usum multo melius valuit, & è lecto assurgens foco assedit, medicamentorum usum reiecit, nec ullis persuasionibus ad antidotorum continuationem induci potuit. In tali statu biduum transegit. Tertia autem die gravissima febris derepente ingruit, cum summa anxietate & inquietudine, siti inexhausta, interno ardore, lingua sicca, dura & crustosa, & parvo maximeque doloroso tumore in inguine. Exhibui duo sudorifera in forma liquida, sed

Qq 2

utrum-

utrumque evomit : tertium in forma boli dedi, à quo sudare non potuit, propterea quod propter intolerabilem sitim identidem bibere cogeretur, & propter anxietatem maxime inquieta foret. In illo statu perduravit morbus circiter per 26, aut 28, horas, quibus exactis, prodierunt exanthemata purpurea, & paulo post: collapsas à morbo vires mors penitus profrahit.

*Annotatio.*

**B**ene observavit Paræus, lib. 21, cap. 17, nonnunquam contingere ut fevientium paulo ante symptomatum subita fiat remissio, ægrique melius habere videantur, imò omnino bellè, qui tamen postea subito intereunt; idque etiam contigisse refert Mariæ, pedisequæ Reginæ Galliæ. Illud ipsum ex prædicta historia etiam liquet, nam nostra ægra propter symptomatum remissionem putabat se amplius non ægrotare, ac propterea medicamento-

rum usum nimis temere & citò rejecit, antequam venenum pestilens plane evictum esset. Cum quo veneno plane eodem modo sicut cum fortissimo ac callidissimo hoste pugnandum est; huic enim jam delassato ac propemodum evicto nulla requies permittenda est, ne durante quiete majores vires recolliat, & ovantem triumphatorem ex improvviso obruens, vita simul & triumpho spoliât.

H I S T O R I A . L V .

**N**. Appeltern, cervisiarius notissimus, civis verè civilis, qui pestem valde timebat, se magna cordis anxietate pressum, & dolore atque exiguo profundo tumore infestatum sentiens, malum celavit, & statim in ipso principio assumptis aliquot sociis, ad diversorium illud, cui Mons vinaceus pro insigni est, se contulit, ut vini copiosioris usu, & gratis sociorum colloquiis jam conceptum timorem, & simul ipsius pestis principium dispelleret. Ibi inter pocula præter solitum maxime hilaris fuit, atque à copiosiore vino multum incaluit: tandem tanta vini copia præter consuetudinem se ingurgitavit, ut maximo vomitu ventriculum rursus evacuare coactus fuerit. Quo facto, frustulum panis cum sale & zingibere comedit, atque rursus, ut ante, cum sociis ad vinum & jocos se contulit, ita ut tandem circa mediam noctem bene potus & hilaris domum discederet, ubi exutis vestibus ad lectum se conferens statim obdormivit, atque inter dormiendum copiosè sudavit. Sequenti mane expergesfactus optime valuit, evanuerat inguinis tumor, atque à peste immunis fuit.

## Annotatio.

**P**lurimis hoc tempore illud commune erat, ut simulac se peste correptos sentirent, statim ad diversa se conferrent, ut vini copiosior potatione jam conceptam pestem, hilari ebrietate rursus profigerent. Qui error tantum valuit, imprunis apud vulgares, ut vix ullis rationibus apud multos eradicari posuerit; quamvis etiam plurimi suo interitu ejus infelicem eventum aliis conspiciendum exhiberent. Nam etsi vinum modice sumptum alexipharmacam vim habeat, & terrorem, in pestilenti constitutione maxime noxium, dispellat, vires quoque in debilibus corroboret; ebrietas tamen & nimia vini copia ad pestis jam conceptæ extinctionem plane damnoſa est. Vini enim paulo copiosior usus magis conveniens est ad præſervationem, quam ad curationem: nam,

— *data tempore profunt,*

*Et data non apto tempore vina nocent.*

Ad curationem potentiora requiruntur antidota, quæ venenatam qualitatem ab internis visceribus ad peripheriâ citissime expellant, nec ulla viscera offendant, sicut facit copiosus vini usus, qui ebrietate graviter offendit ipsum cerebrum & totum nervosum genus, à qua offensione etiam aliis quibusque partibus, quibus nervi communicantur, & quarum sensus, motus & operationes à nervis magna ex parte procedunt, summa debilitas inducitur per aliquod

tempus, nempe usque dum dissipatis narcoticis spiritibus, rursus ad priorem statum redeant cum cerebro nervi. Cum autem debilitatæ & narcosi quidam obfuscatæ partes interno hosti minus resistant, atque in coctione & torcatione spirituum narcoticorum tota occupatæ sint, pestilens venenum durante illo tempore tam altas plerumque radices agit, ut postea nullis mediis expelli vel extingui queat. Quapropter longe consultius fuerit, simulac hujus diri tyranni spicula sentiuntur, statim ad fortissima antidotalia arma concurrere, quam sola ebria hilaritate munita viscera, inermia & debilia tanti hostis invasioni opponere: facilius enim erit hosti ingredienti armatâ manu resistere, quam eundem penetralia jam ingressum & focos occupantem expellere. Quantum ad prædictum cerevisiarium, (cujus historiam tanquam raram hic ascribimus) sciendum illud, quod ipse cum felici eventu tentavit, innumeris aliis infelicissime cessisse: imo paucissimos novimus, qui peste jam correpti, ebrietatem antidotis præmittentes, non fuerint extincti: nullis enim alexipharmacis venenum durante ebrietate altius infixum, postea expelli potuit: plurimos hujusmodi ægros tractavimus, sed vix centesimum evasisse vidimus. Quapropter dictam historiam tanquam raram, sed non imitandam habere oportet.

## HISTORIA LVI.

**F**ilia N. de Steenwijk, scholæ Gallicæ Ludimagistri, juvencula circiter viginti annorum, 13 Julii peste correpta est, cum summa anxietate, debilitate, febre, inquietudine, siti, & capitis gravitate. Exhibui circa vesperam hoc alexipharmacum:

℞. *Extracti cardui bened. salis scordii, ana scrup. j. f.*

Q9 3

aque

*aque theriacalis, unc. j. f. succi citri, unc. f.*

*Misce, fiat haustus.*

Hinc egregie illa nocte sudavit, sed absque levamine, quapropter sequenti mane idem medicamentum reiteratum est. Sed neque post secundum sudorem levamine sublequente, post meridiem talis haustus exhibitus est:

*R. Diascordii Fracast. scrup. ij. extracti magistralis, cardui bened. & angelicæ, ana scrup. j. salis absinthii, scrup. j. f. aque theriacalis, aceti bezoartici, ana unc. j.*

*Misce, fiat haustus.*

Ab hoc cum rursus vehementer sudasset, magnum levamen percepit, & tumorem durum in inguine sensit; cujus inferiori parti statim hoc vesicatorium imposuimus:

*R. Radic. pyrethri, sem. sinapi albi, euphorbii, ana scrup. j. cantharidum, scrup. j. f. fermenti acidi, drach. ij. mellis, drach. j. aceti rosacei, q. f.*

*Fiat pasta.*

Hinc vesica magna excitata est, qua pertusa & detracta, folium brassicæ rubræ butyro veteri inunctum imposuimus. Pro potu tali julebo utebatur:

*R. Aque cardui bened. & scabiosæ, ana lib. j. syrupi de succo citri, unc. ij. f. olei sulphuris q. f. ad gratum acorem.*

*Misce, fiat juleb.*

Circa noctem hunc bolum præscripsi:

*R. Confect. de hyacintho sine moscho, extracti cardui, ana scrup. j. lapidis bezoar orient. scrup. f.*

*Misce, fiat bolus.*

Illâ nocte aliquantum dormivit, & febris remissior fuit. 15 Julii detracto brassicæ folio, maximam ichoris aquosi copiam è vesicato loco effluxisse, omniaque imposita linteamina humectasse, & tumorem in eodem statu permanuisse, vidimus: quapropter folium brassicæ rursus imposuimus, & sequens cataplasma superapplicavimus:

*R. Radic. liliorum recent. unc. ij. & altheæ, unc. j. herb. malvæ, & altheæ, florum chamomillæ, ana M. j. ficiem ping. n. vij.*

*Coquantur in aqua communi & pistentur, adde bulborum cape sub cineribus parum assaetorum, n. iij. fermenti acidi, fimi columbini, ana unc. j. f. mellis, olei chamomillini, ana unc. j.*

*Fiat cataplasma.*

Illâ die jusculi pulli, cum acetosa, boragine & fructu ribesii rubri cocti, ali.

aliquantulum forbsit, & quater particulam hujus conditi comedit :

℞. *Specier. liberantium, drach. j. discordii Fracastorii, drach. ij. corticum citri condit. & aurantium condit.*

*conservæ rosarum rubr. ana dr. iij. confectiois de hyac. sine moscho, dr. j. syrupi acetositis citri q. s.*

*Misce, fiat conditum.*

Circa vesperam febris recruduit, tuncque ultimus haustus diaphoreticus reiteratus est. Sequenti die adeo debilis fuit ut vix loqui posset : tumor in eodem statu permanfit. Continuatum est in usu conditi & cataplas-matis. Hujus etiam misturæ nonnunquam cochleare exhibitum est :

℞. *Conservæ rosarum rubr. rob ribesii rubr. ana unc. f.*

*discordii Fracast. drach. ij. aquæ theriacalis, unc. iij.*

*aquæ cinnamomi, unc. f. succi citri, unc. j.*

*Misceantur, & post horam coquantur, adde confect. de hyacintho sine moscho, drach. j.*

16 & 17 Julii, cum morbus in eodem statu permaneret, & virium summa debilitas aliorum medicamentorum usum prohiberet, in iisdem continuatum est. 18 Julii, cum locus vesicatus jam pridie oclusus fuisset, aliud vesicatorium de novo imposuimus à latere prioris vesicati loci, unde magna vesica rursus excitata, è qua postea multi ichores effluerunt. 20 Julii, febre nonnihil remittente, hoc alexiphar-macum dedi, à quo pro viribus egregie sudavit :

℞. *Extracti cardui, & angelicæ, confect. de hyacintho,*

*salis scordii, ana scrup. j. aquæ theriacalis, unc. j. olei vitrioli gutt. vij.*

*Misce, fiat haustus.*

21 & 22 Julii multo melius se habuit, & febris paulatim evanuit : quibus diebus solo condito aliquoties de die usus fuit. Præterea juscula quædam cum pauxillo panis albi forbere cepit. 23 Julii, exsiccatò rur-sus vesicato loco, & bubone detumescente, loco cataplas-matis, solum emplastrum diachylum cum gummis impositum est, sub quo intra paucos dies tumor disparuit. Toto morbi decursu tantum semel alvum exoneraverat, quapropter 26 Julii assumpsit pilularum antipestilentialium nostrarum, drach. f. unde tres quatuorve sedes habuit : atque ita summi Dei auxilio integræ sanitati restituta fuit.

#### Annotation.

Vesicatoria in principio apparentibus bubonibus applicata, semper præstantissimum subsidium attulisse, non in prædicta tantum ægra, verum

etiam in mille aliis comperti sumus : damnosos ac venenatos ichores extrahant, venenum pestilens versus emunctorium trahebant, ejusque recursum

ad

ad interiora impediabant. Observavimus, si satis tempestive applicarentur, extractis venenosis aquis, tumores pe-

silentes sapissime absque ulla suppuratione dissipatos evanuisse.

## HISTORIA LVII.

**S**Ymon Noorman peste correptus hoc sudoriferum sumpsit :

*℞. Extracti cardui, salis scordii, ana scrup. j. f. theriacæ, dr. j. aque theriacalis, unc. j. f. aceti bezoarici, unc. f.*

*Misce, fiat haustus.*

Postridie exiguum tumorem in inguine sensit, qui cum paulo post rursus delitesceret, idem sudoriferum reiteratum est, à quo mediocriter quidem sudavit, verum absque levamine. Febris non admodum vehemens, sed continua in eodem statu permansit, cum summa anxietate, inquietudine & debilitate. A tertio sudorifero circa vesperam exhibito rursus sudavit. Die tertia in pectore & reliquo corpore nonnulla exanthemata purpurea & nigricantia vidimus, atque tunc æger se multo melius valere sibi visus est, & fortiter cum astantibus colloquebatur. Dixi uxori ut quæcunque peteret, ipsi darentur, mortem enim brevi assuturam. Præsigium confirmavit eventus, nam post sesqui horam extinctus est.

*Annotatio.*

**E**Xanthemata purpurea, livida, nigra & violacea, certissima erant mortis jam jam instantis præagia; & quamvis multi ægri his apparentibus, se primò multo melius habere viderentur, omnes tamen moriebantur: atque

in hac tam furiosa peste, qua Noviomagum decem hominum millia terræ reddidit, unicum tantum puellum cum purpureis exanthematibus evasisse novimus; quem casum descripsimus paulo ante historia 41.

## HISTORIA LVIII.

**A**RENTIUS Capell, cum in aprico aëre tota die in secandis lignis occupatus fuisset, & se multum defatigasset, vesperi domum veniens capite doluit, & valde somniculosus fuit; cumque cœnare non posset, cubitum discessit, ac statim obdormivit. Media nocte expergefactus, se magna anxietate pressum sensit, hinc pestem timens propriam urinam bibit; à qua non diu post vomere coepit, qui vomitus diu perduravit. Sequenti mane ego accitus, tale alexipharmacum exhibui:

*℞. Extracti magistralis, salis absinthii, & scordii, ana scrup. j. extracti angelicæ scrup. j. f. aque theriacalis, aceti bezoarici, ana unc. j. Misce, fiat haustus.*

Ad vomitum compescendum ventriculi regioni imposuimus hanc pastam linteo inunctam & prope ignem calefactam:

*℞. Ga-*

R. *Gariophyllorum*, *nucis moscatae*, *cinnamomi*, *benzoini*,  
*massiches*, ana scrup. ij. *pulverisatis* adde *fermenti acidi*, unc. j. f.  
*conferuae rosarum rubrarum*, unc. f. *aceti rosacei* q. f.

*Fiat pasta mollicula.*

Cum hæc per semihoram imposita fuisset, & vomitus jam cessaret, prædictum haustum assumpsit, eumque retinuit, atque inde egregie sudavit. Interea etiam prodierunt duo carbunculi, alter in femore, alter in latere dextro; magnum tamen levamen secutum non est, sed tribus horis post finitum sudorem gravissima febris, cum magna siti, anxietate & interno ardore ægrum invasit. Tunc prius alexipharmacum reiteratum est, à quo cum fortiter sudasset, magnum levamen percepit, & tumor durus ac tensus cum summo dolore in inguine protuberavit, cujus inferiori parti statim imposuimus vesicatorium, quo postea cum vesicula detracta, folium brassicæ rubræ oleo raparum inunctum applicavimus. Pro potu maxime desiderabat æger aquam simplicem fontanam, cujus moderatum usum ipsi concessimus. Circa horam decimam nocturnam hunc pulverem dedimus:

R. *Camphoræ* gr. iiij. *florum sulphuris*, *specier. liberantis*, ana scrup. j.

*Fiat pulvis.*

Totam illam noctem cum magna inquietudine transegit, maxime propter intensissimum bubonis dolorem. Secunda die primum sudoriferum reiteratum est, addendo diascordii drach. j. post quod cum fortiter sudasset, magna violentiæ febrilis pars remisit, & simul etiam anxietas multum imminuta est. Buboni cataplasma attrahens simul & emolliens, carbunculis vero nostram pulicalem imponi curavimus. Vesperi prædictum pulverem rursus sumpsit. Postridie propter dolorem bubonis, qui jam in majorem molem excreverat, febris aliquantum recrudit, quæ ultimi sudoriferi usu iterum remisit. Hujus conditi sæpius de die particulam edere jussimus:

R. *Specier. liberantium*, drach. j. & *diamargariti frigidi*, drach. f.

*diascordii Fracast.* drach. iiij. *cortic. aurantium condit.*

*rob. ribesiorum rubr.* ana unc. f. *olei succini*, scrup. f. *syrupi de scordio* q. j.

*Fiat conditum.*

Cum æger se jam melius haberet, per triduum in usu conditi & topico- rum continuatum est. Die septima tantum maturans cataplasma buboni impositum fuit. Die decima, separatis carbunculis & bubone maturato ac disrupto, omnibusque symptomatibus cessantibus, convaluit æger, & ulcera paulatim Chirurgi ope consolidata sunt. Quia autem toto morbi decursu tantum bis alvum excreverat, jam post ruptum bubonem assum-pta pilularum Ruffi, drach. f. alvus bis terve citata fuit.

R r

Anno-

*Annotatio.*

**I**N hac pestilenti constitutione observavimus valde periculosum esse, gravibus exercitiis corpus delassare, præcipue in aperto aëre radiis solaribus

exposito: nam delassata & vehementius calefacta corpora venenum pestilens facillime suscipiebant.

## H I S T O R I A L I X.

**R**Ikerus Wilcher, Iuliacensis, vir fortis, mense Augusto peste correptus fuit; cui quatuor anthraces satis magni in cute eruperunt. Febris aderat gravis, quæ non tam immenso ardore, quam summa malignitate vires ad extremum dejiciebat. Assumptis alexipharmacis primo biduo ter sudavit. Tertia die de ventris levi dolore cum murmure conquerebatur, qua de causa ob metum diarrhœæ statim fudoriferum astringens (cui bolus arm terra sigillata, cornu cervi ustum, & corallum rubrum immista erant) exhibui, & electuarium antidotale astringens dedi. Verum his non obstantibus, sequenti nocte diarrhœa accessit, sine magno dolore, qua excrementa turbida foetidissima dejiciebantur. Quarta die sanguis, primo facibus permistus, postea purus & solus defluxit: media nocte cum hoc fluxu secundo flumine æger ad Acherontinum flumen delatus, in ejusdem scopulos impulit, ac vitæ naufragium fecit.

*Annotatio.*

**N**Vllus in tota hac peste evasit, cui sanguis per inferiora defluxit.

## H I S T O R I A L X.

**M**ense Junio in angiportu Vaginæfactorio, in domo quadam prope puteum sita (in qua tunc temporis nemo habitabat) à vicinis & transeuntibus noctu auditus fuit strepitus quidam, haud aliter sonans ac si quis cistam feralem clavis ferreis malleo observeret, sicut fieri solet antequam cadavera ad sepulturam efferuntur. Mirabantur quod talis strepitus in illa domo audiretur, in qua nemo habitabat, qui alioqui in aliis domibus ab hominibus inhabitatis auditus, solet (ut ajebant) alicujus mortem præfigere. Illud tamen præsagium in illa domo etiam non fefellit, nam 2 Augusti peste correptus est secundus (priore antea mortuo) Vice-capitaneus Domini Starckenburch, qui ut à sanis separaretur, & ad majorem quoque sui ipsius commoditatem, ab hospite suo ad illam domum, cum lecto omnibusque rebus necessariis delatus est, in qua 6 Augusti obiit, & biduo vel triduo post ex illa ad sepulchrum delatus est.

*Anno-*



## Annotationes.

Hujusmodi strepitus durante hac peste multis in locis audiri sunt, & semper alicujus mortem prænunderunt, nunquam fallente præfagio. Sic etiam anno 1643, mense Octobri, Noviomagi quatuor vicini nostri duabus noctibus continuè circa noctis medium audiverunt similem sonum ac si cista feralis cum malleo clavis ferreis occluderetur; dubitabant autem an in meis, an verò in proximè vicinis ædibus illum strepitum audivissent; sed imaginabantur sibi in meis ædibus illud auditum fuisse, & uxorem meam, quæ gravida ac mense Decembri paritura erat, morituram: ne tamen uxorem animo consternerent, tacuerunt & celarunt auditum omen, usque dum uxor mea feliciter peperisset, & puerperium jam egressa esset, tunc simul narrabant quantopere de uxoris meæ vita anxii fuissent, propter illum auditum strepitum. Anno sequenti mense Martio gener proximè vicini nostri Ioannis Tros, Tyllæ mortuus, & Noviomagum ad ædes dicti vicini delatus, atque inde ad sepulchrum elatus est. Eadem ætate etiam ipse Ioannes Tros obiit: atque ita diu antea à vicinis auditum infelix omen in vicini mei ædibus duorum funerum certus prænunciatus fuit. Hujusmodi alia similia fere funerum præfagia ab aliis interdum audita fuisse novimus. Elisabetha Ioannis, Montfortii quondam nostra vicina, cum media nocte audivisset quasi magnum saccum arena vel sale plenum in tabulatum decedens, eadem nocte unus ex proximis consanguineis mortuus est. Novi etiam sartorem quendam, qui nobis multoties narravit, se & liberos aliosque domesticos sæpius media nocte in officina sua talem soni-

tum seu strepitum audivisse, ac si quis forfice sartorio pannos nigros ad vestimenta lugubria consicienda conscinderet; atque illum sonum semper indubiè significasse brevi aliquem alicubi morituram, pro cuius proximis consanguineis vestimenta lugubria in ejus officina ab ipso conscinderentur & consicerentur. Cardanus lib. 15. *de rerum varietate*, cap. 84. scribit se audivisse in suo cubiculo tres validos ictus mallei, qui mortem Galeazei de Rubeis fabri armorum indicarunt: atque eodem loco etiam alios ab ipso aliisque auditos infelicis præfagii sonitus enarrat. Quidnam sint hi sonitus, & quomodo fiant, alii aliter judicant: saltem illos interdum fieri, audiri, & mortem alicujus præfagire, certum est. Philosophi existimant illos excitari à Dæmonibus (qualem Socratem sibi familiarem habuisse, diximus in annotatione ad histor. 6.) quos Dæmones Plotinus Philosophus, teste Nicolao Perotto, scribit esse animas hominum, easque, pro ut ex bonis vel malis hominibus exierint, bonum vel malum hominibus facere ac prænunderare, arbitratur: atque hinc etiam horum dæmoniorum tres statuit differentias: si nempe sint animæ quæ exierint e bonis hominibus, illos dæmones appellat *Lares*: si e malis, illos *Larvas* nominat: si e talibus qui nec boni nec mali fuerint, illos *Manes* esse dicit. Paracelsus prædictos sonitus nocturnos & auditas voces ab invisibilibus necromanticis altris moveri contendit. Alii aliter hac de re fabulantur. Nos illos à diabolis plerumque excitari credimus: hi enim dum iram & vindictam Dei præsentiant, & de futuro hominum excidio mirifice gaudent, sæpe solent inconditis quibusdam

bussdam vocibus ac sonitibus, vel spectris, aliisque illusionibus imbecillium animos perterrefacere, vel iis-

dem aliorum imbecillium exitium & interitum prænantiare.

## HISTORIA LXI.

**C**Lara Guilhelmi, fabri lignarii filia, ætatis circiter viginti annorum, peste una cum magna febre, anxietate, & debilitate correpta est. Prima die unum, secunda duo sudorifera exhibita sunt, à quibus bene sudavit, & bubo sub axilla protuberavit, febris tamen nihil remisit, sed in eodem vigore usque ad diem quartum continuavit, qua die menstruorum fluxus prorupit, qui intra sesquihoram valde copiosus evasit, unde vires tam cito prostratæ fuerunt, ut post sex horas ipsa quoque vita effluerit.

### *Annotatio.*

**H**Oc menstruorum profluvium etsi die critico incideret, salutare tamen non fuit, sed ægram citissime occidit. Sic etiam multas alias mulieres cum menstruorum fluxu, etsi critico die erumpente, mortuas fuisse novi-

mus. Ita ut multum à vero aberrent illi, qui tales crises tanquam salutiferas laudant, quas usu comperti sumus incertissimas esse, & cum iis multo plures mortuas, quam à morbo sanatas fuisse.

## HISTORIA LXII.

**G**Osuius à Burick, miles, cum alio milite pugnans, gladio punctim vulneratus fuit in læva thoracis parte, vulnere pectoris cavum non penetrante, sed supra costas tantum transeunte. Secunda die febricitavit, & vulnus valde intumuit, qui tumor post copiosum sudorem ab exhibitio alexipharmaco promotum, rursus aliquantum subsedit. Tertia die cum jam aliqua vulneris suppuratio expectaretur, ipsum vulneris orificium in anthracem mutatum visum fuit, qui anthrax procul dubio etiam vulneris interiora obsedit, nam æger protinus dejectis viribus, quarta ab inflicto vulnere die obiit. Paulo post mortem thorax circumcirca vulnus, ad latitudinem integræ manus, instar carbonis nigricavit.

### *Annotatio.*

**N**ON mirum est hunc vulneratum peste correptum fuisse, nam præterquam quod ira multum faceret ad pestis inductionem, etiam omnibus aliis morbis, qui durante hac pestilenti constitutione invadebant, statim pestis

adjucebatur, ita ut pestis, tanquam omnium calamitatum summa ac pessima, etiam in reliquis morbos dominum exercere, omnesque suo imperio subicere videretur.

## HISTORIA LXIII.

**V**Xor Isaaci Verloo, pestem cum tumore in inguine percipiens, ut summam, qua torquebatur, anxietatem aliquantum imminueret, mannae unciam unam cum cerevisia calida dissolutam assumpsit; quo remedio in puerperio interdum uti solita erat. Hinc post aliquot horas alvus enormiter turbari coepit, & simul disparuit bubo. Tunc ad me concursum est. Exhibui duo alexipharmaca astringentia, sed utrumque vomuit. Postea pulverem astringentem dedi, quem retinuit. Ad virium corroboracionem nonnulla alia praescripti, sed omnia nihil profuerunt, nam cum fluxus circiter per sexdecim horas perdurasset, agra cum morbo vitam finivit.

*Annotatio.*

**T**aceant qui pestis curationem a purgatione incipiendam esse, cum Avicenna aliisque magnis Medicis sentiunt: nam neque fortia cathartica, neque mediocria, neque sola lenientia in hac peste unquam tuto & cum utilitate exhibita fuisse, sed e contra agros semper in maximum periculum praecipitasse, observavimus.

## HISTORIA LXIV.

**P**ater Tiburtius Sacerdos, Ordinis Franciscanorum Monachus missionarius, vir eruditione, humanitate, & vitae probitate excellens, peste cum bubone in inguine correptus, varia alexipharmaca assumpsit; & inter alia bis illi exhibui lapidis bezoartici Orientalis electissimi pulverisati integram drachmam, & tertia vice scrupulos quatuor: à cuius lapidis usu levis quidem sudor sequebatur, sed omnino nihil levaminis inde consecutus est: alia alexipharmaca ex theriaca, salibus, aqua theriacali, aliisque similibus confecta, quamvis morbum non sanarent, copiosos tamen sudores cum aliquo levamine movebant. Interim omnibus remediis frustra adhibitis, cum febrem ingravescere, aliaque mala symptomata augeri perciperem, praedixi mortem procul dubio morbum finituram. Quod nuncium ager cum maximo & incredibili gaudio excipiens, intra paucas horas, tanquam ad nuptias iturus, latus obiit.

*Annotatio.*

**A**dversus venenum pestilens lapidis bezoartici vires non multum prodesse, in variis agris experiri sumus. N. Dermell febre pestilenti laborans, ejusdem lapidis prima vice integram drachmam, secundâ scrupulos quatuor absque ullo levamine assumpsit. Idem quoque frustra tentatum est in Domino Verliepck, Noviomagi Consule, in cognata vidua de Triest, in Petro Buys.

R r 3

in

in Gerardo Buys Pharmacopœo, in vidua Petri Nooteboom, aliisque plurimis, qui ipsimet, etiam me invito, lapidis bezoartici usum exposcebant. In nullo manifestam felicem operationem adversus pestem ab illo lapide vidimus; quapropter nos etiam postea rarius eo uti sumus, idque tantum in iis qui vel ejus usum sponte postulabant, vel ob summam debilitatem alia medicamenta assumere non pote-

rant. Hinc etiam magno isti encomio, quo à multis clarissimis Medicis decantatur, tantam, ut antea, fidem non adhibemus. Nec est quod quispiam existimet nos veros lapides non habuisse, nam certo credimus, si uspiam veri extant, in quibus omnia veri lapidis bezoartici signa concurrunt & conspiciuntur, nos tales elegisse, iisque usos fuisse.

## H I S T O R I A L X V.

**N**obilissimus Dominus Nulant (qui in castello de Valburgh, Bataviæ superioris pago, habitabat) mense Julio peste correptus est, cum summa anxietate & parva febricula. Secunda morbi die deliravit: tertia phreneticus evasit, indusium aliaque linteamina dilaceravit, & in adstantes, si propius lecto adstarent, violentas manus inferebat. Sequenti nocte eruperunt in cute plurima exanthemata purpurea, & phrenitis perduravit. In tali statu constitit morbus per quinque dies, ita ut toto illo tempore vix aliqua mutatio animadverteretur. Propter insaniam nulla medicamenta neque alimenta exhiberi poterant. Nona morbi die circa vesperam subito extinctus est.

*Annotatio.*

**I**N nemine alio exanthemata tanto semper iis prodeuntibus mors in propinquo erat. tempore mortem præcedebant, sed

## H I S T O R I A L X V I.

**G** Vilhelmo Beems (qui in molarum platea decumbebat) peste cum febre & maxima anxietate correpto, post primum à nobis exhibitum alexipharmacum quatuor carbunculi, duo in femoribus, & duo in pectore, eruperunt. Sequenti nocte adhuc duo in abdomine prodierunt. Secunda die, antidoto rursus assumpto, tres alii circa scapulas visi sunt; & sequenti nocte adhuc duo, unus in latere dextro versus lumbos, alter in brachio apparuit: ita ut ab undecim carbunculis corpus obsideretur. Febris, aliaque prava symptomata magis magisque adaucta sunt. Omnia exhibita antidota non majus levamen induxerunt quam si saccharum candium exhibitum fuisset. Tertia die circa noctem vitam cum morte commutavit.

*Annotatio.*

**I**N hoc agro nulli bubones, sed tantum multi carbunculi visi sunt, quod indicium erat naturam à veneni copia & maligna qualitate adeo obrutam fuisse, ut nihil ad emundatoria expellere potuerit, atque hinc totum venenum venas ingressum, sanguinis massam dupliciter corrupisse, partim putredine maligna, unde febris; partim mortificatione, unde tot carbunculi. Sæpius autem in hac peste, imo semper falsum esse comperti sumus, illud quod nonnulli magni Medici statuunt, nempe

plures carbunculos paucioribus esse tutiores, & quanto maiore copia erumpunt, tanto melius esse. Nos semper observavimus plurimos eorum quibus multi carbunculi eruperant, interiisse; quibus vero pauciores, melius evasisse. Ratio liquet ex iis quæ diximus, nempe quamvis plures carbunculi naturæ robur in expellendo veneno denotent, quod tamen maximi ac copiosissimi veneni sanguinis massam corruptentis indices sint; quod antequam natura totum expellere possit, succumbit.

## HISTORIA LXVII.

**R**Ugerus ab Oxsteyn, eques Capitanei Douglas, cum vesperi bene sanus cubitum discessisset, media nocte somniavit se ab homine postifero nudo ac furibundo in terram prosterni, & cum eodem fortiter colluctari, tandem pestiferum divaricatis cruribus ipsius corpori insidentem, suam pestem in illius os evomuisse. Ex illo somno cum maximo terrore expergefactus, credidit se peste cito moriturum, quam imaginationem adeo fortiter concepit, ut nullis rationibus ex animo illius excuti potuerit. Tertia post somnium die correptus est peste, cum maxima anxietate & febre, nec quicquam proficientibus medicamentis, quarta morbi die mortuus est.

*Annotatio.*

**Q**UOD huic agro, illud etiam suo tempore nonnullis contigisse, refert Sennertus, ut à solis insomniis peste corripereatur. Sciendum tamen somnia per se non inferre contagium pestilensve venenum, sed terrorem, qui inde contrahitur, posse humores & spiritus disponere ad receptionem veneni pestilentis: dum enim spiritus intus ad cor confugiunt, si aliqua venenata aura forte foris cuti adhæreat, illam facillime per poros & arteriarum

extremitates intus ad cor trahunt, quod à concentratis in se spiritibus impeditum, isti maligno veneno etiam minus resistit. Huc quoque multum facit tristis imaginatio, qua venenum licet exiguum, non tantum ad cordis penetralia deducitur, verum attentiore de peste cogitatione & metu in actum excitatur: præterea etiam absque veneni præsentia solet imaginatio, metui ac terrori conjuncta, augere dispositionis corporum ad pestem aptitudinem.

## HISTORIA LXVIII.

**R** Egnerum Beeckman, Quæstorem, florentis ætatis virum, 24 Iulii pestis corripuit. Simulac se male habere sentiret, hoc fudoriferum (quo vulgares passim utebantur, & quod multis quoque proderat) suo ipsius consilio statim assumpsit:

℞. *Theriace androm. drach. j. aceti calendule, unc. ij. olei juniperi gur. vij.*

*Misce, fiat haustus.*

Hinc bene sudavit, & tumorem parvum ac durum in inguine dextro percepit. Postera die circa meridiem ad illum invisendum vocatus fui. Inveni ipsum adeo debilem ut vix loqui posset, caput grave erat cum proclivitate ad somnum, pulsus parvus, creber & aliquantum inæqualis, urina turbida, calor corporis non præter modum intensus, febris non vehemens, nec faciei color multum mutatus, lingua tamen sicca & aspera cum aliqua siti. Propter summam debilitatem vix quicquam assumere poterat, quapropter cum ad omnia nauscaret, hanc misturam ad vires aliquantum reficiendas præscripsi, de qua primo singulis semihoris, postea singulis horis cochleare plenum exhibitum fuit:

℞. *Conserve rosarum rubr. drach. vj. discordii Fracast. drach. iij. aque theriacalis, unc. iiij. aque cinnamomi, succi citri recentis, ana unc. j.*

*Misceantur, post horam colentur cum levi expressione, colatura admisce, confect. de hyacintho, drach. j. f.*

Ad sitim hunc julebum præscripsi:

℞. *Aque acetosæ, cardui, ana lib. j. & rosarum, succi citri recentis, aque theriacalis, ana unc. j. f. syrupi de limonibus, unc. ij. olei sulphuris, q. f.*

*Misce, fiat juleb.*

Ne bubo introrsum regrederetur, hoc vesicatorium inferiori bubonis parti applicui:

℞. *Cambaridum pulverisat. scrup. j. euphorbii, scrup. f. fermenti acidi, drach. j. mellis, scrup. ij. aceti rosacei parum.*

*Fiat placenta.*

Hac post aliquot horas rursus ablata, & vesica pertusa atque abscissa, folium brassicæ rubræ oleo raparum inunctum impositum est. 26 Junii mane, cum jam paulo fortior esse videretur, hoc alexipharmacum sumpsit:

℞. *Extractis magistralis, & cardui ben. salis scordii, ana scrup. j. f. theriacæ, discordii, ana scrup. ij. aque theriacalis, unc. j. succi citri recentis, unc. f.*

*Misce, fiat haustus.*

Bene

Bene sudavit, & bubo multum increvit. Reiteratum quoque fuit iulabium hesternum. Circa vesperam hunc bolum dedi :

- ℞. *Lapis bezoar orient. scrup. l. theriacæ, discordii, ana scrup. j. confect. de hyacintho, scrup. l.*

*Fiat bolus in folio auri.*

Quia autem valde anxius erat, & cor haud aliter torqueri diceret quam si in prælo comprimeretur, hoc linimentum bis terve de die œsophagi & cordis regioni calide inunctum fuit :

- ℞. *Olei nucis moscatæ expressi, laurini, & scorpionum, ana scrup. ij. theriacæ androm. drach. j. olei juniperi, scrup. l. succini, scrup. j. cinnamomi, citri, ana gut. iij. & gariophyllorum gut. j.*

*Misceantur pro linimento.*

27 Iunii murmurata in abdomine percepit, & fæces quoque liquidiores deiecit, quapropter alvi fluxum accessurum metuiz qui ut melius præveniretur, hunc pulverem cum aqua theriacali mane exhibui :

- ℞. *Florum sulphuris, terræ sigillatæ, cornu cervi ussi, margaritarum preparat. coralli rubri, ana scrup. l. croci or. gr. iij.*

*Fiat pulvis.*

Etiâ sæpius de die hujus conditi particulam edere jussi :

- ℞. *Species diatrium sanctor. scrup. ij. & liberam. scrup. j. l. cornu cervi ussi, trochisc. de terra sigillata, ana scrup. j. discordii Fracast. drach. ij. rob acaciæ, drach. j. l. conservæ rosarum rubr. unc. l. conservæ florum calendulæ, myræ cydoniorum, ana drach. iij. syrupi granatorum, q. s.*

*Misce, fiat s. art. conditum.*

Reiterata quoque fuit mistura 25 Iulii præscripta. Post meridiem æger summè debilis fuit, quapropter confectionis de hyacintho & lapidis Bezoar ana scrup. j. cum pauxillo aquæ theriacalis in cochleari miscui & exhibui. Circa vesperam idem illud reiteratum est. Etiâ hoc cataplasma buboni imponendum præscripti :

- ℞. *Bulborum cape sub cineribus parum assaturum n. iij. radic. albæ pulverisat. farinæ sem. lini, & tritici, ana unc. l. fermenti acidi, fimi columbini, ana drach. vj. aquæ communis, q. s.*

*Coquantur leviter, adde*

*axungie anatis, ung. basilici, ana unc. l. mellis, unc. j.*

*Fiat s. art. cataplasma molle.*

28 Iulii hunc bolum dedi, nihil enim aliud ob summam debilitatem assumere poterat :

- ℞. *Lapis bezoar orient. confect. de hyacintho,*

S f

mishri-

*mixturæ, ana scrup. j. olei cinnamomi, gut. j.*

*Fiat bolus in folio auri.*

29 Iulii, cum rursus paulo fortior esse videretur, summo mane tale sudoriferum sumpsit :

32. *Extracti angelicæ, & magistralis, confect. de hyacinto, ana scrup. j. theriacæ, diazordii, ana scrup. j. f. aquæ theriacalis, unc. j. f.*

*Misce, fiat haustus.*

Copiosissime sudavit, & post sudorem se paulo melius habere coepit. Illa die utebatur subinde de condito & mistura antedicta. Etiam iusculi pulli cum herbis cardiacis cocti aliquantum sorpsit. 30 Iulii iterum pejus se habuit, & febris vehementior fuit quam unquam antea. Exhibui hunc bolum cum dicta mistura dissolutum :

32. *Lapidis bezoar orient. gr. xv. salis abssinthii, confect. de hyacinto, diazordii, ana scrup. j. olei sulphuris, gut. iij.*

*Misceantur.*

Circa vespere sponte sudavit copiosissime, à quo critico sudore (nam erat morbi dies septimus) morbus solutus est. 1 Augusti ipsum diætæ commisimus, cum tam propter debilitatem, quam propter nauseam plura medicamenta assumere non posset, neque etiam necessitas multum urgeret. 2 Augusti ad citiorem bubonis maturationem, cataplasma hoc modo immutavimus :

32. *Radic. liliorum alb. unc. ij. & altheæ recentis, unc. j.*

*herb. altheæ recentis, M. j. flor. chamomille, M. f.*

*ficuum ping. n. xj.*

*Coquantur in aq. communis q. s. pistatis adde*

*farinæ sem. lini, pollinis farinæ iriici, ana unc. f. mellis, unc. j.*

*acutæ porci, mag. basilici, ana, unc. f.*

*Fiat cataplasma.*

5 Augusti tumor jam maturus scalpello apertus fuit, atque ulcus deinde instar aliorum ulcerum mundatum & consolidatum est; & æger, qui jam jam hiantis Cerberi præda futurus putabatur, integræ sanitati restitutus fuit.

#### *Annotatio.*

Summa virium debilitas, ut & alvi continuo antidotorum usu feliciter commotio in hoc agro summum præventum fuit. periculum minabantur; quod tamen



## HISTORIA LXIX.

**F**Ridericus Willenburch, juvenis fortis, circiter triginta annorum, sponsus, cum Agnetam de Soust mense Augusto libi uxorem duxisset, Venereum agrum nimis strenue (ut solent multi sponsi) coluerat. Hinc tertia nuptiarum die peste correptus est, cum maxima anxietate & summa virium dejectione: febris autem exigua erat. Nihil profuerunt alexipharmaca, nec ullis modis collapsæ vires restaurari potuerunt. Circa finem secundæ diei ad campos Elysios delatus est.

*Annotatio.*

**S**Ponsi plurimi hoc tempore inter ipsas nuptias peste correpti sunt, & paucissimi à morbo evaserunt. Eodem illo tempore mulier quædam Noviomagenis spatio sex septimanarum tres maritos peste extinctos habuit: vix primo sepulto statim alteri nupsit, & sic etiam tertio; certè mulier non amore, sed libidinoso ardore flagrans, profecto flagris vel ignis ardore magis quam amore digna. Liberalior Veneris usus virorum corpora debilitando ad pestem disponebat, quæ cum propter debilitatem à seminis profusione inductam, pesti minus resistere possent, facile & cito deficiebant.

## HISTORIA LXX.

**S**Oror Ioannis Rouckus, civitatis Noviomagi Procuratoris, peste cum vehementi febre & anxietate correpta fuit, quibus accessit obscurus tumor in inguine. Ab ipso morbi principio vires admodum prostratæ erant. Secunda die vomitus sequebatur, qui tertia die valde violentus evasit, viresque adhuc multo magis dejecit, quo multa fortissima, turbida & varii coloris ejecit. Quarta die multo molestior & fere continuus evasit vomitus: tandem cum difficillimo conatu inter alia excrementa evomuit animalculum quoddam parvum instar draconis vivi, quo ejecto non diu post obiit. Mater ægræ illud animalculum Francisco Patien Chirurgo spectandum obtulit, (cum ego forte ad manus non essem) qui mihi retulit, fuisse bestiolam vivam, horribilem visu, oblongam, sed parvam, circiter longitudinis minimi digiti, quadrupedem, lacertæ non multum abfimilem, excepto quod sanguinei coloris esset, & caudam tenuiorem ac parvas aurículas haberet.

*Annotatio.*

**Q**Vis non miretur violentissimos effectus pestilentie? quæ tantam & tam venenatam putredinem paucis diebus inducere potuerit, ut brevissimo tempore animal venenatum, naturæ humanæ maxime contrarium, in medio corpore ex ea generatum fuerit? Mater ægræ narravit mihi bestiam hanc aliquam-

aliquamdiu in pelvi vixisse, quam Chirurgus Patien liquore aliquo affuso libenter occidisset, atque in perpetuam memoriam exsicasset ac servasset, nisi contagii metus & ægræ morientis vestigia, ipsum deterruissent. Durante

hac peste lumbricos breves, crassos, rotundos & rubros, interdum vomitu ejectos, interdum per alvum deturbatos vidi, sed præter hanc ægram, nullum unquam talem draconem ejecisse, nec vidi, nec audiivi.

## HISTORIA LXXI.

**D** Ominus Welting, Nobilis Anglus, qui urbem videndi gratia Noviomagum venerat, 8 Augusti matutino tempore foras prodiens, capitis aliquam vertiginem, & non diu post maximam anxietatem sensit, ita ut se ad lectum conferre cogeretur. Vocatus Chirurgus sudoriferum exhibuit, & copiosos sudores promovit, à quibus nonnihil allevatus fuit æger, & bubo sub axilla dextra erupit. Chirurgus post sudores venæsectionem in brachio dextro instituit, promittens se ægrum hac ratione citissime curaturum. Ex aperta vena sanguis floridus magna vi erupit, cumque jam aliquot uncix effluxissent, Chirurgus nullis compressis, nullis ligaturis fluxum sanguinis cohibere, & venæ incisionem obturare potuit. Interim ægri vires in totum collapsæ sunt, & qui sub axilla eruperat tumor disparuit: anxietatibus audactis etiam syncope accessit. Cum circiter per sesquihoram in obturanda vena frustra laborasset Chirurgus, tandem meum consilium etiam imploratum fuit. Inveni vulnuscule fungum illum, quo ad sistendum sanguinem utuntur Chirurghi, impositum, eique crassum compressum cum ligatura satis arcta injectum. Iussi caput mortuum vitrioli imponere, sed nihil profuit. Cum autem æger crebris animi deliquiis identidem deficeret, in re desperata ad extremum remedium (sed nimis sero) devenire necesse fuit, nempe ad ustionem, qua ferro ignito leviter imposito vulnusculem occlusum fuit, atque ita sanguis quidem substitit, sed æger non obstantibus variis exhibitis corroborantibus, post semihoram expiravit, atque ita secundum Chirurghi promissum morbus citissime curatus fuit, idque tam egregie, ut recidivam metuere necesse non fuerit.

### *Annotatio.*

**Q**Uamvis rarissime eveniat ut aperta vena rursus occludi nequeat, tamen vel eo saltem nomine in peste metuenda est venæsectio, cum illud quod aliquando fit, pluries fieri posse, credibile sit. Tantum bis mihi hunc casum videre contigit, semel in præ-

dicto agro, & mense Junio adhuc semel in uxore militis cujusdam Frisii, quæ cum sibi venam in pestilenti febre pertundi curasset, Chirurgus factam incisionem nullis mediis obturare potuit, quam ego quidem impositâ peria oleo vitrioli intinctâ restrinxi, sed tamen

men ægra intra horæ spatium vitæ naufragium fecit. Zacutus Lusitanus, *Præx. Admir. lib. 3. observat. 41.* similem casum in cucurbitulis observavit: *Mulsus* (inquit) *in peste sanguis è cucurbitulis ema-*

*nans, nec validis auxiliis, nec canterio ipso potius composci; omnes obiere: nam facultas reteniræ à venefica qualitate prorsus erat extincta.*

## HISTORIA LXXII.

**G**erardus Buys Pharmacopœus, vir fortis, qui amuleto arsenicali munitus semper incedebat, pustulam rubram inflammatam sine dolore, cum levi pruritu in collo percepit, quæ mihi aliquid mali ominari visa fuit, ac propterea ad tempestivum antidotorum usum ipsum exhortabar. Verum ille rem flocci faciebat, & toto corpore optime valens, consueta munia peragebat, bene edebat, bibebat, ridebat, & hilaris erat, nec quicquam mali suspicabatur; imo etiam me irridebat quod de periculo aliquo locutus fuisset. In tali statu circiter per tres septimanas vixit. Tunc demum capitis gravitate, cordis anxietate, nausea, & debilitate infestari cœpit. Assumpto alexipharmaco (cui præter cætera lapidis bezoar orientalis integra drachma admista erat) cum copiosius sudasset, nihil quidem allevatus fuit, sed prædicta pustula in perfectum carbunculum transivit. Postridie febris vehementior evasit, vires admodum dejectæ sunt, denique morbi violentiæ omnium antidotorum vim superante, post triduum è vivis excessit.

*Annotatio.*

**D**ispunt Medici, utrumne pestilens venenum in corpore aliquamdiu occultum latere possit, antequam gravibus symptomatibus se prodatur: quam quæstionem agitavimus *lib. 1. cap. 10.* Mercurialis, Andreas Cæsalpinus, Vortzerus, alique gravissimi Medici, negativam tenent: è contra verò Roboreus, Platerus, Sennertus, & alii, affir-

mativam defendunt: quam posteriorem opinionem etiam confirmat experientia, ut liquet ex prædicta historia, ut & ex sequenti historia 103. Affirmativæ etiam astipulari videtur Fernelius, nam Pathologiz *lib. 4. cap. 18.* inquit: *Interdum carbunculi initium multo ante tempore conspicuum, quam febris est.*

## HISTORIA LXXIII.

**I**acobus Verhorst & Casparus Nitteler, focii milites, animi gratia lexitis vestibus in flumine aliquamdiu nataverant, atque ita modo aquis, modo calidissimis solaribus radiis nuda corpora exposuerant. Peracta natatione, ambo dolorem capitis gravativum senserunt, cum inclinatione ad somnum. Ad hospitium reversi lecto se imposuerunt & dormiverunt. Post aliquot horas evigilantes, præter capitis dolorem,

etiam anxietatem maximam cum nausea senserunt, cui non diu post magna quoque febris adjuncta est. Exhibui utrique alexipharmacum, à quo cum propter summam inquietudinem sudare non potuissent, post aliquot horas alterum sumpserunt, quod rursus evomuerunt, nec deinceps quicquam amplius assumere voluerunt. Inextinguibili sibi ambo torquebantur. Iacobus magnum dolorem sub axilla, sed absque manifesto tumore habuit, & circa finem secundæ diei obiit. Casparo autem parvus dolorosus tumor in parotide erupit, & morbum protraxit usque ad quartum diem, quem una cum vita finivit.

*Annotatio.*

**H**ujusmodi infelices casus in pluribus aliis natatoribus etiam observavimus, ac proinde illas natationes curiosissime prohibere solebam: partim quod periculosum foret fervidis radiis solaribus nudum corpus exponere: partim quod etiam periculosa foret illa mutatio, qua modò à sole corpora calefiunt, modò ab aqua refrigerantur: denique quod ipsa flumi-

nis aqua valde suspecta esset, quia Germaniam versus plurimæ urbes, & innumeri pagi in Rheni littoribus siti, gravissima peste affigebantur; quorum omnium locorum contagiosa inquinamenta in flumen effluebant, & aquam illam, Noviomagum versus descendentem, ratione contagii haud parum suspectam reddebant.

## H I S T O R I A LXXIV.

**A**ncilla Iacobi Leeuwens, Mercatoris vini, quæ in horto ejus decumbebat, secunda morbi die urinas oleaginosas copiosas reddidit, ita ut oleum crassum & turbidum repræsentarent. Carbunculum habuit in altera mamma. Assumptis alexipharmacis & sudoriferis omnia gravia symptomata unà cum febre cessarunt, & ipsa præter opinionem à morbo convaleuit.

*Annotatio.*

**C**um talibus urinis oleaginosis tantum duos tresve evasisse novi: omnes reliqui, quotquot tales urinas reddebant, citissime mortui sunt.

## H I S T O R I A LXXV.

**A**Dolphus Fildar, Chirurgus non imperitus, qui amuleto arsenicali curiosè semper munitus erat, 11 Julii peste correptus, sibi ipsi sudoriferum aliquod præparavit, à quo cum copiose sudasset, buboni (qui in inguine apparebat) cucurbitam magnam cum multa flamma imposuit, eamque bis terve reiteravit. Hinc pars affecta valde intumuit, & tam horribili dolore ægrum affecit, ut quo se verteret, nec sciret.

sciret. Magnum istum dolorem violentissima febris, & hanc summa debilitas viriumque dejectio infecuta est. Tunc meum quoque consilium expetivit. Exhibui varia sudorifera & antidota : parti quoque affectæ, tam ad intensissimi doloris sedationem, quam ad veneni extractionem, varia topica admovi. Verum his omnibus cum nec febris, nec dolores imminuerentur, æger deficientibus viribus morbo victoriam concessit.

## Annotatio.

**A** Nimadvertimus in plurimis ægris, quibus cucurbitulæ bubonibus impositæ fuerant, illud remedium genus fere semper infelicitè cessisse; & dolores adeo acres hoc modo parti affectæ fuisse inductos, ut inde acerrima febris excitaretur: cujus violentiæ antequam sedari posset, plerumque virium defectu extinctos fuisse ægros. Quapropter licet in peste hujus exordio etiam nobis illud auxilium arderet, partim quia veteres, multique clarissimi Medici illud commendarent; partim quia ipsa ratio illud etiam approbare videretur, tamen postea in totum ab illo abstinuimus, & usu edocti sumus, bu-

bones tutius ac melius tractari cum vesicatoriis & cataplasmatibus attrahentibus ac emollientibus, quam cum violenta cucurbitularum suctione, qua non ipsum venenum pestilens, (quod hoc modo extrahi nequit) sed tantum sanguis vicinique humores supra glandulas in durum cumulum contracti, vel glandulas comprimunt, earumque extensionem ac venenati ichoris receptionem impediunt; vel vias quæ ab internis vasibus ad glandulas tendunt, obstruunt, atque ita in causâ sunt quod natura sæpe laudabilem veneni expulsionem ad emunctoria perficere nequeat.

## HISTORIA LXXVI.

**C**hristianus ab Vmmerfon, vini Mercator, magna inappetentia laborabat, cui etiam aliqualis nausea aderat: valde debilis erat, quia per multos dies vix quicquam comedere potuerat. Ipse pestilenti contagio se infectum esse arbitrabatur: sed male, nam causa mali inde proveniebat, quod bonus ille vir præservationis gratia quotidie matutino tempore vino absinthite majore copia uteretur. Quod cum ilico animadverterem, hujus vini usum plane prohibui, ac diætâ conveniente præscriptâ, hunc bolum exhibui:

*℞. Rhabarbari pulverisati, scrup. ij. cremoris tartari, scrup. j.  
pulpe tamarindorum, unc. i. syrupi de limonibus parum.*

*Fiat bolus.*

Hinc ter ista die alvum exoneravit. Postridie tale conditum præscripsi:

*℞. Calami aromatici, nucis moscatæ, macis, florum sulphuris ana scr. j. f.  
cremoris tartari, unc. j. cinnamomi, scrup. j. gariohyllorum, scrup. f.*

*Pulveriscentur subtilissime, deinde addantur*

*radic.*

*radic. helenis cond. drach. vj. conservæ anthos, unc. l.*

*zingiberis condit. drach. vj. olei viridis gut. xv. syrupi de limonibus q. s.*

*Fiat conditum.*

Hujus conditi mane & vesperi, interdum etiam meridiæ, particulam edebat, à vini absinthiacis usu abstinendo. Hinc brevi rediit appetitus. Ex illo tempore conditum hoc tanti fecit, ut illud postea per aliquot annos multoties à Pharmacopœo confici curaret, ad appetitum & sanitatem (ut agebat) conservandam.

*Annotatio.*

Quamvis absinthium, quocunque modo moderate sumptum, adversus venenum pestilens egregium sit præservativum, & ventriculum detergeat, atque appetitum excitet: immoderatum tamen ejusdem usum multoties animadverti inducere debilitatem; & cibi inappetentiam. Sic N. Heymeric à nimio vini absinthiacis usu (quo se per annum pessime assueverat, ut pestis contagium evitaret) adeo dejectum appetitum habuit, ut postea nullis mediis restaurari potuerit; atque ea de causa debilitatis internis visceribus, tandem

vitam cum morte commutaverit. Ita quoque Antonius de Tricht Pharmacopœus, vini absinthiacis matutino potui nimis deditus, per aliquot annos adeo inappetens fuit, ut vix quicquam comedere potuerit, cumque illius vini matutinum usum, vel potius abusum, intermittere noller, tandem epilepticus factus misere obiit. Quapropter in usu absinthii, sicut in omnibus aliis rebus, modus servandus est: nam etiam optima quæque, vel medicamenta, vel nutrimenta, immoderate sumpta, nocent.

H I S T O R I A LXXVII.

Pater Felicianus Sacerdos; Ordinis Franciscanorum Monachus missionarius, vir doctus & humanissimus, peste correptus est, cui vix ulla manifesta febris adjuncta erat, ut nec alia gravia symptomata, præter solam & summam anxietatem, qua cor tanquam in prælo compressi dicebat. Post sudorem copiosum alexipharmaco provocatum, duo exiles carbunculi in femore eruperunt, etiam dolor in inguine perceptus est cum obscuro quodam tumore. Exhibui tria quatuorve sudorifera, & alia quoque antidota intermedio tempore dedi, verum his omnibus neque inguinis tumor adauctus, neque anxietas quicquam imminuta est. Interea tamen vires egregie constabant, ac valde parum dejectæ erant. Quarta morbi die cum ipsum inviserem, totus vestitus erat, & circiter horæ quadrantis spatio mecum per cubiculum deambulavit, (non turbante gradu, sed fortiter) ac de confidentia in Deo, de non extimescenda morte, de maximo & flagrantissimo suo hinc ad salutarem patriam migrandi desiderio, multa notatu dignissima loquebatur. Postea inter ambulandum monstra-

strabat mihi etiam sex septemve exanthemata purpurea, quæ in pectore & brachio eruperant, & rogabat qualesnam essent, & quidnam indicarent hæ maculæ? Respondi esse mortis advenientis prænuncias. Quo nuncio intellecto, bonus ille vir non minus gavisus est, quam gratissimo aliquo dono accepto, & statim cum gaudio in hæc verba erupit: Iam liberabis servum tuum Domine, & videbunt oculi mei salutare tuum facie ad faciem: fiat voluntas tua; & sit nomen tuum benedictum in sæcula. Tunc ego ipsi in æternum valedixi, atque discessi. Postea retulerunt mihi astantes qui illi inserviebant, quod statim post meum discessum diceret: Sentio me ab ambulatione aliquantum delassari; & cum dicto lecti margini se imposuisset sedendo, atque ilico quasi in momento retrorsum supra lectum cadens exspirasset.

*Annotatio.*

**Q**UOD in hoc ægro, illud in nonnullis aliis etiam animadvertimus, nempe in quibusdam peste laborantibus tantam corporis fortitudinem usque ad mortem fuisse, ut ambulantes, nec quicquam minus quam mortem metuentes, subito conciderint. Verum in paucissimis tantam animi fortitudinem, tantam in morte constantiam, tantum vitæ æternæ ex intimo corde procedens desiderium observavimus, quantum in prædicto D. Feliciano, & socio ejus Tiburtio, nec non Patre Gregorio, ejusdem quoque Ordinis Monacho, qui tres summo cum gaudio mortui sunt, totumque mortis metum læta spe melioris vitæ omnino extinxisse videbantur. Non omnes qui vitæ æternæ gaudia prædicant, ad illa festinant, sed extrema necessitate ingruente plerique diverticula quærunt,

& his illisve mediis extremam illam horam differre nituntur. Sic Pater de Bruyn, Jesuita doctus, cum peste correptus esset, maximo mortis metu percussus fuit, & tam altum terrorem concepit, ut exhibita remedia plane nihil operarentur ad salutem: tandem omnibus nihil proficientibus, cum ab exanthematum eruptione mortem ipsi prædicerem, tres quatuorve exiguas pyxides (in quibus imagines, reliquias sanctorum, schedæ benedictæ, & similia continebantur) de collo pendulas manu prehensens, ac cum indignatione irridens, dicebat: *O inania fœdera, in quibus confisus sum! quid jam mihi prodesis?* & paulo post cum magna desperatione obiit, immemor vericuli:

*Per facilius quod fata ferunt, si ferre recusas,  
Ipsum se cruciari, nec minus illa trahenti.*

## HISTORIA LXXVIII.

**C**Asparus de Swart, cum à Molarum platea ad plateam Cervinam properaret, brevioris vitæ gratia transivit vicum quendam rarissime frequentatum, juxta templum B. Mariæ situm, in quem ex plurimis infectis ædibus sordes, stramina lecticarum, vetusta ac detrita vestimenta, ægrotorum fæces & excrementa, aliaque similia tunc temporis

projiciebantur. Ipse in transitu à contagioso harum rerum foetore gravissime affectus, & tanto contagio infectus fuit, ut domum veniens statim conciderit, vomuerit, capitis dolore & maxima cordis anxietate pressus fuerit, in utroque crure carbunculum habuerit, atque intra viginti horas vitam finiverit.

*Annotatio.*

**N**on sineratione curiosiores Rerum-publicarum Gubernatores edicto jubere solent, ut omnes res contagii ratione suspectæ comburantur, neque in publicum projiciantur: atque ita in nonnullis Italix locis inter alium integras domos cum tota suppellectili Magistratus jussu combustas fuisse, legimus.

Verum Magistratus Noviomagensis, & belli turbis, & morbi furis intricatus, multarum hujusmodi necessariorum rerum negligentiores curam habuit: quæ etiam causa fuit, quod contagii semina plurimum disseminata fuerint.

H I S T O R I A XXXIX.

**M**ense Augusto Domicellam quandam nobilem, (quæ in cubiculo prope arcem Noviomagensem ad ejus curationem à me conducto commorabatur) lue Venereâ graviter infestatam, tractabam: cui cum post præmissa generalia, jam per quatuor dies quotidie bis sudores Guajacino decocto provocassem, pestis illarum ædium domesticos invasit, è quibus intra sex dies quatuor mortui sunt; unica vetula superstes remansit, quæ huic Domicellæ inserviebat. Domicella pestem magis quam luem Veneream timens, libenter aliò migrasset; verum quia in tota civitate paucissimæ domus erant in quibus contagium non dominaretur; ad hæc quia verebar mutatione domicilii & ipsam & morbum ejus ab aliis cognitum iri, suasi ut illic maneret, & nihil periculi metueret, propterea quod à peste omnino immunis futura esset, quo usque curationi luis Venereæ vacaret. Meum consilium secuta remansit, & continuatis quotidianis sudoribus, aliisque remediis ad luis Venereæ curationem necessariis, & sussumigiis ad æris emendationem in cubiculo etiam excitata, nullum pestis aculeum sensit, sed post tertiam septimanam bene sana & pulcherrima discessit, quæ horribili ac turpi Venerea scabie foedata ad nos venerat.

*Annotatio.*

**C**um in morbi Gallici curatione medicamentis talibus plerumque utamur, quibus Venereum virus à centro ad peripheriam propellitur, non facile

tales ægri, quousque huic curationi se submitunt, peste corripuntur; quamvis etiam inter pestiferos versentur, ut ex prædicta historia liquet; quam etiam ratio



ratio approbat: nam quousque natura occupata est in expulsiōe veneni Veneri à centro ad corporis circumferentiam, non facile potest recipere, & à circumferentia ad centrum attrahere venenum pestilens; vel si illud forte receperit, statim per apertos pororum

meatus illud rursus foras expellit. Sic ob eandem pene rationem dicit Paræus, *lib. 21, cap. 21*, quartanarios à peste magis tutos & liberos esse, quia tertio quoque die vehementer sudare solent: quod ipsum quoque affirmat Sennertus, *de Peste, cap. 1*.

## HISTORIA LXXX.

**M**Achtilda de Bie, juvencula circiter viginti annorum, 3 Septembris peste correpta fuit, cum anxietate, febre & anthrace in brachio. Sudorifera aliaque convenientia antidota ab ipso morbi principio satis curiose exhibita fuerunt. Eodem tenore continuavit febris usque ad diem quartum, quo hæmorrhagia narium supervenit, qua sanguis, non quidem affatim, sed paulatim, diu & magna quantitate effluxit. Ut hanc hæmorrhagiam sisteremus, omnes modos adhibuimus; per Chirurghum extremas partes arctius ligari, oxycratum actu frigidum cervici, fronti & pudendo admoveri, cucurbitulas cum multa flamma pedibus applicari, pulveres astringentes cum petiis naribus immittere, aliaque multa fieri curavimus; quibus omnibus non juvantibus, tandem etiam inviti ad venæsectiones brachiorum pervenire coacti fuimus: sed omnia frustra tentata sunt, nec sanguinis è naribus effluxum sistere potuimus, qui cum circiter per triginta horas perdurasset, ægra deficientibus viribus animam æternitati consecravit.

## Annotatio.

**M**Inime audiendi sunt illi, qui in peste hæmorrhagias die critico incidentes, in principio non modo non cohibendas, verum etiam, si tardiores fuerint, magis promovendas esse, judicant. Falluntur toto cælo, nam licet natura hoc modo se à gravante malignitate levare nitatur, frustra tamen per illam viam id facere laborat, per quam pestiferum venenum cordi maxime impressum, aut parum, aut nihil imminui potest: vel dato, aliquantum imminui, certum tamen est profusione multorum spirituum & copiosi ac boni sanguinis, citius viribus collapsis morituros ægros, quam tota malignitas excerni possit. Hinc etiam Saxonia,

*Prælex lib. 8. cap. 37.* scribit, evacuationem sanguinis per nares in pestiferis nunquam esse salutarem, & magna ex parte compesci non posse; atque in hoc differre pestem ab aliis acutis, quod hæc per sanguinis narium copiosam excretionem feliciter judicentur, illa vero infelicitur. Dictum comprobatur experientia, qua in hac peste edocti sumus, periculossimas & plurimis lethales fuisse crises illas, quæ per hæmorrhagias, sive uteri, sive narium, sive menstruorum, siebant, easque rarissime sponte substituisse; ut plurimum autem si in ipso principio arte non sisterentur, postea plane nullis mediis sisti potuisse; imo sæpe etiam maximâ dilati-

gentiâ adhibitâ sisti nequivisse. Hujusmodi lethalis hæmorrhagiæ exemplum quoque refert Schenckius *in suis Observationibus*. Forestus in Peste Delpheni

etiam observavit, plurimos; quibus sanguis è naribus fluebat; fuisse mortuos.

## H I S T O R I A L X X X I.

**V**Xor Ioannis Pallemmer, Cerevisiarii, peste correpta, unum carbunculum in sinistra manu inter minimum & annularem digitum habuit, alterum vero in primi digiti medio. Nec vehemens febris, nec, præter magnam anxietatem, alia sæva videbantur adesse symptomata. Sudorifera aliaque alexipharmaca ab ipso morbi principio diligentissime exhibita sunt, quibus omnibus non obstantibus, tamen paulatim magis magisque defecerunt vires, ac die morbi septima vitæ hujus miseras exiit.

*Annotatio.*

**I**N hac peste observavimus plerumque sinistri omnis fuisse anthraces in digitis prodeuntes; & ex innumeris

ægris, quibus id contingebat, paucissimos evasisse.

## H I S T O R I A L X X X I I.

**H**Ermannus Thomas, pistor, cum militem quendam peste correptum & phreneticum horribili vultu foras excurrentem & vociferantem casu conspexisset, tanto terrore perculsus est, ut inde statim & ipse pestem conceperit. Exhibui sudorifera, aliaque varia antidota: prodierunt duo carbunculi cum obscuro tumore sub axilla, sed absque levamine. Nullis modis, nec verbis, nec rationibus ab animo illius excuti potuit conceptus terror. Omnibus frustra tentatis, quinta die visâ sunt exanthemata purpurea; & sequenti nocte obiit.

*Annotatio.*

**T**Errorem ad pestis inductionem plurimum facere, non tantum nos in hac peste animadvertimus, sed illud ipsum quoque in aliis pestibus multis observatum fuisse, testes sunt Euaris, Nicephorus, Erasmus Hedenus,

Scheunemamus, Ioannes Matthæus, Sennertus, & alii. Semper etiam notavimus, rarius evasisse illos qui ex alto concepto terrore, peste corripiebantur, quam alios, quos absque hoc præcursore invadebat.

## HISTORIA LXXXIII.

**I**acobus ab Hamburch, eques Capitanei Thomæ Lucas, vir fortis, audax & temerarius, 12 Octobris peste cum febre violenta & bubone in inguine correptus, post varia assumpta alexipharmaca, quarta morbi die fortiter tussire, sexta autem sanguinem tussiendo rejicere coepit copiosius, è quo signo illum moriturum judicavi. Attamen ne mea incuria perire videretur, ut sanguinis sputum aliquantum cohiberi & imminui posset, 18 Octobris circa vesperam hunc pulverem præscripsi, quem illa nocte duabus vicibus cum pauxillo aquæ theriacalis assumpsit:

*R. Boli arm. cornu cervi usti, ana scrup. j. florum sulphuris, scrup. j. f. specier. diatrium santalorum, scrup. j. croci or. scrup. f. sacchari candi albi, drach. j. f.*

*Fiat pulvis subtilis, qui dividatur in duas doses.*

19 Octobris febris remissior fuit. Tunc sæpius de die sequentis electuarii particulam edere iussi:

*R. Specier. diatrium santalorum, cornu cervi usti, ana scrup. j. f. coralli rubri, spodiæ usti, terræ sigillæ, croci orient. ana scrup. j. florum sulphuris, scrup. ij.*

*Fiat pulvis subtilissimus, cui adde*

*diacordii Fracastorii, drach. iij. conservæ rosarum rubr. unc. f. syrupi de scordio, & de rosis siccis, ana q. s.*

*Fiat electuarium.*

Hoc die bubo, qui topicorum usu ad maturationem pervenerat, à Chirurgo pertusus est. 20 Octobris omnino febris expers fuit, sanguinis tamen sputo remanente. Cum appetitu aliquantum comedere coepit æger. Continuatum est in usu electuarii. Quia vero durante morbo tantum bis alvum excreverat, circa vesperam ex pilulis Ruffi tres pisi magnitudinis pilulas deglutivit, à quibus sequenti mane duos secessus habuit. Hoc facto ad electuarii usum rediit. 21 Octobris dicebat se magna vi tussiendo frustula quædam pulmonis cum multo sanguine rejecisse. 22. & 23 Octobris sputum sanguinis multum imminutum est: quapropter illum diætæ commisi, & ab omnibus rebus noxiis abstinere iussi. Anno sequenti, mense Martio, rursus ad me venit, valde emaciatius & debilis, ac conqueratur se post sanationem pestis aliquamdiu mediocriter valuisse, verum sanguinis sputum nunquam in totum substitisse: in magno autem gelu mensis Februarii ipsum adeo afflictum esse, ut per aliquot septimanas lecto incumbere coactus fuisset. Animadverti hominem ex ulcere pulmonis tabem jam contraxisse, nam præter sanguinem etiam verum pus rejiciebat, quapropter illum eodem modo, quo varios alios verè phthisi-

cos aliàs sanavi, curare aggressus sum, atque ita circiter trium mensium spatio pristinæ sanitati omnino restitutus fuit.

*Annotatio.*

**H**Æc historia tanquam rarissima notanda est: nam in tota hac truculentissima peste, præter hunc unum solum equitem, cum sputo cruento (quod à carbunculis in pulmone excitatis plerumque inducitur) neminem evasisse scio: rogavi etiam Chirurgos

illos, quibus pestiferorum curatio demandata erat, an illud uspiam viderent, qui testabantur se observasse omnes illos quibus sputum cruentum superveniebat, brevissimo tempore mortuos fuisse.

H I S T O R I A L X X X I V.

**D**Vo filii Domini Gatien, Galli, Verbi divini Ministri, peste cum violentissima febre correpti intra triduum occubuerunt. Cadavera tertio post mortem die horribiliter immutata, valde tumida, & instar carbonis vel atramenti tota nigricantia visa sunt: ita ut Pater, qui ex Hollandia post mortem filiorum advenerat, ipsorumque cadavera adhuc videre desideraverat, primo viso, adeo abhorruerit, ut statim effugiens secundum videre ausus non fuerit.

*Annotatio.*

**C**Adaverum citissima & malignissima corruptio maximi veneni index fuit. Sciendum tamen in hac constitutione omnia pestiferorum cadavera, tam cito & tam horribiliter putrefacta non fuisse: nam multa non minus quam ab aliis morbis emortua corpora, per aliquot dies absque manifesta putredine servari potuerunt, nempe illa,

quæ absque magna febre enecata fuerant: quibus vero ægris pestiferis gravis febris adfuerat, eorum cadavera propter malignam humorum putredinem cito computruerunt; & quanto humorum putredo cum febre, morbo durante, gravior fuerat, tanto post mortem citior & malignior, magisque horribilis cadaverum putredo sequebatur.

H I S T O R I A L X X X V.

**P**Etrus Parvus (inde Parvus cognominatus, quod esset brevioris staturæ) rusticus notissimus in pago Bommel, unico milliari à Noviomago distante, peste correptus fuit, cum violenta febre, aliisque gravibus symptomatibus, à qua tertia die mortuus est, ut putabatur. Con sanguinei, qui illi inferviebant, amiculo ferali corpus induerunt, idque à lecto in pavementum super stramina deposuerunt. Etiam hæredes vestimenta ejus aliamque suppellectilem inter se diviserunt, atque ita metu furum spoliarunt domum omni suppellectile. Interea etiam curarunt ut cista feralis à fabro lignario conficeretur, atque ad exequias sequenti die per-

peragendas omnia præpararunt. Postridie omnibus jam paratis, sola cista feralis (sine qua nostrates mortuos non sepeliunt) deerat, quam faber lignarius propter plurima negotia tam citò conficere non potuerat: quapropter exequiæ usque in tertium diem necessario differendæ erant. Sequenti die cista ferali jam paratâ, cum ad funeris elationem festinaretur, viderunt mortuum efferendum reviviscere, & brachia ac pectus commovere, (postquam quinquaginta duabus horis in tali statu tanquam verè mortuus jacuisset) qui etiam intra horæ quadrantem surgebat, vociferabatur, indusium aliaque linteamina totus maniacus dilacerabat, imò quoque in proxime astantes violentas manus inferebat; ita ut illum vi continere, & fasciis brachia ligare ac constringere necesse fuerit. Duravit illa maniacæ passio circiter per quinquaginta quatuor horas (ut ipsemet mihi narravit) ac postea cessavit, & æger plane ad se rediit, atque interfanguineos nonnullos suis vestibus indutos, aliamque suppellectilem inter hæredes divisam vidit, quam ipse redivivus possessor petiit. Intra paucos dies vires deperditas recuperavit, & à morbo convaluit cum maxima omnium admiratione. Nono jam anno (quo historias has in ordinem redigo) bene sanus vivit, & inservit etiamnum hodie Nobilissimo viro Ioanni de Bronckhorst, Bataviæ superioris Majori, in eodem pago habitanti, ejusque opera rustica peragit.

*Annatio.*

**I**N peste aliisque contagiosis morbis corpora mortua ratione contagii citissime inhumari solent; quæ ultra bi-duum, præsertim æstivo tempore, asserenda non esse, alibi docuimus. Verum semper diligentissime animadvertendum, anne verè mortua sint: nam multoties observatum est, ægris pestiferis talia animi deliquia supervenisse, ut pro mortuis habitis, imò nonnulli etiam vivi inter mortuos sepulti fuerint: quod etiam prædicto Petro Parvo accidisset, si cista feralis pridie parata fuisset, nam illum certissime mortuum esse, omnes putaverant. Hinc verisimile est, in illis locis ubi peste extinctos intra paucas horas sepeliunt, plurimos hujusmodi errores committi. Qualem historiam refert Alexander Benedictus, *lib. de Peste, cap. 1.* de nobili Matrona, quæ tali modo viva inter mortuos deposita fuit,

Lycosthenes quoque, *lib. de prodig. & ostent.* duas memorabiles refert historias eorum qui peste mortui putabantur, & quibus exequiæ jam parabantur, qui antequam sepelirentur, revixerunt. Hildanus, *dentur. 2. observat. 95.* tria clarissima exempla pestiferorum enarrat, quorum primi corpus jam loculo imponebatur ad sepulchrum efferendum: secundi jam sepultum fuit, & postea, casu à furibus aperto sepulchro, ad se rediit: tertii à Ioanne Wiero Medico deprehensum fuit non esse mortuum. Ioannes Iacobus Craffius, *in epistola ad Hildanum*, varia hujusmodi exempla recenset. Hæc cum in peste accidere posse, notissimum sit, cuiusque officii est mortuos suos non statim à vespillonibus temere ad sepulchrum efferrî curare, sed prudenter prospicere, ne, temerariæ scelerationis errore, homicidium committa-

mittatur. Extra pestem in aliis morbis talia non semel quoque evenisse, & nonnullos apoplexiâ, lethargo, comitiali morbo, vel uteri strangulatione oppressos, ita suffocatos fuisse, ut pro mortuis habiti, & nonnulli etiam inter mortuos sepulti fuerint, testes sunt Plinius *Natural. Hist. lib. 7. cap. 52.* Lemnius, *de occult. rerum mirac. lib. 2. cap. 3.* & Georgius Pictorinus, *Sermon. Comital. lib. 1. cap. 10.* nec non Paræus, Forestus, Albertus Bortonicus, Schenckius, Amarus Lustanus, & alii. Idemque etiam mihi semel videre contigit in quodam nautæ puello quatuor annorum, qui anno 1641, media hyeme prope portum Noviomagensem in aquam incidens, suffocatus ac pro mortuo domum delatus est, ubi à vicinis & matre vestibus detractis amiculo ferali indutus, & in pavimento super stramina collocatus fuit, interea dum cista feralis pararetur: postquam summæ aëris frigidissimi vio-

lentiz puer ibidem per decem horas expositus jacuisset, nec corpus obriguisset, me vocarunt, ut unde illud fieret scire possent: ego manibus utrimque tempora puelli constrinxi, atque obscurum quandam arteriarum temporarium motum sensi, quem deinde etiam in carpo brachii deprehendi: quapropter iussi statim puellum igni luculento admovent, totum pectus, ventrem, tempora ac faciem cum spiritu vini calefacto, calidis manibus fricari; quod cum aliquamdiu factitatum fuisset, cepit puellus brachia & crura leviter movere; anhelitum etiam manifestius ducere; verumtamen non rediit ad se, sed cum in tali statu adhuc per sesquihoram vixisset, obiit: fortasse si in principio prope ignem bene calefactus, & immenso isti frigori (nam asperissimum erat gelu) tot horis nudus expositus non fuisset, in vita servatus esset.

## H I S T O R I A L X X X V I.

**V**Xor Domini Verspieck, civitatis Noviomagi Consulis, peste cum gravi anxietate correpta, statim conquesta est de dolore secundi digiti pedis dextri: explorato loco, in extremo articulo vesiculam, & sub ea parvum carbunculum deprehendi, è quo infelicem morbi eventum præjudicavi. Varia sudorifera exhibui, à quibus optime sudavit: alia etiam dedi antidota, tam ad virium sustentationem, (quæ admodum vehementem non erat) & veneni extinctionem: verum hæc omnia nihil profuerunt, vires defecerunt, & quarta morbi die è medio sublata est.

*Annotatio.*

**E**Xperientia multoties in hac peste edocuit, veritati minus consentaneum esse illud, quod nonnulli magni Medici pro certo statuunt, carbunculos quo longius à corde dissiti sunt, tanto melioris indicii esse. Nos fere semper observavimus, anthraces in pedum digitis procedentes, infelicem mor-

bi eventum prænucciasse. Sic etiam Hippocrates *epid. lib. 1. sect. 3. histor. 9.* scribit, Critonem pustulis nigris ad pollicem & talum erumpentibus, secunda morbi die mortuum fuisse. Sic Silenus *eodem lib. sect. 3.* cum extremorum negritie obiit.

## HISTORIA LXXXVII.

**V**Xor Wichimanni Buys, cùm per aliquot dies peste cum exigua febre & summa anxietate laborasset, ac carbunculum cum tumore in inguine haberet, omniaque exhibita sudorifera, alexipharmaca, & alia præsidia nihil omnino profuissent, tandem in utraque manu nonnullæ maculæ nigræ atramento simillimæ apparuerunt, sine dolore, oblongæ, haud alterius formæ ac si calamo scriptorio latioris crenæ super cutim raptim inductæ fuissent; atque adeo perfecte hanc formam referebant, ut ego ipsemet in eo deceptus fuerim, quod illas calamo scriptorio cum atramento inductas esse arbitrarer. Verum cum ægræ paululum astarem, vidi illas rursus plane evanescere, ita ut earum ne minimum quidem vestigium amplius appareret: paulo post alias similes alibi rursus emergere vidi, sed tamen non exacte eandem formam & magnitudinem habere: idque dum astarem me præsentē bis terve factum fuit. Ex his maculis (etsi præter anxietatem, ægra aliis valde gravibus symptomatibus infestari non videretur) mortem prædixi, quæ post paucas horas præsigium eventu confirmavit.

*Annotatio.*

**N**Vnquam durante tota hac peste finibus arteriarum exhalantium, & sub hujus formæ maculas amplius vidimus, quas à spirituum subtilissimorum pestilenti veneno infectorum, è sinibus arteriarum exhalantium, & sub duriore cuticula paulisper subsistentium, malignitate inductas fuisse certum est.

## HISTORIA LXXXVIII.

**R**Vigerus Pontman, miles, cum muskettam explodere vellet, nescio quo infortunio disrupta machina, in frustra dissiliens, pollicem dextræ manus amputavit. Miser ille à terrore & dolore statim pestilenti febre correptus est. Post deligatum vulnus exhibui sudoriferum, à quo fortiter sudavit, & sub axilla brachii vulnerati acutissimum dolorem sensit. Circa noctem idem sudoriferum reiteratum est. Postridie dolorem sub axilla evanuisse dicebat, sed intolerabili totius manus dolore se tota nocte vexatum fuisse. Interea febris magnâ vehementiâ continuabat. Cum vulnus à chirurgo dissolveretur, vidimus totam manum nigricare, multasque lividas pustulas undique enatas esse, adhæc scarificationes altas in manu factas vix sentiri, & partem à veneni pestilentis malignitate, eò expulsâ, jam propemodum emortuam esse. Spiritum vini cum lineamentis manus circumposuimus. Plura topica adhibere necesse non fuit, nam paulo post prodierunt exanthemata purpurea, & subrepens mors vulneris curationem & vitæ cursum interrupit.

## Annotatio.

Q Vi peste correpti partem aliquam - lens sæpiſſimè exitialiter propulſum  
corporis graviter affectam habe- fuiſſe, vidimus.  
bant, ad illam partem venenum peſti-

## H I S T O R I A L X X X I X.

P Etrus à Deutecom peſte, cum ſopore, anxietate, & carbunculo in crure, correptus, theriacæ drach. j. cum aceti calendulati unc. ij. & olei juniperi ſcrup. ſ. aſſumpſit, atque ita ſtragulis bene cooper- tus ad ſudorem ſe compoſuit, & dormivit: at ſudare non potuit. Media nocte expergefactus ſe maxima anxietate preſſum ſenſit: acceſſit febris cum maxima ſiti, & denique vomitus violentus. Mane ego accitus ægrum valde debilem inveni. Præſcripſi ſudoriferum, quod cum ſtatim evomeret, ſecundum datum eſt, quod poſt tantillum temporis etiam re- jecit. Cum autem viderem illum nihil retinere poſſe, primò vomitum ſe- dare annixus ſum, in quem finem hanc miſturam præſcripſi, de qua sæpius de die cochleare plenum ægro exhibere juſſi:

℞. Conſervæ roſarum rubr. drach. vj. diaſcordii Fracaſt. drach. ij.  
aque theriacalis, unc. ij. & cinnamomi drach. vj. ſucci citri, unc. j.  
miſceantur, & coquantur, adde colaturæ conſect. de hyacintho, drach. j.  
Miſce.

Præterea ter quaterve hujus linimenti aliquantulum in cochleari caleſ- actum, & regioni orificii ventriculi circa ſcrobiculum cordis ad palmæ manus latitudinem inunctum eſt:

℞. Olei nucis moſcatæ expreſſi, ſcrup. ij. theriacæ androm.  
olei ſcorpionum, ana drach. j. olei ſuccini ſcrup. j. & cinnamomi gut. iij.  
Miſceantur pro linimento.

Horum duorum uſu vomitus intra duarum horarum ſpatium plane ſup- preſſus eſt. Tunc huiusmodi alexipharmacum dedi:

℞. Salis ſeordii, & abſinthii, extraculi ruthe, & cardui bened. ana ſcrup. j.  
diaſcordii Fracaſt. ſcrup. ij. aque theriacalis, unc. j. ſ. ſucci citri unc. ſ.  
Miſce, fiat hauſtus.

Hinc copioſiſſime ſudavit, & inter ſudandum de prædicta miſtura aliquo- ties cochleare exhibitum fuit. Erupit doloroſus tumor ſub axilla ſiniſtra. Anthraci imponi curavi pulciculam noſtram ad carbunculos. Circa ho- ram octavam vespertinam idem ſudoriferum reiteratum eſt, à quo tota fere nocte ſudavit. Sequenti mane ſe valde allevatum ſenſit, febris reli- quaque ſymptomata multum remiſerunt, & tumor ſub axilla increvit, cui hoc cataplaſma applicatum eſt:

℞. Capa-



- ℞. *Caparum sub cineribus assatarum* ℞. iij. *fermenti acidi,*  
*fimi columbini, ana unc. j. farinæ sem. lini, bordei,*  
*& tritici, ana drach. vj. aquæ communis q. s. coquantur paulisper, adde*  
*mellis, axungie porci, ana unc. j.*

*Fiat s. ar. cataplasma.*

Illo mane hunc pulverem cum pauco aquæ theriacalis sumpsit :

- ℞. *Pulv. liberantis, scrup. j. l. camphoræ gr. v. florum sulphuris, scrup. l.*

*Fiat pulvis.*

Pro potu utebatur cerevisia tenui cum pauco olei vitrioli acidulâ factâ. Meridie aliquantum jusculi pulli cum pomo citreo parati sorpsit. Circa vesperam cum febris recrudescere videretur, reiteratum est prius sudoriferum, à quo rursus multum sudavit cum magno levamine. Quarta morbi die, præcedentibus alvi torminibus, liquida dejicere cœpit, quapropter statim sudoriferum astringens dedi :

- ℞. *Boli arm. cornu cervi nsti, coralli rubri, ana scrup. j.*  
*diascordii Fracastorii, drach. j. aquæ theriacalis,*  
*aceti bezoartici, ana unc. j.*

*Misce, fiat haustus.*

Sæpe quoque de die hujus conditi particulam comedit :

- ℞. *Specier. diatrium santalorum, & liberantium, cornu cervi nsti,*  
*terre sigillatæ, ana scrup. j. diascordii Fracastorii, drach. ij.*  
*conservæ rosarum rubr. myræ cydoniorum, ana unc. l.*  
*syrupi granatorum, acid. q. s.*

*Misce, fiat conditum.*

Vesperi hic pulvis exhibitus est :

- ℞. *Coralli rubri præparati, cornu cervi nsti, ana scrup. j.*  
*lapidis bezoar. orient. scrup. l. croci or. gr. iij.*

*Fiat pulvis.*

His remediis, postquam sex septemve turbidos & liquidos secessus habuisset, substitit alvi fluxus. Quinta die febris aliaque symptomata multum imminuta erant, & tumor sub axilla aliquantum increverat. Continuatum est in usu conditi, & circa vesperam hunc bolum deglutivit :

- ℞. *Diascordii Fracast. theriacæ Andr. confect. de hyacintho, ana scrup. j.*

*Fiat bolus in folio auri.*

Sexta die morbus in eodem statu permanfit : bis illa die aliquantulum jusculi bibit, & circa noctem prædictum bolum assumpsit. Septima die febris cum anxietate totaliter evanuit, & æger cum majore appetitu comedere cœpit. Etiam carbunculus à sana carne separatus fuit, tumor autem subaxillaris paulatim disparuit, atque ita hic æger, qui jam jam de naulo rationem cum Charonte initurus putabatur, pristinæ sanitati restitutus fuit.

*Annotatio.*

ET Scyllam & Charybdis, periculosissimos scopulos, (vomitum puta & alvi fluxum) absque naufragio feliciter transivit hic æger; quæ felicitas paucioribus contigit: nam multi in alterutrum tantum scopulum impingentes, vitæ naufragium fecerunt. Ad vomitum compescendum prædictâ mi-

sturâ, interdum hoc illove modo aliquantulum immutatâ, unâ cum adjuncto linimento sæpissime feliciter usus sum; ac multoties observavi, si his duobus remediis non sisteretur vomitus, eundem plerumque lethalem fuisse, nec ullis aliis mediis cohiberi potuisse.

## H I S T O R I A X C.

C Atharina Guilhelmi, mulier robusta, potatrix, imperterrita, quæ passim ægrotis peste laborantibus (maxime inter milites) inserviebat, mense Septembri, cum pestiferum quendam inviserem cui ipsa aderat, monstravit se carbunculum in brachio, non longe supra carpum, habere; verum alioquî se reliquo corpore bene valere, dicebat. Iussi ut hunc bolum cum haustu vini assumeret:

℞. *Florum sulphuris, scrup. j. f. camphoræ gr. iiij. theriacæ, scrup. iiij. Misce, fiat bolus.*

Hunc sumpsit circa vespèram, & cum illâ nocte bene sudasset, nihil mali amplius sensit, & sequenti mane tantum spiritus vini rursus bibit, ut illam ebriam invenirem. Carbunculum solis foliis brassicæ rubræ oleo raparum inunctis percuravit.

*Annotatio.*

IN principio hujus pestis varios ex iis qui ægrotis pestiferis inserviebant, contagio infectos, & multos etiam mortuos fuisse, vidimus: postea verò cum morbus incrementa suerit, pauciores; cum verò maximo furore debaccharetur, fere nullo infectos, vel saltem mortuos, & qui inficiebantur, minus læsos fuisse observavimus. Hujus rei causâ triplex esse potest. 1. Quod in principio pestis plurimi quæsus gratia illud munus facile suscipiant, inter quos multi sunt qui propter dispositionis aptitudinem facile contagio inficiuntur & moriuntur: quibus sublatis, postea tantum superstites remanent tales qui non habent illam dispositionis aptitudinem; qui propterea à peste vel

plane non, vel minus graviter afficiuntur. 2. Quod tales homines plerumque audaces & temerarii sint, nec ullo periculi metu terreantur: præsentem autem animum in præservatione à peste plurimum valere, ipsa experientia docet. 3. Quod horum hominum natura, licet forte in principio ad pestem suscipiendam complexionis ratione aliquantum disposita sit, tamen longa consuetudine veneno pestilenti sic paulatim assuescat, ut ab eodem postea minus affici queat. Illud impossibile non esse, docent alia venena, quibus natura paulatim ita assuescere potest, ut tandem nihil noceant. Sic Galenus lib. 3. de simpl. medic. facult. cap. 18. refert anum quandam Atheniensem ab exigua cic-

te potione auspicatam, postea nullo detrimento ad magnam copiam progressam fuisse. Nota quoque est historia (quam ex Ruffi testimonio describit Avicenna) de elegantis formæ puella, quæ venenis nutrita Alexandro Magno dono missa fuit. Ita Cælius Rhodiginus *lib. II. Lect. Antiq. cap. 15*, narrat Coloniz Agrippinz puellam fuisse quæ araneas sine damno devorabat: etiam nos novimus juvenem qui ab ipsa pue-

ritia araneas comedere assuetus est, idque sine ulla noxa. Hæc consuetudo, imprimis accedente aliqua dispositionis aptitudine, tantum valet, ut nonnulla corpora à veneno pestilenti insuperabilia esse videantur; quod liquit ex historia istius execrandi vespillonis, qui cadaver virginis peste mortuæ horribili scelere inivit, nulla inde noxa contracta; cujus mentionem fecimus *lib. 3. cap. 3. annot. 22.*

## HISTORIA XCI.

**M**ichaël N. sartor primarius, in Areis platea habitans, 26 Octobris pestilenti contagio infectus est, cum tumore in inguine, anthrace in brachio, parva febricula, & maxima anxietate. A primo sudorifero nullum levamen secutum, nec bubo adauctus est. Neque à secundo alexipharmaco, quod circa vesperam assumpsit, mutatus est morbus. Buboni impositum est vesicatorium, anthraci vero pulcra nostra ad carbunculos. 27 Octobris febricula in febrem vehementem transiit, cum magna siti, & maximo delirio: æger vociferabatur, per cubiculum discurrebat, (nam vires adhuc constabant) multas res non præsentēs se in cubiculo videre sibi imaginabatur; aliaque similia delirantium acta agebat. Rursus sumpsit alexipharmacum, sed propter inquietudinem sudare non potuit: topica tumori & anthraci imposita abiecit: etiam bubo rursus disparuit. Sequenti die delirium in furorem versum est. 29 Octobris prodierunt exanthemata purpurea, victoris morbi trophæa, & mortis advenientis præcones.

*Annotatio.*

**M**alum signum erat, à primis duobus alexipharmacis non allevari ægrum: pejus, febrem augeri, & delirium continuum accedere; (quæ duorum principalium, nempe vitalis &

animalis, facultatum gravissimam afflictionem indicabant; ) pessimum, bubonem evanescere & exanthemata prodire.

## HISTORIA XCII.

**F**iliolus Domini Benthem, Iurisconsulti & Collegii Deputatorum Secretarii, peste correptus, eandem contagio matri, quæ illum lactabat, communicavit: quæ, cum inde primò carbunculum in mamma contraxisset, statim assumpto alexipharmaco fortiter sudavit, & à sudore tumor in parotide post aurem sinistram prodiiit, qui brevi tempore

V u 3.

magni-

magnitudine pugni intumuit, non tamen durus fuit, sed mollis, instar tumoris flatulenti vel aquosi. Sequenti die cum tumor ille adhuc plurimum increvisset, servando istam mollitiem, & jam totum fere collum occuparet, nec à secundo sudorifero quicquam mutaretur morbus, instantis mali præsagium feci, quamvis adjuncta febris non admodum vehemens esse videretur. Dictum confirmavit mors.

*Annotatio.*

**O**bservavimus quoslibet tumores se: tumores vero duos qui lentius in-  
molles subito, instar tumoris flatu- crescebant, & duritiem illam aliquam-  
lenti, in magnam molem excrecentes, diu servabant, melioris judicii exti-  
semper exitiales & sinistri ominis fuisse,

HISTORIA XCIII.

**I**oannes Pauli, Senatus Noviomagensis Scabinus, peste cum bubone correptus, cum varia exhibita alexipharmaca nihil profuissent, tandem die quarto de raucedine quadam ac levi gutturis interni dolore (qui absque ullo tumore erat) conquestus est; & quo signo, quamvis alia valde gravia symptomata morbo non adessent, illum brevi moriturum prædixi; quod prælagium eventus probavit.

*Annotatio.*

**I**n hac peste omnes illi, quibus talis more superveniebat, mortui sunt. I gutturis interioris dolor absque tu-

HISTORIA XCIV.

**D**ominus Schievelberch, Verbi divini Minister, vir solide doctus ac pius, sed valde meticulosus, qui pestem diu metuerat, tandem contagiosa labe infectus fuit, cui se adjunxit febris una cum summa anxietate. Prima die circa vespere hoc alexipharmacum exhibui, à quo optime sudavit, & bubo in inguine prorupit:

℞. *Extracti angelicæ, & ruthe, ana scrup. j. salis absinthii, scrup. j. f. theriacæ, discordii, ana drach. l. aquæ theriacalis, aceti bezoartici, ana unc. j.*

*Misce, fiat potio.*

Postridie mane idem sudoriferum reiteratum est, à quo rursus fortiter sudavit, sed absque levamine. Buboni impositum fuit vesicatorium, & detractâ vesicâ folium brassicæ rubræ oleo raparum inunctum. Pro potu utebatur hoc julebo:

℞. *Aquæ cardui ben. lib. j. scabiosæ, & acetosæ, ana lib. f. succi curi recens, unc. j. f. syrupi de limon. unc. ij. olei sulphuris, q. s.*  
*Fiat juleb.* Sæpius

Sæpius de die particulam hujus conditi comedit :

- ℞. Pulveris liberantis, drach. j. diascordii Fracastorii, drach. ij.  
 cortic. aurantiorum condit. & citri condit. rob ribesii rubri, ana drach. iij.  
 confect. de hyacintho, drach. j. syrupi acetosissimi citri, q. s.  
*Fiat conditum.*

Vesperis hunc pulverem præscripti, cum paucio julebi miscendum & assu-  
 mendum :

- ℞. Lapidis bezoar orient. scrup. ij. florum sulphuris, scrup. f.  
 croci or. gr. iij.  
*Fiat pulvis.*

Tertia die cum febrem magis ingravescere, & bubonem nihil in altum at-  
 tolli animadverterem, tale sudoriferum parari curavi :

- ℞. Radic. angelicæ, dictamni, petasitidis, & belenii, ana drach. j.  
 herbar. ruthe recentis & viridis, scordii, & cardui bened. sicci, ana M. f.  
 cortic. citri, & aurantiorum sic. ana drach. j. sem. cardui,  
 acetose, & citri, ana scrup. ij. aque communis, q. s.  
*Fiat decoctio ad lib. f.*

- ℞. Colaturæ, unc. ij. f. theriacæ, diascordii, ana scrup. ij.  
 salis cardui, scrup. j. f.

*Misce, fiat haustus.*

Hinc copiosissime sudavit cum manifesto levamine. Tota die usus fuit de  
 suo condito. Etiam aliquantum jusculi sorpsit. Buboni impositum fuit  
 hoc cataplasma :

- ℞. Rad. liliorum albor. unc. ij. herb. altheæ, flor. chamomille, ana M. j.  
 ficuum ping. n. ix.

*Coquantur in aque communis q. s. pistentur in mortario, tunc adde  
 fimi columbini, unc. j. f. fermenti acidi, unc. j.  
 farinæ tritici, drach. vj. & lini, unc. f. mellis, unc. j.  
 axungie anavis, olei anethini, ana drach. vj.*

*Fiat f. art. cataplasma.*

Vesperis reiteratus fuit præcedens pulvis. Die quarta, morbo in eodem  
 statu permanente, eadem acta sunt quæ pridie. Die quinta mane, cum  
 post assumptum ultimum sudoriferum rursus copiosissime sudasset, ma-  
 gnum levamen percepit, febris remissior fuit, neque anxietas adeo gravis  
 ut ante, bubo etiam multum increvit. Tunc petiit ut sordida & sudore  
 madentia linteamina ipsi mutare liceret, quod curiosissime prohibui.  
 Ille tamen post meum discessum foetoris sudorem pertæsus, indasium ni-  
 tidum bene calefactum abjecto sordido induit. Hæc mutatio paulo post  
 maximam quoque morbi mutationem induxit, scilicet in pejus, nam fe-  
 bris recruduit, & tanta anxietate oppressus fuit æger, ut quo se verteret,  
 nesciret;

nesciret; & quamvis vires hæcenus mediocriter constitissent, tamen hoc grave febris incrementum brevissimo tempore illas penitus dejecit, & ægrum tantopere afflixit, ut die sexta vitæ satur mortis imperio se subjecerit.

*Annotatio.*

**H**Vjus ægri curatio feliciter procul dubio à morbo cito evasisset: tantum potuit hic parvus error, de quo alibi latius egimus.

H I S T O R I A X C V.

**N**. Majus, Scholæ trivialis Conrector, peste cum summa anxietate correptus est, cui magna febris statim comes accessit. 6 Septembris hoc sudoriferum exhibui:

*Rz.* Extracti cardui, salis absinthii, ana scrup. j.  
 diascordii Fracast. drach. j. confect. de hyacintho, scrup. j.  
 camphoræ, gr. iij. aque theriacalis, aceti calendulæ, ana drach. vj.  
*Misce, fiat haustus.*

Hinc fortiter sudavit cum aliquo levamine, & bubo in inguine prodiit; cum duobus carbunculis, altero in femore, altero in brachio. Sæpe de die cochleare hujus misturæ sumpsit:

*Rz.* Conservæ rosarum rubr. rob ribesii rubr. ana unc. f.  
 diascordii, drach. ij. aque theriacalis, unc. iij. f.  
 succi limonum, unc. j. aque cinnamomi, drach. iij.  
*Misceantur, & coquantur, adde colaturæ  
 confect. de hyacintho, drach. j.*

*Misce.*

Ad sitim utebatur cerevisia tenui cum paucis olei sulphuris acidulata. Circa vespæram febris multum exacerbata fuit. Reiteratum est prius sudoriferum: sudavit absque levamine: totam noctem cum maxima anxietate & inquietudine transegit. Postridie vires ad extremum prostratæ erant, & lingua nigricabat. Datum est alexipharmacum, quod evomuit: interdum aliquantum de prædicta mistura bibit; alia medicamenta assumere non potuit. Febris eadem vehementia usque ad sequentem diem continuavit, nec quicquam increvit bubo: post meridiem in cute visa sunt exanthemata purpurea, & paulo post mortuus est.

*Annotatio.*

**Q**Vibus febris magnâ vehementiâ plerique moriebantur, & ut plurimum primo biduo perdurabat, nec primis alexipharmacis imminuebatur, illi bat linguæ nigredo.

## HISTORIA XCVI.

**M**ichael Kriekman, peste cum diarrhoea lethali laborabat, cumque ipsum brevi moriturum prædixisset, cognatus ejus Bernhardus Suyderdijck, eques fortis, avunculum suum ante mortem adhuc semel invisere voluit, horâ circiter decimâ matutinâ: quapropter cum adhuc jejunos esset, prius jentaculum sumpsit, & haustum cerevisiæ superbibit, atque ita bene sanus, & contra pestem egregie (ut putabat) munitus, avunculi ædes ingressus est: ægri autem cubiculum intrare volens, casu ipsi occurrit ancilla pelvim ferens in qua æger alvum exoneraverat. Ille statim à maligno & contagioso istorum excrementorum foetore adeo perculsus fuit, ut subito instar apoplectici in terram conciderit, atque intra horæ quadrantem exspiraverit.

*Annotatio.*

**V**alde venenatus & malignus debuit fuisse ille excrementorum vapor, qui hominem robustum tam cito deiecit, atque è medio sustulit. Fortassis præter dispositionis peculiarem aptitudinem, illud etiam ad subitam hanc infectionem fecit, quod tetricis illis vaporibus minus assuetus fuerit, atque ea de causa hæc venenata spicula ipsum magis ferierint, quæ tamen iis assuetos, qui ægris pestiferis inserviunt, minus lædunt. Hujusmodi subitas mortes se etiam vidisse testantur, Valleriola, Salius, Gemma, & alii. vide lib. 1. cap. 12. annot. 1. Zacutus Lusitanus, Prax. Admir. lib. 3. observat. 43. refert se cuidam pestifero venam secari jussisse, è quâ apertâ sanguis horrendum in modum foetens effluxit, quo foetore tres ministri propius astantes infecti, &

veluti siderati subito occubuerunt, atque animam efflarunt. Hujusmodi observationes satis docent pestem absque febre hominem enecare posse: quæ difficultas graviter torquet illos qui febrem à peste inseparabilem, & de pestis essentia esse statuunt: ac propterea videntes nonnullos citissime exspirare, antequam inflammationi & putredini faciendæ tempus detur, ut nodum hunc dissolvant, dicunt, illud fieri quia putredo non est in ipso corde, sed extra vasa. Atque ita putant se insigniter nodum hunc extricasse, cum tamen hoc modo in totum concedant, pestem fieri, esse, & occidere posse sine febre, scilicet cum putredo est extra vasa: quasi verò venenum pestilens extra vasa remanens, neque cor attingens, hominem tam cito extinguere possit.

## HISTORIA XCVII.

**I**oannes ab Haesten, qui in Molarum platea decumbebat, 1 Septembris peste correptus, propriam urinam bibit. Postridie ipsum invisit. Febricitabat, dolorem absque tumore in inguine sentiebat, & summâ anxietate torquebatur. Exhibui hoc alexipharmacum:

℞. *Diaſcordii Fracaſt. drach. j. confect. de hyacintho,*  
*ſalis abſinthii, ana ſcrup. j. extracti cardui bened. ſcrup. j. ſ.*

X x

aque

*aque cardui bened. & theriacalis, ana drach. vj.*  
*olei vitrioli gr. xj.*

*Misce, fiat haustus.*

Hinc fortiter sudavit cum maximo levamine, cumque post sudorem medicocriter valeret, toto biduo nullum medicamentum assumere voluit. 5 Septembris vehementissima febris rursus invasit, cum summa anxietate, siti, & atrocissimo capitis dolore. Tunc prius sudoriferum reiteratum est, à quo cum rursus magno cum levamine (bubone tamen nondum prodeunte) sudasset, rursus medicamentorum usum continuare noluit. 7 Septembris summo mane febris iterum magnâ violentiâ recrudit. A primo sudorifero rursus copiosissime sudavit, verum absque levamine. Circa meridiem enormis vomitus accessit, quem aliquo modo sedavimus sequenti topico ventriculi regioni inuncto :

*Rx. Theriacæ androm. drach. j. olei nucis moscatæ, scorpionum, ana scrup. ij.*  
*juniperi, succini, ana scrup. l. & gariophyllorum, gr. ij.*

*Misceantur.*

Post meridiem tali alexipharmaco usus est :

*Rx. Confect. de hyacintho, salis scordii, extracti cardui,*  
*& ruthe, ana scrup. j. salis absinthii, scrup. l. mibridatii,*  
*diascordii, ana scrup. ij. aque theriacalis, aceti bezoartici, ana unc. j.*

*Misceantur pro haustu.*

Hunc quidem retinuit, sed vix sudare potuit. Vires hoc die valde collapsæ sunt. Circa noctem hunc bolum deglutivit, cum propter debilitatem nihil aliud assumere posset :

*Rx. Lapidis bezoar orient. extracti angelicæ, & cardui, ana scrup. l.*  
*confect. de hyacintho, theriacæ, ana scrup. j.*

*Fiat bolus involvendus folio auri.*

8 Septembris mane, cum rursus paulo alacrior esse videretur, tale sudoriferum præscripsi :

*Rx. Theriacæ, diascordii, ana scrup. ij. trochiscorum viperinorum, scrup. j. l.*  
*salis absinthii, extracti cardui, ana scrup. j. aque theriacalis, unc. j.*  
*succi citri, unc. l.*

*Misce, fiat haustus.*

Sudavit, sed nihil imminuta est febris. Etiam obscurus in inguine tumor perceptus est, cui statim vesicatorium imponi curavi. Ad virium corroborationem sæpius de die cothleare hujus mixturæ sumptis :

*Rx. Rob. ribesii rub. confectiæ rosarum rubr. ana unc. l.*  
*aque theriacalis, unc. iij. acetosæ, scabiosæ, & rosarum, ana unc. l.*  
*succi citri recentis, aque cinnamonomi, ana unc. j.*

*Misceantur & colemur, addo solutione*

*confect.*



*confect. de hyacintho, drach. j. & alchermes, drach. f.*

*Misce.*

Pro potu ordinario utebatur cervisiâ tenui cum oleo sulphuris acidulatâ. Circa vesperam hic bolus præscriptus est :

*R. Lapidus bezoar orient. gr. xiiij. croci orient. gr. iiij.*

*confect. de hyacintho, iheriaca, ana scrup. j.*

*Fiat bolus in folio auri.*

His non obstantibus febris, anxietas & capitis dolor, magis ingravata sunt. Postridie lingua tumida & nigricans visa est; dolor quoque in gutture adfuit. Circa meridiem exanthemata purpurea mortis instantis nuncium tulerunt.

*Anotatio.*

**P**essime & cum suo exitio hic æger alexipharmacorum usum bis intermisit; à quo in curatione pestis non ante desistendum, quam venenatus hostis plane evictus vel expulsus fuerit: neque illi fidendum cum inducias concedit; nam etiam tunc graviores struit insidias, ut collectis viribus, ex improvviso, majore insultu vitalitatis arcem invadere & obruere possit.

## HISTORIA XCVIII.

**P**etrus de Cranenburch, famulus rustici in Cervina platea habitantis, graviter peste laborans, carbunculum sub mento, & bubonem in inguine habuit, aderatque simul febris cum maxima anxietate & debilitate. Post multa assumpta alexipharmaca febris quidem multum remisit, sed tamen æger in summæ debilitatis statu per quatuordecim dies remansit, quo temporis intervallo etiam ad virium restaurationem vix ullis cibis uti potuit. Interea cataplasmatibus attrahentibus & maturantibus bubo ad maturationem perductus, atque à Chirurgo incisione apertus fuit. Verum anthrax sub mento maximam molestiam induxit, non obstantibus enim quibuslibet optimis præfidiis à nobis adhibitis, quotidie magis magisque limites suos in vicinas partes extendit, atque instar sphæceli deorsum versus pectus serpendo; integræ manus expansæ latitudinem acquisivit: atque tunc demum circulo factò, ejus separatio in vicinis partibus incepta est, quæ topicorum auxilio multum adjuncta fuit; ac tandem adeo magna mortificatæ carnis pars excidit, ut totum mentum subtus, & magna quoque asperæ arteriæ pars plane nuda conspiceretur. Vlcus postea instar aliorum ulcerum paulatim percuratum fuit, & æger, de cujus vita diu desperaveramus, post sextam septimanam integræ sanitati restitutus rursus foras prodiit.

**M**ense Aprili alium magnæ molis carbunculum in collo cujusdam militis, usque ad claviculam se extendentem vidimus, à quo aspera arteria etiam denudata fuit, sed nunquam animadvertere potuimus carbunculos ipsius asperæ arteriæ substantiam invasisse. Carbuncolorum etiam in aliis partibus interdum horrendam magnitudinem confeximus. In uxore cujusdam Signiferi anthracem vidimus, qui femoris interioris circiter tertiam partem occuparet, atque inde usque ad interfemurium & medium clunem se extenderet, à quo tamen sanata fuit. Filio Lubberti Wolff bipenniferi carbunculus rotam fere scapulam dextram occupaverat. Ancillæ pistoris cujusdam prope portam molarem habitantis, anthrax inferioris ventris quartam circiter partem obsederat, & usque ad pu-

dendi labia se extenderat. In Cornelio Chirurgo lethalis carbunculus à costis spuris deorsum versus per totos lumbos descenderat. Palmarius refert se quoque tantæ molis carbunculos vidisse, qui solo intuitu Medicos terrent. Paræus lib. 21, cap. 23, testatur se etiam hujusmodi maximos carbunculos non semel vidisse: *Animadverti* (inquit) *carbunculos qui escara sua medium fere dorsum occuparent: alios qui claviculas sursum gulam versus spectantes, subtersam ipsi carnem adeo excederent, ut trachea arteria nuda conficeretur. Mihi obortum aliquando carbunculus medium epigastrium occupabat, adeo ut delapsa escara peritonæum nudum oculis se videndum præberet, reliqua cicatrix manebat palmam æquali. Similes horrendæ magnitudinis carbunculos etiam vidit Forestus, lib. 6, observat. 12, 13, & 25.*

## H I S T O R I A X C I X.

**V**Idua nobilis viri Daps, cum se multa deambulatione fatigasset, & hinc multo sudore persueret, internum quendam ardorem ac cordis anxietatem sentit, quâ intra parvum tempus multum adauctâ, aliquoties animi deliquium passa fuit, & aciem dolorem externum in medio pectore sensit, quo nempe loco, quo amuletum arsenicale nudo pectori impositum gerebat: cum autem denudato pectore locum inspexisset, ibidem nonnullas exiguas nigricantes pustulas animadvertit, unde se peste laborare existimans, meum consilium statim expetiit. Vidi ab acrimonia & virulentia amuleti, sudore madentis, in media ossis sterni regione pustulas illas summæ cuti inultas esse, atque ab eadem quoque causa magnam debilitatem, internum ardorem, cordisque anxietatem productam fuisse. Quapropter abjecto amuleto hoc antidotum exhibui, à quo egregie sudavit:

*℞. Extracti rubiæ, & angelicæ, salis scordii, ana scrup. j.  
ibericæ, drach. j. aquæ ibericalis, unc. j. f.*

*Misce, fiat haustus.*

Pustulæ hoc unguento ter quaterve de die inunctæ, intra biduum sanatæ sunt:

*℞. The-*

- ℞. *Theriace androm. drach. j. f. olei scorpionum, & laurini, unguenti alabastrini, ana drach. ij.*

*Misceantur.*

Post copiosum sudorem prædicta symptomata maxima ex parte evanuerunt : ut tamen veneni reliquæ penitus extinguerentur , per aliquot dies mane, meridie, & vesperi particulam hujus antidoti sumpsit :

- ℞. *Pulveris liberantis, drach. j. theriace, diafcoridis, ana drach. j. f. confect. de hyacinto, scrup. ij. corticum asarictorum condit. & citri condit. rob. ribesii rubri, ana drach. iij. Sympi de limonibus, q. f.*

*Fiat conditum.*

His paucis remediis ab imminente periculo liberata fuit.

*Annotatio.*

**Q**ui amuleta ex arsenico, sublimate, aliisve venenis confecta ad præservationem circumferunt, haud melius sibi consulunt, quam cives imprudentes, qui ut magnum aliquem hostem ab urbe repellant, alium non minus perniciosum in auxilium vocant, qui dum ipsi mœniorum defensio committitur, datâ aliquâ occasione urbis penetralia ex improvviso occupat, & auxiliandos cives auxiliaturus miserrime suppressit. Quod ex prædicta historia manifeste liquit, nam à sudore aliquantum dissolutâ amuleti venenatâ substantiâ, & à calore apertis corporis poris, statim hac oblata occasione defensivum amuletum offensivos ac viru-

lentos aculeos intus ad cor, vitæ fontem, transmisit. Quam periculosa igitur sint hujusmodi amuleta, satis appareret, non tantum ex hac historia, verum etiam ex illa quam refert Franciscus Alphanus, de juvene amuleto arsenicali munito, qui cum in sphæristerio pilæ lusu defatigatus multum sudasset, subito corruit, & confestim extinctus est. Huic quoque non multum absimilem historiam refert Massaria, lib. 2. de Peste : qualem etiam nos supra descripsimus, historia 44. Taceant igitur quotquot talia fallacia & perniciofa amuleta tanquam deorum dona commendant, hominibus obtrudunt, ac magno ære divdunt.

## HISTORIA C.

**V**Xor Lamberti de Schermbeeck, peste correpta cum febre & magna anxietate, nullum externum pestis signum habuit. Die morbi quarto (postquam quatuor sudorifera jam ante exhibitâ, & sudores felicitate promoti essent) totum corpus phlegmonoso quodam rubore suffusum, & exiguis pustulis, non majoris quam milii seminis magnitudinis, oblitum fuit. Hinc anxietatem multum levatam fuisse sensit. Verum ægra sudoris fetorem fastidians, me nesciente indusium mutavit, & sordido, abjecto aliud nitidum induit, quod tamen prohibueram. Hinc protinus evanuit tota illa corporis rubedo, & pustulæ quasi exsiccatae sub-

XX 3

subfederunt : febris acutissima cum maximis anxietatibus & capitis doloribus accessit, quæ ægram intra sex horas jugulavit.

*Annotatio.*

**R**arius pestilens febris tali modo critice solvebatur ; quibus verò id contingebat, illi evadebant, dummodo sibi ipsis non obessent, sicut fecit hæc ægra, quæ materiam morbificam à centro ad cutem laudabiliter expulsam suâ culpâ (intempestivâ nempe indusii mutatione & aëris frigidi admissione) rursus introsum ad nobilia viscera exitialiter repulit. Similem crisin etiam vidimus in filia N. ab Vden, cer-

visarii in fabricum ferrariorum platea habitantis, cui post factam crisin adhuc duo sudorifera dedimus, eamque in continuo calore & levi sudore per aliquot dies continuimus, atque ita paulatim evanuit inflammatorius ille cutis rubor, ac pustulæ exsiccatae sunt, & ægra totius corporis cuticulam mutavit, & præter omnium opinionem & maximo periculo evasit.

## HISTORIA CI.

**T**homas à Kalckberch, Colonienſis, peste cum magna febre correptus, à primo sudorifero carbunculum in pectore sub mammilla dextra, & obscurum tumorem in inguine percepit, qui tumor à tribus sequentibus sudoriferis nihil adauctus est. Tertia morbi die æger de murmure in intestinis & aliquo ventris dolore conquestus est ; quem non diu post diarrhoea lethalis infecuta fuit, cum qua statim evanuit bubo, & æger intra octo horas obiit.

*Annotatio.*

**Q**uibus alvi fluxus in peste superveniebat, illi maxime periclitabantur, & eorum paucissimi evadebant. Illud ipsum quoque olim ab Hippocrate observatum fuisse legimus, nam lib. 3. *epidem. text. 57.* agens de Peste, inquit : *Qui longis morbis vel acutis tenebantur, ventris visio omnes præcipue mortui sunt, cunctos*

*namque venter sustulit. Vbi per ventris visum, alvi fluxum intelligendum esse, patet ex commentario Galeni ad eundem locum: Es pestis quoque illa longissima, (inquit) quæ nostra ætate vulgata est, ex his quæ per alvum evacuantur, & omnes prope peremittit : quæ evacuantur eras colligatio.*

## HISTORIA CII.

**P**etrus ab Asperen, vitriarii famulus, cum bubonem jam incipientem in inguine sentiret, malum celavit, & statim ad me veniens aliquid consilii petiit. Iussi ut hunc bolum deglutiret, vel cum pauxillo vini calidi mistum biberet, & haustum vini calefacti superbiberet, atque ita se ad sudandum componeret :

*℞. Theriacæ androm. scrup. iiij. florum sulphuris, scrup. j.*

*cam-*

*camphora, gr. iiii. olei janiperi, & succini, ana gut. v.*

*Misceantur pro bolo.*

Postridie ad me reversus, dicebat se fere per totam noctem sudasse, atque bubonem plane evanuisse, nec quicquam mali se amplius sentire.

*Annotatio.*

**N**ON omnibus illa, quæ huic ægro, contigit felicitas, ut unico medicamento pestilens venenum tam cito extingueretur & expelleretur, quod in plurimis aliis vix ullo antidotorum auxilio evinci potuit. Hujus varietatis triplex causa statui potest. 1. Diversa quantitatis & qualitatis veneni magnitudo. 2. Dispositionum varietas. 3. Imprimis tempestivus vel serus medicamentorum usus. Morbi enim malignitas nullas dat inducias, ac proinde exiguum venenum, etiam in corpore

non valde disposito, paulatim vires acquirit, nisi tempestivo medicamentorum usu coerceretur. Illud etiam in Peste Delphica observavit Forestus: *Frustra* (inquit) *fere semper omnia auxilia adhibebantur, si malum, diem naturalem fuisset transgressum; id quod experientia, pro dolor, vidimus, & pro comperiissimis habuimus; nisi forsasse in quibusdam corporibus tam levis fuisset facta impressio, aut tam fortis esset virium facultas, ut etiam post illud tempus quidam, sed valde pauci, sanati fuissent.*

HISTORIA CIII.

**N**OBILISSIMUS vir Didricus à Welderen, Dominus de Leeuwenburgh, fratre suo una cum sore pette extincto, venenatum contagium etiam hausit, quod circiter per tres menses circumtulit, antequam manifestis indiciis se proderet: quibus mensibus modo de gravativo capitis dolore, modo de totius corporis lassitudine, modo de debilitate corporis, modo de inappetentia, aliisque similibus malis, & toto fere tempore de cordis anxietate conquestus est. Ut sanitati suæ melius confuleret, meo consilio statim post mortem sororis suæ (uxoris nobilissimi ac strenuissimi viri D. de Wijnbergen, legionis Præfecti) aërem mutavit, & relictis omnibus rebus suspectis, extra urbem ad pagum Bommel in castellum Domini de Wolferen se contulit. Vbi cum circiter per decem hebdomadas vixisset, continuam antidotorum præferentiam usum nunquam intermittens, & tamen prædicta symptomata paulatim magis magisque incescerent, imprimis vero anxietas & virium debilitas, tandem Noviomagum consilium meum petiturus reverti coactus est. Hic cum ob mali venenati suspensionem alexipharmacum sudoriferum unum aut alterum ipsi exhibuissem, prodiit in inguine bubo pestilens, verus diu latantis hostis nuncius, qui primo biduo aliquantum adactus est, & deinde post exhibita adhuc aliquot convenientia antidota, impositione solius emplastri tacamactici nostri magistralis, paulatim absque maturatione evanuit,

nuit, atque ita æger ab interno illo venenato hoste feliciter liberatus fuit; à cuius tamen diuturniore contubernio ventriculum debilitatum diu retinuit, quem post aliquot deinde menses, exhibitis duobus vomitoriis, aliisque calefacientibus, detergentibus & corroborantibus medicamentis, ad consuetum sanitatis statum reduximus. Notandum etiam hunc prædictum Dominum toto illo tempore quo venenum pestilens in corpore ipsius latuerat, usque ad perfectam sanationem, nulla manifesta febre correptum fuisse.

*Annotatio.*

**H**anc historiam tanquam rarissimam hic annotare placuit; nam vix unquam creditum fuisse arbitror, venenum pestilens tanto tempore in corpore humano latere posse antequam gravioribus indiciis se prodaret. Plurimi magni Medici illud duntaxat per aliquot horas, vel ad summum per sex septemve dies in corpore occultum latere posse sentiunt: ejusque rei exem-

pla se in praxi vidisse testantur, Octavianus Roboretus, *de febre peic. cap. 19.* Felix Platerus, *praxeos tract. 2. cap. 2.* Daniel Sennertus, *praxeos lib. 6. part. 3. cap. 3. ut & lib. 4. de febr. cap. 3.* Guilh. Fabr. Hildanus, *centur. 2. observat. 34.* Verum nullus hæcenus illud per menses latuisse, ante nos (quod scio) observavit. Hujus rei rationes fusius inquisivimus *lib. 1. cap. 10. annotat. 8.*

## HISTORIA CIV.

**C**vm N. van de Wart, telonarius, peste mortuus esset, uxor ejus maxima tristitia affecta fuit, atque longo tempore mariti mortem planxit, nec ullo modo cordolium illud à se rejicere potuit: cui tristitiæ etiam propriæ mortis imaginatio accessit, quam adeo firmiter animo suo impressit, ut se peste brevi tempore morituram, certò imaginaretur. Ea de causa testamentum conscripsit, & de omnibus quæ post mortem fieri vellet, pro beneplacito suo disposuit. His aliisque hujusmodi rebus aliquot dierum spatio peractis, tandem mihi & proximis suis consanguineis dixit se jam brevi morituram, & præeuntem maritum secuturam. Hanc tristem & firmissimam imaginationem paulo post infecura est pestis, quæ, cum nullo remediorum genere (etsi satis multa adhiberentur) mitigaretur, quarta morbi die præsagium ægræ mortifero sigillo subsignavit.

*Annotatio.*

**T**ristitiam multum facere ad pestis inductionem, hoc tristi tempore tristitia multorum exempla satis docuerunt. Verum hoc mirabile fuit in prædicta ægra, quod animus illius & pe-

stem, & mortem, & circiter tempus utriusque præsagiret, ita ut paulatim agenda sua commode peragere, & tandem dicere posset, *jam brevi moriar.* Veteres lætitiæ & hilaritatem (magnos pesti-

pestilentiz hostes) imprimis in pestilenti constitutione trilitiz opponere, eamque musicâ & cantu depellere solebant; quibus non male, nostro iudicio,

addi posset moderatus vini usus, juxta dictum: *Vi smaragdus in auro, sic musica in vino.*

## HISTORIA CV.

**P**ater Antonius Iesuïta, cùm peste correptis bubonem in inguine sentiret, majoris commoditatis gratia, ex illis in quibus commorabatur ædibus ad hortum quendam satis longe inde diffitum deambulavit, atque ibidem decubuit. Illic cum varia medicamenta sudorifera, alexipharmaca, aliaque à me præscripta assumpisset, dereliquit ipsum febris, & bubo in inguine detumuit, atque æger cum appetitu rursus comedit. Cum per paucos dies mediocriter valuisset, allatum est nuncium milites aliquos ipsius adventum rescivisse, atque de illo captivo abducendo jam consilium inire. Hinc ille perterritus se nimis intempestive aëri commisit, atque ex illo horto ad aliud hospitium longius inde situm clanculum migravit. Ab illo terrore, nec non præpropere aëris mutatione rursus gravissimam febrem pestilentialem, cum summa anxietate viriumque dejectione concepit, quæ nullis remediis cedens, ipsi intra biduum vitæ finem imposuit.

*Annotatio.*

**I**Am à morbo evasisse, omneque periculum transisse videbatur hic æger, cui tamen à novo terrore & repentina aëris mutatione morbus lethaliter re-

cruduit; exemplum exhibens aliis, ne ante perfectam sanationem se nimis cito aëri committerent.

## HISTORIA CVI.

**H**enricus Petri, qui in pago Lent in ædibus Secretarii Seldens decumbebat, bene sanus ad campos deambulatum exiens, & aliquo modo fatigatus domum rediens, super cumulum fœni recentis requievit, atque ibidem per duas horas obdormivit. Expergesfactus inhorruit, ac se febricitare, & capitis gravitate ac cordis anxietate affici sensit, non diu post vomuit, atque ad lectum discedens, cum magna inquietudine noctem illam transegit. Postridie ex meo præscripto alexipharmacum sumpsit, à quo cum copiose, sed absque levamine, sudasset, eruperunt tres anthraces. Postea adhuc tribus quatuorve sudoriferis aliisque antidotis frustra usus fuit, & morbus quotidie magis ingravescens, die quinta vitam finivit.

*Annotatio.*

**S**Vpra fœnum, imprimis recens, cubare, maxime noxium esse, in multis rusticis comperti sumus, idque non tantum in peste, verum etiam in aliis variis morbis.

## H I S T O R I A C V I I.

**F**Ranciscus Lanckfort, vir fortis, è somno evigilans magna cordis anxietate pressus fuit: hinc pestem metuens, statim aceti vini calefacti bonum haustum ebibit, atque ita ad sudorem se composuit; qui sudor cum per tres quatuorve horas durasset, omnis illa anxietas evanuit, & manifestum tumorem cum magno dolore sensit in inguine sinistro, reliquo corpore rursus optime valens. Tumori prima die imposuit folium brassicæ rubræ oleo raparum inunctum: cum autem secunda die multum increvisset, adeo ut præ dolore nec incedere, nec crus ad lubitum movere posset, advocavit unum ex illis pseudochirurgis, qui ægrotis pestiferis inserviebant. Hic ad citiorem curationem, & febris regressum (ut ajebat) impediendum, sanguinis semilibram è brachio dextro extraxit. Sed quo eventu? paulo post æger inhorruit, & gravi animi deliquio correptus est: statim violenta febris inscuta est, cum vomitu, siti & capitis dolore: etiam brevi spatio disparuit bubo. Postera die meum consilium imploratum est: cum autem ægrum invenirem gravissime febricitantem, cum pulsu parvo, crebro & intermittente, linguam etiam nigricare, ac vires maxime prostratas esse perciperem, ipsum brevi moriturum prædixi, quod prælagium post paucas horas mors confirmavit.

*Annotatio.*

**M**ulti gravissimi Medici in curatione bubonis pestilentis venæsectiones laudant: verum cum hæc malignum virus jam extra venarum & arteriarum limites in emunctoria ejectum, ad interiora revocent, nescio quo nomine laudari possint. Quantum ad auctoritates Galeni, Avicennæ, Avenzoaris, aliorumque qui illas suadent, illis opponimus auctoritatem Hippocratis, qui *6. epidem. sect. 7. text. 1.* testatur venæsectiones in tali casu ab ipso institutas nunquam quicquam juvisse. Forte

dices, in dicto ægro propterea exitalem fuisse venæsectionem, quod in brachio instituta fuerit, quæ in pede fieri debuisset. Respondeo, in eo quidem, secundum multorum opinionem, graviter ab illo stolido Chirurgo erratum fuisse; sed tamen nos experientia multoties edoctos esse, in inguinis bubone etiam nunquam sanguinem feliciter è pede extractum fuisse, sed omnes illos obiisse, quibus in peste sanguis quacunque de causa quacunque de parte missus fuit.



## HISTORIA CVIII.

**E**duardus Moulets, miles Anglus, in angiportu Vaginæfactorio decumbens, peste cum violenta febre correptus, carbunculum satis magnum in ventre inferiore habuit: post aliquot horas vehementer vomere coepit: subinde animi deliquia accesserunt. In tali statu cum maxima inquietudine, anxietate, & debilitate, totam noctem transegit. Sequenti die vomitum commodis remediis cohibere frustra tentavi. Tandem circa vesperam, viribus jam omnino prostratis, vomitu ejecit vermem nigrum, longum, & vivum, hirudini non multum absimilem. Paulo post obiit.

*Annotatio.*

**P**ater hunc ægrum, nemo (quod scio) hujus formæ vermes nigros ejecit.

## HISTORIA CIX.

**L**Ambertus de Wyburch, peste cum obscuro tumore subaxillari, violenta febre, & maxima anxietate correptus fuit. 20 Septembris exhibui hoc alexipharmacum:

*℞. Trochiscorum de viperis, salis scordii, extracti angelicæ, ana scrup. j. diascordii Fracast. drach. j. aquæ theriacalis, aceti bezbartici, ana unc. j. Misce, fiat haustus.*

Hinc fortiter sudavit cum aliquo levamine. Lingua valde sicca, & sitis immensa erat: petiit ut ipsi aquæ simplicis potum permitterem: concessi illius moderatum usum, & os eadem sæpe quoque colluere jussi. Sequenti die aliquantum deliravit: tunc idem sudoriferum reiteratum est, post cujus usum adauctus est tumor sub axilla, cui vesicatorium applicavi. Febris tamen non multum imminuta est. Vesperi hunc bolum dedi:

*℞. Camphoræ, croci or. ana gr. iij. pulv. liberantis, confect. de hyacintho, ana scrup. j. syrupi de limon. q. f.*

*Fiat bolus in folio auri.*

22 Septembris minus deliravit. Reiteratio facta est mane sudoriferi, & vesperi boli: etiam cataplasma attrahens buboni impositum est. Illa die febris aliquantum remisit, & circa vesperam absque delirio fuit. Quia autem lingua siccissima, & nigricante crusta obducta erat, ita ut æger vix amplius loqui posset, butyrum recens cum aqua rosacea lavari, & post lotionem aquæ simplici frigidissimæ imponi, atque illius butyri aliquoties de die particulam fabæ magnitudinis linguæ imponi, in eaque liquefcere jussi; cujus usu intra biduum linguæ crusta omnino à lingua separata decidit. 23 Septembris febris aliquanto mitior fuit, & tumor paulo magis adauctus

est. Tale apozema præscripti, atque de illo quater de die haustum trium quatuorve unciarum bibere, & corpus bene calidum in leni sudore continere, iussi.

℞. *Corticum citri*, & *aurantiorum sicc. radicum petasidis*, *helenii*, *angelicæ*, *diſſamini*, & *eryngii*, ana unc. ſ. *herb. cardui bened. acetosæ*, *ſcordii*, *boraginis*, *ſcabioſæ*, *centaurii minoris*, ana M. j. & *pimpinellæ*, M. ſ. ſem. *acetosæ*, *cardui*, *citri*, & *bardanæ*, ana drach. j. *aque communis*, q. ſ.

*Coguntur ſ. art. ad lib. ij. adde colaturæ*

*ſyrupi de limonibus*, & *de ſcordio*, ana unc. j. ſ.

*Miſce, fiat apozema.*

Hac die alvum prima vice exoneravit, & parum lactis preſſi acidi cum pane cocti comedit. 24 & 25 Septembris in uſu apozematis continua- tum eſt. 26 Septemb. mane hoc ſudoriferum præſcripti :

℞. *Extracti ruthe*, *cardui*, & *angelicæ*, *ſalis ſcordii*, ana ſcrup. ſ. *theriacæ*, *diſſcordii*, ana ſcrup. j. ſ. *aque theriacalis*, unc. j. *ſucci citri*, unc. ſ.

*Miſceantur pro hauſtu.*

Hinc cum fortiffime ſudaſſet, diſparuit febris una cum anxietate, & æger poſtea mediocriter valuit. Ad majorem tamen curationis certitudinem præcedens apozema adhuc ſemel parari, atque de eo per aliquot dies quotidie bis haustum bibere iuſſi. Loco cataplaſmatis attrahentis tumori aliud maturans impoſui, verum eo non obſtante, tumor intra paucos dies absque ſuppuratione diſſipatus eſt. Poſt exhaustum apozema ægrum purgavi cum pilulis noſtris antipeſtilentialibus, atque ita feliciter à periculoſiſſimo morbo liberatus eſt.

#### *Annotation.*

A Quæ ſimplicis fontanæ vel putealis (nempe Noviomagenſis, nam illa clariffima & optima eſt, ac plurimorum locorum putealem aquam puritate & bonitate longe ſuperat) uſum ad ſitim ſedandam ægris facile permittebam, dummodo eâ moderate uterentur: nec illius aquæ potum illi unquam nocuiſſe, imo multis plus pro-

uiſſe, quam julebos aliaſve arte conſectas potiones, multoties animadver- ti. De butyro illud etiam notatu dignum, quod præſtantiſſimum ſit remedium ad linguam humectandam, ejuſque cruſtas emolliendas: abſtinendum tamen à nimia ejuſdem copia, qua alvus forte nimis emolliiri poſſet.

### H I S T O R I A C X.

I Oachimus Nauta, qui præſervationis gratia in crure ſiniſtro fonticulum in principio Veris ſibi fieri curaverat, menſe Novembri quendam ex ſuis conſanguineis peſte cum diarrhœa laborantem circa veſperam invi-

invisens, contagio infectus est. Sensit primo vertiginem & capitis gravitatem, ac paulo post magnam anxietatem cum nausea. Statim meo consilio assumpsit hoc alexipharmacum:

℞. Theriaco androm. scrup. iij. . salis cardui bened. scrup. j. f.

aque theriacalis, aëri bezoartici, ana unc. j.

Misce, fiat potio.

Hinc tota fere nocte sudavit, cum tanto levamine, ut omnia symptomata evanuerint. Posttridie de magno fonticuli cruris dolore conquestus est, è quo vidi ichorem quendam nigricantem effluxisse, ipsumque fonticulum in circumferentia nigricantem colorem contraxisse: hujus fonticuli margines à topicis convenientibus impositis, instar carbunculi, separati fuerunt, & æger deinceps optime valuit.

*Annotatio.*

**F**onticulos ad præstationem à peste inter præstantissima subsidia semper habuimus, & multoties observavimus, si quid veneni jam intus conceptum esset, illud per eisdem vel sponte naturæ, vel medicamentorum ope insigniter & cito evacuatum fuisse; quod

ex prædicta historia manifeste liquet. Illud ipsum de fonticulis ab experientia testantur etiam, Mercenialis, Hercules Saxonia, Georgius Garnerus, Hildanus, Ioannes Arculanus, aliique magni Practici.

HISTORIA CXI.

**I**acobus Moulin, Gallus, bubonem in inguine sentiens, statim chirurgum quendam castrensem consuluit, qui ipsi haustum vini stibiati exhibuit, quo epoto æger domum discessit; nam adeo fortis adhuc erat ut ipsemet chirurgum adiret. Non diu post maximo animi deliquio obrutus fuit. Ego advocatus, cum quidnam assumpsisset ignorarem, & pulsum jam pene deficientem sentirem, ipsum brevi morituum prædixi. Cum ab illo discederem, obviam mihi venit dictus chirurgus, qui ex hospitio ægri me exeuntem videns, rogabat quomodo valeret Iacobus Moulin? quærebam, unde sciret ipsum ægrotare? jam ante horam, respondit, aut circiter, ad me veniens, conquestus fuit se exiguum quendam tumorem valde dolorificum in inguine sentire, utque gravius malum præveniri posset, exhibui uncias duas vini vomitivi, quo in plurimis morbis cum maximo fructu uti solemus inter milites. Egregie vero (inquirebam) rem egisti, jam invise ægrum, & vide cum quanto fructu etiam huic illud vinum exhibueris. Ipse audacter ægrum accessit, & astantibus dixit nihil periculi metuendum esse, se tale medicamentum ægro exhibuisse, quo solo unica die morbus pestilens in totum sanaretur. Interea dum lecto adstat, æger aliquantum ad se rediens, bis terve vomuit. Iam (inquirebat chirurgus)

gus) & morbus evictus, & omne periculum superatum est. Nec de morbo fefellit prælagium, nam paulo post inter vomendum æger ipsam quoque animam evomit, morbo scilicet tam egregie superato, ut nulum periculum foret illum unquam rediturum. Pudibundus chirurgus non sine astantium calumniis & dictæis discessit.

*Annotatio.*

**Q**Uam egregie Capitanei consulunt militum rebus, quando talibus ineptissimis & nasutis bardis, seu potius homicidis, eorum curandorum provinciam imponunt; qui ne in pauperiorum militum curatione diutius detineantur, quælibet periculossima medicamenta ipsis exhibere non erubescunt, cum hoc dicto: *hinc aut cetera mors venit, aut victoria læta*. Profecto si vires dicti ægri in principio conservatæ fuissent, simulque venenum pestilens (quod à robusta natura jam foras pelli incipiebat) ab interioribus visceribus per convenientia antidota & sudorifera ex-

pulsum esset, procul dubio magna sanationis spes affluisset; cum nunc contra, per vomitorii violentiam & stibii venenositatem, jam à pestilenti veneno gravata viscera obrui & deficere, necessario debuerint. Quapropter nunquam eorum consilium audiendum arbitramur, qui ut perniciosum hostem expellant, alium non minus exitiosum in auxilium assumunt, & intra mœnia sua admittunt, qui duo, dum alter in alterius perniciem laborat, facile durante pugna ipsam urbem incendio consumunt.

## H I S T O R I A C X I I.

**I**N ædibus generosissimi viri Domini de Nassau, equitum Capitanei, mense Iunio quatuor ex famulatio peste laboraverant, quorum duo mortui fuerant. Domus bis terve ista æstate expurgata est. Domina tamen de Nassau (quæ cum tota familia Hagam-Comitis confugerat, interea dum maritus cum cohorte castra sequeretur) his expurgationibus nondum satis contenta, mense Novembri duas tresve Hollandicas purgatrices Hagæ-Comitis Noviomagum misit, quæ jam post quintum ab ultimo ægroto mensem totam domum adhuc semel more Hollandico curiosissime expurgarent. Hæ omnia linteamina, aliasque res quæ commode lavari poterant, lavarunt, reliquam omnem suppellectilem Soli & aperto aëri exposuerunt, atque eventilarunt, omnem immunditiam curiose detergentes: domum denique totam à summi tecti cacumine usque ad imum, non tantum scopis simpliciter expurgarunt, sed etiam aqua undique abluerunt, & muros nova calce induxerunt seu dealbarunt. Postea sordes expurgatas in fumarium projecerunt. Ex his sordibus gallinæ forte aliquid nutrimenti quæsierunt, iisque se immerferunt & involverunt, atque hinc omnes contagium contraxerunt, & peste correptæ mortuæ sunt; aliis autem in pectore & dorso carbunculi eruperunt, aliis sub alis

tumo-

tumores protuberarunt, atque ita omnes gallinæ, circiter viginti numero, peste interierunt.

*Annotatio.*

**M**ultoties araneorum telis, aliisve ædium sordibus pestilens venenum diu inhærere, & maxime necessariam esse domum peste infectarum curiosissimam expurgationem, ex prædicta historia satis liquet. Hæc autem expurgatio ut melius peragatur, sequenti modo instituenda est: Primò apertis undique (præcipue versus Aquilonem & Orientem) fenestris, tota domus à summo ad imum, scopis diligenter est mundanda, omnesque araneorum telæ ac reliquæ sordes (ne caminis quidem prætermisissis) curiosissimè expurgandæ, atque una cum lecticarum straminibus in unum cumulum omnia illa longius extra domum projicienda, & igne comburenda sunt. Deinde rursus tota domus (imprimis verbò lecticæ omnesque anguli secretiores) aquâ ablueda, & per aliquot dies rursus eventilanda est. Postea luculenti ignes in singulis cubiculis strui possunt. Tertiò omnes parietes calce nova obducendi sunt, & tabulata omniaque pavimenta, item lecticæ, scrinia, cistæ, abaci, mensæ, scamna, aliaque lignea supellex aceto & aqua simul mistis ablueda est. Deinde suffumigia (qualia *lib. 2. cap. 5.* descripsimus) in cubiculis & coenaculis bis terve accendere oportet. Circa vestes, aliaque similia quæ fomitis rationem habent, major expurgationis cura requiritur, cum in iis negligentius expurgatis venenum pestilens sæpe diu latere possit, quod præter quotidianam experientiam, manifesto exemplo docet Forestus *lib. 6. in scholio ad obſervat. 22.* de muliere quæ ex Zeelandia è domo peste infectâ quædam vestimenta Alckmariam attulerat, eaque ibidem Soli

exposuerat, in quibus septem pueri coludentes, omnes peste infecti & mortui fuerunt. Quapropter ut hujusmodi pericula evitentur, oportet ut omnia lintamina, etiam illa quæ diu in arcibus nitida conclusa fuerunt, convenienti modo cum lixivio laventur, etiam stragulæ & lectorum tegmina, imprimis illa quibus ægri usi fuerunt, omnesque lanæ vestes quæ absque damno lavari possunt. Quæ verò commode lavari nequeunt, ut tapeta, vestes sericæ, holoſericæ, lecti, chartæ, libri, aliaque similia, illa multis diebus Soli & ventis aquilonaribus exponenda, & diligenter agitanda, concutienda, fustiganda, & abstergenda sunt; nam à ventis perflatus & multum agitatus pestifer vapor, illis rebus forte inhærens, non potest non imminui ac dispelli; unde Mercurialis laudat Marsilium Ficinum, quod libro de Peste doceat, panes atque parietes spatio viginti dierum, si perflentur & emundentur, ab omni contagio mundari. Denique post illarum rerum longiores eventilationes, singula convenientibus suffumigiis perfumiganda sunt: etiam particulatim in singulis cistis suffumigium aliquod accendendum est, antequam supellex in iis deponatur. His omnibus ita peractis, & singulis rebus suis locis repositis, domum ab omni venenata pestilenti labe satis emundatam esse, credibile est. Ut autem certo sciri possit an pestilens contagium satis expurgatum sit, nonnulli hoc experimento utuntur: Panes recentes è furno extractos, & adhuc calentes, in duas partes dividunt, eosque in medio cubiculi viginti quatuor horis deponunt; si venenum adhuc in conclavi latuerit, eo tem-

temporis spatio illum panem mucescere & putrescere dicunt, ac propterea postea caute vel aquis immergendum, vel alte sepeliendum esse. Alii ova recentia concutiant, eaque in patella aperta in conclavi viginti quatuor horis relinquant, si quid veneni superfuerit, intra illud tempus ova corrumpentur, summumque foetorem contrahent. Verum nos talia experimenta siccis facimus, nec quicquam certi continere arbitramur: nam panem atque ova in cubiculo non infecto, nonnunquam ratione alterius non venenatæ causæ, posse

corrumpi, & in cubiculo infecto interdum absque corruptione per aliquod tempus manere posse, credimus. Quantum ad gallinas quæ à sordibus contagium contraxerant, illud in tota hac peste nusquam alibi vidimus, præterquam in illa sola domo. Aves tamen interdum etiam peste corripì, liquet ex eo quod Forestus & Sennertus referunt ex Ioachimi Schylleri libro de Peste Britannica, aves sub arboribus peste correptas & interemptas passim repertas fuisse, & abscessus sub alis ciceris instar habuisse.

## H I S T O R I A C X I I I.

**F**ilia Petri de Botfel; juvencula circiter viginti annorum, bubonem pestilentem in inguine percepit, præter quem nullum aliud magni momenti malum in corpore sensit. Ipsa morbum celare cupiens, tacite Matthiam Aquisgranensem (qui ex professo cucurbitularum enchiresi vacabat) adiit, & sex vel octo cucurbitulas cum scarificatione pedibus imponi curavit. Extractis paucis sanguinis uncis, animo deficiens concidit: ad se rediens de maxima cordis anxietate conquesta fuit. Statim à duobus viris robustis domum delata & in lectum deposita est, ubi tantis & tam crebris animi deliquiis corripiebatur, ut parentes, ipsam jam jam morituram existimantes, me vocarent. Iussi ut acetum cum spiritu vini naribus odorandum offerrent, & hujus mixturæ subinde cum cochleari aliquantum exhiberent:

*℞. Aquæ cinnamomi, & theriacalis, vini albi,  
symplici de limonibus, ana unc. j.*

*Miscerantur.*

Hujus usu aliquantum ad se rediit, & confessa est se bubonem sensitse, ac propterea cucurbitulas pedibus imponi curasse, eumque bubonem jam fere totum evanuisse. Tunc manu imposita locum ipsum exploravi, sed nihil aliud quam exiguam quandam & profundam duritiem deprehendere potui. Præscripti sudoriferum statim calide exhibendum, à quo quidem mediocriter sudavit, sed absque ullo levamine. Sequenti die maximam cordis anxietate pressa est, & animi deliquia subinde revertebantur. Iussi ut pulli decoctum, quod casu paratum habebant, paucis vini & succi citri admixto, exhiberent: sumpsit tria quatuorve cochlearia, eaque statim revomuit. Tunc prioris mixturæ interdum cum cochleari aliquantum datum est, sed frustra, nam illo die circa vespertinam in diuturniore deliquio exspiravit.

*Anno-*

*Annotatio.*

**M**ultum interest in curatione pestis, ut ægri vires in quam maxima fieri potest integritate conserventur, & venenum pestilens foras protrudatur: cum autem à sanguinis detractione vires citissime deiciantur, simulque venenum quod extra vasa est introrsum in vasa trahatur, ab illa necessario abstinendum est: nam quantacunque curiositate illa detractio peragatur, illam tamen nunquam in peste profuisse, ab experientia testantur Paræus, Fallopius, Gesnerus, Dodonæus, aliique magni Practici. Sic etiam in hac nostra peste sanguinem plurimis infelicissime detractum fuisse vidimus. Quapropter Za-

cutum Lustanum aliosque audiendos non esse existimamus, qui hac in parte rationem & quotidianam experientiam sola quorundam veterum auctoritate evertere nituntur, haud secus ac si veteres, dii, & non homines fuissent, & propterea quod multa insignia scripta ediderint, in nullis errare potuissent. Plus nobis sapere videntur illi, qui doctissimorum Medicorum monumenta prudenter perlegunt, atque inde eorum experientiam quidem addiscunt. sed interea tamen magis propriis oculis, quam aliorum scriptis confidunt, & oculati speculatores aliorum errores corrigere malunt, quam sequi.

## HISTORIA CXIV.

**P**ater Augustinus, monachus, peste correptus fortiter vomuit, quem vomitum medicamentis convenientibus sedavi. Postea exhibui tria sudorifera, aliaque nonnulla alexipharmaca, à quibus nullum levamen secutum est. Quinta morbi die purum sanguinem minxit, & paulo post extinctus est.

*Annotatio.*

**S**ic etiam adhuc alium Sacerdotem seodem fere tempore cum sanguinis mixtu vitam finivisse vidimus. Erat illa sanguinis mixtio certissimum mortis præsagium, idque malum nullis medicamentorum auxiliis curari poterat; in cujus pessimi symptomatis medicatione in principio hujus pestis multoties

frustra laboravimus; cum autem neque ægrorum vires, neque temporis breviteratem unquam curationem admittere animadverteremus, postea hoc symptomate apparente, ægris nulla medicamenta dedimus, sed eosdem Deo commisimus, nullum enim evadere vidimus.

## HISTORIA CXV.

**G**erardus ab Hattem, famulus pistoris, mense Decembri peste correptus anthracem habuit in sura cruris sinistri: febricula aderat nec ardore, nec aliis symptomatibus gravis: urina sanorum urinæ plane similis: æger tamen abjecto animo erat, alta suspiria sæpissime ducebat, & de recuperanda sanitate omnino desperabat: quietus jacebat, & tacebat fere semper, qui alioqui satis loquax esse solebat. Exhibui

Z z

tria

tria alexipharmaca, à quibus mediocriter sudavit, sed absque levamine. Carbunculus majorem molem acquisivit, sed nullo circulo rubro circumscriptus est, quod signum mihi plane displicuit. Postea adhuc variis aliis antidotis usus est, sed omnibus frustra. Die morbi sexta, cum pulsus explorarem, qui exilis, creber & inæqualis erat, nervorum quendam tremorem sensi: urina tamen in eodem statu laudabilis, cum bona hypostasi erat. Prædixi mortem, quæ sequenti nocte post eruptionem exanthematum præfagii veritatem confirmavit.

*Amotatio.*

**V** Alde fallaces erant illæ febriculæ pestilentes quæ sine gravibus symptomatibus invadebant; nam postquam ægros fallaci spe per aliquot dies aluissent, eosdem tandem præter expectationem trucidabant. Causam fuisse arbitror, quod venenum pestilens in ipsius cordis substantiam magis, quam in humores violentiam suam exerceret, &

cordis humidum radicale magis depularetur, quam aliorum humorum putredinem induceret. Quod in prædicto ægro ipsa urina docuit, quæ toto morbi decursu adeo laudabilis fuit, ut nulla putredinis indicia in illa conspicerentur, cum tamen exilis, creber & inæqualis pulsus cordis graviter affecti indicium exhiberent.

H I S T O R I A C X V I.

**F** Amulus Domini Couper, Vice-Capitanei equitum, juvenis robustus, cum se peste correptum sentiret, & jam in brachio carbunculum haberet, ut malum celaret, chirurgus Egmundo Anglo rem clanculum indicavit, qui ipsi ad citiorem curationem pulveris passavant drachmam unam cum haustu cervisiæ exhibuit. Hinc post sesquihoram alvi enormis deturbatio, & deinceps continua fluxio secuta est, ægrique vires intra viginti horas adeo dejectæ sunt, ut vix loqui posset. Postridie ad ipsum invensum vocatus sum una cum dicto chirurgo, qui se ex præstantissimorum Medicorum decreto curationem à purgatione bene incepisse arbitrabatur. In extremitate illa constituto ægro, hanc potionem exhibui:

℞. Trochisc. de terra sigillata, scrup. j. f. cornu cervi usti, scrup. j. theriacæ, scrup. iij. aquæ theriacalis, unc. ij.

*Misceantur pro haustu.*

Hunc quidem assumpsit, sed post horæ quadrantem rursus evomit. Idem medicamentum reiteratum est, sed absque emolumento, nam ingravescente colliquativo alvi fluxu, circa vespæram sanguis dejiciebatur, & æger sequenti nocte cum illo fluxu è turbulenti mundi fluctibus ad tranquillitatis portum delatus est.

*Amo-*



*Annotatio.*

**I**nnumeros hujusmodi errores commiserunt varii Chirurgi, qui licet ineptissimi sint & medicinz maxime ignari, sibi ipsis tamen & populo multum persuadent, seque fere solos sapere existimant, (quæ opinio non Noviomagenisibus, sed etiam plurimis Belgii aliarumque regionum Chirurgis familiaris est) & unica fidelia omnes parietes dealbare soliti, etiam unico medicamento omnium morborum, & uno unguento omnium fere vulnerum atque ulcerum curationem peragere tentant. Sic etiam dictus ille Egmondus Anglus pestiferos curaturus, aliis pulverem passavant, aliis vinum stibiatum exhibebat, multis quoque sanguinem detrahebat; idemque cum illo nonnulli alii Chirurgi satis imprudenter & impudenter faciebant: quare? quia illorum nasutorum scientiæ limites ulterius non extendebantur; morbi causas, ægroti dispositionem, tempestatis rationem, commoda medicamenta, aliaque ad curationem scitu necessaria

ignorabant, neque illa scire studebant, sed ægrorum nummis potius quam eorum sanitati & propriæ scientiæ inhiantes, quidvis temere audebant. Verum si mortui durante hac peste horum bardonum avarâ temeritate occisi, adhuc vociferari possent, credo totum Noviomagum tanto clangore repletum iri, ut & incolæ obsurdescerent, & aves præ terrore urbem longius fugerent. Fortasse nonnullis laudandus videbitur ille curationis ordo, qui à purgatione principium ducit, propterea quod Avicenna, Avenzoar, Oribasius, Mercurialis, aliique magni Medici illud ipsum quoque suadeant: verum oportet ut auctoritates illorum Medicorum (qui etiam homines fuerunt, & non dii; & quamvis doctissimi, interdum tamen errare, & aliquid scribere potuerunt quod experientiæ contrariatur) rationi & experientiæ postponantur: qua de re pluribus egimus *lib. 3. cap. 4.*

*ANNOTAT. I.*

## HISTORIA CXVII.

**P**etrus Schram, peste correptus carbunculum in scroto habuit, qui circiter per dimidiam scroti partem se extendit, & tandem post varia exhibita & imposita medicamenta anthrace ad separationem deducto, magna scroti pars excidit, ita ut testiculus in sua vagina pendens nudus conspiceretur: quod scroti foramen commodorum topicorum usu postea rursus coaluit.

*Annotatio.*

**D**Vrante hac peste ter quaterve carbunculos in labiis pudendi mulieris, sed rarissime in virorum scroto enatos vidimus; quod tamen olim in crudelissima Atheniensi peste sæpius

contigisse, liquet ex eo quod Thucydides refert, nonnullos genitalibus excectis, oculis excavatis, manibus pedibusque truncatis vitam redemisse.

## H I S T O R I A C X V I I I.

**V**Xor Severini de Kuyck, 14 Decembris maxima debilitate correpta est, ita ut sæpius animo linqueretur: aderat parva febricula, absque aliis symptomatibus pestifere indicii: urina sanorum urinæ similis cum laudabili hypostasi, pulsus creber & parvus erat cum inæqualitate. Exhibitis aliquot alexipharmacis sudoriferis, aliisque vires corroborantibus medicamentis, nullum levamen secutum est: morbus toto quatrduo in eodem statu permanfit. Postea tandem carbunculum in mediis lumbis percepimus, sed circulo rubro non circumscriptum; cui topicum conveniens bis de die renovandum imponi curavimus. Die septimo ægra paulo melius habere visa est, pulsus etiam aliquanto fortior fuit: cœpit parum jusculi sorbere. Die undecima ad priorem debilitatis statum relapsa est. Interea carbunculus magnam molem acquisivit. Vtebatur ægra quotidie, modo his, modo illis antidotis, modo jusculis ad virium restaurationem. Verum his omnibus non obstantibus eodem fere modo (ut nunc paulo melius, nunc pejus se haberet) continuavit morbus usque ad diem vigesimum sextum, qua die, nempe 9 Januarii anno 1637, miseriarum finem imposuit. Carbunculus ad tantam molem excreverat, ut integræ manus latitudinem multum excederet.

*Annotatio.*

**R**arissime febres pestilentes ad tantum tempus producebantur, illud tamen in nonnullis factum fuisse vidimus: de quibus febribus agens Galenus 3. *de crisibus*, cap. 4. inquit: *Debiles & parvæ febres quandoque valde malignæ sunt.* Causa est, quod venenum pestilens vel debili qualitate, vel exigua quantitate firmiter se insinuet ipsius cordis substantiæ, atque ibidem hærens humorum graves putredines (à quibus molestissima symptomata procedunt)

non inducat: accedente quoque eo, quod humores in nonnullis ita dispositi sint, ut ad putrescendum vel venenum pestilens recipiendum minus apti existant. Atque tunc venenum solius cordis calidum nativum paulatim corrumperens, hominem lente occidit, eodem modo sicut Galenus dicit venena, quæ debili qualitate, vel exigua quantitate exhibentur, interdum lente; & non nisi post aliquod tempus occidere.

## H I S T O R I A C X I X.

**F**Amulus Antonii de Tricht, Pharmacopœi, mense Julio peste laborans in horto decumbebat, in domuncula incurvis quidem lateribus fursum contacta, sed absque parietibus, & undique circumcirca aperta, quam tamen velis tunc undique iavestierant. Ægro sanato leæus, vela, reliquaque supellex inde rursus ablata fuit. Anno sequenti mense

menſe Martio ipſe Pharmacopœus inſtrumentum aliquod hortulanum in eadem domuncula caſu quærens, cum ſtramen, cui ægri quondam lectus impoſitus fuerat (quod ibi adhuc relictum, & autumnò totaque hyeme vento, pluviis, nivibus ac frigori expoſitum fuerat) dextro pede ab uno ſaltem in alterum latus dimoveret, ſtatim ſituoſum quendam ſortorem naribus percepit, & paulo poſt acrem ac pungentem dolorem in inferiore cruris parte prope pedem ſenſit, haud ſecus ac ſi aquâ fervidâ ſe combuſſiſſet. Sequenti die magna veſica ibidem excitata viſa fuit, quâ percuſâ effluxit aliquantum aquæ nigricantis, & ſub illa veſica carbunculus peſtilens latens inventus eſt, qui vix duabus ſeptimanis poſtea ſanari potuit. Patiens tamen nec febricitavit, nec reliquo corpore male valuit.

*Annotatio.*

**H**uiusmodi plura exempla Novio-  
magi viſa ſunt, quod ſcilicet pe-  
ſtilens inquinamentum per aliquot men-  
ſes fomiti inhærens, poſtea aliquibus  
adhuc communicatum ſit. Sed obſer-  
vandum quod ab illo contagio ſilente  
alioqui peſte inducto, nullâ illius ulte-  
rior alicuius momenti propagatio facta  
fuerit. Interim hoc exemplo Medico-  
rum doctrina de contagio in fomite  
latente ſatis confirmatur. Mirum ta-  
men eſt, hoc contagium tanto tem-  
pore in prædicto ſtramine potuiſſe ſub-  
ſiſtere, utpote quod tota hyeme ventis  
& pluviis expoſitum fuiſſet. Concor-  
dans enim eſt Marſilii Ficini, Mercu-  
rialis, aliorumque variorum Medico-  
rum opinio, fomitem ſpatio viginti  
vel plurium dierum, à ventis perſta-  
tum, durare non poſſe, ſed imminui  
& deleri neceſſe eſſe: attamen contra-  
rium interdum contingere ex prædicta  
hiſtoria liquet. Fomitem verò conclu-  
ſum, aliove modo quietum manentem,  
diutiſſimè peſtilentem vaporem conti-  
nere, & integris viribus ſervare poſſe,

communis eſt opinio. Sic Forſtus,  
*lib. 6. obſervat. 22.* refert exemplum  
contagii peſtilentis in tela aranei diu  
aſſervati. Alexander Benediſtus ſcribit,  
in urbe Veneta culcitram quandam  
multis annis peſtiferam malignitatem  
retinuiſſe, eaque tandem excuſſâ, ſer-  
vos adſtantes protinus ſubita peſte cor-  
reptos fuiſſe. Sennertus, *lib. 4. de febr.*  
*cap. 3.* refert, anno 1542, ſpatio vigin-  
ti duarum ſeptimanarum Vratiſlaviz  
5900 homines peſte mortuos fuiſſe, ab  
eoque tempore peſtilens contagium in  
linreo circiter annis quatuordecim con-  
cluſum hæſiſſe, quo tandem anno 1555,  
Laubani explicato, peſtis excitata fuit,  
quæ per contagium vicinis etiam urbi-  
bus & locis communicata eſt. Verum  
quia hæc ſunt præter noſtras obſerva-  
tiones, nec quidquam convenient cum  
noſtra experientia, etiam ſuperant no-  
ſtram fidem: quid autem hac de re ſen-  
tiendum ſit, diximus *lib. 1. cap. 8. an-  
not. 1. probl. 1. & eiſdem lib. cap. 10.*  
*annot. 10.*

H I S T O R I A C X X.

**C**apitaneus Brauwer anno 1638, menſe Auguſto, cum nuſquam in  
tota Geldria peſtis communiter graſſaretur, hac lue correptus  
decubuit in pago Bommel. Varios carbunculos habuit, & reme-  
diis

diis serius adhibitis , tandem obiit. Ego cum hunc ægrum prima vice invisiſſem , ſtatim ab ipſo contagium contraxi , & ingens carbunculus cum maximo dolore in manu ſiniſtra mihi obortus eſt , quem commodorum topicorum applicatione poſtea feliciter ſanavi ; neque à principio uſque ad finem mali reliquo corpore male valui , nec febrem , nec ullum malum ſymptoma ſenſi , nec alio antidoto uſus ſum quam tabaci fumo. Ab eodem illo Capitaneo etiam contagione infectus fuit miles quidam qui ipſi inſerviebat , cui etiam , ut mihi , in manu ſiniſtra carbunculus prorupit , quem poſtea topicis etiam curavimus : cumque etiam hic reliquo corpore non ægrotaret , & ex conſuetudine tabaco ſatis copioſe uteretur , huic quoque alia antidota non dedimus.

*Annotatio.*

**G** Raviffime errare illos , qui peſtem ſine febre non dari , arbitrantur , meo ipſius exemplo ſatis edoſtus ſum ; nam etſi in aliis ægrotis exigua aliqua febricula forte iudicium Medici ſubterfugere poſſet , in me ipſo tamen febriculam etiam minimam facile percepiffem. Idem in ſe ipſo quoque expertus fuit Platerus , nam *prax. tract. 2, cap. 2.* refert ſibi ipſi in manibus , & ſocero Chirurgo in pedibus puſtulam peſtilentialem citra febrem vel aliam noxam natam fuiſſe : quod ipſum repetit, *cap. 17.* & *Obſervationum lib. 2.* Sic quoque Fo-

reſtus *lib. 6. Obſervat. 10* , inquit : *Vidimus , ſed pauciſſimos , anthracem in membris ignobilioribus habentes , ſine febre , qui facillime ab initio reſtituebantur.* Ex prædicta hiſtoria etiam liquet error Plateri aliorumque , qui negant peſtis communis cauſam de novo à Deo immitti , ſed à contagio initio ſumpto propagari : nam ſi ſolum contagium peſtem generalem facere poſſet , quare non ab hoc ægrotalis peſtis inducta eſt ? qui me quidem & militem contagio infecit , ſed nos nullos alios.

F I N I S.

I N-

# INDEX R E R V M.

## A.

**A** Bortuum frequentium causa in peste. pag. 16.  
*Aceti vires & usus in preservatione & curatione.* 130. 131. 133. 136. 159. 169. 224.  
*Acetum bezoarticum nostrum.* 159.  
     *Ernesti.* 224.  
     *Magistri.* *ibid.*  
     *Matthioli.* 223.  
     *De Spina.* *ibid.*  
     *Vincenzi.* 170.  
*Aer an putrescat.* 43. 50.  
     *infectus quare non omnes inficiat.* 69. 70.  
*Aeris inquinamentum pestis causa.* 49.  
     *venenositas sine putredine.* 57.  
     *correctiones.* 129. ad 136.  
*Aedium insectarum expurgatio.* 350.  
*Alexicaca olea & linimenta.* 177. 178.  
*Alexipharmaca multa dari.* 161.  
*Allium damnosum tempore pestis.* 164.  
*Alvus quando movenda in aegris.* 182.  
*Alvi suppressio in aegris non mala.* 98. 103. 195.  
*Alvi fluxus periculosus.* 98. 103. 240. 241. 314.  
     *curatio & remedia.* 241. 242. 302. 306.  
     *sanguineus lethalis.* 241. 314.  
*Amuleta venenata varia.* 172. 173.  
     *omnia rejicienda.* 171. 175.  
     *eorum refutatio.* 173.  
     *superstitiosa.* 171. 176.  
     *naturalia.* 171. 176.  
     *ex lapidibus pretiosis.* 177.  
*Anhelitus factor, malum.* 98. 103.  
*Animalcula invisibilia an sint pestis causa.* 48.  
*Animi motus quid faciant in peste.* 53. 147.  
*An ad hunc morbum divinum liceat uti remediis naturalibus.* 124.  
*Anthrax, vide Carbunculus.*  
*Antidotum certum contra pestem an detur.* 160. 181.

*Antidota sunt vera pestis remedia.* 196.  
     *quando, quomodo, & quibus praescribendi.* 196. 202.  
     *intra praeservantia.* 156.  
     *externa praeservantia.* 171.  
     *simplicia curativa.* 196.  
     *varia recentiorum.* 216.  
*Antidotorum sudoriferorum formula.* 198. ad 201.  
*Antimonii usus internus damnosus.* 195. 264. 357.  
*Antimonii butyrum ad anthracem.* 256.  
*Anxietatis causa.* 82.  
     *remedia.* 235.  
*Aqua putredo an pestis causa.* 42.  
     *porus an conveniat aegris.* 185.  
     *saponare fexor damnosus.* 110. 112.  
     *vire abusus.* 157.  
*Aquarium stagnantium noxa.* 120.  
*Aqua infecta an coctione deponat venenositatem.* 143.  
*Aqua theriacalis Vltrajectina.* 197.  
     *nostra.* *ibid.*  
     *Langii.* 220.  
     *Bauderoni.* *ibid.*  
     *Sennerti.* 221.  
     *Leydensis.* *ibid.*  
     *Crollii.* *ibid.*  
     *Cratonis.* 222.  
     *Matthioli.* *ibid.*  
     *Paracelsi.* 223.  
*Aquiloneus venus salubris.* 132.  
*Araneae an aerem corrigant.* 132.  
*Argentum vivum noxum in peste.* 172. 250.  
*Astra an pestem inducant.* 30.  
*Avicula sua morte pestem praesagientes.* 15.  
     *an aerem corrigant.* 134.  
*Auster insalubris.* 133.  
*Auctiones suppellectilium prohibenda.* 110.  
     116.  
     117.  
     118.  
     119.  
     120.  
     121.  
     122.  
     123.  
     124.  
     125.  
     126.  
     127.  
     128.  
     129.  
     130.  
     131.  
     132.  
     133.  
     134.  
     135.  
     136.  
     137.  
     138.  
     139.  
     140.  
     141.  
     142.  
     143.  
     144.  
     145.  
     146.  
     147.  
     148.  
     149.  
     150.  
     151.  
     152.  
     153.  
     154.  
     155.  
     156.  
     157.  
     158.  
     159.  
     160.  
     161.  
     162.  
     163.  
     164.  
     165.  
     166.  
     167.  
     168.  
     169.  
     170.  
     171.  
     172.  
     173.  
     174.  
     175.  
     176.  
     177.  
     178.  
     179.  
     180.  
     181.  
     182.  
     183.  
     184.  
     185.  
     186.  
     187.  
     188.  
     189.  
     190.  
     191.  
     192.  
     193.  
     194.  
     195.  
     196.  
     197.  
     198.  
     199.  
     200.  
     201.  
     202.  
     203.  
     204.  
     205.  
     206.  
     207.  
     208.  
     209.  
     210.  
     211.  
     212.  
     213.  
     214.  
     215.  
     216.  
     217.  
     218.  
     219.  
     220.  
     221.  
     222.  
     223.  
     224.  
     225.  
     226.  
     227.  
     228.  
     229.  
     230.  
     231.  
     232.  
     233.  
     234.  
     235.  
     236.  
     237.  
     238.  
     239.  
     240.  
     241.  
     242.  
     243.  
     244.  
     245.  
     246.  
     247.  
     248.  
     249.  
     250.  
     251.  
     252.  
     253.  
     254.  
     255.  
     256.  
     257.  
     258.  
     259.  
     260.  
     261.  
     262.  
     263.  
     264.  
     265.  
     266.  
     267.  
     268.  
     269.  
     270.  
     271.  
     272.  
     273.  
     274.  
     275.  
     276.  
     277.  
     278.  
     279.  
     280.  
     281.  
     282.  
     283.  
     284.  
     285.  
     286.  
     287.  
     288.  
     289.  
     290.  
     291.  
     292.  
     293.  
     294.  
     295.  
     296.  
     297.  
     298.  
     299.  
     300.  
     301.  
     302.  
     303.  
     304.  
     305.  
     306.  
     307.  
     308.  
     309.  
     310.  
     311.  
     312.  
     313.  
     314.  
     315.  
     316.  
     317.  
     318.  
     319.  
     320.  
     321.  
     322.  
     323.  
     324.  
     325.  
     326.  
     327.  
     328.  
     329.  
     330.  
     331.  
     332.  
     333.  
     334.  
     335.  
     336.  
     337.  
     338.  
     339.  
     340.  
     341.  
     342.  
     343.  
     344.  
     345.  
     346.  
     347.  
     348.  
     349.  
     350.  
     351.  
     352.  
     353.  
     354.  
     355.  
     356.  
     357.  
     358.  
     359.  
     360.  
     361.  
     362.  
     363.  
     364.  
     365.  
     366.  
     367.  
     368.  
     369.  
     370.  
     371.  
     372.  
     373.  
     374.  
     375.  
     376.  
     377.  
     378.  
     379.  
     380.  
     381.  
     382.  
     383.  
     384.  
     385.  
     386.  
     387.  
     388.  
     389.  
     390.  
     391.  
     392.  
     393.  
     394.  
     395.  
     396.  
     397.  
     398.  
     399.  
     400.  
     401.  
     402.  
     403.  
     404.  
     405.  
     406.  
     407.  
     408.  
     409.  
     410.  
     411.  
     412.  
     413.  
     414.  
     415.  
     416.  
     417.  
     418.  
     419.  
     420.  
     421.  
     422.  
     423.  
     424.  
     425.  
     426.  
     427.  
     428.  
     429.  
     430.  
     431.  
     432.  
     433.  
     434.  
     435.  
     436.  
     437.  
     438.  
     439.  
     440.  
     441.  
     442.  
     443.  
     444.  
     445.  
     446.  
     447.  
     448.  
     449.  
     450.  
     451.  
     452.  
     453.  
     454.  
     455.  
     456.  
     457.  
     458.  
     459.  
     460.  
     461.  
     462.  
     463.  
     464.  
     465.  
     466.  
     467.  
     468.  
     469.  
     470.  
     471.  
     472.  
     473.  
     474.  
     475.  
     476.  
     477.  
     478.  
     479.  
     480.  
     481.  
     482.  
     483.  
     484.  
     485.  
     486.  
     487.  
     488.  
     489.  
     490.  
     491.  
     492.  
     493.  
     494.  
     495.  
     496.  
     497.  
     498.  
     499.  
     500.  
     501.  
     502.  
     503.  
     504.  
     505.  
     506.  
     507.  
     508.  
     509.  
     510.  
     511.  
     512.  
     513.  
     514.  
     515.  
     516.  
     517.  
     518.  
     519.  
     520.  
     521.  
     522.  
     523.  
     524.  
     525.  
     526.  
     527.  
     528.  
     529.  
     530.  
     531.  
     532.  
     533.  
     534.  
     535.  
     536.  
     537.  
     538.  
     539.  
     540.  
     541.  
     542.  
     543.  
     544.  
     545.  
     546.  
     547.  
     548.  
     549.  
     550.  
     551.  
     552.  
     553.  
     554.  
     555.  
     556.  
     557.  
     558.  
     559.  
     560.  
     561.  
     562.  
     563.  
     564.  
     565.  
     566.  
     567.  
     568.  
     569.  
     570.  
     571.  
     572.  
     573.  
     574.  
     575.  
     576.  
     577.  
     578.  
     579.  
     580.  
     581.  
     582.  
     583.  
     584.  
     585.  
     586.  
     587.  
     588.  
     589.  
     590.  
     591.  
     592.  
     593.  
     594.  
     595.  
     596.  
     597.  
     598.  
     599.  
     600.  
     601.  
     602.  
     603.  
     604.  
     605.  
     606.  
     607.  
     608.  
     609.  
     610.  
     611.  
     612.  
     613.  
     614.  
     615.  
     616.  
     617.  
     618.  
     619.  
     620.  
     621.  
     622.  
     623.  
     624.  
     625.  
     626.  
     627.  
     628.  
     629.  
     630.  
     631.  
     632.  
     633.  
     634.  
     635.  
     636.  
     637.  
     638.  
     639.  
     640.  
     641.  
     642.  
     643.  
     644.  
     645.  
     646.  
     647.  
     648.  
     649.  
     650.  
     651.  
     652.  
     653.  
     654.  
     655.  
     656.  
     657.  
     658.  
     659.  
     660.  
     661.  
     662.  
     663.  
     664.  
     665.  
     666.  
     667.  
     668.  
     669.  
     670.  
     671.  
     672.  
     673.  
     674.  
     675.  
     676.  
     677.  
     678.  
     679.  
     680.  
     681.  
     682.  
     683.  
     684.  
     685.  
     686.  
     687.  
     688.  
     689.  
     690.  
     691.  
     692.  
     693.  
     694.  
     695.  
     696.  
     697.  
     698.  
     699.  
     700.  
     701.  
     702.  
     703.  
     704.  
     705.  
     706.  
     707.  
     708.  
     709.  
     710.  
     711.  
     712.  
     713.  
     714.  
     715.  
     716.  
     717.  
     718.  
     719.  
     720.  
     721.  
     722.  
     723.  
     724.  
     725.  
     726.  
     727.  
     728.  
     729.  
     730.  
     731.  
     732.  
     733.  
     734.  
     735.  
     736.  
     737.  
     738.  
     739.  
     740.  
     741.  
     742.  
     743.  
     744.  
     745.  
     746.  
     747.  
     748.  
     749.  
     750.  
     751.  
     752.  
     753.  
     754.  
     755.  
     756.  
     757.  
     758.  
     759.  
     760.  
     761.  
     762.  
     763.  
     764.  
     765.  
     766.  
     767.  
     768.  
     769.  
     770.  
     771.  
     772.  
     773.  
     774.  
     775.  
     776.  
     777.  
     778.  
     779.  
     780.  
     781.  
     782.  
     783.  
     784.  
     785.  
     786.  
     787.  
     788.  
     789.  
     790.  
     791.  
     792.  
     793.  
     794.  
     795.  
     796.  
     797.  
     798.  
     799.  
     800.  
     801.  
     802.  
     803.  
     804.  
     805.  
     806.  
     807.  
     808.  
     809.  
     810.  
     811.  
     812.  
     813.  
     814.  
     815.  
     816.  
     817.  
     818.  
     819.  
     820.  
     821.  
     822.  
     823.  
     824.  
     825.  
     826.  
     827.  
     828.  
     829.  
     830.  
     831.  
     832.  
     833.  
     834.  
     835.  
     836.  
     837.  
     838.  
     839.  
     840.  
     841.  
     842.  
     843.  
     844.  
     845.  
     846.  
     847.  
     848.  
     849.  
     850.  
     851.  
     852.  
     853.  
     854.  
     855.  
     856.  
     857.  
     858.

*Boli armena vires.* 208.  
*Brassica vires ad bubones & anthraces.* 249.

*253. 340.*  
*Bubo quid sit.* 88.  
     *signum pestis.* 17. 22.  
     *quomodo generetur.* 85. 88.  
     *in quibus partibus emergat.* 88.  
     *cum anthrace.* 89.  
     *sine febre.* 73.  
     *quare disparat.* 89.  
     *quare citius vel serius prodeat.* ibid.  
     *ubi maneat ejus venenum.* 90.  
     *qui salutaris, qui malus.* 99. 104. 105.  
     341.

*Bubonum curatio.* 243.  
     *per discussionem.* 245.  
     *per diversionem.* 246.  
     *per attractionem.* 243. 248.  
     *per emplastra.* 250. 251.  
*Bubones curandi methodus D. D. Barbetæ.*  
252.  
*Bufois vires in curatione.* 225. 244. 249.  
*Butyrum antimonii ad anthraces.* 256.  
*Butyrum ad preservationem.* 138.  
     *ad lingue ariditatem.* 236. 238.

C.

**C** *Acoclymi an magis inficiantur.* 10.  
*Cadavera pestiferorum sintne magis, vel minus contagiosa.* 116.  
*Cadaverum citra corruptio.* 334.  
*Caparum usus ad bubones.* 249.  
*Calor in peste sepe mitis.* 17. 22.  
*Camphora vires & encomia.* 202.  
*Camphorata medicamenta varia.* 203.  
*Capitis doloris curatio.* 232.  
*Carbunculus pestis signum.* 17. 22.  
     *an sit crusta.* 92.  
     *sine febre.* 73. 340. 365.  
     *à causa externa.* 6. 365.  
     *an à febre excutitur.* 94.  
     *vastæ magnitudinis.* 105. 110.  
     286. 347. 304.  
     *in quacunque parte.* 85. 94.  
     *in ventriculo, hepate, pulmone.*  
     18.

*in rene.* 83.  
*in digitis.* 332. 336.  
*in lingua.* 290.  
*in scroto.* 363.  
     *an etiam in corde fiat.* 94.  
*Carbunculi nomina & definitio.* 90.  
     *causa.* 85. 86. 91. 92.  
     *vesicule unde fiant.* 95.  
     *venenum ubi maneat cum excidit.*  
     95.  
     *prognostica.* 99. 105.  
     *curatio.* 253.  
     *separatoria remedia.* 253. 255.  
     256.

*Carnes assate an præstent elixir.* 140.  
     *porcinæ damnosæ.* 141.  
*Caseus viridis ad preservationem.* 138.  
*Cataplasmata ad bubones.* 243.  
*Catartica, vide, Purgantia.*  
*Causa pestis divina.* 23. 24. 48.  
     *an de novo creetur.* 26.  
     *an ab astris generetur.* 30.  
     *an incantamentis inducatur.* 34.  
     *an à putredine procedat.* 36. 51.  
     56.  
     *an à tempestatum constitutionibus.* 44.  
     *an à venenis.* 46.  
     *an sit congeries bestiarum invivibilibium.* 48.  
*Causa secundaria.* 25. 52.  
     *infectionis.* 69.  
     *symptomatum pestis.* 82.  
*Cauteria ad preservationem.* 150. 151.  
*Cerevisia qua bona, qua mala.* 138. 143.  
*Cerevisia medicata preservans.* 156. 165.  
*Chirurgica remedia curativa.* 187.  
*Cibus & potus ad preservationem.* 137.  
*Cibi pestiferis liberalius offerendi.* 183. 184.  
*Citri mali vires antidotosales.* 185.  
*Coctio an tollat aque vitia.* 143.  
*Commercium cum infectis prohibenda.* 110.  
     112.  
*Contagium quid sit.* 57. 58.  
     *quomodo fiat.* 59.  
     *an adfit pesti.* ibid.

Centagium

**Contagium an oriatur ex putredine.** 62.  
 quare non omnes inficiat. 340.  
 ejus requisita ad communicatio-  
 nem. 52. 63.  
 an aque efficac exeat ab omnibus  
 pestiferis. 64. 67.  
 an in corpore aliquamdiu latere  
 possit. 66. 325.  
 an a sano circumferri, & alium  
 inficere possit. 68.  
 an pestem generalem faciat. ibid.  
 quo temporis intervallo in fomite  
 emoriatur. 68. 69.  
 in fomite brevi exstinguitur. 26.  
28.  
 in variis rebus latens. 358. 365.  
**Contagii occasiones fugienda.** 110. 112. 118.  
**Convventus publici periculosi.** 121.  
**Conversatio cum infectis fugienda.** 115.  
**Convulsivi motus lethales.** 98. 102.  
**Cornu & corium usum aërem corrigit.** 131.  
136.  
**Cornu cervi vires.** 206.  
**Corroborantia remedia.** 228.  
**Crisis fallaces.** 97. 100.  
 sexta diei lethales. 101.  
**Croci usus an tutus.** 202.  
**Cubiculum agri quale.** 225. 226.  
**Cucurbitula bubonibus male applicantur.** 243.  
247. 326.  
**Curationis nostra methodus.** 225.

**D.**

**Debilitatio curatio.** 235.  
**Decoctum antidotale sudoriferum.** 223.  
**Demoniorum historia.** 262. 288. 314.  
**Delirium periculosum.** 88. 102. 341.  
**Diaeta praeservativa.** 137. 179.  
 curativa. 182.  
**Dietam mutare periculosum.** 137. 140.  
**Dioscoridum.** 219.  
**Dispositio ad pestem.** 71.  
**Dolor gutturis lethali.** 98. 102.  
**Doloris capitis curatio.** 232.  
**Draco vomitu egestus.** 323.  
**Dulcia in peste noxia.** 138. 142.

**E.**

**Ebrietas damnoſa.** 146.  
**Ebrietate fugata pestis.** 274.  
**Eclipses an pestem inferant.** 33.  
**Electuarium de ovo.** 215.  
 theriacale Vieri. 219.  
**Elixir pestilentielle Crollii.** 208.  
**Emplastrum Paracelsi ad bubonem.** 250.  
 Angeli Sala. 251.  
**Enula campana, vide, Helenium.**  
**Euchymi an facilius inficiantur.** 10.  
**Exanthemata pestis signa.** 17. 22.  
 eorum nomina. 95.  
 causa. 86. 95. 96.  
 ortus. 96. 251.  
 curatio. 254.  
 prognosis. 106. 110. 312.  
**Exercitia moderata.** 147. 148.  
**Exhalationes foeda an pestem inducant.** 42.  
**Extractum antidotale.** 198. 223.

**F.**

**Fomes noxia tempore pestis.** 137. 135.  
 an pestem inducat. 39. 56.  
 quamnam pestem precedat. 56.  
**Familia integra peste infecta.** 10. 11.  
**Febris an sit de essentia pestis.** 12. 13. 75. 266.  
 lenta fallax. 13. 14. 361. 364.  
 signa praecedentia. 14. 15.  
**Febris pestilens an detur sine peste.** 79.  
 quomodo differat ab aliis putridis. 78.  
79.  
 quomodo differat a peste. 79.  
 ad quam classem referenda. 80.  
 an a carbunculo. 94.  
 qua pestem comitatur vel sequitur quo-  
 modo fiat. 56.  
**Febris pestilensis causa.** 55. 73. 79.  
 curatio. 231.  
**Ficus ad bubones.** 249.  
**Florum sulphuris vires.** 207.  
**Factores cadaverum noxii.** 114.  
**Fomes quid sit.** 58.  
 quale debeat esse corpus. 58. 66.

Aaa

Fomes

*Fomes quamdiu perduret.* 28. 68. 69.  
*Foniculi præservant à peste.* 150. 151. 356.  
*exarefcentes mali.* 99. 305.  
*Fraxini mira vis.* 133.  
*Fructus ab inquinamento pestilenti corrupti.* 55. 56.  
*Fuga qualis, quibus, quando, & quorsum conveniat.* 123. 126. 128.  
*an licita sit Christianis.* 126.

G.

**G** *Allina peste infecta.* 358.  
*Gelatina nutriens & corroborans.* 183.  
*Gravida mulieres periclitantur.* 12.  
*Gutturis dolor funestus.* 98. 102. 300. 342.

H.

**H** *Æmorrhagia causa.* 83.  
*omnes fere lethales.* 98.  
*102. 431.*  
*an sint critica.* 239.  
*curatio.* 238. 239. 331.  
*Haleces noxie tempore pestis.* 141.  
*Halius moribundorum periculosissimi.* 67.  
299.  
*Helenii radices ad præservationem.* 57. 64.  
*Helleborus ad curationem.* 229. 246.  
*Hilaritate fugata pestis.* 150. 274.

I.

**I** *Acclationis corporis causa.* 20.  
*Iaspidis vires ad hæmorrhagias.* 240.  
*Iejunium in peste malum.* 137. 141.  
*Ientaculum quale debeat esse.* 137. 141.  
*Ignis corrector aeris.* 121. 131.  
*qualis, quantus, & quando fruendus.* 133.  
*Imaginationis vires in peste.* 54. 149.  
*Inanitiones noxie in peste.* 137. 140.  
*Incontinentis an pestis inducatur.* 34.  
*Indusiorum mutatio agris noxia.* 113. 125.  
285. 342.  
*Infusio bezoartica Cratonis.* 222.

*Infusio bezoartica Marthioli.* 222.

*Paracepsi. ibid.*

*Insecta pestem præsagientia.* 15. 16.  
*Inquinamentum an sit venenum.* 6.  
*Inquinamenti pestilentis processus.* 55.  
*Ira quid faciat ad pestem.* 53. 79. 275.

L.

**L** *Ac dulce an attrahat venenum aeris.* 136.  
*Lana vestes damnoſa.* 147.  
*Lapidis bezoartici vires.* 204. 317.  
*Lapis hematitis & jaspis ad hæmorrhagias.* 239.  
*Lapides pretiosi quid præsint.* 213.  
*Lassitudines damnoſa.* 147. 148. 149. 312.  
*Lingue siccitatis causa.* 83.  
*nigredo.* 21. 98.  
*remedia.* 184. 236. 238. 355.  
*Linimenta præservantia.* 177. 178.  
*Linteaminum mutatio agris noxia.* 113.  
129. 342.  
*Lumbricorum curatio.* 241.  
*Lumbrici vomitu eieci, vide, Vermes.*  
*Luna qualis magis noxia.* 12. 13.

M.

**M** *Acida pestilenses, vide, exanthemata.*  
*Magica curationes fugienda.* 109.  
*Magistratus officium in peste.* 110.  
*Magnes arsenicalis ad bubones.* 251. 252.  
*Mali citri vires antidotales.* 185.  
*Medici quales & quando eligendi.* 121.  
*Medicamentis an uti liceat.* 124.  
*Medicamenta præservativa.* 156. ad 170.  
*Mediocritas optima in victu.* 138. 143.  
*Mellis usus noxius.* 142.  
*Menstruorum fluxus periculosus.* 98. 267.  
316.  
*curatio.* 238. 267.  
*Methodus curandi nostra.* 225.  
*aliterius in audita.* 229.  
*Mercurii usus damnoſus.* 250.  
*Metus & mœstitia an pestem inducant.* 53.  
*Mens vivendi modus in peste.* 179.

*Misima-*



*Miasma* quid sint. 57. 64.  
 per quas vias exeant à corpore. 65.  
 quibus communicentur. 58. 65.  
 quo tempore operentur. 65.  
 quando non constituent fomitem.

67.

quomodo se explicent. 64. 69.  
 quo temporis intervallo extinguantur. 28. 58. 68.

*Mithridatum minus*, præservans. 158. 167.  
*Morbi* alii silent in peste. 13.  
*Moribundorum halitus* exitiosi. 67. 299.  
*Morsuli A. Sale*, pro jejuniis. 141.  
*Mortes* repentina. 74. 345.  
*Mortuus putatus* revixit. 334.  
*Moschus* noxius in peste. 214.  
*Muscarum* horribilis copia. 15.  
*Musca* pestis remedium. 150.  
*Mutatio* victus periculosa. 137. 140.  
*Myrrha* præservat. 166.

N.

**N** *Arcotica* minimè tuta. 233.  
*Narcotico* occisus. 301.  
*Narium hæmorrhagia* periculosa. 99. 102. 331.  
 an critica, & quomodo curanda. 238. 239. 331.  
*Natationes in fluminibus* periculosa. 139. 146. 325.  
*Nicotiana*, vide, *Tabacum*.  
*Nosocomiorum* pessimus ordo. 120.  
*Noxalunium* pestem exacerbat. 12. 13.  
*Nubecula* contagiosa à moribundis exiens. 67.  
*Nummi* an contagiosi fiant. 66.

O.

**O** *Dores* suævolentes noxii. 130. 134. 172. 177.  
*Odoramenta præservativa*. 171. 177.  
*Oleum antimonii* ad anthraces. 256.  
 præservans *Musiboli*. 178.  
*Lud. de Leonibus*, ibid.  
*Brafavols*, ibid.

*Oleum scorpionum*. 249.  
*vitrioli*. 209.  
*Orationes supplices summum remedium*. 108.  
*Orientalis ventus* saluberrimus. 132.

P.

**P** *Arai secretum ad alvi fluxus*. 242.  
*Pauperes* an eiciendi. 121.  
*Pestis* nomina. I.  
 definitio. 2.  
 qualis morbi genus. 3.  
 perniciës. 5.  
*Noviomagensis principium*, vigor, & finis. 8.  
 Subjecta. 9.  
 pecora inficiens. 10.  
 signa. 14. 17.  
 signa post mortem. 261.  
 diu absque signis. 18. 282.  
 causa, vide, *Causa*,  
 processus. 49. 55.  
 differentia. 24. 70.  
 prognostica. 97. 100.  
 an sit contagiosa. 59.  
 vehementia secundum tempora. 8. 70.  
 sine febre. 73. 74. 264. 266. 365.  
 omnibus morbis adiungitur. 13. 14.  
 in una sola domo orta & extincta. 18.  
 quare non omnes inficiat. 63. 71.  
 an bis invadat eundem. 291. 299.  
 cum bubone. 279. 308. 320.  
 cum hæmoptysi. 333.  
 cum anthrace. 167. 257. 314. 340.  
 349.  
 cum alvi fluxu. 269. 289. 293. 314.  
 coitu contracta. 225. 323.  
 ex insomnio. 319.  
 vidneri adiuncta. 316. 337.  
 in puerpera. 281.  
 à terrore. 286. 332.  
 à tristitia. 297. 352.  
 à contagio. 329. 345. 365.  
 citò curata. 259. 268. 296. 341. 350.  
 vino depulsa. 308.  
 tabaco fugata. 273. 294.  
 vomitorio curata. 278. 294.  
 Aaa 2      *Pestis*

*Pestis criticè soluta.* 279. 282.  
*multum remittens fallax.* 349.  
*Pestiferi quinam magis contagiosi.* 64.  
*Pestilentis & epidemii morbi differentia.* I.  
*Pestilens inquinamentum est venenum.* 47.  
*differat ab inquinamento putrido.* 63.  
*venenum an sit diversum.* 19. 102.  
*Pestiferorum extremi halitus maximè contagiosi.* 67.  
*Pestiferi ab alijs separandi.* 119.  
*Peregrini arcendi.* 110. 112.  
*Periculosa conversatio cum infectis.* 59. 115.  
119.  
*Pilula Ruffi.* 155.  
*antipestilentialia nostra.* 153.  
*Alberti, Ducis.* 155.  
*Cratonis.* 156.  
*Planeta, vide, Astra.*  
*Platearum expurgatio.* 110. 112. 118.  
*Plunilunium pestem exacerbat.* 12. 13. 97.  
101.  
*Pleuritides in peste lethales.* 98. 103. 292.  
*Porcina caro damnosa.* 141.  
*Potus agrorum.* 183.  
*Potiones agris gratae.* 186.  
*Præservativa medicamentis.* 156. ad 170.  
*Preces optimum præservativum.* 108.  
*Prophylaxis theologica.* 107.  
*politica.* 110.  
*diætetica.* 129. ad 149.  
*chirurgica.* 150.  
*pharmaceutica.* 153. 157.  
*Pulsus qualitas dei signa.* 14. 16. 21. 97. 101.  
*intermittens lethalis.* 97. 101.  
*Pulticula nostra ad carbunculos.* 253.  
*Pulveres antidotales varii.* 210.  
*Pulvis serpentum ad pestem.* 211.  
*Pulvis pyris aerem corrigi.* 135.  
*Purgantia ad prævationem.* 153. 155.  
*in curati ne damnosa.* 154. 155.  
191. 193. 194. 269. 275.  
289. 317. 362.  
*quo tempore danda.* 191.

Q

**Q** *Vies animi & corporis convenit in pe-*  
*re.* 147. 149.

R.

**R** *Anarum vires ad bubonem.* 248.  
*Raucedo lethale signum.* 98. 102. 300.  
342.  
*Remedia præservativa varia.* 166. ad 170.  
*corroborantia.* 228.  
*Repletionis noxia tempore pestis.* 137. 139.  
*Respiratio pauca conducit.* 149.  
*Rotula præservativa.* 196.

S.

**S** *Accbari usus noxius.* 142.  
*Sal est efficax ad prævationem.* 170.  
*Salvia usualia ad curationem.* 196. 208.  
*Sanguinis missio, vide, Venæsectio.*  
*Sanguinea dejectio lethalis.* 98. 100. 269.  
293. 314.  
*urina lethalis.* 98. 104. 299.  
361.  
*Sapphiri vires ad anthraces.* 254.  
*Saponis factor damnosus.* 110. 112.  
*Scarificationum usus.* 190.  
*Scabiosa vires ad bubones.* 249.  
*Secreta quorundam iridenda.* 162.  
*Secretum Magiri de busone.* 225.  
*Segetes corrupti à pestilenti veneno.* 56.  
*Senes à peste maximè immunes.* 10. 11.  
*Serpentum pulvis usus.* 211.  
*Signa pestem præcedentia.* 14. 15.  
*concomitantia.* 17.  
*pleraque incerta.* 17.  
*ex pulsu.* 21.  
*ex alvi excretis.* 17. 21.  
*ex urinis. ibid.*  
*ex maculis.* 17. 22.  
*post mortem prodeuntia.* 261.  
*prognostica.* 97.  
*Sinarum regnum pestis experts.* 32.  
*Sitis noxia sanis & agris.* 137. 139. 183.  
*remedia.* 183. 184.  
*Singulus causa.* 83.  
*lethale signum.* 98. 103.  
*remedia.* 235.  
*Sobrietas qualis conveniat.* 137. 139.

*Sum.*

# INDEX R E R V M.

*Somnium pestem inferens.* 319.  
*Somnus moderatus bonus.* 147.  
*meridianus quibus conducatur.* 148.  
*sub dio & supra fœnum noxius.* 147.  
148.  
*ante sudores noxius.* 182.  
*Sonitus mortem præfagiens.* 314.  
*Soporis causa.* 83.  
*periculum.* 98. 101. 103.  
*remedia.* 234.  
*Spiriculum diabolicorum visiones.* 262. 288.  
*Sporadici morbi.* 3.  
*Sputi cruenti causa.* 83.  
*Sputum cruentum lethale signum.* 98.  
*incurabile.* 238. 240.  
*Sternutationes crebra lethales.* 98. 101. 274.  
*Snaveolentia damnoſa.* 130. 134.  
*Succini vires in suffumigis.* 134.  
*Sudare an conveniat ad præſervationem.* 171.  
*Sudores in curatione quando, quomodo, &*  
*quoties promovendi.* 225. ad 229.  
*Sudoriferorum formula.* 198. ad 201.  
*Suffumigis varia.* 130. 134.  
*Sulphuris vires in peste.* 135. 207.  
*Supellex contagii fomes.* 112.  
*Supelleciliolum venditio prohibenda.* 110.  
116.  
*Suppedanea varia.* 232. 233.  
*Symptomatum pestis causa.* 82.  
*diversitatis causa.* 19. 82. 83.  
*Syncopes remedia.* 235. 237.

## T.

**T** *Abella præſervantes.* 159. 169.  
*Tabaci vires in peste.* 157. 162. 163.  
169.  
*Tabaco fugata pestis.* 273. 294.  
*Temperantia præſervat.* 137. 139.  
*Tempeſtates an pestem inducant.* 44.  
*Terror, triſtitia, & timor, damnoſa.* 24. 53.  
149. 150. 286.  
*Theriacæ vires, laudes, & vituperia.* 169.  
214.  
*Theriacæ Maſthioli.* 217.  
*Monacii.* 216.

*Ti deior quid ſit.* 46.  
*Topica ad carbunculos.* 253. 255. 256.  
*Trochiſci de viperis.* 211.  
*Tumores cito increſcentes & molles mali.* 99.  
104. 276. 341.

## V.

**V** *Enaſectio damnoſa.* 150. 151. 154.  
187. 260. 272. 277. 284. 306.  
324.  
*Venenam peſtilens an ſit diverſam.* 19. 102.  
*per menſes in corpore latens.* 66.  
325.  
*Veneri vis an coctione in aqua extinguitur.*  
143.  
*Venero translata peſtis in alium.* 264.  
*Venus noxia in peſte.* 12. 97. 147. 264. 323.  
*Veneris nimia abſtinentia noxia.* 149.  
*Venti qui ſalubres ſint.* 132.  
*Vermes peſtilentes vomitu ejectionis.* 233. 306.  
323.  
*Veficatoriorum uſus.* 187. 190.  
*Veſtes contagii fomes.* 58. 67.  
*Veſtes quæ bonæ, quæ noxiæ.* 147.  
*Vefpillones quare magis immunes à peſte.*  
340.  
*Vefpillonum nequitia.* 118. 123.  
*Via publice mundanda.* 110. 112. 118.  
*Viciuſ ſubita mutatio periculofa.* 137. 140.  
*liberalior conveniens, tenuis noxiuſ.*  
184.  
*Viciuſ ratio præſervans.* 179.  
*Vigilia nimie noxiæ.* 148.  
*in agris non nocent.* 138.  
*Vinum valet ad præſervationem.* 134. 145.  
*quale nocent.* 138. 327.  
*aloeticum præſervans.* 154.  
*abſturbite præſervans.* 158. 165.  
166.  
*Vini abſturbitis damna.* 166.  
*modicus uſus convenit.* 145.  
*potus an agris ſit tutus.* 186.  
*ſpiritus quibus conducatur.* 138.  
*Vino depulſa peſtis.* 134. 308.  
*Virium proſtratio periculofa.* 97.

Virium

## I N D E X

*Virium robur usque ad mortem.* 328.  
*prostrationis remedia.* 235. 237.

*Vires conservanda.* **228.**

*Visu an pestis contrahatur.* **149.**

*Vitrioli olei vires.* [209.](#)

*Unicornu incertitudo* & vires. 205.

*Unguentum praeservans Liddelii.* 177.

*Magiri. ibid.*

*Vomitus causa.* 83. 271.

periculosus. 98.

an convenient in curatione. 236.

R E R V M.

**Vomitus remedia.** [235](#). [237](#).

*Vomitoria maxime noxia.* 191. 195. 264.

357.

*feliciter data.* 278. 294.

*Vrina incerta signa.* 17. 21. 98. 103.

gaenam periculosa. 98.104.299.327.

361.

potus damnosus. 165.

ex urina experimentum. **104.**

*Vulneri adjuncta pestis.* 316. 337.

E R R A T A.

Pag. 29. col. I. lin. 26. cum, lege, non.

Item. p. 65. col. 1. l. 16. aqua, l. aliqua.

l. venarum. p. **III**. l. 15. l. nundinas.

p. 48. col. i. l. 32. pestis, l. pe-

p. 96. col. 1. l. 39. venenum,

Si fortè, præter hæc, alia pauca irreperierint errata, illa æquus Lector  
vel ferat, vel auferat.







